



FL 33

BREVIARIUM ASCETICVM

Quotidianis per Annum
MEDITATIONIBVS ET LECTIONIBVS PIIS,
de
DEO, ET PERFECTIONIBVS DIVINIS
CHRISTI, ac DEIPARÆ V. Viræ & Excellentia
STVDIOQVE PERFECTIONIS CHRISTIANÆ
In Vsum & Commodum cuiusvis Status Personarum
præsertim SPIRITV ALIUM,
instructum

à Rendo P. IOANNE DREWS SOC: IESV
S. Theol: Doct: Pruteno-Varmienfi,

Adjuncti sunt Indices copiosi tum rerum, tum Concionum,
Facile parabilium, vel paratarum, in Triennium:
Cum brevi Methodo Amplificandi breviores Textus
S. Scripturæ & SS. Patrum,

PARS I. HYEMALIS.

Continens Meditationes & Lectiones à Dom: I. Ad-
vent: ad Dom: Quinquages.



Bransbergæ Typis Collegij Soc: IESV.

Anno Saculari M. DCC.

Ex. Canaburgium. M. C.

Exemplum Mendi. Argentor. ad Cyano. 1711.



Cogitatio Iustorum apud Altissimum: ideo accipient
regnum decoris & Diadema speciei de manu Do-
mini. *Sap: 3. 16.*

Quicumq; esse DEI fidelis servus & prudens desides-
rat: Salvatoris gesta, & præcipue ejus Passionem,
guminare non negligat. *S. Laurentius Justin: de discipl: mon: c. 8*

Omnis die dic **MARIÆ** mea Laudes anima,
Contemplare, & mirare ejus Cellitudinem,

S. Casim: in Hymno suo.







wh
op
T
ill
da
pe
fec

M
pr
T
ex
ri
sen
sta
ad
qu
cir
be
ri
la
lu

cu
den
jun
eff
in
pra

AD LECTOREM HAGIOPHILUM.

Non ignoro: quàm multæ, quàmq̃ Variæ, & egregiè conducentes ad fovendam promovendamq̃ Pietatem, ac Perfectionem Christianâ Religiosamq̃, editæ jam sint Meditandi Praxes. At cùm nullam repererim concinnatam ea methodo, qualis hic representatur; & non una ratio, experientiaq̃ mihi persuaserint; non ingratam inutilemve futuram opellam meam: ausus sum, concinnare & offerre Pietati tuæ præsens QUOTIDIANARUM MEDITATIONUM BREVIARIUM. Appellavi illud ASCETICVM: non quòd Eremiticis aut Religiosis tantum sit accommodatum; sed quia contemplandas proponit altissimas DEI, JESV, & MARIE perfectiones. Non enim ASCETA tantum est, qui in solitudine vel claustro, sed in quovis statu, Divinorum meditationi deditus est.

Finis hujusmodi Meditationis est: concipere majore DEI O. M. & Filij, Matrisve ejus æstimationem atq̃ amorem, urgere verò proprium in virtutibus profectum. In quem finem Meditationibus adjunxi LECTIONES PRATICAS, & subjunxi particularia quadam PROPOSITA, non eo solum die executioni mandanti, sed etiam in futurum, ubi opportunum fuerit. Interim nihil vetat; quominus alia concipi possint, prout quisq̃ inter meditandum senserit altiore motu sese impelli. Porro Proposita hujusmodi non obiter & rapim statuenda sunt: sed cum magna animi recollectione, & voluntariis applicatione ad executionem: cum in ipsis potissimus consistat fructus Meditationis; & si quid non rite inter meditandum actum est, compensari potest per diligentiam circa statuendum Propositum. Meditantium enim intentio & labor dirigi debet non solum ad cognoscendam Veritatem, virtutum pulchritudinem & vitiis fœditatem; aut ut animus pascatur objectis Divinis, cœlestibusq̃ consolationibus: sed ad concipiendos pios affectus erga DEVM & impellendam voluntatem, ad peccata serio fugienda, virtutes autem comparandas.

Ad hoc intentum, simulq̃ ad Meditationem sine tadio, imò suavissimo cum gustu absolvendam, non video, quid magis conducatur: quàm attenta Consideratio Divinarum Perfectionum, & vitæ Salvatoris nostri, ac V. Matris ejus. In ipsis enim clarissimè relucet & summa virtutum omnium decora, & efficacissima ad illarum serium æquè ac constans studium Motiva: nec aliud in tota intelligibilium universitate suppetit æquè dignum jucundumq̃ objectum, præferim amanti, ac DEVS, JESVS & MARIA.

Ut autem in ingressu Meditationis mens facilius abstrahatur ab alijs objectis & negotijs, atq; firmiter applicetur materiae propositae: plurimum conducet ex praescripto S. P. N. Ignatii, ante omnia statuere se in praesentia & conspectu DEI (idem de Christo & V. DEIPARA) ejusq; Majestatem infinitam profunda venerari adoratione, atq; humiliter petere lumen & gratiam voluntatis motricem ad fructuosè considerandam ejus Bonitatem, vel sapientiam, Omnipotentiam &c. prout fert Materia Meditationis.

Quanta sit Necessitas atq; Utilitas Quotidianae Recollectionis & Meditationis: patebit ex Fer. 2. & 3. post Dom. 1. Adventus. Illud hic tacitus non praeteriero, quod doctissimus & religiosissimus Card: Cajetanus scripsit in 2. 2. q. 82. a. 3. Religiosum, qui saltem semel in die diligenter Meditationi non vacat, nec dici nec esse posse Religiosum: eò quòd, sicut effectus sine causa, & finis absq; medio, & portus absq; navigatione haberi nequit: ita Perfectio Christiana ad quam Religiosus coniti debet, absq; Oratione mentali obtineri nequeat. Idem eadem, imò potiore ex causa, applicat Sacerdotibus omnibus Illustrissimus Ludovicus Abelly Episc: Ruthenensis in suo Sacerdote Christiano p. 2. c. 4. Testatus est id ipsum altiore & sanctiore suffragio Pius V. Pontif. Max. palam professus: sine orandi & meditandi studio neq; Pontificatus, neq; privatae animae rationes sibi consistere: ideoq; quam orandi meditandiq; opportunitatem sibi negabant diurnae orbis universi cura, nocturnae quieti decerpebat. S. Celestinus Pontificatu Summo abdicare se maluit, quam solita Divinorum contemplatione, ob molem negotiorum privari.

Non ambigo proinde, LECTOR HAGIOPHILE, te, pro insigni, quo teneris, pietatis & perfectionis studio, gratiosum oculum Ascetico huic meo Brevariario concessurum, praesertim ubi adverteris: ipsum ita esse concinnatum aLENda privatae pietati, ut etiam publica solide doctrina usui esse possit. Uttere, Vale, & aeternum Vire DEO, JESU & MARIAE.

PROTESTATIO AUTHORIS.

Parendo cum omni reverentia Decreto Urbani VIII, ejusq; confirmationi & declarationi, profiteor: me, haud alio sensu, quidquid in hoc libro de Viris virtute illustribus, quod cadit supra mores & opinionem illorum refero, accipere, aut accipi ab ullo velle, quàm quo ea solent, quae humana duntaxat auctoritate nituntur; ijs tantummodo exceptis, quos Ecclesia Catholica Romana Sanctorum, Beatorum, aut Martyrum Catalogo adscripsit.

JOANNES DREWS S. J.

Ad Perillistrem ac Reverendissimum Dominum D.
GEORGIVM A LVDINGHAVS
WOLFF.

Decanum inclytæ Cathedralis Ecclesiæ Varmienfis &c.

Celebratur Equitis Poloni, regij ad Henricū Casarē Legati, factum dictumq;: quod Instrato opulento Casaris thesauro, eidem, detractum sibi, pretiosum annulum iniecerit cum hac gnoma: Aurum addamus auro. Alluisse videtur ad Evangelicum illud; Habenti dabitur, & abundabit. Numquid & Breviarium Breviario adjicere licebit, Asceticum Ecclesiastico: ut habentes abundant? Diversi, non dubito, erunt diversorum sensus: nec deerit, qui putet: onus adjici oneri. At ego Asceticum meum Mentalis Orationis Breviarium securus in sinu tuo depono. **PERILLVSTRIS ac REVERENDISSIME DOMINE.** Scio, cui credidi: & certus sum, quia non solum potens es, sed etiam volens, depositū meū servare, & inter chariora reponere. Scio, quā probe noveris, separare pretiosum à vili, & discernere, non solum judicio intellectus, sed etiam adhesionē affectus, inter Officia humana & Divina; inter politioris Literatura, & celestis sapientiæ cimelia. Illi aliquid studij concedis; isti Te eradis: illum auri loco habes! istā aestimās, & amas super aurum & topazion. Hinc fit: ut Ecclesiastico Canoniarum Horarum Breviario, seu Divinorum oraculorum & Laudum thesauro, non tantum non graveris: verum exultet Spiritus tuus in DEO salutaris tuo; dum pari suavitate

dato & pietate Cathedralis insonat Psalmodia, tuo animam
ra spiritu & assidua praesentia. Experiris, quod S. Chry-
ostomus scripsit in Psal. 41. Nihil animam æquè erigit,
& alatam quodammodo efficit, & à terra liberat, & ex-
olvit à vinculis corporis, & amore sapientiæ afficit; & ut
res omnes ad hanc vitam pertinentes irrideat, perficit: ac
Versus modulatus, & Divinum Canticum numero com-
positum. Qui sic affectus est erga Orationem Vocalem:
quomodo potest ei vitescere, vel ingratum accidere studium
Orationis Mentalis, quæ non sonoro articulatoque pulmenum
spiritu, sed tacita admirabiliq; mentis & cordis harmonia
conficitur? Illa non contentus Apostolus, isti liberalius in-
dulgere solebat. Nam si orem lingua, inquit 1 Cor. 14. Spi-
ritus meus orat; id est, ut explicant S. Basilus & Theoph.
vitali respiratione externas precatorias voces formo: Mens
autem mea sine fructu est: nisi interior attentio & Medi-
tatio accedat. Quid ergo est? pergit Apostolus: Quomodo
mihi fructuosam, DEO gratissimam conficiam Orationem?
Orabo spiritu, vocaliter (Spiritus enim hic pro sermone vo-
cali sumi, notat Primasius apud Cornel: ibid.) Orabo &
mente, meditando. Psallam spiritu, psallam & mente.
Atque sic velut duplici chore, humano & Angelico, laudabo
Dominum, placebo DEO: jam cum hominibus devotas
ore fundendo preces; jam cum Angelis, ex altissima Divi-
norum contemplatione in tacitos, sed ignitos, & maxime
sonoros apud DEUM, erumpendo affectus. In usum igitur
faciliorem, & fructuosorem Mentalis hujus Oratio-
nis, quam Asceta Meditationem vocant, cum, quæ potius
accidit

accuratione, meum hoc concinnaverim Breviarium; non
dubio, PERILLVSTRIS ac REVERENDISSIME DO
MINE, eâ, qua Spiritualia complecti soles, facilitate &
humanitate excipiendum. Habes hic pretiosissimos & vari-
fimosq; Amores tuos, DEVM, JESVM, & MARI-
AM, diligentium omnium, praesertim Ecclesiasticorum, consi-
derationi, & amori cultuiq; ferventiori propositos. Quan-
tum illorum gratiâ egeris, & agas: quàm herosco pede calcâ-
ris honores saeculi, quàm parcâ manu admiseris, quàm largâ
dimiseris, Dignitates Ecclesiasticas; quàm scitè quoridia-
nam vivendi methodum institueris in morem Pralatorû,
quorum virtus meruit apotheosin; dicerem prolixius,
nisi prohibuisses panegyrim: & ni mea, quam acceptis
beneficijs debeo, imperaret Gratitude, ne Mo-
destiam tuam aspergam purpurisâ verecundia. Pa-
reo utriq;: vel hoc solo devinctissimus nutui Tuos quod
fronti Breviarij mei Magnum & Reverendissimum
tuum concesseris Nomen: ut auderet prodire in lucem.
Magnum tenuis opella reculi pretium; quod intellexerim,
eam Tibi probari. Magnum porro, velut Aurum auro,
adjicies aurarium: si idem, quod à Casare Legatus ille,
reculero à Te, Germano corde prolatum; HAB DANCK.
Ita optat

Perillustris ac Rndmæ Dominationis Vestrae

Servus obsequentiſſimus

Joannes Druws S. J.

APPRO

APPROBATIO

Perillustreis ac Reverendissimi D. Vicarij in Spiritualibus, et Officialis Varmiensis.

Librum cui Titulus **BREVIARIUM ASCETICVM** operâ & studio **A. R. P. IOANNIS DREWS** Soc: IESV. S. T. D. ad solatium simul et utilem timorem Christi fidelium, pro excitando quotidie in animis eorum multiplici virtutum profectu, fugâq; vitiorû, pulcherrimâ methodo concinnatum, Dignû censeo, qui publicam lucem videat. In quorum fidem &c. Dabantur ad Ecclesiam Cathedralē Varmiensem. Die 16 Ianuarij. Anno Domini 1699.

JOANNES GEORGIUS KUNIGR
J. V. D. Cantor, Vicarius in spiritualibus, & Officialis
Varmiensis, Plocensis, Pulco-
viensis Canonicus mppa

FACULTAS R. P. PROVINCIALIS.

Cùm Librû, cui titulus: **BREVIARIUM ASCETICVM** &c. à **P. IOANNE DREWS** Societatis nostræ Sacerdote conscriptum, aliquot ejusdem Societatis Theologi recognoverint, & in lucem edi posse probaverint; potestate nobis ad Adm. R. P. N. **THYRSO GONZALEZ**, Præposito Generali, ad id tradita, Facultatem concedimus; ut Typis mandetur. Cujus rei gratiâ has Literas manu nostrâ subscriptas, sigilloq; nostro munitas dedimus. **Brunsbërgæ 20. Aprilis. 1699**

IACOBVS HLADOWICKI
Præpositus per Provinciam Litvanam Societatis IESV
mppa

DOMINICA I. ADVENTVS.

De Existencia DEI CHRISTI & DEIPARÆ V.



Considera: I. re vera & infallibiliter **DEUM** esse. Id est; existē-
re unum quoddam Primum ac Universalissimum rerum ac
temporum omnium principium: à quo omnia, ipsum a nemine;
sine quo nihil, ipsum omnia; quo indigent omnia; ipsum nullo, ita: ut a se
ipso sis; & se solo beatissime sit, cætera arbitrio suo producens, confer-
rans, gubernans. Hoc est, quod significamus, & colimus Christiani, dum
DEUM dicimus & colimus. Tale principium re vera existere; clamant cœ-
lum, terra; & omnia, quæ in ipsis sunt: *Ipsæ fecit nos & non ipsi nos.* Psalm. 99.
Celi evarrant gloriam ejus. Psalm. 18. *Super nos ipsos signatum est Lumen*
vultus ejus. Psalm. 4. ut ignorari non possit. **O DEUS! O Magnum Prin-**
cipium! O si te homines plenè nossent: Tu mihi deinceps primum in in-
tellectu, summum in amore eris.

Considera: II. re vera ac infallibiliter **Filium DEI** vivi, **DEUM**
de Deo, Deum verum de Deo vero, **Patri** cœvum & consub-
stantialem, factum esse hominem: non conversione Divinitatis in carnem,
sed assumptione humanitatis in Deum ita. ut absque omni confusione sub-
stantiarum seu Naturarum, Divinæ & humanæ, in unam coaluerint Perso-
nam, Deus & homo: adeoq; verissime ac propriissime detur una Perso-
na, quæ est Deus-homo, vocaturq; **JESUS CHRISTUS**, Salvator ac
Redemptor generis humani. Huic testimonium perhibent, non solum
Propheta omnes, Apostoli, Martyres & innumerabiles Confessores; sed
Pater ipse cœlestis. Matth. 3. & 17. Credo, mi **JESU**, quantumvis non
satis capio, credo te verissimum **DEUM** & hominem, Salvatorem & Re-
demptorem meum. Tibi Laus & gloria, honor & amor summus in sæcula;

Considera, III. re verà certissime existere **DEI Matrem**, Virginē
de regia stirpe David, **MARIAM** nomine, moribus sanctissimā, spe-
cie pulcherrimā; dotibus omnibus naturalibus & supernaturalibus instru-
ctā liberaliū, quā omnes Creaturæ simul sumptæ; de qua, salvā Virgi-
nitate, solius Spiritus S. virtute, natus est **JESUS**, qui vocatur Christus:
quæ jam summa potestate regnat, in cælis & in terris, Domina, Regina ac
Patrona principalis generis humani. **O MARIA, credo te verissimam**

DEI

DOM. I. ADVENT.

DEI mei Matrem, veneror potentissimam mundi Dominam, amo gratiosissimè peccatorum Patronam. Non excedes mihi unquam è mente, non elaberis è corde. Omni die die **MARIÆ** mea Laudes anima.

Propone deniquè, v. g. crebrius & vivaciùs elicere Actus Fidei de existentia DEI, J. & M.

LECTIO PRACTICA.

Quàm Necessarium sit & Utile exercitium Fidei Divinæ:

Fides Divina, est supernaturale donum **DEI**, ac lumen, quo illustrati assenti-mur indubitanter & firmissimè mysterijs à **DEO** revelatis, propter summam & infallibilem autoritatem, seu Veritatem, ejus. Inter Virtutes Theologicas, imò omnes, ponitur primo loco: quia est primum Lumen supernaturale animæ, *Ostium vitæ, & Fundamentum salutis æternæ.* ut loquitur S. Chrysostomus super Symbol. *Sine Fide impossibile est placere DEO,* inquit Apostolus Heb. 11. *Credere enim oportet accedentem ad DEUM, quia EST, & inquirentibus se Remunerator sit.* Et Christus Joan. 3. *Qui non credit, jam judicatus est; quia non credit in nomine Unigeniti Filij DEI. Qui credit in Filium, habet vitam æternam: qui autem incredulus est, non videbit vitam, sed ira DEI manet super eum.* Nec gentibus solam idololatriis summè necessariam esse Fidem, sed justis etiam; docet Apostolus Hebr. 10. dicens: *Iustus autem meus ex Fide vivit.* Per hanc enim & vivit **DEO** & proficit in solidis virtutibus, & consummatur in gloria. *Quod si subtraxerit se per incredulitatem, diffidentiam, pusillanimitatem, non placebit animæ meæ.*

Præstantiam Fidei divinæ commendat idem Apostolus ibidem, tum ex eo, quod sit Sperandarum Substantia rerum & Argumentum non apparentium, seu absconditorum mysteriorum manifestatio: tum ex præstantissimis Fructibus, quos ex Fide protulerunt, & perceperunt Patriarchæ ab initio ipso Mundi: prout ampla inductione probat; & post plura subjungit: Et quid adhuc dicam? Desicce enim me tempus enarrantem de Gedeon, Barac, Samson, Jephre, David, Samuel, & Prophetis; qui per Fidem vicerunt regna, operati sunt justitiam, adepti sunt repromissiones, obtraverunt ora leonum, extinxerunt imperum ignis, effugerunt aciem gladij, convalescerunt de infirmitate, fortes facti sunt in bello, castra verterunt exterorum &c. Nimirum quia fide firma & viva Patriarchæ, Prophetæ, alijsq; justis, crediderunt in **DEUM** vivum, verum, Opt: Max: vitam moresq; suos ad normam voluntatis ipsius composuerunt; ipsi placere animum studuerunt; & in rebus difficillimis firmam in ipsius adjutorio spem concipientes, operati sunt magna & mirabilia. Fides enim generat fiduciã in infinita Bonitate **DEI**, in omnisca Providentia, & invincibili Omnipotentia ejus. **DEUS** autem nunquam deest confidentibus in se. *Non est confusio confidentibus in se.* Dan. 3. 40. Unde & SS. Patres mirificè extollunt virtutem & excellentiam Fidei. S. Chrysostomus

Hom.

DOM. I. ADVENT:

Hom. 31. in Joann. Matrem eam appellat omnium bonorum, salutisq; animarum nostrarum medicamentum. S. Prosper *lib. 1. de vocat. genit. c. 8.* Bonæ voluntatis, sanctorumq; operationum Genitricem. S. Cyrillus *Catech. 5.* animæ Oculum, cujus munus est illuminare, ac deducere conscientiam, & illustrare intelligentiam. S. Bernardus *serm. 3. in Vig. Nativ.* inter divinæ Omnipotentiae miracula numerat: quod Fidem divinam cum intellectu humano conjunxerit. Cum enim ille consueverit à lumine suo naturali duci, & à suis ratiocinationibus: DEUS illum per supernaturale lumen suum elevat; ut certissime credat plurima, quæ suis ratiocinationibus assequi non potest, imò adversari videntur: ut merito Apostolus *Ephes. 2. 8.* Fidem appellarit *Donum DEI*, scilicet per Excellentiam.

Fructus Fidei præter jam enumeratos ex *Hebr. 11.* enumerat in lege Gratiæ præstantissimos S. Augustinus *lib. de Utilitate credendi. c. 7.* dum advertit, Fidem Christianam mutasse hominum mores inolitos, in sex rebus adeò præclaris, ut naturales vires omnino excedant. 1. Fides in maxima mundi parte extirpavit idololatriam induxitq; Unius DEI adorationem. 2. Nimiam corporis curam ad tenuissimum victum, & quotidiana, imò complurium dierum, jejunia reduxit. 3. Effrenes carnis voluptates non solum intra statum conjugalem duorum coercuit; sed in plurimis perpetua Virginitate proscripsit. 4. Tanta fortitudine armavit imbelles: ut sævissimis tormentis & tyrannis fuerint, & sint, longè fortiores, eosq; triumphant per Patientiam. 5. Induxit Liberalitatem adeò magnificam & profusam: ut ei integra patrimonia non sufficiant, & summa Paupertas in summo sit pretio. 6. Mentes humanas eò elevavit: ut speciosissima, splendidissima & pretiosissima mundi arbitrentur, & aspernentur, ut stercorea. Omnes deniq; hominum status eadem Fides reformavit, & cælestis divinæq; Sapientiae instituit disciplinā: ut notavit idem Augustinus *Serm. 10. de Verb. Apost.* Hæc, ait, peccatores sanat, ignorantes illuminat, curat ægrotos, docet fideles, pœnitescentes reparat, justos reddit ferventiores, coronat Martyres, conservat Virgines, conjugatos castificat, reformat Ecclesiasticos, Sacerdotes consecrat, præparat regna cælestia, æternamq; hæreditatem in Angelorum societate communicat. Per hanc Reges feliciter regnant, Legislatores sanctas condunt leges, justè Judices judicant &c. Verbo: Mundus immundus, totus olim in maligno positus, jam miratur se justum, piū, sanctum virtute Fidei Christianæ; idq; non solum in Europa cultiore, sed in media barbarie: numeratq; non solum in Eremitarum asceterijs, & Religioforum claustris, sed in ipsa civium turba & principum aulis Sanctorum millia millium. Imò portento simile est: quod non omnes, qui credunt Evangelio, sint moribus supbares Angelis DEI. Portentum autem portentorum

DOM: I. ADVENT:

Maximum est: quod inter homines, qui credunt DEUM esse, sic mundum dilexisse, tanta bona diligentibus se, tanta mala offendentibus præparasse, adhuc reperiatur vel unus, qui præsumat graviter offendere DEUM! Sit vel unus, qui non ardeat æterno & Seraphico amore DEI!

Tanta igitur cum sit Necessitas, Præstantia, & Utilitas Fidei Divinæ: cum vel unicus Articulus, de Existentia infallibili DEI, JESU & MARIE, sufficientissimus sit ad componendos formandosq; hominum mores, juxta veræ Sanctitatis leges; juvat Exercitio Actuum Fidei magis intentos esse. 1. Assuetudine, ut, dum dicimus, *Credo*; non obiter id pronunciemus; sed cum reflexione ad proprium Fidei Divinæ Motivū, eliciamus internum assensum firmissimum, scilicet propter *Autoritatem summam*, seu *Veritatem undique infallibilem DEI*, qui revelavit id, quod nos credere dicimus. Ob cujus reflexionis defectum plurimæ recitationes Symboli Apostolici nullius aut exigui sunt meriti. 2. Eliciendo frequentius, & cum speciali mentis applicatione vivos actus Fidei, præsertim circa eos Articulos, quibus magis nos moveri sentimus. Fieri commodè hoc potest, dum manè surgimus à somno, dum sacrificio divino interfusimus, dum Horas Canonicas vel Rosarium aut Coronam DEIPARÆ recitare aggredimur, dum Venerabilem Eucharistiam visitamus, vel in Sacro elevari cernimus, dum nos ad quietem componimus &c. Sive Symbolum totum Apostolorum recitando, sive compendio omnia colligendo, v. g. *Credo firmissimè propter infallibilissimam Autoritatem, seu Veracitatem tuam, Magne DEUS, quidquid Sancta Ecclesia tua mihi proponit credendum*: sive circa certum aliquem Articulum actum Fidei eliciendo. 3. Obfirmando subinde animum ad vivendum & moriendum in hac Fide, per Protestationem resolutam, & cum heroico desiderio, etiam sanguinem & vitam profundendi pro hac Fide. Testari hanc resolutionem possumus, dum audimus legi Martyrologium, dum caput inclinamus (quasi ipsum pro fide securi aut gladio submitteremus) dum hæreses invalescere, aut aliquid contra fidem actum, rescimus. 4. Desiderando, & petendo ferventer & frequenter: ut Fides Catholica latissimè propagetur, extirpentur hæreses, concidant idola, & divina virtute roborentur Fidei præcones apud gentiles, Saracenos, Judæos & hæreticos. Quo desiderio cum ferventiùs æstuaret Frater noster notæ Sanctitatis Alphonsus Rodriguez, revelatum est ei à DEO: ipsum tam accensa voluntate tantum promeruisse, quantum fuisset meritis omnium hominum conversione; prout refert P. Michael Julianus in ejus vita.

Benedictus sis nunc & in æternum Benignissime Pater luminum, qui me ab infantia luce veræ Fidei tuæ persuadisti: da, ut quem agnovi Dominum & DEUM meum, dignè, perpetuòq; colam, & amem super Omnia,

FERIA

FERIA II. post Dominū I. Adventi

DEI, CHRISTI, & DEIPARÆ V. ignorantia, vel neglecta consideratio, multorum malorum causa.

1. **A**dora DEUM Opt. Max: & considera: quòd sicut ejus notitia, & frequens memoria multorum bonorum est causa: ita ejus ignorantia, vel neglecta consideratio non pauciorum minorumve malorum sit origo. *Nosce enim Te, consummata justitia est; & scire justitiam & virtutem tuam, radix est immortalitatis.* Sap. 15. Econtrà ignorare DEUM, vel rarò aut obiter de illo cogitare, radix est mortis æternæ. Inde enim sequitur divini cultus neglectus, divinorum mandatorum contemptus, effusio in omne genus scelerum, idololatria, deniq; atheismus. Nam ut loquitur Apostolus Rom. 1. de mundi sapientibus, perfectiorem DEI cognitionem negligentibus; *Sicut non probaverunt, DEUM habere in notitia: tradidit illos DEUS in reprobum sensum, ut faciant ea, quæ non conveniunt, repletos omni iniquitate.* O quantum Tibi debeo, Magne Deus, quod noverim Te! Amplius, amplius illumina vultum tuum super me, ut magis magisq; cupiam nosse Te: ne per neglectam attentioem considerationem tui, similis fiam illis, qui cum cognovissent Deum, non sicut Deum glorificaverunt. Rom. 1.

2. **A**dora D. JESUM, & considera: non solum omnem, vel crassam, ipsius ignorantiam, sed etiam neglectam ejus attentioem considerationem multorum malorum esse fontem. Inde enim sequitur minor ejus, & beneficiorum ejus æstimatio: tepescit, ac tandem friget amor, evanescit timor, non consideratur doctrina, negligitur cultus, oritur ingratitude, & fœda defectio ab ipso ad principem hujus mundi, à virtute ad vitia, ab arcta via salutis ad spatiofam interitûs æterni: ut quotidiana docet experientia. Paria sunt, vel parum distant; CHRISTUM non nôsse, & obiter solum nosse. Qui rarò, aut obiter solum, cogitat de CHRISTO; pronissimum est, ut ingrueute tentatiuncula aliqua, dicat cum Petro: *Non novi hominem: nescio, quid dicis.* Averte hoc nefas à me, gratiosissime JESU. Per singulos dies ad te attentos levabo oculos: & meditatio cordis mei in conspectu tuo erit semper. Illumina, & accende.

3. **V**enerare DEIPARAM V. & considera: ipsius quoq; neglectam considerationem non pauca inducere mala. Sequitur enim minor ejus æstimatio, consequenter negligitur cultus, non exhibetur debita gratitudo, non concipitur filialis erga ipsam affectus cum fiducia in ejus patrocínio. Unde fit: ut maternam ejus non experiamur providentiam, in periculis non obtineamus opem, & sicut parvuli, matre orbati, varijs involvamus & obruamur calamitatibus. Proinde quemadmodum Isaias 6, 31, semò monuit Judæos à DEO

deficientes: *Attendite ad Abraham patrem vestrum, & ad Saram, quæ peperit vos:* ita Christiani sedulo attendamus oportet ad authores salutis nostræ DEUM, JESUM, & MARIAM. Non erunt in devoto corde, si non fuerint in attenta mente.

Proposui v. g. de seria diligentia adhibenda in meditationibus sequentibus.

LECTIO PRACTICA.

De Necessitate piarum Meditationum

Meditationem, seu attentam mentis Considerationem, omni hominum generi & statui pernecessariam esse, ut vitam statui suo accommodatam feliciter agere possint; manifesta docet ratio & experientia. Qui alios gubernant; nisi meditentur, quid, quomodo, quando, cui, imperent: nec gregibus pascendis idonei sunt. Qui parent; nisi attente considerent necessitatem & utilitatem parendi, tempus quoq; & modum: non diu parebunt, & vapulabunt multis. Agricola meditetur oportet, consideretq; diligenter tempus seminandi & metendi, quale semen huic illive agro injiciat &c; Mercator quid, & quantum, à quo, & quando emat; cui & quomodo vendat &c; Miles; quomodo pericula superet, vel declinet, hostem opprimat, cum gloria ad suos redeat &c; Paterfamilias quomodo familiam alat, rem familiarem augeat, debita non contrahat, contracta exsolvat &c. Sacerdos: quomodo vitam statui suo congruam ducat, aliorum salutem prospiciat sine jactura propriæ, cultum & honorem DEI promoveat, &c; Religiosus quomodo, & quibus vijs ad perfectionem tendat, uni DEO placere studeat &c; Omnes deniq; meditari oportet, quomodo sic transcant per bona temporalia, ut non amittant æterna.

Defectupiarum Meditationum quanta mala involverint mundum; testatur Jeremias c. 12. *Desolatione desolata est omnis terra: quia nullus est, qui recogitet corde.* Quod & de temporali civiliq; & de morali spiritualiq; desolatione rectè intelligi potest. Quod enim tanta sit proborum paucitas, tanta in animabus nostris egestas & infirmitas; tanta vitiorum ubertas & gravitas; fere unica, certè fundamentalis, causa est: quod non sit *qui recogitet corde*; quæ scilicet sibi incumbat obligatio quò ad DEUM & proximum, quomodo huic satisfecerit, vel satisfacturus sit; quæ pericula incurrerit; quomodo in viam salutis, & cum DEO in gratiam redire possit &c. Sunt equidem non pauci, imò pleriq; qui non dies solum, sed noctes insomnes impediunt meditationi: sed vel meditantur inania; ut de negotijs ad ipsos non pertinentibus, de hujus illiusve gratiæ aucupanda, de plausu referendo ex studio literarum &c. vel noxia; quomodo nimirum opes congerere, honores augere, æmulum supplantare, illatam injuriam vindicare, desideria prava explere, possint. At quomodo è vitiorum cœ-

FERIA II. post Domin: I. Advent.

no emergat, in pietate alijsq; virtutibus proficiat, vix est, *qui recogitet corde.* Sæculares relegant studium Meditandi ad Religiosorum claustra: Religiosorum non pauci meditantur potius mente quàm corde: quia cognitionem mentis non sequitur affectus, & seria voluntatis applicatio. Non viverent tam securi sæculares, si attentè considerarent illud Luc. 12. *Sinite, hac nocte animam suam repetere à se.* Et *Qua hora non putatis, Filius hominis veniet.* Non adeò insolenscerent Potentes, si recogitarent corde illud Sap. 6. *Potentes potenter tormenta patientur.* Non sic lascivirent juvenes, si attenta mente versarent illud Sap. 11. *Lætare juvenis, & ambula in vijs cordis tui, & in itinere oculorum tuorum: & scito, quod pro omnibus his adducet te DEUS in iudicium.* Non ita torperent in studio perfectionis, aut in vitia dissolverentur Religiosi: si animis infixum haberent illud Apoc. 3. *Quia tepidus es, incipiam te evomere ex ore meo.* Et Isa. 26. *In terra Sanctorum iniqua gessit; & non videbis gloriam DEI.*

S. Athanasius Orat: contra Gentes, acutè advertit: Originem omnium malorum tam culpæ, quàm pœnæ, quibus premitur genus humanum, fuisse neglectum Meditationis Divinorum in primis Parentibus nostris. *Adam enim,* inquit, *quandiu mentem habuit ad DEUM, DEI què contemplationem intentam, aversus alienus què fuit à corporeis spectaculis: nec scivit, se nudum esse; nec creaturæ aliquam inordinate appetijt. Ubi autem suasu serpentis abstiit à cogitando intelligendoquè DEO, se ipsum autem considerare cepit: quasi DEUS iniquè ipsi, propter quem creata erant omnia, negasset esum de ligno scientiæ boni & mali, scientiæq; talis communicationem: Statim in concupiscentias corporeas uterquè delapsus est; inprimis appetendo fructum vetitum, & mox sentiendo in membris suis motus pravorum: Sequè nudos esse cognoverunt.* Certè vix alia prior & originalis causa tam infelicitis & gravis lapsus Protoparentum, à DEO tot dotibus naturæ & gratiæ instructorum, deprehendi potest: quàm quòd in illo deliciarum horto, amenitate loci & creaturarum varietate capti, non nihil remiserunt de contemplatione Conditoris DEI. Si aliùs repetere velimus omnis peccati originem, videbimus, etiam Angelorum pravitatem inde promanasse. Cùm ex Contemplatione DEI Creatoris & Domini sui, in laudes ejusdem certatim effunderentur Astra illa matutina: Lucifer mente in naturalibus dotibus suis defixa, turpi correptus philantiâ, non dubitavit divinos honores invadere. A quibus longè omnino fuisset, si considerasset, quantum interjaceret chaos inter nihil suum, & inter plenitudinem infinitam Excellentiæ Divinæ. Iscariotes proditor numquid tam vili vendidisset, aut absolute vendidisset, Dominum suum; si non magis defarciendis oculis suis, quàm consideranda excellentia illius cogitasset?

Est igitur grandium, imò omnium, malorum fons, Neglectus Meditationum
piarum

piarum. Audivimus non unum dissolutorum Religiosorum, qui vocatione sua exciderunt, causam infortunii sui referentem potissimum in neglectum meditationum. Imò vir secundum cor DEI fatetur Psal. 118. *Nisi quod lex tua Meditatio mea est: tunc forsè perissem in humilitate mea: id est penitus fuisset obrutus, & perditus peccatis meis.* Quàm verò fuerit intentus studio meditandi, etiam inter decumanaregni negotia; indicat ibidem: *Prævenere oculus mei ad te dilectulo: ut meditarer eloquia tua.* Prævidens diurna negotia, somnum abrumpebat, dabatq; matutinas horas meditationi. Nobis, minùs, & levius, occupatis non suppetet horula, vel pars ejus, quæ impendatur nostræ recollectioni, & divinorum meditationi?

FERIA III.

De DEO, CHRISTO, & DEIPARA V. Meditatio maximorum bonorum est causa.

1. **A** Dora DEUM O. M. & considera: quantorum bonorum sit causa ejus vera cognitio & attenta consideratio. 1. Est fundamentum primum, quo nititur salus & vita nostra æterna. *Hec est vita æterna: ut cognoscant te solum DEUM verum,* Joan. 17. declarat Christus. 2. Est certissima regula vitæ honestæ, & homine dignæ. Non enim degenerare possumus à recti tramite, sequentes infallibile judicium, & sanctissimam voluntatem DEI. 3. Est lumen summè necessarium ad cognoscendos nos ipsos. Magnum enim quiddam nobis videmur: at comparati DEO, invenimus nos pulverem, umbram, nihil. 4. Est demonstratio finis, ad quem conditi sumus; atq; obligationis, qua obstricti sumus ad amandum & timendum Deum, eiq; quàm diligentissimè serviendum. 5. Est lenimen tribulationum omnium, quibus premimur in hac vita. 6. Est prælibatio Beatitudinis cœlestis, consistentis in clara DEI cognitione. Unde apud Jeremiam c. 9. monet DEUS ipse: *Non gloriatur sapiens in sapientia sua; & non gloriatur fortis in fortitudine sua; & non gloriatur dives in divitijs suis: sed in hoc gloriatur, qui gloriatur, scire, & nosse me, quia ego sum Dominus.* Quid ergo dies noctesq; vagaris, & raperis mens mea per devia & invia, per pulchra & fœda mundi, neglecto DEO? Ipsum apprehende, ipsi inhære; delectare in Domino: sunt cætera fraudes & sordes.

2. **A** Dora D. JESUM, & considera: eorundem bonorum causam esse piâ attentamq; de ipso meditationem. Cùm enim Joan. 17. dixisset: *Hec est vita æterna; ut cognoscant te solum Deum verum,* subjunxit: *Et quem misisti JESUM CHRISTUM.* Ipse enim non solum ut DEUS, sed etiam ut homo, est salus nostra, Legifer, Pater, Magister, Dominus, vita, gratia, gloria & beatitudo nostra. Et quid non habemus in ipso, quod optare honestè possumus? Beatus intellectus, qui in ejus fixus est consideratione, cujus externa visio beatos fecit oculos Apostolorum, cujus intuitus desiderium perpetuum est Angelorum,

FERIA III. post Domin: I Advent.

lorum, cuius aspectu sine satietate pascitur oculus Divinarum Personarum.
O jucundissimum & saluberrimum lumen oculorum meorum, sol meus,
JESU, non deberem unquam averti à Te. Parce vagabundæ animæ, & ad-
stringe tibi.

3. **V**enerare DEI param V. & considera: de ipsa quoq; attentam Me-
ditationem esse grandium bonorum causam. Ipsi accommodatur
illud Prov. 8: *Qui me invenerit, inveniet vitam, & hauriet salutem à Domi-
no.* Ipsius cognitio clarior ducit ad perfectiorem DEI & Christi cognitio-
nem, à terrenis ad cælestia transfert animum, exhibet absolutissimam san-
ctæ vivendi formam, recreat in adversis, dirigit in prosperis, & mater-
nos nobis conciliat affectus atq; amplexus. Proinde omnes mei sensus ei
personate gloriam: frequentate tam beatæ Virginis memoriam. Sicut oculi
ancillæ in manibus Domine suæ; ita oculi mei deinceps erunt ad Te, &
Gratiosissima.

Proposui ut heri: de Diligentia in meditandis Perfectionibus DEI, J. & M.
LECTIO PRACTICA.

De Utilitate piarum Meditationum.
S. Augustini oraculum est: *Intellectus cogitabundus, est principium omnium boni.*
Multi igitur sunt, & locupletes SS. Patres in extollenda Utilitate piarum
Meditationum quibus attentius consideramus Perfectiones & Mysteria di-
vina, Vitam & Excellentiam Christi D. ac Matris ejus; Imperfectiones
nostras & egestatem, Modum proficiendi in Virtutibus, extirpandi vitia,
& similia. Quædam earum commoda accipe.

1. Meditatio accurata plurimum confert ad vitanda & extirpanda vitia.
Dum enim Voluntati repræsentat scditatem illorum, implacabile odium,
quo illa datestatur DEUS, & mala quibus involvunt perduntq; hominem:
& ex alia parte Amabilitatem DEI super omnia, pulchritudinem virtutis,
amplissima præmia piorum: facile voluntas rectificatur, cautior redditur,
& ad currendam viam non solum mandatorum sed etiam consiliorum divi-
norum inardescit. Unde sollicitè orabat Dominum David Psal. 118. *Da
mihi intellectum, & servabor legem tuam, & custodiam illam in toto corde meo.*
Ad Abbatem Achillam cum quidam Frater venisset cum querela: *Cur se-
dens in cella mea patior. Acediam, frigidus & torpens ad pietatis exercitia?*
Respondit senex: *Quia necdum vidisti, per attentam Meditationem, Requi-
em, quam speramus, neque tormentum quod timeamus. Si enim ea diligenter inspec-
res, etiamsi vermis plena esset cella tua usque ad collum, tu tamen in ipsis jaceres,
permanens sine acedia, impiger ad DEI cultum.* Ruffin. l. 3. n. 107.

3. Conferat bene cepta, paritq; Constantiam in bono. Tepestimum pro-
cesum

cessu temporis, inquit S. Bernardus serm. 3. de Annunc. à fervore conversacionis nostræ: paulatim refrigescit charitas, abundat iniquitas, ut consumemur carne, qui spiritum caperamus. Huic malo præsentissimum præscribit idem remediū Lib. 1. de Confid. c. 7. ipsam scilicet Considerationem attentam, seu Meditationem, cui vult Eugenium suum, Pontificiis, id est, orbis totius euri gravatum & distractum, studiosius incumbere: ne aliquid detrimenti capiat spiritus in Religione collectus. Nunc inquit, quoniam dies mali sunt, sufficit admonitum esse: non totum te nec semper dare Actioni; sed Considerationi aliquid tui, & cordis, & temporis sequestrare. Sanctus quoq; Pater Ignatius post emissā à collectis socijs prima vota, humane inconstantie imbecillitatem verius, ut eos in suscepto instituto firmaret solidius, primam eis precandi & commentandi, seu Meditandi, studium, quo se velut quotidianā escā reficerem, persuasit: ait Orlandinus lib. 1. hist. n. 92.

3. Ordināt agenda, detegit cavenda, sustinet patiēda. Egregiē Bernardus citatus: Primum quidem, inquit, ipsum fontem suum, id est mentem, de qua oritur, purificat Consideratio. Deinde regit affectus, dirigit actus, corrigit excessus, componit mores, vitam honestat & ordinat. Postremò divinarum pariter & humanarum rerum scientiam confert. Hæc est, quæ confusa distaminat, hiantia cogit, sparsa colligit, secreta rimatur, vera vestigat, verisimilia examinat, ficta & fucata explorat. Hæc agenda præordinat, acta recogitat: ut nihil in mente resideat aut incorrectum, aut correctione egens. Hæc est, quæ in prosperis adversa præsentit, in adversis quasi non sentit. Ita Bernardus.

4. Virtutes animæ inserit, custoditq; præsertim Orationis spiritum. S. Teresa loquens de Meditatione, prout est distincta à Contemplatione Divinorum, in Itiner. Perfectæ. c. 16. inquit: Ipsa omnium virtutum comparandarum principium est, & omnium nostrorum Christianorum vita in eo sita est, ut ei, id est meditationi, nos dare incipiamus. Pulchrè S. Laurentius Justinianus. de Castit. con. c. 22. Nihil aptius DEUM possidere facit, & mentem refrenat, quam attenta Meditatio, quæ in oratione proponitur. Hæc siquidem amovet ab exterioribus, & ad se redire compellit. Hæc est disciplina mentis, spiritualis prædagogus, orationis funiculus, incipientium eruditio, & intentionis mentis provida gubernatrix. Ex ipsius assiduitate stabilitur mens, cogitationes purgantur, solitudo sapit, delectat DEUS, ingenium acuitur, castificatur sensus, illustratur ratio, loquela restringitur, & animus ad alta erigitur. Ipsa est spiritualis janua Orationis. Hæc Justinianus. Hugo de S. Victore perfectam esse posse Orationem, negat Tr. de laud. Orati. nisi eam aut præcedat, aut comitetur Meditatio. Et est hæc

hæc doctrina S. Augustini (apud Alphons. Rodericum tom. 1. Tr. 5. c. 8.) dicentis Orationem sine Meditatione tepidam esse: & quod, nisi quis se in propria miseria infirmitateq; consideranda exerceat, illudetur; & sibi convenientia petere in oratione nesciet; nec petet eo fervore, quo par est. Unde monet S. Bernardus serm. 10. de S. Andrea: *Ascendamus igitur velut duobus pedibus, Meditatione & Oratione. Meditatio siquidem docet, quid desis, Oratio, ne desis, obtinet. Illa viam ostendit, ista deducit. Meditatione denique agnoscimus imminencia nobis pericula, Oratione evadimus.* Hinc sequitur: semper Meditationi conjungendam esse Orationem: scilicet & in ipso Meditationis exordio; ut petamus à DEO lumen necessarium ad fructuosè meditandum: & in fine cujuslibet Puncti; ad exequendum id, quod faciendū cognovimus: prout in præsentibus Meditationibus passim factum seu indicatum videbis. Nec erit in hoc multum laborandum: naturaliter enim fuit Oratio, seu simplex ad DEUM recursus, ex Meditatione attentata.

§. 5. Singulares DEI favores conciliat. Qui enim, ut decet, meditatur; non solum facile à DEO impetrat necessarias gratias ad vitanda extirpandaq; vitia, & virtutes obtinendas: sed Divina Bonitas solet tandem talem animam assumere ad altissimum genus Contemplationis; ut sine prævio multo vel ullo, discursu, veluti simplici clarissimoq; intuitu feratur in DEUM præsentem, & in ejus Perfectionibus ac Mysterijs mens immota defigatur, sicut defigi solet oculus in objecta pulcherrima quadam imagine. Unde in voluntatem inexplicabilis redundat voluptas, soli, qui ea pascitur, nota. Quod est admitti animam, ut sponsam lectissimam, ad Osculum oris divini, & introduci in cellam vinariam Sponsi: ubi tota, velut ebria, charitate inardescit, & voluptate cælesti liquefit.

Ex his colligere licet 1. An rectè omittatur, vel decerpatur aliquid de Meditatione, præsertim in Religiosis Ordinibus præscripta, propter studia vel alia temporalia negotia? Jacobo Tyrio nostro, Philosophiæ studenti Romæ, Juveni eximie virtutis, factus adspectabilis S. Ignatius, acriter eum coarguit, quod langvente primo ardore, aliquid ex orandi tempore decerpisset ad studendum, ignobili furto. *Nadasi in Anno dier. Mem. 20 Martij.* De altero, suo in Logica condiscipulo Romæ, Joanne Maria Campori, egregio postea in India Orientali operario, scribit Nicol. Lancicium tom. 1. Opusc. 5. n. 55. dum disputaturus in schola, die disputationis, non quidem præscriptam Meditationem omisisset, sed certas quasdam devotiones, spontaneas & liberas, quò plus haberet temporis ad se pro disputatione parandum; allapsam illi cælitus esse vocem commententem: *Pausa, ne*

*se posse sine meo auxilio bene disputare: an non facilius, meum orando potes ob-
tinere auxilium, quàm studendo? Sic edoctus studiosior orationis deinceps fuit.
Si obtentu publicæ disputationis negligi non debet privata oratio: quanto
minus lege præscripta Meditatio!*

2. An Francisco Suarez, Magno illi Theologo, imprudenti exciderit
dictum illud: *Malle se omnium quæ scripsisset, quæve sciret, jacturam facere,
quàm unicam consuetæ in Societate orationis horam omittere.* Intellige; Ex in-
curia & desidia. Nam Magnis DEI servis valde pretiosi sunt singulares
Divini favores, quos in Oratione experiuntur: ideoq; ipsos quorumvis na-
turalium bonorum dispendio redimere, non dubitant. Si tepido alicui me-
ditatio sua vilior est studio & dotibus scientiarum sublimiorum: at Suari-
ana incomparabiliter eis pretiosior erat; quia usq; ad intimam & familiarem
cum DEO unionem, & quandam ipsius fruitionem ascendit. *Summum igitur
nostrum studium sit, in Vita JESU Christi meditari:* concludit Kempensis
lib. 1. de Imit: c. 1. Addit: cap. 3. *Taceant omnes doctores; sileant universæ
creanturæ; in mihi loquere solum, DEUS; & in Meditatione mea exardescet
ignis.*

FERIA IV.

DEI, CHRISTI, & DEI Mæris Existencia, & solatio & terrori est.

1. **A** Dora DEUM O. M. & considera: quòd Existencia ipsius certis-
sima, infallibilis & absolutè necessaria, magno solatio pariter ac
terrori sit homini. Audiunt probi: *DEUS EST;* & exultant: Quia intel-
ligunt, esse Unum summum Bonum, à quo omne Bonum, & sine quo nul-
lum bonum; esse Unam Primam omnis recti & honesti Regulam; esse uni-
versalem, unum, eumq; liberalissimum æquè ac justissimum omnis honestæ
actionis Remuneratorem; esse Unum severum oppressæ innocentiae vindic-
cem; esse Dominum, qui exigua obsequia solvit regno opulentissimo, am-
plissimo, cælesti & æterno. Audiunt improbi, *DEUS EST:* & pars dentibus
suis fremunt, pars ignavo timore tabescunt. Intelligunt enim, præsto esse
omnis inhonesti & iniqui Judicem incorruptum, cujus ut præmia, ita &
supplicia sunt æterna, non corpora tantùm, verùm & animas, easq; maxi-
mè, afficientia. At quidquid sentiant, dicant, fremant impij; *DEUS EST.*
Quicquid mentiantur Athei; *DEUS EST.* Gaudeo intimè tali Esse tuo, Ma-
gne & indefectibilis DEUS. Tibi serviam in lætitia, & exultabo cum
tremore.

2. **A** Dora D. JESUM, & considera: ipsius quoq; Existenciam & Ad-
ventum. gaudio simul & terrori esse homini. Quomodo enim non
gaudeat

gaudeat captivus, audiens: *Redemptor venit!* Quomodo non exultet damnatus ad rogam, si audiat: *Salvator venit!* Cur fugeret, & se absconderet Adam, si audiret: *DEUS venit, DEUS pacis & dilectionis, DEUS humanissimus, DEUS-Homo!* At ex alia parte quomodo non terreatur homo peccator, audiens: *Judex venit!* Judex universalis, rigidissimus, & omniscius. Pater enim *omne judicium dedit Filio.* Joan: 5. Non ducitur respectibus humanis: *Reddet unicuique secundum opera sua.* Rom: 2. Non solum iniquitates, sed etiam *justitias judicabit.* Psal. 74. Vides Anima mea quanta se produnt in Christo solatij & metus argumenta? Ita gaude, ut non dissolvaris: ita time, ut non desperes.

3. Venerare DEIpam V. & considera: in illa quidem minus apparere, quod formidemus: non enim est ipsi demandatum Justitiæ tribunal, sed Clementiæ; non sunt illi traditæ claves mortis & inferni, sed cellæ vinariæ, & gazophylacij gratiarum; tota suavitas, dulcis, gratiosa, imò gratia est: timendum tamen; ne tam gratiosæ, per continuas, nec leves offensas Filij displiceamus, & justam ejus aversionem incurramus. Tu igitur ipsa, ô Gratosissima, duplici telo feri cor meum: ut ardeam amore tui, & timeam non amari à Te.

Proposui v. g. de conjungendâ Amore & Timore DEI, J. & M.

LECTIO PRACTICA.

Quomodo DEUS & Amandus, & Timendus.

Non poterat Marcion hæresiarcha combinare Bonitatem & Misericordiam DEI, cum Justitiâ & rigore vindictæ ejusdem: consequenter Amorem DEI cum Timore. Duos ergo commentus est Deos: alterum ex sola Bonitate constatum, velut totum aureum, & merè amabilem; alterum solius vindicis Justitiæ horrore terribilem, ac merè metuendum. Acerrimus insurrexit in Marcionem Tertullianus, Libris quinque; eruditissimis vindicans DEO dotem utramque, summæ Bonitatis, & rigidæ Justitiæ; adeoque & amorem & timorem ejus commendans hominibus. Inter cætera lib. 2. n. 13. inquit: *Omne hoc Justitiæ opus, procuratio bonitatis est; quod judicando damnare, quod damnando punire. Denique Timor judicij ad bonum, non ad malum confert.* Et infra: *Horremus terribiles minas Creatoris, & vix à malo avellimur: quid si nihil minaretur? Hanc justitiam malum dices, quæ malo non favet? Hanc bonum negabis, quæ bono prospicit? Non qualem oportet, DEUM velles: qualem mallet, expedire? Sub quo delicta gauderent, cui diabolus illuderet? Illud bonum judicaves DEUM, qui hominem posset magis malum facere securitate delicti? Sic ideo DEUS bonus est, dum pro bono Omnia est. Sic denique Omnipotens: quia & juvandi & ledendi potens. Usque adeo Justitiâ etiam plenius divinitatis ipsum*

est, exhibens DEUM perfectum & Patrem & Dominum. Patrem clementiā, Dominum disciplinā; Patrem potestate blanda, Dominum severa; Patrem diligendū piē: Dominum timendum necessariē. Diligendum, quia malis misericordiam, quā sacrificium: & timendum, quia nolit peccatum: Diligendum, quia mali poenitentia peccatorum, quā mortē; & timendū, quia nolit peccatores sui jam non penitentes. Ideo Lex utrumquē definit: Diliges DEUM, & Timebis DEUM.

Ita eleganter, suo more, Tertullianus, fundatus in recta ratione & sacra pagina, quā passim & Amorem & Timorem DEI commendat tum probis tum improbis. De Amore, seu Dilectione DEI primum est, & maximū Mandatum Divinum; in ipsa pendet Lex tota & Propheta, Matt. 22. Charitas divina operis multitudinem peccatorum 1. Pet. 4. Comparat homini ineffabilia bona apud DEUM. 1. Cor. 2. Sine illa, nihil sumus. 1. Cor. 13. Timoris Domini dotes quatuordecim, ut notat Cornelius à Lap. enumerat insigni elogio Ecclesiasticus cap. 1. à v. 11. Timor Domini, inquit, gloria & gloriatio, & letitia & corona exultationis: Timor Domini delectabit cor, & dabit letitiam & gaudium, & longitudinem dierum. Timentī Dominum benedicunt in extremis; & in die disfunctionis sue benedicunt. Et v. 19. Pleniūdo sapientiæ est, timere DEUM, & pleniūdo à fructibus illius. &c. Salomon quoq; Proverb. 28. Beatum pronuntiat hominem, qui semper est pavidus.

Obstare nihilominus videtur conjunctioni Amoris & Timoris divini, quod S. Joannes in sua 1. ep. c. 5. dicit: Timor non est in Charitate: sed perfecta Charitas foras mittit timorem; quia Timor pānam habet: Sed notandum est: varios esse, etiam in probis & justis, Timores; nec de omnibus ad Charitatem comparatis eandem esse rationem. Primū Est quidam timor Mundanus, quo, etiam probi subinde timent parentes & cognatos aut patronos suos &c. ita; ut ne illos offendant, non metuant violare præcepta divina. Talem timorem expellit perfecta Charitas: & talium timidorum pars est in stagno ardente. Apoc. 21. 8. Secundū alius est Timor conscientie consternatæ, adducens anxietatem nimiam de peccatis commissis, & impellens in desperationem. Et hunc tanquam tormentum conscientie expellit perfecta charitas. Non enim, ut ait Apostolus Rom. 8. 15. Accepistis spiritum servitutis iterum in timore: sed accepistis spiritum adoptionis filiorum, in quo clamamus, Abba, Pater. Tertiū, alius est Timor pusillanimum, qui ob occurrentes in exercitio virtutum difficultates aliquas, ob cessationem alicujus commodi, aut incurfionem alicujus infamie abstinere ab operibus bonis. Et hunc timorem foras mittit Charitas perfecta, induitq; hominem ea virtute, ut nec tyrannos, nec tormenta, aut ullius rei jacturam timeat: imo libens & gaudens omnia perdat, omnia pati desideret propter Dilectum

FERIA IV. post Domin: I. Advent.

25

Am suum. *Quarid* alius est Timor Filialis, quo Iusti timent, ne per aliquam culpam suam excidant gratia divina, aut per multiplicatas leviores offensas incidant in peccatum aliquod grave, aut ne minus fiant gratiosi apud DEUM. Hunc Timorem, tantum abest, ut expellat Charitas: ut eum ipsa generet augeatq; magis, quod magis augetur ipsa: prout communiter docent Theologi cum S. Thoma 2. 2. q. 19. a. 6. Et de hoc Timore procedunt vel maximè allegata sup. encomia Timoris Domini. *Qui magis amant iustitiam, magis timent eam amittere*: ait S. August. tr. 43. in Joan: *Quinto* deniq; alius est Timor Servilis, sed moderatus, non nimis anxius vel prædominans: quo timetur rigor Judicii divini, & acerbitas suppliciorum pro peccatis irrogandorum. Etiam hunc Timorem non opponi Charitati; satis indicant Sacrae Literæ. Psal. 118. petit David: *Confige Timore tuo carnes meas; à Judicijs enim tuis timui*, Job c. 9. *Verebar*, ait, *omnia opera mea, sciens: quod non parceres delinquenti*: &c.

Non esset equidem huiusmodi Timori locus, si constaret nobis: Charitatem nostram erga DEUM omnino perfectam esse, talemq; perpetuò mansuram: at tali scientia destitutis, (nullus enim absq; speciali revelatione DEI, certò cognoscere potest, se habere charitatem vel gratiam DEI: ut docet S. Tho: 1. 2. q. 112. a. 5.) non rarò necessarius est Timor Judiciorum & suppliciorum divinatorum. Sæpe enim, urgente tentatione minus efficax est motivum Charitatis, aut spei Divinæ; horror autem inferni & ærumosissimæ æternitatis feliciter detinet labentem. Unde S. P. N. Jgnatius p. 1. Constit. c. 1. §. 26. Et Reg. Summ: 17. quàmvis omnino velit: nos servire & placere divinæ Bonitati *propter se ipsam potius, quàm ob timorem panarum vel spem premiorum*; addit tamen parenthesis: *Quàmvis hinc etiam juvari debeant*. Excitante igitur & præcinente sacro Psalte Psal: 99. *Servimus Domino in læticia*, propter diffusam in cordibus nostris per Spiritum S. charitatem: sed monente eodem Psal: 2. *Exultemus ei cum Tremore*. Amori opportunè jungatur Timor: ne lætitia pariat dissolutionem. *Apprehendite disciplinam*, monet ibidem Justos Psalmista: *ne quando irascatur Dominus, & pereatis de via iusta*. Eleganter hoc ipsum versu cecinit heroico S. Paulinus Episcopus Nolanus.

*Deservire DEO irepidi, mistoque Fideles
Exultare meum: fiat discordia concors,
Dissimiles socians affectum pectore in uno.
Ne Timor affligat mentes, vel gaudia solvant,
Si careant lætæ pavidi formidine levi.
Discite Iustitiam, rectosque capeffite mores:*

Es: Justo trepidare DEO, gaudere Benigno.

Non satis discretè agit; qui se totum lætitiæ tradit, obliviscens pristinæ inopix suæ, & casti Timoris Domini, qui timet gratiam oblatam amittere: *inquit Kemp: lib. 3. de Imi: c. 7.*

FERIA V.

DEUS est Principium totius esse: Christus Principium esse Supernaturalis:

DEIPARA VIRGO Comprincipium.

1. **A** Dora DEUM O. M. & considera ipsum, ut primum & Universale, radicale & immediatum Principium totius esse; totiusq; boni, sive existentis, sive possibilis. Ipsi omnia non solum debent existentiam: sed possibilitatem suam. Nisi enim ipsius essentia, seu Natura tantæ esset perfectionis, communicabilitatis & potentix; nihil omnino, vel minimum possibile esset. *Ex ipso & per ipsum & in ipso sunt omnia, (Rom: 11.)* tanquam in radice, fonte, & causa prima. O quanta felicitas nostra, quod sumus surculi talis radicis, rivuli talis fontis, radij talis Solis! At quanta, simul necessitas, ut inhæreamus DEO toto corde! Avulsus enim à radice ramum necesse est arescere: divisum à fonte rivum necesse est siccari: radius non pendens à sole, necesse est ut desinat in tenebras. Tibi igitur primo, summoq; Principio meo, & omnium; constantius inhærebo deinceps, toto voluntatis conatu, tota mentis unione, tota cordis implantatione. Ejuro quidquid me potest separare à te.

2. **A** Dora D. JESUM; & considera: ipsum non solum secundum Divinitatem suam esse Principium absolutè totius esse: sed etiam quatenus est Homo, esse specialiter Principium ordinis & esse Supernaturalis; quia non nisi propter ipsum & per ipsum, (sic volente DEO) elevata sumus Creaturæ rationales ad statum supernaturalem æternæ beatitudinis: nec aliunde, quàm ex meritis ipsius dantur, & data sunt, media seu Gratix ad illam obtinendam: & ad operandum supernaturaliter, necessariæ. Ipse est; *propter quem omnia, & per quem omnia, Heb. 2. Ipse est ante omnes & omnia in ipso constant, & ipse est caput corporis Ecclesie (ex quo gratiarum influxus) qui est Principium. Coloss, 1.* O Magnum Principium, quo nos lutea vasa, terræ vermiculos elevasti! Consumma, mi JESU, præsertim in me, opus, quod cepisti; Tibi æternas deferam grates in templo gloriæ tuæ.

3. **V**enerare DEIPARAM V. & considera illam: ut Comprincipium, quàmvis secundarium, concurrens per Filium & cum Filio ad ponendos nos in statu supernaturali gratiæ & gloriæ. Non enim sine ipsius assensu & concursu voluit DEUS operari salutem in medio terræ, & ex
filijs

FERIA V. post Domin. I. Advent.

Alijs ira generare Filios DEI & coheredes Christi: ut merito Bernardus term. in Nativit. B. V. de aqueductu, moneat: *Siquid in nobis est: si quid gratia; si quid salus, ab ea noverimus redundare.* Ad te igitur, o Gratiouissima, respicimus Univerſi, quos DEUS ad tam felicem sublimemq; statum elevavit. Sustine, & promove; ne excidamus.

*Proposum v. g. de Gratiudine pro communicatio tibi esse naturali
& supernaturali.*

LECTIO PRACTICA.

Fundamentum Gratiudinis DEO debetur sic Fuga offensarum ejus.

Quam digna homine, tam necessaria eidem cogitatio est: *Quid retribuā Domino pro omnibus, quae retribuit mihi?* Nam ut loquitur Christus apud Kemp. l. 3. c. 9. de Imit. *Ego totum dedi: & cum magna districtione gratiarum actiones requiro.* Dedit nobis hoc, quod nullatenus habere potuimus a nobis, vel quovis alio. Dedit non solum Existentiam actualem, sed etiam Possibilitatem. Dedit non solum esse, sed etiam posse beatè esse, beatitudine omnes naturæ facultates excedente, felicissimā, gloriosissimā, æternā. Certum autem est: nos non solum nihil æquale rependere posse; sed nec aliquid, quod alicujus sit momenti, & quod non habeamus ex munere & gratia ipsius. Ne tamen omnino ingrati vivamus; faciamus oportet, quod per gratiam ejus possumus.

Non requiro nunc arduos & pretiosos Gratiudinis actus: ut cum Tobia juniore dimidiam bonorum omnium partem offeras, & eroges DEO in pauperibus, vel Ecclesijs: aut cum Davide heroica resolutione Calicem Salutaris accipias, graves tribulationes propter DEUM sustinendo, aut cruentam mortem pro ipso oppetendo: unum peto, quod nemo, qui se hominem novit, negare potest; ne scilicet tam beneficium in nos DEUM ultro, & plena deliberatione, offendamus. Hæc omisso seu fuga peccatorum non est quidem Actus proprius Gratiudinis; est tamen veluti basis & fundamentum ejus, ita; ut sine illa nullus subsistere possit actus Gratiudinis, aut Benefactori gratus esse: imò magis exacerbat ipsum, & ingratiudinis enormitatem exaggerabit. Actus Gratiudinis sunt, *Æstimatio beneficii interna cum Contestatione externa hujus æstimationis, Gratiarum actio, Beneficii commemoratio opportuno tempore, & Repensio.* Quis verò non videt, crescere Ingratiudinem, si memor beneficii injuriam irroges benefactori; si pro bono reddas malum, pro gratiarum actione contumeliam, odium pro dilectione? Hoc autem fieri a quovis graviter peccante, testantur iteratæ gravesq; ipsius DEI querelæ. *Maiz 1. 2. Audite celi, & auribus percipe terra: quoniam Dominus locutus est. Filios enutrivit, & exaltavit: ipsi*

autem spreverunt me. Et Psal. 108. Pro eo, ut me diligere, deprehendunt mihi; & posuerunt adversam me mala pro bonis, & odium pro dilectione mea. Miratur portentosam hanc ingratitudinem Moyses Deuter. 32. Heccine reddi Domino popule stulte & insipienti? Nunquid non ipse est pater tuus, qui possedit te, & fecit, & creavit te? Parentibus, qui nos genuerunt brevi morituros, & innumeris calamitatibus exposuerunt, nihil æquale reddi posse, veteris Philosophiæ, imò Naturæ oraculum est: pro crimine non vulgari semper habitum, honorem illis debitum non deferre, ne dicam, injuriam inferre; quam enorme igitur, & intimè sensibile, facinus erit, graves offensas cumulare in DEUM, qui verior Pater noster, & creavit nos, secundum animam ad imaginem & similitudinem suam; & fecit nos secundum corpus mira sapientia, & velut manibus proprijs, elaboratum; & possedit nos, sanguine Unigeniti sui redemptos; enutrivit nos ad hanc usq; horam mira Providentiâ; & exaltavit, assumens in filios & hæredes regni sui cælestis? Josephum illum Putipharis Oeconomum Gen: 39. beneficentia DEI & heri sui, planè impeccabilem fecit: Quomodo possum hoc malum facere, & peccare in DEUM meum, mihi tam propitium in terra aliena; tamq; ingratus esse in herum meum tam beneficum in me? Leones & dracones leguntur exuisse naturam suam, & benefactoribus suis non solum nihil intulisse noxæ, verum etiam oblata in tesseram gratitudinis prædâ blanditi esse. Officia etiam fere sentiunt: nec ullum tam immanis fuerit animal est, quod non cura mitiget, & in amorem sui vertat inquit Seneca lib. 1. de Benef. c. 3. Quid hic dicent, qui nullo suum Opificem, Altoremquè DEUM prosequuntur amore! Addit S. Basilus hom. 9. in Hexam: Imò quàm habent frontem & sanæ mentis micam, qui graviter peccando, non verentur velut lanceam crudelem torquere in cor beneficentissimi Patris, DEI; simulq; Filium, ejus Salvatorem suum, teste Apostolo Heb: 10. conculeant, sanguinem testamenti, in quo sanctificati sunt, polluant, deniq; Spiritui gratie contumeliam faciunt. Nonne hæc immanis, & plus quàm bruta, ingratitudo est.

FERIA VI.

DEUS est Principium & Finis: Christus Primum & Novissimum: DEI para VIRGO Medium utilissimum ad finem ultimum.

1. **A** Dora DEUM O. M. & considera eum esse: Principium primum, & Finem ultimum rerum omnium. Ego sum Alpha & Omega Principium & Finis, dicit Dominus DEUS. Apoc. 1. 8. Principium est: a quo omnia. Finis est; ad quem; & propter quem omnia. Cunctas gentes creavit in Laodæam, & nomen & gloriam suam. Deuter 26. Univerſa propter semetipsum opera-

operatum est Dominum. Proverb. 16. Nec potest agens perfectissimum, quale est DEUS, agere, nisi propter finem ultimum perfectissimum & altissimum. Ergo & homines, & mundum totum cum omnibus, quæ in eo sunt, creavit DEUS propter semetipsum; id est: ad Laudem & gloriam suam. Insignis igitur & Injuriosa perversitas est: si homo velit vivere sibi tantum, creatis bonis uti propter sua commoda vel voluptates tantum & non referat se & sua ad Laudem & gloriam DEI. O DEUS! Principium & Finis meus Infinitus, agnosco magnitudinem obligationis meæ; ut non vivam, nisi tibi & propter te; ad promovendam Laudem & gloriam tuam in me & per me. Pœnitet aliter vixisse. O sint deinceps omnes cogitationes & actiones meæ, omnes motus & respiria mea, ipse ego totus & anima meæ, Laus honor & gloria tua!

2. **A** Dora D. JESUM, & considera: ipsum esse Primum & Novissimum. *Ego sum Alpha & Omega; primus & novissimus.* Apoc. 22. Est primus ut DEUS: quia Principium omnium. Primus quoque; ut homo? quia excellentior omnibus Creaturis, earumque; caput & Princeps Supremus. Est etiam Novissimus; quia ad ipsius honorem & gloriam tanquam veri DEI, ac Insuper Salvatoris totius rationalis Reip: referri debent ultimo omnes & omnia. *Omnia vestra sunt, vos autem Christi.* 1. Cor. 3. Insuper primus est æternitate & dignitate; novissimus humilitate, & improborum æstimatione; apud quos fuit despectus & novissimus virorum. *Isaiz. 53.* Ah! quod & apud me non raro sic novissimus fueris, Rex meus & DEUS meus, JESU, quando scilicet vilibus Creaturis te in affectu meo postposui! Deinceps tu mihi Alpha eris & Omega in omni actione. A te Principium: tibi desinet.

3. **V**enerare DEI param V. & considera eam, ut *Medium aptissimum*; quo perveniamus & hic in via, & olim in Patria, ad finem nostrum ultimum, Christum & DEUM. nihil enim apparet propinquius & conjunctius DEO: nihil habemus ad manum promptius: nil efficacius. Nota est illi imbecillitas nostra: & vult & potest juvare; quia omnia potest apud eum; qui omnia potest. Ipsa dirigente non deviamus, ipsa promovente non desicemus; ipsa auxiliante tenebimus metam votorum nostrorum; videbimus DEUM Deorum in Sion cælesti. Parce Domina, quod tam parce usus sum gratia & opera tua, in negotio Salutis meæ. Adjuva ô Potentissima, non quantum peto, sed quantum indigeo.

Proposui v. g. se ordinandum ad debitum finem per rectam intentionem actionibus nostris: ut sciamus sincere propter DEUM, seu ad M. D. G.

De recta Intentione actionibus nostris præfigenda.

Intentio est Actus voluntatis, quo actiones nostras ad certum finem ordinamus. Cum igitur DEUS O. M. sit Primum & Principale Principium, atq; Finis Ultimus rerum omnium creaturarum, omnes creaturarum rationalium motus & actiones ad ipsum ordinari, non solum convenit, sed necesse est. Arbores sumus, quarum & substantia, & folia, & fructus debentur DEO: qui & plantavit, & rigavit, & incrementum omne dedit. Fili mi, loquitur Christus apud Rem: l. 3. de Imit. c. 9. Ego debeo esse finis tuus superemus, & ultimus, si verè desideras esse beatus. Ex hac intentione purificabitur affectus tuus, sapius ad se ipsum, & ad creaturas male incurvatus. Nam si te ipsum in aliquo quæris: statim in te deficiis & arescis. Omnia ergo ad me principaliter referas: quia ego sum, qui omnia dedi. Hinc sequitur: quod si quis sibi tantum & suis vivere velit: non rectam, sed vitiosam, & creatura rationali indignam intentionem habet. Nemo enim nostrum, monet Apost: Rō. 14. sibi vivit, & nemo sibi moritur. Sive enim vivimus, Domino vivimus; sive morimur, Domino morimur. Sive ergo vivimus, sive morimur, Domini sumus. 2. Si quis spirituales tantum actiones suas, ut sunt orare, pie meditari, sacrificium DEO offerre, & similia, DEO offerat: reliquas autem obiter solum, & sine directione ad DEUM, peragat: Intentionem rectam non habet, nec satisfacit Apostolo docenti 1. Cor. 10. Sive Manducatis, sive bibitis, sive aliud quid facitis, Omnia in DEI gloriam facite. Quam sententiam non solum consilium, sed præceptum continere, docet S. Thomas 2. 2. q. 69. art. 1. Unde si quis 3. aliquid agat propter suam tantum gloriolam, ut videatur, æstimetur, laudetur, honoretur ab hominibus: vel agat tantum propter voluptatem, quantumvis honestam, quæ ex tali actione percipitur: non rectam, sed vitiosam habet Intentionem. De quærentibus suam inanem gloriam ait S. August: cap. 13. soliloq. Quicumque laudari cupit per id, quod tuum donum est, & in eo quod ait bonum, non tuam, sed suam gloriam quærit: hic fur est, & lupo, & demoni similis, qui tuam furari gloriam voluit. Aducipantes quoq; voluptatem tantum aliquam in aliqua actione, v. g. comedendo, bibendo, ludendo &c. non vacare culpâ, docet Innocentius XI. qui inter alias Propositiones a se Anno 1679. prohibitas etiam hanc n. 8. posuit: Comedere & bibere usque ad satietatem, ob solam Voluptatem, non est peccatum: modo non ob sit valetudini; quia licet potest appetitus naturalis suis actibus frui.

Omnia ergo ad DEUM aliquo modo referenda sunt: nec fruendum creaturis, ita scilicet ut sistamus in voluptate vel commoditate temporali, quam

FERIA VI. post Dominum: I Advent.

quam ex ipsis percipimus: sed utendum ipsis tanquam medijs conducentibus ad Finem nostrum. Ultimum obtinendum, v. g. Comedendum & bibendum, non solum quia sapit; dormiendum & ludendum, non solum quia placet, aut necesse est; legendum & studendum, non solum ut multa doctrina seu eruditio acquiratur: sed propter DEUM, ad maiorem DEI gloriam & gustum; seu quia DEO placet, vel DEUS ita praecepit aut ordinavit &c. Semper in huiusmodi actionibus habendus est respectus aliquis & pius affectus erga DEUM. Nam, ut notavit S. Bernardus serm. 40. in Cant. Ex bona Intentione Rectitudo operis, sicut ex facie pulchritudo corporis aestimatur. Unde S. P. N. Ignatius 3. p. Constit. c. 1. §. 26. Et Reg. 17. Summar. diligenter monet: *Omnes rectam habere Intentionem studiant, non solum circa viam suam statum; verum etiam circa res omnes particulares; id semper in eis sincere spectando, ut serviant & placeant Divinae Bonitati propter se ipsam.*

Videtur id quidem nimis operosum, aut impossibile; ut singulis actionibus praemittamus vel adjungamus piam huiusmodi Intentionem: sed frequens exercitium facit hoc negotium non solum facile, sed iucundum. Notati sunt nonnulli Viri Religiosi, atque inter hos P. Nicolaus Lancicinus S. J. eo pervenisse: ut incedendo, singulos passus explicitè offerrent DEO, breviter mente dicendo: *Propter te Domine, Propter te, Propter te.* Eremiticola quidam, apud Redriq. tom. 1. tr. 3. c. 7. ad singula, quae auspicabatur, opera, paulisper tacitus subsistebat: rogatus verò quid ageret? respondit: Opera ipsa ex se nihil valent, nisi bono fine, & intentione fiant. Proinde quemadmodum sagittator, ut scopum feriat, parumper antè subsistit, oculos colligens & in illum visu collineans: Sic ego opus meum ordinem oportet ad DEUM Finem meum. Imitandi & fabri murarii ac latomi, qui semper amissim & perpendiculum ad manum habent, & ad singulos lapides vel laterculos ipsum inspiciunt; alijs facile exerrant, & fabrica vitium accipit. Saltem ante praecipua opera & negotia colligendus, & convertendus ad DEUM animus, ordinando illa ad ipsum, ea praefertim, quae ex se circa DEUM non versantur, ut oratio, psalmodia &c. Opportunissimum est matutinum tempus, dum post somnum DEO gratias agimus, & opem poscimus. Tunc enim ei exquisita quadam formula offerendi sunt omnes totius diei, imò & vitae, animi corporisq; motus, actiones, verba, & cogitationes, instar arboris cum omnibus folijs & fructibus, specialiter negotia N. N. Oportet autem hoc facere non obiter & frigide, sed re-flexè & ardentè, ex proprio motivo Charitatis Divinae: ut ea actualis Intentio vim quandam imprimat Potentijs executivis ad exercenda ea opera, & haec deinceps fiant ex illa per totum diem. Sic enim utamur;

22
SABBATO post Domin. I. Advent.
satisfiet Apostolo monenti: ut omnia in DEI & Christi gloriam faciamus.
Dicamus DEO ante omnia opera nostra vetus illud: *A te principiam: Tibi
desinet.*

SABBATO.

DEUS est Spiritus purissimus: Christus Spiritus incarnatus: DEI pars V. Spiritus
unus cum DEO.

1. **A** Dora DEUM O. M. & considera: ipsum esse Spiritum quandam
purissimum; qui nec componitur ex aliqua materia, ut aura seu
ventus; nec naturalem aliquem ordinem dicit ad materiam; ut anima ra-
tionalis; nec capax est alicujus compositionis ex accidentibus, etiam spiri-
tualibus, ut Angeli: sed totus secretus est ab omni materia creata & crea-
bili: quantumvis subtilis & sublimis intelligatur; omnemq; excludit com-
positionem etiam ex perfectionibus aliquam olentibus Imperfectionem.
O Maxime & purissime Spiritus! qui luteo huic simulacro, corpori meo,
ad imaginem & similitudinem tuam creatum inspirasti, & jugasti Spiritum,
quomodo sit; ut tam tenaciter inhæreat, carni, ac totus sapiat carnem!
Purifica & vindica illum archetippo suo: ut, qua decet religione, odorem
te Spiritu & veritate.

2. **A** Dora D. JESUM & considera: quomodo sublimis ille purissi-
musq; Spiritus, DEUS, in Virginis utero factus est caro. Joan. 1.
per assumptionem hypostaticam naturæ humanæ. Tanto ingenio, Sapien-
tiâ & charitate operatus est hoc opus: ut & essentialis ejus summaq; puri-
tas, nihil contraheret maculæ, & purificata, consecrataq; caro hominis,
dignam DEO præberet hostiam, offerendam pro peccatis generis humani.
Est igitur Christus & Spiritus DEUS, & caro divinata, non per conver-
sionem Spiritus in carnem, sed per unionem carnis, seu humanitatis, cum
Spiritu DEO. Agnosce felicitatem tuam, o caro misera. Dictum est olim:
Non permanebis Spiritus meus in homine in æternum; quia caro est: Gen: 6. at
jam gratiosissimè mutatâ sententiâ, ipse primus, Supremusq; Spiritus
DEUS, factus est caro; ut te deificaret. Erige jam te; & noli amplius re-
spicere volutabrum luti.

3. **V**enerare DEI partem V. & considera: eam, quâvis pura esset
Creatura, Spiritum unum fuisse cum DEO; non per identitatem
vel unionem, qualis est in Christo; sed per conspirationem voluntatis &
charitatem: *Qui adheret Domino; unus Spiritus est cum ipso. Rom: 6.* Nemo,
etiam Seraphinorum; tam arctè, ut ipsa, adhæsit DEO. Quò magis enim
se DEUS communicabat ipsi, (communicavit verò super omnem modum)
eo

SABBATO post Domin: I. Adven.

eo arctius conjungebat ipsa se DEO; nec aliud spirabat; quàm DEUM. At ego, quàm longè alia spiro! quàm longè alijs adhæreo: quàm DEO! Et tamen mihi videor, amare & ritè colere DEUM.

Propositiu de colendo DEO sincera & pura mens.

LECTIO PRACTICA.

De Adoratione DEI in Spiritu & Veritate.

Cùm DEUS O. M. verissimus & purissimus sit Spiritus: non aliter supremus & gratissimus, ipsi deferri potest cultus, quàm in spiritu & Veritate. Docuit id disertè Christus Joan. 4. quando reprobata Samaritanorum falsa religione dixit: *Veri adoratores adorabunt Patrem in spiritu & veritate. Spiritus est DEUS; & eos, qui adorant eum, in spiritu & veritate oportet adorare.* Ut autem ostenderet, quam conveniens & gratus sit DEO talis cultus, addidit: *Nam & Pater sales queris, qui eum adorent;* scilicet tali modo. Tria igitur requisivit, & requirit Christus ad convenientem DEO Vero cultum. 1. Adorationem. 2. Adorationem in Spiritu. 3. Adorationem in Veritate.

Adorandus imprimis est DEUS, & quidem cultu supremo (qui *Latria* dicitur) ita; ut recognoscere ejus summam, super omnia absolutè infinitamq; Excellentiam, nos ipsos & omnia nostra ipsi subiciamus plenissimè profundissimè, & reverentissimè. Qui enim sumus nos? Quis DEUS noster? Quantum chaos firmatum est iter infinitam ejus Dignitatem, & infinitam nostram vilitatem! Dominus est dominantium, Rex regum, Dominus exercituum innumerabilium, Rex tremendæ Majestatis, habitans lucem inaccessibilem, omnia nutu gubernans. Nos naturâ filij iræ, prava voluntate servi nequam, cervicosi, rebelles, ventres pigri, canes mortui, pulvis, cinis, nihil; &, quod nihilo pejus, peccatores enormes. Quanta igitur submissione à nobis Majestatem illam adorari decet? In conspectu Regum terræ nemo venit, sive subditus, sive frater, sive filius, sive regina; quin congruo cultu adoret: & non adorabimus religiosius regnantē in cælis, à quo omnis potestas & imperium in terris?

Adorandus est *in Spiritu*: id est non externis tantum ceremonijs, & materialibus sacrificijs frugum pecorumq; ut olim in lege veteri: sed spirituali potissimum cultu actuum Fidei, Spei, Charitatis, Religionis, Laudis, Glorificationis, Submissionis, Contritionis &c. Admisit olim à rudiore, seu minus culto, mundo terrestria illa dona & subjectionis contestationes: à nobis, Divini Spiritus magisterio uberius excultis, spiritualia requirit. *Namquid manducabo carnes cautorum, aut sanguinem horrorum posabo? Imola DEO sacrificium laudis, & redde Altissimo vota tua, Psalm. 49. Holocausta*

Non delectaberis: Sacrificium DEO spiritus contribulatus. Psal. 50. Sacrificium laudis honorificabit me. Psal. 49. Sacrificate sacrificium Iustitiae, & sperate in Domino. Psal. 4. 6. Tales nimirum adoratores querit Pater, qui adorent illum in spiritu humilitatis, & animo contrito, in spiritu amoris & timoris.

Adorandus quoque est in *Veritate*: cultu scilicet vero, sincero, recto, proprio, DEOque digno. *Verus* sit cultus & *sincerus*; non compositus tantum ad speciem externam, seu vanam & pseudopoliticam ostentationem, vel Pharisaeorum hypocrisim; de quibus queritur DEUS Isa. 29. & Matt. 15. *Populus iste ore suo et labijs suis glorificat me, cor autem eorum longe est a me. Nec sit fundatus in falsis quibusdam de DEO opinionibus, quolibus laborant gentiles, Iudaei & haeretici. Oportet enim & mente adorare DEUM, & sanam opinionem (seu potius Fidem) de ipso habere: inquit Theophylactus. Sit Rectus DEI cultus, id est, ordinatus ad legitimum finem; ut scilicet colatur DEUS propter DEUM, seu propter propriam excellentiam suam, non propter vanam gloriam, aut merè propter temporalia commoda nostra. Sit Proprius DEI: ut distingvamus inter cultum qui debetur hominibus in dignitate constitutis, aut eximia doctrina vel virtute eminentibus, aut Sanctis jam regnantibus in caelo: & inter cultum, quem propria DEI meretur excellentia. Hic enim debet esse absolute summus, & nemini alteri communicabilis. Ego Dominus: hoc est nomen meum; & gloriam meam alteri non dabo. Isa. 42. Sit denique Dignus DEO, quantum per nostram tenuitatem fieri potest: ut scilicet totum ingenium, omnes honestos affectus, omnes facultates nostras colligamus, & adhibeamus ad colendum DEUM. Ingeniosi sumus, prompti, splendidi, liberales, imò profusi, in colendis Principibus terrestribus: at DEUS infinite & dignior est in se, & liberalior in nos. Ex solo ejus vero dignoque cultu solidum sperare possumus fructum, & grande operæ pretium. Quidquid aliud egerimus: proderit parum aut nihil, si non obfuerit. Vanitas vanitatum, & omnia Vanitas, præter amare DEUM et illi soli servire: inquit Kemp. l. 1. c. 3. de Imit:*

Venite igitur, Adoremus, & procidamus ante DEUM; excitat nos facer Psalter Psal. 94. Adoremus in spiritu & veritate: procidamus cum humili subiectione & animo contrito. Venite gentes omnes, omnes Reges terræ: Venite non pedum passibus, sed animæ affectibus: Venite, DEUM deorum adoremus homunculi; coram Majestate suprema procidamus fideles subditi, ploremus coram Domino poenitentes servuli. Quia ipse est Dominus DEUS noster; & nos populus pascuæ ejus, & oves manus ejus. Magna felicitas, talem agnovisse & rite coluisse DEUM! Imitandus præter regium Vatem

DOMINICA II. ADVENTUS.

P. Ludovicus de Ponte S. J. asceta virtute & scriptis celeberrimus: qui ad illa citati Psalmi verba, *Procidamus ante DEUM*, totum corpus prosternebat humi, non minore animi sensu, quam si presentem Dominum oculis intueretur: reliqua verò Divini Officij tam attentus immotusq; persolvebat; ut interpellatores non admitteret, quicumq; demum illi essent, nec ante absolutas preces cuiquam roganti verbum redderet: teste P. Joanne Rho in varia Virtutum Historia lib. 3. c. 10. Audiendus deniq; Ecclesiasticus c. 35. 20. *Qui adorat DEUM, cum oblatione suscipitur: & deprecatio illius usque ad nubes propinquabit.*

DOMINICA II. ADVENTVS.

DEUS est Spiritus perfectissimus: Christus DEUS-Homo perfectissimus:

DEspara VIRGO Creatura perfectissima.

1. A Dora D. O. M. & considera eum; ut Spiritum perfectissimum omni genere perfectionis absq; ulla admixta imperfectione nobilissimum, pulcherrimum, sapientissimum, æternum, veracissimum, fidelissimum, iustissimum, liberalissimum, clementissimum, benignissimum, diffusum per universum orbem, & ultra: qui ut omnia creavit verbo virtutis suæ; ita omnia conservat virtute potentia suæ, gubernat iudicio Sapientia suæ, complectitur ulnis charitatis suæ: quem nullus Intellectus satis concipere, cor nullum satis amare potest. Et non ardebunt illi omnes amores nostri? *Quæremus in terra: quod amemus præ illo?*

2. A Dora D. JESUM, & considera eum: ut DEUM-Hominem perfectissimum. Nihil omnino ei deest sive de Excellentia divina, sive de infirmitate humana, excepto peccato. Perfectior est infinite, quam fuerit Adam in statu Innocentiæ, quam Salomon in omni gloria sua, quam Princeps Angelus in omni decore suo. Nam & dona DEI tum naturalia, tum Supernaturalia participavit copiosius, & ipsa Divinitas perfecit Humanitatem eminentius. *In ipso inhabitas omnis plenitudo Divinitatis corporaliter*, inquit Apostolus ad Coloss. 2. 9. non animam solum evehens ad dignitatem DEI, verum & Corpus ipsum. Quid igitur mirum! si de hoc Homine testetur Pater celestis: *Hic est Filius meus dilectus, in quo mihi bene complacui.* Matt. 17. Et non merebitur amores nostros? Amo te; **ai JESU**, amo super omnia. Ah! quod tam frigide amem.

3. Venerare DEIparam V. & considera eam ut Creaturam inter omnes perfectissimam. Nam 1. quò ad dotes Corporis, superat omnes homines, quò ad animi decora etiam Angelos. 2. Perfectiones ipsius sunt sine imperfectione. In corpore etiam nondum glorioso Sanitas sine

D

Infir.

mitate, pulchritudo sine corruptione, vita sine reatu mortis, mors sine dolore, non virium defectu, sed amoris excessu accersita. In anima Intellectus sine caligine, voluntas sine pravitate, memoria sine defectu, virtutes sine umbra vitij. Si hæc in via: quid in patria? in statu gloriæ? 3. Virtutes omnes in gradu summo, gratia summa, gloria summa. Verè o Potentissima, multæ Filiz congregaverunt divitias; tu supergressa es universas. Rectè Sponsus, idemq; Filius tuus, te dixit unicam columbam suam, Perfectam suam. Cant. 6. At ego lugebo Imperfectum meum. Trahe me post Te, o Domina, ad culmen perfectionis, quantumvis ardua via.

Propositum v. g. de serio studio Perfectionis.

LECTIO PRACTICA.

Tendendum omnibus ad Perfectionem.

Perfectionis nomine intelligo hic Collectionem & Possessionem earum omnium virtutum, quas cujusq; Status & professio requirit. Perfectum enim dicitur, cui nihil deest eorum, quæ habere debet: seu, cui adsunt omnia, quæ habere debet. Unde Aristoteli 3. Phys. Perfectum & Totum idem sunt. Quodenim vel unica caret parte, aut dote, quæ habere debet; nec Totum nec Perfectum est: ut patet in corporibus naturalibus & artefactis. Christianus ergo es? Comparanda tibi est collectio earum omnium virtutum, quas Christus suis Fidelibus verbo & exemplo commendavit, & in Evangelio præscripsit. Hæ enim sunt *Perfectio Christiana*: & sine aliqua earum poteris quidem esse Vir bonus, sed bonus & perfectus Christianus non eris: non paucis, Christianum dedecentibus, scatebis imperfectionibus. Persona Ecclesiastica es? Ut sis perfectus, præter virtutes Christianis omnibus communes, illæ etiam procurandæ sunt, quas Sacri Canones requirunt: alias esse poteris bonus quidem Christianus, sed non bonus Clericus, aut Sacerdos. Religiosus es? Ut sis perfectus, omni diligentia contendendum tibi est, ut venias in possessionem earum omnium virtutum, quas Regula Ordinis tui requirit; & in eo gradu, quem illa requirit. Prælatatus Ecclesiasticus es? Studendum: ut eas omnes dotes facias tuas, quas non solum Evangelium, sed etiam Dignitas & Officij tui ratio postulant: alias perfectus Prælatatus non eris. Et sic non est eadem omnium Perfectio, sicut nec eadem lux stellarum omnium: sed quisq; ad propriam status & professionis suæ tendere debet; ut notavit Cassianus Collat. 11. ex sententia Abbatis Chæremonis. Pro statu, inquit, atque mensura uniuscujusque *mentis Scriptura divina ad diversos perfectionum gradus arbitrij nostri provocat libertatem. Nec enim poterat uniformis omnibus perfectionis corona proponi: quia nec omnino una virtus, nec voluntas, nec fervor est; & idcirco ipsarum quodammodo*

modo Perfectionum diversos ordines, diversasque mensuras sermo divinus instruit.

Quod Religiosi, & Prælati Ecclesiastici, quales sunt Episcopi, eniti debeant ad Perfectionem statui suo convenientem, dubitat nemo. Religiosos ad hoc obligat Regula propria; & ipsimet studium hoc professi sunt solemniter, quando Religiosa vota emiserunt, & tali Regulæ ultro se subjecerunt. Esse autem hanc eorum obligationem gravem, & sub culpa mortali (ut scilicet tendant ad perfectionem, seu conentur esse perfecti) docent communiter Theologi cum S. Thoma 2. 2dæ. q. 184. art. 4. & 5. Quia iste est primarius Finis Ordinum Religiosorum, parare Domino servos & cultores perfectos: & in hunc finem Religiosi vocantur & eliguntur à DEO, auriuntur & foventur à Fundatoribus Religiosarum familiarum & domorum, multisq; & insignibus donantur Privilegijs à Pontificibus summis. De nostra Societate expressè dicit S. Patriarcha in Exam: c. 1. §. 2. Finis hujus Societatis est, non solum saluti & Perfectioni propriarum animarum cum divina gratia vacare; sed cum eadem impensè in salutem & Perfectionem proximorum incumbere.

Episcopos quoq; similesq; Prælatos, teneri tendere ad perfectionem, imò perfectos esse debere: patet non solum ex communi sensu, & doctrina Theologorum & SS. Patrum, sed etiam Apostolicâ. Sunt enim in statu longè perfectiore, quàm Religiosi; ut notat S. Thom. 2. 2. q. 184. a. 7. Et Apostolus 1. Tim. 3. dicit: *Oportere Episcopum irreprehensibilem esse*: cujus rationem dat Princeps Apostolorum 1. Pet. 3. Quia debet esse *Forma gregis*, seu Idea probitatis & sanctitatis, cui se conformare studeat grex Fidelium. Unde proportionem quadam deducitur: alios quoq; inferiores Prælatos, Presbyteros & Clericos teneri tendere ad Perfectionem, non solum Christianam, sed Gradui & Officio suo respondentem. Positi enim sunt super montem & candelabrum, ut luceant hominibus, non ut imperfectionibus suis scandalo sint illis, & dedecori Ecclesiæ & Christo.

Inter seculares Fideles vulgaris & gravis est error: quasi ipsi non teneantur tendere ad Perfectionem, sed solum servare decem DEI præcepta, & quinque Ecclesiæ. Falluntur autem graviter. Nam imprimis non minorem, imò majorem, requirit DEUS probitatem & justitiam à populo Christiano, quàm Israelitico. At huic dictum est Deuter: 18. *Perfectus eris, & absque macula cum Domino DEO tuo*. Deinde Joannes missus est ante Christum in spiritu Eliæ, *Parare Domino plebem perfectam*. Christus ipse in prolixo illo sermone Matt: 5. 6. & 7. quem habuit in monte non ad solos Apostolos, sed etiam ad turbas (ut patet tum ex contextu sermonis, tum ex cap. 7. v. 28. ubi dicitur: *Et factum est, cum consummasset JESUS verba hæc,*

admirabantur turbe super doctrina ejus) expresse monet c. 5. 48. *Estote ergo vos perfecti, sicut & Pater vester celestis perfectus est.* Et Apostolus ad Coloss. 1. 28. dicit se laborare & docendo, & corripiendo; *ut exhibeamus omnem hominem perfectum in Christo JESU.* Et infra c. 4. 12. ait: Epaphrasa semper pro Collossensibus sollicitus esse in orationibus; *in vestris Perfectis, & pleni in omni voluntate DEI.* Idem inculcat Ephes. 6. 13 & 2. Tim. 3. 16. Ridiculum sanè est, existimare: Christum virtutum Christianarum studium & exercitium, ut Fidei, Spei, Charitatis, etiam erga inimicos, Humilitatis, Patientiæ, Abnegationis sui &c. ad eremos duntaxat & monasteria relegasse. Inter ceteros SS. PP. refutant hunc errorem egregiè & prolixè Magni Ecclesiæ Doctores, Basilii in sermone docto & disertio, quem inscripsit, *De rerum Abdicatione*; & Chrysostomus lib. 3. *contra vitia Monastica vituperantes.* Videri possunt etiam apud Hieron. Platun lib. 1. cap. 12. *de Bono Status Religiosi.*

Illud pro certo teneant omnes: *Non tendere ad Perfectionem, est tendere in Magnam corruptionem, consequenter in aeternam perditionem.* Patebit ex crassina Lectione.

FERIA II.

DEUS, Christus, DELPAPA VIRGO infiniti in perfectione.

1. **A** DORA DEUM O. M. & considera: ipsum esse simpliciter & absolute Infinitum in perfectione. 1. Quia continet in se perfectiones omnino Infinitas. Cum enim sit Ens à se; non habet à quo limitetur ejus perfectio! & cum sit Primum ac Universale Principium totius esse; necesse est, ut habeat in se perfectiones omnium & singularum creaturarum, creaturarum & possibilium, quæ omnino Infinitæ sunt. 2. Quælibet ipsius perfectio est absolute Infinita, Bonitas Infinita, Sapientia Infinita, Charitas infinita, Justitia infinita, Misericordia Infinita, & sic de cæteris. *Magnus Dominus, & Laudabilis nimis; & magnitudinis ejus*, in omni & quovis genere perfectionis, *non est finis!* Psal. 144. O quanta voluptas; videre Infinitum DEUM! sed hoc non nisi mundis corde datur. At ego infinitis scateo imperfectionibus. Pudet!

2. **A** DORA D. JESUM, & considera: etiam ipsum esse omnino Infinitum in perfectione. Cum enim in ipso *inhabitet omnis plenitudo divinitatis*, Coloss. 2. non solum per gratiam; sed per substantiam intimè unitam: necesse est; ipsum gaudere omnidivina perfectione, tanquam verum DEUM. Create quoque perfectiones, gratiæ, habitus virtuosæ &c. in ipso planè sunt innumera, & moraliter Infinita. Est igitur JESUS noster

cælum

cælum quoddam, cuius stellas quis dinumeret? Est mare quoddam, cuius & arenæ, & guttæ innumerabiles sunt: imò est immensus quidam Oceanus intra angustias humani corporis collectus, cui fundus nullus. Ipse est, de cuius plenitudine accepimus omnes, gratiam pro gratia. Joan. 1. Ecce, mi JESU, unum adhuc tibi offero vacuum vas, me ipsum: Imple.

3. **V**ENERARE DEIPARAM V. & considera ipsam quoq; in perfectione quodammodo infinitam. Maternitas enim, qua gaudet, habet quandam infinitatem ex Infinita dignitate Filij: ut notavit Angelicus Doctor; & est radix seu titulus innumerarum gratiarum, aliarumq; perfectionum, quæ illi conferantur: ut de Maternitate sua potiore jure dicere possit Virgo, quod de Sapientia dixit Salomôn: *Venerant mihi omnia bona pariter cum illa.* Sap. 7. Gaudeo medullitus, o Mater pretiosissima, de hac Infinitate tua. Benedictus DEUS cæli; qui cum cætera omnia disposuerit in numero, pondere & mensura; solam te exornavit & locupletavit sine numero, pondere & mensura, dum Matrem suam fecit. Memento mei, o dignissima Mater DEI. Respice egestatem meam, & subveni. Abundo vitijs & imperfectionibus infinitis. Tolle, ô Perfectissima. *Propositi v. g. de imminuendis, & per Examen particulare tollendis notabilioribus imperfectionibus nostris, præsertim N.*

LECTIO PRACTICA.

Concipiendum infinitum Perfectionis desiderium & studium.
 Ut ex infinita abyssu imperfectionum nostrarum aliquatenus prorepamus, & ad perfectionem Divinam simpliciter infinitam per imitationis piæ studium aliquantò propius accedamus: plurimum juvat, concipere Desiderium Perfectionis vitæ nostræ quodammodo infinitum, tam quo ad tempus, quàm quo ad modum: Id est, ita desideranda est, idq; avidè & ferventer, Perfectio: ut nullo unquam tempore, dum mortales vivimus, desinamus eam desiderare; & semper ad maiorem & maiorem, nullo præfixo termino, aspiremus. Exemplo sit Apostolus: qui licet ab initio conversionis suæ gratijs & virtutibus Apostolicis fuerit instructissimus: tamen ad Philipp. c. 3. 12. fatetur de se: *Frater, ego me non arbitror comprehensisse; scilicet Perfectionem, de qua paulò antè egerat. Unum autem ago, & huic uni totus intendo; quæ quidem retro sunt obliuiscens, nimirum opera, labores & passionem pro Christo antè susceptos; ad ea verò, quæ sunt priora, id est, quæ adhuc ante me sunt, ut ad illa contendam, extendens me ipsum per continuum & ardentissimum desiderium & studium, ad destinationem persequor, ad bravium superne vocationis DEI.* Unde Augustinus tr. 4. *D;* in Epist.

in Epist. 1. S. Joann. tom. 9. *Tota visa, inquit, boni Christiani sanctum est desiderium proficiendi. Ad sanctum hoc desiderium concipiendum, & jugiter fovendum, duplex potissimum nos inflammat urgetq; ratio.*

Prima est: quod tanto certius citiusq; obtinebimus necessariam nobis Perfectionem, quanto constantius ardentiusq; fuerit in nobis desiderium ejus. Ita promittit Christus Matt: 5. Beati, qui esuriunt & sitiunt Justitiā quoniam ipsi saturabuntur. Per Justitiā intelligitur hic collectio tota virtutum Christianarum; quam dum ea aviditate appetimus, qua famelici & sitibundi cibum potumq; non deest benignissimus DEUS, quin esurientes largē reficiat. Esurientes implevit bonū: cecinit DEI para V. Luc. 1. Danieli apparens Angelus Gabriel, ideo ejus orationes statim ab initio exauditas asseruit, Dan. 9: quia Vir desideriorum erat. De æterna Sapientia testatur Salomon sap. 6. Facile videtur ab his, qui diligunt eam: & invenitur ab his, qui querunt illam. Preoccupat eos, qui se concupiscunt, seridū & ardentē; ut illi se prior ostendat. Ergo & diu ferventerq; desideratam Perfectionem non negabit. Nam ut ait S. Ambrosius serm. 1. super Psal: 118. Quando quis incredibili sui profectus desiderio tenetur, nec non in virtute & perfectione proficere semper & crescere gessit: tantopere id DEO placet, ut bonis charismatibus & gratijs suis hunc assidue locupletet. Desideremus ergo Fratres, concludit S. Aug: cit: quia implendi sumus.

Alterā ratio est: quod sine tali desiderio & studio non tantum non assequemur Perfectionem, sed si quid virtutis jam assecuti sumus, facile amittemus, & ad pristinas imperfectiones & vitia relabemur adeoq; præsentis æternæ damnationis periculum incurremus. Vulgatissimum enim, & multā experiētiā roboratum, SS. Patrum, & omnium Ascetarum oraculum est: In via virtutis non proficere, deficere est: non progredi, regredi est. Disertissime S. Augustinus epist: 134. ad Demetrium Virg: Tandem, inquit, non relabimur retro: quādiu ad priora contendimus: at ubi cepimus stare, descendimus: nostrumque non progredi, reverti est. Si volumus non redire, currendum est. At quomodo curremus, si non desideramus, aut rarē & frigide desideramus, terminum (Perfectionem scilicet) ad quem currendum est? Idem, & iisdem propē verbis tradunt SS. Gregorius, Chrysost. Leo Papa &c. S. Bernardus epist: 254. ad Garinum, egregie exagitat Monachum tepidum, segnem, & ad perfectionem non aspirantem. O Monache, inquit, non vis proficere? (Inducit respondentem?) Non. Vis ergo deficere? Nequaquam. Quid ergo? Sic mihi, inquit, vivere volo, & manere, quod perveni; nec pejor fieri pauper, nec melior cupio. Hoc ergo vis: quod esse non potest. Quid enim stat in hoc sæculo? Et certē de homine specialiter scriptum est: Fugis velut umbra, & non potest.

FERIA III. post Domin: II. Advent.

31

Et nunquam in eodem statu permanet. Exultavit Dominus noster ut gigas ad currendam viam: porro currentem non apprehendit, qui & ipse pariter non currit. Unde Paulus agebat: Sic currere, ut comprehendatur. Quodsi Domino currente tu gradum sistis; non Christo approprias, sed te magis elongas: timendumque tibi est, quod ait David: Ecce, qui elongant se Domino à se, peribunt. Itaque si proficere currere est; ubi proficere, ibi & currere desinunt. Ubi verò non currere, ibi & deficere incipit. Hinc planè colligitur: quia nolle proficere, non nisi deficere est. Confirmat id Angelorum continua ascensione & descensione in scala Jacob. Vidit scalam Jacob, & in scala Angelos; ubi nullus desidens, nullus subsistens apparuit: sed vel ascendere, vel descendere videbantur universi: quatenus palam daretur intelligi; inter profectum & defectum in hoc mortalis vite statu nihil mediū inveniri: sed quomodo ipsum corpus nostrum continuè aut crescere constat, aut decrescere; sic necesse sit spiritum aut proficere semper, aut deficere. Ita Bernardus.

Alia apposita similitudine idem declarant S. Gregorius & Cassianus apud Alphons: Rodericium, tom. 1. tr. 1. c. 6. ubi plura de hac materia. Sicut, inquit, qui in impetuosi cujusdam fluminis ostio est constitutus, si loco quietus consistere vellet, & ulterius ascendere non laboraret, in presentissimo versaretur periculo, ne aquarum impetu in mare, syrtes, scopulos & voragines abriperetur: ita se res habet in via vite spiritualis. I nunc, siue secularis, siue spiritualis sis: neglige Perfectionem statui tuo convenientem: videbis paulò post, in quo vitiorum & miseriarum barathro te reperies.

FERIA III.

DEUS, Christus, DElpara Virgo, Infinitè dignitate.

1. **A** DORA DEUM O. M. & considera eum, ut Dominum infinitè dignitatis. Cumulus & eminentia perfectionum solet esse mensura dignitatis. Cum igitur in DEO perfectio sit absolutè & in omni genere Infinita! etiam dignitas illi respondeat oportet omnino Infinita & planè summa: ratione cujus æstimari, adorari & coli meretur, & debet infinite, super omnes & omnia absolutè, ab omnibus & omni tempore, imò per omnem æternitatem. At quomodo Tibi cultum debitum deferamus DEUS Infinitè dignitatis viles terræ vermiculi? Quantumcunq; te exaltemus & superexaltemus: supervales adhuc, & crescis in Infinitum. Si nos demiserimus, & in ipsam cor terræ descenderimus adoraturi: profundiorè dignus es reverentiâ. Si in nativum nihil nostrum revolvamur; adhuc demissiorè dignus es cultu. Ergo me in abyssum, & abstrusissimum chaos peccatorum meorum (nihil enim magis à te distat) recipio atq; inde pro-

nissimâ cervice & mente, te veneror, & adoro, O. M. DEUS. Cor contritum & humiliatum non despicias.

2. **A** Dora D. JESUM, & considera: ipsum quoq; omnino Infinitâ dignitatis esse; adeoq; summa æstimatione, cultuq; supremo dignissimum. Quâvis enim ad assumendam humanitatem se demiserit, & verè ac propriè factus sit homo; non propterea desijt esse DEUS: imò tantò nobis est honorabilior: quantò pro nobis factus est vilior. Etiam inter homines, Magni tantò fieri solent majores & honorabiliores; quantò profundius amore subditorum descenderint. Quantus ergo jam nobis erit DEUS-homo, qui de summis ecelorum, è sinu Patris, in hanc miseriarum vallem nostri amore descendit, infinitâ quadam sui depressione? Infinitè crescat oportet in æstimatione & observantia nostra sic depressa & exinanita Dignitas Infinita. Benedicite igitur omnia opera Domini Domino: laudate & superexaltate eum in sæcula. Ego autem totus insumar ampliandæ gloriæ tuæ, Dignissime JESU.

3. **V**enerare DEIPARAM V. & considera: etiam ipsam, tum titulo & officio Matris DEI, tum profundissimâ humilitate, ascendisse ad dignitatem quandam Infinitam: adeoq; meruisse omnem possibilem cultum post DEUM. Adsternantur oportet plantis ejus potentissimorum colla Regum; & gloriosissimæ Reginarum gaudeant inter ejus pedissequas numerari. At ego de Infinita vilitatis meæ abyssu ad te clamabo, o Dignissimæ. Respice, & non despice.

Proposium v. g. de frequentandis actibus Venerationis DEI, J. & M.

LECTIO PRACTICA.

De Perfectione Reverentiæ DEO debitæ.

Reverentia DEO præstanda à Creaturis rationalibus, est Actus unus è Donis Spiritus S. quod appellatur *Timor Domini*: ut habet S. Thomas 2. 2. q. 8. art. 2. ad 1. Considerata enim accuratius infinita DEI excellentia & dignitate, sacro quodam horrore corripimur, ut quasi non audeamus comparere in conspectu ejus propter vilitatem & indignitatem nostram; ideoq; componimur ad ita circumspectè agendum coram DEO, ne vel in minimo offendamus, & displiceamus Majestati tantæ. Qui Metus Reverentialis dici solet: distingvitq; Reverentiam ab Actibus Adorationis, Humilitatis, & Obedientiæ; quod hi per se talem metum non importent, sed solum infimam subjectionem.

Porro ut Timor, ita Reverentia, alia est *Servilis*, alia *Filialis*. Illâ reveremur DEUM, ne pœnam incurramus, infligi solitam Filijs Belial, in quibus nullus est timor DEI. Servi enim ignavi, & animi non iagenui, solum

lū obsequi, & cultum aliquem solent exhibere Dominis suis, ne castigentur ab ipsis. Sic & dæmones Iac. 2. *credunt & contremiscunt*: ne scilicet acrius puniantur à DEO. *Filiā Reverentia* oritur ex Charitate: proprium enim est bonorum & amantium parentes suos filiorum: debitum illis deferre honorem, & ita agere, ne ipsos offendant, vel displiceant. Hæc Reverentia fuit semper in Christo, de quo prædixerat Isaias c. 11. *Replebit eum Spiritus Timorū Domini*. Et ad Hebr. 5. dicitur *Exauditus à Patre pro sua Reverentia*; quia non solum Dignitas Personæ ejus exaudiri merebatur: sed etiam ita reverenter erga Patrem inter orandum se gerebat Anima ejus, ut planè occupārit, atq; in suam sententiam traxerit cor Patris. Est hæc Reverentia etiam in Angelis & Animabus Beatis. De Angelis dicitur Iob. 26. *Columnæ celi contremiscunt, & pavent ad nūm ejus*. In quæ verba S. Gregorius 17 Moral. *Ipsæ*, inquit, *Virgines celestium, quæ DEUM sine cessatione conspiciunt, in ipsa contemplatione contremiscunt*. Declarat egregiè Cassianus Collat. 11. quomodo in cœlis Timor castus, seu Fidelis, cum Amore consistat.

Præterea Reverentia alia est *Interna*, alia *Externa*. Interna consistit in Actibus Voluntatis supra declaratis, & alijs, qui ex tali Reverentia nascuntur, seu ab illa imperantur. Qui enim, ut decet, reveretur DEUM, sollicitus est; ne, dum agit cum DEO, aliud aliquid cogitet, aut agat; sed ea, quæ pertinent ad DEUM, agat quàm decentissimè & perfectissimè, sive Adorationis, sive Fidei, Spei, Charitatis, aut aliarum Virtutum actus sint eliciendi. *Externa* Reverentia consistit in actibus corporalibus potentiarum sensuum externorum ex imperio seu directione Reverentiæ internæ decenter ordinatis: ut cum accedentes ad Orationem, vel sacrificium divinum caput coram Divina Majestate inclinamus, manus jungimus, genua flectimus, corpus prosternimus, linguam ad articulatam pronuntiationem componimus, oculos coërcemus &c. Cum enim ex duplici natura compositi simus, intellectuali scilicet & sensibili, duplicem adorationem & venerationem DEO offeramus oportet: scilicet spirituales, quæ consistit in interiori mentis devotione; & corporalem, quæ consistit in exteriori corporis humiliatione; ut ex S. Damasceno lib. 4. Orthod. Fid. docet S. Thomas 2. 2. q. 84. a. 2. C. additq; *Es quia in omnibus actibus laudis id, quod est exterius, refertur ad id, quod est interius, sicut ad principium: ideo ipsa exterior adoratio fit propter interiorem; ut videlicet per signa humilitatū, quæ corporaliter exhibemus, excitetur noster affectus ad subjiciendum se DEO; quia connaturalis est nobis, ut per sensibilia ad intelligibilia procedamus*. Et in Resp. ad Objectionem 1. qua contra actus corporales adorationis objicitur illud

Joan. 4. Veri adoratores adorabunt Patrem in spiritu & veritate; respondet: *Quod etiam Adoratio corporalis in spiritu fit; in quantum ex spirituali devotione procedit, & ad eam ordinatur.* Id ipsum notavit S. Augustinus lib. de cura pro mortuis, cap. 5. ubi docet: Genua flectere, manus extendere, prosternere se in terram, & alias hujusmodi humiliactiones non fieri ad manifestandum DEO affectum cordis; cum sciamus absq; eo ipsi patere omnia; sed ut ipsum cor magis moveatur. Affectus enim cordis, qui, ut hæc externa fierent, præcessit; multum ejusmodi factis fovetur, & crescit, ut experientia docet. Unde Sanctis semper in usu fuerunt externæ etiam humiliactiones coram DEO.

Ex his sequitur: non solum non rectè agere heterodoxos, dum actus nostros externos Adorationis & Reverentiæ, quos coram DEO in templis, & alibi, exercemus, spernunt & fugillant; sed etiam Orthodoxos, dum eos negligunt, vel obiter tantum & raptim exercent sine debita interiore recollectione. Nam per illos non solum nobis augetur meritum, dum toto Homine, seu omnibus viribus, colimus DEUM: sed etiam magis excitamur, ad diligentius, ferventius, & prolixius eliciendos actus internos; ut notavit cit. S. Thomas, dum dixit: Per signa humilitatis, quæ corporaliter exhibemus, excitari affectum nostrum ad subjiendum se DEO. Quod ipsa etiam experientia docet. Et observavit S. Bernardus serm. 4. de modis orandi; Multos in Oratione ariditate Spiritus laborare, distractionibus varijs discerpi, & infructuosam habere orationem Meditationemq; quia nulla, aut modica illis est cura, de debita DEO præsentì exhibenda reverentia tum interiore tum exteriori. Monet igitur: *Ascende, cum oras, ad aulam celestem, & intue: quantà reverentiā in ea à Beatis Spiritibus adoretur DEUS.* Recole Optimates illos celestes, Viginti quatuor seniores, non solum laudes & gratias DEO canentes; sed etiam coram solio divino procidentes in facies suas, & coronas suas mittentes ante thronum. Apoc. 4. & 5. &c. Et nos homulos quomodo comparere decet coram eadem Majestate? *Meditatio mea in conspectu tuo semper:* profitetur David, Psal. 18. scilicet tam decenter & reverenter composita, ac si oculis cernerem præsentem DEUM. Rectè monet Ludovicus de Ponte in duce spir: tr. 1. c. 8. §. 1. ut oraturi convocemus omnes potentias nostras, internas & externas ad reverentiam DEO exhibendam, dicentes illud Psal. 94. *Venite adoremus, & procidamus ante DEUM.* Et fiet nobis, quod per Ecclesiasticum promittit Spiritus S. c. 32. *Pro reverentia accedet tibi bona gratia.*

FERIA IV.

DEUS est summum bonum, Christum viva & perfectissima ejus Imago,

DEspere

FERIA IV. post Domin: II. Advent

36

DEspira V. Speculum tersissimum divinæ Bonitatis.

1. **A**ddora DEUM O. M. & considera eum, ut Bonum absolute summum. Quia 1. transcendit infinite omnia bona creata. *Quis scit Dominus DEUS noster, qui in altis habitat?* Psal. 112. Nihil illi simile in cælo & sub cælo. 2. Nihil in illo mali: sed est purissima & merissima Bonitas seu Perfectio. Etiam cum supplicia malis irrogat, Optimus est 3. Nihil illo melius esse aut cogitari potest à quocunq; intellectu: imò nihil simile 4. Est Principium & fons inexhaustus totius boni. Unde sine illo nihil est, nec esse potest, boni. Quis jam tantum bonum satis amaverit? aut quis non amet? Et tamen infani, excordes homines nihil minus amamus. Et præceptis severissimis & comminatione ignis æterni opus est, ut amemus. Irascor pravitati cordis mei. Tuum quo ipse te condigne amas, offero tibi amorem; summum Bonum DEUS. Ah tandem sincere & constanter amem te!

2. **A**dora D. JESUM, & considera eum, ut vivam & perfectissimam Imaginem Bonitatis divinæ, Sap: 7. Est enim secundum generationem divinam, Conceptus vitalis, VERBUM, & Sapientia Patris æterni; quam pater generat, se & omnes perfectiones suas intelligendo & considerando: ideoq; clarissime, & ipsa substantia sua exprimit in se omnia omnino, quæ in Patre sunt: ut merito testetur de se Joan. 16. *Omnia quæcunque habet Pater, mea sunt.* Secundum generationem quoq; humanam, & quatenus homo est, longè perfectius conditus est ad Imaginem & similitudinem DEI, quam primus homo Adam: omnesq; actus, & perfectiones ejus, non merè humanæ, sed etiam divinæ sunt. Exhibuit nobis Pater æternus divinam hanc Bonitatis suæ Imaginem: ut degeneres, ad malum proni, & in malis enutriti, reformaremur secundum illam. At ô quantum distamus ab illa! Tu ipse, mi JESU, suscipe grave hoc opus reformationis meæ. Ecce me totum tibi permitto; & allaborabo cum gratia tua.

3. **V**enerare DEIpam V. & considera eam; ut tersissimum divinæ Bonitatis Speculum. In ipsa enim clarissime, & accommodatissime ad captum nostrum relucet perfectiones divinæ; quas Filius illi imprellit copiosius; quam sol radios suos aquæ limpidæ, aut speculo crystallino. Reflexe, o Gratiissima, divinos hosce radios tuos in plumbeam hanc animam meam; ut incalescat, candescat, liquefeat amore tui, & DEI mei.

Proposium v. g. de Amandis DEO, J. & M. super Omnia,

LECTIO PRACTICA.

De Perfectione Charitatis DEO debita.

Ea est præstantia Charitatis erga DEUM; ut in ipsa potissimum Perfectionis

tionem Christianam ac Religiosam passim constituent Ascetæ cum D. Thoma 2. 2. q. 184. a. 1. ubi ait: *Dicendum; quod unumquodque dicitur esse perfectum, in quantum attingit finem proprium, qui est ultima rei perfectio. Caritas autem est, que nos unit DEO, qui est Ultimæ Finis humana mentis: quia qui manet in charitate, in DEO manet, & DEUS in eo, ut dicitur 1. Joan. 4. Et ideo secundum charitatem specialiter attenditur perfectio Christianæ viæ. Apostolus eam extollit 1. Cor. 12. ut Excellentissimam viam ad perfectionem. Et cap. 13. ut Maximam omnium Virtutum, etiam Theologicarum: Major autem horum est Caritas. Ad Coloss. 3. ut Vinculum perfectionis. SS. Patres passim eam celebrant ut virtutum Vitam, Reginam & Coronam.*

Advertendum autem: hæc & similia magnifica elogia non convenire charitati, nisi Perfectæ; nec qualemcumq; nos debere DEO Charitatem, sed Perfectam. Multi blandiuntur sibi de charitate: sed non paucorum Caritas ficta est, paucorum vera, pauciorum perfecta. Quæ verò perfecta est? Exhibet eam dulcissimus & constantissimus Charitatis Doctor S. Johannes ep. 1. c. 2. ubi ait: *Qui dicit, se nosse DEUM, scilicet notitia Fidei vivæ, & charitate formatæ; & mandata ejus non custodit, mendax est. Quia nec fidem vivam, nec charitatem veram habet. Qui autem servat verbum ejus: verè in hoc Caritas DEI Perfecta est. Notandum: quòd non dicat Verba, seu mandata ejus; sed Verbum ejus; illud nimirum verbum Luc. 10. 27. comprehendens Legem omnem & Prophetas, imò quicquid est præceptorum & consiliorum in Lege Gratiæ: Diliges Dominum DEUM tuum ex toto corde tuo, & ex tota anima tua, & ex omnibus viribus tuis, & ex omni mente tua: & proximum tuum sicut te ipsum. Qui sic Diligit, nonne in eo Charitatem divinam perfectam esse oportet? Quis est modus diligendi magis?*

Sed S. Augustinus lib. de Spir. & lit. c. 36. existimat hunc diligendi modum, ex toto corde, totâ animâ &c. adeoq; hanc Charitatis perfectionem, pertinere magis ad alteram quàm præsentem vitam. Verùm quamvis non possimus viatores tam perfectè diligere ac Beati; possumus tamen, per gratiam divinam, toto corde, totâq; anima moveri in DEUM, ut illi adhæreamus & inhæreamus per amorem, quantum patitur status præsens & mensura auxilij divini. Ad amorem enim ex toto corde, totâ animâ &c. non requiritur: ut tanta intensiōe amemus ac Beati in coelo, aut sancti quidam in terris, quibus æstus & impetus amoris costas rupit, ut S. Philippo Nerio, vel viscera torreat, & depascebatur, ut B. Stanislaus Kostka; nec requiritur, ut simus tota mente & animâ absorpti in DEUM, nec aliud cogitemus aut amemus, quàm DEUM, semperq; simus in actuali exercitio amoris. Extatici enim hujusmodi amores non sunt in nostra potestate,

FERIA IV. post Domin: II. Advent.

ante, & excedunt ordinariam mensuram auxiliorum divinatorum. Proinde, ut rectè notavit Cornelius à Lap. in cap: 22. Matt: non præcipitur ibi Amor DEI Summus extensivè, vel intensivè; sed tantum comparativè, finaliter, & appetitivè. Ut ergo diligatur DEUS perfectè, seu ex toto corde, tota animà &c. diligendus est summè, Primò *Comparativè*; id est, ut nullam cordis, seu voluntatis, amorisq; partem concedas alicui idolo, aut alteri rei abstrahenti à DEO. Secundo *Finaliter*: ut generatim velis DEUM habere pro fine ultimo tuo tuarumq; omnium actionum, & omnia referre ad ipsum, & gloriam ejus. Tertio *Appetitivè*: ut nihil ita æstimes, eoq; loco & pretio habeas, quo DEUM; adeoq; velis potius pati jacturâ facultatum omnium, famæ, honoris, & vitæ ipsius, quam amittere DEUM & amicitiam ipsius. Unde quod hic dicitur: *Ex toto corde*; alibi in Scriptura S. dicitur, *Ex corde integro & perfectò*. Hinc illud toties iteratum, de varijs Sanctis veteris Testamenti: *Cor ejus perfectum erat cum DEO: Securus est Dominum in toto corde suo, faciens quod placitum esset in conspectu ejus*, &c. quâvis non ea perfectione dilexerint DEUM, ac Beati in cælo.

Eandem amoris divini perfectionem, & primarij Mandati divini intentionem declarat Victor Antiochenus in Marci c. 16. ubi ait. *Homo tanto DEI amore flagrare debes: ut nihil prorsus in ullam animæ facultatem irrepere sinas, quod suam erga DEUM dilectionem excludat, aut diminuat, aut aliò transferas; sed in omnibus illi soli magis magisque assidue placere satagas, nec alteri personæ aut rei creas, nisi propter DEUM*. Brevius: DEUM in hac vita amare perfectè, seu ex toto corde, tota anima &c. nihil aliud est: quam Amare (id est, per affectum ei adhærere) super omnia, & totis viribus conari facere, quicquid ei placet, ut faciam. Quid enim ampliùs in hoc statu requiras à sic amante? Nihil magis, aut æquè, amat, ac DEUM: nil nisi propter DEUM, paratus cum omnibus bonis suis, fortunæ, naturæ, corporis & animæ impendi & superimpendi pro DEO. Nihil faciet, quod non placet DEO: faciet omnia, quæ placent, & quia placent DEO. Non expectabit imperia, non respiciet præmia aut comminationes: unica agendû & omittendiquævis, ratio illi est, *Placitum Dilecti*.

Possibilem esse in hac vita hujusmodi Amorem DEI, non solum docet ipsum Mandatum divinum, quod non Beatis, sed Viatoribus datum est, & non infrequentia exempla Sanctorum: verum & ipsi impuri lenones & avari, qui cum nihil æquè, ac amasias & pecunias suas, ament, omnia agere & pati propter ipsas sunt parati &c. Nunquid minor vis movendi cor hominis est in summo Bono? Totas ergo naturæ & gratiæ colligamus vires: ut amore summo amemus Bonum summum. *Hoc fac & viver. Luc. 10.*

FERIA V.

DEUS est omne bonum: Christus brevissima comprehensio omnis boni:

B. V. Gazophylacium.

1. **A** Dora D. O. M. & considera: eum non solum esse summum bonum; sed etiam Omne bonum. *Ostendam tibi omne bonum:* dixit ad Moysen petentem videre gloriam ejus, Exod. 33. Est autem DEUS omne bonum 1. radicaliter: quia ex Essentia ipsius communicabilitate, seu imitabilitate, procedit omne bonum creabile. 2. Idealiter: quia in ipsius intellectu & sapientia sunt distinctissime expressæ ideæ Infinitorum, adeoque omnium possibilem bonorum. 3. Virtualiter seu efficienter; in quantum in ipso est virtus producendi omnia possible bona. 4. Equivalenter & Eminenter; in quantum ipsius substantia non solum æquivalet omnibus bonis creatis & creabilibus, quo ad pulchritudinem; delectabilitatem, & omnigenam amabilitatem; sed eam infinitè superat, ita; ut omnem voluptatem, quam nobis adferre possunt bona creata, possit ipse per se causare in nobis, modo longè perfectiore. Quid ergo extra te volo; DEUS meus & omnia? Cur inhiem bonis creatis, quæ me faciunt apostatere à Te: quæ me spoliant gratia tuâ, & omni bono æterno?

2. **A** Dora D. JESUM & considera: quantillus homulus in utero Virginis est totus DEUS, & omne bonum! Nec palmum implet, nec videt, nec audit, nec alio sensu utitur, nec movere se potest; & tamen est totus DEUS & omne Bonum. Quantum alimenti suppeditat ipsi Virgo Mater, tantum proficit, & diem horamq; nativitatis suæ expectat: & tamen est totus DEUS, & omne Bonum. *In ipso complacuit inhabitare omnem plenitudinem.* Coloss. 1. Grande compendium omnis boni, brevissime Infans, JESU, quàm facile ditissimus esse possum, & plenus omni bono? siquidem tu ipse in mea es potestate, ut suscipiam te, quando placet, in epulo Eucharistico. Unum oro: ut credas te mihi; dum tam liberaliter communicas; & explices in me thesauros bonitatis tuæ: ut mihi vilescant omnia bona creata cum omni splendore & voluptate sua.

3. **V**enerare DEIparam V. & considera eam, ut gazophylacium omni bono refertissimum. Cum enim in utero ipsius Virginali conclusus fuerit DEUS homo factus: grande illud, & Infinitum compendium omnis boni, intulit secum omne bonum. Nec abstulit nascendo; quia reliquit Tibi jus & quasi clavim regiam, ad omnes thesauros plenitudinis suæ. Ad ipsam igitur paupertinam turba concurramus. Referti plurimis malis indigemus multis bonis. Subveni Domina præsertim in necessitate N. &

auffer

auffer à me omnem inordinatum creaturarum amorem.

Propositum v. g. de frequentandis rosâ virâ, ac bodie potissimum, actibus Contritionis ob inordinatam adhesionem ad bona creata, & defectum Charitatis divinæ.

LECTIO PRACTICA.

In Charitatis divinæ exercitio fitum est omne bonum hujus vite nostræ.

Ineffabilis DEI Bonitas, & nostra felicitas est; quod ad manum habemus facile & efficax medium in hac ærurnarum congerie obtinendi omne Bonum, quod pro hoc statu prudenter appetere possumus. Tale Medium est frequens & diligens Exercitium Amoris Divini. Primum bonum & infimum, quo in hac vita egemus, est sufficientia eorum, quæ corpori necessaria sunt ad vitam commodè sustinendam. Quæritur hoc varijs vijs & medijs, sed à multis frustra, vel cum majore detrimento, bonorum scilicet spiritualium, dum immoderatè temporalia appetuntur & congeruntur. Charitas, dum aliud agit, dum non quærit quæ sua sunt, imò propria dispergit, DEI & proximi causâ, non solum comparat sufficientiam, sed etiam abundantiam, temporalium. Qui enim primò & primariò intentus est diligendo DEO (quæ est principalis Justitiâ nostra) vel ei temporalia liberaliter adjiciuntur à DEO, secundum promissionem Christi Matt. 6. vel parcius suppeditantur, sed cum ea appetitus satietate; ut non solum plura non appetat, sed voluptati ei sit paupertas sua; ut videre est in voluntarijs pauperibus, specialiter in Apostolo, qui Philipp. 4. gloriatur: *Didici, in quibus sum, (id est, quæ ad manum habeo corpori necessaria) sufficiens esse. Scio & humiliari, scio & abundare, & penuriam pati.* Et infra v. 18. *Habeo autem omnia & abundo.* En, quàm bonus est Oeconomus Amor DEI.

Secundum bonum est Status Gratiz; ut in eo constituamur & conserve-mur. Utrumq; præstat abunde Exercitium Charitatis divinæ. Nam ut Magdalenz, ita cuivis verè, & ex motivo Charitatis contrito, peccatori, dimittuntur peccata multa, quia dilexi multum: & quidem dimittuntur eodem momento, quo sic dolet, & amat; accipitq; pignus futuræ gloriæ gratiam filiorum. Ad conservandum hominem in statu tam felici nihil conducit magis sedulo Exercitio Charitatis divinæ. Si enim stat principium illud Physicorum & Jurisperitorum: *Idem causis res conservatur, quibus nascitur;* Charitas per quam Justificatio obtenta est, utiq; peridonea erit ad eandem conservandam; præsertim cum nullus virtutis actus æquè pugnet cum affectu & propensione ad peccatum, ac Actus Charitatis divinæ, Unde Apostolus studiosè monet Ephesios cap. 3. v. 17. *ut radicati & fundati sint in charitate.*

Tertium bonum est Restrenatio passionum seu concupiscentiarum nostræ.

rum: quæ quàm facile nos præcipitant in omne malum, temporale & æternum; tam difficile est edomare illas, & sub jugum mittere. Construxit quispiam magno molimine, multis allaborantibus annis magnam Perfectionis molem: non rarò una effervescens passio, turbinis instar, omnia convellit & dissipat. Potest quis scitè regere jumenta & feras bestias, in officio continere seditiosos cives & milites: at ubi in ipsomet confurgit rebellis, non solum turba passionum, sed vel una prava concupiscentia; sæpe nec ratio, nec modus invenitur eam edomandi. Verùm Amor ubi veneris, ceteros in se omnes trahit, & captivos affectus: inquit Bernardus serm: 83. in Cant: Quis ut DEUS, exclamat cum Archangelorum Principe? Cui debetur imperium? Cui subjectio? Præstat millies mori, quàm tantum Numen vel levissimè offendere. Et subito fit tranquillitas magna.

Quartum bonum est: quod Charitate ferventibus nihil adversi, aut altius mali nocere possit; quin potiùs majora inde lucra capiunt, teste Apostolo Rom: 8. *Scimus quoniam diligentibus DEUM omnia cooperantur in bonum.* Quid est, omnia, quærit, & respondet Augustinus lib. de grat: & lib. arbit: nisi & ipsas terribiles, & suasque passiones cooperari in bonum? Nam & ex cruciatibus illatis, & concupiscentijs domitis, & ipsis commissis peccatis referunt insignia lucra. Ut enim idem advertit lib. de Corrupt: & grat: *Ex casu humiliores, caniores, & ferventiores resurgunt.* Accedit S. Gregorius In sententia proficiunt, inquit, & quod eis diabolus preparat ad ruinam, hoc DEUS eis convertit in gloriam. Habent enim ferventes in dilectione præparatam sibi singularem Providentiam Divinam. Ego diligentes me diligo. Proverb. 8. *Custodit Dominus omnes diligentes se.* Psal. 144.

Quintum bonum est; quod momentanea & levissima, palearum instar, opera nostra attollat Charitas, non tantum inaurando, sed aurea faciendo ita; ut in Charitate, & ex motivo ejus vel imperio facta, pretiosa veniant in conspectum DEI, & æternum gloriæ pondus operentur in nobis, teste Apostolo. Acriter perstringitur Apoc: 3. Angelus, seu Antistes Ecclesiæ Sardis: *Non invenio opera tua plena coram DEO meo;* nimirum propter defectum charitatis, qua exciderat. Ubi extinctus est, aut tepet Amor DEI: ibi opera nullius aut exigui valoris, ibi dies vacui, & anima inanis, ne dicam innumeris plena defectibus, imò vitijs: at ubi fervet Charitas frequenti exercitio, ibi & habituum supernaturalium, & Actuum æternæ gloriæ condignorum copia; ibi & scientia Sanctorum, & conscientia gratiarum & gaudij & omnium bonorum plena. Sextum igitur bonum est bonorum omnium Plenitudo. Cum enim monuisset Ephesios Apostolus cap: 3. ut essent in Charitate radicati & fundati; addidit: *ut possint comprehendere cum omnibus*

FERIA VI. post Domin: II. Advent.

41

omnibus Sanctis, quæ sit latitudo, & longitudo, sublimitas & profundum: scilicet in DEO, humanæ mentis aciem infinitè excedente. Scire etiam supereminentem scientiæ Charitatem Christi, qua dilexit nos, & non satis æstimatur à nobis: ut impleamini in omnem Plenitudinem DEI. Cum itaq; Charitas nos inducat non solum in possessionem bonorum tantorum, sed etiam in omnem Plenitudinem DEI, qui nos intimè conjungit: numquid exiguum operæ pretium erit, dies noctesq; ipsius exercitio incumbere?

FERIA VI.

DEUS, Christus, & DEIPARA V. sunt bonum summè nobis necessarium.

1. **A** Dora DEUM O. M. & considera: ipsum esse Bonum summè nobis necessarium. Soliciti sumus cum Martha, & turbamur circa plurima, quæ vel prorsus necessaria non sunt, vel etiam nobis noxia: At DEUS est Unum illud Necessarium. Luc. 10. sine quo reliqua omnia parum prosunt, imo nihil: quo perduto, perdidimus omne bonum: incidimus in omne malum sine spe unquam emergendi. Est Unum illud Necessarium, sine quo nec vivere, nec moveri, nec esse possumus, multò minùs beati esse: cum quo æternum beati, sine quo æternum miseri, miserrimi sumus. Necesse igitur imprimis est ut huic Bono obtinendo, vel non amittendo, unicè intenti simus. O DEUS illumina tenebras nostras, ut videamus; quam necessarium nobis sis Bonum: primamq; tui curam habeamus! Pœnitet me incuriæ supinæ.

2. **A** Dora D. JESUM, & considera ipsum quoq; esse Bonum nobis summè necessarium. Quomodo enim sine illo emersissemus ex originali calamitate? Quomodo sine sanguine ipsius mundaremur à peccatis, sine meritis ipsius obtineremus veniam & gratiam, sine morte ipsius vitam acquireremus æternam? Unus DEUS: unus & Mediator DEI & hominum homo Christus JESUS, qui dedit redemptionem semetipsum pro nobis 1. Timoth. 2. Perieramus omnes, nisi ipse se obtulisset Salvatorem. Peribimus: nisi ipsum habeamus fautorem. Spes mea, salus mea, gloria mea JESU: Te deseram nunquam: Tibi vivam semper: Esto mihi JESUS.

3. **V**enerare DEIPARAM V. & considera: etiam ipsam esse bonum summè nobis necessarium. Nolebat salvare nos DEUS, nisi per Filium suum natum ex muliere: nec aliam ipsi volebat Matrem, quam electam ex millibus, natam de stirpe David MARIAM Virginem. Ab hac pendere gratosè volebat & VERBI Incarnationem, & mundi restaurationem, miserorum consolationem, captivorum redemptionem, damnatorum liberationem, salutem deniq; universorum filiorum Adam, totius generis humani,

mani. Promptus per se ad salvandum, misericors & miserator Dominus; ipsius tamen unius unicuique *Fiat* requisivit per Archangelum legatum. Nunc quoque; o quot perirent Animæ; nisi apud Filium interveniret MARIA! Adsis igitur Clienti tuo præsens & propitia, o Gratiissima, nunc & in hora extrema. Sine te nec vivere utile est; nec mori securum.

Propositum v, g. de procuranda & sedulo conservanda artissima conjunctione cum DEO, J. & M. per Exercitium Charitatis.

LECTIO PRACTICA.

Quam necessarium nobis sit Exercitium amoris Divini.

Ut inter res & personas, quibus indigemus ad sublevandam egestatem nostram, & vitam commodè feliciterque ducendam, DEUS O. M. est Bonum summè nobis Necessarium: ita inter virtutum actus summè nobis necessarium est Exercitium Amoris divini.

In primis enim Actus amoris hujus non solum nobis graviter præcepti sunt præcepto tum naturali tum positivo Divino: sed Maximum & Primum omnium Mandatum est de Diligendo DEO: prout Christus ipse Matt. 22. 38. diserte docuit. Maximum est hoc præceptum inter naturalia. Si enim natura rationalis præcipit, ut amemus proximum nostrum, quantumvis in nos non beneficium; amemus Parentes aliosque Benefactores. quanto magis præcipiat oportet, ut amemus DEUM; qui non solum Dominus sed Pater noster est potior, quam homo, qui nos genuit; à quo & possibilitate, & esse, & omnia ad vitam non solum temporalem, sed æternam, & æternam beatam, ducendam, necessaria habemus abundanter. Qui non diligit parentes, abortus est naturæ: qui non amat DEUM, monstrum horrendum, & portentum immane! Maximum est etiam inter præcepta Divina: quia in primis manifestum est, majus esse præceptis secundæ Tabulæ, quibus præcipitur cultus parentum & indemnitas proximi; cum DEI semper, & ab omnibus, adeoque ipso DEO, potior sit habenda ratio, quam creaturarum quarumvis. Majus est etiam præceptis primæ Tabulæ & quibusvis alijs Legibus Judicialibus & Ceremonialibus: quia his solum mandatur, quid non sit faciendum contra DEUM & honorem ejus; alijs verò ordinatur solum pertinentia ad cultum DEI externum & forum Judiciale: Præcepto autem de diligendo DEO præcipitur Actus internus, & principalis inter omnes actus animæ, nobilissimus inter omnes actus animæ, nobilissimus inter omnes virtutes, & ex quo facile fluunt alij actus tum interni tum externi, pertinentes ad cultum divinum & mandatorum quorumvis observationem. Præcipitur actus, qui maximè expetitur & desideratur ab utentibus ratione. Quid enim magis volumus, quam amari? Quanto igitur

tur DEUS magis sibi conscius & infinitæ Bonitatis & Perfectionis suæ; tantò magis, oportet, velit amari. Indicant hanc DEI voluntatem iustissimam posita in præcepto Dilectionis verba, valde sonantia, & intentionem DEI exaggerantia: *Diliges ex toto corde tuo, in tota Anima tua, in tota mente tua, omnibus viribus tuis*, Si solum posuisset: *Diliges omnibus viribus tuis*, satis indicasset, & ex toto corde, & tota animâ, & tota mente diligendū esse: sed illa repetitione & exaggeratione magis exprimere voluit dignitatem, & gravitatem tum præcepti, tum obligationis nostræ.

Accedit, quod reliqua omnia præcepta divina ordinentur ad Charitatem tanquam finem suum. *Finis præcepti est Caritas* (inquit Apostolus? 1. Tim. 1. 5.) *de corde puro, & conscientia bona, & fide non ficta*. Alia enim præcepta disponunt hominem, ut à vitijis immunis, ea, quæ decet mentis & cordis puritate ac probitate diligat DEUM. Unde etiam præceptum de Dilectione dixit Christus D. non solum esse maximum sed etiam *Primum* mandatum: quia est Primum in intentione Legislatoris, & præcipuum, & tanquā finis reliquorum; cujus expletio tam facilem reddit observationem reliquorum præceptorum, tum divinatorum, tum humanorum, ut Doctorum non nemo (Aug. tr. 7. in ep. 1. S. Joan:) non dubitaverit pronunciare: *Amā; & fac quod vis*. Nam juxta Apostolum Rom: 7. *Plenitudo legis Dilectio*.

Ex his patet: Quantopere DEUS, & ut Pater nostri amantissimus, & ut Dominus beneficentissimus, atq; Legislator supremus, desideret à nobis amari: quantaq; nobis incumbat obligatio & necessitas Amoris ejus super omnia, in corde puro, conscientia bona, & fide non ficta, ut dixit Apostolus. Porro ad impletionem Primi hujus & Maximi, ideoq; summæ nobis observandi, mandati, non sufficit; semel, aut rarissime in vita, eliciunt actum Amoris divini; sed crebriore opus est exercitio: prout Innocentius XI. declaravit Anno 1679. 2 Martij, prohibendo sequentes Propositiones n. 5. 6. & 7. *An peccet mortaliter, qui actum dilectionis DEI semel in vita tantum eliceret, condemnare non audemus. Probabile est; ne singulis quidem rigorose quinquennijs per se obligare præceptum charitatis erga DEUM. Tunc solum obligat: quando tenemur justificari; & non habemus aliam viam, qua justificari possumus*. Excordis cordis est tam parca Caritas.

Insuper necessitatem Divini Amoris graviter nobis inculcant duo Apostoli, Joannes & Paulus. *Qui non diligit, manet in morte*: inquit Joan. ep. 1. 9. 3. 14. Heu! in quam horrenda morte! Notat S. Gregorius l. 4. Mor. c. 17. in Scriptura S. mortem carnis dici *Umbram mortis*: veram autem mortem esse *Separationem anime à DEO*, cui per Charitatem intime unitur.

Separata autem anima a DEO, quantæ corruptioni est obnoxia! qualium vermium est pabulum æternum! Merito S. Hieronymus in Jsa: c. 14. peccatorem vocat *Cadaver diaboli putridum*. S. Paulus 1. Cor. 13. non minus patheticè idem urget: *Si linguâ, inquit hominum loquar, & Angelorû: Charitatem autem non habeam; factus sum veluti æs sonans, aut cymbalum iunniens. Et si habuero prophetiam, & noverim mysteria omnia, & omnem scientiam: & si habuero omnem fidem ita, ut montes transferam, Charitatem autem non habuero, nihil sum. Et si distribuero in cibos pauperum omnes facultates meas; & si tradidero corpus meum ut ardeam; Charitatem autem non habuero: nihil mihi prodest. Ergo qui amat, amet: & qui non amat, timeat!*

SABBATO.

DEUS Christus, DESpara V. sunt Bonum nobis utilissimum.

1. **A**ddora DEUM O. M. & considera eum, esse Bonum nobis utilissimum. Quamvis enim ipse sit Finis noster Ultimus, ad quem nobis tendendum est: tamen & medijs rationem habet; in quantum non solum infinita sibi bonitate nos movet, sed etiam per infusa gratiarum auxilia nos juvat, & trahit ad se. *Nemo potest venire ad me, sive per fidem; sive per mortem felicem; nisi Pater, qui misit me, traxerit illum:* testatur Christus Joan. 6. Recole; quàm frequenter, quàmve potenter per interros instigatus, & externa etiam media, prospera & adversa, te traxerit, & trahat ad se DEUS. Quid resistis? quid reluctaris? Non ad macellum vel carcerem te trahit, sed in cælum, & sinum suum. Quid utilius nobis esse, vel optari potest? Nec DEUS tantum ipse, verum & pietas erga ipsum ad omnia utilis est, teste Apostolo 1. Tim: 4. Huic ergo prima maximaq; impendenda cura. O quod tam rarus & frigidus tui cultor fuerim, DEUS!

2. **A**ddora D. JESUM, & considera: etiam ipsum esse Bonum nobis utilissimum, imò totum esse factum & natum in utilitatem nostram. Non summis tantum necessitatibus nostris prospexit, & prospicit: verum & commodis & lucris nostris. *Ego veni, ut vitam habeam, & abundantius habeant.* Joan. 10. De plenitudine ejus accepimus omnes; gratiam pro gratia. Joan. 1. In hoc intentus est, ut non tantum justos nos faciat; sed qui justus est, justificetur adhuc; & qui sanctus, sanctificetur adhuc, majoremq; assequatur gloriam in domo Patris sui. Huc spectat Sacramentorum tantarum variorum Institutio; aliorumq; quæ in dies offeruntur, mediorum coordinatio. At ex nobis, quam utilitatem, quos fructus habet JESUS? Si servi sunt inutiles, qui omnia fecerunt: qui erimus nos, qui nihil aut tam parum pro ejus gloria facimus? Parce JESU, & stimula ignavos.

3. Vene-

Venerare DEI param V. & considera: ipsam quoq; esse Bonum nobis utilissimum. Quisquis verbum habet ad Principem, non alteri commodius illud credit, quam Principis Matri. MARIA & promptissima est ad intercedendum, & exaudiri dignissima. Dives est non sibi, sed nobis. Gratia Filij utitur, quam prudenter, tam liberaliter. Nihil antiquius habet quam elevare genus suum; fovere, ditare Clientes suos. Tota oculus est ad pervidendas necessitates nostras, tota manus ad subveniendum. Cum fiducia igitur maxima accedimus ad thronum gratiae tuae o Gratiofissima: nostras deprecationes ne despicias in necessitatibus nostris.

Prop. sum v. g. de strenuo usu Gratiarum & Auxiliorum DEI J. & M.

presertim ad Actus Charitatis.

LECTIO PRACTICA.

Quam Utile sit Exe. citium frequens Amoris Divini.

Disertissimi sunt SS. Patres in extollenda praestantia, & Utilitate Charitatis nostrae erga DEUM. Clemens Alex. in paræn. appellat eam *Præcipuum Christiani hominis munus*. Hieronymus ad Theoph: *Cunctarum virtutum Maorem*. Ephrem doctrin. de Humil: *Omnium virtutum Columnam*. Augustinus serm. 53. de temp: *Artem omnium virtutum*. Prosper lib. 3. V. Cont. c. 13. *Morem criminum, Viam Virtutum*. S. Gregorius M. lib. 6. ep. 60. *Maorem & Custodem omnium bonorum*. S. Thomas Aq. 1. 2. q. 62. a. 4. C. *Radice & Formam omnium virtutum*. Cyrill. Alex: in cap. 13. Joan: *Omnis virtute constantem*. Richardus à S. Vict: *Ipsa, inquit, non tam virtus potens, quam virtutum potentia dicenda est, eo quod ab illa omnes accipiant, ut verè virtutes sint. Hec vita fidei, spei robur, & omnium intima vis, & medulla virtutum. Hec quæ vitam ordinat, affectus (pios) inflammat, actus informat, excessus corrigit, mores componit: valens ad omnia, & omnibus prevalens.*

Juvat paulò attentius considerare insigne elogium, quo Apostolus 1. Cor. 12. 31. commendat Utilitatem Charitatis, dum eam appellat *Viam Excellentissimam ad Perfectionem & Beatitudinem æternam. Et adhuc excellentiorem Viam vobis demonstro*; inquit in fine Capitis; postquam latè egerat de varijs gratijs divinis gratis datis, quæ eo tempore largius donabantur fidelibus a Spiritu S: ut donum lingvarum, prophetiz, curationum &c. Excurrit enim toto Capite sequente in laudem, & commendationem Charitatis, tanquam virtutis & doni magis necessarij & utilis, quam sint illæ gratiæ gratis datæ. Eo ipso autem quod non exprimat terminum, ad quem excellentior illa charitatis via ducit, sed simpliciter dicit, *Excellentior em viam vobis demonstro*, satis indicat: Charitatis Exercitium sedulum *Viam esse excellentiorem* (& quidem *supra modum excellentiorem*, prout cum

3. Chrysostomo legunt Theophyl: & Cassianus Collat: 11. c. 12. ad omnem Finem, tam immediatum, quàm Ultimatum, Christianis præfixum: id est, Charitatem, tanquam viam regiam, tutissimam & brevissimam, ducere & ad omnigenam Perfectionem, ad quam fideles secundum statum suum tendere debent, & ultimata ad ipsam summi Boni possessionem per Visionem beatificam.

Sunt nimirum variaz viæ ducentes ad Perfectionem Christianam & Religiosam, ac deniq; ad Beatitudinem æternam: sed aliz alijs sunt tutiores, compendiosiores & minus arduæ. Quidam tendunt ad DEUM & Perfectionem Via Orationis & contemplationis, alij via Mortificationis, alij via rigidioris paupertatis, alij via singularis sui Abnegationis, alij via præpioris Obedientiæ, alij via Liberalitatis seu Misericordiæ in pauperes &c. quæ viæ omnes viæ sunt Domini, & Viatores suos feliciter ad terminum optatum deducere possunt; sed non sine labore, tædio, & sudore, nec omnes omnibus sunt accomodatæ. At via Charitatis regia, seu universalis est, conveniens omni hominum conditioni, sexui, & ætati. Per eam tenditur alacrius, & ad terminum pervenitur compendiosius. Ratio est. Quia qui in studio Charitatis divinæ versatus est diligentius; is pro fundamentalis, simulq; suprema & generali maxima sua, & pro primo principio omnis motus sui & quietis, habet, & immediatè respicit Placitum Divinū, seu Voluntatem DEI super omnia Dilecti. Cum primum ergo se offert tentatio seu occasio quæpiam sollicitans ad defectum aliquem, ne dicam ad peccatum: illico advertit, id non placere super omnia Dilecto; proinde sine ulla deliberatione, discursu, tergiversatione, mentem abstrahit ab objecto proposito, & cor immergit DEO. Contra, dum se dat occasio, præclarum quidpiam agendi, aut arduum patiendi; ut primum advertit, id placere DEO, DEUM id fieri velle: jam determinatus, & satis animatus est ad audendum & patiendum; nec circumspicit, quid alij de tali actu sentiant, aut quantum laboris vel doloris, sit sustinendum. Et sic tota agendi, patiendi, & omit-tendi ratio his veluti duobus cardinibus, seu polis, vertitur: *Placet, Non placet, DEO*. DEUS id fieri à me *ult*, aut *Non ult*. Ideoq; hæc via Charitatis similior est viæ maritimæ, in medio oceani, quam terrestri inter montana. Quia hæc per ambages ducit, per plana & confragosa; jam hic, jam illic incertus hæret viator: an recta, vel ad sinistram aut dextram eundum: illa unica dirigitur Cynosurâ; quæ in via spiritali est Voluntas DEI super omnia Dilecti. Ab hac non receditur, quia amatur. Amatur autem, quia super omnia amatur DEUS.

Hinc facile intelligitur: quomodo Charitas sit Radix & Mater omnium reliquarum

DOMINICA III. Adventus.

reliquarum virtutum, imò & Forma ipsarum, juxta S. Tho: ait: Generat enim illas, imperando Voluntati, & alijs potentijs Exercitium earum propter Bonitatem DEI, seu propter Voluntatem & gustum DEI: ut scilicet nunc Actus Fidei, aut Spei, nunc Humilitatis, Patientiæ, Justitiæ &c. eliciantur; idq; non solum ex motivis suis proprijs, sed etiam Charitatis; id est, propter Bonitatem, & placitum, seu gustum DEI. Quo fit, ut hujusmodi actus ex tali duplici motivo elioiti duplicis speciei sortiantur bonitatem, ideoq; longè gratiores & pretiosiores sint coram DEO.

Magna sunt hæc commoda Charitatis, & magni æstimata multumq; commendata ab Ascetis. Sed quomodo Charitatem ipsam, tam perfectam, tam oculatam & intentam in omnem voluntatem & gustum DEI, tam zelosam pro DEO, nobis comparabimus? Resp: paucis: Crebrâ & ardente invocatione Spiritus S. cujus est illam diffundere in cordibus puris, & sedula frequentiq; Consideratione Perfectionum Divinarum. Quò enim DEUM magis cognoverimus & æstimaverimus, magis amabimus. Breviter, sed nervosè Bernardus serm. ad Fratr: de Monte DEI: *Amorem DEI in homine ex gratia genium, lassas Letho, Meditatio pascit, Oratio confortat & illuminat.*

DOMINICA III. ADVENTVS.

DEUS, JESUS & MARIA sunt Bonum nostrum jucundissimum.

1. **A**dora DEUM O. M. & considera: eum esse bonorum omnium jucundissimum Bonum. 1. Quia habet delectabilitatem veram & sinceram, sine ullo furo, & amaritudine. 2. Infinitam: quæ infinita corda, sensus, & potentias possit implere, & superaffluenter implere. 3. Constantem & æternam; quam nec adversa, nec tormenta ulla tollere possint. 4. Satiativam sine fastidio, imò cum majore desiderio & appetitu sui, nauseâ verò temporalium voluptatum, præsertim carnalium. Si ergo sua trahit quemq; voluptas: cur non trahit nos voluptas increata, sincerissima, Infinita, æterna? Quo fascino nos tenet voluptas creata, quamvis fucata, inconspicua, momentanea, sordida, & mordens in fine, ut coluber Inferni?

DEUS: gaudium cordis mei: pudet me pravitatis & sensualitatis meæ.

2. **A**dora D. JESUM, & considera: etiam illum esse Bonum nostrum jucundissimum. Quid enim est JESUS, quàm DEUS humanissimus, gratiosissimus, clementissimus, dulcissimus, liberalissimus, mitissimus, Optimus, Maximus? Quid est JESUS, quàm homo innocentissimus, sanctissimus, speciosissimus, sapientissimus, misericordissimus, blandissimus, cujus vel ipsum nomen mel est in corde, jubilum in ore, in aure dulce Canticum;

ticum; in corde nectar cœlicum. Amor JESU dulcissimus, & verè suavissimus; expertus potest credere, quid sit JESUM diligere; JESUM speciosum præ filiis hominum in quem desiderant Angeli prospicere, deliciū Patris æterni, florem generis humani, compendium omnis honestæ voluptatis, quam mens aut sensus desiderare possunt. O quando te videbunt oculi mei, Amabilissime JESU. Quando sonabit vox tua in auribus meis, jucundissime JESU? Diligo & diligam Te super omnia, & in æternum.

3. **V**enerare DEI param V. & considera: ipsam quoq; esse Bonum nostrum jucundissimum. Est enim vultu decora nimis, imò pulchra tota sine nota cujuscunq; maculæ: diffusa est gratia in labijs ejus: nitet innocentia in moribus ejus: nihil in illa asperum, nihil triste, omnia spirant amorem, solatia, gaudia, honestatem, gratiam, sanctitatem, voluptatem quandam cœlestem. Valet igitur Idola Veneris. Soli MARIE Virgini mei calant amores; Hic nulla pars Cupidini, fœdi procul calores.

Proposium v. g. de vera mentis & cordis delectatione querenda apud DEUM;

J. & M. per frequentes actus Amoris.

LECTIO PRACTICA.

Quàm Jucundum sit Exercitium Charitatis Divine.

Non pauci, & fortè pars major, hominum eas tantum delectationes norunt quæ gustu, tactu, alijsq; sensibus percipiuntur. At quibus limatior est intellectus, alias quærent, & sentiunt delectationes, meliorem hominis partem animum afficientes. Ex his Aristoteles ipsius naturæ magisterio voluptates sensuales, præsertim fœdas, pro vera voluptate, homine digna, non habuit: quia honestate sunt destitutæ, nec habentur pro voluptate humana, nisi à malè affectis. Judicium ergo veræ delectationis sumi voluit 10. Ethic. 3. 5. 6. ex judicio hominis boni & virtute præditi, eamq; pro vera habendam, qua ipse delectetur. Quod autem alia alijs jucunda videantur, id evenire dixit ex corruptela. Nam ut pueri, quæ ipsi amant, & quibus capiuntur, præstantissima & jucundissima putant: quæ eadem tamen à viris nihili æstimantur: sic alia placere bonis, alia improbis; quia isti sinceræ ac honestæ voluptatis gustum non habent.

Vetus itaq; & sanior Philosophia veram voluptatem in abstrusarum veritatum cognitione & contemplatione quærebat: imò eò evasit tandem Philosophus: ut cum multa Ethic. 10. c. 7. & 8. de felicitate humana, in qua summa est delectatio, disseruisset, demum concluderet: eam sitam esse in cognitione & contemplatione DEI, & mentium, ut ille ait, a corpore & ab omni concretionem abstractarum. Hanc enim rationis humanæ functionem esse ex omnibus suavissimam & jucundissimam.

Chris

Christiana Philosophia & Theologia non censet, homini contingere felicitatem & voluptatem omnino consummatam, nisi à contemplatione DEI procedat ad perfectum Amorem ejusdem super omnia. Unde nominatissimus Asceta Thomas Kempensis lib. 1. c. 2. de Imit. non dubitavit pronunciare: *Melior est profectò humilis rusticus, qui DEO servit, eum colendo & amando: quam superbus Philosophus, qui se neglecto (& multò magis DEO) cursum cæcè considerat.* Plus dixit Apostolus: *Si noverim mysteria omnia, & omnem scientiam, charitatem autem non habuerò; nihil sum.* 1. Cor. 13. Non solum non sum jucundus & beatus, sed nihil sum. Si verò contemplationi divinorum accesserit Amor, tum demum voluptas & gaudium nostrum plena erunt, quantum ærunnosus hujus vitæ status patitur. Indicavit idem Apostolus Gal. 5. quando recensens fructus Spiritus S. statim post Charitatem posuit Gaudium & Pacem. *Fructus autem spiritus est Caritas, Gaudium, Pax &c.* Solemne est, soli comparare Charitatem tum eb alias analogiz rationes; tum quod, quemadmodum solis ortus dissipat nebulas & nubes, recreat agros, volucres cæli, pecora campi, & ipsos hominum animos à tenebris nocturnis & somno squalidos: sic Amor DEI, exortus in corde, abstergit tristem, quam peccata induxerant, mentis caliginem, mittit foras timorem illum fervilem & anxium, facitq; animam jucundissime respirare in luce miserationum divinarum, & exultare in DEO Salutari suo. Et sicut sol ubi nostrum conscendit hemisphærium, non subsistit ignavus, sed procedit impiger usq; ad perfectum diem, continuo majorem spargens lucem, diffundens ardorem, generans lætitiā: sic divinus Amor dum magnis passibus frequentatorum Actuum promovetur; continuis incrementis magis magisque illuminat mentem, & dilatato corde, inexplicabili voluptate replet animam, in ipsum quoq; corpus redundante. *Cor meum & caro mea exultaverunt in DEUM vivum* Psal. 83. *Nulla virtus habet tantam inclinationem ad suum actum, sicut Caritas: nec aliqua ita delectabiliter operatur.* inquit S. Thom. 2. 2. q. 23. a. 2. C.

Similis quoq; est Amor DEI flumini illi Paradisiaco, de quo Gen. 2. dicitur: *Ex flumine egrediebatur de loco voluptatis ad irrigandum Paradisum; qui inde dividitur in quatuor capita; id est, ingentia 4 flumina, aurum, gemmas, & miram felicitatem vehentia.* Sic Amor ille, egrediens de loco voluptatis, scilicet corde puro, quod DEO plenum est, ad irrigandum paradisum, Animam justam; dividitur in 4 capita, Conscientiam bonam, Filialem DEI Timorem, Fiduciam in DEO singularem, & Spem vivam, nec confundentē, Beatitudinis æternæ. Ubi enim verus DEI amor est, nihil horum deesse potest. Totius veri boni temporalis & æterni parens est. Hæc autem su-

mina quatuor, quam vastis, quam illimibus & opulentis alveis, qualens, quantamq; nobis vehunt voluptatem!

De Conscientia bona notum est illud Proverb. 15. *Secura mens quasi iugo convivium.* Et Bernardi in libris de Considerat: *Quid diuini, quid in corde dulcium, quid in terra quietius est, & securius bona conscientia? Damna rerum non metuit, non verborum contumelias, non corporis cruciatum; quæ & ipsa morte magis erigunt, quam deprimunt.* De Timore DEI filiali jucundè Ecclesiasticus cap: 3. *Timor Domini gloria & gloriatio, & letitia & corona exultationis. Timor Domini delectabit cor, & dabit letitiam & gaudium, & longitudinem dierum.* De Fiducia filiali erga DEUM Psal. 15. canit David: *Providebam Dominum in conspectu meo semper quoniam à dextris est mihi, ne commovear: Propter hoc letatum est cor meum, & exultavi lingua mea.* De spe Beatitudinis æternæ, feracissima gaudiorum, docet, monetq; Christus Matt: 5. *Gaudete, & exultate: quoniam merces vestra copiosa est in celis.* Et Apostolus 1. Cor. 2. *Nec in cor hominis ascendit, quæ præparavit DEUS ij, qui diligunt illam.*

O Jucundam, ô beatam vitam amantium te, DEUS meus, Amor meus, Timor meus, Pax, Fiducia, Spes, Gaudium, & corona mea! Adhuc pigebit, ferventer & frequenter amare DEUM? Pigebit recurrere crebrius ad fontem tantæ voluptatis per ardentia suspiria, per sinceræ amoris testellas, per cumulata amandi magis magisq; desideria? v. g. cum S. Augusti lib. 10. Conf: c. 29. *O amor, qui semper ardes, & nunquam exingueris, Charitas DEUS meus, accende me.* Vel cum S. Psalte Psal. 17. *Diligam te Domine fortiundo mea, Bonitas mea, Misericordia mea &c.* Respondebit non raro Amor DEUS; & liquefet anima nostra, ut sponsæ Cant: 5.

FERIA II.

DEUS, JESUS, MARIA sunt Bonum summe communicativum sui.

I. A Dora DEUM O. M. & considera eum, ut Bonum summe communicativum sui. Communicat 1. se intra se per identitatem: in quantum Natura divina una eademq; communicatur tota tribus Personis divinis, Patri Filio & Spiritui Sancto. 2. Communicat se extra se, imprimis per imitationem: in quantum varias suas perfectiones variè exprimit in creaturis; quæ propterea dicuntur participatio divini esse. 3. Communicat se per gratiam justificantem, qua evehimur in sortem Filiorum DEI, diciturq; participatio Naturæ divinæ. 4. Communicavit se intus & modo præstantissimo per unionem hypostaticam; assumendo Naturam

param humanam, eamq; intimè conjungendo cum divina in VERBO. Tam liberaliter, & quasi prodigè communicativus sui est DEUS, præsertim erga homines. At nos quàm parci erga DEUM, quàm tenaces nostri & nostrorum?

2. **A**dora D. JESUM; & considera: etiam ipsum esse Bonum summè communicativum sui. Communicavit seipsum nobis 1. in Incarnatione, factus homo. 2. Per Nativitatem & conversationem; in terris visus est & cum hominibus conversatus. 3. Per prædicationem, revelando nobis mysteria Divinitatis & Humanitatis suæ. 4. Per Institutionem Veni: Eucharistiæ, totum se nobis offerendo in cibum. 5. Per traditionem sui pro nobis in mortem crucis, & pretium redemptionis nostræ. 6. Communicaturus est in regno suo, per claram sui visionem in omnem æternitatem. Quid retribuam Domino, qui sic communicavit se mihi? Si me dederò totum, quantillum dabo? Suscipe tamen liberalissime JESU.

3. **V**enerare DEI param V: & considera: ipsam quoq; esse Bonum summè communicativum sui. Communicavit se nobis offerendo se ad quævis agenda & patienda pro nobis, quæcunq; requireret DEUS. Communicavit, offerendo pro salute generis humani optimam sui partem, Filium. Communicat se etiamnum per consilium & auxilium; in dubijs & periculosis illustrando, & dirigendo; in necessitatibus adjuvando & protegendo; O Mater largissimæ dilectionis, suspicio & æstimo hanc tuam erga nos profusionem. Ego quoq; non vivam; nisi totus tuus.

Propositiu v. g. liberalitè agendi cum DEO, f. & M: ut non solum integrè præste; quæ debet; sed plura & meliora.

LECTIO PRACTICA.

Quàm liberali Charitate respondere debeamus summæ communicationi

DEI erga nos.

Quinvis planè infinita sit egestas nostra: nihilominus liberales nos esse erga DEUM decet, & oportet. Arguitur Luc. 12. Euclio ille, qui dixit animæ suæ: *Anima habes multa bona, posita in annos plurimos; requiesce, comedo, bibe, epulare.* Perstringitur meritò ut *Sinlus*, qui soli ventri suo intentus non cogitavit: *Quid retribuam Domino pro omnibus, quæ retribuit mihi?* Deniq; repentina morte spoliatur bonis omnibus, & ipsa vita, fitq; pabulum ignis æterni, & documentum posteris in cautelam. Subdit enim Dominus: *Sic est, qui sibi thesaurizat, & non est in DEUM dives.* Quasi diceret: Talem finem & exitum fortietur: quisquis opibus congerendis, & luxui impendendis, unicè intentus, non est largus, seu liberalis in DEUM.

Possumus ergo, imò debemus, liberales esse in DEUM, non obstante insuita paupertate nostra. Nam, ut notavit Seneca lib. de vita beata: *Liberalitas dicta est ab animo libero, & largo. Animus enim est, inquit idem lib. 1. de benef. c. 6. qui parva extollit, sordida illustrat: magna & in pretio habita dehonestat; si nimirum animo tristi & invito conferantur.* Et Aristoteles lib. 4. Eth. c. 1. *Liberalis actio non in multitudine rerum, quæ dantur, sed in habitu danti consistit: hic autem pro facultatibus erogat id est, juxta copiam facultatum suarum. Nihil igitur prohibet; cum magis esse liberalem, qui pauciora largitur: si modo minores ei sint facultates; ut plus dare non possit.* Consentit S. Ambrosius lib. de viduis: *Liberalitas non cumulo patriumonijs, sed largitatis definitur affectu.* Et lib. 1. de Officijs: *Christus duo æra viduæ illius Luc. 21. divinum munere pretulit; quia totam illa, quod habuit, contulit. Affectus igitur divitem collationem, aut pauperem facit; & pretium rebus imponit.* De eadem vidua dicit S. Thomas 2. 2. q. 32. art. 4. ad 3. *Quod enim dedit secundum quantitatem; plus dedit secundum suam proportionem: quia non solum superflua dedit, ut Pharisei & alij divites, sed maxime necessaria sibi, nimirum omnem victum suum, quam habuit, Christo teste. Ex quo pensatur in ipsa major Charitatis affectus: addit S. Tho: cit:*

Ex his patet: tria potissimum requiri, ut divinæ in nos profusioni Charitatis liberali respondeamus. 1. Ut ea, quæ DEO offerimus, offeramus animo hilari, & prompto. *Hilarem enim datorem diligit DEUS, teste Apostolo 2. Cor. 9. Quod mæsto animo deferitur, aut necessitate extorquetur, ingratum est, parumque gloriosum, ait Gregorius Naz: ep. 258. De promptitudine tunc est illud Publij Mimi: Qui citò dat, bu dat. Beneficij gratia promptitudine & celeritate congeneratur: juxta Nazianzenum cit:* 2. Ut offeramus, si non totum, quod possumus & sumus: saltem secundum proportionem quandam, seu copiam facultatum nostrarum: ut patet ex Aristotele suprà, & magis ex illo Tobie senioris monito c. 4. 9. *Quomodo poteris, ita esto misericors. Si multum tibi fuerit, abundanter tribues; si exiguum tibi fuerit, etiam exiguum liberè impertiri stude.* Parum dedit, qui non nisi superflua dedit. Dum res est cum DEO, etiam de necessarijs aliquid decerpendum est. 3. Ut ea, quæ offerimus, offeramus ex sincero amicabilis Charitatis affectu. id est, non intuitu commodi nostri, quod ex divina liberalitate consecuti sumus, aut consequi speramus (hic enim est Amor concupiscentiæ, imperfectus: quia illo magis ferimur in bonum nostrum temporale, quam in DEUM) sed propter ipsummet DEUM, infinite Bonum in se & Perfectum: ut ipse inde guttur habeat suavissimum, vel gloria ejus magis amplificetur. Hæc igitur requi-

requiruntur: ut Charitas nostra nomen *Liberalis* mereatur.

At si, ut decet, estimare velimus, Communicationem, seu profusionem in nos Divinæ Bonitatis planè illimitatam; facile advertemus: quod sicut *modum diligendi DEUM, est, diligere sine modo*, teste Bernardo: ita liberaliter amare DEUM, sit amare sine mensura. Unde taliter amantes, parci & sordidi sibi viderentur, si solum partirentur bona sua cum DEO, aut ex omnibus solum ipsi concederent quendam Usum fructum. Totum igitur, quod sunt, & possunt; quod habent, & habere possunt, offerunt & tradunt DEO: ipsi ex sola DEI providentia, & hominum liberalitate, vitæ necessaria expectant, parati non solum laborare pro DEO usq; ad sudorem vultus, sine mercede ulla; sed etiam decertare usq; ad sanguinem & vitæ profusionem, sine præmio. Verum neq; hæc satis liberalis videtur illis Charitas. Toto igitur ingenio, & voluntatis affectu in varias artes & industrias, quibus liberalissimum quendam amorem testentur DEO, intenti sunt. Nunc ardentissimè & sincerissimè volunt DEO omnem honorem, & amorem, quem habuit, habet, habebit, & habere potest ab omnibus, etiam possibilibus creaturis: omnes perfectiones, quas habet in se infinitas; omne gaudium, quod habet de se ipso inexplicabile & æternum. Nunc vellent æquè perfectis actibus amoris & glorificationis amare & glorificare DEUM, ac JESUS & MARIA. Nunc per varias discurrunt hypothesen: ut si hæc, vel illa, contingeret occasio gravissima patiendi, vel præclarissima agendi pro DEO; totis se viribus incunctanter impenderent, & superimpenderent: nec sistunt intra imaginarias hypothesen, sed re ipsa quærunt occasiones & modos desideria sua aliquatenus exequendi.

Hoc est, esse divitem in DEUM, & liberali Charitate amare DEUM. Placet? *Filioli mei, non diligamus verbo, neque lingua, sed opere & veritate.*
1. Joan. 3.

FERIA III.

DEUS, Christus, & DEIPARA V. *Sunt Bonum Unicum.*

1. A DORA DEUM O. M. & considera: ipsum esse Unicum, ita: ut nec sit nec esse possit DEUS alius præter ipsum. Ego DEUS, & non est alius: Isaia 45. Non enim possunt esse vel duo Principia prima, & totius esse; vel duo Summa Bona, vel duo fines ultimati, vel duo supremi & absoluti gubernatores mundi, ac Domini; quibus Creaturæ rationales omnem, cumq; supremum debeant cultum. Miseros gentiles, qui sub iugo tot Dominorum, quot deastrorum, laborarunt, & laborant. Feli-

ces nos, quibus DEUS Deorum Dominus innotuit; DEUS verus, solus & unicus: in quem omnia colligamus officia, obsequia, corda; amores & cultum supremum. O DEUS, Tibi Uni omnia! Soli, honor & amor summus.

2. **A**dora D. JESUM, & considera: etiam ipsum esse Bonum Unicum; in quantum non est alius Homo-DEUS; Redemptor & Salvator ac Mediator principalis generis humani. Ipsum solum dedit Pater Caput super omnem Ecclesiam; solum constituit Judicem supremum, ac Dominantium Dominum, omnia subijciendo sub pedibus ejus. *Ephes. i.* Cum enim solus ipse calcaverit torcular salutis nostræ, solus tulerit langviores nostros, & portaverit Infinitum pondus peccatorum nostrorum: Solus & Unicus summa omnia meruit, & prærogativa Personæ, & excellentia meritorum. Tibi igitur, JESU pretiosissime, soli DEO, soli Redemptori & Salvatori meo; summum honorem, amorem & gratitudinem me debere profiteor. At quando, ô quando reddam! Da ipse, ut possim, & velim; & præstem, quod debeo.

3. **V**enerare DEIpam V. & considera: ipsam quoq; in genere suo esse Bonum Unicum. Cui enim alteri; ex Angelis vel hominibus, dixit Filius DEI: Pater aut Mater mea es tu? Solius MARIE hoc privilegium est: vigore cujus sola tantum meruit honoris & amoris apud DEUM, quantum tota Justorum hominum & Angelorum, collectio non meruit. Eam sibi elegit DEUS ex omnibus pretiosis gemmam unicam, ex omnibus speciosis Liliū unicū, ex omnibus charis Amicam unicam, ex omnibus Creaturis Matrem Unicam. Nec primam similem visa est, nec habere sequentem. Gratulor tibi, ô Unica Electa ex omnibus, & Dilecta super omnes, singularem hanc prærogativam; & ardentissime supplico: ut sola occupes, & æternum possideas cor meum. Tibi uni, ex filiabus hominum sit sacrum.

Proposium v. g. de toto corde tradendo DEO, J. & M.

LECTIO PRACTICA.

Per Charitatem deferendum Unum UNI.

B. Egidius, S. Francisci Seraphici socius Sanctus, frequenter cantillando ingeminare solebat: *Unum UNI, Unum UNI, Unum Cor Uni DEO. A-*
lias, Una Uni, Anima una Uni DEO. Merito. Exigit enim id DEUS Creator, DEUS Redemptor, DEUS Sanctificator.

Creator DEUS soli sibi vendicat Animam nostram: quia solus eam creavit, & pretiosissimis dotibus ornavit: soli sibi vendicat possessionem Cor-
dis

dis nostri; quia solus ei vitam inspiravit, atq; illud velut thronum sibi excitavit, in quo tanquam naturalis Dominus & Princeps supremus residens pacifice regnaret, excluso æmulo omni. Unde S. Bernardus in epist. ad quendam postulante: quid à nobis requisat DEUS? respondit: *Cor nostrum nihil dignum, seu justius, producere, seu agere, potest: quam ut ei se restituat, à quo factum est.* Et hoc à nobis Dominus expectat, dicens: *Fili mi, prebe cor tuum mihi.* Prov. 23. Advertendum autem diligenter: quomodo DEUS, licet summo jure ei debitum sit Cor nostrum, Anima nostra, & quidquid sumus: tamen specialiter requirit Cor; & requirit, non despotice exigendo, sed amanter petendo; *Prebe fili mi, Cor tuum mihi.* Cor enim non solum est principium & finis omnis motus vitalis in homine, ideoq; facile princeps inter reliqua membra: sed etiam est propria sedes & officina Amoris, aliorumq; affectuum, & cogitationum malarum; juxta illud Christi Matt. 15. *De corde exeunt cogitationes male &c.* Unde passim, etiam in Sacris Literis, Cor ponitur non solum pro symbolo Amoris sensitivi, sed etiam Mentis, & Voluntatis: ideoq; quod Vulgata dicit. Eccl. 3. 11. *Mundum tradidit, (DEUS) dispositioni eorum;* legunt Septuaginta, Syrus & Arabs: *Mundum tradidit in corde eorum;* ut scilicet eum attentius considerent homines, & Conditorum ejus ament tenerius, provocati tanta creaturarum varietate, pulchritudine, & communiute. Merito igitur Creator DEUS & Dominus præ omnibus membris & potentijs requirit à nobis Cor. Requirit autem valde amanter: *Prebe, fili mi, Cor tuum mihi.* Est quidem illud sub plenissimo Dominio meo, possum illud mihi vindicare omnibus, quibus libuerit, modis: volo autem, tui meriti causa, ut ipse mihi liberè, sponte, ultro præbeas illud. Præbeas mihi, non tam ut Domino, quam ut Patri charissimo, tuiq; amantissimo. Fili mi, si quis in te amor Patris, si quod studium placendi Patri, qui tibi opulentissimam, eamq; æternam hereditatem paravit in cælis pro exiguo hoc, & multis titulis debito, munusculo. Præbe Cor tuum, Unum UNI, Totum Toti Bono. Numquid æqua petit Creator DEUS?

Non minore jure Cor nostrum sibi vendicat Redemptor mundi DEUS. Emit enim ipsum sibi infinito pretio non auri vel argenti, sed sanguinis sui Divini, & vitæ profusione. Titulus Emptionis est unus è primarijs acquirendi dominium. Licet autem hoc plenissimum habuerit in cor hominis, & totum hominem, pluribus alijs titulis, Unigenitus DEI: emptione tamen illud sibi comparare voluit; ut tanto magis obligaret hominem, ad totum Uni sibi tradendum. Unde gravissima ei irrogatur injuria, quando corda nostra

nostra tradimus hostibus ejus graviter peccando. *Non unis Christus Communionem*, inquit S. Augustinus tr. 7. in Joan: *sed solus vult possidere, quod emit. Tanti emit: ut solus possideat: ut facit et cosorem diabolum, cui se per peccatum vendideras.* At Christus hac in parte consortem non patitur: quin potius iratus, quod sit ibi pars diabolo, discedit; & totum diabolus possidebit. Unum UNI, Redemptori DEO.

Exigit quoq; suo jure Cor nostrum Sanctificator DEUS, Spiritus S. Ipse enim illud in sacro Baptismi lavacro sanctificavit, & sibi consecravimus in aram perpetuam; in qua Amor, & Sacerdos & Ignis, quotidianum immolaret holocaustum. Typus hujus Altaris & Ignis fuit Altare Domini, de quo Levit: 6. præcepit DEUS: *Ignis autem in altari meo semper ardebit, quem nutrit Sacerdos, subjiciens ligna manè per singulos dies, & impositio holocausto, desuper adolebis adipem pacificorum.* Ignis est iste perpetuus, qui nunquam deficiet in altari. Altare hoc polluere, & ignem in eo extinguere, immane piaculum erat. Sanctius est Altare cordis nostri, aspersum sanguine Agni immaculati, Christi; ut in eo perpetuus ardeat Ignis Charitatis, atq; ex eo ascendant pia Amoris suspiria in odorem suavissimum Domino. Unum UNI! Non habeat in eo locum Dagon. Claudius Marcellus excitatum à se templum Honoris & Virtutis dedicare cupiens, prohibitus est à Pontificibus, asserentibus: Deos duos non rectè una æde includi; ut habet Plutarchus in Marcello. Unde Virtuti alterum adjectum est templum. Quanto minus in uno corde conveniunt DEUS & diabolus, virtus & peccatum!

Unum ergo Uni: Cor Unum, Uni DEO. Si plura haberemus, eaq; tam vasta ut orbis universus, tam incensa charitate ut elibanus immensus: omnia deferenda & servanda essent Uni DEO. Nunc autem unicum, tam exiguum, & frigidum, negabimus DEO? DEO petenti? O Domine, Creator mi, Redemptor & Sanctificator, protestor cum Xaverio tuo: quod tu deinceps, solus & unicus, eris DEUS cordis mei. Non possidebit illud alter, vel ad momentum. Quæcunq; tentatio pulsaverit ostium cordis mei, dicam: Jam prævenisse alterum, & digniorem. Recolam frequens Egidianum illud: *Unum UNI.* Tu hoc solium tuum, hanc Aram tuam, hunc thalamum tuum, serva Tibi, Uni Tibi; ne perfidus ego prodam alteri.

FERIA IV.

DEUS Unus in Natura, Trinus in Personis; Christus Unus in duabus Naturis: DE paræ V. Divine Trinitatis Tabernaculum Sacratissimum.

I. A Dora DEUM O. M. & considera: ipsum ineffabili modo ita esse unicum in substantia; ut sit etiam Trinus: non quò ad multiplicationem

cationem

ationem Naturæ; sed quo ad pluralitatem Personarum unam eandemq; totam Naturam participantium, eâ æqualitate: ut nec major, nec prior tempore, vel naturâ, sit una alterâ. Caret igitur DEUS malo divisionis, & gaudet incomparabili bono jucundissimæ Societatis. Delectatur infinite Pater in Filio, Filius in Patre, uterq; in & cum Spiritu S. Omnibus acciunt omnes Angelorum chori cœleste illud trisagium: *Sanctus, Sanctus, Sanctus Dominus DEUS Sabaoth*. Nos quoq; terrigenæ uno ore & corde, Benedicamus Patrem & Filium cum S. Spiritu: Laudemus & superexaltemus eum in sæcula. Gloria tibi Trinitas æqualis, una DEITAS, & ante omnia sæcula, & nunc & in perpetuum. Te invocamus, te Laudamus, te adoramus, o beata Trinitas unus DEUS.

2. **A** Dora D. JESUM, & considera: eum unicam esse Personam in duabus Naturis, Divinâ & Humanâ subsistentem. Subtilissimi Philosophorum, imò Angeli ipsi, in tota Creaturarum collectione, nihil tale repererunt, nec Intellectu assequi potuerunt. Ubiq; Naturarum, præsertim diversarum, multiplicationem comitatur distinctio, imò divisio & multiplicitas Personarum. In solius Hominis-DEI prærogativam, & operationem Theandricam duæ tota ininitate distantes Naturæ, confluerunt in unitatem Personæ: ut & Hominis actio passioq; verè esset divina; & excellentiæ Naturæ divinæ per mirabilem idiomatum communicationem verè attribuerentur huic Homini mortali. Credo, mi JESU, & exulto ob tam prodigiosè Divinam Personam tuam. O si & me miserum admitteres in unitatem Personæ tecum, saltē moralem, per gratiam & conformitatem Voluntatum!

3. **V**enerare DEIparam V. & considera: eam, ut Sacrosanctum divinæ Trinitatis Tabernaculum, cui rectè, accomodetur illud Apoc. 21. *Ecce Tabernaculum DEI cum hominibus, & habitabis cum eis*; idq; non solum per Immensitatem, omnipotentiam & gratiam; sed per præsentiam corporalem Filij in assumpta natura humana; quem speciali, & ante hæc inaudito titulo, & modo comitatæ sunt, & quasi domicilium fixerunt in Virgine etiam reliquæ Personæ divinæ. Si enim de quocunq; diligente ipsum dixit Christus Joan: 14. *Pater meus diligit eum; & ad eum venimus, & mansione apud eum faciemus*: quantò magis specialem, longè splendidiorem, jucundierem, & stabiliorem mansionem, sibi fecerit oportet Divina Trinitas in Matre Filij DEI! Quam felix essem! si & me in partem virginis cordis tui admitteres inquilinum, ô Gratiofissima! Ego tibi meum totum offero. Vive & regna in illo cum Patre & Filio & Spiritu S. in sæcula sæculorum.

LECTIO PRACTICA.

Charitate Trinā & Unā quomodo diligendus DEUS Trinus & Unus.

Oraculum est Discipuli, qui ut Mentis Divinæ partem æternam, ita voluntatis æstus & impulsus observavit, docuitq; accuratius. *DEUS Charitas est:* inquit 1. Joan. 4. 16. Non solum DEI donum est Charitas, sed ipse DEUS. DEUS enim & summum Bonum est, & summus, atque essentialis, ejusdem Boni Amor. Si autem DEUS Charitas est, sequitur: Charitatem, qua DEUS se, imò & creaturas, amat, esse Trinam quodammodo, & Unam. Quia in singulis Personis Divinis est, non tamen multiplicata pro numero Personarum, sed una eademq; in omnibus, sicut Voluntas una in omnibus. Sicut igitur alias perfectiones Divinas, quæ licet, ut imitemur, necesse est; ita, & quidem potissimum, Charitatem. Et nostram ergo Charitatem, qua DEUM diligimus, Trinā & Unam esse oportet: alioqui vera Charitas non erit.

Denominationem, mysterij plenam, *Trine & Unius*, facile obtinebit Charitas nostra, si spectaverimus, tum Habitum, à quo procedit, & Motivum, ex quo procedit; tum Objectum ejus Materiale, circa quod per actus suos versari debet, & versatur. Quod Habitus infusus Charitatis, qua Diligimus DEUM & proximum, sit unus & idem: doceat communiter Theologi cum S. Thoma 2. 2. q. 25. art. 1. Ratio est: quod Habitibus non diversificantur, nisi diversa habeant motiva, seu Objecta formalia. Hoc autem est unicum & idem in actibus Theologicæ Charitatis. Nam propter eandem Bonitatem Divinam, propter quam diligitur DEUS, diligi debet etiam proximus; ut notavit S. Gregorius hom: 38. in Evang: *Si quis, inquit, quemlibet amat, sed propter DEUM non amat, Charitatem non habet, sed habere se putat.* Et S. Bernardus in tr: de diligendo DEO. *Ut perfecta Justitia sis diligere proximum, DEUM in causa habere necesse est: alioqui proximum pure diligere, quomodo potest, qui DEUM non diligit?* Et August: lib: 8. de Trin. c. 8. *Nemo vera dilectione diligit proximum, nisi qui ipsum in DEO, & propter DEUM diligit.*

Fundatur hæc doctrina in divinis Literis. Apostolus enim Rom. 13. *Omne mandatum,* inquit, *in hoc verbo instauratur: Dilige proximum tuum sicut te ipsum.* Plenitudo ergo legis est dilectio. At in hoc mandato de dilectione proximi non instauraretur primum illud & maximum mandatum de diligendo DEO, nisi proximus diligendus esset propter DEUM: nec plenè legem impleat, qui ex alijs causis diligeret proximum. Christus enim non qualem-

qualemcunq; nobis præcepit amorem proximi, sed similem amori, quo ipse dilexit nos. *Mandatum novum*, inquit Joan: 13. *de vobis: ut diligatis invicem, sicut dilexi vos*. Ex quo autem motivo dilexit nos Christus? Num propter innocentiam & probitatem nostram, aut propter naturæ dotes, aut commodum suum ex convictu nobiscum? Utinam tale quidpiam invenisset in hominibus, & non potius corruptionem, pravitatem & malitiam summam! Dilexit ergo nos purè propter DEUM: quia nimirum Patri placere novit talem amorem: quia DEUS dignus est, ut propter ipsum ametur etiam Creatura ejus, ad imaginem & similitudinem ipsius condita. Et sic præcepit, etiam à nobis diligere proximum, *Sicut dilexi*. Exaggeravit hanc intentionem suam per verba præcedentia: *Mandatum Novum de vobis*. Nā ut notavit S. Augustinus tr. 65. in Joan: Non ideo *Novum* appellavit hoc mandatum, quia recenter ab ipso explicatum, & exemplo commendatum fuit: sed quia verè novum requisivit Amorem. Amor enim naturalis in carne & sanguine, in respectibus humanis, & proprijs commodis, dotibusq; naturalibus alterius, fundatus, admodum vetus & antiquus est, & à natura antiquissimo jure impressus etiam brutis: at Christus sublimiorem præcepit amorem spiritualem & supernaturalem, cujus causa & Efficiens, & Formalis & Finalis esset DEUS ipse. Nec contentus id semel præcepisse, iterum inculcavit Joan: 15. 12. *Hoc est præceptum meum, ut diligatis invicem, sicut dilexi vos*. Id ipsum indicavit S. Petrus, dum, in ep: sua 2. c. 1. postquam auream texuisset cæterarum virtutum Christianarum catenam: *Ministrate in fide vestra virtutem, in virtute autem, scientiam, in scientia autem abstinentiam, in abstinentia autem patientiam, in patientia autem pietatem, in pietate autem amorem fraternitatis*, conclusit: *in amore autem fraternitatis Charitatem*, scilicet DEI. Docuit nimirum: quòd sicut pietas DEO non placet nisi amore fraterno commendetur, juxta illud Matt: 9. *Misericordiam volo, & non Sacrificium*; sic nec amor fraternus solidus & verè Christianus sit, nisi perficiatur Charitate divina, diligendo proximum propter DEUM.

Ex his patet: non dividi seu diversificari Christianam Charitatem, dum extenditur in DEUM & homines: sed Unam esse eandemq; ex Habitu, & ex vi Motivi proprii; consequenter ipsos actus Amoris, quibus diligimus proximum propter DEUM, esse veros actus Divinæ Charitatis: imò esse excellentissimos actus Amoris Divini. Dum enim amatur homo propter DEUM, principaliter amatur DEUS; juxta illud Philosophi: *Propter quod unum tale, ipsum magis*. Talis igitur Unitas sit oportet in Charitate, quā diligendus est DEUS.

At Trinitas qualis, & unde? Desumenda ea est ex triplici classe Personarum diligendarum. Diligere enim oportet non solum inprimis, & prae omnibus, DEUM propter se, & Proximum propter DEUM: sed etiam *Nosmet ipsos* propter eundem DEUM. Dum enim praecipitur: ut proximum diligamus sicut nos ipsos, non excluditur, sed supponitur Amor nostri ipsorum: hic autem non potest esse rite ordinatus & Christiano religiosusque corde dignus, nisi sit *Propter DEUM*. Sic igitur amando DEUM, nos, ipsos, & proximum, Charitate Trina & Una DEUM Trinum & Unum rite coleamus, & cum eo aeternum dilecti, vivemus.

FERIA V.

DEUS, Christus, DEIPARA V. sunt mirabilium omnium Mirabilissimum.

1. **A** Dora DEUM O. M. & considera: inter omnia & maxima mirabilia, quae operatus est, & operari potest, ipsum esse Mirabilissimum. Mirabilis in altis Dominus, mirabilis in profundis, mirabilis in Sanctis suis, mirabilis in reprobis, mirabilissimus in se ipso. Quis enim non miretur Ens à se; Unicum & Trinum, Primum & Novissimum, Omnia & Nihil. Nihil enim est eorum, quae fecit; non caelum; non sol, nec terra, nec mare &c. Est tamen Omnia: quia perfectiones omnes quas dedit Creaturis, habet in se modo eminentissimo, & Infinites perfectiore, quam sint in Creaturis. O Domine, Dominus noster, quam admirabilis es in universa terra! Miror Te mirabilissimum in Te; miror quoque mirabilissimum in me: quod quem praevidisti tantum peccatorem futurum, volueris creare, & in hanc horam inter innumera beneficia tua & peccata mea, gratiosè conservare! Benedic Anima mea Domino, & noli oblivisci mirabilium ejus.

2. **A** Dora D. JESUM, & considera: etiam ipsum esse mirabilium omnium mirabilissimum; idque non solum ut est DEUS, sed etiam ut Homo. In ipso enim apparet longitudo brevis, latitudo angusta, Altitudo subdita, Profunditas plana, Lux non lucens, VERBUM infans, Amor friggens, Imminus conclusus, Omnipotens invalidus; Immortalis mortuus. In ipso visa est tristici Lætitia, pavere fiducia, salus pati, fortitudo infirmari, vita mori: & quod non minus mirandum: visa est tristitia Lætificans, pavor confortans, passio salvans, Infirmitas roborans, mors vivificans. Quis unquam alibi vidit vel audivit mirabilia tanta? Admirabilissime JESU, unum adhuc mirabilibus tuis adijce mirabile: Salva me peccatorem: Stupebit caelum, & infernus totus.

3. **V**enerare DEI param V. & considera eam, ut Miraculum divinæ potentie omnium Maximum & Illustrissimum. Mirabilia operata est in cælo, & in terra, in aëre & aquis validissima manus Omnipotentis: at in ipsa fecit potentiam in brachio suo; conjungendo ima summis, ex hoc faciendo DEUM, Virginitatem copulando Maternitati, summæ dignitati sociando humilitatem summam. In ipsa videre est terram Spiritibus Angelicis puriorem, Infantem caput serpentis antiqui conterentem, puellam utero ferentem Virum gigantum, Dominam & Ancillam DEI, Virginem gravidam non gravatam, Matrem in partu exultantem, Creaturam parientem Creatorem suum. Mirabilis DEUS in Sanctis suis, mirabilissimus in Matre! Magnificat in æternum anima mea Dominum: quia fecit tibi magna, ô Mater admirabilis.

Troposum v. g. cõtrahendi curiositatem circa creaturas aliquomodo mirabiles: & admirandi estimandique mysteria recondita in DEO, J. M.

LECTIO PRACTICA.

Quomodo Charitas concipiendi & fovenda ex consideratione Mirabilium DEI.

QUæ nobis occurrunt nova, singularia & eximia, Mirabilia nobis sunt, & facile miramur. In DEO omnia summa sunt, singularissima, nova simul & antiquissima. Antiqua in se, quia æterna: Nova nobis quia Divinæ Essentiz infinitum pelagus contemplantibus semper alia & alia occurrunt, animosq; rapiunt. Unde S. Augustinus DEUM vocat Pulchritudinem novam & antiquam, doletq; serò à se amatam. Serò se amavit Pulchritudo mea tam nova, tam antiqua! Facile miramur propositas nobis excellentias, & mysteria divina, imò & complacentiam quandam in ipsis concipimus; sed non æquè proni sumus in verum, vivum & cordatum Amorem divinum, similesq; affectus, magis nobis conducentes ad salutem & perfectionem obtinendam. Nato Christo plurimi Orientalium mirati sunt novam, quam exortam viderunt, stellam: vix tres viri excitati sunt ad natum Numen invisendum & adorandum. Pastoribus, quæ in nocte Nativitatis viderant & audierant, divulgantibus, Omnes, qui audierunt, mirati sunt: sola MARIA conservabat omnia verba hæc, conferens in corde suo. Luc. 2. Conferens non in mente tantum per discursum, sed in corde suo per congruos affectus. Prædicante Christo, & sermonem confirmante sequentibus signis, passim mirabantur & turbæ & Pharisei, super doctrina ejus & virtute: pauci movebantur ad credendum, pauciores ad diligendum, prout oportebat.

Monent igitur generatim Ascetæ: in Meditationibus non esse potissimam

operam ponendam in speculationibus & discursibus subtilibus, seu considerationibus prolixis; sed in excitandis & inflammandis congruis affectibus. Laboret Intellectus, per considerationem, ut moveatur voluntas ad operationem. Nam ut ait S. Ambrosius in Psal. 118. *Meditationis preceptorum celestium intentio, vel finis, est Operatio.* Et S. P. N. Ignatius in libro Exercitiorum propositis breviter ad considerandum punctis, subdit passim: *Omnia mihi applicanda sunt, ut aliquem inde fructum capiam.* Incumbendum imprimis est in id; ut materia assumpta in considerationem fideli memoriæ recolatur: deinde convenientibus intellectus discursibus examinetur & discutatur; donec voluntatem moveri sentiamus, & cor inflammari. Nec contenti esse debemus languidis quibusdam & sterilibus voluntatis affectibus, Admiratione & simplici aliqua complacentiâ in virtutum decore, & DEI, Christi, Matrisve ejus perfectionibus: sed omnes vires naturæ & gratiæ eo sunt convertendæ; ut solidos concipiamus affectus, & ardentia desideria v. g. Humilitatis profundæ, Paupertatis voluntariæ, Patientiæ heroicæ, Obedientiæ promptæ, & super omnia Charitatis perfectæ. Ubi verò senserimus, Voluntatem jam pronam in aliquam virtutem seu piam actionem: non oportet illico contentum esse, & transire ad alia consideranda: sed insistendum tam diu est, donec, quantum per DEI gratiam fieri poterit, voluntas in concepto affectu solidè firmetur, & intelligatur satis vigoris concepisse ad applicandas feriæ executioni alias potentias. Nec oportet sibi præfigere tempus, quo intellectus discursu occupemur, ac tandem transeamus ad affectus: sed quàm primum voluntatem moveri adverterimus; urgenda est tum conglobatis strictim rationibus, tum affectuosius cum DEO, J. & M. aut propria anima &c. Colloquijs.

Est hoc magni momenti documentum, inquit Alph: Rodericius tom. 1. tr. 5. c. 11. quod etiam S. Pater in Lib. Exercit. Addit. 4. præscribit, monens: Ut in eo puncto, in quo Devotionem & sensum, quem volumus, sentiamus; maneamus, & sistamus; nec ad alia puncta transire anxie laboremus, donec primo eo satiemur & expleamur. Nec satis sit, pio quodam desiderio aliquantum incaluisse: sed annitendum, ut in flammam erumpat, exemplo S. Psalmographi; qui de se fatetur Psal. 38. 4. *Concaluit cor meum intra me: & in Meditatione mea exardescet Ignis.* Non contentus, incaluisse; ardere voluit, aptissimumq; medium ad concipiendum divinum Charitatis Ignem, judicavit esse Meditationem, rectè institutam: *In Meditatione mea exardescet ignis.* Non sunt more Theologorum in Scholis, speculative tantum tractandæ Perfectiones divinæ, & imperfectiones nostræ.

Aliter

Aliter Scholasticus, aliter meditatur Asceta. In illius meditatione plus est fumi, quam ignis: lucem quærit ille magis, quam calorem; hic aspernatur lucem, quæ non calefacit; non occupatur in Mirabilibus DEI, nisi ut in ejus amorem vehementius exardescat. Ut Legis divinæ est, ita Meditationis nostræ debet esse Finis, Charitas.

Facile est autem, consideratione attenta mysteriorum & admirandarum perfectionum DEI, incallescere, & in ejusdem virtutisq; amorem exardescere. Mens enim hujusmodi Meditationi intenta, est instar speculi crystallini radios Divini Solis colligentis, atq; iisdem in ara cordis nostri igne Divini amoris excitantis. Nec minus est efficax devota Meditatio, quam olim zelosa Eliæ oratio; ob quam *Cecidis ignis Domini* cœlitus, super altare recenter constructum, & *voravit holocaustum & ligna, & lapides, pulverem quicquid & aquam, quæ erat in aquæ ductu, lambens* 3. Reg. 18. Renovare etiam spiritualiter dignatur bonus DEUS in pia de se Meditatione, quod 2. Machab. 1. operatus est: quando post aspersa, jussu Nehemiæ, crassiore aquâ, ligna & holocausta, eum tempus adfuisset, quo sol refulsit, qui prius erat in nubilo; *accensus est ignis magnus, ita: ut omnes mirarentur.* Non deerit Divinus Ignis, si nostrum non defuerit studium in eo rite provocando. Testatur P. Didacus Alvarez tom. 3. quendam è focijs, eum conscripta ab ipso de Perfectionibus divinis puncta quotidie meditanda suscepisset, brevi mutatum esse in Virum alterum, totum divino igne exarsisse multasq; sibi gratias retulisse pro eo Exercitio. Etiamnum DEUS noster Ignis consumens est: consideratus attentè, accendit quantumvis frigidus.

FERIA VI.

DEUS, Christus, & DEIPARA Virgo, sunt Bonum incomprehensibile.

1. **A** DORA DEUM O. M. & considera: eum esse tam ingens & emittens Bonum; ut nullo creato vel creabili Intellectu comprehendi possit sive extensivè sive Intensivè. Cum enim DEUS in substantia & perfectionibus suis sit omnino Infinitus, & illimitatus; omnis autem creatus & creabilis Intellectus sit finitus, & limitatam habeat vim intelligendi: Perfectiones omnes divinas distinctè nullo modo attingere poterit; nec eum comprehendere, & quæ decet, distinctione, claritate, & dignitate representare. Majorem habet proportionem cœchlear unum cum Oceano toto in se recipiendo, quam Intellectus Creaturæ cum DEO comprehendendo. Tuo igitur Infinito Intellectui, comprehensionem tuam reverentissimè relinque, Opumè, Maxime DEUS. Mihi pronunciat satis erit credere & ado-

& adorare, quem non capio. Utinam tenuem aliquem radiolum inaccessæ lucis tuæ olim videre liceat!

2. **A**dora D. JESUM; & considera: etiam ipsum esse Bonum incomprehensibile. 1. Ratione Divinitatis suæ cum omni plenitudine perfectionum suarum habitantis in se. 2. ratione inscrutabilis mysterij unionis hypostatice, inter VERBUM divinum & naturam humanam, quod nullus, etiam Angelicus Intellectus, naturali acie cognoscere potuit clarè ac certò. 3. ratione supereminentis charitatis, & infinitæ humilitatis, quæ se divina hæc Persona exinanivit non solum ad formam servi suscipiendam; sed etiam ad supplicium Latronum perferendum amore hominis peccatoris. Non nisi stupere potest cælum & terra tantam dignationem, charitatem & humilitatem. Nec ego illam & multò minùs excellentias tuas satis capio, JESU incomprehensibilis: suspicio tamen & æstimo infinitè. Datur saltem vilitatem meam plenè comprehendam; ideòq; me abijciam infra omnia, Te magnificem & extollam super omnia.

3. **V**enerare DEI param VI. & considera: ipsam quoq; esse Bonum incomprehensibile ab humano & Angelico Intellectu; tum ob dignitatem suam Maternam eminentissimam & quodammodo infinitam; tum ob proportionatam huic gratiam & gloriam. Si enim Angelus inferior non potest comprehendere Superiorem; ut communiter docet Theologia, multò minùs comprehendet DEI Matrem, exaltatam super omnes Angelorum choros; inter quam & supremum Angelum major est distantia, quàm inter hunc & infimum Angelum. At quàmvis comprehendere non liceat tantum Bonum, excellentiam tantam: licet tamen frequenti ejus contemplatione pascere Intellectum, cor implere. Ergo omnes mei sensus, ei personatè gloriam; frequentate tam beatæ Virginis memoriam.

*Proposium v. g. de subminendo humillimè factu ingenij Articulis fidei,
& Incomprehensibilitatij DEI: majore autem studio Charitatis.*

LECTIO PRACTICA.

Quibus Charitatis gradibus perveniat ad comprehendendum aliquatenus DEUM.

Quavis mente creata incomprehensibilis DEUS non designatur Amātes admittere ad se comprehendendum; si ipsis per certos Charitatis gradus impigrè ire placeat. Duplices autem adverto in charitate gradus, per quorum alios ascendatur, per alios descendatur, ad DEUM. Cum enim DEUS noster & in altis habiter, & in profundis adsit: & ascendendo & descendendo ad eum ire licet: nec desunt veræ Charitati gradus, quibus & ascendatur, & descendatur ad ipsum. De gradibus descensionis agetur paulò

paulò post, Dom: 4. Adv: de prioribus hic.

Gradus Ascensionis assignari solent sequentes. *Primus est, Amore DEI abstinere ab omni lethali ejus offensa.* Jacemus peccatores, rei alicujus culpæ mortiferæ, velut infinita quadam mole depressi in profundū abyssi magnæ. Nec vires suppetunt ad resurgendum, nec via ad evadendum: donec manum auxiliarem nobis porrigat Pater misericordiarum, erigatque miserè prostratos. Ubi ergo perfectè contriti, Amore ejus dolere incipimus de culpa commissa, firmumque, ope gratiæ ipsius concipimus propositum, abstinendi deinceps ab omni simili offensa: velut primum conscendimus Gradum Charitatis divinæ, qui reliquorum fundamentum est. Nisi enim homo tali sit animo & corde in DEUM, non verus Theophylus, sed hypocrita est, nec est cor ejus rectum coram Domino: & si dixerit, se diligere DEUM, mendacij probrum impinget illi periculosissimus Charitatis magister S. Joannes, imò in gentiliū ordinem eum rediget. *Qui dicit, se nosse eum, & mandata ejus non custodit, mendax est, & in hoc veritas non est.*

1. Joan. 2. De hoc Charitatis divinæ gradu locutus est Apostolus; quando Ephesios, cap. 3. 17. monuit, ut essent in Charitate radicati, & fundati.

Secundus ascensionis per charitatem gradus est, *Abstinere, amore DEI ab omni, plene deliberato, peccato veniali.* Non enim dubium est: eum longè magis amare DEUM, qui ipsum nec levissimè vult offendere deliberatè, quàm qui solum graves vitare vult offensas. Patet ex duobus filiis & famulis; quorum alter ita obfirmato est animo in amore Patris, vel heri: ut malit millies vitam profundere, quàm Patrem aut herum suum graviter offendere per transgressionem alicujus præcepti ejus graviter obligantis; vel per inflictionem alicujus lethalis vulneris; alter omnia potius tormenta & mortem ipsam subiret, quàm vel minimum Patris, aut heri præceptum violaret, aut eundem vel levissimo digiti tactu offenderet. Sic diligentibus vel maximè convenit illud 1. Joan: 3. 6. *Omnis, qui in eo (in DEO per charitatem) manet, non peccat.* Et v. 9. *Non potest peccare.*

Tertius ascensionis Gradus est, *Cavere diligenter Amore DEI; ne ei displiceas voluntaria aliqua imperfectione, seu deliberatè commisso defectu aliquo, quàmvis nullam habeat, etiam venialis culpæ, rationem.* Ut si amore DEI accuratè caveas: ne regulam aliquam status tui, quantumvis non obligantem sub aliqua culpa, aut normam officij tui, solum directivam, & non præceptivam, plena deliberatione transgrediaris: quemadmodum observantiores Principum aulici cavere solent; ne vel minimo inurbano

gestu displiceant, sed omnia agant secundum canones cultioris civilitatis. Non multum amat, qui solum cavet offendere, non autem displicere, etiam leviter.

Quartus ascensionis Gradus est, non solum cavere, ne DEO super omnia dilecto displiceas in aliquo: sed *solicite studere, ut illi in omnibus placeas*; seu ad mentem & gustum ipsius omnia agas. Qui gradus est predictis longe sublimior, & consistit in omnimoda conformitate voluntatis nostrae cum Divina propter summam ejus amabilitatem, seu Bonitatem & Excellentiam, qua meretur; ut in omnibus quae agenda, vel patienda sunt, nos accomodemus sanctissimae ejus voluntati & placito. Ad hunc gradum vocat Socios & filios suos S. P. N. Ignatius, quando Consit: p. 3. c. 1. §. 26. monet: *ut omnes in omnibus id sincere spectent, ut serviant, & placeant divinae Bonitati propter se ipsam*; Et crebro admoncantur: *ut in omnibus quaerant DEUM exuentes se, quantum fieri potest, amore omnium creaturarum; ut affectum universum in earum Creatorem conferant.*

Quintus, & supremus, ascensionis gradus est, Amore DEI non solum curare, ut ipsi propter ipsummet in omnibus placeas; sed etiam ex duabus rebus, vel actionibus, ei placentibus, eligere illam, quae ei *magis* placet seu agere id; quod perfectius videbitur. Gradus hic, ut altissimus est, & nos intime perfectissimeq; conjungit cum DEO: ita admodum paucorum est. Conscendit illum tamen S. Theresia, ut habetur in ejus Vita: quae voto se obstrinxit, ad eligendum semper, & agendum id, quod ei perfectius, & DEO gratius, videbitur. Conscendit inter alios S. Patriarcha N. Ignatius, totis viribus intentus non solum ad promovendam DEI gloriam, sed *Majorem*, imò Maximam, quantum cum divina gratia posset, Gloriam. Unde in Constitutionibus suis illud creberrime usurpat, & inculcat: *Ad Majorem DEI gloriam: Ad majus DEI, & Cratoris nostri obsequium.* Testantur de ipso S. Rotae Auditores, & Cardinales Cong. Sacrorum Rituum in Relatione coram summo Pontifice, pro ejus Canonizatione: *Tanto erga DEUM amore flagrabat; ut tota die illum exquireret, & nihil aliud cogitaret, nihil aliud loqueretur, nihil aliud cuperet, quam placere DEO, & illius obtemperare voluntati.* De eodem Sancto testatur apud Nadasi in Hebdom: S. Jgn. Pater Didacus Miro per familiaris illi: *Semper disquisivisse Ignatium: quid esset, quod DEO foret Magis gloriosum, magisque jucundum?* Socios quoq; incitasse, ut amoris divini impulsu id agerent, unde *Maxima* in DEUM gloria redundaret.

Qui ad tam sublimem Charitatis gradum eluctantur, numquid DEUM, quantum

quantum in hac vita fas est, comprehendunt, stringuntq; & ab eo stringuntur, arctissimis amoris amplexibus? De quibusvis sincerè diligentibus pronunciat Christus Joan. 14. *Qui diligit me, diligitur à Patre meo: & ego diligam eum, & manifestabo ei me ipsum.* Et mox. *Ad eum veniemus, & mansionem apud eum faciemus.* Quomodo igitur se manifestabit, quomodo communicabit tam perfectè diligentibus? Ascendamus & nos per aureos hos Charitatis gradus. Non minùs hujus scalæ, quàm illius Jacobi, Gen. 28. summitati inmittitur DEUS. Comprehendemus. Ultro ibit in arctissimos tenerrimosq; amplexus.

SABBATO.

DEUS, JESUS, & MARIA sunt Bonum non nisi ex gratia Visibile.

1. **A** Dora DEUM O. M. & considera; eum non solùm esse invisibilem oculo corporeo, cùm sit Spiritus purissimus; sed etiam naturalibus viribus intellectus cujuscunq; creaturæ. Nam 1. Tim. 6. dicitur *inhabitare lucem inaccessibilem.* Ibidem cap. 1. *Rex immortalis & invisibilis;* qui gloria majestatis suæ Infinitæ planè obruit aciem Intellectus Creati magis, quàm sol splendore suo oculum humanum. Quàmvis autem naturaliter sit invisibilis ut est in se: potest tamen ex gratia sua videri & exhiberi, cui vult; atq; intellectum Creaturæ illustrare ac roborare ad conspiciendum Bonum illud infinitum; quo remunerabitur diligentes se. Ergo nunc, o anima mea, toti sumus in amando DEO: quò ardentius amaverimus, eò videbimus clariùs; & gaudebimus jucundius per omnem æternitatem.

2. **A** Dora D. JESUM, & considera: etiam ipsum esse Bonum invisibile in se: idq; non solùm respectu nostri; qui ejus spectabili præsentia caremus: sed etiam respectu illorum; cum quibus usq; ad ascensionem suam conversabatur. Quàmvis enim speciem corporis ejus humani viderint: at quò præstantissimum intùs latebat, solis fidei oculis obscurè attingebant. Et nos præsentem quidem sub speciebus Eucharisticis habemus, totoq; DEO-homine fruimur: facies tamen ejus abscondita est ab oculis nostris. Nunc in nobis augeri vult fidei speiq; meritum; gaudia Visionis differens in futurum. Credo igitur firmissimâ fide, quòd Redemptor meus vivas, JESU gratiosissime; & quòd in carne mea videbo Te DEUM meum: quem ex infinita misericordia tua spero Glorificatorem meum. Reposita est hæc spes mea in sinu meo.

3. **V**enerare DEIPARAM V. & considera: ipsam quæq; esse Bonum non

nisi ex gratia visibile; tum quod admirabilem ejus Maternitatem non nisi fide divina attingere possimus; tum quod gloriam vultus ejus, quæ cælum implet, ferre oculus humanus nequeat, nisi singulari virtute divina roboratus. Si enim in faciem Moysis propter affusum ei divinum quendam splendorem ex confortio sermonis Domini per dies 40, intendere oculos Israelitæ non poterant Exod. 34. quanto magis obruet illos majestas gloriæ, quæ Matrem suam honoravit DEUS! Nunc igitur intenti simus oportet; ut oculos nostros non inquinemus, & inquinatos purgemus atq; acuamus in jucundissimam visionem JESU & MARIE. Magna offertur visio, rara felicitas; videre DEUM non jam in rubo, sed in JESU & MARIA! at calceamenta sensualium affectuum deponenda; sursum desideria!

Propositiu v. g. anhelandi sapius cum debita humilitate ad claram Visionem DEI J. & M.

LECTIO PRACTICA.

Charitas quæ familiarem homini, etiam in hac vita, faciat DEUM

Quamvis, teste Apostolo 1. Tim. 6. DEUM nemo vidit unquam, sed nec videre potest, scilicet intuitivè, solisq; naturæ viribus: obtinuit tamen non rarò, obtinetq; eximia Diligentium Charitas: ut non solum varijs mirisq; modis se spectabilem, etiam viatoribus, exhibuerit; sed admodum familiariter cum ipsis agere, infinita illa Majestas non sit indignata. Abraham, Gen: 18. quam scitè se objecit sub specie trium peregrinorum Divina Trinitas: ut & in tribus unicuique adorarit, & in amicam cum DEO licitationem, pro salute Sodomitarum, descendere non sit veritus. Jacob Patriarcha Gen: 32. dicit: se vidisse DEUM facie ad faciem; nec dubitavit Omnipotens se demittere ad luctum cum pastoritio homine, eiq; quodammodo succumbere, & victorem agnoscere: Contra DEUM fortis fuisti. Dimittite me. Moyses Numer: 12. dicitur, ore ad os, quasi amicus cum amico, familiariter cum DEO collocum. Nimirum quia ordinariu amandi modum supergressi erant Patriarchæ illi; DEUS quoq; modis extraordinarijs sese illis manifestavit, & favores suos testatus est liberalius. Abraham, DEI causa, singulari Charitate excipiebat peregrinos: DEUS sub peregrinorū specie conviva ejus esse voluit; & pro buccella panis prædixit, benedicendas esse in ejus semine omnes nationes terre. Jacob timore & amore DEI, nunquam contaminatus fuit idolorum cultu in domo Laban: DEUS illum invictum fecit, & venerabilem in oculis feri Esau. Moyses, quamvis inter idololatrias educatus, fide in verum DEUM, & amore ejusdem, negavit se esse filium Pharaonis, magis eligens affligi cum populo DEI, quàm temporaria peccata

SABBATO post Domin: III. Advent.

peccati habere iucunditatem, ut ait Apostolus Hebr. 11. DEUS se illi non solum in igne, sed nominatim manifestavit, insuper Thaumaturgum & Ducem populi sui, DEUM verò Pharaonis, constituit cum, atq; in intimam familiaritatem suam admisit.

In lege Gratiz, postquam Invisibilis in terris visus & cum hominibus conversatus est, nimium quantum factus est spectabilis & familiaris diligentibus se DEUS. Quid familiarius, quam se in Panem quotidianum præbere? Quid spectabilius, quam se pro solatio Diligentium in omni specie, ipsis accommodata, exhibere? Statim à Resurrectione sua peregrinantibus in Emaus apparuit ut peregrinus; Magdalenz lamentanti in horto ut hortulanus; Thomæ dubitanti, ut manus, pedes, ac latus transiit; omnibus discipulis alto silentio mutis, & charitate frigidis, in specie Lingvarum ignearum: deinceps in specie. nunc Ducis animantis, ut Stephano; nunc Iudicis expositantis, ut Saulo; nunc cruce onusti, ut Petro; nunc Agni candidissimi, ut S. Clementi; nunc Parvuli gratiosissimi, ut plurimis, apparere dignatus est: deniq; Omnibus, se diligentibus, Omnia factus est, & fit, Amor DEUS.

Quam familiariter usus est triumviris illis Apostolicis, Petro, Jacobo, & Joanne? quibus non solum credidit secretioria sua; sed speculatores esse voluit gloriæ suæ in monte Thabor. Joanni insuper pectus suum divinum concessit in pulvillum. Paulum, prostratum nuper persecutorem, sed jam cæteris ferventiùs diligentem, non solum erexit; sed ad tertium usq; cælum provexit, docuitq; arcana, quæ non licet homini loqui. Ad similem familiaritatem admisit etiam posterioribus sæculis, & his ipsis ultimis temporibus, non rarò, nec paucos, Viros Apostolicos, Dominicos, Franciscos, Borromæos, Salesios, Ignatios, Philippos Neros, Cajetanos, Xaverios, & plurimos alios, quos ardentior & robustior in DEUM & proximum Charitas specialiter commendat.

Nec exclusit debiliorem sexum: quin potiùs speciosiora singularis affectûs argumenta illi exhibuisse visus est suavissimus JESUS, utpote teneriùs amantibus: ut manifestum est in Sanctis Birgitta, Catharina Senensi, Gertrude, Melchilde, Theresia, Rosa, & compluribus alijs. Gertrudi dixit aliquando, ut habetur in ejus vita lib. 3. c. 3. *Meus amor adeo intrinsecè tibi conjungitur: ut nolim sine te beatè vivere.* Et lib. 4. c. 3. *Collocavi te in sinu paterne meæ benignitatis: ut jugiter imperes à me, quidquid desideras anima mea.* Et lib. 1. c. 4. *Cum sceleribus hominum offendor, offensas irasque meas, in ipsa (Gertrude) conquiescens remitto, placor, & amore ipsum scondo peccata*

cara innumera hominum multitudini. S. Theresia, ob insignem aliquem actum DEI amore exercitum, non potuit sibi imperare Christus, quin diceret: *Theresa, si mundum non condidisses, illum jam tui gratia, & ex propensissimo erga te affectu, crearem.* Barry in solitud: Die 3. Dissert: 2. S. Rosam ex India Occidentali in sponsam quam blandè assumpsit dulcissimus JESUS? *O Rosa cordis mei, inquit, tu mihi sponsa esto: ut habetur in ejus Officio Eccl. 30. Aug. Similium Divini sponsi erga Sanctas Animas affectuum & deliciarum plenum est Canticum Canticorum; ubi continua mirabilique allegoriâ intima amantis cordis sensa sibi promunt.*

Nobis imperfectionum nostrarum, ne dicam vitiorum, quibus scatemus, copia non permittit optare aut sperare hujusmodi cum DEO, JESU & MARIA familiaritatem. Amandi tamen sunt toto corde, totis viribus, amore non solum ardente, sed, quam fieri potest, humillimo; indignissimos nos reputando, quibus vel minimum, licet vulgare, mutui amoris argumentum exhibeatur. Facient illi, quod bonum erit in oculis eorum; & utile nobis.

DOMINICA IV. ADVENTVS.

DEUS, JESUS, & MARIA sunt Bonum obicinu facile.

1. **A** Dora DEUM O. M. & considera: ipsum esse Bonum, quam magnum & pretiosum; tam facile obtentu. Quantis opus est curis, laboribus & impensis, ut aliquid boni temporalis, aliquid honoris, officij, beneficij, lucri aut voluptatis obtineamus? At in DEI summi, & omnis Boni possessionem æternam, & fruitionem jucundissimam quam facile venire possumus omnis conditionis, sexus & ætatis homines? non plus requiritur, quam quod ipsa, quâ constamus, natura rationalis imperat: ut amemus ipsum super omnia. Unicus actus hujusmodi amoris non paucos cœli & DEI possessores fecit; & nunquid difficile est, summum Bonum amare super omnia?

2. **A** Dora D. JESUM, & considera: etiam ipsum esse Bonum, ut præstantissimum, ita facillimum obtentu. Ipse ut olim sua sponte de cœlo descendit, in pretium redemptionis sese nobis obtulit; quin ipsi Judæ proditori, & satellitibus ejus ultrò occurrit, victima futurus pro salute nostra: ita etiamnum ultrò sese nobis ingerit; stat ad ostium cordis nostri, & pulsat; aperiri petit & intromitti. Quid quod in cibum se nobis offerat; non solum facile parabilem; sed paratissimum; sumendum quoties libuerit? Vel igitur ignoramus, quis & quid sit JESUS; vel extrema stultitiâ laboramus;

ramus; dum tantum Bonum, tam facile obtentu negligimus. Doleo: parce mi JESU!

3. **V**enerare DEIPARAM V. & considera: ipsam quoq; esse Bonum facillimum obtentu. Merito accomodatur illi; quod de sapientia scripsit Salomon: Sap. 6. *Facile videtur ab his, qui diligunt eam; & invenitur ab his, qui querunt illam. Præoccupat, qui se concupiscunt, ut illi se prior ostendat. Qui de luce vigilaverit ad illam, non laborabit: assidentem enim illam foribus suis inveniet.* Mater est; ubera habet turgentia lacte gratiarum, offert ultrò; in ubias & sinum invitat. Regina est: sed in throno gratiæ residens: semper & cuivis patet accessus. Accedamus igitur, & omni obsequiorum genere illam nobis conciliemus. Venient nobis omnia bona pariter cum illa. Admitte Domina, quamvis serò recurrentem ad te. Non aliud peto à te, quam Te. Cor tuum si habuero; habebo omnia: quia nec divinum erit alienum à me. Quid laboremus circa vanissima mundi; dum tam facile obtinere licet, DEUM, J. & M?

Propositum v. g. de contemtu rerum mundanarum, & studio Incrandi

DEUM, J. & M.

LECTIO PRACTICA.

Quàm facile obtinere possimus per humilem Charitatem summum Bonum.

Quod per charitatem obtineri possit Summum Bonum, DEUS O. M. patet ex proximè præmissis Lectionibus, & fide certum est. Quod ipsius Charitatis exercitium facile sit; vel inde manifestum est: quod in illud ipsius naturæ propensione & impulsu feramur. Ut enim naturali impetu levia sursum, gravia tendunt deorsum, & omnia corpora anhelant ad Centrum suum: ita rationales creaturæ vel ipsius naturalis luminis ductu, quo cognoscunt, DEUM esse summum Bonum, ideoq; amabilem esse super omnia; non possunt non tendere aliquomodo ad centrum & Finem proprium, qui non est alius quam idem Summum Bonum. Motus autem iste non aliter fit, quam per Amorem; ut notavit S. August: *Amor meus pondus meum: illo feror, quocumque feror.* Unde inquit S. Franciscus Salesius lib. de Amore DEI. c. 16. *Non est possibile: ut homo attentè cogitans de DEO (& quidem etiam solam per discursum naturalem) non sentiat aliquam amoris ejaculationem ac stimulum, quem in cordis penetratibus secreta nostræ animæ inclinatio suscitât erga DEUM.*

Declarat id eleganti similitudine. Contingit non rarò, inquit, inter perdoes: ut aliquæ furentur ova aliarum, ea ut excludant, sive id fiat aviditate & cupiditate evadendi in matres, sive ex earum stupiditate, qua laborantes

DOMINICA IV. Advent.

71
santes propria sua ova non noverunt. Dicam rem prorsus miram, sed tamen verissimis testimonijs confirmatam. Perdix masculus, qui exclusus est & enutritus sub alis alterius perdicis, ad primam vocem, & quasi lamentationem, quam audit propriæ matris, quæ ovum, ex quo ille exclusus est, perdiderat, continuo relicta perdice fure, redit ad germanam suam matrem, eamq; motus sympathiæ, seu naturæ convenientiæ, quam habet cum prima sua origine, sequitur. Hic naturæ instinctus, quasi sepultus aut sopitus fuit in intimis naturæ præcordijs, donec consentaneum ipsi occurreret objectum: tunc quasi è somno excitatus, reducit appetitum perdicis ad proprium naturæ officium. Similiter cordi nostro contingit: quod etsi sit exclusus, nutritum & educatum in rebus corporalibus, humilibus, transitorijs, & ut ita dicam, sub alis naturæ: nihilominus ad primum intuitum, quo DEUM cognoscit, illa prima & ingenua inclinatio in summum Bonum, illico naturaliter quodammodo evigilat, & in quandam amoris flammam erumpit. Hunc naturæ conatum adjuvat DEUS immisso opportunè lumine & inspiratione supernaturali, quibus voluntas ad supernaturalem ducatur Amorem, & Fini suo uniatur per ipsum.

Porro ut hæc Unio cum summo Bono facilius atq; perfectius obtineatur: sicut assignari solent certi Gradus Charitatis, per quos ad illud ascendatur (ut ostensum Per. 6. præteritâ) ita proponi utiliter possunt quidam Gradus descensionis, quibus speciali industria quadam, ad idem summum Bonum descendatur per Humilem Charitatem, seu Amorosam Humilitatem. Est enim DEUS noster ejus ingenij, ut elatos fugiat, ad humiles ultro descendat: quemadmodum respexit humilitatem Ancillæ suæ, inclinavit cælos, & descendens in viscera ejus, admirandam arctissimamq; fecit, se inter ac illam, Unionem.

Primus gradus descensionis est: reputare se undequa; indignissimum, cui DEUS Habitum Charitatis pretiosissimum infundat. Et quem per supernaturalia lumina & inspirationes supernaturales elevet usq; ad amorem Amicitiae. Est enim donum hoc donorum omnium quæ divinitus in hac vita accipimus, post Gratiâ Justificantem (si non est idem cum ipsâ) maximum. Hoc ipso enim, quod DEUS nos faciat idoneos, ut amicorum & filiorum affectu ipsum amemus; præbet, nobis gratiosissimè facultatem, promerendi mutuos ejus amores, augmentum gratiæ in hac vita, gloriam autem & hæreditatem cælestem in altera. Hoc autem judicium de indignitate nostra non debet nos absterre a petendo ardentissimo Amore DEI; sed potius incitare ad eum sollicitandum: ut quanto major est indignitas nostra

FERIA II. post Domin: IV. Advent.

nostra, tanto liberaliorem se velit exhibere, & pompam quandam facere Liberalitati suæ, & Misericordiæ.

Secundus gradus est: Humiliter & amorosè dolere atq; conqueri de imperfectione, aut etiam nullitate Amoris nostri, digni DEO. Quis enim est Amor noster comparatus ad infinitam amabilitatem summi Boni? Et hic ipse quàm rarus, frigidus, & amore proprio, vel aliarum creaturarum, quàm infectus est! Merito ingemiscere solebat S. P. N. Ignatius ob extinctū, aut non accensum in hominibus Amorem DEI: *O DEUS! O si se homines uossem!* Merito in uberes lacrymas, & publicam per compita querelam solvebatur B. Jacoponus; quòd *Amor non amatur*: at mihi justior dolor, & querela gravior contra me ipsum; quòd Amorem non amem: aut tam frigide amem, nec cooperer, ut decet, stimulis amoris.

Tertius gradus descensionis est, Amore DEI humiliter se submittere ad omnem Divinæ voluntatis circa nos dispositionem: ut, quoniam eum non amamus, ut filij, saltem hoc ex servis suis habeat solatij; quòd nolimus recalcitrare, sed propter summam ejus Bonitatem parati simus, ad omnem ipsius voluntatem, & dispositionem circa nos ratam gratamq; habendam. Qui affectus non est sine insigni actu Charitatis: potest autem in hunc sensum exprimi. Volo quidem sincerissimè, & unice desidero, amare Te, DEUS meus, amore planè Seraphico, imò plus quam Seraphico, incessanter, & per omnem æternitatem, quia dignissimus es hoc, & infinite majore amore: Si tamen tuæ Majestati placuerit eam solum gratiarum mensuram mihi largiri, quam non magis diligam, quàm minimus diligentium te: fiat voluntas tua; acquiesco etiam huic Sanctissimæ dispositioni tuæ Unum tamen oro; ne id fiat ob aliquam culpam meam, & animi ignaviam. Ceterum diligam Te tota intensione gratiæ, quamcunq; mihi largieris.

Super tam humilem amantem nonne ultro decidet Ignis divinus, & ex tam parvis scintillis grande excitabit incendium? Tempus huic exercitio opportunissimum est, quando Anima ariditate & langvere quodam laborat.

FERIA II.

DEUS, JESUS, & MARIA sunt Bonum immutabile.

I. A Dora DEUM O. M. & considera: Ipsum esse Bonum simpliciter immutabile. Nam nec ipse deficere, nec quidquam perfectionum illi accedere vel decedere potest. Omnes enim perfectiones, quas habere potest, habet ab æterno, & omnes sunt in ipso unica indivisibilis perfectio,

fectio, sicut ipsa ejus Substantia & Essentia. Ego Dominus, & non minor. Malach. 3. Nostra hæc est Substantia, nostræ naturales divitiæ, defectio, mutabilitas, egestas, miseræ; interitus, nihil. Crescimus & decrescimus; fugimus velut umbra, & nunquam in eodem statu permanemus. Cur ergo non magis adhæremus DEO, Bono immutabili? Quæ mundus habet & offert, vel nos deserunt, dum ipsa deficiunt; vel ea deserere cogimur, dum deficiamus. In te igitur deinceps firmabo cor meum, & omnes Spes meas DEUS. Cætera affluent & disfluant: tu mihi sufficies ô Bonum immutabile.

2 **A** Dora D. JESUM, & considera: etiam ipsum esse Bonum immutabile, non solum secundum Divinitatem suam: sed etiam ut homo est. 1. Quia Unio hypostatica, quâ naturam humanam assumpsit, nunquam, etiam per mortem, dissoluta fuit, nec dissolvetur unquam; adeoq; æterna erit gloria generis nostri Homo-DEUS. 2. Nunquam recidet in statum passibilitatis. *Christus resurgens ex mortuis jam non moritur.* Rom. 6. & inter innumeras offensas nihil patitur. 3. Est nobis hostia perpetua, cibus indeficiens, voluptas æterna. 4. Nunquam vertitur in malum; sive generat personam amici & fratris; sive Judicis. Semper in Te bonus es, nunquam mihi malus es: Optime, Amabilissime JESU, sive torpentem stimulis excites, sive insolescentem adversis exerceas, sive delinquentem plagis castiges. Semper & in omnibus amabo Te, ô Bonum immutabile.

3 **V**enerare DEI param V: & considera: ipsam quoq; fuisse & esse Bonum quodammodo immutabile. Imprimis enim nunquam deficit à bonitate, quam à primo Conceptionis suæ instanti habuit. Luna fuit, non crescens & deficiens; sed per omnem vitam mortalem continuo crescens, postea in plenitudine gratiæ & gloriæ æternum subsistens. Deinde nunquam maternum suum affectum mutavit erga genus humanum; quamvis tam indigna & immania ab hominibus passus fuerit Filius ejus. Ad hæc in summa calamitate, & tristitia a vicissitudine, quando omnes discipuli fugerunt relicto JESU, ipsa nec fidei, nec constantis animi passa est detrimentum. Nec honor summus, nec contemptus maximus illam mutavit; nisi ex meliore in Optimam. At nos quam citò transferimur etiam ex optimis in pessimos? Firma, Domina, servum tuum in bono: prohibe à malo.

Propositum v. g. de constanti studio virtutum præferimus Charitatem.

LECTIO PRACTICA.

Quomodo Charitatem nunquam deficere, semper proficere oporteat.

DEUS Dominus noster cum sit Bonum Immutabile: etiam nostrum

erga ipsum amorem oportet esse Immutabilem; non quidem in ea perfectione, qua DEUS Immutabilis est (illi enim proprium est nec crescere nec deficere) sed ut Amor noster nunquam mutetur in deterius, decrescendo & deficiendo: mutetur autem continuò in melius, crescendo & proficiendo, instar Ignis: qui non deficit, dum congruum ei non deficit pabulum: hoc autem crescente crescit & ipse magis magisque; nisi violenter opprimatur.

Defectu nutrimenti deficere non potest Charitas nostra. Alitur enim ipsa Bonitate Divina & infinitis, atq; indefectibilibus, ejus perfectionibus; & beneficijs: nisi forte ex supina incuria negligamus Voluntati applicare Divinum hoc pabulum per frequentem memoriam, & accuratam Meditationem. Perinde enim alit eibus nullus, & non applicatus, aut non rite digestus. Hinc evenit non paucis, quod fatuus illis Virginibus Mat: 23. quæ, ut loquitur S. Gregorius hom. 10. in Evan. Oleum in vasis suis habere *noverunt*. Facile habere poterant; quia prope erat forum; sed per incuriam neglexerunt; neglexisse autem, noluisse fuit. Unde à nuptijs non solum excludi, sed rejici meruerunt, exprobrante ipso sponse, *Nescio vos*. Tessera pertinentium ad nuptias Agni, non est speculum Fidei, nec Anchora spei, nec Lampas ornata; sed Lampas ardens Charitate: cui alendæ prædò est, & in copia, oleum; nostrum est, illud in tempore ministerio intellectus suppeditare voluntati. Ardebit facile divinâ Excellentia & Benevolentia succensa: non deneciet, quam diu oleum hoc suppeditabitur.

Nec timendum: ne violentiâ tempestatum, adversitatum, persecutionum, tentationum, Divinus hic ignis in corde deficiat. *Quia fortis est amor Dilectio ferventer amantis.* Lampades ejus lampades ignis, atque flammæ. *Aque melle non potuerunt extinguere Charitatem, nec flumina obruerunt illam.* Cant. 8. Quia potius magis magisque succendent illam: quemadmodum si resina, vel sulphur ardenti clibano injiciantur: ut patet in Apostolo Rom. 8. 38. S. Ignatio M. & innumeris MM. & CC. provocantibus plures cruces & tormenta. Ignis enim hic non è terrestri materia natus est, sed originem suam refert ad illum, qui Ignis consumens est. Sola propria Voluntas nostra illum suffocare potest; si Cor rebus terrenis & carni immergat. Sed quid erit homo extincto divino illo Igne, quàm fœdus, titio inferni? *Mine in dilectione mea:* monet Christus Joan. 15. Nam nemo alius, quàm Qui perseveraveris usque in finem, hic *servus eris,*

Ut in Charitate continuò proficere studeamus: urgent nos, à potiori, omnes rationes, quibus susdatur; ut in virtutibus & perfectione Christiana proficere laboremus. Charitas enim ut sup. ostensum, est apex & corona Perfectionis Christianæ, Regina, Mater, & Radix omnium aliarum virtutum, ideoq; ipsa crescente, crescunt & reliquæ, quasi insensibiliter, & absq; speciali labore. E contra valde difficulter acquiruntur aliæ virtutes sine adminiculo Divinæ Charitatis; nec diuturnum solet esse earum studium.

Accedit, quòd progressus in Charitate sit valde facilis. Nam in primis Habitualis Charitas augetur per quemvis cujusvis virtutis actum meritum; ut docent Theologi: Actualis verò Charitas crescit non solùm exercitio Actuum, quibus directè ferimur in DEUM, amando ipsum propter infinitam summamq; Bonitatem seu Excellentiam suam: sed etiam ipsi pijs desiderijs quibus DEUM toto corde amare desideramus. Nam hæc desideria (similiter & querelæ piæ de imperfectione vel defectu amoris nostri erga DEUM) proveniunt communiter ex ipso amore DEI, nobis adhuc insensibili, vel minus sensibili. *Qua mensura autem tale desiderium crescit, Amorem etiam augeri incipis. Qui desiderat ardens amore: intra breve tempus amabit ardens,* inquit S. Franciscus de Sales lib. 12. de Amore DEI. c. 2.

Non efficiunt hujusmodi desiderijs, vel ipsi frequenti Amoris exercitio quotidianæ occupationes nostræ, & negotia. Nam hæc, præsertim si legitima, iusta, & necessaria secernamus ab ijs, quæ nobis faciunt curiositas, ambitio, avaritia, studium placendi hominibus &c. non sunt tot ac tantæ, quin identidem elevare possimus mentem ad DEUM, & ex intimo corde vibrare ardentem aliquam sagittam amoris divini: imò, si bene advertamus, facile nobis concedent horulæ partem aliquam, aut integram etiam, qua vacemus DEO, & ejus Amori nos reddamus: prout videre est in Sanctis Regibus & Imperatoribus, Præsulibus & Religionum Fundatoribus, quibus, inter decumana & catenata negotia, nec tempus nec otium defuit vacandi DEO & officijs amoris. Non tem copia vel gravitas negotiationum nobis impedimento est, quam effusio ultroneæ in eternas occupationes, & defectus seriæ applicationis ad Divina. Qui se arctius addixerunt Amori Divino, non aliter, quàm ab actu Amoris inchoant occupationes suas; non aliter continuant, quam cum actu Amoris; nec aliter finiunt, quam in actu Amoris. Deinde particulas illas temporis, quæ inter unam alteramve actionem intercedunt, avidè accipiunt, & impendunt Amori:

iplos

FERIA III. post Domin: IV. Advent.

ipfos passus, dum de loco in locum transeunt, dedicant amor. Et sic varij industrijs cavent, ne aliquid detrimenti accipiat Amor: curant autem, ut negotijs omnibus, sacris & profanis, prolixis & brevibus, incrementum sumat Amor. O quando, quando, DEUS cordis mei, Summum & Immutabile Bonum meum, evadam in amorem Te dignum, nunquam deficientem, semper proficientem!

FERIA III.

DEUS, JESUS & MARIA sunt Bonum eternum.

1. **A** Dora DEUM O. M. & considera: ipsum esse Bonum absolutissime eternum. Nam 1. est ab æterno in æternum; nec initium habet, nec finem. *Præquam montes fierent, aut firmaretur terra & orbis, & sæculo usque in sæculum; in eis, DEUS: Psal. 89. Et Isai. 57. vocatur Excelsus & sublimis habitans æternitatem.* 2. Ipsius esse nullis mensurari potest horis, diebus, annis, & sæculis, aut quibusvis temporibus: sed duratio ipsius est Indivisibilis, & tota simul interminabilis vitæ possessio. *Numerum annorum ejus inestimabili.* Job. 36. Quis enim satis concipiat mirabilem illam durationem, quæ est indivisibilis ac tota simul, & tamen comprehendit infinitas annorum myriades? quæ propriè non habet fuisse, aut futurum esse; sed merum esse? quæ nunquam incepit; sed initium mundi & omnium temporum præcessit infinitis sæculorum millionibus? *Gaudio, & exultatio, æternæ DEUS de tam mirabili existentia tua æternitate: ago gratias pro communicatis mihi ex illa, paucis, quos vixi, annis. Si qui adhuc per gratiam tuam mihi restant; sint, oro; a gravi saltem offensâ tui immunes: alioqui maturè præcide filium vitæ.*

2. **A** Dora D. JESUM, & considera: etiam ipsum esse Bonum æternum. 1. Secundum Divinitatem suam est æterno Patri omnino coævus. Est enim Sapientia & Virtus ipsius; de qua Prov. 8. dicitur: *Ab æterno ordinata sum. & ex antiquis, antequam terra fieret. Nondum erant abyssi; & ego jam concepta eram. &c. Cum eo eram cuncta componens.* 2. Quamvis ut Homo conceptus & natus fuerit in tempore, & quidem novissimis temporibus; in mente tamen DEI, & æterna ejus intentione fuit ante omnes Creaturas, tanquam *Primogenitus omnis Creaturæ.* Coloss. 1. in quo sibi Pater æternus, præ reliquis omnibus complacuit. 3. Christus meritis est existentiam & gloriam æternam, tum dignitate unionis hypostaticæ, tum valore Infinito meritorum suorum. Unde Hebr. 6. dicitur: *Pontifex factus in æternum.* Et 2. Petr. 1. vocatur

regnum ejus *eternum* Quid igitur cor apponam vanis, caducis, transitorijs mundi bonis: quando in Te, Pretiosissime JESU Bonum habeo *sincerrum* sine furo, *eternum* sine fine?

3. **V**enerare DEI param V. & considera: ipsam quoq; esse Bonum speciali ratione *eternum*. Nam 1. plures insignioresq; habet ipsa titulos ad vitam & gloriam *eternam* quam homines & Angeli omnes. 2. Ab *eterno* in *eternum* nihil unquam malum illa notari potuit esse; fuisse, aut futurum esse. In nobis antequam nascamur, nihilprehenditur boni propter originale malum: ubi nati sumus, & adolefcimus; o quanta boni, maliq; vicissitudo! Et quis nostrum novit, an non sit *eternum* futurus pessimus? Gratulor Tibi, o Domina beatam hanc *eternitatem* etiam in mortali vita: Suspicio Te, ut Bonum *eternum*; etiam meum. O quando eo frui licebit! Quando tandem mihi vilescant momentanea mundi?

Proposium v. g. de avellendo mature corde à rebus caducis. & amando indefectibiliter DEO J. & M.

LECTIO PRACTICA.

U: Caritas nostra sit Aeterna, tollendus Amor proprius.

Bono Eterno, Summo, Purissimoq; deberi Amorem *eternum*, extra dubium est. Quomodo autem Amor, quem in hac mortali vita erga DEUM, J. & M. concipimus, indefectibiliter atq; *eternum* conservari possit; hic labor, hoc opus est. Thesaurus opulentissimus est hic Amor, sed inhiant illi continuo Stygij prædones. Ignis est, sed qui portatur in vasis fictilibus, innumeris tempestatibus obnoxius. Hæres est amplissimi patrimonij, largissima patris benedictione instructus: sed non deest huic Jacob male germanus Esau, in ejus necem assidue intentus. Candidatus est regni celestis, quia est secundum Cor DEI: sed habet suum Saulem, non una lancea armatum, & insuper spiritu maligno incitatum. Quomodo salvus evadet?

Præter malignos spiritus, non est capitalior Divini Amoris hostis, quam Amor qui dicitur *Proprius* ejusq; Philanthu Græcè. Ille nimirum amor, quo nos ipsos inordinate amamus, unice vel principaliter, studendo commodis proprijs, nulla vel secundaria tantum habita ratione divinæ gloriæ vel alterius finis honesti. Amor hic planè è diametro contrarius est Charitati, seu Amori DEI, pugnatq; pertinacissime cum ipso, nec raro victor evadit. Difficillimè expugnatur: sedet enim in homine, ut in civitate optime munita, totaq; corrupta hominis natura cum omnibus potentijs & passionibus suis ipsi militat, & Divino Amori ipsiq; DEO arroganter insultat.

sultat. Notavit hoc S. Augustinus lib. 14. c. 28. de Civit: ubi ait; *Fecimus civitates duas Amores duos: terrenam scilicet Amor sui, usque ad Contemptum DEI; Caelestem vero Amor DEI, usque ad contemptum sui. Illa in se ipsa, haec in Domino gloriatur.* Quanta mala perditus ille Amor operetur in homine colligi potest ex sequentibus effectibus.

Philautia seu Amor proprius est Radix, fons & seminarium omnium vitiorum: ut declarat idem S. Aug. lib. 22. de Civit: c. 22. & indicat Apostolus 2. Tim. 3. Cum enim dixisset: *In novissimis diebus erunt homines se ipsis amantes;* mox subjunxit, *Cupidi, elati, superbi, blasphemae, parentibus non obediens, ingrati, scelesti, sine affectione, sine pace, criminatores, incontinentes &c.* Rationem hujus indicat S. Gregorius hom. 4: in Ezech: *Quia vehementer claudis oculum cordis amor privatus:* ut homo nec DEUM, aut leges ejus, respiciat, nec in futurum prospiciat, nec aliquam honesti rationem habeat: sed tantum commodo, voluptati, gloriæq; suæ intentus, omnia trahat ad se ipsum, nec quidquam referat ultrò ad DEUM, sed potius Divina, seu DEI cultum externum, ordinet, torqueatq; ad proprium, ut ajunt, interesse. Unde facile colligitur: omnia vitia capitalia ex ipso fluere. Quia nimirum nimis amamus Excellentiam, seu dotes animi proprias à natura vel arte habitas, superbia intumescimus: quia nimium amamus corpus proprium, Gula distendimur, Luxuria dissolvimur: quia nos ipsos deperimus, opes corradimus per Avaritiam, de bono alieno tristemur per Invidiam, in adversantes nobis furimus per Iram.

Imperfectionum & levium nozarum plane infinita colluvies ex eodem fonte scaturit. Ex amore enim proprio, in edendo, bibendo, dormiendo, jocando, alijsq; adiaphoris actionibus non tam necessitatis, quam voluptatis rationem habemus; in cultu corporis, domus, supellestilis comptiores sumus, quam communis hominum mos ferat, aut ratio status nostri permittat; defectus aliquos naturæ, parentum inopiam, officij vilitatem erubescimus; reprehensiones superiorum, & amicorum admonitiones moleste ferimus; à cultu divino alijsq; pijs operibus ob respectus humanos abstinemus; vana gloria & aliorum lenocinijs titillamur; ob acceptas iniurias implacabiles sumus, atq; teste S. Aug. in lib. Confession: *Sæpe de ipso vane gloriæ contempnuntur gloriatur, ex paucis & minimis, quæ pro DEO agimus præpropere primicias per jactantiam aut vanam complacentiam deserpimus &c.* Ut verissimè dixerit Kemp: lib. 3. de Imit. c. 27. *Scio, quod amor sui ipsius magis nocet tibi, quàm aliqua res mundi.* Si igitur perfectioris Charnatis vel ad modicum tempus consultum volumus; in capita-

lem ipsius hostem, Amorem proprium, totis viribus insurgamus oportet.

FERIA IV.

DEUS, JESUS, & MARIA sunt Bonum nobis presentissimum.

1. **A** Dora DEUM OPTIMUM MAXIMUM & considera: eum varijs modis presentissimum nobis esse: 1. Per Essentiae suae Immen- sitatem. Indivisibilis enim essentia ipsius diffusa est per orbem universum & ultra in infinitum, Unde ait Apostolus Act. 17. *In ipso vivimus, move- mur, & sumus*; sicut pisiculi in mari quodam immenso. 2. Per omnipoten- tiam suam, quā nos conservat, vim operandi tribuit, & nobiscum in nobis operatur. *Omnia opera nostra operatur es in nobis.* Isaia 26. Deniq; 3. Per praesentiam quandam ocularem: in quantum omnes motus nostros, cogi- tationes singulas, verba & actiones, velut proprijs oculis, & in persona propria, observat & notat. *Omnia nuda & aperta sunt oculis ejus.* Heb. 4. Vide igitur Anima mea, quid agas, dicas, cogites. In DEO, cum DEO, & coram DEO agimus. O DEUS! quō ibo à spiritu tuo, qui tam parum boni, tam multum mali ago? Cum extra te esse non possim; doce me am- bulare coram Te, & verē vivere in Te.

2. **A** Dora D. JESUM & considera: etiam ipsum esse nobis prae- sentissimum. Ipse est Emmanuel noster Matt. 1. id est nobiscum DEUS. Nobiscum; tum per Imen- sitatem Divinitatis suae; tum per assumptionem Naturae nostrae, tum per protectionem & directionem; tum per corpo- ralem praesentiam in Sacramento Eucharistico. *Eccē ego vobiscum sum om- nibus diebus usque ad consummationem saeculi.* Matt. 28. At nos quam illi- benter sumus cum JESU sive per orationem; sive per Imitationem! Par- ce o Emmanuel Amabilissime. Tuo lateri deinceps fidus haberebo. Tecum paratus sum, etiam in mortem ire, sed munitus gratia tua.

3. **V**enerare DEIparam V. & considera: ipsam quoq; presentissimam nobis esse: non corpore quidem; sed continua necessitatum nostra- rum observatione, materna circa nos curā, potenti in periculis protectione, assidua pro nobis intercessione, largissima donorum caelestium erogatione. Non est, qui se abscondat à calore charitatis ejus. Sapius, o Gratiissima, sensi; te mihi propitiam adesse: & nisi adfuisse; paulo minus in inferno habitasset anima mea, vel graviter lapsus fuisset. Ne deferre Clientem; donec feliciter deducas in regnum gloriæ tuæ. Interim vos mihi semper ante oculos eritis, Amores mei dulcissimi, DEUS, J. & M.

Proposui de resoluenda praesertim in periculis peccandi, praesentia DEI.

LECTIO

*Quoniam conferas ad conservandam augendamque Charitatem Memoria
Præsentis DEI.*

Et literæ Divinæ, & Patres Sancti ad modum crebrò graviterq; com-
mendant nobis frequentem, inò assiduam Præsentis DEI memoriam.
*Quære Dominum, & confirmamini: quærite faciem ejus semper Psal. 104. In
omnibus viis suis cogita illum. Proverb. 3. Omnibus diebus vite tue in mente
habere DEI M. Tob. 4. Judicabo tibi, ô homo, quid sit bonum, & quid Domi-
ni requiras à te. Uniquè facere judicium, & diligere misericordiam, & sollicitum
ambulare cum DEO tuo: monet Michæas. cap. 6.*

Fructus hujus Exercitij est multus & pretiosus: hic eum solùm proponam;
quòd frequens DEI Præsentis memoria plurimùm conferat ad conservan-
dam augendamq; in nobis Charitatem. Conservat Charitatem: quia effi-
cacissime absterret à peccatis; quibus vel tollitur Charitas, si gravia sint;
vel minuitur fervor ejus, si levia. *Memento DEI & non peccabis.* scripsit
S. Ignatius M. ad Heronem Diacon. ep. 9. *Hac solam ratione fit, ut qui
nunquam labatur, si DEUM sibi ipsi semper adesse existimat: ait S. Clemens
Alex: lib. pedagogi; c. 3. S. Ephrem lib. de virtute. c. 10. dicit: Ni-
hil pejus graviusque est, quam ipsum DEI oblivionem capere. Continua enim
DEI recordari ne turpes anime passionis recedant, instar maleficorum Prætoris acce-
dente: unde & mundum spiritus S. habitaculum efficitur. Ubi verò memoria DEI
abest, ibi tenebre eum satore dominantur, omnisque res improba exerceatur. Ex-
pertus est ipsemet S. Ephrem virtutem hujus antidoti: prout de ipso scri-
bit Metaphrastes in ejus vita. Sollicitatus enim à scorto ad pudendum fla-
gitium, respondit: se non abnuere, si in publico foro res agi possit. Op-
ponente illa verecundiam, in oculis hominum spectantium, subjunxit:
Quanto minus fieri debet coram DEO, qui totus oculus est, & omnia oc-
cultissima intuetur! Quo responso perculsa meretrix, veniam supplex
petijt, & consilio sancti, vitæ monasticæ in perpetuum se addixit. Exper-
ta est & casta illa Susanna Daniel. 13. Cum enim inveterati dierum malo-
rum senes prætenderent: Nemo nos videt. Invenit Susanna, & ait: Melius
est mihi absque opere incidere in manus vestras, quàm peccare in conspectu Domi-
ni. Non vident homines? Non potest non videre DEUS: idem arbiter,
& Judex severissimus. Quo fugiam, & ubi me abscondam à facie ejus?
Merito igitur monet S. Basiliius cit: Illud agendum assidue: ut ex perpetua ac
purissima recordatione, impressam in animis nostris piam de DEO cogitationem, ve-
luti indelebile aliquod signum, circumferamus. Siquidem hec est ratio, per quam
erga DEUM Charitas acquiri consuevit: qua simul cum ad observanda DEI man-*

data nos excludit; tunc vicissim quoque ab iisdem ipsa ad perpetuitatem stabili conservetur.

Quod etiam ad augendam Charitatem plurimum conducat Memoria præsentis DEI: extra dubium est. Vehementer enim incitat ad agendum strenuè, fortiter, & ad gustum præsentis & videntis DEI. Quam compositi, alacres, & magnanimi sunt aulici & milites in conspectu Ducum & Principum suorum? Tolle minas & præmia: solus adsit oculus spectantium; ibunt in mille pericula & mortes. Cum ursis & leonibus, cum barbaris & gigantibus congregientur intrepidi: modo placeant Principi spectanti. Vilis erat Protomartyri Stephano vita, dulcis lapidum imber, chari persecutores: quia vidit celos apertos, & Filium hominis stantem à dexteri virtutis DEI, atq; intentum agoni militis sui. Sensit Stephanus velut facces ardentes ex oculis Domini spectantis jactas in cor suum; adeoque incensa exerbuit charitas: ut non solum in DEUM & proximum, sed in inimicos quoq; exundaret. Præsentem JESU, arsit Petrus, paratus cum ipso, & pro ipso, in carceres & mortem ire: absente JESU, non solum resistit, sed exuncta est Charitas ejus: at mox accensa est iterum respiciente Domino; eoq; viso redivivo, in tantum inflammata est, ut plus omnibus amaret Petrus. Hinc & alij Sancti non solum ad evitandum lapsum, verum etiam ad incrementum Charitatis, aliarumq; virtutum, continuo in mente circumferebant præsentem DEUM. *Providebam Dominum in conspectu meo semper:* ait David Psal. 15. Et Eliasz 3. Reg. 17. *Vidi Dominum, in cuius conspectu sto.* Abraham quoq; ut esset *Perfectus*, iussus est *ambulare coram DEO.* Gen. 17. Rectè cit: S. Ephrazm: *Semper DEI meminere: & cælum menti tua evadere: ubi nullainiquitas, ubi perfecta & æterna Charitas.*

FERIA V.

DEUS, Christum & DEI para V. sunt Bonum beatificant etiam in hac vita.

1. **A** Dora DEUM O. M. & considera: ipsum esse Bonum, quod beatificari possumus etiam in hac vita, si volumus. Status equidem mortalis hujus vitæ non est status beatitudinis, sed potius afflictionis & laboris: nihilominus, si placeat, possumus ex Oceano illo immenso æternæ beatitudinis prægustare guttam aliquam, quæ non quidem plene perfectèque beati efficiamur; desinamus tamen esse miseri, & inter mortales verè ac prudenter reputemur felicissimi, eo; quod possideamus summum, quod in hac vita haberi potest Bonum. Tale Bonum non est, nec esse potest, aliud

Und quid DEUS ipse. Possessio quædam & fructio ipsius, haberi potest & solet, per gratiam, contemplationem, & amorem: quæ quo perfectiora sunt; eò perfectius beati sumus. *Experientiâ didicerunt id Sancti, exultantes etiam in maximis calamitatibus & tormentis. Beatus populus, cuius Dominum DEUS ejus!* Psal. 143. Quid ergo miseram vitam agimus, cum agere possimus beatam? **O DEUS**, beatitudo mea, temporalis & æterna, quando plenè converterar ad te, & felicitatem meam quæram in solo Te?

2. **A**dora D. JESUM, & considera: etiam ipsum esse Bonum, amantes se beatificans in hac vita. Est enim, ut DEUS, summum & omne Bonum: ut Homo, est medulla, flos & summa totius boni creati; quod in ipso depuratum & divinizatum, infinite jucundius afficere nos potest, quàm quale in promptuarijs, & cisternis putridis hujus mundi reperitur. Luc: 10. beati dicuntur oculi, qui JESUM in carne viderunt: at Joan: 20. magis Beati prædicantur, *qui non viderunt & crediderunt*, Ergo & beatæ aures, quæ nunc libenter audiunt de JESU, beatæ mentes, quæ frequenter contemplantur JESUM; beata corda, quæ ardentè amant JESUM; beatus homo; cui JESUS est omnia in omnibus, & præ omnibus. **O JESU** unica felicitas & voluptas miseræ vitæ meæ: da mihi perfectam cognitionem amorisq; tui; & dicam: *Sors est Domine, satis est.*

3. **V**enerare DEIPARAM V. & considera: ipsam quoq; esse Bonum nos in hac vita quodammodo beatificans, & quasi ad integritatem temporalis beatitudinis pertinens. Quis enim videns, amansq; JESUM; non optet videre & amare Matrem JESU? Quid post DEUM est æquè pulchrum; jucundum, suave, dulce, gloriosum, atq; omni ex parte gratiosum, ac VIRGO, Mater JESU? **Concupiscit & deficit anima mea in plenam** tui cognitionem, & amorem o gratiosissima: Unam petij a Domino, hanc requiram; ut inhabitet in corde meo JESUS & MARIA cunctis diebus vitæ meæ. His habitis, quantumvis cæteri omnibus sublati, beatus sum.

Propossum v. g. de artissima cum DEO IESU & MARIA conjunctione per charitatem.

LECTIO PRACTICA.

Quomodo DEUS per Charitatem nos beatificat in hac vitâ.

Non exigua nostra felicitas est: quod in medio miseriarum Beati esse possimus: non quidem beatitudine perfecta omnimodè; sed qualem in hoc statu rationabiliter optare possumus. Beatificavit Christus, Dominus noster, pacificos, pauperes spiritu, mundos corde &c. quanto magis Beati dicendi sunt, qui diligunt DEUM ex toto corde, totis viribus, &

48
tota anima? Ex tali enim dilectione oriuntur virtutes illæ omnes, & sine illa sunt mera virtutum simulacra. S. Gregorius hom. 27. in Joan.

Porro ad veram Beatitudinem universim requiruntur duo: Immunitas ab omni malo; & Affluentia omnis boni, quod honestè desiderare possumus. Utrumq; satis liberaliter præstat Charitas in hac ærumnosa vita. Inprimis veri Amatores DEI nihil reputant esse verè malum. & odabile, præterquam peccatum, & quæ proximè disponunt ad peccatum. Charitas autem perfecta non solum adversatur omni peccato; sed etiam pericula proxima peccandi fugit studiosissimè, & passiones quibus præcipitatur in peccata, regit in virga ferrea, suq; subjicit dominio. *Charitas enim, ut describit Apostolus 1. Cor. 13. patient est; benigna est: Charitas non emulatur, non agit perperam, non inflatur; non est ambiciosa; non querit quæ sua sunt, non irritatur, non cogitat malum; non gaudet super iniquitate, congaudet autem veritati: omnia suffert, omnia credit, omnia sustinet.* Quidquid huic genio suo & Divinæ voluntati adversatur; hostis loco habet, & persequitur usq; ad interuersionem. Quidquid mali irrogatur Amanti a mundo, vel iniquitate temporum, vel naturæ propriæ corruptione: nihil accidit invito; omnia excipit tanquam munera Dilecti DEI, & in lucra vertit. *Diligentibus DEUM omnia cooperantur in bonum.* Rom. 8. Quamvis enim multa sibi suoq; naturali appetitui contraria, dura, & molesta perferre coguntur: hæc tamen omnia multum boni ipsis conferunt mediâ Charitate; tum quia conducunt ad expianda peccata præterita, tum quia offerunt occasionem, mutuum, cumq; heroicum, amorem contestandi amanti DEO. Et sic in medio malorum vivunt veluti immunes ab omni malo; quasi tristes, semper amicos gaudentes: sicut egenos, multos autem locupletantes: tanquam nihil habentes, & omnia possidentes. 2. Cor. 6.

Deinde veri amatores DEI, etiam in hac vita, omnia possident in DEO, & cum DEO: adeoq; non tantum affluentiam habent omnis boni, sed abundantiam omnem. In DEO habent omnia: quia ibi & summum Bonum, & Omne Bonum est. Cum DEO possident omnia: quia Amor sincerus & ardens non tantum conjungit ipsos DEO, ut non sint separati, & longè diffiti a DEO sicut improbi; sed intimè unit DEO ita; ut admirandam quandam faciat Imperfectionem hominis cum DEO, unam moraliter personam constituendo ex DEO & homine. Quod non minus vere, quàm magnificè dicitur. Amor enim, ut notavit S. Dionysius lib. de Divinis Nom. c. 4. *vim habet Unientem & commiscetrem* quia amantem cum amato ita conjungit, commiscet, & unit; ut ex utroq; unum fiat, unitate quæ fieri

FERIA VI. post Domin: IV. Advent.

89

feri potest, strictissima. Videre id licet in omnibus siue carnaliter siue spiritualiter amantibus: qui non solum volunt semper sibi esse presentes, & conjuncti quo ad locum, sed intimam & arctissimam optant & procurant unionem. Hinc illi inter amicos, inter parentes & liberos, inter sponfos & sponfas, arctissimi amplexus ac velut innodationes, illarum manuum conjunctiones & compressiones, illa suavissime fixa, imò impressa oscula, illa velut indignantis amoris impatientia, quod alter in alterius pectus & intima cordis penitus illabi nequeat, ut ex utroq; unus fiat homo, persona una. Ceterum quæ inter corpora fieri nequit intima unio, eam inter animos & animas procurat & conficit Amor. Vis & industria ejus patet in Jonatha & Davide. Vix in conspectum Saulis, percussio Philisthæo, venerat paucaq; verba Regi locutus fuerat David: *Anima Jonathæ conglutinata est anime David, & dilexit eam Jonathas quasi animam suam.* 1. Reg. 18. Quæ dilectio quod faciat inter amicos, aliosq; similiter amantes, impersonationem quandam, non solum fictione juris, sed naturali quadam immigratione, ut ita dicam, animarum duarum in unitatem personæ, manifestum est ex toto illo, quo Amicus dicitur. *Alter Ego & Anima magis ibi esse nbi amat, quam nbi animat.* Quæ intima Unio & Impersonatio quod non solum fiat inter homines amantes, sed inter DEUM quoq; & homines, locuples testis est Apostolus, dum ad Galat. 1. protestatur: *Vivo autem jam non ego, vivit ve in me Christus.*

O vitam beatissimam, vitam cœlestem, vitam Divinam! Vivo ego, jam non ego: quia transformatus in Christum, ingenio amoris impersonatus Christo. Vivit in me Christus; Vita mea DEUS est: quæ beator optari potest? Quantum rerum apparatus requirunt & corradunt amatores mundi ad vitam non omnino miseram agendam! Diligentibus DEUM præsid est DEUS, & sufficit.

FERIA VI.

DEUS, Christus & DElpara Virgo, suis Bonum carpitur neglectum ab hominibus.

1. A Dora DEUM O. M. & considera: quod quamvis verè sit tale ac tantum bonum, quantum hactenus consideravimus; ideoq; homo toto corde, etiam naturaliter, in illud ferri deberet magis quam levius sursum, aut gravia deorsum ad centrum suum: nihilominus paucis est in memoria, paucioribus in consideratione, paucissimis in amore debito. Quæcitur ipse Jeremia. 2. *Namquid oblitiscitur virgo ornamenta sua, aut sponsa fasci-*

fascia sue pectoralis populus vero meus oblium est mei diebus innumeris: quasi non essem aut pulchrior, aut pretiosior, aut magis necessarius; quam sertum aut fascia Sponsæ. Imò, quòd longè gravius! Venerunt ad me ierum, & non faciem Ibid. v. 27. Proh barbaram inurbanitatem: imò grande erimen læsæ maiestatis tantæ! Utinam autem non esset meum! Detestor pravitatem meam! Parce DEUS.

2. **A** Dora D. JESUM, & considera: quàm turpem patiatur & ipse neglectum ab hominibus; licet sit Bonum super omne bonum. Non amabilis solum, sed totus & merus amor est, perfectissimus in se, beneficentissimus in nos. Ad æternam memoriam in manibus suis descripsit nos, ad vitam & gloriam æternam assumpsit nos; amicos, fratres, & coheredes suos fecit nos. Et tamen queritur & ipse: *Filios convivi & exalavi: i se autem spreverunt me: Isaie 1. idq; non tantum jacentem in cunis, sed etiam regnantem in cœlis. Quærun in lacunis & sordibus bonum suum, voluptatem suam: me dereliquerunt fontem aquarum viventium, imò Oceanum infinitum omnis boni. Quis crederet, eò dementiæ processuras creaturas rationales? Pudet, ah pudet me, pretiosissime JESU, tam effrontis impudentiæ. Te deinceps æstimabo, honorabo, super omnia. Et quis potiorẽ locum in mente & corde meo meruit, aut mereri potuit?*

3. **V**enerare DEIpam V. & considera: ipsam quoq; licet à DEO super omnes Creaturas amatam ac honoratam, fuisse, & esse Bonum; plurimis neglectum. Cum adhuc inter homines versaretur, Gemma erat, cujus pretium solus noverat negotiator cœlestis; ideoq; non suatantum, sed se dedit pro illa; ceteri eam à vulgari arena non distinguebant. Regnantem in cœlis, & sua dona spargentem in terras; quàm multi ignorant vel spernunt? Non pauci Clientum quàm frigide amant; quàm remissè colunt? In horum numero & me comprehendi, coniteor tibi Domina cœli & terræ. Et est culpa mea eò major, quò magis mihi nota sunt & dignitas tua, & beneficentia in me. Parce, promitto meliora. Vos mihi deinceps primi & summi eritis in æstimatione & amore DEUS, J. & M.

Propositum v. g. de preferendo practice casum omnium, (presertim rei vel persone N.) DEO J. & M.

LECTIO PRACTICA.

Amori DEI cedas amor quarumvis Creaturarum.

Grandis & intolerabilis perversio! DEUS creavit visibilem hunc mundum, & omnia quæ in eo sunt, tam pulchra specie, tam mira varietate; ut ex creaturarum conspectu raperemur in amorem Creatoris, qui

illis

illis infinitè speciosior, & amabilior est. Nos autem blandiente sensibus creaturarum specie, & stillante ex ipsis aliqua voluptate, illecti, totum cor illis consignamus; non solum amamus, sed deperimus illas; de amando DEO postrema est, aut nulla cura. Ut tanta pravitas cordis humani corrigatur: vel exuendus est omnis creaturarum amor; vel si eas non possumus non amare, amor earum redigatur in ordinem, & amor DEI, tanquam contumax mancipium, plenè subjiciatur. Facile id nobis persuadebitur, si adverterimus: nec ullam seorsum creaturam, nec omnes simul sumptas esse summum Bonum nostrum; imò magnum esse malum, si non amentur, ut decet.

Quod nulla creatura, nec omnes simul, cum omni, quam nobis præstare possunt commoditate, splendore & voluptate sint summum Bonum nostrum: patet 1. Ex amplitudine & infinita capacitate Animi & cordis nostri; quam implere & perfectè satiari non potest nisi Bonum infinitum. Res autem creatæ sunt finitæ & numero & perfectione sua. *Omnia in mensura & numero, & pondere disposuisti.* Sap. 11. Deinde etsi infinitæ essent, quis omnes aut multas, vel aliquas ex omni specie obtinere posset? Quæ cura in ipsis conservandis ponenda esset! 2. Quod summum hominis bonum debeat esse solidum ac stabile; ne possessum amittatur, & amissum affligat. At de rebus creatis dicitur Ecclæ: 1. *Vanitas vanitatum, & omnia vanitas. Vidi cuncta, quæ fiunt sub sole, & ecce universa vanitas, & afflictio spiritus.* 3. Summum bonum debet esse tale, ut propter se appetendum sit; reliqua verò omnia propter ipsum. At nulla inter res creatas invenitur talis, quæ sit finis reliquarum: quin potius *Universi propter semetipsum operantur est Dominus.* Proverb. 16. Ipse est & principium & finis ut hominis, ita rerum cæterarum. 4. Summum bonum hominis debet esse liberè appetibile à quovis homine: æquale enim jus ad illud, seu æqualem facultatem obtinendi illud, concedit natura cuivis. Si ergo v. g. divitiæ, vel honores, aut voluptates & similia essent summum bonum hominis, liceret cuivis quibusvis efficacibus medijs procurare illud, possetq; liberè ac licitè alter alteri præripere honores, divitiæ &c. unde summa oriretur confusio. 5. Summum Bonum hominis summe perficere debet hominem, & in summo perfectionis gradu tam quo ad intellectum, quam voluntatem, constituere. Hoc autem præstare non possunt res quæcunq; materiales, cum sint longè inferiores & imperfectiores homine: nec apparet quomodo substantiæ spirituales quales sunt Angeli, quæ solæ perfectiores sunt homine, taliter eum perficere possint. Ex his manifestum est, non inter creaturas, sed supra creaturas

Summum hominis Bonum querendum esse; nec ulli bono creato summos amores deberi, aut rationabiliter impendi posse.

Imò quòd non tantùm non sint summum hominis bonum Creaturæ, sed magnum & valde perniciosum ejus malum, si inordinatè amentur, & DEO præferantur in amore, certum est. De voluptatibus, præsertim corporis, dicit Seneca ep. iii. *Indulgere voluptati initium omnium malorum est.* Plato, teste Cicerone in Catone, appellavit eas *Esca[m] malorum.* Architas verò Tarentinus ibidem ait: *Nullam capitaliorem pestem, quàm corporis voluptatem hominibus à natura datam.* Hinc patrie proditores, hinc rerum publicarum ever. siones &c. Nullum denique scelus, nullum facinus esse, ad quòd suscipiendum non libido voluptatis impellat. Hæc gentiliùm Sapientes. Ex divinis Literis sufficit illud decretorium oraculum Apoc: 18. adducere: *Quantum se glorificavit, & in delicijs fuit, tantum date illi tormentum & luctum.* De Honoribus & Dignitatibus dicit Salomon sap. 6. *Audite, inquit, reges & intelligite, discite Judices finem terræ &c.* Horrendè & cito apparebit vobis: quoniam judicium durissimum his, qui præsumunt, fiet. Exiguo enim conceditur misericordia: potentes autem præsertim tormenta patiuntur. Et S. Chrysostomus in cap. 12. Matt: hom: 41. Non cogitas, quamiam honores perniciem adferre solent? Facile enim ad inanem gloriam extollunt, & in tumorem, superbiam, & aliorum contemptum impellunt. Malorum præcipitia, in quæ honores detrudunt, perpetua sunt, atque præcipia. De terrenis divitijs & divitijs pronunciat Apostolus 1. Tim: 6. *Qui volunt divites fieri incidunt in temptationem, & in laqueum diaboli, & desideria multa inuilia & nociva; quæ mergunt homines in iniquitatem & perditionem.* Et Christus Luc. 6. *Ve vobis divitibus, qui hic habetis consolationem vestram.*

Ex his & similibus universaliter decidit Afoeta Kempensis lib. 2. de Imit: cap. 1. n. 8. *Nil sic maculas & implicat cor hominis, sicut impurum amor in creaturis.* Et sup. n. 2. *Da ergo Christo locum, & Amori ejus: & cæteris omnibus nega introitum.* Magnæ dementiæ est; subtrahere se legitimo Principi, & subicere se mancipio: amorem vilis creaturæ à quo perditio æterna, præponere Amori Creatoris, a quò Beatitude vera & indefectibilis. Si esse non possumus sine amore quarundam creaturarum: amentur sanè, sed amore subordinato Amori divino. Hic sceptrum ferat, & Censor & Imperator reliquorum amorum. Amentur creaturæ, quantum conducunt ad obsequium, amorem & gloriam DEI: aliàs locum non habeant in corde Christiano, ne dicam sacerdotali & Religioso. Vide; quid agatur in corde tuo.

IN VIGILIA NATIVITATIS DOMINI.

89

DEUS, JESUS & MARIA intentos nos volumus in mysterium Nativitatis Domini.

1. **A** Dora DEUM O. M. & audi eum per Zachariam Prophetam monente: *Ecce Rex tuus veniet tibi, justus & Salvator, ipse pauper.* Zach. 9. Venit pridem per corporalem ex Virgine nativitatem; veniet iterum per S. Matris Ecclesie representationem. Veniet tibi: tuo maximo bono, comodo, & solatio, quod ex pia gratiosissimæ ejus Nativitatis contemplatione colligere poteris abunde. *Ecce veniet:* para attentionem, occurre ad venerationem; magnam videbis visionem. *Ecce Rex tuus* idemq; tuus DEUS, quem nemo hominum vidit unquam; sed nec videre potest oculis corporeis, aut naturali acie mentis: *Veniet tibi pauper;* omnibus enim se spoliavit propter te. Veniet ad stabulum; veniet si admittis, etiam in cor tuum. Et veniet *Justus;* remuneraturus copiosissime minimos actus tuos erga se pietatis. Veniet deniq; *Salvator.* Si igitur salutem tuam amas, & queris: intende in eum oculos, occupa illo mentem; pande ei cor; excipe venientem. *Veni Domine JESU,* veni cito: posside omnes potentias & vires corporis & animæ meæ.

2. **A** Dora D. JESUM, & considera: quod proximâ nocte & festivitatem quodammodo renasciturus sit; iterumq; videre licebit gloriam ejus, gloriam quasi Unigeniti à Patre, plenum gratiæ & veritatis; iterum de plenitudine ejus accipere licebit omnibus gratiam pro gratia. Si DEUM timeamus, & videre non possumus magnum; recurrere licebit ad parvulum. Ideo enim magnus ille decrevit Gigas, ideo Rex ille tremenda majestatis abscondit gloriam inaccessibilis lucis suæ: ut speculatores possemus esse humanitatis, elementaræ, misericordiæ, & Infinitæ charitatis ipsius. Nasci voluit in antro aperto, & propè viam; ut omnibus pateret accessus. Est quod speculemur in illo, tum ad stuporem, tum ad amorem; tum etiam ad salutiferum dolorem. Ad hæc comminatus est ipse cuidam (Beate Angelæ de Fulginio) *non videbit me magnum; qui non vult videre parvum.* Ah videant te oculi mentis meæ parve DEUS! Non peto jam eum Moyse; ut ostendas mihi gloriam tuam: sed ostende, obsecro, hoc sacro tempore potissimum, humilitatem tuam; paupertatem, patientiam, charitatem tuam; & sufficit mihi.

3. **V**enerare DEI parvam V. & considera: quanto desiderio desideret; ut parvulum JESUM pro nobis natum, pro nobis pauperem & contemptum, pro nobis algentem, & vagientem, contemplemur attentius,

M

ame-

IN VIGILIA NATIVITATIS DOMINI

amemus ardentius. Ipse enim est omne decus, delictum, amor & gloria ipsius. Compensari vult à Clientibus suis rusticitatem illam Bethlehemitarum & Hierosolymitanorum; quorum nemo accessit ad videndum natum sibi Salvatore. Novit Sanctissima Mater; quam potens fit ad excitandos in nobis tenerrimæ pietatis, ac sincerissimæ charitatis affectus Nativitas admiranda Filij ipsius. Ad illam igitur oculos mentis meæ & omnes animæ potentias tu ipsa converte, o Mater dulcissima: compece, abige, aliorum negotiorum turbam; & JESUM, benedictum fructum ventris tui nobis etiam in hoc exilio ostende. O Clemens, ô pia, ô dulcis Mater MARIA!

Proposui v. g. de expediendâ maturè, vel seponendâ alijs negotiis: ut sequentia festa religiosius, & sine ulla offensa Christi transigi possint.

LECTIO PRACTICA.

De Preparatione ad celebrandum Natalem CHRISTI.

Solemne est Principibus, recurrentem diem suum Natalem singulari pompa & plausu celebrare, Magnatibus lautius epulum præbere, populo quoq; liberali congiario benevolentiam suam testari. Ad hanc uberius sibi conciliandam solent vicissim subditi maturè deliberare: quo apparatu, quave officiorum suorum contestatione & ipsi celebrent eum diem. Non decet nos minus officiosos esse erga DEUM, nostrum & omnium Dominum supremum, olim in terris amore nostri natum, nunc annua celebritate in pijs animis & cordibus nostris renasci optantem; præsertim cum non nesciamus, eum hujusmodi officijs, quamvis tenuibus, solere eximia liberalitate respondere.

S. Melchitildem, ut habet P. Barry in Anno S. 26. Decemb. monuit ipsa DEIpara V. ut, si Sanctitatem desideraret, eam apud Filium suum quæreretur; specialiter per singularem devotionem ad ejus sacram Infantiam; per quam voluit ab ipso distincere peti remissionem culparum & negligentiarum in ætate teneriore commissarum. Per merita divinæ hujus Infantiae Religiosus quispiam, ex S. Carthusianorum cœtu, anno 1477. defunctus, impetrasse sibi visus est; ut delictorum & ignorantiarum non tantum juvenutis suæ, sed vitæ totius, non meminisset bonus JESUS. Varijs enim teneræ pietatis exercitijs colere solebat Infantem DEUM, quæ post Matutinas Ecclesiæ preces, quotidie in Ecclesia solitarius absolvebat cum magna Fratrum ædificatione. Jam jam moriturum cum non nemo animaret: ut fiducia in Christi meritis reposita, intrepidus supremam horam ex-
esperet

Esperet, reposuit æger: Quid dicis Pater? Securus sum. Nec mortem, nec diabolum, nec infernum timeo. Hos animos mihi facit Parvulus meus JESUS, dulcissimus meus Agnellus DEI. Merito sollicitos nos esse decet de junioris ætatis delictis, cum non rarè fugiant memoriam, & sæpe malitia superet ætatem; nec facile meminisse possimus maturiores, qua advertentia seu deliberatione egerimus, vel an rite ea expiaverimus. Non depopuit de illis sollicitudinem Rex Sanctus in provecta ætate, sed supplex sollicitabat Dominum: *Delicta juventutis meæ, & ignorantias meas nō memineris.* Psal. 24. Ad plenam ergo eorum obliterationem peridoneum & opportunissimum medium sunt Merita Infantia & juventutis Christi Salvatoris nostri; seu Devotio eximia ad eundem Infantem gratiosissimum, infinitorum meritorum jam in ea ætate plenissimum.

At quo officiorum genere excipiemus, & demerebimur Divissimum Infantem? Facile id suggeret cuiq; pietas & Charitas sua, quæ admodum ingeniosa esse solet. Ne tamen nihil dicam: proponam pauca, quæ Sancti, & alij non vulgares DEI servi egerunt.

Cæteris præeat plane eximius Infantis DEI cultor S. Franciscus Seraphicus, qui ex singulari quadam confidentia passim eum vocabat *Parvulum de Bethlehem*. Si Imperator essem, inquebat, omnibus Ministris meis & Civitatum gubernatoribus mandarem: ut pro Natali Domini celebrando nulli parcerent sumptui, omnem procurarent splendorem & pompam, in comitis, vijs & campis longe lateq; frumentum spargerent, quo volucres cæli pascerentur lautius, & JESUM natum laudarent alacrius; specialiter boves omnes & aselli ob præstitum Infanti DEO cultum, tractarentur liberalius fæno optimo & largissima avena. Nec intra mera desideria stetit pietas ejus. Impetrata à summo Pontifice venia, in aperto campo Stabulum erexit, fæno, stramine, præsepi, boscule & asello, instruxit; nec MARIA, vel Joseph, aut Infantulus in præsepi reclinatus, aut Musica pastoritia defuit. Viciniam totam ad eam solemnitatem pro nocte Natalitia convocaverat, confluxitq; ingens hominum, etiam Religiosorum & Nobilium, turba: omnia deniq; ad representandum Nativitatis Dominicæ mysterium, quam accuratissime composita erant. Peracto divino Officio, in primo Missæ sacrificio Sanctus ipse Diaconi munere functus, Evangelium cecinit: tum piissima concione populum inflammavit ad amorem cultumq; sincerum ac solidum Parvuli de Bethlehem. Respondit operæ fructus non exiguus in populo: at ipse Franciscus maximum tulit. Vidit enim pius Nobilis, qui aderat, in ulnis Francisci, pietate, lacrymis & gaudio lique-

IN NATIVITATE DOMINI

scantis, depositum vivum Divinum Infantem, sole splendidiorem; eoque spectaculo ita commotus est; ut illico mundum valere jusserit. Non possumus idem præstare, quod Franciscus? at possumus illum aliquatenus imitari, in Ecclesijs & conclavibus domesticis caulam Bethlehemiticam, quam licet, repræsentando; vel saltem iconem aliquam similem oculis nostris obijciendo, in quam crebrius eos desigamus; coram qua cor nostrum conceptis pijs affectibus exoneremus.

Venerabilis P. Bernardus Colnagus è Societate nostra, familiarissimam habuit parvulam Statuam Infantis JESU, cui præsertim per Adventum & Octavam Natalis Dominici, exquisitissimo cultu blandiebatur. Post magnam noctis partem inter amoris delicias traductam, dum se ad modicam quietem componebat, Statuam illam secum in lectulum fovebat, tenerissimis amplexibus stringebat, donec cum hoc myrrhæ fasciculo, inter aliquam Cantilenam Natalitiam, indormiret. Quando aliquam majoris momenti gratiam impetrare volebat; Parvulum illum super lectulum suum, quam decentissimè compositum, collocabat: ipse vero sub lecto se prosternebat. Et experiebatur efficacem hujusmodi industriam. P. Alphonsus Barfena ex eadem Societate, vir Apostolicis laboribus & gentium conversione in Peruvia celebris consueverat ligneam parvuli JESU effigiem, ante quietem, ad caput lectuli sui collocare. Gravi morbo pressus, cum non posset id agere, vel valetudinarium, ut idem faceret, accersere: prævenit Parvulus ipse, & ad Patrem: *Ecce me, inquit; adsum ego tibi: non est quod te fatiges.* Barry citi: Tam promptus est in vota nostra Divinus Infans: tam grata habet etiam exigua obsequia.

Illud, existimo, non gravati præstabimus: ut excipiendo in Eucharistia magno DEO, parvulo JESU, cor solito accuratius mundemus, Vigiliæ secuturæ noctis sanctius observemus, & animum serio obfirmemus, ad nullam etiam venialem offensam in Divinum Infantem, saltem per hanc Octavam, plena deliberatione admittendam.

IN NATIVITATE DOMINI.

DEI, JESU, & MARIE affectus erga genus humanum tempore Nativitatis Christi.

1. **A** DORA DEUM O. M. & considera profundissimos Divinarum Personarum affectus erga genus humanum in Nativitate Christi. Audi, etiam nunc dicentem, Patrem æternum: *Hic est Filius meus dilectus, in quo mihi bene complacui; ipsum audite.* Hic, quem in præsepi posuimus, a paupere

pere Virgine genitum; panniculis involutum cernitis Infantem, *Filius meus est*, ex utero meo ante Luciferum genitus; Dilectus super omnes & omnia, tanquam Unigenitus meus, decus, & corona mea, sapientia & fortitudo mea, mihi per omnia similis, æqualis & consubstantialis. *Ipsū audite* in cunis nunc vagientem; audituri olim in templo & compitis prædicantem, in cruce cum clamore valido pro vobis expirantem. *Ipsū accipite* in tesseram clementiæ & charitatis meæ erga vos, quantumvis contumaces servos. Audi & Filium dicentem: Ecce ego, non solum os de ossibus vestris, caro de carne vestra, sed etiam hircus pro peccato vestro. *Vivite* morte meā. Audi quoq; Spiritum S: Jerem: 31. *In charitate perpetua dilexi te*, o misera Adæ propago; *ideo attraxi te miserans*. non solum in amplexum benevolentis per gratiam, sed etiam in unitatem Personæ cum Verbo divino per unionem hypostaticam. O mira circa nos tuæ pietatis operatio; Misericordissime DEUS! O inestimabilis dignatio charitatis! Quid est homo; quia magnificas eum? Benedicam Dominum in omni tempore: Semper laus ejus in ore meo.

2. **A** Dora D. JESUM, & considera eum cum Isaia Propheta cap: 9. *ut Parvulum, qui natus est nobis: ut Filium, qui datus est nobis*. Natus ab æterno in splendoribus Sanctorum, Rex sæculorum, invisibilis & immortalis; natus nunc temporibus novissimis in carne humana passibili, mortali; innumeris calamitatibus obnoxia. Natus nobis, datus nobis; ægris in medicum & medicinam, captivis in Redemptorem, & redemptionis pretium; errantibus in ducem & viam; famelicis in pastorem & cibum; peccatoribus in sacerdotem & hostiam; datus nobis ad crucem & mortem pro nobis. O quibus te excipiam amoris ulnis Parvule sic nobis nate, sic nobis date? Recumbe, obsecro, in intimo cordis mei sinu, totumque solus occupa.

3. **V**enerare DEIparam Virginem & considera: quā voluptate perfusa fuerit in partu divino; quā reverentia, quem genuit, adoravit; quā devotione obtulit hanc portionem corporis sui Virginei divinizatam, in victimam & propitiationem pro peccatis generis humani. *Benedicta Filia in d Domino: quia per te fructum vite communicavimus!* Fac; ut pari affectu eundem Filium tuum foveamus in cordibus nostris, & offeramus Patri. Sed quibus affectibus & munusculis blandiemur ipsi Parvulo?

Proposium de contestando munio Amore erga DEUM, JESUM & MARIAM.

LECTIO PRACTICA.

Quomodo munio affectum contestari possim DEO, JESU, & MARIAE.

Imprimis Pater æternus hoc die apertissime testatus est mundo inextinguibilem charitatis affectum, quo nos ab æterno dilexit: siquidem Unigenitum, quem a sæculis infinitis sinu & corde paterno conclusum gestabat, & nuper Virginis infudit visceribus, hodie edidit in lucem, nobisq; donavit. Sic DEUS Pater dilexit mundum! Quomodo respondemus sic diligenti? Habemus & nos intimis visceribus conceptum Unigenitum, an Primogenitum, cœvum nobis, conjunctissimum, & charissimum: quin illum æterno Patri in contestationem mutui affectus donamus? Sed vereor, ne ingratum veniat munus. Filius enim ille noster, quantumvis nobis charissimus (quid dissimulemus?) indolis est malignæ, nec satis honesti tori, cervicosus, insolens: non aliter, aut pejus, colludit Filio DEI, quàm Ismael cum Isaac. Pudet nominare illum. Amor est Proprius; divini Amoris pessimus æmulus, imò hostis capitalis. Quid illo nobis charius, quid in imo cordis servamus tenacius, fovemus tenerius? Ex nobis, non ex DEO natus est: unde nec sapit ea, quæ DEI sunt, sed quæ carnis, & mundi. Hunc nihilominus præstat offerre DEO, sed jugulandum, & cremandum in holocaustum. Sit licet donum pessimi valoris: non ingratum tamen erit, quia nobis charissimum. Si diligentius auscultamus; audiemus sine dubio monentem intus vocem Domini: Tolle hunc filium tuum Unigenitum, quem diligis: & vade in terram Visionis, antrum scilicet Bethlehemiticum, ubi theatrum infinitæ charitatis erexit; atq; ibi offeres eum in holocaustum. Tergiversabimur? Plus apud nos poterit spurius iste, quàm apud Abrahamum Isaac, in quo benedicendæ erant omnes gentes? Audeamus. Ferro & igne, Obecientia & Charitate, conficiamus hunc abortum. Non ambigendum: si rem serio agimus, non minùs gratum fore DEO hoc munus & sacrificium nostrum, quàm fuerit Abrahami: nec minorem nos relaturos benedictionem, quàm, qui parvulos Babylonis alliserunt ad petram. Suscipe igitur Pater æterne promptam hanc voluntatem meam, & adjuva fragilitatem; non vivet amplius in me viperinum hoc germen, Amor proprius; non quæram amplius commoditates meas, aut respectus contra voluntatem tuam. Vivet, & solus regnabit in corde meo Amor tuus: siquidem ita me dilexisti, ut Filium tuum Unigenitum (qualem & quantum!) tradideris mihi, & pro me. Scio, quam indignum sit conspectu tuo, quod offero. Addo igitur eundem, quem mihi donasti, Filium tuum. Suscipe: & amare non desine.

DEI Filius, DEUS & Dominus noster JESUS cum mundum per nativitatem temporalem ingrederetur, sive ut Imperator mundum debellaturus

turus, sive ut sponsus procedens de thalamo Virginis Matris: facta est mul-
 tiendo milite celesti, laudantium DEUM, & dicentium: Gloria in Altissimis
 DEO &c. Luc. 2. Angelicis hisce choris decet nos accedere, & inter festivos
 plausus eum magno Genevensium Antistite S. Francisco de Sales, acclamare
 identidem *Vivat JESUS! Vivat JESUS!* Amor noster JESUS, Vivat! Honor
 noster JESUS, Vivat! salus nostra JESUS, Vivat! Dux Rex, Imperator,
 Dominus & DEUS noster JESUS, Vivat! Vivat in animabus & cordibus
 nostris, in mentibus & sensibus nostris, in actionibus omnibus, verbis &
 cogitationibus nostris! Vivat in Europa, Asia, Africa America, inter fide-
 les & infideles, inter Græcos & Barbaros, inter homines & Angelos, inter
 omnes & super omnes, in cælo & in terra, in tempore & tota æternitate.
 Vivat! Omnis terra adoret eum, & psallat ei: omnes cæli enarrent glo-
 riam ejus, quasi Unigeniti à Patre, pleni gratiæ & veritatis. Vivat JE-
 SUS & Amor ejus: occidat mundus & pompa ejus! Hæc sit hodie, utinam
 in omni vita, tessera Amoris nostri & subjectionis: *Vivat IESUS!* Occidat
 omnis vitiatorum exercitus, omnis rebellium passionum turba, & inimici
 ejus terram lingant. Vivat JESUS, gratiosissimus Infans, Vivat Clemen-
 tissimus Princeps, Vivat Optimus Maximus DEUS. Nos autem servuli
 ejus Vivemus ipsi; ut æternum vivamus & regnemus cum ipso.

DEI paræ Virgini, quæ meruit communem cum Patre æterno Filium,
 felicissimum inter summa gaudia partum gratulantes, applaudamus
 solemnitus; nunc cum Cognata ejus ingeminando: *Benedicta tu in mulieri-
 bus, & Benedictus fructus ventris tui;* nunc præcinenti Ecclesiæ accinendo: *Eccæ
 MARIA genui nobis Salvatorem.* Gaudeamus! Beata viscera *MARIÆ Vir-
 ginis, quæ portaverunt æterni Patris Filium;* Et beata ubera, quæ lactaverunt
 Christum D. Locuples tam tenuis opellæ pretium tulit quidam Client DEI-
 paræ V. solitus simili formulâ beatificare viscera & ubera Marianæ. Cum
 enim in gravissimum incidisset morbum, acerbitate mali in propria mem-
 bra defævisset, linguamq; & labia morsibus ita dilaniavit; ut circumstanti-
 bus, non hominibus tantum, sed Angelis etiam compassionem excussisset.
 Eorum enim unus, ad lectuli pedes visus, supplex interpellavit DEI param:
 ne pateretur linguam & labia, quæ ipsam tam frequenter Beatam dixerunt,
 tam fœdè lacerari. Audiit & exaudiit Virgo: lactisq; Virginei guttas ali-
 quot infirmi ori infudit. Mox non lingvæ tantum et labijs sua redijt inte-
 gritas, sed etiam menti & corpori plena sanitas. *Bary in Anno S. 4. Febr.*
 Sit igitur benedictus in æternum Pater Domini nostri JESU Christi. Vi-
 vant in cordibus omnium gratiosissimi Amores nostri JESUS & MARIA!

In Feste

De affectu DEI, Christi, & Marci ejus erga S. Stephanum.

1. **A** Dora DEUM. O. M. & considera: quantum honoraverit Protomartyrem suum Stephanum. Replevit eum Act. 6. fide, gratia, fortitudine & Spiritu S. indidit vultui ejus majestatem Angelicam; orationem eloquentiam, cui non poterant resistere omnes adversarii ejus; manibus virtutem signorum, & prodigiorum; obtulit ei cælum patens, & conspectum gloriosi Salvatoris sui; Duce[m] fecit innumerarum legionum, sanguine suo purpuratarum; corpus ejus indecenti loco sepultum revelavit, & decentius haberi mandavit, multisq; miraculis illustravit præsertim in Insula Minorica; ubi post reliquias ipsius illatas, omnes Judæi conversi sunt ad Christum. Tam profusus est DEUS in orandis & honorandis servis suis; quam parci nos in obsequijs ei deferendis? Parce DEUS! Dabo operam; ne deinceps te mei poeniteat.

2. **A** Dora D. JESUM, & considera ipsum ut Imperatorem gloriosissimum, cui terrestres militat, ecclestis triumphat Ecclesiæ; quem cælo patente vidit S. Stephanus in gloria Patris non jam fascijs cinctum nec dextrâ Patris assidentem; sed statem à dextris Virtutis DEI. avidumq; gloriosi certaminis militis sui, promptum ad ferendam opem, & imponendam victori coronam. Quam lætus accepit heroicam illam lapidati vocem; Domine ne statuas illi hoc peccatum? Quam avidè similem expectat à nobis? Non desunt Inimici lapidantes, fervet spiritus vindictæ; audendum tamen; præstò est Christus cum gratia sua, & coronâ de lapide pretioso. Unus hujusmodi actus par esse potest martyrio. Anabilissimè JESU, pro Inimicis tuis nate, ecce amore tui dimitto inimicis meis: dimitte & tu; & ne statuas illis hoc peccatum.

3. **V**enerare DEIPARAM V: & considera: quo affectu accepit & ipsa tam fortem S. Stephani pugnam, tam gloriosam victoriam. Quomodo gratulata est Filio talem militem, militi talem victoriam, & honorem Protomartyris? Suspexit illum ut Levitam pijsimum, dispensatorem Bonorum Ecclesiæ fidelissimum, Scribam in regno DEI doctissimum, Testem Filij sui disertissimum; Victimam charitatis præclarissimam. Excita, o Domina, & in me spiritum, quo plenus erat S. Protomartyr Stephanus; ut discam inimicos diligere; & si non licet pro Filio tuo sanguinem fundere, saltem ejus & tui amore suppressam bilem omnem; quæ mihi bullit adversus NN.

Propositi. um De condonandis, exemplo S. Stephani, injurijs nobis illatis, præsertim N.

LECTIO

S. Stephanum Protomartyrem, eximijs DEI donis copiosissimè ornatum, nihil æquè admirabilem facit, ac heroica illa, & amore inimicorum suorum ardens, oratio: *Domine ne statuas illis hoc peccatum.* Nil commotus summa injuriâ, nil sollicitus de vita, dissimulatis vulncribus & doloribus, causam inimicorum suorum agit apud Christum Judicem diligentius, quam propriam. Pro se enim leni solùm voce, & stans orabat, dicens: *Domine JESU suscipe spiritum meum.* Act: 7. at pro lapidantibus, humiliore situ & gestu, *positis genibus*, voce totis viribus collecta, *clamavit voce magna*, non solùm non petens vindictam, sed humiliter & ardenter supplicans pro homicidis, imò excusans illorum facinus impijssimum; *Ne statuas illis hoc peccatum.* Didicerat enim: Christianæ professioni & charitati satis non esse, dissimulare injurias, nec reddere malum pro malo, sed ultro & liberaliter benefacere inimicis. Nec solùm prohibemur odisse inimicos, sed jubemur diligere illos. Matt. 5. 44. Incitant nos ad id, tum præstantia talis actus, commendati diferto mandato, & illustri exemplo Domini, tum ipsa Natalis Dominici Solemnitas.

Præstantiam beneficæ Dilectionis inimicorum commendant nobis luculenter & difficultas interveniens in ejus exercitio, & magnitudo præmij propositi. Quam difficile sit ebullientem comprimere bilem, & in vindictâ non provolare: magis experientiâ scitur, quam verbis doceri possit. Unde Spiritui S. tam pretiosa visa est hujusmodi patientia: ut Proverb. 16. testatus sit: *Melior est pateriens viro fortis: & qui dominatur animo suo expugnatorem urbium.* Ipse DEUS luculentius prodit potentiam suam, patienter ferendo peccatores, quam mundum ex nihilo condendo, & tribus veluti digitis sustinendo: prout notavit Apostolus Rom: 9. *Volens DEUS, inquit, ostendere, & notam facere potentiam suam (quasi alias ignota adhuc, aut vix nota fuisset) sustinuit in multa patientia vasa iræ.* Consentit Ecclesia orans: *DEUS, qui omnipotentiam suam parcendo maximè & miserando manifestas &c.* Quò major enim vel copiosior est injuria, seu offensæ eò difficilior redditur ejus condonatio, & tolerantia. Quodsi autem tantæ fortitudinis est, non odisse inimicos, & patienter ferre injurias: quantæ erit, inimicos diligere, atq; bonum pro malo ipsis reddere? S. Gregorius Nyssen. lib. de Orat. Domini: suspicit, & celebrat hujusmodi actum, ut ipsum extremum punctum virtutis. Non vocat apicem virtutis, sed apicis punctum supremum. Unde & Scriptura Divina extollit S. Stephanum, non solùm ut

Martyrem fortissimum, sed *plenum formidine*, & Spiritu S. atq; Angelis beatis quam hominibus familiorem.

Tam heroica virtuti, imò heroicarum virtutum coronæ, condignum proposuit Salvator noster præmium. Cùm enim Matt. 5. monuisset: *Diligite inimicos vestros; benefacite his, qui oderunt vos; & orate pro persequentibus & calumniantibus vos*; subjunxit illico: *Ut sitis Filij Patris vestri, qui in cælis est.* Quæ verba expendens S. Augustinus in serm. de Sanctis; Grandis, inquit, labor est, diligere inimicos, pro persecutoribus supplicare? Nec nos negamus, Fratres. Nam parvus quidem labor est in hoc sæculo, sed grande erit præmium in futuro. Per amorem enim hominis inimici efficietis amicus DEI: imò non solum amicus, sed etiam Filius. Si aliquem homo dives in hoc sæculo vellet adoptivum filium facere, quomodo serviret? Et servorum, ejusq; servitia durissima, & aliquoties etiam turpissima sustineret convicia; ut ad caducam & fragilem ejus hæreditatem perveniret. Quod ergo ille sustinet propter substantiam terrenam, tu sustine propter vitam æternam. Convincimur enim certissima ratione: quia propter DEUM possumus quidem, sed nolumus injurias sustinere. Deniq; si nobis aliqua persona potens injuriam facit, si nobis etiam in faciem maledicit; nec respondere aliquid asperum, non dicam vicem reddere audemus. Quare hoc? Ne ab illa persona potente adhuc majora, quam pertulimus, patiamur. Quod à nobis extorquet hominis timor, deberet à nobis exigere Christi amor. Hæc Aug:

Cùm ergo nos incitat stimulatq; ardor vindictæ; cogitemus: quanti meriti sit patienter ferre injurias, condonare offensas, & benefacere inimicis. Quod si igniculus aliquis liberalioris erga DEUM charitatis gliscit in nobis, cogitemus: An DEUS dignus sit, ut ejus amore condonemus injuriam, diligamus inimicum? An Salvator noster Dominus JESUS meritis sit infinita sua erga nos, inimicos suos odibilissimos, charitate: ut hæc ei vicem reddamus. Quàm gratum ei sit hujusmodi munus, testatus est luculenter S. Joanni Gualberto: qui, homo militaris, cùm propter JESUM Crucifixum, eadem unci fratris sui homicidæ condonasset, ac insuper eundem in locum fratris recepisset; ingressus templum, & Crucifixi imaginem veneratus, vidit distinctè, eandem imaginem prono capite erga se inclinari, velut gratias agendo: Quo Christi affectu permotus mundum valere iussit, & in sanctum eximium evasit. Unicus talis actus magis nobis conciliat & divineit Cor divinum, quam plurimæ aliæ mortificationes & orationes: prout Christus ipse S. Elisabeth, filia Regis Hungariæ, aperuit.

Esse

IN FESTO S. JOANNIS EVANG.

99

Esse humilis & Pacificus. & eris secum JESUS monet Kemp: l. 1. c. 8. de Imit:

Deniq; hoc sacerrimo & gratiosissimo tempore, quo, nascente Salvatore planè mellisui facti sunt cœli, & etiamnum non solum fidelium moventur corda, sed etiam infidelibus compunctio venit; ut notavit S. Bern: serm: 3. de Nativ. audiamus magni Leonis non tam leoninam, quàm agninam vo-
cem: Serm. 6. de Nat: *Natalis Domini Natalis Pacis est. Ergo singuli fideles offerant Patri pacificorum Concordiam filiorum.*

IN FESTO S. IOANNIS EVANG.

DEI, JESU, & MARIE affectus erga S. Joannem.

1. **A** Dora D. DEUM O. M. & considera eum; ut eximium castarum mentium Amatorem. Puris enim & virginibus animabus, tanquam sibi, Spiritui purissimo, similioribus, magis se, & secreta sua commu-
nicat: ut videre eâ in S. Joanne Evangelistâ, quem tum alijs eximijs præ-
rogativis ornavit, & honoravit, ut Prophetæ, Apostoli, Evangelistæ; Martyris incruenti, Doctoris, Virginis; tum illo planè singulari munere; quod ei arcanum mentis suæ conceptum; & VERBI, consubstantialis Pa-
tri, inenarrabilem generationem ac partum, uberris; quàm ulli alteri Prophetæ, Apostolo & Evangelistæ communicavit. *Benedico*, glorifico te, Purissime DEUS, in castissimo Joanne tuo. Et quia scio; neminem posse continentem eise; nisi tuo munere: da; quod amas; ut amem, quod caro perhorrescit.

2. **A** Dora D. JESUM, & considera: quàm tenerè amârit & ipse S. Joannem. Argumenta singularis, & supra cæteros discipulos, dilectionis suæ dedit clarissimâ: quando eum adlegit inter triumviros sibi fa-
miliares; quando ei divinum pectus suum concessit in pulvillum; quando eum donavit elogio *Discipuli, quem diligebat JESUS*; & super omnia; quan-
do ei Virginem Matrem suam dedit in Matrem: *Mulier ecce Filium tuum*; adeoq; eum substituit sibi in affectu & corde materno. Grandis amor! Ingens dignitas Joannis! Gratulor tibi tam raros favores Magne Evan-
gelistæ; quorum ut aliquatenus particeps fiam; fac oro: ut mei amores sine fuligine ardeant soli JESU & MARIE.

3. **V**enerare DEIpam V: & considera eam, ut Matrem specialissi-
mo titulo S. Joannis. Est illa quidem omnium, divinæ gratiæ
repperâ insignitorum, Mater: at Joannis singulari quodam modo, & nemini
alteri concessio. Verba enim illa Crucifixi & morientis JESU, quibus Joan-

nem sibi surrogavit in jus materni cordis & affectus: *Ecco Mater tua, Et Ecco Filius tuus*; non fuerunt mere declaratoria; sed operativa & effectiva; ut verba Christi solebant; ideòq; impresserunt cordi Virgineo affectum in Joannem planè maternum; cordi autem Joannis affectum & specialem characterem Filij MARIE. Consequenter speciali quadam relatione, & nulli alteri concessa, factus est Joannes frater JESU; qui alias eo titulo gaudebat ob sanguinis nexum cum MARIA Matre ejus. *O Beatissime Joannes*, quam gaudeo medullitus de hac felicissima sorte tua! Commendam tui Matris divinz: ut si Filius esse non mereor; saltem servi fidelis loco habear; serviam autem Amoribus tuis & meis, DEO J. & M. corde puro & perfecto.

Proposuit, per majus studium Castitatis devinciendi sibi anxius IESUM & Mariam.

LECTIO PRACTICA.

De Amore & studio Castitatis.

Illucium, quo S. Joannes suavissimè sibi conciliavit, & tenerrimè devinxit Cor JESU & MARIE, indicat Ecclesia S. in ejusdem Officio. Resp. 5. *Dirigebat autem, (canit) cum IESUS; quoniam specialis prerogativa Castitatis ampliori dilectione feceras dignum. Quia Virgo electus ab ipso, Virgo in eum permansit. In cruce denique moriturus, huic Matrem suam Virginem Virgini commendavit. Eadem illecebra licebit & nobis capere & occupare corda JESU & MARIE: si hujus gratiosissimæ virtutis integritatis & perfectioni studuerimus diligentius.*

Est autem Castitas propè sumpta, specialis virtus repugnans vitio libidinis seu luxuriæ: diciturq; à Castigatione concupiscentiæ delectationis veneræ; ut habet S. Thomas 2. 2. q. 151. art. 2. Sicut enim pueri qui recta ratione nondum reguntur, proni in illicita, vel maximè indigent castigatione; ita & concupiscentia illa, prout notavit Aristoteles 3. Eth. Quod si studio castigandi seu cœroendi Concupiscentiam delectationis veneræ accedat *Proposuit perpetuo abstinendi ab hujusmodi delectatione, etiam licita; vocatur Virginitas, nomine ducto à virore. Sicut enim illud dicitur virens, & in suo virore persistere: quod non est ex superabundantia caloris adustionem experientia etiam virginitas hoc importat, quod persona cui inest, immunis sit à concupiscentiæ adustione, quæ esse videtur in consummatione maxime delectationis corporalis, qualis est veneræ delectatio. Ita S. Tho: cit: q. 152. a. 1. Et quia Castitati anonomastice attribuitur decus quidam eximius, quo homines casti specialiter gratiosi & amabiles præ cæteris redduntur: ideo Virginitati per consequens attribuitur excellentissima Pulchritudo: inquit idem S. Doctor art. 5. c. appol.*

appellaturq; passim Angelica virtus; homines verò Casti Angeli incarnati. Hinc in divinis literis & SS. Patribus videre est creberrima, & planè magnifica ornatissimq; Castitatis & Castorum elogia.

Apostolus 1. Thess. 4. 3. Castitatem vocat Sanctificationem nostram. Hec est, inquit voluntas DEI Sanctificatio vestra; ut abstineatis vos à fornicatione: ne scias nemo quisque vestrum vas suum possidere in sanctificatione & honore, non in passione desiderij. Mens enim casta longè sanctius consecrat corpora, quàm legales olim purificationes; & velut Tempia quædam dedicat inhabitationi Spiritus Sancti. Unde etiam specialis honor redundat in ipsa corpora: sicut ædes DEO dicatæ ampliùs honorari merentur, & honorantur, quàm regum Imperatorumq; palatia. Vide; monet Cassianus lib. 6. c. 15. quibus eam, Castitatem, laudibus prosequatur: Honorem vasis, id est, corporis nostri & Sanctificationem eam appellans. Igaur è contrario, qui in passione desiderij est in ignominia & immunditia consistit, & alienum à sanctificatione versatur. Ecclesiasticus nullum pretium huic virtuti par invenit inter omnia hujus mundi pretiosissima. omni ponderatio, inquit c. 26. 20. non est digna continentis anime. Nec mirum, nullis thesauris eam æquari, quæ cæleste donum est, & omnes naturæ facultates supergreditur; Scivi quoniam aliter non possem esse continens, nisi DEUS dei: fatetur mortalium sapientissimus Sap. 8. 21. additq;: Et hoc ipsum erat sapientia, paucis concessa, scire; cujus est hoc Donum.

In hoc dono quantus lateat thesaurus, non obscure indicant SS. Patres. O Castitas, Mater dilectionis & Angelice viæ ratio! Exclamat S. Ephræm. O Castitas, quæ mundo es corde, ac dulci gustare, hilariq; aspectu! O Castitas, quæ homines Angelis similes reddit! S. Cyprianus de bono Pudic: Pudicitia, inquit, est honor corporum, ornamentum morum, sanctitas sexuum vinculum pudoris, fons Castitatis, pax domus, concordie caput! Hec nos commendat Domino, convertit Christo, Beata ipsa & beatos efficiens apud quoscunq; habitare dignatur: quam nunquam accusare possunt, nec qui eam non habent: Venerabilis etiam hostibus suis, dum illam multo magis mirantur, qui eam expugnare non possunt. Cassianus lib. 6. Instituti: monasti: ait: Nulla virtute tam propriè carnales homines spiritualibus Angelis imitatione conversationis æquantur: quàm merito & gratia castitatis, per quam adhuc in terra degentes habent secundum Apostolum municipium in cælis. S. Bernardus ep. 42. Quid Castitate speciosius? quæ mundum de immundo conceptum semine, de hoste domesticum Angelum deniq; de homine facit. Differunt quidem inter se Homo pudicus & Angelus: sed felicitate non virtute. sed evis illius Casti-

as felicioꝝ, huius tamen formioꝝ esse cognoscitur. Sola est Castitas: que in hoc mortalitatis & loco & tempore, statum quendam immortalis gloriæ representat: ubi scilicet nec nubent nec nubentur sed omnes erunt sicut Angeli DEI. Matt. 22. 30.

Videant jam, quantum Bonum amiserunt; qui Divinum hoc donum prodederunt, aut spreverunt. Videant qui illud adhuc possident, quantum thesaurum in quam fragili vase portent. Videant, quibus medijs, quibus Patronis illum conservent. Cum animum pulsabit tentatio: iuvabit, non solum divina recolere Oracula, castis æterna gaudia, impuris æterna tormenta promittentia: sed illud etiam veteris Philosophi: *Major sum, & ad maiora natus, quam ut mancipium fiam corporis mei.* Et illud Christianæ Philosophiæ: *Momentaneum quod delectat; æternam quod cruciat.*

IN FESTO SS. INNOCENTII.

De Affectu DEI, J. & M. erga parvulos Bethlehemitas.

1. **A** Dora DEUM O. M., & considera eum; ut liberalissimum coronarum cœlestium Dispensatorem. Ecce millia Bethlehemitarum Innocentium in possessionem regni cœlestis, non tam vocat, quam rapit: pretiosam Martyrum lauream a plurimis fortissimisq; multâ prece & pugna frustra appetitam, offert ijs; qui lac magis, quam sanguinem fuderunt; qui nec vincere sciverunt, nec pugnare voluerunt. Paucos enim cum reperiret adultos, qui ascendere in montem Domini mererentur; turbam lactentium collegit, qui cœlestes repararent ruinas, & apostatarum Angelorum occuparent thronos. Quid non speret a te, liberalissime DEUS, validus multorumq; stipendiorum miles; qui sic coronas & evehis Infantes? Tibi labores, tibi sudores, tibi sanguinem, vitamq; offero omnem, de præmio nihil sollicitus.

2. **A** Dora D. JESUM, & considera: quomodo Infans panniculis vinctus, in præsepi jacens, non solum à cœlis, nova ignea lingua, enarrari voluit gloriam suam; sed etiam lactentium ore, vulnere magis, quam lingua disertorum perfici laudem suam. Quod postea maturior dicturus erat verbo: *Sinite Parvulos ad me venire*; jam tunc prædicabat factum, ostenditq; nullam ætatem cœlo excludi; imò hanc innocentia suffragio magis esse idoneam, quam canos populorum rectores. Hos enim disertè monuit: *Amen dico vobis; nisi conversi fueritis, & efficiamini sicut parvuli; non intrabitis in regnum celorum.* Matt. 18. Non erubescam igitur Parvulorum amator tenerrime, accenseri parvulis; eharesq; tibi impiger studebo adducere

cere ad Te.

3. Venerare DEIPARAM V: & considera eam; ut Rachelem mœstissimam plorantem Filios suos, quia non sunt. Etiam ipsius Filij erant parvuli illi; tum quia ipsa potiore jure, quàm Eva, Mater est omnium viventium, præsertim vitæ gratiæ supernaturalis; tum quia materno complectebatur affectu gentem suam, à DEO electam, ex qua carnem sumeret Filius DEI. Solabatur eam tamen in illo luctu: quòd hi Martyrum flores essent fructus Radicis Jesse (id est Filij sui) nuper in circumcisione proprio ejus sanguine rigata. O Mater de filiorum tuorum salute sollicitissima, fac; ut etiam in me divinus sanguis Filij tui vitam operetur inprimis innocentem inter dignos fructus pœnitentiæ, deinde æternum beatam & gloriosam.

Proposuum de gerenda cura salutis & institutionis bonæ Parvulorum.

LECTIO PRACTICA.

Quàm diligenter Parvuli sunt instituendæ.

In Parvulorum bonam educationem, rectamq; institutionem triplici potissimum ex causa perquam diligenter est incumbendum: scilicet ipsorummet Parvulorum, boni publici, & DEI causa. Primo Parvuli propter se ipsos diligenter educandi & instituendi sunt; ut salventur animæ ipsorum, pretioso Christi sanguine redemptæ. Quò enim ea ætas simplicior est, eo facilius seducitur, & amplectitur vias non bonas à quibus ægerime deinde, aut prorsus non reducitur; juxta illud Proverb. 22. 6. *Adolescens juxta viam suam, etiam cùm senuerit, non recedet ab ea. Si assueverit à teneris terere viam virtutis; etiam cùm senuerit, non recedet ab ea: si autem abierit in vias pravæ vitiorum, etiam cùm senuerit, non recedet ab eis.* Imò facilius sæpiusq; evenit: ut qui puerum egit vel adolescentem ad omnem pietatem & virtutem compositum, Juvenis aut vir pervertatur, & præceptis abeat in omnia scelera: quàm ut à via sua pessima recedat in juventute, virili ætate aut senio, puer nequam. *Difficiliter eradicatur, quod rades anni perbiberunt. Lanarum conchyliis quis in pristinum candorem revocet?* ait S. Hieronymus ep. 7. ad Lætiam. Ratio hujus est varia, Intrinsecæ sunt: tum quòd corrupta hominis natura per se pronior sit ad vitia, quàm virtutem, teste ipso DEO Genes. 8. *Sensus & cognitio humani cordis in malum prona sunt ab adolescentia sua:* tum quòd tenerior ætas mollioribus & sensui blandientibus magis capiatur, quàm ijs quæ recta ratio suadet. Extrinsecæ causæ sunt, mala exempla parentum aliorumq; domesticorum & sociorum; atq; suggestiones & incitamenta diaboli graviora. *Hic enim quatuor de causis*

causis parvulos & adolescentes maximè venatur. 1. Quia gessit DEO hunc ætatis florem, & primitias præripere. 2. Quia sic viam sternit ad sequentis vitæ peccata. 3. Quia facile falli, & difficulter se expedire possunt. 4. Quia dum peccare assuescunt, impotenter peccant. Dignissima igitur est ea ætas, cujus misereamur, & bonæ ejus institutioni operam demus.

Alterà hujus causa est Boni publici ratio. Ex parvulis enim fient adolescentes, jvenes, viri, Ecclesiæ aut reip: gubernandæ admovendi; qui ad morum suorum normam facile component alios; & quod in pueritia bibeant, propinabunt illis. Unde in regnis & civitatibus bene ordinatis variis instituta sunt pro parvulis, adolescentibus & juvenibus honesta exercitia, literaria, civilia, & militaria, quibus distineantur, ne otio tabescant; & maturè formentur in viros, quibus indigent Ecclesiæ & resp. Hinc viri Apostolici, qui in id imprimis intenti sunt: ut pueros & adolescentes doctrina salutari imbuant, probisq; instruant moribus, futuros olim in colenda Christi vinea, vel novalibus excolendis successores suos; aut saltem ædificationi aliorum duros Christianæ vitæ exempla. Quemadmodum in hortis tempestivè feruntur, & sollicitè coluntur plantulæ, quæ annosis arboribus succedant: sic in Ecclesiæ & rep: prospicere maturè oportet; ne desint, qui cum spe opulenta succedant cedentibus operarijs & præsidibus. Unde providè SS. Concilij Trid: Decretis sancitum est ut in omnibus Diocesis erigantur Seminaria pro adolescentibus in spem Apostolicorum laborum educandis; prævitq; illustri exemplo Gregorius XIII Pont: Max; fundatis per orbem universum compluribus hujusmodi seminarijs.

Tertiò DEI causâ ponenda est diligens opera in institutione minoris ætatis: tum ne pereant animæ tantopere ipsi dilectæ; tum ut semper & ubiq; habeat probos sui cultores, qui ipsum adorent in spiritu & veritate; tum quia proprio ad id nos provocat exemplo, singularem erga parvulos contestando affectum & curam. Cum Christo prædicationi intento offerrentur parvuli, ut manus eius imponeret, & oraret: discipuli autem eos arcerent: Sinite, inquit Christus Matt: 19. parvulos, & nolite eos prohibere ad me venire: saltem enim regnum celorum. Aliàs Matt: 18, statuens parvulum in medio discipulorum, admonuit: Qui susceperit unum parvulum solum in nomine meo, suscipit. Qui autem scandalizaverit unum de pusillis istis, qui in me credunt; expedit ei, ut suspendatur mola asinaria in collo ejus, & demergatur in profundum maris. Sapientia quoq; æterna Prov: 9. humillimè invitât

ad se parvulos: *Si quis est parvulus, veniat ad me.* Quod quāvis potius intelligendum sit de morum simplicitate & innocentia, quā de mole corporis: non propterea minus pertinet ad parvulos ætate, in quibus communiter & simplicitas & innocentia major. Hinc Joannes Gerson part. 2. Tract. de Parvulis trahendis ad Christum, latè & solidè idem urget argumentum, & laboris hujus exaggerat meritum ac fructum, se ipsum proponens in exemplum. Ipse enim Parisiensi. Academiæ agendo Cancellariū, licet plurimis gravissimisq; distractus negotijs pueris tamen erudiendis assidue vacabat, teste Corn. à Lap. in cit. loc.

Predictas ob causas quantum studij & laboris in erudienda minore ætate posuerunt tum alij Sancti, tum specialiter SS. Ignatius & Xaverius! Ignatius, etiam Præpositum agens Generalem universæ Societatis, a puerorum institutione non abstinebat: idemq; agendum præscripsit adjecto voto speciali omnibus qui publicam faciunt professionem, & qui munus regendi Collegia aggrediuntur. part. 4. Constit. c. 10. Et p. 3. c. 3. voluitq; Doctrinam Christianam tradi non solum in Ecclesijs, sed scholis, plateis & compitis. Literarios quoq; in scholis labores Socijs imposuit: ut per eam occasionem juventuti opportuniùs instillari posset pietas. Xaverius, Gaspar Barzæus, & innumeri alij Viri Apostolici, quā strenuè quā feliciter desudarunt, & desudant in puerorum institutione! Non caret gravi molestia is labor: sed est quoq; grande operæ pretium. Ergo *Afferat Domino Filijs DEL: afferat Domino filios arietum* Psal. 28.

QUINTA DIE INFRA OCTAVAM

NATIVITATIS DOMINI.

De Liberalitate DEL, J. & M. erga nos in Nativitate Christi.

A DORA DEUM O. M. & considera admirandam ejus liberalitatem, erga genus humanum. Quia in Filio, & cum Filio nato nobis omnia donavit, teste Apostolo Rom: 8. *Qui etiam proprio Filio suo non pepercit, sed pro nobis omnibus tradidit illum: quomodo non etiam cum illo nobis omnia donavit?* Donavit nobis omnia, quæ concernunt vocationem nostram ad fidem & vitam æternam; Omnia requisita ad plenam Redemptionem, omnia pertinentia ad Justificationem, omnia spectantia ad Glorificationem nostram, & Beatitudinem perfectam; omnia deniq; donavit in Filio: quia in ipso & per ipsum sunt omnia. Quid jam retribuemus Domino pro omnibus, quæ retribuit nobis? Si nos totos ei debemus pro Creatione; quid retribuemus pro tam liberali donatione?

2. **A** Dora D- JESUM, & considera: quomodo seipsum totum nobis donavit. Quantus thesaurus CHRISTUS! & tamen totum cuivis possidere licet. Donavit enim nobis corpus suum totum, cum toto sanguine divino ad ultimam usque guttam, pro lavacro animarum nostrarum. Donavit Animam suam cum omnibus potentijs suis, & Theandricis, seu divino-humanis, operationibus earum. Donavit totam vitam suam, in laboribus, ærumnis, periculis, & summis doloribus transigendam. Donavit nobis Divinitatem suam cum infinitis perfectionibus suis, nunc in via sumendam cum corpore suo, postea in patria fruendam per omnem æternitatem beatam. Quid potuit nobis dare JESUS, & non dedit? At nos quam sumus tenaces nostri, & rerum nostrarum? Suscipe tandem me totum Domine.

3. **V**enerare DEI param V. & considera: etiam ipsam totam esse nostram; non ea quidem communicatione, qua se nobis dedit Christus; sed nostra est tota animi propensione in nos, & bonum nostrum ut nos in hac vita faciat probos & Sanctos, in altera æternum plenèq; beatos. Huc omnia ejus colimant studia, favores, providentia materna. Felices nos, qui tantopere cordi sumus DEO, JESU, & MARIE! Perire non possumus: nisi ultrò salutem prodigere malimus. Averte à me eam infaniam Domina.

Proposui, tandem me totum tradendi DEO, J. & M.

LECTIO PRACTICA

Quomodo nos totos debeamus tradere DEO.

Nimis parcus est, qui se adhuc negat DEO, tam liberali in se. Sunt, qui in bello capti se totos æternæ servituti victoris addicunt, libenter, modo vita donentur. Filij mortis, mortis æternæ, ac luctuosissimæ, sumus omnes; DEUS. Pater misericordiarum, nos vitā donavit, temporali & æterna, idq; Filium suum Unigenitum pro nobis tradendo in mortem: ut de manu inimicorum nostrorum liberati, serviamus ipsi: & adhuc audemus nos negare DEO? Sunt, qui vel fame vel alijs ærumnis adacti, aut exiguo alicujus pretij lucello illecti, vendunt libertatem suam, omni auro pretiosiores, emuntq; sibi perpetuam servitutem, mancipando se totos quibusvis dominorum obsequijs, nullam pro ipsis reportaturi mercedem, copiosas gravesq; accepturi plagas, si per desidiam subinde se subtraxerint. Infinita & summa sunt, quæ nobis contulit DEUS, nec minora aut pauciora promissit in futurum: ut ipsi ultrò nos tradamus ei, non ut mancipia, sed ut amici & filij tractandi: & tamen perpauci repa-

siuntur, qui tam felicem apprehendunt sortem. Plerisq; idq; ijs, qui faciliore sunt mente, satis est: si ita serviant Domino, ut non mereantur æterna supplicia. Quasi verò is esset fidelis servus, qui solum curat, ne surcam mereatur, aut carceres perpetuos: de reliquo servit Domino, ut placet, & quantum sine incommodo suo potest.

Alij existimant: viventes extra claustra religiosa non teneri se totos impendere DEO & divinis. Id enim esse impossibile viventibus in mundo inter infinitam negotiorum & incommoditatum turbam. At numquid minus pertinent ad DEUM? aut minore redempti sunt pretio? aut minoribus impensis, & non potius maioribus, aluntur à Domino, quam Religiosi? *Vir vanum in superbiū erigitur, & quasi pullum onagri, se liberum natum putat.* Job. 11. Ita magna ex parte se absolvunt à debito serviendi DEO Creatori & Domino suo se totis, & omnibus viribus suis: afferunt se in libertatem, & instar onagrorum excutunt jugum. Onagri, sylvestres sunt asini: num per hoc, quòd in sylvis nati sint, & vivant, subjecti non sunt homini, aut ad quævis onera portanda cogi non possunt? Sint licet onagri, seu sylvestres asini: Asini tamen sunt, & servituti nati. Sic homo sive in mundo, sive extra mundum vivat: hac conditione natus est, & vivit; ut serviat DEO, & totum se permittat, atq; impendat DEO. Differentia in hoc puncto inter cives mundi & Ordinum religiosorum solum esse potest penes diversitatem obsequiorum DEO O. M. præstandorum; quòd specialia quædam requirantur ab istis vi votorum & certæ Regulæ. Cæterum sicut isti, ita illi tenentur in suo genere & statu, se totos impendere obsequio divino, ipsa secularia negotia ita tractando; ut non solum non offendarur, sed magis honoretur DEUS, & voluntati ejus sese accommodent. Quemadmodum in Principum & Magnatum aulis variæ conditionis reperiuntur famuli, diversis Dominorum intenti obsequijs: hi in intimo conclavi præstò sunt ad liberaliora munia; alij præ foribus, excubant, alij culinam alij stabula curant: omnes tamen se totos impendere debent honori & commodis Domini. Quisquis ergo es, *Totum quod es, illi debes, à quo totum habes:* monet Bern: de quadrup: debito. Et S. Laurentius Justinianus lib. de Obed: c. 5. *Clamas, inquit, innata ratio: ut quisque se illi subiciat, à quo habet, nisi.* Cum igitur totum esse suum quisq; habeat à DEO, totum se ipsius obsequijs subiciat, oportet, in quocunq; statu versetur.

Nonnulli persuadent sibi: se debito suo plenè satisfecisse; quod omnia sua & se ipsos perpetuo cultui divino consecraverint in statu religioso. Cer-

tum est: Ingressum in Religionem esse plenam quandam traditionem Domino DEO suo, si fiat cum debita resignatione. Tradit enim Religiosus DEO omnia exteriora bona sua, relinquendo ea propter ipsum, per votum Paupertatis. Tradit corpus suum per votum perpetuæ Castitatis, ut habeat maiorem libertatem & facultatem serviendi Domino soli. Tradit Animam suam; per Votum Obedientiæ subijciendo regnatricem facultatem, Voluntatem, homini, sæpe se inferiori, propter DEUM. Tradit Vitam totam, perpetuò eam obligando cultui divino, mortificationi, studijs, vigilijs, laboribus &c. Superiorum nutu & regulæ præscripto imponendis. Deniq; ita procedit cum DEO: ac si apertè illi diceret cum Isaia c. 26 (juxta Septuag.) *Posside me.* Non amplius ero juris mei. Totus ero tuus: qui me totum infinitis titulis debeo tibi.

Porro quàmvis hoc omnino ita sit: advertere tamen debet Religiosus, quòd, ut plena sit & perfecta traditio sui & rerum suarum DEO, non solum se & sua tradere debeat quo ad substantiam; sed etiam quo ad Usum liberum, ita: ut neq; ulla potentiâ sua uti velit ad privatam gloriam suam, vel curiositatem; neq; ulla re ad meram commoditatem suam, etiam cum facultate superiorum: sed omnibus utatur ad Gloriam maiorem DEI, ad bonum proximi, & solam necessitatem suam. Aliàs non erit plena & perfecta traditio sui totius & rerum suarum: vel certe interveniet retractatio quædam, aut iniqua usurpationis rei alienæ. Consequenter non poteris pleno ore, & perfecto corde dicere cum Isaia c. 44. *Domini ego sum.* DEO soli vivo.

Quidam se resignant, inquit Kemp: lib. 3. de Init: c. 37. sed cum aliquis exceptione. Non enim plenè DEO confidunt; ideo sibi providere satagunt. Quidam etiam primò totum offerunt sed postea, tentatione passim ad priora redeunt; ideo minime in virtute proficiunt. Da totum pro Toto: nil exquire, nil repetere. Ita pure & inhesitante in me: ait Christus ibidem.

SEXTA DIE INFRA OCTAVAM NATIVITATIS DOMINI.

*De Pace & Dilectione acquisita à DEO, JESU & MARIA
per Nativitatem Christi.*

A DORA DEUM O. M. & considera: quomodo, Christo nato factus est nobis DEUS pacis & dilectionis 2. Cor: 13. De quo alias dictum: *Domini in Zelotèr nomen ejus.* Exodi 34. Jam DEUS est pacis: siquidem quasi sator & pectus tricarum bellorumq; cum hominibus, Pa-

eam per Angelos promulgari solemniter curavit. In terra pax hominibus. Luc. 2. DEUS est dilectionis: quia charitatem nobis exhibuit, quam nec sperare, nec cogitatione assequi potuimus. Non solum enim sua, ut semper; sed se dedit nobis; quando Filium dedit. O diffundatur, mi DEUS, hæc tanta charitas tua in corde meo, ut plene liquefeat amore tui! Fac me Filium pacis & dilectionis.

2. **A** Dora D. JESUM, & considera eum Parvulum, ut summum generis humani Delicium. Est per se Infantilis ætas, gratiosa & amabilis: at DEUS Infans est delicatissimi amoris & argumentum, & incentivum maximum. Vides, o Anima mea hunc Infantem? Dominus tuus est, DEUS tuus est, DEUS pacis & dilectionis. Quid elegantius natura formare potuit? quid gratiosius parere Gratia? Ergo illi totis viribus adhære, omni officiorum genere, & tenerrimis affectibus blandire illi, ac inter blandimenta tuas propone necessitates. Intelligit omnia Sapientissimus Parvulus; facile annuet votis gratiosissimus Puer. Unicum peto, dulcissime JESU: Da, ut toto corde constanter amem te.

3. **V**enerare DEIPARAM V: & considera: eam, ut Matrem pulchre dilectionis. Plurimas reperies Matres vane dilectionis; non paucas Matres turpis & sordide dilectionis; quæ non nisi cæcos pariunt Cupidines. At hæc est Mater pulchræ, imò pulcherrimæ dilectionis. quia Filius ejus est amor purissimus, Amor oculatissimus, Amor divinus, seu Amans DEUS. EA & Mater pulchræ dilectionis generandæ in nobis: quia Mater Timoris. Eccli. 24. scilicet Timoris Divini. Non est stabilis & secunda in nobis pulchra dilectio; nisi socium habeat DEI timorem. O Mater dulcissima, da utrumq;.

Proposui de puriore & solidiore Amore DEI, J. & M.

LECTIO PRACTICA

Quid faciendum in Pace & Dilectione per Christum natum parvum fruamur.

Vt sol, quâvis per universam terræ faciem spargat radios suos, non tamen omnes ejus partes afficit æqualiter, nec idem operatur in omnibus; sed secundum diversas ejus affectiones diversos, & alicubi terre nullos præstat effectus: sic DEUS pacis & dilectionis, JESUS delicium generis humani, MARIA Mater pulchræ dilectionis, non omnia hominum corda afficiunt æqualiter; sed juxta varias eorum dispositiones. Dilectio DEI, J. & M. erga genus humanum exarsit solito vehementius in Christi Nativitate; nec est, qui se abscondat à calore ejus: Pax orbi universo non solum oblata, sed per Angelicos choros inter ignes festivos, promul-

gata solemniter est; & tamen pauci incaluerunt & incalescunt divino illo igne; pauci fruuntur & gaudent opulentiâ & pulchritudine pacis illius. Quid ita? Quia plerorumq; corda occupat, inficit, & inquietat inordinatus Amor erga creaturas quasdam.

Quantum Amor iste adversetur dilectioni divinæ erga nos, & Paci nostræ interiori: manifestum est ex ratione & experientia. DEUS enim non diligit hominem, (amore scilicet benevolentiz, seu amicitiz) nisi qualem ipse fecit, id est, *Rectum*. Hoc solummodo inveni: quod fecerit DEUS hominem rectum: inquit Ecclesiastes c. 7. In hunc effundit thesauros Bonitatis & Charitatis suæ tam copiose: ut miretur Psalmographus: *Quam bonus Israel DEUS, his qui recto sunt corde!* Psal. 72. Et Psal. 96. *Lux oris est iusto: & rectis corde lætitia.* At recti corde non sunt, qui inordinate amant, qui DEUM quasi in extremum cordis angulum, seu finem, retrudunt, superiorem autem & capaciorē cordis partem concedunt creaturis. Hoc faciunt: qui, postquam DEO cor suum & se totos non semel insigni resolutione obtulerunt; postea cum varijs personis multas nimiasq; contrahunt familiaritates, aut unam aliquam, amore licet non obsceno, depereunt: unde contingit multas diei, imò quasdam noctis, horas ejus conversationi, confabulationi, blandimentis, impendi. Ipso quoq; orationi divinæq; cultui dedicato tempore, plus illis negotij est cum hujusmodi personis, quam cum DEO. Idem agunt, qui postquam DEO integrā opulentiaq; patrimonia consecraverunt; minutijs quibusdam tam tenaciter adherent, ut illis carere non possint: quidquid DEUS queratur, hujusmodi quisquilijs infici & oppleri cor sibi dicatum. Quid mirum igitur, quod in tales non effundat divitias Bonitatis suæ, & delicias Dilectionis suæ: quod in oratione sint aridi, in amore frigidi; quod non detur illis gustare, quam suavis sit Dominus; quod parum ament, nec multum amentur?

Nec plus de interiore Pace sua, quam de suavitate Dilectionis divinæ participant. Pax enim, quam, nascente Domino, Angeli promulgarunt, solis offertur hominibus *bonæ voluntatis* Bona autem voluntas non est, quæ Divinæ voluntati conformis non est. Qui in gratia quidem divina vivunt, sed implicati inordinatis quarundam creaturarum amoribus, homines dici possunt *Voluntatis non malæ*; at non simpliciter *Bonæ*. Quomodo enim Bona sit, quæ Regulæ suæ non congruit? DEUS non solum vult creaturas non amari supra se, seu magis, quam se; sed etiam vult illas non aliter amari, quam propter se, & quantum conducunt ad amorem, obsequium, & honorem suum. Vult illas non amari cum detrimento cultus & amoris sui.

fui. Qui igitur aliter amat: quid mirum si identidem stimulum sentit in conscientia; si loco pacis & gaudij, tædio, fastidio, & mœrore turbatur? Expertum id esse celebrem quendam Doctorem Cremonensem, Rolandum nomine, tradunt Annales S. Dominici. Hic postquam diem cum amicis in omni lætitiarum genere consumpsisset, noctu domum reversus, tanto cœpit agitari & premi animi dolore & fastidio, quanto per diem gaudio disfluxerat. Diu luctatus cum affectuum turba, ubi aliquid sereni affulset; Ubi nunc (secum tacitus agebat) ubi nunc ex voluptates, quibus per diem liberaliter indulsi? ubi epulæ, ubi joci, ubi choreæ, ubi tam cara amicorum societas? Quò ista abiēre, nec aliud mihi reliquerunt, nisi nauseam de usu, dolorem de transitu, & conscientia vulnus de tempore malè collocato? Hæc reflexio cum altius in animum descendisset, non alijs opus fuit argumentis, quibus Rolando meliora suaderentur. Siæ mora statuit cor à vanis creaturarum solatijs abstrahere, & integrum DEO consignare: quod illico fecit, Ordinem D. Dominici ingressus.

Opportune Kempensis lib. 3. de Imit: c. 27. inducit Christum fidelem animam monentem: Noli concupiscere, quod non licet habere: noli habere, quod te potest impedire, & libertate interiore privare. Mirum: quòd non ex toto fundo cordis te ipsum mihi committis cum omnibus, quæ desiderare potes, vel habere. Quare vano mœrore consumeris? Cur superfluis curis fatigaris? Sta ad beneplacitum meum, & nullum patieris detrimentum. Si quæris hoc vel illud, & volueris esse ibi vel ibi, propter tuum commodum, & proprium beneplacitum magis habendum: nunquam eris in quietudine, nec liber à sollicitudine: quia in omni re reperitur aliquid defectus, & in omni loco erit, qui adversetur. *Quid ergo per multa vagaris homuncio, querendu bona animæ tuæ & corporis tui? concludit S. Aug: de Spirit: & anima. c. 34. Ama unum bonum, in quo sunt omnia bona, & sufficit.*

SEPTIMA DIE INFRA OCTAVAM NATIVITATIS DOMINI.

De rationibus Anni transacti, quas à nobis requirit DEUS, J. & M.

I. A Dora DEUM O. M. & considera eum, ut illum *Antiquum diem* Daniel. x. coram quo ubi iudicium sedet; assistentibus millenis millibus Angelorum, & libri aperti sunt; lata est sententia contra quasdam bestias; id est homines, non humanam agentes vitam; & ablata est eis potestas, & tempora vite constituta, usque ad tempus & tempus. Cogita; etiã
tuo

INTRA OCTAVAM NATIVITATIS DOMINI

ita tua omnia per hunc, qui elabitur, annum, gesta, dicta, & cogitata divinis libris inscripta esse; nec defuturum severum iudicium. Vide: ne ut bestia iudicaris & residua vite tempora tibi, ut indigno abbrevientur. O iustissime, simulq; misericors DEUS, doleo; promitto meliora; parce!

2. **A** Dora D. JESUM; & considera eum, ut divitem illum hominem Luc. 16. evocantem villicum suum ad reddendam rationem villi-
cationis suae; prout annuatim facere solent Domini. Nonne & tu dissipasti bona Domini tui? Villicus es; non Dominus bonorum tibi commissorum. Quos fructus annuos representare potes Domino ex anima tua; ex corpore, & bonis fortunae? Erubescere deprecare & consule tibi; ne opinione citius priveris villicatione.

3. **V**enerare DEIPARAM V: & considera eam ut Magnam Matrem-familias in amplissima domo Christi, id est: Ecclesia: in qua non solum; ut illa Mulier fortis Proverb. 31. distribuit praedam domesticis suis & cibaria ancillis suis; sed etiam accurate considerat seminas domus suae; in quibus vijs ambulant domestici? quid inferunt vel efferunt &c? Erubescere, o Domina. Servus vixi non solum inutilis, sed nequam! Parce.

Proposui de satisfactione aliqua praestanda pro offensis & negligentijs elabentis anni.

LECTIO PRACTICA.

Quid agendum in fine Anni?

Primum, quod agamus, suggerit, & ad agendum exemplo suo nos provocat sanctissimus Rex Ezechias. *Recogitabo tibi, inquit, Omnes annos meos in amaritudine animae meae.* Isa. 38. Huic recogitationi quamvis quodlibet tempus sit idoneum: tamen hoc, scilicet Finis anni currentis, est opportunissimum. Quibus praeter ceteris curae est status interioris hominis, pax cum DEO, & profectus in virtute: singulis annis seligunt sibi octo, decem, aut minimum tres dies, quibus vacent interiori Recollectioni, & dispiciant; quo in statu sint res Animae suae? an eo anno profecerint, vel defecerint in virtutibus & vitijs? quanta apud DEUM contraxerint debita? quibus modis & medijs mature expungi possint? An res suas & rationes ita habeant compositas; ut evocati ad reddendam rationem, sine trepidatione & tergiversatione comparere possint? Utilissimam hanc recollectionem, seu recogitationem instituunt *in amaritudine animae suae*: ut, cum admodum exigiam praestare possimus pro offensis & debitis satisfactionem, saltem cor contritum & humilitatum non despiciat misericors DEUS. Quod si alio tempore huiusmodi Recollectionem non constitimus, saltem

Saltem hunc ei diem dare non gravemur: imò etsi antè id egimus, agamus iterum; nihil enim nobis utilius, quàm sapientius de placando DEO, & delendis offensis, cogitare? *Prope futūre iudicium vestrum, dicit Dominus: Isa. 13.* Non differre de anno in annum.

Secundum est: Assumere mortificationes aliquas seu carnis macerationes ad satisfaciendum aliquatenus pro peccatis, & negligentijs in exercitijs pietatis, specialiter per elabentem annum. In quem finem etiam Eleemosyna, Abstinencia aliqua, potissimum autem oblatio plurium, ubi copia est, Sacrificiorum Missæ, adhiberi possunt. *Pœnitentia crimine non minor sit;* inquit S. Cyprianus serm. 5. de lapsis. *Qui culpam exaggeravit, exaggeret etiam pœnitentiam:* monet S. Ambrosius lib. 1. de pœnit.

Tertium est: Inspicere Regestrum suum, seu Indiculum Exercitiorum Pietatis aliarumq; virtutum, & piorum propositorum (qualem habere solent, qui accuratiores sunt in negotio pietatis & spiritualis profectus) quæ varijs anni temporibus concepisti: ut videas, an & qualis fuerit executio? Solent simile quid annuatim facere mercatores lucris suis intenti; atq; conferre damna cum lucris.

Quartum suppeditat Amasis, rex Egypti, qui, edicto sanxit: ut omnes ejus subditi primo Anni novi die coram Iudice comparerent, & de exacto anno rationem redderent. Deprehensi, tempus non bene collocasse, gravibus plagis vel exilio multabantur. Antequam crastina die coram Iudice, Caristi vicario, in tribunali pœnitentiæ compareas; hodie inspicere & combina diligenter rationes conscientie tuæ, ut eam rite expies annua Generali Confessione, si eam paulo antè non absolvisti aut paulo post non es absoluturus. Benignior est Amasi DEUS noster: apud quem non manet iudicio condemnandum, quod fuerit humili confessione purgatum. Est autem Generalis hujusmodi confessio plurimis in usu; tum ad majorem confusionem suam coram DEO, adeoq; ad majorem obtinendam gratiam, tum ad magis quietam & securiorem reddendam conscientiam; tum ad imminuendam temporalem pœnam, quæ etiam condonatis noxis manet; tum deniq; ut plene cognitum sibi habeant conscientie suæ statum, & in repentino mortis periculo facile possint supremam instituere confessionem.

Quintum nonnulli, secuti exemplum S. Caroli Borromæi & aliorum, conduunt hodie pium quoddam Testamentum, vel antea conditum recolunt & ratificant. Existimant enim, etiam ad se pertinere illud decretum divini Isa. 38. *Dispone domui tue: quia morieris tu, & non vives.* De morte igitur cum certi sint, & de imminente novo Anno incerti, prosper, an fata-

lis sibi futurus sit? prudenter præoccupant, ac maturè de rebus suis, & se ipsis disponunt, in favorem DEI, JESU & MARIE, cum insigni luero suo. Formulæ talis Testamenti videri possunt in vita S. Caroli Bor: in Theologia Tripartita Patris Arsdekin, in fine: ubi tradit Praxim assistendi moribundis: in Anno S. Patris Barry 30: Decemb. In Exercitijs spiritus: P. Danielis Pawłowski Die 4. & alibi. Inchoari potest hac vel simili formâ: In nomine DEI Omnipotentis. Amen. Ego NN. certus de morte oppetenda, incertus de hora ejus, sanus mente, deliberata voluntate, statui: maturè disponere de rebus & bonis meis ad majorem DEI O. M. gloriam, CHRISTI JESU Salvatoris mei & SS. Matris ejus, Divorumq; Cœlitum, ac specialiter S. Angeli mei Custodis, honorem atque salutem meam æternam, &c. &c. Hoc Testamentum inter alia id commodi adferre potest: quòd in extremo agone per ratificationem ejus, unico actu multos insignes actus in dicto Testamento comprehensos, elicere possimus. v. g. dicendo: Ratum gratumq; habeo, DEUS O. M. quod olim ad tuam gloriam, ex tua gratia, scripsi, Testamentum. Suscipe & peccatoris maximi miserere.

Sexiò utilissimè fiet, quod DEIPara V. suavit S. Mechtildi, pro quadam persona oranti, ut habet P. Barry in Anno S. 26 Decemb. Suavit inquam, ut persona illa devòte pronuntiaret Psalmum *Laudate Dominum omnes gentes*: deinde acceptam in manus Infantis JESU effigiem attolleret in cœlum, offerendo Patri æterno Unigenitum suum cum omnibus meritis Infantie ejus, in remissionem peccatorum suorum, & compensationem omisorum bonorum præsertim in juventute. Tali munere, & corde contrito, non poterit non placari Pater æternus, & propitium se nobis exhibere: quin & gratiam largietur; ut cum anno vetere veterem hominem exuamus, & cum novo in novum transeamus. Nam, ut ait Kemp: lib. 2. c. 4. de Imit: *Sicut ferrum missum in ignem amittit rubiginem, & totum candens efficitur; sic homo integrè ad DEUM se convertens, à torpore exuitur, & in novum hominem transmutatur.*

Deniq; humiles & ferventes agendæ DEO gratiæ pro concessis immensis, imò mortem sæpius meritis, Anno præsentis, & beneficijs intra eundem innumeris maximisq;. Dum ad somnum nos componimus, recitetur, vel si commodum est, canatur Eucharisticus Hymnus: *Te DEUM laudamus* &c.

IN FESTO CIRCUMCISIONIS DOMINI

I. JANUARI.

De

IN FESTO CIRCUMCISIONIS DOMINI

III

De DEO Conditor Temporum, Christo Auspice Novi Anni, B. V.

Protectrice vite nostræ.

1. **A** Dora DEUM O. M. & considera eum, ut Temporum omnium Conditor & Dispensator unicum: qui Genesi 1. dixit: *Fiant Luminaria in firmamento cali; & dividam diem & noctem; & sint in signa & tempora; & dies & annos Et factum est ita.* Voluit nimirum; ut vitæ & actionum nostrarum, laboris & quietis certas haberemus mensuras motu cælestium corporum designatas. Cæterum hæc mensura communis est vitæ hominum & brutorum. Propria vitæ humanæ mensura sunt actiones virtuosæ; quarum quò plures & excellentiores quis exercuit, eò diutius vixit, licet modico tempore vixit: *Consummatus in brevi: explevit tempora multa* Sap. 4. O DEUS? quàm parùm vixi! quot annos dilapidavi; qui nil boni egi!.

2. **A** Dora D- JESUM, & considera eum, ut felicissimum novi anni Auspiciem. Dies annorum nostrarum pauci sunt & mali: & non pauci ex his fatales. Non fortuito autem factum est; ut ipso novi anni initio primitias divini sanguinis funderet: & salutifero JESU Nomine insigniretur natus nobis Salvator. Ut nimirum disceremus: nec salutem haberi sine JESU; nec ullum anni diem fore malum favente JESU. Te igitur auspice, Gratiosissimè JESU, novum hunc ingredior annum: eumq; pleno jure dico, consecro, devoto honori & amoris tuo. Tibi vivā! Esto mihi JESUS.

3. **V**enerare DEI param V. & considera: in manu ejus magna ex parte positum esse stamen vitæ nostræ. Quoties divina Justitia præscindere nobis voluit filium vitæ? *Anni impiorum breviabuntur.* Provi: 10. Inhibet ipsa deprecando. Inducias petit, & obtinet. Ad te igitur protectrix vitæ nostræ Clementissima, supplex confugio: etiā hoc anno fave: & fove.

Propositum de ceruo vicio extirpando. & ceria virtute per hunc Annum comparanda, amore & ope DEI, J. & M.

LECTIO PRACTICA.

Quomodo novum Annum religiosè & feliciter auspicandus?

Vt in alijs dimidium facti, qui bene cœpit, habet: ita non parum conferet momenti ad novum hunc Annum feliciter transigendum, si rite fuerit inchoatus. Proponam igitur industrias quasdam, ac veluti ritus a pijs observatos in exordio recentis Anni: ut cui privata non sufficeret pietas, hinc feligere possit, quæ addat.

1. Juvabit apprimè; ut expergefacti e somno, illico mentem convertamus.

mus ad DEUM O. M. & immortales eidem agamus gratias pro singulari munere novi Anni, quem complures hominum milliones non attigerunt, mortui in peccatis suis; ardenti suspirio dicendo: *Benedicta sis S. Trinitas, & individua Unitas: quia fecit nobiscum misericordiam suam! Benedic anima mea Domino: & noli oblivisci omnes retributiones ejus; qui redimit de interitu vitam tuam; qui coronat te in misericordia & miserationibus; qui replet in bonis desideria tua.* Renoveur ut aquila juvenis tui: & cum Anno novo novum concipe se vorem in amore & obsequio ejus. Ubi primum licuerit, properandum erit ad ædem sacram, & cum quodam jubilo cordis coram JESU Eucharistico recitandus Eucharisticus SS. Ambrosij & Augustini Hymnus. Deinde cum oblatione nostri, & rerum actionumq; omnium nostrarum, supplicandum divinæ Bonitati, ut hic Annus cum maxima ejus gloria nobis decurrat, adhibendo hanc vel similem formulam.

Eterne temporum omnium Conditor & Dispensator DEUS, qui de thesauris æternitatis tuæ novum hunc Annum eduxisti, atq; ad eum, me inutile terræ pondus, pertingere gratiosè voluisti immortales tibi sint laudes & gratiæ tum pro elapsis annis, tum pro novo hoc ætatis meæ incremento; quo amplior mihi facta est copia à Te, vivendi propter Te. Gaudeo animitus felicissima sorte meæ: sed tunc demum gaudium meum plenum erit, si singula ætatis meæ momenta tuæ fuerint gloriæ incrementa. Vivere enim meum nihil est, imò mors est, si non vivam Tibi primæ vitæ meæ Parenti, primæ & summæ Majestati, primo & summo Bono, primo omnium Principio & Fini Ultimo. Ad Te igitur hoc ipso momento, toto cordis & animæ affectu, in unione mentorum Filij tui dilectissimi, dirigo omnes totius anni, vitæ meæ, menses, dies, horas, momenta. Ad Te converto omnia desideria mea, omnes amores, omnes motus, omnem substantiam meam: ut in Te subsistam, qui es tuum, & omnium Esse; in Te vivam, qui es fons omnis vitæ; in Te, & ad Te movear, qui es omnium centrum, & quies sempiterna. Tibi me, & Omnia mea, DEUS meus & Omnia!

2. Licebit cum B. Henrico Susone Ord. Præd: ab Infante JESU Strenam petere, & eidem vicissim munusculum aliquod in Strenam offerre. Solebat pius ille Vir novum Annum hoc ritu auspiciari. Ante solis ortum adibat Imaginem quandam Virginis DEIPARÆ, coram qua flexis genibus, tacitâ, sed dulci cordis modulatione decantabat pium aliquod carmen in ejus laudem, orans: ut sibi à Filio Strenam in felix novi Anni auspiciis impetraret. Tum conversus ad Filios in ulnis matris V.

refi.

IN FESTO CIRCUMCISIONIS DOMINI

residentem, quem *Sapientia eterna* nomine colere consuevit, petebat id ipsum exquisitis blandissimisque; verbis, suspirijs, cantionibus, alijsque; quibus poterat, industrijs. *Præsta* id mihi, inquebat, obsecro, Benignissima Sapientia, per divinam liberalitatem, per ingenitam bonitatem tuam: neque; me sinas hac ineuntis Anni prima die vacuum a Te recedere. Neque; enim id te decebit, suavissima dulcedo. Memineris, oro: quendam fidelem servum tuum de te testari; non inveniri apud te *Etiā & Non*: sed tantum *Etiā* atque; *Etiā*. Age igitur cordis mei Dulcedo: liceat animæ meæ hac die, xenij seu strenæ loco, singularem quandam recipere gratiam; aut quidpiam novi luminis de gratissimis manibus tuis, o Suavissima Sapientia! Testatur Surius in ejus Vita 25. Jan: Nunquam Hemicum spe sua frustratum abscessisse.

3. Ut hujusmodi Infantis JESU sollicitatio sit efficacior: juvabit, offerre ipsimet in strenam unum alterumque; firmum Propositum eo anno, ipsius & V. Matris ejus amore, exequendum. v. g. Certum aliquod vitium, in quod crebrius incidimus, singulari curâ extirpandi, & oppositam illi virtutem procurandi. Non poterit Divinissimo Infanti non esse gratissimum tale munusculum: nec alia fere ab ipso petenda erit arena, quam efficax Gratia ad exequendum hujusmodi propositum. Vix enim aliud quidpiam nobis utilius, aut necessarium magis, occurret: Citò perfecti essemus, inquit Kemp: si quolibet anno vitium unum plenè extirparemus.

4. Notabili commodo suo deligunt sibi hodie non pauci aliquem e Divis Cælitibus Patronum, cui se, & negotia sua anni totius devotè committunt, in rebus dubijs & periculosis ad eum fiducialiter accessuri. Viguit, & fortè natum est, hoc pietatis exercitium in aula Ducum Gandiæ, Majorum S. Francisci Borgiæ S. J. qui illud extendit tum ad plures Sanctos, in singulos menses pro Tutelaribus sorte diligendos, tum ad universâ Societate nostrâ, & Sodalitates MARIANAS ab ipsa administrari solitas.

5. Denique; attendendum ad id, de quo monet Kempensis lib. 1. de Imit. c. 25. *Memento semper Finis; & quia perditum non redit Tempus.* In exordio seu limine Anni novi constitisti: memento finis Anni, finis mundi, finis tui. Finis bonus coronat opus, annum, vitam. Quid si Annus hic tibi, & mihi, sit Ultimus? Memento: *quia perditum non redit tempus.* Non redit; ut iterum in illo vivamus: redibit, ut de illo judicemur.

II IANVARII.

Quomodo se habent DEUS, J. & M. ad hunc annum feliciter à nobis agendum.

1. **A** Dora DEUM O. M. & considera eum, in manibus suis versantem sortes vite nostræ: Psal. 30. & quasi aleæ jactu, at non cæco, seu fortuito, distribueantem huic opes; illi paupertatem; huic honores, illi infamiam; huic morbos; illi sanitatem; huic vitam, illi mortem. Nos decet paratos esse ad quamlibet sortem: Vide; quæ tibi præ cæteris gravior accideret, & ad illam maturè obfirma animum. Paratum cor meum DEUS; paratum cor meum! Adjuva fragilitatem meam.

2. **A** Dora D. JESUM; & considera eum, Patri æterno offerentem divinum sanguinem suum in circumcisione fusu: ut ejus intuitu, si non expedit à nobis hoc illudvè averti malum, detur nobis gratia, luctum ex eo reportandi per patientiam. Plerumq; utilius nobis est, exacerari malis, quam continuis frui bonis. O gratiosissime Salvator non mea sed tua fiat voluntas de me, in me, & circa me. Tu melius nôsti; quid expedit mihi, & plus mihi vis boni; quam ipse ego,

3. **V**enerare DEIparam V: & considera eam ut Fortunam nostram; non cæcam, aut volubili globo insistentem, ut illam gentiliū; sed oculatissimam in commoda nostra, & constantissimo affectu nobis additam. Ipsa fortunare potest dies & actus nostros: ipsi licet mitigare rigorem Justitiæ divinæ, quem peccatis quotidianis meremur. Hunc igitur annum fortuna mihi, o Gratiissima. Quid quid sortitus fuero boni, Tibi deferam.

Proposuit. De permittenda DEO, J. & M. libera de nobis & rebus nostris dispositione.

LECTIO PRACTICA

Quid agendum: ut novus hic Annus felix nobis fiat?

De constellationibus, tempestatibus, eclipsibus, neomeniis &c. Annorum, suas condunt & venditant ephemerides Mathematici: at quis divinabit; qualis cuiq; in particulari fuerit hic Annus? ater an candidus? felix an funestus? ultimus, an penultimus? cælo vel orco nos tradet? Si mundum, in quo vivimus, & habitudinem corporum, animorumq; nostrorum respicimus: parum boni augurati licebit. Omnes ægedum circumspectiores, monet Seneca: *larga ubiq; flendi, & assida materia*. Alium ambitio nunquam quietum sollicitat; alium ad quotidianum opus laboriosa egestas vocat; alius divitias, quas optavit, metuit, & voto laborat suo; alium sollicitudo, alium labor torquet; hic habere se liberos dolet, hic perdidisse. Lacrymæ nobis deerunt, antequam causæ dolendi. Nonne vides: qualem vitam nobis rerum natura permiserit, quæ primum nascentium homi-

hominum fletum voluit? Hoc principio edimur, huic omnis sequentium annorum ordo consentit. Sic vitam agimus. Nunc de capite, nunc de ventre, nunc de pectore aut faucibus querimur; alias nervi alias pedes, nos vexant; nunc destillatio; aliquando deest sanguis, aliquando superest. Hinc atq; illinc tentamur, & expellimur Vita supplicium est. Ita Stoicus alias querelarum parcus. Nec est, cur credamus: hunc Annum degeneraturum ab indole præteritorum.

At si oculos animosq; tollamus in cælum: alia, eaq; latiora, nobis præbunt auguria, non volucres aut sidera cæli; sed DEUS, JESUS, & MARIA. DEUS est, id est infinita Bonitas, & Benignitas, in cujus manu sunt sortes nostræ, cujus nutu cuncta dispensantur & læta & tristia. Pater est noster, nostri amantissimus, de singulis singulorum capillis sollicitus. Si nos, qui mali sumus, novimus bona dare filiis nostris; quantò magis Pater noster, qui in cælis est! Præstò sunt JESUS, & MARIA non solum nomine SS. salutem & gratiam spirantes; sed è vulnerum & uberum inexhaustis fontibus eam propinantes. Quid ab his timeamus mali? quid non speremus boni? Quidquid triste, imò funestum, minentur astra, mundus, & orcus: sine nutu ipsorum non appropinquabit tabernaculo nostro. Vel avertent pro sua Benignitate, nec sinent nos tentari supra id, quod possumus: vel permittent ad majus bonum nostrum, & paratam offerent gratiam, ut non succumbamus, sed ex tentatione referamus proventum. *Salus tua ego sum, pax tua, & vita tua. Serva te apud me, & pacem invenies:* loquitur JESUS apud Kemp: lib. 8. c. 1. *In me gratia omnis vite & veritatis: in me omnis spes vite & virtutis:* inquit Sapiencia æterna, & (per accomodationem) Mater ejus Eccle. 24.

Unum ex parte nostra requiritur necessario, ad obtinendum annum pacificum, lætum & felicem: ut scilicet nostros plenè resignemus DEO, JESU, & MARIE; atq; ipsorum liberæ de nobis & circa nos dispositioni libenter acquiescamus; omnia, quæcunq; nobis evenerint, prospera vel adversa, promptè acceptando de manibus eorum, tanquam sapientissimæ providentiæ, & eximæ erga nos charitatis, argumenta. Unica enim & fundamentalis causa, quòd tam facile & graviter turbemur & affligamur, dum aliquid occurrit, est: quod non volentibus, sed invitis accidat. Nam quæ ipsi volumus, ea potius grata, quam molesta nobis sunt; quamvis non parum molestiæ adferant: ut patet in voluntarijs corporis castigationibus, & arduis negotijs, quæ alterius amore, vel studio lucrì proprij, suscipimus ultro. Ad cruentos flagellorum ictus, quæ nobis sponte infligimus,

nec

nec ingemiscimus; pulicis aculeo tacti, tanquam lancea icti, exscandescimus, & nefas morte luere debet bestiala: quia illud volentes, hoc patimur inviti.

At quomodo nobis persuadebimus, & à nobis impetrabimus: ut omnia, quæ nobis evenient acerba & molesta; velimus, rata & grata habeamus, & non patiamur inviti? Non possum dissimulare difficultatem in hoc puncto. Est tamen ad manum argumentum, quo id feliciter evincamus. Certum est 1. ex fide: Omnia, exceptis peccatis, quæcunq; sunt in mundo: fieri auctore DEO, & ex Sapientissima ejus Providentia. Certum 2. DEUM in homines, præsertim timentes & amantes ipsum, propensissimo, & plus quam paterno, esse affectu: ideoq; etiam mala, seu adversa, immittere in bonum ipsorum. Dum igitur aliquid ingruit adversi, colligendus est animus, & cogitandum: DEUS id vult: consequenter, JESUS & MARIA id volunt, & Volunt in magnum bonum meum: Ergo hanc eximiam in me benevolentiam tesseram repudiabo? Non velim ego, quod volunt illi, tam magna, tam chara mihi Nomina? Cui tantum lucis reliquit effusa passio, ut hæc cogitare possit: sentiet sine dubio, inclinari sibi voluntatem, ut volens libensq; acquiescat illorum dispositioni. Et sic non gravatus feret, quidquid evenierit; habebitq; dies & Annos, non minus felices, quam pius ille felixq; Mendiculus apud Taulerum.

Huic cum transiens quidam Theologus bonum mane precatus esset, atq; ut eum felicem fortunatumq; reddat DEUS: respondit Mendiculus: se nunquam adversum mane habuisse, nec unquam fuisse infelicem aut infortunatum: Quando enim, inquit, sine premor, DEUM lando; si frigus patior, si grando, si nix, si pluvia cadit, si aura serena est, vel turbulenta, DEUM lando; si miserum neque despectum, DEUM similiter lando; & ideo nunquam in cruce mane mihi contigit. Infortunatus etiam nunquam fui: novi enim cum DEO vivere certumque sum: quidquid ille facit, non posse non esse optimum. Unde quidquid ipse vel dabit, vel evenire mihi permittet, siue gratum id esset, siue contrarium, dulce vel amarum; letus id, tanquam optimum ab ipso suscepi: & ideo nunquam infortunatus fui. Neque infelicem fuisse contigit. Soli namque voluntati divinæ inherere statui: in quam sic integrè omnem meam transudi voluntatem; ne quidquid ille vult, & ego velim; & meam ipsi voluntatem ex integro resignavi.

Quid videtur de hoc Mendico? Miserum dicemus, an potius etiam ante fata beatum? At quomodo miserum; qui omnia habuit quæ voluit; cui nihil evenit quod noluit? Et nobis (si sapimus, & imitari non pigeat) tam felices agere dies annosq; procul dubio licebit.

*De DEO in Rego seculorum; Christo Patre futuri seculi; B. V. Matre
Ætatis aureæ.*

1. **A** Dora DEUM O. M. & considera eum ut Regem seculorum immortalium 1. Tim. 1. qui de thesauris æternitatis suæ etiam hunc annum novum eduxit: atq; ad eum te inutile terræ pondas gratiose perduxit: qui arbitrio suo dispensat secula, dies, & annos: constituitq; vitæ humanæ Terminos; qui præteriri non poterunt. Miseri Principes nostri; qui nec unum horæ quadrantem, imò ne unicum temporis momentum habent in potestate sua! At tu Rex seculorum immortalis de seculis disponis & toti dominaris æternitati! Tibi Laus, amor, honor & gloria in secula seculorum à me & tota Creaturarum universitate, Amen.

2. **A** Dora D. JESUM & considera eum prædictum ab Isaia cap. 9. ut Patrem futuri seculi, qui novissimis temporibus conditurus esset novum mundi statum: & sublato veteris legis iugo reclusus orbem, non rigore Domini, sed indulgentia paterna, lenitate, mansuetudine, clementia summa: prout jam omnia, regit & gubernat levissima & suavissima lege Gratia. O Amabilissime novi seculi Pater; quis tibi se non præbeat morigerum? Te colam humiliter ut filius. Da ut singula vitæ meæ momenta sint honoris & amoris tui incrementa.

3. **V**enerare DEIPARAM V. & considera eam in Matrem ætatis aureæ. Ipsa enim per Filium suum effecit; ut ubi abundavit iniquitas, abundaret & gratia; ut Justitia & pax osculari sint; ut longè lateq; regnet Charitas, ut plurimi vitam ducant, virtutum sinceritate, & morum Innocentia non inferiorem statu Innocentiæ. O Mater gratiosissima, fac; ut in aurea hac ætate non torpeam ut plumbum; non rigeam ut ferrum; sed ardeam ut aurum ignitum, & pretiosos in conspectu DEI & tuo vivam dies & Annos.

Proposium de Vita sic instituenda, ut multos & pretiosos vivamus annos.

LECTIO PRACTICA

Quid faciendum: ut diu vivamus?

Omnes cupiunt, pauci sciunt, diu vivere. Artem verbis tribus aperio: *Honestè piequè vivendum.* Sic facile vitam agemus verè diuturnam. *Honestè vivere*, est vivere ut hominem decet: id est, juxta dictamen rectæ Rationis; sequendo nimirum in actionibus nostris non inclinationem vel imperium Appetitus concupiscibilis aut irascibilis (hæc enim vita brutorum est) sed dictamina, imperia, & consilia rectæ Rationis.

Q

Dico,

Dico, *Recte Ratio*: quæ scilicet depravata non est passione aliqua *effervescente*, vel mundi aut carnis principiis, sed conformis Legi DEI, Christi, & ejus Ecclesiæ. *Pie vivere* est, esse deditum cultui DEI, observationi mandatorum ejus, & virtutum, quas ipse commendat, exercitio.

Quod hæc vitæ ratio plurimum conferat ad ejus diuturnitatem: manifestum est 1. Ex quotidiana experientia, qua cernimus; moribus dissolutos, improbos, & indulgentes concupiscentiis suis alijsq; passionibus, passim morbosos, enervés, miseram trahere vitam, & immaturam oppetere mortem. Chorum inter hos ducunt gulosi, libidinosi & iracundi: illos ut vitulos saginatos & lascivos, jugulat mors, nec sinit in annos crescere boves; isti se ipsos præcipitant non solum in brevem insaniam, sed mortem ipsam per epilepsiam, aliosq; fonticos morbos. *Verè stultum* (hominem qui non regitur ratione, sed affectu) rapitur *insecris iracundia* Job c. 5. *Zelus & iracundia minuit dies*. Eccle. 30. Unde universim monet Ecclesiastes c. 7. *Ne impiè agas mentem: & noli esse stultus*, sequendo potius extrinsecus affectus, quam rationem; *ne moriaris in tempore non tuo*. Quod de Viris sanguinum, & dolosis dicitur Psal. 54. *Non dimidiabunt dies suos* (id est; nec ad dimidium pervenient ejus ætatis, quam attingissent ob naturalem complexionem suam) frequenter in alios quoq; improbos cadit. Nam ut generatim ait Job c. 21. *Erunt sicut paleæ ante faciem venti; & sicut favilla, quam turbo dispergit*. Quid enim ad eam (scilicet ad impium) pertinet de domo sua post se? & si numerus mensium ejus dimidiatur? Nec impiorum solum tam infelix est conditio, sed subinde etiam minus piorum, & professioni suæ consentaneam vitam non agentium. Nota est fatalis illa mitissimi Salvatoris sententia Matth. 21. lata in ficulneam fructibus earentem: & Luc. 13. cum vidisset ficulneam sterilem, mandavit hortulano: *Succide illam; ut quid etiam terram occupas?* Non tulit ficulnea illa spinas aut labruscas, aut ramos aridos: sed quia caruit optatis, & debitis fructibus, iusta est succidi. *Uo quid terram occupas; succide: det meliori locum*. Sic in securi & ascia deiciuntur: qui non agunt vitam rationi & statui suo conformem. Vidi ipse viros sicut quercus Basan, eo corporis robore ut sæcula ferre potuissent, nisi vel occulto DEI judicio succissi fuissent, vel intemperantiâ quadam concidissent.

At qui vitam suam ad omnem honestatem pietatemq; componunt, pie: rumq; & physice & moraliter, vel saltem moraliter diu vivunt. *Physice* diu vivunt; quia per annos multos evitant mortem tum industria propria, tum DEI munere. Hoc ipso enim, quod juxta dictamina rectæ ratio-

his vivunt, & circumspecti sunt in usu ciborum ac potus, in assumendis & protrahendis laboribus, curis, & negotiis, in fovendo & castigando corpore, in moderandis animi motibus & affectibus; conservant primarum qualitatum, & primigeniorum humorum temperiem (in qua consistit sanitas animalis) ne vel sanguis corrumpatur, vel bilis exæstuet in febri malignam, vel melancholia degeneret in hypochondriam, vel pituita exundet in hydropem; adeoq; nec humidi radicalis per multum temporis notabiliter patiuntur defectum, nec amicum naturæ calorem obrui sinunt. Imo etiam si nonnullis noverca natura non satis digessit, temperavitq; complexionem; sustentant tamen diu satis prudentia & circumspicione sua imbecillam valetudinem, nec solum eam morti acceleranti subducunt: sed magnis & gloriosis laboribus parem faciunt, ut patet in SS. Hieronymo, Basilio, Gregorio, & plurimis alijs, etiam ætate nostra.

Non deest fervorum suorum honestis curis in conservanda valetudine ad obsequium & gloriam suam, Author & Arbiter vitæ DEUS: sed confortat infirmos, adjuvat laborantes, recreat fessos; quin & prodigio subinde, quos natura negat, adjicit liberaliter annos, prout Ezechia regi, Isa: 38. adjecit quindecim, S. Poponi Abbati viginti, Guarino Hibernorū Regi triginta (apud Bolland. tom. 2. Jan.) & plures alijs. Pro P. Thoma Saillio S. J. strenuo in castris Belgicis Missionario, morti vicino visa est DEIPARA V. apud Christum intercedere, & audita dicere: *Sine nostro hunc servulum etiam cum paulisper vivere.* Annuit Christus concessis Thomæ quindecim adhuc annis vitæ, atq; integræ semper valetudinis. *Seshwellus in Biblioth. scripsit: S. J. Stat promissis bonus DEUS. Psal. 90. ubi homini probo & in se confidenti promittit: Longitudine dierum replebo eum: & ostendam illi salutare meum.* Cadunt a latere piorum mille impij, ebriosi, iracundi, gulosi &c. ætate & viribus florentes; & decem millia a dextris eorum: ad ipsos autem sero, & non improvisa, mors appropinquat. Vel si quando præcipiti pede ingruit, DEO festinante suos educere de medio iniquitatum: non desunguntur præmatura morte, etiam in adolescentia; sed post vitam moraliter diu actam. Nam non tam anni, quam merita, seu opera præclara, sunt mensura propria vitæ humanæ, teste ipso DEO Sap. 4. *Senectus venerabilis est, non diuturna, neque annorum numero computata: sani autem sunt sensus hominis, & ætas senectutis vita immaculata.* Proinde qui honestè plèq; vixit quàmvis paucos vitæ physicæ numeret annos, *Consummatum in brevi, explevis tempora multa:* factis extendit ætatem. *Senex improbus non diu vixit, sed diu fuit,* inquit Seneca. Vi-

vere enim hominis, est agere ut hominem deceat.

Audiendus ergo Magnus Legislator Moyses Deuter. 30. *Dilige Dominum DEUM tuum; atque obediens voci ejus, & illi adhaereas: ipse enim est Vita tua, & Longitudo dierum tuorum.*

IV IANUARIJ.

De SS. DEI, JESU & MARIAE Nominibus.

1. **A** Dora DEUM O. M. & considera eum, vel ipso nomine suo esse admirabilissimum. Non solum essentia, & reliquae perfectiones ipsius sunt omnino ineffabiles & incomprehensibiles quocumq; creato vel creabili intellectus: verum & nomen ejus *Jehova* seu *Qui est*, est ineffabile, sanctum & terribile, gloriosum & admirabile in universa terra. O si homines nossent! quantum bonum, quantus Dominus, significatur brevi hoc nomine, DEUS! O DEUS, fac; ut auditum vel lectum hoc admirabile nomen tuum penetret intimas cordis mei medullas, & concipiam sensus te dignos.

2. **A** Dora D. JESUM; & considera eum, sacrosancto nomine suo, *JESUS*, amabilissimum generi humano. Quid enim est *JESUS*, nisi *Salvator*? Salvator a peccatis, Salvator ab hostibus Tartareis, Salvator à damnatione æterna. Cum audimus JESUM, homo nobis representatur, qui simul est DEUS, adeoq; omne bonum; qui est delictum, gloria & corona generis nostri, Beatitudo nostra temporalis & æterna. O JESU amabilissime! o amor meus! aperi mihi thesauros hujus sanctissimi Nominis tui; Fac ut illud & vivens in opere, & moriens in ore habere merear.

3. **V**enerare DEIParam V: & considera eam ipso venerabilissimo nomine suo, MARIA, dulcissimam. *O magna! o pia! o multum laudabilis MARIA*; inquit Bernardus mellissimus! *Tu nec nominari potes, quin accendas; nec cogitari quidem, quin recites affectus diligentissimum te. Tu nunquam sine dulcedine divinitus insua, per memoris portas ingrederis! Ah tempera mihi; o Amantissima, devota pronuntiatione dulcissimi Nominis tui amaritudines vitæ ac mortis meæ!*

Proposuit. de iisdem SS. Nominibus amanter & reverenter enuntiandis.

LECTIO PRACTICA

Quantum solatij & praesidij habeas vita nostra in SS. DEI, J. & M. Nominibus.

Vita nostra temporalis, cui speciali favore novum adjecit annum Di-

VITA

vina Bonitas, quot & quantis exposita sit periculis & calamitatibus: testantur, etiam felicissimorum in hoc mundo, querelæ & lamenta, nec paucorum funesti casus. Attamen non reliquit nos eadem Divina Bonitas omni præsidio & solatio destitutos: sed inter cætera, tria nobis proposuit Nomina, in quibus non minus solatij, quàm præsidij reperiremus; scilicet Nomen DEI O. M. admirabilissimum, Nomen Christi amabilissimum, & Nomen DEI patris V. dulcissimum.

De Divino Nomine dicit Salomon Prov: 18. *Turris fortissima Nomen Domini. ad ipsum currit justus, & exaltabitur.* Ly Ad ipsum, non solum referri ad DEUM, sed etiam ad Nomen ejus, indicat textus Hebræus, qui sic habet: *Turris fortitudinis Nomen Jehova: in ipso, vel, in ipsum currit justus, & exaltabitur.* Sicut enim qui ad munitissimam aliquam turrem in periculis se recipiunt, eamq; cœntendunt; non solum eripiuntur hostibus ipsos persequentibus, sed ex alto derident eos tanquam victores: sic qui in periculis & ærumnis suis meminerunt DEI & Nomen ejus reverenter ac fiducialiter exunciant, v. g. *DEUS in adiutorium meum intende: Exurge DEUS, & dissipentur inimici ejus: Quis ut DEUS?* &c. Superiores evadunt hostibus & tribulationibus suis. Subjungit deinde Salomon v. 11. & 12. *Substantia divinis viribus roboris ejus, & quasi murus validus circumdans eum; prout divites hujus mundi opinari, & jactare solent, sed in vanum. Nā antequam coneratur, exaltatur cor hominis; & antequam glorificetur humiliatur:* At eos, qui confidunt in DEI Nomine, vera excipit securitas, vera stabilisq; exaltat gloria. Patet in puero pastoritio Davide, qui solo DEI vivi Nomine armatus *Ego venio ad te in Nomine Domini Exercituum*, intrepidus processit contra Philisthæum, & carneam illam turrem uno ictu prostravit, pedibusq; suis subjecit: *Sicis super Philisthæum, præciding; caput ejus.* 1. Reg. 17. quin super ipsum quoq; Saulem Regem exaltari meruit: *Percussit Saul mille, & David decem millia.* Non minus salutare fuit Hebræis Divinum Nomen, quando Alexandrum Magnum ipsis offensum, subito, velut fulgure perfractum, omni irâ exarmavit. Jaddus enim Pontifex cām, egressus urbe Pontificali amictu, & in tiara sua Sacrosanctum Nomen *Jehova* aureis litoris expressum præferens, occurrisset Alexandro: Rex majestate Divini Nominis percutus humi se prostravit, & adoravit, Josepho teste, nec quidquam noxæ intulit Judæis. Laudate ergo pueri, laudate senes Dominum: laudate Nomen Domini, & in ipso sperate. A solis ortu usq; ad occasum laudabile Nomen Domini. *In te Domine, inimicos nostros veni labimus cornu: & in Nomine tuo spernemus insur-*

gentes in nobis. Psal. 43. *In Nomine DEI nostri magnificabimur.* Psal. 117. Non mirum proinde: quod S. P. N. Ignatius, audito hoc nomine, DEUS, totus extra se rapiebatur, & dulcibus liquefcebatur lacrymis. Illud mirum, quod passim tam irreverenter habeatur, etiam ab ijs, qui DEUM summum Bonum credunt. Quid laboris; si semper literis scribatur majusculis?

De Sacrosancto Nomine, JESUS, cum sit verè & propriè DEI nomen, nimirum incarnati DEI: idem imprimis omnino tenendum, quod de Nomine Divino proximè dictum est, & dici potest. Illud insuper observandum speciale: Supremam illam & infinitam Majestatem, significatam nomine DEUS, vel Jehova, longè Amabiliorem & venerabiliorem nobis proponi per Nomen JESUS, quàm quovis alio nomine sive DEI, sive ipsius Christi. Nam & importat omnes illas perfectiones, quas quodvis aliud Divinum Nomen, & insuper explicite repræsentat nobis summum divini Amoris erga nos & dignationis actum, quo propter nostram salutem voluit fieri non tantum Homo per Incarnationem; sed factus est Opprobrium hominum & abjectio plebis, per ignominiosissimam & acerbissimam mortem Crucis. Propter quem actum dicit Apostolus ad Philipp. 2. 9. Exaltatum esse à DEO Christum, & donatum illi Nomen, *quod est super omne nomen*, non solum creaturarum quarumvis & ipsius Christi, sed etiam DEI: prout cum Abulensi latè probat Cornelius à Lap. ibid. & colligitur ex eo, quod mox subdit Apostolus: *Ut in Nomine JESU omne genu flectatur cælestium, terrestrium & infernorum*: quale decretum non legitur conditum de quocunq; alio Nomine divino. Unde etiam manavit in fideles pia consuetudo; ut audito nomine, JESUS, caput aperiant vel inclinent, aut genu flectant, aliave edant venerationis singularis signa, quæ non adhibent audito quovis alio DEI, seu Christi, nomine. Et infert Abulensis in cap. 20. Exodi: *Majus peccatum esse, accipere nomen, JESUS, in vanum: quàm nomen, DEUS.* Ac qui illud devotè reverenterq; enunciant, experiuntur in illo singulare animæ suæ & præsidium & solatium; experiuntur ipsum esse ex cælestibus apothecis Oleum quoddam longè latèq; effusum ad illuminandas mentes, ad condiendum panem doloris, ad præbendam ægris medicinam: prout notat, & egregiè declarat S. Bernardus serm. 15. in Cant.

De gloriosissimo & dulcissimo *MARIÆ* nomine non vacat hic dicere aliud, quàm quod ad ipsammet loquitur Sapientissimus Idiotæ cap. 3. Contempl. *Dedit tibi, inquit, tota supersancta Trinitas Nomen, quod post Nomen super benedicti Filij tui est super omne Nomen: ut in Nomine tuo omne genu flectatur*

V. JANUARI.

127

secundum celestium, terrestrium, & infernorum, & omnis lingua confiteatur huius SS. Nominis gratiam, gloriam & virtutem Et rursus: Non est, non est, in ullo alio nomine, post Nomen benedicti Filij tui, tam potens adjutorium: nec est ullum aliud nomen sub celo, post dulce Nomen JESU, ex quo tanta salus hominibus refundatur.

Hoc ergo triplici Nomine, DEI, JESU, & MARIE, muniti, fidenter procedere possumus contra triadem infestissimorum hostium nostrorum, adversus dæmonem, mundum & carnem, & contra omnes, quos Annus hic obtrudet, casus & vicissitudines: modò morem geramus Apostolo monenti 2. Tim. 2. *Discedat ab iniquitate omnis, qui nominat nomen Domini.*

V. IANVARI.

DEUS Magos Orientis vocat & ducit ad Christum natum: Christus urbat Herodem B. V. compatiatur neglecto Christo.

1. **A** Dora DEUM O. M. & considera: quomodo Sanctos tres Reges ortu novæ stellæ, tanquam lingua ignea vocavit ad Filium suum adorandum, colq; ex remotissimis Orientis Regionibus in Judæam duxit, & mira providentia paternaq; cura protexit, tum in via, tum Hierosolymæ; ne ab Herode infestarentur, homine arrogantissimo & crudelissimo. **Et DEUS** sollicitus de suis: est inexpugnabilis clypeus fidelium suorum: præsto illi sunt mille modi juvandi nos; modò nos non reddamus indignos. O Domine tu es illuminatio mea, & salus mea; quem timebo!

2. **A** Dora D. JESUM, & considera: quomodo adhuc in cunis vagiens ligatus fasciis, neglectus ab omnibus, terruit tamen acturbavit, nuntiata per Magos nativitate sua Herodem & omnem Hierosolymam cum illo. Sentitissima trepidatio! is timetur natus, qui à sæculis, millenis millibus votorum fuit desideratus! Merito hic notat Augustinus: Quid erit tribunal judicantis, quando superbos Reges cunabula terrebant Infantis! Pie igitur timeamus ad Patris dextram jam sedentem; quem Rex impius timuit adhuc ubera Matris lambentem! Agamus strenuè pro DEO & Religione, est, qui terreat & coerceat adversantes-

3. **V**enerare DEI param V. & considera: maternam ejus compassionem erga Filium ab omnibus, etiam vicinis Bethlehemitis, neglectum. Meminerat probe; quantum fuerat gaudium, quantus plausus per omnia montana Judææ, nato nuper Joanne: at audita Christi Nativitate per pastores, stellam novam, & tres Orientis Reges Hierosolymæ prædicata, ne unus pedem movit ad inquirendum, vel invisendum, nemo os aperuit

peruit ad congratulandum: Adeo torpemus in negotio salutis nostræ, & cultus divini: sic negligimus tempus vocationis & visitationis divinæ. O Amor incarnate adde alas torpenti. Non differam: Ecce venio.

Proposuit parere sine mora vocanti DEO.

LECTIO PRACTICA.

Quam periculosum sit, vocanti DEO non statim parere.

Pridem occinuit mundo regius Psalter selemne illud Psal. 94. *Hodie si vocem ejus audieris nolite obdurare corda vestra.* Audierunt, imo viderunt, hanc Domini vocem in lingua ignea tres Orientis Principes; nec obdurarunt, sed pronissima dederunt corda sua. *Vidimus stellam, & venimus adorare.* Matt. 2. Nulla intercessit morula inter *Vidimus & Venimus.* Idem etiamnum repetitur quotidie, sed plerumq; vel surdis, vel procrastinantibus. Non cessat Divina Bonitas identidem vocare homines ad se, ad fidem, ad poenitentiam, ad statum religiosum, ad perfectionem: sed quidam sicut aspides surdæ obturant aures suas; alij sicut lutum in sole, obdurantur magis; alij puerile illud apud Isaiam c. 28. *regerunt: Mandata, remanda: expecta reexpecta: modicum ibi.* Et hic & ibi est, quod tantisper agamus, negotia nostra habemus, congerenda est arena, ædificanda domus ex arena, hic pistrinum, ibi cellarium &c. construenda: postea equitandum in arundine, ducendum funus, celebranda nuptiæ, deliberandum de bello &c. quibus expeditis prompti sumus ad mandatum.

Non sunt majoris momenti quæ prætendimus ad excusandas moras nostras in obtemperando voci Domini: nec major est prudentia nostra, quam pueri illius, qui vocem matris invitantis iterum iterumq; ad cibum sumendum, contempsit, intentus suis. At ubi vidit domesticos alios mensæ accumbentes strenuè rem agere; monuit matrem ut adhuc semel se invitarer. Dissimulante illa, accessit ipse ultro, sed parum aut nihil reperit in patinis. Pater & mater est, qui nos vocat invitatq; ad salutaria & meliora: quid distinemur circa crepundia? Vocat, invitat, sollicitat: quoties id facturus sit, quis divinabit! Ubi vocare cessarit; ibit, & transibit cum gratia sua excitante: nos nobis relicti, quomodo sequemur, ne dicam, assequemur? Hærebunt hujusmodi tergiversantes in arena vel luto suo; Et erit eis verbum Domini illudentis: *Manda remanda, manda remanda, expecta reexpecta: Modicum ibi; in vadant, & eadant retrorsum, & comiserantur, & illa pascuntur & capiuntur.* Isa. 28.

Imitandus potius puer Samuel, qui 1. Reg. 3. vocatus intempesta nocte à Domino, quamvis putaret se vocari ab Heh, illico proripuit se è strato,

& Cacarris, non lentē, ut somno graves solent, incescit, ad Heli, & dixit: Ecce ego; vocasti enim me. Nec segnior aut stomachosior fuit, vocatus secundo, tertio & quarto, sed paxi alacritate pręsto fuit ad excipiendā & exequendā iussū; meruitq; ea promptitudine dignitatem Prophetę, summi Sacerdotis & Judicis in Israel. Imitandus & grandior natu Patriarcha Abraham: qui in medio somni audita voce Domini: *Abraham, Abraham!* confestim reposuit: *Adsum;* & iussus immolare filium super unum montium, non expectavit solis ortum, non contulit cum uxore, non hæsit delibens, & combinans pręsens imperium cum antecedentibus promissis divinis eidem quodammodo adversantibus: sed sine ulla mora, de nocte con-surgens, stravit asinum suum, & cum filio itineri se commisit: tamq; promptus & fortis incubuit in executionem; ut Angelo impedituro ictum, necesse fuerit alta voce, & iterata nominis ingeminatiōe, inclamare: *Abraham, Abraham!* Nimirum, ut notavit S. Ambrosius ibid. *Repetivit vocem, tanquam verum, ne pręveniretur officio devotionis; & una vox in petum ferientis impedire non posset.* Numquid ad tam ardua nos vocat DEUS, dum ad pœnitentiam, ad statum religiosum, ad vitam perfectam nos vocat? Quid ergo hæremus, quid moras nectimus? Num diuturna opus est deliberatione, ut felices simus?

Est equidem vulgaris parœmia: *Diu delibera: & citò fac.* Sed hoc in rebus valde dubijs, & ubi nobis non constat de voluntate Divina. Hac autem cognita, insipientis, imò suspecti de fide, est, deliberare, & amicos consulere, prout mundi sapientia docet, an sit parendum? Pręclare S. Bernardus in illud, Ecce nos reliquimus omnia: *Quantos maledicta mundi sapientia supplantat, & conceptum in ijs exstinguit spiritum, quem Dominus voluit vehementer accendi.* Noli, inquit, pręcipitanter agere, diu delibera; magnū est, quod proponis. Experire, quid possis: amicos consule. *Hæc est sapientia mundi, terrena, animalis, diabolica, salvis inimica, suffocatrix viæ, mater repititæ, quæ DEO sceleris vomitum provocare; cum à DEO verbum esse non dubitet: ut cum agitur de agenda seria pœnitentia, de accuratius servanda religiosa disciplina, de majore studio perfectionis; quæ constat DEUM velle, imò exigere à nobis.* Quid est opus deliberatione, pergit Bernardus? *Vocas magni consilij Angelus; & quid aliena consilia pręstola u? quis fidelior illo, vel sapientior? Unus Fabius cunctando restituit rem: innumeri perdidērunt. Loth cunctando vix non cum tota domo periit. Herodes, cum Magis in Bethlehem proficisci, dissiulit: nec unquam Christum vidit, vel videbit, nisi Judicem in valle Josaphat.*

VI. JANUARI.

Stupendum est, quàm stultè tergiversemur homines, dura ad saniora vocamur. Refert B. Petrus Damiani epist. ad Dominicum Loricatum: Usitatum, DEI voluntate, fuisse monti Vesuvio; ut ingentes flammæ consueverit evomere, quando in vicinia reprobis aliquis dives moriebatur. Accidit autem; ut inter ejusmodi incendia Abbati Desiderio demones aliquando apparerent, plurimam materiam igni alendo convehentes in Vesuvium. Interrogati, quid agerent, responderunt: Præstolamur Principem Caput Pandulphum, & Joannem Magistrum militiæ Neapolitanæ. Misso nuntio, compertum est: dictum Principem eo tempore decessisse. Joannes autem Magister ab Abbate admonitus: *Nunc respondit, obviam ibo Imperatori (Otho secundus erat) porro post ejus adventum, sponte me seculum deserturum. Verùm ante Imperatoris adventum, 15. dies, deseruit miserum mundus & vita. Idem memorat; Salernitanum Principem, cum vidisset Vesuvium exundantem, dixisse: Sceleratissimum aliquem divitem procul dubio proximè moriturum, & ad infernum descensurum. Dixit; nec sibi cavit; eadem nocte in scelere interceptus.*

Hodie igitur si vocem Domini audieritis, nolite obdurare corda vestra; nolite procrastinare. *Cras corvina vox innumeros decipit. Periculum est in mora. Qued in negotio salutis & perfectionis differtur; plerumq; aufertur.*

VI. IANVARI. IN FESTO EPIPHANIÆ D.

DEUS. Christo nato subjiçit gentes: Christum ut DEUS adoratur.

B. V. ut Mater DEI honoratur.

1. **A** Dora DEUM O. M. & considera: quomodo Sancti tres Reges in ejus laudem effusi sunt; ubi stella subsistente, adverterunt; se metâ votorum suorum potitos, invenisse Desideratum cunctis gentibus Principem supremum, & Salvatorem mundi. Vide quomodo misericors DEUS has Ecclesiæ ex gentibus colligendæ gloriosas primitias, tres Orientis Principes, & suaviter & fortiter attraxerit, ad deferendum Filio suo, a Judæis neglecto, homagium; atq; in ipsis gentes omnes ei subjecerit. O Pater misericordiarum! respice etiamnum reliquias gentium adhuc in tenebris Idololatriæ, & umbra mortis sedentium: ut quancûq; Te cum Filio tuo adorent omnes tribus terræ.

2. **A** Dora D. JESUM, & considera: quomodo Tres illi Reges primo ejus intuitu, velut fulgure quodam divinitatis, ex oculis Pavuli promicantis, perstricti, prociderunt coram illo in facies suas; & vi-

yarillima

vacillanti fide, profundissimam submissione, adoraverunt, ut verum atq; unicum DEUM, quem Virgo Mater sinu gestabat Infantem; eiq; mysticas munerum species devoti & liberales obtulerunt. Gratulor tibi amicitus, pretiosissime JESU, has honorum divinarum & munerum piorum primitias. O agnoscant, colant, ament, & serviant tibi omnes Reges terrar, ac imprimis ego fervorum tuorum infimus; reverentia maxima; amore intensissimo & liberalissimo, constantia perpetua.

3. **V**enerare DEIpam V. & considera: quomodo & ipsa specie sua, & Maternitatis divinæ majestate rapuerit corda Regum illorum. Mirabantur pauperis puellæ sortem felicissimam, gratulabantur nunc Filio talem Matrem; nunc Matri talem Filium: hærebant attoniti nunc in hujus, nunc in illius vultu. Gaudeo his honoribus & amoribus tuis, o dignissima DEI Mater. O si liceret! omnium Regum Reginarumq; corda substernere plantis tuis, & Filij tui! Interim substerno meum: possidete totum o Principes Maximi & Gratosissimi.

Propositum de frequendiis actibus Adorationis, præsertim coram Venerabili Eucharistia, & Imagine Christi Crucifixi.

LECTIO PRACTICA.

De Actu Adorationis rite instituendo.

Adoratio sæpe, etiam in Sacris Literis, sumitur latius, scilicet pro quavis humili reverentia exhibita personæ alicujus dignitatis: quemadmodum Gen. 23. 7. dicitur: *Surrexit Abraham, & adoravit populum terre, filios videlicet Heb.* Et Gen. 33. Jacob fratrem suum Esau a longè adoravit prout in terram sepius: & alibi sæpe. Ex communi jam usu Theologorum restringitur ad cultum supremum, soli DEO debitum, & consistit in profundissima humilatione nostri & plena subiectione exhibita DEO ob summam ejus Excellentiam. Qui actus etsi propriè sit Voluntatis, pertinet ad virtutem Religionis: oritur tamen ab intellectu ex cognitione & summa æstimatione Divinæ Excellentie, nostræ autem infinitæ vilitatis respectu ejusdem. Quæ cognitio quò major est & plenior, eò perfectior oritur Divinæ Majestatis Adoratio.

Actus interni Adorationis sunt. 1. Exaltatio DEI super omnia, & depressio atq; subiectio nostri infima atq; plenissima, quo ad corpus & animam. 2. Timor quidam reverentialis, vi cuius nec comparere audeamus in conspectu DEI, multo minus cum eo familiariter agere. Unde Patriarcha Abraham provocatus ab ipso DEO Gen. 18. ut cum ipso loqueretur, humilem illam præmisit præstationem: *Loquar ad Dominum meum:*

cum sim (quævis sim) pulvis & cinis. Deinde quoties pro Sodomitis intercessionem suam repetebat, reverentissimè præmittebat: *Ne quæso indigneris Domine, si loquar.* Et iterum *Obsecro, ne irascaris Domine, si loquar adhuc semel.* 3. Illius nominum seu Titulorum divinarum, qui magis exprimunt summam ejus Excellentiam, Potentiam & Majestatem; ut *Reges Regum, Domini Dominantium, Judices vivorum & mortuorum, Principij universi salissimi, & omnium Creatoris, conservatoris atq; Gubernatoris &c.*

Actus externi Adorationis sunt, aperire & profundè inclinare caput, genua flectere, manus attollere supplices, totum corpus prorsum dare, seu humi sternere, pretiosa offerre dona &c. Fit etiam exterior Adoratio lumina accendendo, thus adolendo, odores spargendo, & voce Excellentiam atq; gloriam DEI extollendo, nostram autem infirmitatem & utilitatem confitendo.

Est actus Adorationis ferè primus, quem Creatura rationalis debet Creatori ac Domino suo. Unde ipse Pater æternus, cum primum ejus Unigenitus factus est homo, jussit Heb. 1. 6. *ut adoraret cum omnes Angeli ejus.* DEI para quoq; Virgo statim ac Christum edidit in lucem, *Quem genuit, adoravit!* ut canit Ecclesia. SS. tres Reges Orientis ut primum venerunt in conspectum nati, licet in stabulo, DEI, *prociuentes adoraverunt eum.* Alijs quoq; Sanctis frequentissimus semper fuit usus Adorationis. S. Patritius Apostolus Hiberniæ tercenties per dies singulos flexis genibus DEUM adorabat. Ipse Salvator ac Dominus noster noctes a prædicatione liberas transigebat orando & adorando: nec in genua solum sed in faciem quoq; prociidebat coram Patre.

Formulam adorandi facile suggeret sensus cuiq; affectus. Coram divina Majestate dici poterit cum Psalmographo: *Omnis terra adoret te, & psallat tibi: psalmum dicas Nomini tuo.* Psal. 65. Coram Ven. Eucharistia illud D. Thomæ Aquinæ: *Adoro te devotè latens Deitas.* Coram Imagine Crucifixi illud Ecclesiæ: *Adoramus te Christe & benedicimus tibi: quia per S. Crucem r. denisti mundum.* Vel si placuerit (quod expedit) etiam acerbissimæ agoniz mentionem facere. *Adoramus te Christe, & benedicimus tibi: quia per S. Crucem & acerbissimam agoniam redemisti mundum.* Pro hodierna die, imò & alijs, usui esse poterunt Actus sequentes Adorationis & Venerationis DEI, J. & M.

Optime M. DEUS, semper & ubiq; supremam ac infinitam Majestatem tuam infinita submissione, vilis turba, homines, veneremur oportet. Ad dum totam Divinitatis tuæ majestatem in angustias infantilium membro-

rum,

VI. JANUARI.

144

rum, amore nostri, coactam advertimus; quò descendamus adoraturi, non reperimus. Si enim Magni tanto sunt majores & honorabiliores, quanto profundius amore subditorum descenderint: quantus jam nobis es DEUS noster, qui de summis cœlorum in vallem miserationum nostrarum, imò in abyssum nihili nostri, Te demissisti: nec homo tantum, sed parvulus, imbellis, nudus, abjectus homo, fieri dignatus es? Tanta demissione infinitè creverit, oportet, alias incrementi nescia, dignitas tuâ infinita. Quo ergo demissionis genere Te, magnum in cœlis, sed jam majorem in cunabulis, venerabor? Si in ipsum terræ cor descendero; profundiore dignus es reverentiâ. Si in nativum nihil meum revolvam; adhuc demissiore dignus es cultu. Ergo me in chaos abstrusissimum peccatorum meorum recipio (nihil enim à Te magis distat) atq; inde proximissima cervice & mente, exemplo & spiritu Regum Orientis, perfectissimo latræ actu, Te veneror, & adoro DEUM ac Dominum meum, Opt. Max: maximus peccatorum. Cor contritum & humiliatum non despicias DEUS, qui humilia respicis, & alta à longè cognoscis.

Rex meus, & DEUS meus, Gratosissime JESU, hoc Theophaniæ tuæ die à Regibus adorare, à Joanne baptizare, à Patre commendare, cum Matre ad nuptias invitare, ac ibi prodigiosa aquæ in vinum conversione admirande; gaudeo, exulto, triumpho, dum hanc tuam gloriam recolo. At media gaudij luctus occupat; dum adverto: Te à paucis alienigenis adoratum, in populo autem tuo inventum non esse, qui daret gloriam Tibi, DEO suo, & meo. Procumbo ipse, meo, illorum, & aliorum te nescientium vel negligentium loco, non in terram solum, sed in abyssum vilitatis meæ, & Sacrosanctum infinitæ Majestatis tuæ Numen, infinita mei depressione, infinita tui exaltatione veneror & adoro. Obsecro insuper per eum, quem tunc passus es, contemptum; exorere gratosus, ô Sol meus, ô Lumen ad revelationem gentium! Illuminare his, qui in tenebris gentilitatis, & umbra mortis sedent: ut universi reges terræ, & omnes gentes serviant tibi, ac inprimis ipse ego, reverentiâ maximâ, amore intensissimo, constantiâ perpetuâ.

Augustissima mundi Imperatrix, Gratosissima DEI Mater & Virgo: gratulor animitus Majestati tuæ honorem, quem hoc die Orientis reges Filio tuo, & Tibi congrua submissione & devotione detulerunt. O si unus de famulatio illorum fuisset: quam reverenter adrepissem; ut oram fasciæ Filij tui, & simbram vestimentorum tuorum fronti meæ venerabundus imponerem, & deoscularer suavissimè. Quod tunc non liquit,

R.

sup.

VII. JANUARI.

suppleo nunc: & Te Reginarum Maximam, Matrem felicissimam, affectu regum Orientalium, & infima, infra omnia mancipia tua, submissione veneror humillime. Quia verò memoriz recurrit, quod olim S. Franciscus, contemplanti Adorationem Parvuli JESU à triade illa regia, dixisti: *Fac; ut intelligas Amorem DEI*: id ipsum supplex oro; Fac, Domina: ut intelligam inexplicabile mysterium incarnati Amoris, & in mutuum exardescam Amorem.

VII. IANVARII.

De Affectu DEI, Christi, & DEIparæ V. erga SS. tres Reges.

1. **A**dora DEUM O. M. & considera: quo gustu & voluptate Divini cordis acceperit illam Orientalium Regum submissionem & liberalitatem erga Christum. Quos sensus, quæ lumina, quos motus pios illis infuderit; quomodo in eorum absentia ditiones ipsorum protexerit, ipsosq; toto Oriente, & jam toto orbe, gloriosos reddiderit juxta illud

1. Regum 2. *Qui glorificaverit me; glorificabo enim qui autem contemnunt me; erunt ignobiles.* O magne DEUS! quis non serviat tibi, etiam gratis, quando sic remuneraris tenuia obsequia & munuscula nostra?

2. **A**dora D. JESUM, & considera: quomodo intimè gavissus sit, se sub Parvuli specie summis; ipsq; divinis, coli honoribus. Cogita: quomodo liberaliter remuneratus sit munera à Magis oblata sibi. Pro auro reddidit illis aurum Sapientiz, quæ arcana Divinitatis cognoscere, præsertim circa Incarnationis mysterium; pro thure thus insignis devotionis & interarum consolationis: pro myrrha gaudium in tribulatione & incorruptionem animi, confirmando eos in gratia ut pie credi potest. O & mihi hæc munera Domine! Offero tibi, quantumvis modicum, Aurum charitatis meæ erga te, thus devotionis, & myrrham adversitatum. Suscipe gratosè, & munere copiosè.

3. **V**enerare DEIparam V. & considera: quomodo dulci colloquio detinuerit hospites illos Orientales: quomodo illos edocuerit de gestis circa Conceptionem & Nativitatem Filij sui: quomodo animavit ad constantem cultum & predicationem nati Salvatoris, in terris suis: quam sapienter interpretata sit mysticas oblatoz munera species, & liberalissimam appromiserit remunerationem. In me quæso suscita, Domina liberalem animum; ut Charitate ardente, devotione fervente, patientia constante, Te colam cum Filio tuo.

Proposuit de concilianda nobis uberiori benevolentia DEI, J. & M.

per

per pia quadam munuscula, v. g. N.

LECTIO PRACTICA

Quid: & quomodo DEO offerendum.

Nec Charitati, nec Necessitati urgenti suggerere oportet, quid offerant. Amor non minus liberalis, quam ingeniosus est: facile invenit quod largiatur. Si cetera desint: Cor, cathedram & coronam suam promptus exhibebit, cum infinitis desideriis largiendi, quidquid mundus celestis & terrestris habent: se deniq; pedibus divinis suppedaneum dabit mancipium. Similiter qui gravi quadam necessitate premuntur, ut subsidium & praesidium coelitus impetrent; de paupere peni sua protrahunt, quidquid possunt: cum non ignorent, muneribus placari hominesq; Deosq; notumq; sit, quod DEUS Exod. 23. praecepit: *Non apparebis in conspectu meo vacuum.* Cui praecepto cumulate satisfecerunt Sancti Reges Orientales, quando apertis thesauris suis obulerunt DEO nato munera, *Aurum, Thur, & Myrrham*, pari liberalitate & submissione:

In particulari describi non potest, quid quisq; offerat. Tria universim recta ratio imperat. 1. Ut, quod DEO offerimus, sit DEO dignum. 2. Ut offeratur a persona grata. 3. Offeratur liberali affectu. Dignum imprimis DEO sit, quod offerimus: non quod pretium muneris nostri aquare debeat, vel possit, dignitatem & excellentiam Divinam; sed ut ex bonis nostris seligamus optimum, & facultatibus nostris proportionatum. Hoc est, de quo nos monet Ecclesiasticus cap. 14. 11. *Fili, DEO dignas oblationes offer.* Et Psalmographus Psal. 19. *Holocaussum iustum pingue fiat.*

Graviter iniegit in hoc puncto Cain Gen. 4. negligendo hunc delectum, & obvia quæq; de fructibus terræ parca manu offerendo. Multam autem apud Dominum gratiam sibi conciliavit Abel, offerens de primogenitis suis, & de adipibus eorum. Non satis illi fuit, cavere: ne quid mutilum, claudum, maculosum aut macilentum offerret: sed ex omni grege elegit optima, ex non vetulis primogenita, ex non macilentis pingvissima: prout notavit S. Chrysostomus hom. 18. in Genes. Unde ibidem dicitur: *Respexit DEUS ad Abel, & ad munera ejus: ad Cain vero, & ad munera ejus non respexit.* Et nos egregie a nobis DEO litatum esse existimamus: si precationeulas quasdam raptim deproperavimus, si Sacrificio Midae solo corpore interfuimus, si crustulam panis, aut obolos aliquot tremula manu pauperi largiti sumus. Non desunt, qui parcitatem suam excusare non erubescunt. Sæculares queruntur de temporum iniquitate, de inopia sua, de multis expensis in varia negotia, lites, familiam, subsu-

subsidium reip. &c. Religiosi prætendunt bonorum suorum abdicatorem & DEO devotam paupertatem. At tam his, quam illis, cuiuscunque sint conditionis, non desunt, qui offerantur, thesauri. Nemo est tam pauper, ut non possit esse dives & largus in DEUM, si velit. Si non suppetunt res multi valoris: non desunt reculæ quædam, tenaci affectu in imo cordis reconditæ, velut spoliū Achā, Josue 7. defossum in tabernaculo: vel saltem non caremus desiderijs habendi hæc illave, necessitatibus pallio vestitis. Hos thesauros erui, & aperiri Domino oportet: eritq; munus nostrum pretiosum in conspectu ejus.

Quod si imitari placeat SS. Orientis Reges, sed non sit ad manum aurum, aliq; pretiosa dona, quæ DEI causa erogentur in pauperes, Ecclesias, vel sacra asceteria: præstò esse possunt munera mystica, non minus, vel magis, DEO grata. *Aurum offerimus*, inquit S. Gregorius h. n. 10. *si Sapientie (cœlestis) lumine splendamus: Thus, si orationum studio redoleamus Myrrham, si carnis vitia mortificamus.* Vel Auri loco offerenda quævis Eleemosyna sive pecuniaria, sive spiritualis: Thuris loco vita exemplaris & fervens Oratio: Myrrham supplebit Jejunium, & Abstinencia ab illicitis & licitis quibusdam voluptatibus. Vel pro Auro proferatur insignis actus Amoris divini; pro Thure actus humillimæ Adorationis, pro Myrrha Patientia molestæ alicujus adversitatis. Religiosis licebit insuper offerre pro auro pretiosam voluntariam Paupertatem, cum subtractione alicujus, etiā necessariæ commoditatis: pro thure, fragrantiam perfectæ Obedientiæ; proprium judicium & liberam voluntatem Amore Divino, velut vivis carbonibus, cremando in odorem suavissimum Domino: pro Myrrha integritatem illibatæ Castitatis, jugi corporis mortificatione servandæ.

Hæc & similia ut omni ex parte grata veniant in conspectum Domini; necesse imprimis est: ut à persona DEO grata offerantur. Sicut enim non est speciosa laus DEI in ore peccatoris (Eccl. 15.) sic nec pretiosa veniunt illi dona de manu iniqui. Sit licet tenuæ; gratum est, quod venit ab amica manu: hostium dona suspecta sunt, vel infecta. Non fortuitus est ordo, qui in sacro textu ponitur Gen. 4. dum dicitur *Respexisse Dominus ad Abel, & munera ejus.* Primò & primario respexit ad Abel: deinde ad munera ejus.

Deniq; commendanda sunt munera nostra liberali affectu. Non tam quid, quam quò affectu aliquid offertur, attendunt DEUS & homines. Magnitudine devoti affectus sublevanda & attollenda est tenuitas munerum nostrorum: ut illa gratioso oculo respiciat Magnus DEUS. *Magis siquidem DEUS pensat, ex quanto quis agit, quam opus, quod facit:* ait Kemp. lib. 1. de Imit. c. 15.

De DEO novarum stellarum conditore: Christa stella ex Jacob: DELpara

V. Stella matutina.

1. **A** Dora DEUM O. M. & considera, eum, præter sidera initio mundi condita, quorum adhuc nullum extinctum est, solere subinde novas accendere stellas; prænuncias jam imminentium aliquarum calamitatum, iam instantis funeris magni alicujus Principis. At nati in Bethlehem Filij sui ipsum natalem placuit novâ illustrare stella, quæ & enarraret gloriam ejus, & monstraret eundem humilem & sublimem, vilem in pannis, pretiosum in stellis. O magne siderum conditor! accende & in parvo hoc mundo, in intellectu meo, novam divini luminis tui stellam, ut clariùs cognoscam, & amem ardentius Te cum Filio tuo, Domino meo.

2. **A** Dora D. JESUM, & considera eum; ut Stellam, juxta prædictionem Balaam Num. 24. oriam ex Jacob radiantem non solum innumeris dotibus ornatiſſimæ Humanitatis, sed totâ plenitudine infinitæ Divinitatis. Infinites dignior hæc, quam adorent non tantum undecim stellæ cum sole & luna, ut polyaitum illum Salvatorem mundi Josephum, sed omnia omnino astra matutina, omnes tribus terræ, & omnes Principes cæli. Ah vel unicum oculorum tuorum, sole splendidiorum, radium vibrare in me, JESU Gratiosissimè! ut noverim te, noverim me: contemnam me, æstimem te super omnia, Omnia!

3. **V**enerare DELparam V. & considera eam, ut stellam Matutinam micantem meritis, illustrantem exemplis, & gratijs. Ipsam sequentes non deviamus, ut monet S. Bernardus; ipsam cogitantes non erramus, ipsa protegente non metumus; ipsa propitia ad portum pervenimus. Illuminate ergo tenebras meas, ô Maxima orbis sidera; ut clariùs noverim vos, noverim me: atq; sic recte tramite tendam ad Patrem luminarium.

Propositum v. g. de elicienda DEI cognitione & æstimatione ex Creaturâ.

LECTIO PRACTICA,

Quomodo DEUS ex Creaturâ cognoscendus, & super ipsas extollendus.

Quot per continuas generationes producantur, & sub aspectum nostrum veniunt Creaturæ: tot nobis novas accendit stellas DEUS, quæ ipsummet, & summam ejus perfectionem nobis monstrant, atq; commendant. Teste namq; Apostolo Rom. 1. Invisibilia ejus à Creatura mundi per ea, quæ facta sunt, intellecta conspiciuntur: sempiterna quoq; ejus virtus & Divinitas. Patentq; hæc tam clarè in creaturis, & ex creaturis: ut sine

inexcusabiles, qui vel DEUM Verum sufficienter non cognoscunt; vel non ut DEUM, debito cultu glorificant. Unde sicut Isaias cap. 40. monet: Levate in excelsum oculos vestros, & videte: Quis creavit hæc? ita excitare omne genus hominum possumus: Conjicite in profundum maris & in viscera terræ oculos vestros, & videte: Quis creavit hæc? Lustrate curiosius superficiem terræ & omnem ornatum, omnesq; fructus ejus, & videte: Quis creavit hæc? Quis conservat, & gubernat hæc? Non sunt a se ipsis: in nullo enim horum, nec in omnibus simul, est virtus sufficiens ad emergendum è nihilo suo. Quis est ergo, qualis, & quantus, qui produxit, & producit hæc? Cui omnia debent existentiam & omnes absolute dotes suas, ipse nemini?

Quid dicit homo? urget Chrysostomus hom. 3. in Gen. Cùm videris caelum, admirari ejus formositatem, astrorum varietatem, claritatis eminentiam? Ne ibi subsistas: sed ad Opificem ipsum extende mentem. Obstupefcere te facit solis lux, & admirari ejus multiplicem usum: & quia vides radios illustrantes tuos oculos, admirari elementi pulchritudinem? Sed neq; hæc subsistas. Quia si factura tam admirabilis est, & supra omnem opinionem & intellectum: Quantum est, qui ipsa solo verbo & præcepto produxit? Quantæ, necesse est, ipsum esse excellentiæ, sapientiæ, potentiæ, & perfectionis in omni genere consummatissimæ! Quas enim dotes in creaturas omnes dispersit; oportet ipsum continere in se, idq; modo longè eminentiore, & copia infinite majore. Unde fit: ut quamvis Spiritus ille sublimissimus lucem habet inaccessibilem, & infinite transcendat aciem non solum oculorum, sed etiam mentium creaturarum: ex creaturarum tamen existentia, & perfectionibus innotescat nobis, admodum obscure quidem, certo tamen & infallibilissime.

Duplicem porro modum assignant Theologi & Ascetæ ex D. Dionysio cap. 3. de Myst. Theol. & c. 7. de Divin. Nom: concipiendi, & aliquatenus exprimendi, seu potius adumbrandi, DEUM (dum perfectior per lumen gloriæ nobis non communicatur) scilicet jam per Affirmationes, jam per Negationes. Priore modo attribuimus DEO perfectiones positivas, quas in creaturis cernimus, & plures alias; sed in gradu eminentissimo & omnino depuratas ab omni imperfectione. Ut si cum S. Augustino lib. 1. Conf. c. 4. describamus DEUM: quod sit Spiritus summus, optimus, maximus, potentissimus, sempiternus, benignissimus, misericordissimus & justissimus, secretissimus & præsentissimus, fortissimus & pulcherrimus, simplicissimus & perfectissimus &c Vel cum S. Bernardo lib. 3. c. 11. de Consid. ad Eugen. Quid est DEUS? Voluptas omnipotens,

tens, benignissima virtus, lumen æternum, incommutabilis ratio, summa beatitudo &c. Quo concipiendi & exprimendi modo, imitatur artem pictoriam, qua pictor eleganter format imaginem per additionem, seu appositionem, variorum colorum, ad venustatem & perfectionem conceptæ imaginis conducentium.

Alter concipiendi DEUM modus imitatur artem Statuariam, qua artifex insignem è lapide vel ligno elaboraturus statuam, scalpello alijsq; instrumentis tollit partes inconuenientes, exhibetq; tandem opus proprio decore consummatum. Idem facimus, dum de DEO negamus omnes imperfectiones creaturarum, imò & perfectiones imperfectionibus laborantes; solumq; asserimus: ipsum esse aliquid incomparabiliter melius in eo genere. Utitur egregie hoc modo S. Augustinus in soliloq. dum sollicite, inter sensuum objecta non repertum, querit DEUM. Non enim speciem corporis, inquit, non decus temporis, non candorem lucis, non colorem, non dulcorum melodiarum cantus, non florum & unguentorum, vel aromatum odores, non mella vel manna gustui delectabilia, non cetera ad amplectendum amabilia, non omnia alia sensibus his subiecta quero, cum DEUM meum quero. Absit, ut ista crediderim DEUM meum, quæ etiam brutorum sensibus comprehenduntur. Et tamen cum DEUM meum quero, quero nihilominus quandam Lucem super omnem lucem, quam non capit oculus; quandam Vocem super omnem vocem, quam non capit auris; quandam odorem super omnem odorem, quem non capit naris; quandam amplexum super omnem amplexum, quem non capit tactus. Ista quidem lux fulget, ubi locus non capit; ista vox sonat, ubi spiritus non rapit; odor iste redolet, ubi status non spargit; sapor iste sapit, ubi non est edacitas; amplexus iste tangitur, ubi non divellitur. Hic est DEUS meus, & non æstimabitur alius ad illum. Hoc quero, dum DEUM meum quero. Istud amo, cum DEUM meum amo. Ita Aug.

Potest etiam modus uterq; permisceri: affirmando scilicet positivam aliquam perfectionem de DEO, simulq; expressè negando imperfectionem, qualis adhæret creaturis. v. g. Tu, DEUS meus, es Magnitudo sine quantitate, Bonitas sine qualitate, Pulchritudo sine figura, Duratio sine tempore, Extensio sine loco, Substantia sine accidente, Forma sine subiecto, Omnia sine numero, Principium sine fine. Quidquid es, sine ævo es, purissima Puritas, perfectissima Perfectio.

Modi prædicti concipiendi & extollendi DEUM, possunt etiam accommodari Christo D. & Matri ejus: ut consideranti facile patebit. *Usus hujus*

Exercitij esse potest. 1. Ad evitandum fastidium, si semper eodem modo de dictis personis agamus. 2. Ad concipiendam de ipsis æstimationem dignam ipsis; qua nimirum appetitur, atq; extollatur DEUS & Christus *super omnia*, quæ non sunt DEUS, DEIPARA V. autem super omnes cæteras creaturas. 3. Ad concipiendos varios, ipsis congruos affectus: v. g. Admirationis & Gaudij de tam eminente excellentia ipsorum: Desiderij ut ab omnibus, super omnia, sine fine amentur, & honorentur &c. 4. Ut vilescant nobis bona creata: siquidem infinitè meliora habemus in DEO, J. & M. 5. Ut ex creaturis, propter nos à DEO conditis, hunc ipsi quasi vestigalem deferamus fructum: quod ex ipsis occasionem sumamus dignè æstimandi, extollendi, & amandi DEUM; adeoq; illas ad proprium suum & nostrum Finem ultimum convertamus.

IX. IANVARII.

De DEO J. & M. exaltandis ob beneficium Christi nati & manifestati.

1. **A** Dora DEUM O. M. & considera eum, ut *Magnum Dominum*: cujus magnitudinis non est finis; cujus gloria inenarrabilis, potentia insuperabilis, opulentia indefectibilis, majestas incomprehensibilis: cujus mancipia sunt omnes Reges terræ; Satellites, omnes tenebrarum potestates; aulici, omnes Principes cæli. Magnus omnino Dominus, & laudabilis nimis! Benedicentes igitur Dominum exaltate illum, quantum potestis: major enim est omni laude. Exaltantes eum: replemini virtute; ne laboretis; non enim comprehendetis. Ecclæ 45. Eja viles terrigenæ! quin superbimus tali Domino? quin curamus illi in anxioribus esse?

2. **A** Dora V. JESUM & considera eum, ut *parvum*, imò *parvulum* Dominum: nec tripalmæres cunas implet, pro aula illi est pecudum caula; stipatores bos & asinus, thronus præsepe: thesauri paupertas. Quomodo tantus decrevit gigas! quis tantas deprædatus est opes! quis tantam subegit potentiam? quis sic exinanivit, & contemptui objecit magnum illum Dominum, & laudabilem nimis! Amoris hoc facinus est, & amoris erga me servum nequam. O verè parvus Dominus & amabilis nimis! Quanto pro me vilior: tantò mihi ohrior!

3. **V**enerare DEIPARAM V. & considera eam, ut *universi Dominam* titulo maternitatis Divinæ: sed *humillimam*, quæ cæli terræq; Regem paritura, non ingessit se Principum aulis aut Magnatum domibus, sed in graveolens & malè sartum stabulum se recepit. At numquid inde vilior: imò insuperabiliter venerabilior. Propter quod & DEUS exal-

tavit

tavit illam, ut omne genu, quod curvatur Filio, crevetur & Matri. En
 tres Orientis Reges plantis ejus affusos! O humillima Augusta; & meam
 pedibus tuis arrogantem subiterno cervicem: dignare illam victorioso
 calcaneo tuo, ut nunquam amplius assurgat tumida.

Propositum v. g. de colendis DEO, f. & M. cultu quàm humillimo; v. g. N.

LECTIO PRACTICA.

*Quomodo DEUS cognoscendus & exaltandus ex mysterio Christi nati,
 & manifestati.*

Non solum DEUS se nobis manifestavit & manifestat per productio-
 nem creaturarum tam variarum tamq; speciosarum: sed insuper per
 continua beneficia, & benignissimam ordinationem illarum in usus nostros.
 Unde Apostolus Act. 14. prædicans Lystris, dixit: *Non sine testimonio se-
 me ipsum reliquit (DEUS) benefaciens de celo, dans pluvias & tempora fru-
 ctifera, implens cibo & læticia corda nostra.* Tam luculenta, benigna, uni-
 versalis, perpetuaq; providentia & beneficentia, quid aliud clamat & te-
 statur? quàm præsentis magnæ huic domui Maximum quendam Optimuq;
 Patremfamilias & Principem, qui in tempore opportuno aperit manus
 suam, & implet omne animal benedictione; cui nec potestas, nec voluntas
 benefaciendi omnibus & singulis, deest; cujus promptuaria nec deficere,
 nec exauriri unquam possunt; qui largissima liberalitate non solum ne-
 cessitati, sed etiam honestæ voluptati & jucunditati subditorum prospice-
 re, amat.

Sed præter est longè luculentius & locupletius testimonium aliud Divi-
 næ Magnitudinis, Bonitatis, & omnigenæ Excellentiz. Infans JESUS,
 nuper Virgine Mâtre natus, Angelorum lingvis prædicatus, novi sideris
 lumine manifestatus, longè disertius testatur: quantus sit in inenarrabilibus
 perfectionibus suis DEUS. Prædicat Bonitatem & Charitatem ejus omnino
 infinitam. Si enim finita esset, tam malos, ac sunt homines, amare, & sic
 amare non potuisset. Extollit Clementiam ejus infinitam. Sæ enim finita
 esset, tam graves, & numerosas sui offensas condonare non potuisset; &
 præter condonationem, Filium in pignus plenæ reconciliationis non do-
 nasset. Celebrat Sapientiam ejus infinitam, qua Justitiam suam cum Mi-
 sericordia conciliavit; & infinitam vilitatem nostram cum infinita Maje-
 state sua hypostaticè in corpore suo infantili copulavit. Inculcat rigorem
 Justitiæ ejus, quæ pro humano delicto satisfactionem non admittit, nisi ab
 Homine-DEO. Sed magis commendat, & superexaltat infinitam Mis-
 ericordiam ejus, quæ pro servorum ex infinita miseria redemptione, Filium

Unigenitum tradidit in mortem. Exhibet Omnipotentiam, quā Virginem, Viri nesciam, fecundavit; prolem, salvo Virginitatis signaculo, in lucem emisit; stellam novam, DEI nati præconem, in Oriente accendit. Secretissimum Divinæ Trinitatis aperit arcanum, dum cernitur Unigenitus æterni Patris, ante sæcula genitus sine Matre, natus in fine sæculorum, virtute Spiritus Sancti, ex Virgine Matre.

Alia quoq; Attributiones & perfectiones divinæ tam mirabili specie elucet in hoc Infante: ut oculos mentis prorsus obruerent, nisi altiore Fidei lumine roborarentur. Nam ut notavit S. Bernardus hom. 2. super Mis-
*sus: Ibi agnoscitur longitudo brevū, latitudo angusta, altitudo subdita, profunditas plana. Ibi agnoscitur lux non lucens, Verbum infans, aqua siccus, panis esuriens. Videas, si auenda; potentiam regi, sapientiam instrui, virum su-
 fferari, DEUM deniq; lactentem, sed Angelos reficientem; vagientem, sed mi-
 seros consolantem. Videas, si auendas, tristari letitiam, pavere fiduciam salutem
 pati, vitam mori, fortitudinem infirmari. Sed quod non minus mirandum est:
 ipsa ibi cernitur tristitia letificans, pavor confortans, passio salvans, mors vivi-
 ficans, infirmitas roborans. Profecto Magnus est in parvo JESU DEUS!*

Præterea in Christo nato apparet clarissimè: quantopere DEUS oderit peccatum; siquidem ad illud tollendum, & obijciendum odio hominum implacabili, Filium suum innumeris gravissimisq; ærumnis & morti subjecit crudelissimæ. Elucet, quantopere amet virtutes, præsertim ignotas, vel non æstimatas & neglectas a mundo, Humilitatem, voluntariam Paupertatem, Virginalem Castitatem; heroicam Obedientiam, assiduam suā Mortificationem & Abnegationem &c: quarum splendidissimam ideam non solum proposuit in Christo, sed ipsum Christum, ut validissimum proposuit argumentum, ad persuadendum nobis earum amorem, & frequens exercitium. Unde intelligimus, quod Apostolus Hebr. 1. dixit: *Multifariam, multisq; modis olim DEUS loquens patribus in Prophetis; novissimè diebus istis locutus est nobis in Filio.* Nam non tantum per Filium prædicantem locutus est, sed etiam in Filio; siquidem secundum totam substantiam suam est Verbum Patris, & Divinitate & Humanitate sua, omnibusq; suis perfectionibus docens nos: Quis, Qualis & Quantus est DEUS, quantove dignus cultu, amore, & timore. Quod quia Christus, etiam Infans, facit disertissimè & luculentissimè: non solum ab Apostolo, & alibi, appellatur Verbum; sed etiam Sermo. De ipso enim Patres, & Interpretes passim, intelligunt illud Heb. 4. 12. *Vivus est enim Sermo DEI & efficax.* Accedit: quod non solum sit Verbum & Sermo Patris Christus; sed etiam viva,

& abso-

& absolutissima ejus *Imago* 2. Cor. 4. 4. idq; tam ut DEUS, quàm ut Homo.

Ex his colligimus: quibus oculis à nobis aspici oporteat sive Imagines Infantis Christi, sive Species Eucharisticas: quibusve auribus accipi SS. Christi, seu JESU, nomen. Grande enim representant objectum; in quo, admirando compendio, totus relucet Infinitus DEUS. O si oculos haberemus utriusq; Francisci, Seraphici & Borgiæ: quàm Magnum & Mirabilem in parvulo Infante suspiceremus DEUM! O si aures haberemus Bernardi & Bernardini: quod nectar, quos thesauros, quas mentis iniecebras, quæ cordis gaudia nobis sonaret JESUS! Ceterum quantis quantis possumus viribus, magnificemus, exaltemus & superexaltemus Magnum in parvulo Filio DEUM. Magnus Dominus: & Laudabilis nimis! Parvus Dominus: & Amabilis nimis!

X. JANUARIIL.

De DEO ut Patre luminum, Christo ut Luce mundi, DEIp. V. ut Aurora lucis Divine.

1. **A** Dora DEUM O. M. & considera eum, ut Patrem luminum Jacob: 1. tam eorum, quæ fulgent in cælis, quàm quæ micant in terris, radiant in mentibus; quibus fides illustratur, spes roboratur, charitas fovetur, beatitudo æterna obtinetur, DEUS ipse possidetur. Quis non palpet etiam in meridie, nisi ab eo illustretur? quis non Ægyptiam patiatur noctem, nisi super nos Lumen vultus ejus signetur? Non Conditor solum, sed Pater luminum dicitur: quia paterna, id est Liberalissima, manu ea spargit. Ah amplius, amplius illumina nos Domine, filios tenebrarum. Non uno opus est lumine, quia multæ contexerunt nos Tenebræ variorum errorum.

2. **A** Dora D. JESUM, & considera eum, ut admirabile Lumen ad revelationem gentium exortum. Luc: 2. quo nimirum illis, in profunda nocte idololatriæ constitutis, revelaretur verus DEUS, & mysteria à sæculis abscondita. Ipse est, ante annos 700. per Isaiam cap: 42. promissus in fœdus populi, & in Lucem gentium ut aperires oculos cæcorum; & educeres de conclusione vinculum, de domo carceris sedentes in tenebris. Exorere, Exorere! etiamnum ô lux mea; & noli tardare, illumina faciem tuam super gentes, quæ te adhuc non noverunt!

3. **V**enerare DEIpam V. & considera eam, ut optatissimam & pulcherrimam divinæ Lucis Auroram. Longa complurium sæculorum nocte

nocte luctabatur quodammodo cum homine DEUS, ut olim cum Jacob Gene: 32. & contra Omnipotentem reborabatur homo, pervicaci animo non cedens internis & externis impressionibus illius: at ubi Aurora hæc ascendit usq; ad dignitatem Matris DEI, quasi victus DEUS benedixit hominibus in benedictionibus suis: & largissima luce miserationum suarum perfudit totum genus nostrum. O Aurora desideratissima, quid tandem fiet de late iterum offusa nocte hæreseos & Ethnicæ superstitionis? Quando plenum paries diem divinæ lucis, ut certius cognoscamus omnes, & fidelius faciamus in omnibus Voluntatem Domini?

Proposui u. g. de sapiens percendo celesti lumine: præferim tempore N.

LECTIO PRACTICA.

De duplici Lumine nobis imprimis necessario.

Vt illuminando Mundo majore duplicem condidit Ignem Creator DEUS, Elementarem & Sidereum: ita perfecte illustrando mundo minore, Homine, duplex providit Lumen, Naturale & Supernaturale. Naturale congenitum sibi habet Intellectus noster, ejusq; veluti radios spargit prima quædam principia, aliq; dictamina, quibus in operando dirigimur. Supernaturale descendit à Patre luminum DEO, & Filio ejus, illuminante nos, opportuno tempore, specialibus illustrationibus & inspirationibus; hæc quibus cæcitat intellectus noster etiam in meridie luminis naturalis. Lūz igitur Mens hominis similior est, quàm soli, Quàmvis enim nativa quadam gaudeat luce, ea tamen tam est tenuis, & debilis; ut illustrandæ nostri hujus vitæ nullatenus sufficiat, sed altiore majoris luminis egeat lumine, quo perficiatur.

Duplici porro vel maxime indigemus lumine, cœlitus nobis affundendo; quorum altero illustremur ad cognoscendum, ut par est, DEUM; altero illuminemur ad cognoscendos nos ipsos. Defectus alterutrius harum cognitionum fatalis est: quò autem perfectiores fuerint, eò plus participabimus de solida & cœlesti sapientia, minusq; in via offendent pedes nostri. Unde illuminati Doctoris, S. Augustini in soliloq. c. 1. frequens & ardens votum fuit, atq; precatio: DEUS semper idem, Noverim te, Noverim me. S. Franciscus Seraphicus apud Rodriq. p. 2. tr. 2. c. 9. perdidit & pernox hac occupabatur cogitatione: Domine, quis sum ego, & quis tu? S. Catharina Senensi (apud Surium in Vita) dixit Christus: Fili a: si noveris, Quis ego sum, & quæ in sis, beata eris. Ego sum, qui sum, in os, quæ non es. Hac cognitione freta, facile conseres omnes laqueos inimici. Opportune monuit & S. Bernardus serm. 37. in Cant: Noveris te, ut DEUM

timeat. Noveris & ipsum, ut aque (prout æquitas exigit) ipsum diligas. In altero inittaris ad sapientiam, in altero consummari. Quia inimum sapientie timor Domini est; plenitudo legis est Charitas. Tam ergo utra; ignorantia (& DEI, & tui) cavenda tibi; quàm sine timore & amore DEI salus esse non potest.

Est equidem aliqua DEI notitia cum ipsa mente, seu natura rationali, nobis insita: & cum ipsa rationalis animæ infusione. signatum est super nos lumen vultus divini, ut ignorari non possit; ea tamen notitia admodum imperfecta est, & insuficiens ad excitandum salutarem DEI timorem amoremq;. Quidquid enim nobis conducit ad dignum DEO exhibendum cultum, & obtinendam vitam æternam; non solius naturæ naturæ parius esse debet, sed primario Gratia divinx, qua intellectus & voluntas eleventur, illuminentur, moveantur ad operationem tam sublimi fini proportionatam. *Non sumus sufficientes cogitare aliquid ex nobis, nisi ex nobis;* docet Apostolus 2. Cor. 3. (quod scilicet nobis profit ad salutem, & DEUM moveat ad præmium) *sed sufficientia nostra ex DEO est. Ipsius solus* est, illuminare tenebras nostras, & dissipare crassissimam noctem, tum originali culpa, tum actualibus peccatis inductam animæ nostræ. Solius est, mentem aliduo creaturarum occurſu distractam, cor terrenis curis & negotijs occupatum, per immensam cœli lucem sibi vindicare, atq; ad se contemplandum amandumq; convertere.

Latissima est differentia inter Naturalem & Supernaturalem DEI notitiam. Illa se habet ut lumen candelæ: modicum adfert lucis, nihil caloris, vel specialis operationis: hæc ut radius meridiani solis, & illuminans, & calefaciens, & accendens, & mira operans in intimis usq; & frigidissimis visceribus terræ. Illa instructi fuerunt gentiles Philosophi, & etiamnum non carent Acatholici, & degeneres Catholici; sed cum cognovissent DEUM, non sicut DEUM glorificaverunt. Rom 1. hac illustrati persecutor Saulus, publicanus Matthæus, peccatrix Magdalena, patibularius latro, innumeriq; alij, non solum DEUM agnoverunt JESUM; sed ipsius honori & amori sese per omnem vitam impenderunt, & superimpenderunt. Non ergo lumen naturæ, sed Dominus illuminatio mea ad salutem. Ab ipso petendum instanter: ut *illuminet vultum suum super nos*, largoq; nos lumine perfundat; non quo arcana Divinitatis, aut naturæ abdita scrutemur curiosi, sed quo ducamur in religiosiorem ejus cultum, timorem & amorem. Noscamus ipsum ut germani filij amantissimum Patrem; ut observantissimi servuli benignissimum Dominum, ut subjectissimæ creature

DEUM

DEUM nostrum & Omnia.

Cognitio nostri ipsorum quam nobis necessaria est: tam necessarium est ad ipsam speciale Lumen Divinum. Necessitatem talis cognitionis multis proponunt, non solum SS. Patres & Ascetæ, sed gentiles etiam Ethici. *Frustra cordis oculum erigit ad videndum DEUM, qui nondum idoneus est ad videndum se ipsum. Precipuum & principale speculum ad videndum DEUM, est animus rationalis inueniens se ipsum:* inquit Hugo lib. 3. de anima. Scio neminem absq; sui cognitione salvari: de qua nimirum mater salutis Hamilitat oritur, & Timor Domini: qui & ipse sicut initium sapientiæ, ita saluus est: ait S. Bern: ferm: 37. in Cant: *Nunquam eris devotus & internus: nisi de alio sis situeris, & ad te ipsum specialiter respexeris:* monet Kemp: l. 2. c. 5. S. Francisus Xaverius dicere solebat (l. 4. Vitz c. 21.) eos, qui in virtutibus sincerè progredere cupiunt: in sui cognitione diu multumq; versari, oportere. Plato in Philæbo, Ignorantiam sui vocabat genus improbitatis universæ: nosse autem se ipsum, esse absolute sapere; ab eo omnem vitz sapientiam justitiamq; pendere. Xenophon affirmabat eum, qui se ipsum ignorat, neq; ad regimen sui, neq; ad familiæ & reip: gubernationem aptum esse. Seneca ep. 83. Hoc nos pessimos facit: quod nemo vitam suam respicit.

Ad tam necessariam nostri Cognitionem necessarium omnino esse Lumen Divinum, docet meritò S. Gregorius l. 31. Moral. *Cognoscere,* inquit, *se non potest Anima, que tota apud se non est* (effusa nimirum ad externa negotia) *nisi etiam divine luci appropinquet.* S. Basilii in Hexam. lib. 9. fatetur disertè: *Revera omnium causarum difficillimum est, se ipsum cognoscere.* Non enim solus oculus, ea, quæ extrinsecus habentur, inspiciens, se ipsum non valet intrinseci: sed etiam mens ipsa, satis acutè aliena delicta conspiciens, tardior est erga suorum cognitionem. Ratio est: tum quia, ut ait Jeremias c. 17. 9. *Pravum est cor humanum & inscrutabile: quis cognoscat illud?* tum quia ad aliena gesta & gerenda accurate notanda libentius convertimur: tum quia ad alia negotia effusi, nec temporis aliquid nec laboris impendere volumus cognitioni propriæ; quamvis Omnium disciplinarum pulcherrima & maxima sit, *N se se ipsum:* teste Clemente Alex: lib. 3. Pædag. tum deniq; quia Amor proprius facile nobis fucum facit, & dicta factaq; propria, inclinationes quoq; & intentiones nostras passim nobis exhibet specie prohibitæ vestitis. Sed erit: quando larvam nobis & actibus nostris detrahet DEUS. *Arguam te, & stannam contra faciem tuam.* Psal. 49. S. Hieronymus legit: *Proponam te ante oculos tuos. Antè vilitatem tuam non agnoscebas, & superbiisti: carnis seductam non reverteberis, & eam fovisti &c.*

Statum

Statuam te ante faciem tuam; proponam te ante oculos tuos: ut videas te lenonem turpissimum, hypocritam insignem, monstrum informe, diabolo, una solum noxa fedato, pejus &c.

O Domine, nunc, nunc Noverim Te, noverim Me: ut diligam te, oderim me. Da gratia tuum lumen uberius, sine quo non asumo Te, extollo me; ut lapsum graviore ruam.

XI. IANUARI.

De DEO, Christo & DEIp. V. ut Luminibus ad revelationem Gentium.

1. **A** Dora DEUM O. M. & considera eum, ut novorum trium Patriarcharum DEUM: Melchioris, Gasparis, & Balthasar: sicut olim, praesertim Exod: 3. amabat dici, *DEUS Abraham, DEUS Isaac, DEUS Jacob*. Ex omni natione, quae sub sole est, elegit Triumviros illos Orientales, & vocavit ex gentibus primos in admirabile Lumen suum; ut non solum per fidem sed oculis Corporis viderent salutare DEI, & fierent Patres multarum gentium, imò omnium ex gentibus credentium. Gaudes toto corde, mi DEUS, & immortales tibi ago gratias pro tam splendida & efficaci vocatione horum Patrum nostrorum. At tum demum gaudium meum plenum erit, ubi ad te venerit plenitudo gentium, ut magnificeris ab omnibus, & in omnibus solus DEUS.

2. **A** Dora D. JESUM, & considera eum, ut Regum Magistrum adhuc in cunis. Iam tunc cumulata implevit, quod de ipso dictum fuerat: Isaia: 55. *Ecce testem populus dedit eum, aucent, & Praeceptorem gentibus*. Docebat autem non ore disertio, sed facundo vagitu, lachrymis, vilibus panniculis, membris infantilibus, sceno, praesepi, Amorem DEI erga homines; hominum vanissimum fastum, meram omnis mundanae gloriae vanitatem, alia DEI, alia hominum esse judicia &c. Gratulor tibi Sapientissime Infans istos quam illustres, tam dociles discipulos, Regum Triadem. Loquere nobis & nunc ex cathedra praesepis tui verba salutis ut omnis pompa mundi vaneat in nihilum. Doce etiamnum gentes per viros Apostolicos, & da voci eorum Vocem Virtutis.

3. **V**enerare DEIpam V. & considera eam, ut Primam gentium Praedicatoricam. Ipsa enim Sanctis illis Regibus prima praedicavit Evangelium; quod Pastoribus Hebraeis, nuper praedicant Angeli, evangelizantes illis gaudium magnum ob natum Salvatorem. Ipsa illos plenius instruxit de Stella oritura ex Jacob, juxta Vaticinium celeberrimum Balaam Num: 24: *de non auferendo sceptrum ex Juda, donec veniret, qui*

mittendus erat &c. Et erat mirabilis suavitas in labijs, virtus in verbis; quæ illuminaret mentes, accenderet corda. Gratias tibi immortales, & Gratiofissima, pro illa Patriarcharum nostrorum instructione. Instrue etiamnum & expedi idoneos Evangelij Prædicatores, præsertim in terra SS. illorum trium Regum, in quibus sordidissimus regnat Mahomet.

Proposium v. g. de strenua cooperatione ad conversionem Infidelium, præsertim per medium N.

LECTIO PRACTICA

Incumbendum omnibus in conversionem Gentium, aliorumq; Infidelium.

Quod de se ipso scripsit Apostolus Rom. 1. 14. *Græcis ac barbaris, sapientibus & insipientibus debitor sum* (ut scilicet me impendam ipso- rum conversioni ad Christum) id ad se quoq; quodammodo pertinere, fidelium quilibet existimet. Falluntur, qui censent; hanc curam & laborem solis incumbere Personis Ecclesiasticis aut Religiosis: sæcularibus autem sufficere, si propriarum animarum saluti prospiciant. Audiant, quæ prædicat Ecclesiasticus c. 17. 12. *Mandavit illi, DEUS hominibus, Unicuiq; de proximo suo.* Quid porro mandavit? Inprimis id, quod continet secunda Tabula Decalogi: ne aliquam proximo inferamus injuriam sive circa personam, sive circa res ipsius. Insuper id, quod præceperat Levit. 19. 18. & renovavit Christus Matt: 22. *Diliges proximum tuum sicut Te ipsum.* Formam, normam, & mensuram dilectionis proximi non aliam voluit, quam Amorem erga nos ipsos.

Quomodo autem diligit proximum, sicut se ipsum: qui de propria duntaxat salute sollicitus est, de aliena ne cogitat quidem? Quomodo diligit proximum sicut se ipsum: qui mavult omnia amittere, quam temporalis vitæ suæ jacturam facere; sinit autem incurris tot centena infidelium millia æternum perire; nec subvenit, cum facile possit? Quomodo implet præceptum, simile præcepto primo & maximo in utraq; lege: imò quomodo implet ipsum primum & maximum præceptum de diligendo DEO ex toto corde, totâ animâ, totis viribus: cui cura nulla est de Animabus sic DEO dilectis; ut Filium suum in pretium redemptionis tradiderit pro ipsis? *Quomodo quis potest dicere, inquit S. Bonaventura in Pharetra Divini Amoris p. 2. c. 1. se diligere DEUM, & ejus amorem appetere; quæ ejus imaginem videt in sterquilinio jacere, & non curat? Aut qui pretiosissimum ejus opus, unice ipsi dilectum, videt jam jam injici in rogam ardentem; & non eripit, cum facile possit? Suspectus est; imò nullus est Amor DEI, qui non habet individuum socium Amorem proximi.*

Hoc argumento S. Julianum Acacius, Eusebium Ammianus extraxerunt ex eremo ad animarum conversionem, teste Theodoro in Relig. hist. c. 2. & 4. Dic mihi Pater, inquiebat Acacius ad S. Julianum: quam de causa totum hunc laborem & xrumnas toleras? Cum is respondisset: Amore DEI super omnia mihi dilecti. Si DEUM tantopere diligis: reposuit Acacius: sciendum tibi est, quod Christus demandavit Petro, iterum iterumq; contestanti suum erga eum amorem; *Pasce oves meas; Pasce Agnos meos.* Est enim proprium amantium, illa facere, quæ dilecto sunt grata. Periculum autem est præsens: ne oves, Christo tenerrimè amantè intereant à lupis, ni accurras ad arcendos. Similiter Eusebio magni nominis eremicolæ, profitenti se amore DEI & salutis suæ xrumnosam vitam agere, reposuit Ammianus. Næ tu reus eris nimij in te amoris, & exigui in DEUM Charitatis: qui non satisfacis Legi, jubenti Proximum amare, ut te ipsum.

Premuntur miseræ barbararum gentium Animæ gravissimo jugo diaboli, versantur in extremo damnationis æternæ periculo: vel hominem non habent, qui Verbum salutis ipsis prædicet, & in viam vitæ deducat; vel tam obtuso sunt intellectu, ut zgerrimè divina capiant; vel moribus ita sunt depravatæ in illa barbarie, ut feris magis, quàm hominibus sint similes. Miseret nos captivorum compluribus annis in obscurissimo carcere squalentium; miseret paralyticorum in grabato suo putrescentium, nec hominem, qui erigat, habentium; miseret cæcorum jam hic, jam ibi impingentium, & mox inter præcipitia periturorum. Incomparabiliter pejor est conditio nationum, vera fide destitutarum: & non miserebimur? Ut olim Act: 16. Vir Macedo sollicitavit Apostolum: Transiens in Macedoniam, adjuva nos: ita Pater Joannes de Attienca S. J. inter ardentius orandum Vallisoleti, Indum suis humeris insidentem sentire sibi visus est, & audire dicentem: *Veni, & juva me. Veni, & juva me.* Ivit impiger in Peruviam, & jovit strenuè. Si auscultamus: audiemus subinde & nos miserabiles hujusmodi voces; utinam exaudiremus, & juvaremus pro modulo nostro!

Dicent non pauci: Se quidem intima commiseratione tangi; sed modum non videre, tales animas juvandi. Præstunt enim alij conjugalem statum, aut sexum aut valetudinem debiliorem; alij alligationem ad certa beneficia Ecclesiastica, vel claustra religiosa &c. Respondeo omnibus: Volenti non deerunt modi juvandi. Varij enim sunt & paratiores modi juvandi proximum in spiritualibus, quàm à ju-

XX. JANUARI.

217

vandus esset in temporalibus. Si alia media non adsunt: *Manent tria* *hec*, inquit S. Bernardus ep. 201. *Verbum, Exemplum, Oratio.* Major *an-* *tem* *hæc* *est* *Oratio*: quia & voci, & exemplo gratiam impetrat & efficaciam. Quod si nec verbo prædicationis, nec exemplo probæ conversationis juvare possis animas sive ob locorum distantiam, sive ob alias causas: nunquam decuit potest Orationis copia; semper erumpere licet in ardentia desideria & suspiria ad DEUM pro impetrando ipsis cœlesti lumine, & idoneis prædicatoribus: semper & cuivis licet offerre in hunc finem divina sacrificia, mortificationes varias, labores, aliaq; bona opera.

Insigni exemplo est trias Sanctarum Virginum, Christina dicta Mirabilis, Theresia & Maria Magdalena de Pazzis. *Christina*, ut habet Surius in vita 23. Junij, pro peccatorum conversione acerbissimas suscipiebat pœnas & tormenta. Præter jejunia, corporis castigationes, morborum gravissimorum tolerantiam, volutabat se in spinis, conjiciebat se nunc in nives & glaciem, nunc in arduos clibanos, nunc in rotas molendinorum &c. suffragante ipsi divinâ Omnipotentia: ut & pateretur acerbissime, & novis tormentis maneret superstes.

S. Theresia, tenerioris adhuc ætatis puella Evangelium Mauris prædicatura, clam domo aufugiens trajecit in Africam; ubi vitam pro animarum salute & Christo profunderet. Sed retracta à suis, impedimentum sexus alijs pijs operibus & industrijs largè compensavit. Graves pro infidelibus alijsq; peccatoribus suscipiebat corporis cruciatus, arduos fundebat preces, & domesticis omnibus hoc studium prolixè commendabat. eos vel maxime æstimabat DEI servos & amabat; imò quodammodo ipsis invidebat: qui in juvandis proximorum animabus occupabantur. Si aliquis talium ægrotaret: peculiariter pro eo supplicabat, ut quanto citius convalesceret. Si quem virum Apostolicum obisset, audiret: etsi non esset ad planctus feminarum proprios proclivis, tamen magno sensu doloris multas fundebat lachrymas ob ejus jacturam; quæ audita Fratris sui morte ne unâ lachrymulâ ei parentavit. *Jepesius in ejus vita l. 3. c. 28.*

S. Maria Magdalena de Pazzis in hoc genere vix parem habuit. Peculiari devotione prosequabatur eos Ordines Religiosos, qui ex particulari instituto dediti sunt procurandæ animarum salutis. Cum audiret legi vitam S. Francisci Xaverij S. J. & literas Japonicas infidelium conversionem reserpscentes: videbatur deficere præ desiderio manendi in illis regionibus, & cooperandi, etiam cum sanguinis profusione, prædicatoribus Evangelij. Invidabat aviculis, quæ possent volare, quò vellent. Etiam dormi-

ens

Eas somniabat & loquebatur de conversione infidelium. Ut autem non sterilis esset hic zelus: offerebat identidem pro ipsis sanguinem Christi, applicabat opera Religionis, preces, Communiones, & multas afflictivas pœnitentias. Hoc ipsum commendabat Monialibus, præsertim suæ curæ commissis. Ideo sæpè manet, dum eas congregaret ad labores, vel alia exercitia Monasterij, dicebat: Offeramus DEO pro conversione animarum omne id, quod hodie faciemus. Vel: Petamus à DEO tot animas, quot passus faciemus per monasterium. Vel: Rogemus, ut tot DEUS animas convertat, quot verba proferemus recitando Divinum Officium. Dum acu laborarent: Petamus tot animas, quoties acu filum traducemus. Dum abluerent vestimenta linea, exhortabatur ad petendas tot animas, quoties manus aquæ immergerent. Nec ulla hora transibat, quin aliquo verbo vel facto ostenderet continuum hoc desiderium salutis animarum, quo planè consumebatur, nec ullo exercitio ab ejus memoria distrahebatur. Ex eodem desiderio petebat à DEO infirmitates, tribulationes, & omnia mala pœnalia, quæ peccatores merebantur: optabat mori millicies, totiesq; redire ad vitam & rursus eam profundere pro salute animarum: obtulitq; se DEO etiam ad inferni pœnas sustinendas pro animabus, si id DEO placeret. Exaudiebat illam subinde DEUS aliquatenus, immittendo gravissimas infirmitates & dolores acutissimos per aliquot hebdomadas & menses. Ipsa autem dicebat: hoc pati esse sibi solatio, & vocabat *Tenam gloriosam*: nihil autem pati pro conversione animarum esse sibi gravius quibusvis tormentis. *Lancicium tom. 2. Opus. 13. l. 3. n. 341. et Vita Sanctæ.*

Nonne hic Apostolicus est spiritus? Non poterunt Viri, quod præstiterunt scemellæ? O quot animarum conversiones pertinebunt potius ad hujusmodi devotos, vel devotas; quàm ad prædicatores, catechistas, & Confessores: quemadmodum victoria Israelitarum de Amalecitis, magis pertinebat ad Moysen orantem, quàm exercitum præliantem. Exod. 17. *Cum enim negotium animarum convertendarum supernaturale sit: orationibus, lacrymis, gemitibus magis ipsum consequimur, & peragimus, quàm verbis & operibus:* inquit Rodriguez noster tom. 3. tr. 1. c. 9.

XII. JANUARI.

De Affectu DEI, J. & M. erga Primitias gentium, 35. 3. Reges abeunt.

Adera DEUM O. M. & considera paternam ejus curam circa ademptores Filij sui SS. Magos. Ne cum Hierosolymam reversi,

passi:

paterentur aliquid incommodi, ab Herode, Tyranno ambitionissimæ, monstrata eis in somno aliâ, per quam redirent, via, Angelis eorumque profecti sunt in pace, feliciterque redierunt ad propria. Præsto est DEUS facere quærentibus se, eosque sub tegm. ne alarum suarum ducit ac reducit. O Domine! & meas vias in s. luis toæ prosperitate dispone, ut inter omnes viæ ac vitæ hujus varietates, tuo semper protegi merear auxilio.

2. **A** Dora D. JESUM & considera quibus affectibus abeuntes hospites suos sit profectus; quibus & quam copiosis donaverit gratijs, impleverit solatijs. Lingvæ officium præstabant ocelli, e quibus promittentes radij clare monstrabant; quid ipsis vellent Parvulus Emmanuel, quam propitijs ipsis semper esset futurus. At illi his illecebris illecti aut potius absorpti penitus, ægri sibi imperabant; ut pedem efferrent. Quis enim cum invenerit, facile relinquat tantum bonum? Et mihi adharere tibi bonum est, ô Parvule gratiosissime? & quò ibo a te?

3. **V**enerare DEIPARAM V. & considera; quibus verbis & affectibus illi dixerint Vale, SS. Reges; quibus ipsa responderit vicissim valedicentibus. Egerrimè avulsi a Filio (si tamen avulsi) & ecce in alijs se se deprehendunt vinculis, injeclis nimirum a Matre gratiosissima: e quibus cum expedire se non possent (nec expediebat) cum ipsis dimissi sunt in pace, JESU & MARIE cum tota ditione sua æternum obstricti. O Amor! Amor! en manus, pedes, & cor ipsum; liga, adstringe æternum JESU & MARIE?

Propositiu v. g. de Infidelium aliorumque peccatorum conversione pro viribus promovenda, presertim per mediu N.

LECTIO PRACTICA.

Quàm gratum sis DEO studium convertendi Infideles aliorque peccatores.

Affectus, quo DEUS, JESUS & MARIA primitias gentium, tres Reges Orientales, exceperunt advenientes, & profecti sunt abeuntes; non obscure indicat; quàm grata illi sit conversio gentium; quàm clarè, qui illam pro viribus promonent. Non desunt & plura alia argumenta, dilucidè testantia: quàm gratum sit superis hoc studium.

De S. Francisco scribit S. Bonaventura in ejus Vita c. 12. quòd cum dubitaret: an Orationi pondus, quàm prædicationi sibi vacandum esset; Fratrum sententias exquisierit. Siquidem ego, inquiebat, simplex & imperitus sermone, majorem orandi accepi gratiam, quàm loquendi: videtur etiam in oratione luxum, & cumulatio gratiarum: in prædicatione distributio donorum cœlitus acceptorum: in oratione etiam purificatio

inter.

interiorum affectuum, & unitio ad unum summum & verum bonum cum vigoratione virtutis: in prædicatione spiritualium pulverizatio pedum, distractio multa & relaxatio disciplinæ. Tandem in oratione DEUM alloquimur, & audimus, & quasi vitam Angelicam agentes inter Angelos conversamur: in prædicatione multa oportet uti condescensione ad homines; & humane inter eos vivendo humana cogitare, videre, dicere, & audire. Sed unum videtur præponderare his omnibus ante DEUM: quod Unigenitus DEI Filius propter animarum salutem de sinu Patris descendit; ut suo mundum informans exemplo, verbum salutis hominibus loqueretur. Et ideo videtur magis DEO placitum, quod intermissa quærite, foras egrediar ad laborem. Ita ratiocinabatur Franciscus in corona Fratrum inorum. Sed cum auditis sententijs, nihil certi statuere potuisset: confugit ad preces S. Claræ, aliorumq; sui Ordinis, sanctitatis nomine celebratum: a quibus cum rescivisset, DEI voluntatem esse, ut prædicationi potius se impenderet: continuo succinxit se, & cum tanto fervore iter ingressus est, quasi facta manu DEI super eum, novam induisset virtutem e caelo.

P. Thomæ Darbispheo S. J. Anglo, cum post carceres causâ fidei toleratos, nutaret inter Carthusiam, & Societatem JESU amplectendam, remq; DEO per orationem commendaret: adfuit vir, clausis januis ingressus, dixitq;: Tu quidem Carthusianus si eris, salutis tuæ consulens; sed ubi futurus es proximus? Sic ille Societatem inijt, atq; in ea strenuè animarum salutem promovit. *Nadasi in Anno dier. Mem: S. J. 6. April.*

De quodam ex Ord. S. Francisci Religioso (P. Alphonso de Roza) scribit Rodriguez noster in Exerc. Perfect. tom. 3. tr. 1. c. 6. cum post multos annos in conversione Judorum laboriosè actos, in Hispaniam remigrasse; ut magis recollectus se ad mortem, quam gravior ætas vicinam indicabat, disponderet. Verùm quoties orationi insisteret, videre sibi videbatur Christum JESUM in cruce fixum, & blanda quadam exhortatione dicentem: *Cur me in hac cruce reliquisti, inamq; jam quiescem & consolationem sectaris?* Qua voce & visione permotus, redijt sine mora in Indias ad animarum conversionem & culturam. Optima ad mortem dispositio est constans pro DEO & animabus labor: pretiosa mors talium operatorum. Nostro quoq; P. Didaco Martinez inter orandum Crucifixus JESUS salutem Indorum commendavit: quàm Didacus multis magnisq; laboribus egregiè promovit, admirandis folatijs inter colloquia cum SS. Trinitate, DEIpara V. & Angelis, recreari solitus. *Nadasi in Anno dier.*

Dier. Mem. Societatis JESU. 2. April.

In eundem finem, scilicet ad lucrandas animas, Benignissimus DEUS non solum quavis ætate mundi servos suos, qui infideles cæterosq; peccatores reducerent ad ipsum: sed novissimè ipsam Unigenitum suum expedivit in mundum; quàmvis non nesciret, quàm malè accipiendus esset ab ipso. Curam & sollicitudinem Patris sui varijs parabolis expressit Christus: jam parabolà patrisfamilias Matt. 20. à primo manè usq; ad vesperum mittentis operarios in vineam suam excolendam; jam sub schemate alterius patrisfamilias, Matt. 21. qui post trucidatos à vitatoribus servos, misit ad ipsos Filium suum: ut eo mediatore in gratiam redirent.

Ipsè Christus tot lingvis, quot vulneribus commendat nobis suam erga animas hominum curam & charitatem. *Quid enim aliud ille voluit, inquit, S. Carolus Borromæus in Actis Eccl. Mediolan. lib. 3. c. 2. cùm e calo descendit, laboriosissimam vitam in terris duxit, acerbissimam deniq; mortem subiit: quàm hominum animas ab æterno periculo & morte liberare? Hic cerè laborum omnium susceptorum scopus, hic sanguinis effusus, hic crucis & mortis fructus fuit. Imò jam gloriosus, non semel, nec uni testatus est: se paratissimum, ad mortem crucis iterum iterumq; pro quavis anima oppetendam, si id requireretur. S. Carpo id revelatum fuisse sub illustri schemate, tradit S. Dionysius Areop. ep. 8. ad Demophilum. S. Brigittæ id sæpius manifestavit Dominus ipse: ut habetur lib. 1. Revel. c. 1. & 30, & 58. & lib. 7. c. 19. ubi ait: Si adhuc possibile esset (nam secundum præsentia Decreta divina, Christus semel pro peccatis nostris mortuus, jam non moritur. Rom. 6.) quòd ego toties morerer, quot sunt animæ in inferno, ita: quòd pro qualibet earum salem mercedem iterum sustinerem, qualem tunc pro omnibus sustinui adhuc corpus meum patatum esset subire hæc omnia cum libenti voluntate & perfectissima charitate.*

Tanto igitur affectu cùm feratur in animas Dominus; fixumq; sit sapientiz æternæ decreto: ut homines per homines perducantur in viam salutis & gloriam æternam: non potest non esse ipsi gratissimum, si qui in hoc opere sese ipsi offerant ministros & adjuutores strenuos. Nullum Omnipotentii DEO tale est Sacrificium, quale est ætus animarum: inquit S. Gregorius hom: 12 in Ezech. Et Chrysostomus hom: 2. & 40. in Genes. Nihil ita gratum est DEO, & ita curæ: ut animarum salus. Hom. 3. in 1. Corinth: Etsi, inquit, immensas pecunias pauperibus eroges: plus tamen effeceris, si unam converteris animam. Hom: verò 25. ibid. post multa concludit: Tu igitur, mi frater, quàmvis fame conficiaris, quàmvis cinerem comedis,

quàmvis

quāvis semper lacrymā madas; & nihil cuiquam proficias: nihil magnum facis. Si attendimus, audiemus Christum intus nos compellantem illo Genes. 14. *Da mihi Animas; cetera tolle tibi.* Quidquid aliud dederis minus est: *Da mihi Animas.* Si non tua tantum, sed te dederis, non sufficit: *Da mihi insuper Animas.*

Opportune ergo monet S. Gregorius hom. 6. in Evang: In quantum vos profecisse pensatis, etiam vobiscum alios trahite: in via Domini socios habere desiderate. Si ad DEUM tenditis: curate, ne ad DEUM soli veniatis. Hinc in Apocal. c. 22. scriptum est. *Qui audit, dicat, Veni:* ut qui jam in corde vocem superni aioris acceperit, foras etiam proximis vocem exhortationis reddat. Et fortasse panem, ut indigenti porrigat, non habet: sed majus est, quod tribuere valeat, qui linguam habet. Plus enim est verbi pabulo victuram in perpetuum mentem reficere, quam ventrem morituræ carnis terreno pane satiare. Ita Gregorius.

XIII. JANUARI.

DEUS Herodi illud: Christus furem ridet: B. V. luges
cecitatem populi sui.

1. **A** Dora DEUM O. M. & considera: quā dextrè subvertit tectas Herodis machinas? quā falsè illudit ipsius & aulæ ejus consilijs, quando Magos per aliam viam reduxit in regionem suam, & non permisit, ut proderetur Christus: vel sinistri aliquid paterentur illi. Non est consilium adversus Dominum. Fremant & meditentur, quidquid volunt, Principes & populi: *M. dicant sunt inania.* Qui habitat in calu, irridebit eos. Psal. 2. Notatā ergo aliqua dispositione seu molitione æmulatorum contra nos, vel contra sensum nostrum, dicamus cum Regio Vate: *Venite adoremus & procidamus ante DEUM.* Psal. 94: ipse salvabit nos.

2. **A** Dora D. JESUM, & considera eum, ut destinatum in victimam fastui & arrogantiz Herodis, non patientis consortem regni, etiā DEUM. Tam impotentis animi sumus miseri terrigenæ. Modò stet Monarcha honor noster; cadat æmulus omnis, vel ipse DEUS, & secum in ruinam trahat millia, quantumvis innocentum. At quid profecit tantum nefas? Evasit, risit, triumphavit natus DEUS Tyrannum; vivus in escam vermis traditus est Herodes. Hoc lucrantur, qui adversus DEUM & Christos ejus roborantur.

3. **V**enerare DEIPARAM V. & considera teneritudinem cordis ejus Virginei, qua compatiebatur palpabili cecitati populi sui, eligentis

gentis servire potius Tyranno alienigenæ, quam inquirere vindicem libertatis suæ, Ducem de semore Jacob; cuius nativitatem optatissimam prædicabant jam pastores & Angeli, Reges & Prophetæ. Quam frequenter & ardentem ingeminabat illud: *Isai: 60. Surge illuminare Hierusalem quia veni Lumen tuum? Excita me, o Illuminatrix cordium!* ut totam cordis mei fiduciam reponam in Domino, eum quaeram, & inveniam fortem adiutorem contra omnes adversantes mihi sine causa.

Proposui v. g. succurrendi impigre indigentibus opera nostra spiritali; præferam N.

LECTIO PRACTICA.

Lugere debemus, quos corrigere non possumus.

Inter præcipuos actus Zeli divinæ gloriæ & animarum, est Dolor & Luctus de cumulatis & aggravatis offensis DEI, peccatorum vero exitate, obstinatione & incorrigibilitate. Zelus enim est ardor quidam ferventis charitatis, quo amans incitatur ad tollendum id, quod adversatur amato: si autem tollere non possit, ingemiscit, dolet ac luget. Nam ut docet S. Thomas 1. 2. q. 28. a. 4. c. *Amor amicitie querit bonum amici. Unde quando est inensus, facit hominem moveri contra omne illud, quod repugnat bono amici.* Citatq; glossam ex S. Augustino in c. 2. Joan: dicentem. *Quod bono zelo comeditur, qui qualibet prava, quæ viderit, corrigere satagit: si acquiescit, tolerat, & gemit.* Hinc Sancti videntes, quæ in mundo fiunt contra DEUM summè sibi dilectum, pro viribus ea prohibere, impedire, & corrigere conantur, peccatorum malitiam & damna exponendo, peccatores ad pœnitentiam vocando, & urgendo &c. Si efficaciter id præstare non possint; intimo scinduntur dolore, gemunt, lugent, & iusto zelo viscera depascente tabescunt.

Sic David testatur de se *Psal. 118. Defectio rennis me pro peccatoribus derelinquentibus legem tuam. Exitus aquarum deduxerunt oculi mei: quia non custodierunt legem tuam. Tabescere me fecit zelus meus: quia oblii sunt verba tua inimici mei. Vidi prævaricantes & tabescebam: quia eloquia tua non exstuderunt.* Apostolus quoq; 2. Cor. 11. 29. scribit: *Quis infirmatur, & ego non infirmor? quis scandalizatur, & ego non uror? Quo loco glossa habet: Quis infirmatur in fide, vel in aliqua virtute, & ego non infirmor? id est, non doleo de eo, sicut de me ipso? Quis scandalizatur in aliqua molestia, & ego non uror igne compassionis? Ibidem c. 2. v. 4. scripserat: *Ex multis tribulatione, & angustia cordis scripsi vobis per multas lacrymas: non ut contristemini: sed ut**

ficiatis.

scilicet, quam charitatem habeam abundantius in vobis. Ad Romanos autem cap. 9. scribit: Veritatem dico in Christo; non mentior, testimonium mihi perhibente conscientia mea in Spiritu S. quoniam tristitia mihi magna est, & continuus dolor cordi meo. Optabam enim ego ipse anathema esse à Christo pro fratribus meis: quos nimirum obstinatissimos vidit in errore suo, & surdos ad prædicationem Evangelij.

S. Maria Magdalena de Pazzis sæpe noctu proripiebat se è lecto, & ante Ven: Sacramentum prostrata amare dessebat DEI offensas, petebatq; peccatoribus gratiam penitendi. Quod maxime agebat Bacchanaliorum tempore, quo magis cumulari solent offensæ divinæ; augebatq; penitentias & preces; aliasq; Moniales ad hæc excitabat. Idem faciebat diebus Quadragesimæ, quando jubentur meretrices audire verbum DEI. Visa autem divinitus peccati turpitudine & malitia, adeo ingentibus cruciabatur doloribus, ut in raptu exclamaret Latine: *Circumdederunt me dolores mortis; dolores inferni circumdederunt me; comedit me dolor inferni pro multitudinis iniquitatum nostrarum.* Satisfecit nimirum aliquatenus DEUS frequentibus & ferventibus ejus desiderijs, quibus se offerebat ad pœnas inferni tolerandas pro animarum salute. *Lancicij tom. 2. Opus c. 13. n. 341.*

Hic dolor est indicium sinceri amoris erga DEUM & proximum. Ideoq; qui nosse vult; quantus sit suus amor, imò an sincerus sit: videat an visis vel auditis gravibus offensis DEI, aut cognito periculo & interitu tot animarum, incremento hæreticorum, Catholicorum detrimentis, tangatur dolore cordis intrinsecus: vel hæc videat, audiatq; tanquam non pertinentia ad se. Veræ enim & sinceræ charitatis est, gaudere cum gaudentibus, dolere cum dolentibus, & lugere interitum pereuntium. Numquid dici possumus, amare proximum sicut nos ipsos: si levissimo tacti malo, fere exanimamur dolore; ad tot millium autem & millionum funestissimam & irreparabilem cladem insensibiles sumus? In quam tristes erupit threnos Jeremias, ob temporalem calamitatem populi sui! *Quomodo seder sola civitas plena populo &c. Thren. 1. Quis dabit capiti meo aquam, & oculis meis fontem lachrymarum, & plorabo dies ac noctes interfectos filios populi mei?* Jerem. 6. David quanto luctu profecutus est funera Saulis, Jonathæ, atq; Abner? Animas autem divino sanguine redemptas, in sortem filiorum DEI vocatas, sinimus rapi ad æterna supplicia; nec ingemiscimus, aut frigidè ingemiscimus!

Ceterum sollicitè curandum: ne dolor, si quem ob tam tristem tot animarum sortem concepimus, sterilis sit; sed stimulet nos ad felicitandos Su-

peros, si aliter prodesse non possumus, ut miseris necessariam ferant, quam possunt, opem. De nullius salute, dum halitus in ipso est, desperandum. *Diabolus & angeli ejus in scripturis S. manifestari sunt vobis, quod ad ignem eternum sunt destinati: ipsorum sanam desperanda est correctio;* inquit, S. Augustinus in Psal. 54.

XIV. IANVARII.

DEUS honoris Filij sui studiosissimus. Christus & B. V. se ab hominibus ignorari patiuntur.

1. **A** Dora DEUM O. M. & considera: quam studiosus fuerit honoris Filij sui recenter nati. Quamvis enim obscuro loco eum nasci voluerit, non tamen omnino ignotum, & neglectum voluit. Unde mox Ministros & Musicos illi praeito esse voluit Angelorum numerosos exercitus, iussitq; ut adorerent eum omnes Angeli ejus. Hebr. 1. Insuper turbam pastorum, & Orientalium Regum Triadem, ad ejus Venerationem adduxit, bruta quoq; ipsa curvare genua docuit. Et nos pigebit nobis dato, nobis nato, nobisq; magis cognito, cultum summum & infima deferre obsequia? O magnum in parvo corpusculo Numen; te veneror & adoro infinita mei depressione, infinita tua super omnia exaltatione.

2. **A** Dora D. JESUM & considera. quomodo in sinum gaudebat; se adoratum ab Angelis & Regibus alienigenis, negligi a popularibus suis. Sciebat enim, se a Patre missum, ut esset *Novissimus virorem & Abjectio plebis*. Nullum vero epulum erat ei jucundius: quam facere voluntatem Patris sui. Gaudebat proinde: se maturè redigi in ordinem sibi a Patre assignatum. At nos, quam ægrè, quam intemperanter ferimus hujusmodi neglectus, ne dicam expressos contemptus? O Censor morum & status nostri æquissime, redige nos in ordinem tibi placitum, nobis salutarem; velimus, nolimus. Numquid servus erit major Domino suo?

3. **V**ENERARE DEIPARAM V. & considera eam, ut compositissimam ad normam Filij, & exultantem spiritu: non solum, quando in DEI Matrem electa, sed etiam quando a suis omnino neglecta fuit. Dolebat de Filij, gaudebat intimè de sui neglectu, non ignara, æquissimo divinae Sapientiae consilio cautum esse: ut in hac mortali vita Primi novissimie essent. Et quis ordinem hunc turbare praesumat? Non turbabo: sequar fidus te, Filiumq; ruum, Domina, servorum infimus ac ultimus.

Propositum v. g. de fingenda ostentatione & jactantia; praesertim in N.

LECTIO

XIV. JANUARI.
LECTIO PRACTICA.

160

Quomodo retundenda sit vana nostri Ostentatio.

Admiranda res est: quomodo homines, etiam satis parè à natura dotati, imò vitijs non paucis scatentes, lucem tamen amamus, videri volumus, quavis data captaq; occasione, importunè nos ostentamus, digito monstrari ambimus, & dicier, *Hic est.* Corniculæ fumus alienis plumis vestitæ (*Quid habes, quod non accepisti.* 1. Cor. 4.) imò noctuæ & ranunculi deformes: & tamen quasi soles essemus, per quamlibet rimam nos in oculos insinuamus, & spectari volumus. Ecce Filius DEI, Lumen de lumine, natus in lucem mundi universi: Ecce Virgo Mater ejus pulchra ut luna, electa ut sol: Ecce JESUS & MARIA serenissimi supremiq; mundi Principes, ignorari se à suis patiuntur, imò gaudent: nos vivere non possumus, nisi videamur: non solum in extremos pedum digitos assurgimus; sed turres & montes, licet nani & pigmæi, ridiculè conscendimus. Ad retundendam hanc impudentiam, juvabunt nos potissimum divinæ Litteræ, & verè Magnorum Exempla.

Quatuor porro sunt capita, quæ passim exerimus, & ostentamus, ut inde æstimemus; scilicet Genus non plebeum & Opes, Officia & dignitates, Scientiam & gradus literarios, Virtutes, & si quid boni agimus. Sed contra primum inelamat Isaias c. 40. *Omnis caro, nobilis & ignobilis, fœnnum, & omnis gloria ejus quasi flos fœni. Hodie flores, cras in cibarium mittimur.* Matt. 6. Contra secundum vocem extollit Ecclesiastes cap. 1. *Vanitas Vanitatum, & omnia Vanitas.* Contra tertium arguit Jeremias c. 9. *Non gloriatur sapiens in sapientia sua.* Et Christus non semel *Vx!* inelamavit amantibus primas cathedras. Contra quartum monet Christus Matt. 6. *Avendite, ne iusticiam vestram faciat coram hominibus, ut videamini ab eis: aliqui mercedem non habebitis apud Patrem vestrum, qui in cœlis est.* Omnia capita prædicta, & totam ostentationis nostræ pompam retundit & confundit Asceta Kempensis lib. 1. de Imit. c. 7. *Non gloriari in divitijs, si adsunt nec in amicis, quia potentes sunt: sed in DEO, qui omnia prestat, & se ipsum super omnia dare desiderat. Non te exollas de magnitudine vel pulchritudine corporis, quæ modica infirmitate corrumpitur, & defædatur. Non placeas tibi ipsi de habilitate & ingenio tuo: ne displiceas DEO, cujus totam est, quidquid naturaliter habueris. Non te repues alijs meliorem: ne foris coram DEO deterior habearis, qui scit, quid est in homine. Non superbias de operibus bonis: quia aliter sunt judicia DEI, quàm hominum; cui sepe displicet, quod hominibus placeat. Saluberrimum & brevissimum dat consilium è Clara valle Asceta alter serm. 3.*

in Na

in Natali D. *Ama nesciri.* Sic enim tua in integro conservabis, lividos æmulorum oculos evirabis, alta pace gaudebis, & Magnus eris atq; gloriosus coram Domino. Suadet hunc amorem, & latendi studium, incarnata sapientia, quæ Nativitati suæ elegit tempus Nocturnū. Expostulat hic citatus Bernardus: *Ubi sunt, qui tam impudenter ostentare gestiunt semetipsos? Christus elegit, quod salubrum judicat: vos eligitis, quod reprobat ille. Quis prudenter dubitat? Denique scitis Christum; non se exi illi non magnificat, non prædicat. Et en ergo, qui Christum sequeris, Ama nesciri.* Suadent idem illustrissima exempla Sanctorum.

Genus & opes suas quæm studiose occultarunt Romanorum nobilissimi Alexius & Joannes Calybita! S. Franciscus Borgia, postquam Ducem, Marchionem & Proregem exiit, & pauperis JESU Socium induit: nunquam auditus est aliquam generis & pristini status sui mentionem fecisse, factam ab alijs ferebat ægerrime, & fugiebat. Eā solum occasione se prodigi permittebat, quando aliter copiam faciendi ad aram impetrare non poterat. Tunc innuebat sociis, adesse tempus, aliquid de pristino Ducis summo memorandi.

Officia & Dignitates suas quæm alto silentio sepelierunt SS. Paulinus Nolæ Episcopus, & Franciscus Xaverius Indiarum Apostolus! Ille pro captivo viduæ filio pretium redemptionis factus, olitoris personam & munus apud barbaros per annos complures, non minore patientia quam humilitate sustinuit. Quando se Amandi Episcopi precibus commendabat, rogabat simul: ne inter orandum nomen *Paulini* pronuntiaret; alioqui eodem, tanquam hominis pessimi, os ita inquinaturus; ut expiatorio carbone opus haberet. Xaverius cum Officio & Potestate Nuncij Apostolici ad Indias missus, constanter personam Nuncij dissimulavit, forte pauperis Missionarii Societatis JESU contentus. Quam primum appulit in Indias, diploma Pontificium ad pedes Archiepiscopi Goani deposuit, non aliter, quam arbitrio ipsius usus potestate concessa; nec aliam, quam Religiosum Clericum acturus.

Scientiam & Gradum literarium egregie data opportunitate dissimulant Theologiæ lumina S. Thomas Aquinas, & Franciscus Suarez S. J. Thomam in Conventu Bononiensi fortè deambulantem convenit Frater quidam laicus, cui ille adhuc ignotus erat, exposuitq; Priorem sibi mandasse; ut in quem primum incideret, eum assumeret in socium, pro negotiis quibusdam tractandis in civitate; neminem autem ante ipsum sibi occurrisse. Non latuit Virum Sanctum, quæ fuerit mens Prioris: nihilominus nulla

facta

facta exceptione, vel explicatione, caput modestè inclinans, secutus est iratrem, non sine molestia; quòd nimis properantem assequi non posset. Stupuit civitas, quòd tantus Doctor laicum sequeretur: nec defuerunt, qui hunc monerent de qualitate socij sui. Erubuit simplex, veniam supplex petijt, facilemq; ab humillimo obtinuit.

Simillimus error similem Ven: P. Francisci Suarez promptitudinem humilitatemq; demonstravit. Vallisoletana è cathedra ad Romanam evocatus, in itinere sub noctem ad quoddam Societatis Domicilium deflexit. Dato cenandi signo, casu contigit; ne nimen adesse in culina, qui pro more vasa elueret. A Tyrone, petens quem rei cura erat, admonitus Minister; in quemcunq; ex domesticis primum incideret, eum ut suo nomine ad id munus acciret, præcepit. Res ita tulit: ut Tyroni primus occurreret Suarius; qui audito, quid alter in mandatis haberet, etli fessus de via, & jurium hospitalitatis non ignarus, promptissimè vili operi manus applicuit. Totam interea domum anxie perlustrabat Minister: ut hospitem ad cenam deduceret. Cùm ecce tandem fortuito culinam ingressus, ubi advenit Franciscum culinaria vasa seriò versantem: stupere, erubescere, excusare factum tyronis, & veniam sibi ac ipsi orare. At ille serena fronte, nihil sibi præter professionem suam contigisse, reposuit: fuitq; Ministro seriò certandum, ut hospitem culinæ avelleret. *Roguetius in Visa cap. 8.* Nonne hæc utriusq; Doctoris dissimulatio personæ & scientiæ suæ digna cœlesti laurea?

Virtutum suarum, & præclarè gestorum decora, qui studiosè occultarit, neminem opus est producere: cùm id communissimum omnium Sanctorum studium sit, & sine illo Sanctus esset nemo. Quisquis ergo Divinis oraculis, & Sanctorum vestigijs insistere cupis: Fuge putidam ostentationem: *Ama nesciri.*

XV. JANUARI.

DEUS, JESUS natus & V. Mater ejus, commendant nobis voluntariam Pauperiam.

1. **A** DORA DEUM O. M. & considera mirabile ejus consilium, quòd divitias Regni sui non aliter in nos erogare voluerit, quam per pauperem, imò pauperrimum Filium suum: Ipsam ejus paupertatem voluit esse thesaurum, seu fontem divitiarum nostrarum cœlestium: *Sicut gratiam Domini nostri JESU Christi, monet Apostolus 2. Corinth. 8. quoniam propter vos egenus factus est, cùm esset dives; ut illum inopiâ vos divites essetis atq;*

ita abundaremus gratijs & donis divinis in omne opus bonum. Ergo DEI Filius tantò nobis debet esse pretiosior, quantò pro nobis factus est pauperior. Ergo & nostræ nobis divitiæ utiles non sunt ad salutem, nisi in quantum per rectam erogationem abijciuntur.

2. **A** Dora D. JESUM & considera eum, ut voluntariæ paupertatis Authorem & Ideam. Antequam ipse in terris appareret, in nullo pretio. imò passim odio erat paupertas: at eam verbo & exemplo continuo prædicavit in Nativitate, tota vita, & morte sua: Jamq; fide tenemus, quòd sint *Beati pauperes Spiritu, quoniam ipsorum est Regnum celorum*; jam divitiæ terrestres pro stercorebus reputantur, pro diaboli laqueo habentur: *Qui volunt divites fieri, incidunt in tentationem & in laqueum diaboli* 1. Tim. 9. Pauperrime JESU, vileseat, oro, mihi, quidquid mundo pretiosum est: sit pretiosum, quod tibi charum est.

3. **V**enerare DEIpam V. & considera eam, ut studiosissimam paupertatis Filij sui Imitatricem: cujus amore & studio, etiam accepta à Regum Orientalium liberali manu (Siquidem *aperitis thesauris suis obulerunt munera, aurum, thus & myrrham*) distribuit in pauperes, valde modico necessitatibus relicto, non ignara voluntatis Filij sui. At nos quàm avidi sumus munerum, quàm tenaces nummi? Fac, Domina, ut cælo natus, non serviam terræ.

Troposium v. g. de contemnendis bonis temporalibus, præsertim N.

LECTIO PRACTICA.

Quàm pretiosa & appetibilis sit Voluntaria Paupertas,

Postquam proscriptis ex horto voluptatis hominibus, gleba vilior data est in culturam & usum: ita terrenis bonis cor non solum apposuerunt, sed planè immerferunt; ut nullus sit finis vel modus congerendi aurum, argentum, numerosos greges, amplissima latifundia &c. beatusq; dictus sit populus, cui hæc sunt. Psal. 14. 3. Sed bene advertit Jeremias eos, qui felicitatem suam in terrenis hisce bonis posuerunt, turpiter fuisse deceptos. Verè, inquit cap. 16. 19. *mendacium possederunt patres nostri: vanitatem, quæ eis non profuit.* Psalmographus quoq; *Beatum prædicat Virum* Psal. 39. 5. *qui non respexit in vanitates, & insanas falsas.* Bona terrena merentur omnino nomen Mendacij: quia promittunt cordi nostro satietatem, quàm præstare non possunt. Merentur nomen Vanitatis: quia nihil habent soliditatis & stabilitatis, transeunt continuo a possessore ad possessorem; & cum dormiant viri divitiarum, nihil inveniunt in manibus suis. Merentur etiam nomen

Infantia

Infantia. quia infano amore plerumq; amantur. Negliguntur enim studio illorum bona cœlestia & æterna, violantur mandata divina, graves injuriæ inferuntur proximo, Animæ salus æterna prostituitur: deniq; quæ major esse potest infania, quàm collocare felicitatem suam in ijs bonis, quæ in maxima mala convertenda sunt, quorum inordinatus amor æterna infert supplicia?

Tam gravi deceptione & errore ut homines liberaret bonus DEUS; admonuit per Isaiam Prophetam c. 44. ut in ipsum & doctrinam ejus amos & corda converterent: *Ego Dominus DEUS tuus docens te Verba.* Mundus, caro, dæmon, amor proprius, docent futilia, fallæ, vana, infana: Ego Dominus DEUS tuus, docens te *Verba*: quâvis carni, & amor proprio, cæco & pravo, adversentur. Docuit semper per prædicatores externos, & internas inspirationes: demum ut etiam propriis, ipsq; manifestis, doceret exemplis, humanam assumpsit naturam, in similitudinem hominum factus, & habitu inventus ut homo. *Ego ipse, qui loquebar, ecce adven.* Ita. 52. Quod promiserat per eundem Prophetam cap. 30. *Eunt oculi tui videntes præceptorem tuum*, jam implevit in Filio. Ad ipsum ergo dociles convertamur discipuli: & attentè audiamus Doctorem, non solum per vicos & plateas, in templo & cathedra crucis; sed etiam in stabulo, ex præsepi Bethlehemitico docentem. Quæ verò ejus est doctrina?

Quemadmodum docens in monte Mart. 5. exorsus est à commendatione Paupertatis: *Beati pauperes spiritu, quoniam ipsorum est regnum cœlorum*: ita docentis in stabulo prima Lectio est de voluntaria Paupertate. Nam sicut, teste Apostolo 1. Tim. 6. *Omnium malorum radix est cupiditas*: ita bonorum omnium radix & mater est Paupertas spiritus. *Ut rerum facultates instrumenta sunt omnium virtutum*; cui enim pecuniæ copia suppetit, is in promptu habet modos & vias patrândi omne nectas: *si haec abnegatio generatrix est, nutritrixq; omnium virtutum*: inquit S. Ambrosius apud Rodriq. in Exerc. Perf. tom. 3. tr. 3. c. 1. Hanc ut efficacius æstimationi amoriq; nostro commendaret DEI Filius: omnes opulentissimi regni sui reliquit divitias, & Voluntariam Paupertatem quælivit, elegit, sibiq; ut pretiosissimam margaritam comparavit.

Eleganter Bernardus in Vigil. Nativ. D. serm. 1. notavit: *In sinistra ejus, regnantis in cœlo, divitiæ & gloria; in dextera longiturnitas vitæ.* Prov. 3. *Horum omnium æterna in cœlo affluentia suppetebat: sed Paupertas non inveniebatur in eâ.* Porro in terra abundabat, & superabundabat, hæc species; & nesciebas homo pretium ejus. Hanc itaq; DEI Filius concupiscens, descendit: *ut*

eam eligat sibi: & nobis quoq; sua estimatione faciat pretiosam. Quam pretiosam, & appetibilem præ omnibus mundi bonis, fecerit: declarant inprimis complures Grandes in hoc sæculo, Principes & Reges, qui relictis omnibus, nudi secuti sunt Christum, & paupertatem sanctam pretiosorem habuerunt omnibus mundi opibus & delicijs: ut Lotharius & Hugo Imperatores Romani, Ramirus rex Aragoniz, Veremundus rex Castellæ, Bamba rex Hispaniz, Rachisius rex Longobardorum, Sigisbertus rex Nortumbriæ in Angliâ, Carolomanus rex Austrasiæ & Sueviæ, Trebellius rex Bulgariæ, Henricus rex Cypri, & plures alij, quos, præter regij sanguinis numerosos Principes, dat Platus lib. 2. de Bono relig. c. 26.

Quo in pretio apud SS. Patres, Spiritu DEI plenos fuerit semper voluntaria Paupertas. à Christo omnibus mundi thesauris prælatâ, testantur proluxa ipsi dicta scriptaq; encomia. Unus & alter sit pro multis. S. Chrysostomus: Si inueneris volueris, inquit, hom: 47. in Matt: animam hominis aurum amantis: inuenies eam, ut vestimentum à decem millibus vermium corrosam; ita eam perforatam nudâ; à solitudinibus, & à peccatis putrefactam, & ærugine plenam. Verùm haud talis est anima voluntarij pauperis: sed potius fulget ut aurum, splendet ut gemma, efflorescit ut rosa. Non est illic tinea, neq; fur, neq; solitudo negotiorum hujus vitæ; sed sicut Angelus, ita conversatur. At non habet equos, & currum? Quid verò his opus est ei, qui super nube vehi debet & esse cum Christo? Accedit S. Leo serm: 4. de Quadr. Semper dives est, ait, Christiana Paupertas: nec paret in isto mundo indigentia laborare, cui donatum est, in omnium rerum Domino omnia possidere.

*His, & pluribus pensatis, concludit S. Bernardus serm: de Omnibus SS. Veritas loquitur, quæ nec falli, nec fallere potest; & ipsa est, quæ dicit: quoniam Beati pauperes spiritu. Sic vos insensati filij Adam diuitias quæritis, diuitias desideratis usq; adhuc: cùm jam beatitudo pauperum diuinitus commendata, prædicata mundo, credita sit ab hominibus? Quærat eas paganus, qui sine DEO vivit. Quærat Judæus, qui terrenas promissiones accepit. Sed qua fronte magis, aut qua mente Christianus diuitias quærit, postquam Christus, beatos esse pauperes, prædicavit? Ita Bernardus. S. Simeon Stylites è cathedra columnæ suæ quotidie bis prædicans ad affluentem turbam, non aliud concionabatur: quam *Contemnite terrestria; amate & ambite caelestia: quæ sola vos beatibunt.**

XVI. IANVARII.

DEUS, JESUS nativ, & DElpara V, docent nos contempnere Mundum.

I. Ado-

1. **A** Dora DEUM O. M. & considera: quomodo multifariam, multisq; modis jam olim per Prophetarum prædicationem, & varios easus tragicos, studuerit homines avocare ab amore mundi; ne scilicet DEO postposito adhærerent rebus creatis: & studio virtutum neglecto, toti inhærent divitijs, honoribus & voluptatibus. At cum parum profecisset; novissime voluit nobis idem argumentum clariùs, disertius & efficacius proponere per ipsam Infinitam Sapientiam & ineffabilem Veritatem suam incarnatam, cui nec fides negari posset propter summam autoritatem, nec subtrahi amor propter infinitam amabilitatem. O quantis opus est machinis ad avellenda corda nostra à mundo immundo, mundo defectibili, mundo fallaci!

2. **A** Dora D. JESUM & considera, quàm diserrè, quàm ferventer & potenter vel in ipsa Infantia sua nobis inculcavit exemplo, quod postea per dilectum discipulum prædicavit verbo: *Notite diligere mundum.* 1. Joan. 2. Dominus erat universorum, habere poterat, quas vellet, commoditates, delicias, divitias, honores, & quidquid mundus habet in sinu vel visceribus suis pretiosum & jucundum. At ille elegit (nota, *elegit*) carere his omnibus, nasci nudus, pauperimus, ignotus, contemptus, atq; in hunc modum totam transfigere vitam. Quid hoc mysterij? vel DEUS errat, vel nos fallimur? Quod ille spernit, nos magni facimus: quæ ille rejicit, nos captamus. At errare Sapientia Infinita & summa Veritas non potest. Ergo filij hujus mundi mendaces sumus in stateris, non ponderando, seu æstimando res; ut sunt in se, & ut conducunt nobis. Magne æternarum veritatum Magister, parve JESU! da ut capiam hanc lectionem & electionem tuam.

3. **V**enerare DEIparam V. & considera ipsam quoq; & graviter quidem, inculcare nobis contemptum mundi, utpotè tam ingrati erga Filium suum jam ætate maturum, tam inhumani erga Infantem, tam iniqui erga domum David, ut pro sceptro vix securim & alciam ei reliquerit; tam fluxum & caducum cum omni pompa sua, ut mera sit vanitas. Et tamen o Domina, quàm dulcis & pretiosus est mihi vel ipse sumus mundi! Illumina, corrige errantem.

Propositum v. g. abstrahendi cor à rebus mundanis, præsertim N.

LECTIO PRACTICA

*Quàm inconveniens sit Christiano, nedum Religioso, magni facere
& amare Mundum.*

Mundus variè accipitur. Primo pro Universalitate rerum à DEO cre-
atarum

atarum in rationabilem usum hominum, & ad gloriam suam. Et sic non odio sed amore dignus est mundus. *Vidit enim DEUS cuncta, quæ fecerat; & erant valde bona.* Gen: 1. Secundò pro Universitate hominum pravorum, non secundum lumen rectæ rationis & præscriptum divinæ voluntatis viventium, sed secundum desideria cordis sui. Et sic manifestum est, non licere mundum diligere. *Si quis diligit mundum, non est Charitas Patris in eo!* Joan. 2. & Rom: 2. *Nolite conformari huic sæculo; sed reformamini in novæ sensus vestri.* Tertiò accipitur mundus pro illecebris sensuum nostrorum, & amoris proprii: juxta illud 1. Joan. 2. *Omne quod in mundo est, concupiscentia carnis est, & concupiscentia oculorum, & superbia vitæ.* Quod etiam sic acceptus mundus non possit licite amari à Christianis, nedum Religiosis: facile demonstratur. Nam

1. Nulla creatura licite amari potest merè propter se, aut quòd blandiatur sensibus nostris, serviatq; amorì nostro proprio: sed semper amari debet cum respectu ad DEUM, & ordinari ultimò ad amorem & gloriam ejus; ut ostensum *sup. Lect. 6.* Eleganter Hugo Victorinus inducit mundum homines compellantem, & admonentem: *Vide homo, dicit mundus; quomodo amavit te, qui propter te fecit me. Servio tibi, quia factus sum propter te; ut servias illi, qui fecit me, & te: me propter te, te propter se. Si sentis beneficium; redde debitum. Si accipis benignitatem, redde charitatem.* Magna igitur, & injuriosa DEO, inordinatio est: bona mundi amare; quia nobis aliquam adferunt voluptatem, vel decorem: & non propter obsequium & gloriam DEI.

2. Christiani, potissimùm Religiosi, quo ad mentem & appetitum suum, elevati sunt ad altiorem sortem: quàm ut magni faciant, & suum cor emancipent rebus mundanis, in quibus nihil nisi vanitas, & afflictio Spiritus, teste hominum Sapientissimo & opulentissimo. Eccl: 1. & 2. ubi post exaggeratam pompam, opes & delicias suas, subdit: *Omnia, quæ desideraverunt oculi mei, non negavi eis: nec prohibui cor meum, quin omni voluptate fruere, & oblectares se in his, quæ paraveram. Cumq; me convertissem ad universa opera, quæ fecerant manus meæ, & ad labores, in quibus frustra sudaveram: vidi in omnibus Vanitatem, & afflictionem animi, & nihil permanere sub sole.* Serò, & magno suo malo, id didicit Salomò: nos pridem & verbo & exemplo suo docuit Sapientia incarnata Christus. Præterquam enim, quòd per Apostolum suum Coloss. 3. disertè monuerit: *Quæ sursum sunt, querite: quæ sursum sunt sapite, non quæ super terram:* in ipsa Nativitate suæ, & omni vita, luculentissimè ostendit, quàm contemptibilis,

& in iudicio suo erroneus sit mundus; quandoquidem, Rex æternæ gloriæ, & infinitæ Majestatis, non in principum aula, sed in stabulo nasci, in præsepio reclinari, in cruce mori voluit.

Stupet hic Bernardus: & *Nonne ipse est*, inquit ferm. 3. in Nat: D. qui dicit Psal. 49. *Mem est orbis terræ & plenitudo ejus?* Quid ergo stabulum elegit? Planè ut reprobet gloriam mundi, damnet sæculi vanitatem. Necdum loquitur lingua: & quæcunq; de eo sunt, clamant, prædicant, evangelizant. Ipsa quoq; infantilia membra non silent. In omnibus mundi iudicium arguitur, subvertitur, confutatur. Quis enim hominum, si daretur optio, non magis eligeret robustum corpus, & ætatem intelligibilem, quàm infantilem! O Sapientia, quæ de occultis traheris! O verè incarnata Sapientia! Et tamen fratres ipse est promissus olim per Isaiam Parvulus, sciens reprobare malum, & eligere bonum. Malum ergo voluptas corporis, bonum verò afflictio est: liquidem & hanc elegit, & illam reprobavit puer sapiens, Verbum Infans. Ita Bernardus.

DEI-Hominis secuti doctrinam & exemplum, quàm altos assumpserint spiritus homines in contemnendo mundo cum omni pompa & voluptate sua: docent innumeri, quibus Dominus revelavit auriculam, & illuminavit oculum. Instruantur mensæ duæ; inquit Chrysostomus in ep. 1. ad Coloss. Una pauperibus omnis generis repleatur, divitibus altera. Illic argenti nihil, nec vini multum; sed quod tamen ad hilaritatem sufficiat: hic vasa aurea, & argentea, ministri multi, atq; splendidi, & sumptuosa fercula. In utra esus accubitur? In hac vestrum, opinor, plurimi: Ego ad illam propero. Hæc homines, illa Christum; servos hæc, illa Dominum habet recubentem. Itaq; sic etiam major illius, quàm hujus voluptas; quantò jucundiùs cum rege, quàm cum famulis accumbere. In illa ego, quiq; mecum jam elegerint, multa cum libertate, animiq; delectatione, & loquemur, & audiemus omnia: vos autem in hac trementes & timidi, simulq; discumbentes subveritiq;, manum quidem protendere audebitis, quasi ad pædagogium, non ad prandium ingressi; & coram molestis ac sævis dominis trementes, & servorum more, eadem cum heris mensam communicantium, abjectè loquimini: nos verò non ita. Duplici ergo nomine vos superamus: libertate scilicet & honore: quibus, quod ad voluptatem attinet, nihil conferendum. Ego quippe malim cum libertate, amicitia, gratia panem & olera: quàm cum servitute & inimicitia vitulum saginatum, & mille fercula. Hæc Chrysostomus, planè aurea. Didicit ea à familiari suo, gentium Doctore: qui omnia mundi, quantumvis speciosa & pre-

tiosa

tiosa, arbitratus est ut stercora. *Philip. 3.*

Parem prodidit animum P. Antonius Brignole, relictâ nobilissima & opulentissima domo in rep. Genuensi, Societatem nostram ingressus, ætate jam maturiore. Rogatus enim à Magnatum quopiam: an religiosa forte contentus viveret? respondit: *Si totum mundum, uni ovo inclusum, haberem in manu; ovum illud una cum omni mundi gloria terre alliderem.* Per omnem vitam acri dolore se perurgeri sensit: quod tam serò mundum calcasset; qui totum in maligno posuit. 1. Joan. 2. tribulationem habet veram, jucunditatem falsam; certum dolorem, incertam voluptatem, durum laborem, timidam quietem; rem plenam miseri, spem beatitudinis inanem.

Meritò igitur monet discipulus JESU dilectus 1. Joan. 2. *Nolite diligere mundum: neque ea, quæ in mundo sunt.* Et S. Ambrosius lib. de Virg. *Discite in hoc mundo supra mundum esse: cisi corpus geritis, voluistis in vobis ales interior; animus altior mundo.*

XVII. IANVARII.

DEUS, JESUS natum, & MARIA docent nos Obedientiam.

1. **A** Dora DEUM O. M. & considera, quanto studio primis illis sæculis curaverit homines, libertate sua insolentes, cicurare, & ferendo iugo legum suarum assuefacere. At illi continuo ruperunt vincula, fugerunt iugum, & obstinati unâ voce inclamarunt: *Jerem: 2. Non serviam.* Novissimis igitur temporibus misit Filium suum, qui præiret exemplo, & recalcitrantes traheret post se, factus forma gregis. Infani homines, qui malum trahere plaustra iniquitatum, quam cervicem submittere suavi Jugo Domini, *cujus mandata gravia non sunt.* 1. Joan. 5.!

2. **A** Dora D. JESUM, & considera eum, ut absolutissimum exemplar omnigenæ Obedientiæ etiam in Infantia sua. Ipse est promptissima illa contestatio in ipsa Nativitate vel momento Conceptionis facta: *In capite libri scriptum est de me, ut facerem voluntariam tuam; DEUS meus, volui, & legem tuam in medio cordis mei!* Psal. 39. Nec promptius dixit; quam fecit. Nascitur in ipso exercitio obedientiæ Cæsaris edicto præstitæ, totum se permittit Matri sive ulnis gestandum, sive in præsepi reclinandum, sive ligandum fasciis, sive solvendum, sive in stabulo, sive domo materna educandum. Submittit se duræ legi circumcisionis promptus exulat patriâ, præstò est ad omnem Patris, Matris, & Nutritij nutum, futurus obediens etiam lictoribus & crucifixoribus

ribus suis. At nobis quam dura cervix? JESU obedientissime, edomasti hanc voluntatem, ut tandem discas parere, cui parendum.

3. **V**enerare DEIPARAM V. & considera, quam accurata fuerit in observandis legibus divinis, etiam se non obligantibus, ut lege Circumcisionis Filij, & Purificationis suæ? Quam prompta paruit edicto Cæsaris, licet partui proxima? Quam observans omnis nutus Sponsi sui? Humillima, obedientissima Ancilla, non Domini solum, verum & servorum Domini, propter Dominum. Quid jam recalcitrem vilis servus, quando sic ad omnem obedientiam componatur Dominus & Domina mea?

Propositum promptè & fortiter obediendi Superioribus, præsertim in occasione N.

LECTIO PRACTICA.

Quam necessaria sit omnibus Obedientia voluntaria.

Si oculos animosq; advertimus; videbimus: in omni prudenter collecto & ordinato cœtu reperiri subordinationem quandam, qua unus imperio multi pareant. Sic in exercitu, quantumvis copioso, semper generalis aliquis præest Imperator, quem omnes audiant, & sequantur. In singulis navibus adest præfectus seu navarchus, à cujus nutu pendet iter, & omnis nautica turba: imò in quavis rustica familia datur herus, seu paterfamilias, cujus supercilium observant domestici omnes. Imò & bruta suum habent ducem, apes reginam, græves ductorem &c. Nimirum, ut in aurea sua Epistola de Obedientia notat S. Patriarcha noster, hoc modo Providentia illa divina disponit omnia suaviter, infima per media, media per summa, suos ad fines cuncta perducens. Hinc illa in Angelis unius Hierarchiæ ad aliam subordinata series: hinc & cœlestium, & aliorum omnium, quæ cœntur, corporum certis locis & sedibus inter se se apta connexio; quorum conversiones ac motus ab uno movente supremo gradatim omnes usq; ad infimos rite proveniunt. Idem in terris, cum in omni civitate bonis instituta legibus, tum verò in Hierarchia Ecclesiastica cernitur; ejus omnia membra & functiones ab uno generali Christi Domini nostri Vicario derivantur. Et quò accuratius hæc dispositio & collocatio custoditur: eò rector est gubernatio & melior. Contra verò hujus ordinis negligentia, quam gravia incommoda multis hominum Societatibus importantur: nemo non videt. Ita S. P. N. Quisquis igitur Summus non est, ad obediendum se se componat, oportet: si ut turbator chori, & harmoniæ à Sapientia divina in mundo institutæ, plecti non vult,

Accedunt gravissima mandata Divina, quibus ad obediendum non solum Supremæ Majestati & præceptis ipsius DEI, sed etiam humanæ legitimæ Potestati, compellimur. Quod Deuter. 11. 26. dixit DEUS per Moysen ad Filios Israel; pertinet ad omnes omnino etiam Christianos. *En, inquit, propono in conspectu vestro hodie benedictionem & maledictionem. Benedictionem: si obedieritis mandatis DEI vestri: Maledictionem; si non audieritis. Et 1. Reg. 15. Numquid vult Dominus holocausta & victimas: & non potius, ut obediatur nomini Domini? Et rursus Deuter. 17. 22. Qui superbi- rit, nolens obedire Sacerdotis imperio, qui eo tempore ministrat Domino DEO tuo, & decreto Judicis: morietur homo ille. Quod in Lege Gratia exempti non sumus ab Obedientia præstanda Dominis, alijsq; legitimis Superioribus: testatur Apostolus præcipiens Ephes. 6. 5. *Servi obedite Domino vestro car- nalibus cum timore & tremore, & in simplicitate cordis vestri, sicut Christo. Ex- tendit hoc præceptum Rom. 13. 1. Omnis anima, sive servilis sive libera, Pæstariis sublimioribus subdita sit. Non enim est potestas, nisi à DEO. Quæ autem sunt potestates, à DEO ordinatæ sunt. Itaq; qui resistunt potestati, DEI ordinati ut resistant: ipsi sibi damnationem acquirunt. 1. Pet. 2. 13. conclu- dit Apostolorum Princeps: Subjecti igitur estote omni humanæ creaturæ pro- pter DEUM, sive Regi, quasi præcellenti; sive Ducibus, tanquam ab eo missis ad vindictam malefactorum, tandem verò bonorum.**

Religiosis insuper necessaria est Obedientia ex speciali ratione Voti, quo propter DEUM, & regnum cælorum, quasi vendiderunt Libertatem suam, & Superioribus pro tempore existentibus se se subjecerunt. Unde monet S. Bonaventura Tr. de inter. hom: c. 2. *Te Prælato dedisti pro- pter Dominum, & regnum cælorum: & jam non es Tuus, sed ejus, cui te vendidisti. Et ideo nihil tibi licet agere de te sine ejus voluntate. Ipse enim est Dominus voluntatis tue: & contractatio rei alienæ invito Domino furivum est; fur autem cælo non appropriat.*

Universalis autem & fundamentalis ratio necessitatis Obedientiæ, etiam hominibus præstandæ, ab omnibus, sive Religiosis, sive, sæcularibus, cu- juscunq; sint status & conditionis, est originalis Inobedientia, qua facil- limum observatu mandatum divinum de abstinendo à ligno vetito, cum Adamo & in Adamo transgressi sumus. In pœnam insolentis hujus trans- gressionis privavit imprimis nos DEUS magna ex parte dominio in cæteras creaturas: deinde subjecit homines hominibus, etiam pro- bos improbis: ut jam non nascamur cum ea libertate, qua nascituri era- mus in statu innocentia; sed sub iugo alienæ dominationis gemere debe-

amus

XVII. JANUARIÆ.

amus: Posuisti tribulationes in dorso nostro: imposuisti homines super capita nostra. Psal. 65.

Cæterum quamvis ea jam sit conditio nostra, & necessitati universali omnino sit parendum: magna tamen ex parte eam mitigare, & jugum obedientiæ allevare possumus; si nimirum Obedientiam necessariam, fecerimus nobis Voluntariam, seu ultroneam & spontaneam. Hi enim Timor, sic Obedientia, alia est servilis & coacta metu pœnarum; servus enim sciens, & non faciens voluntatem Domini sui, vapulabit multis. Luc. 12. Alia est Filialis & spontanea, ex DEI amore & filiali reverentia nata. Facit enim Amor, ut quocumq; a quocumq; imperatur (modo manifeste peccatum non sit) & leve & justum videatur: consequenter non solum sine molestia, sed etiam cum voluptate pareamus. Nam ut est apud S. Leonem serm. 4. de Jejunio septimi Mensis: *Non datur tibi necessitate sed voluntate ubi digne, quod jubetur.*

Si ergo volumus: ut Obedientiæ, sive DEO sive hominibus præstandæ, quam evitare non possumus, non sit nobis gravis & acerba, necesse est, ut eam nobis faciamus Voluntariam, seu Ultroneam & Filialem. Fieri autem hoc non difficulter potest: si gravissimis & magnificis, quæ faciunt occurrunt Motivis animum ad obediendum libenter, promptè & fortiter, induxerimus, atq; firmaverimus. Talia motiva sunt. 1. Complacencia singularis Divinæ Majestatis in homine obediente, ut in filio moligero. 2. Similitudo & conformitas cum Christo, qui Humiliavit semetipsum factus obediens usq; ad mortem. 3. Conformitas cum DEI paræ V. & maximis Sanctorum. 4. Heroica, & victorias parere nata, insoles Actuum obedientiæ. 5. Evitatio multorum errorum. 6. Pax & gaudium interius ac solidum. 7. Præmiorum magnitudo &c. Sic facile fiet: ut, quod per Apostolum sup. præcepit DEUS; *Omnes animæ, non invita, sublimioribus Potestatibus sit subdita*, ac imprimis DEO: cui honor & gloria super omnia in sæcula.

Quod si proanis adhuc opus esset motivis: non solum excitare, sed confundere nos possent heroica Obedientiæ exempla gentilium, quæ dat Lohnerus in sua Biblioth. Tit. *Obedientia*. Agesilaus Lacedæmoniorum Dux a suscepta expeditione revocatus ab Senatu, omnia maxima opportunitate rei bene gerendæ, suamq; gloriam promovendi, sine mora relictis omnibus reversus est. Scipio Africanus cum in Africa bellum gereret, de militibus suis testatus est: Neminem ex illis esse, qui ad natum suum se non præcipitaret in mare ex turri adjacente, quam ostendebat. Idem

de suis affirmavit quidam Dux Assyriorum, teste Fulgoso: atq; ut experimentum daret: militem in excubijs supra turrim præaltam agentem ad se accersivit; qui mox ex turri præcipitem se egit. Non poterimus Christiani, præsertim Religiosi, minora DEI causâ? Urgeri debemus præceptis & pœnis; dum gentiles parent ad nutum?

XVIII. IANVARII.

DEUS, JESUS natus, & DEIpara V. docent nos Humilitatem.

1. **A** Dora D. DEUM O.M. & considera, eum à mundo condito varia adhibuisse media, ad retundendū fastū hominū. Animæ nostræ ad imaginem suam conditæ, & Angelis affini, juxit Corpus luteum, ac velut honesto carcere eam conclusit. Permisit hominem labi in peccatum, adeoq; obnoxium fieri innumeris miserijs, & morti ipsi temporali, & æternæ. Cum nihilominus adhuc arroganter insolesceret, validissimam ad eam dejectiendum adhibuit machinam. Filium suum, Infinitæ Regem gloriæ, assumptā formā servi novissimum virorum & opprobrium hominum fieri, atq; inter pecudes nasci voluit. Adhuc ne inflabatur pulvis & vermis, quando sic humiliatur Dominus majestatis?

2. **A** Dora D. JESUM & considera: eum, ut exaggeratiùs commendaret studium Humilitatis, assumptā in Incarnatione formā servi, suscepisse in Nativitate sua formam servi vilissimi, velut agasonis cujusdam, in mortē verò formam servi nequam, ac velut Principis latronum, quando inter ipsos medius crucifigi passus est. Quò amplius se demittere potest DEUS? Et tamen toto pondere Infinitæ humilitatis suæ non deprimit elatam cervicem nostram!

3. **V**enerare DEIparam V. & considera, quanta profundissimæ humilitatis dederit argumenta, in Nativitate Christi. Exclusa ē divorsorijs non prætendit genus regium, vel imminentem partum divinum. Christo nato servivit, non tam ut Mater, quàm ancilla infima; quæ prodigiosa contigerunt, non sparsit inter homines, sed *conservabas confers in corde suo* &c. O humilitas Virtus Christi, Virtus MARIE! Quando eris mea?

Proposui de majore studio vere Humiliari, præsertim in occasione N.

LECTIO PRACTICA.

Quid sit: & An omnibus sit Necessaria Humilitas?

S. Thomas 2. 2. q. 161. a. 1. triphcem observat Humilitatem. *Pe-
nalam ab interneco: ut cum quis propter culpam suam humiliatur
ab altero*

ab altero, deicitur officio, privatur honore &c. *Sintham*; dum ex ignorantia vel incuria dignitatis suæ se ipsum aliquis dehonestat: *Virinosam* deniq; quæ est *Virtus refrænans animum, ne immoderate tendat ad alta, sed contineat se intra modum convenientem sibi secundum rectam rationem.* S. Bonaventura lib. 2. de profectu, dicit: esse *Voluntariam mentis inclinationem* (quasi ad humum usq;) *ex innata propriæ conditionis & fragilitatis.* Consistit propriè in actu Voluntatis, elicto ex prævia cognitione propriæ fragilitatis seu vilitatis. Ignota, vel non satis æstimata fuit veteribus mundi sapientibus præstantissima hæc Virtus. *Ubicunq. inveniuntur* (in veterum Philosophorum libris) *etiam optima præcepta morum, & disciplina: humilitas tamen ista non invenitur;* inquit S. Augustinus in Psal. 31. *Via Humilitatis hujus non aliunde manat; à Christo venit.* Unde à S. Bernardo appellatur *Virtus Christi.*

Habet Christiana Humilitas simiam suam, Humilitatem *Fissam*; Nam ut notavit Ecclesiasticus c. 19. *Est, qui se nequiter humiliat: & interiora ejus plena sunt dolo.* Et S. Ambrosius lib. 7. ep. 44. *Multi habent humilitatis speciem; sed virtutem non habent. Multi eam fors pretendunt, & inus impugnant.* Videas non paucos vili veste contentos, salutare alios submissius, manus & plantas deosculari, inclinato in terram capite incedere, fere ad omne verbum peccatorem miserimum se profiteri, indignos quos terra ferat. Sed latet sub hoc cinere ignis, vel pulvis pyrius. Tange illos verbulo asperiore: quantum illico exæstuat incendium! Rectè S. Hieronymus ep. 27. *Multi humilitatis umbram: veritatem pauci sectantur. Auferantur omnia signimenta verborum, cessent simulati gestus: verum Humilem Patientia ostendit.* Et S. Laurentius Justin: lib. 6. de Ligno Vitæ: *Quidam honores fugiunt, ut honoribus fruantur: fingunt subesse, ut possint præesse. Sed negentur illis, quæ se fugere ostendant: quomodo fremunt, & tabescunt! Verum humilem Patientia ostendit.* Hæc lapis Lydius hujus auri.

Censent mundani: Humilitatem Christianam, non convenire personis illustribus, præsertim in officijs civilibus aut militaribus constitutis. Putant enim eam opponi Magnanimitati, & emasculare animos. Palpabilis, & summè noxius error! Nam Humilitas non ita deiecit animum hominis: ut nullo modo se erigat, & attollat ad alta & ardua: sed tantum, ne se attollat præter, seu ultra rectam rationem; prout docent Ascetæ passim cum S. Thoma cit: *Quando igitur adest honesta ratio audendi, & attendendi magnum aliquid, pro DEI gloria, bono publico, salute proximi &c. datur locus & campus Magnanimitati, salva humilitate, etiã apud humillimos,*

Et contrā, dum homo per Magnanimitatem aggreditur & agit magnum aliquid, & gloriosum: ne appetitus gloriæ tendat ultra, quā par est: necessaria est ejus moderatio per Humilitatem. Alias evadet Magnanimitas in superbiam, impinget in temeritatem, nec procul aberit a ruina, ut solet.

Unde patet: etiam summis principibus & heroibus non solum convenire virtutem Veræ Humilitatis; sed tantò magis necessariam esse, quanto plūs habent de Magnanimitate & Excellentia; juxta illud Eccle. 3. 20. *Quanto magnus es, humilia te in omnibus.* Imò Christiana Humilitas est virtus planè Magnanimorum. Qui enim pusilli & ignavi sunt animi, non audent alijs cedere in publico, se infra alios demittere, aliquam honoris sui jacturam facere, conviciū aliquod dissimulare: timent enim inde aliquod incommodum, ad quod tolerandum, etiam DEI, & boni publici causa, non inveniunt apud se tantum vigoris & roboris. Humilis autem ad hæc & majora sustinenda paratissimus est; & promptus ad militandum DEO, patriæ, & proximo cum fama & infamia. Paria illi sunt cruces, & currus triumphales. Ad hæc verè humilis ad aliquid audendum, & agendum, non rapitur æstu animi biliosi: sed diffidens viribus suis, supplex recurrit ad Omnipotentem; a quo facile obtinet consiliū & auxiliū, adeoq; indutus virtute ex alto, nec adire pericula, nec sanguinem vitamq; profundere formidat. Testes hujus veritatis sunt innumeri viri Apostolici, & gloriosissimi Martyres, etiam fragilioris sexūs, quā humiles, tam fortes & magnanimi.

Certissimum igitur est: omnibus omnino non solum convenire, sed necessariam esse profundam Humilitatem. 1. Ad retundendam & elidendam innatam nobis superbiam, quæ etiam in plebejis animis nidum ponit. 2. Ad impetrandas à DEO gratias necessarias pro amplificanda ejus gloria, & proximi propriaq; salute asserenda. 3. Ad evitandas & superandas hostium invisibilium tentationes & insidias. De S. Antonio eremita scribit S. Athanasius in ejus vita: quod cum vidisset in spiritu mundum, plenum laqueis, Dominumq; rogasset: Quis evadet istos? Responsum accepit: *Humilis.* 4. Ad obtinendam vitam & gloriam æternam. Quod enim antè cecinit David Psal. 17. *Tu populum humilem saluum facies, & oculos superborum humiliabis:* id asseverantiùs enuntiavit Christus Mat. 18. *Amē dico vobis: nisi conversi fueritis, & efficiamini sicut parvuli, non intrabitis in regnum celorum.* Arcta est janua regni celorum: nec recipit, nisi parvos: ait Bernardus c. 17. de Pass. *Etiam si ad ipsum usq; exitum conversationis sub-*
humitate

limitate pervenias: Humilitate subiacidâ, simul omnia subrahuntur, atq; in finem pessimum relabuntur: inquit Chysoft. hom: 15. in Matthe.

XIX. IANVARII.

DEUS, JESUS natus, & DElpara V. docent nos Patientiam.

1. **A** Dora DEUM O. M. & considera, quàm providè Filium suum in carne passibili nobis ordinârit Magistrum Patientiæ Virtutis, summè necessariæ nobis, damnatis ad labores & millena incommoda hujus vitæ mortalis, quæ nos undiq; infestant, & bilem movent. Est enim validissimum eam virtutem suadendi argumentum, DEUS Infans, non minus, quàm tu, imò magis passibilis & sensibilis. Propter te hæc, & his pejora, patienter, imò libenter tulit; tu minora, tantillum, non feres propter ipsum? Convicisti me DEUS: feram!

2. **A** Dora D. JESUM, & considera eum, ut Doctorem Patientiæ missimum. Docuerunt illam egregiè Moyse in deserto, Josephus in carcere, Job in sterquilino; at nemo tam clarè & efficaciter, ac Christus in stabulo. Non concutit tabulas; non maledicit diei vel nocti, quæ natus est, sed potiùs luce cælesti, & Angelorum ehoris festivam facit; non orat educi quantocyus de eo ergastulo, non diras movet contra inhumanos Berthelemitas, non fulmina vibrat in Herodem, non terram aperit contra Hierosolymitanos Pontifices & legis Doctores. Sustinet omnia incommoda, adversâ, injurias, non patienter solum sed libenter. O quàm rudis & insolens ego in Patientiæ gymnasio discipulus!

3. **V**enerare DElparam V. & considera eam, ut Fontem olei limpidissimum (qualis Romæ sub Nativitatem Christi fluxisse fertur) turbari nescium, nullam habentem acrimoniam, nullos volventem lapides. Videt Filium DEUM neglectum, & despectum, silet: diebus 40. commorandum est in stabulo, tolerat: Audit Herodem turbari, & omnem Hierosolymam cum illo; non turbatur ipsa, sed totum Providentiæ Divinæ committit. At ego fons sulphuris ardentis, vel mons, qui digito tactus non fumat solum; sed ignes & saxa jactit. Compesce Domina!

Troposum de studio majore Patientiæ, præsertim in occasione N.

LECTIO PRACTICA.

Quid sit: & quàm necessaria Virtus Patientiæ?

Patientia est Virtus, qua æquanimiter ferimus adversa. Virtus est pulcherrima, facitq; hominem mortalem & passibilem similem spiritibus

tibus Beatis. Egrege depingit eam Tertullianus lib. de Patient. c. 13. Vultus illi tranquillus & placidus; frons pura, nulla mœroris aut iræ rugositate contracta; supercilia in lætum modum remissa; oculi humilitate non infelicitate dejecti; os taciturnitatis rubore signatum; color qualis securis & innoxij; motus frequens capitis in diabolum & inimicis; amictus circa pectora candidus, & corpori impressus, ut qui nec inflatur, nec inquietatur. Sedet in throno Spiritus ejus mitissimi, qui non turbine glomeratur, non núbilo livet; sed est teneræ serenitatis, aperius & simplex, quem tertio vidit Elias. Nam ubi DEUS, ibi & alumna ejus Patientia. Cum ergo Spiritus DEI descendit: individua Patientia comitatur eum. Ita Tertullianus eodem penicilli ductu depingens & Virtutem, & habitum hominis Patientis.

Actus Patientiæ sunt. 1. Sustinere adversa sine querelis, lacrymis immoderatis, ejulatu, alijsq; perturbati animi signis. 2. Agnoscere, se meritò, & infra condignum pati; plura & acerbiora peccatis suis se meruisse. 3. Innocentiam suam opportunè importunè non exaggerare; culpamq; cumulatè excusationibus non minuire. 4. Non invehi in personas malum inferentes, nec vindictam meditari. 5. Solatia inquiete non emendicare: nec se subtrahere a locis & personis molestiam inferentibus. 6. Neq; à DEO petere anxie liberationem: sed Providentiæ & voluntati ejus se plenè committere.

Gradus perfectionis Patientiæ sunt. 1. Adversa ferre patienter: id est sine gravi perturbatione animi & murmure, nedum maledictis. 2. Ferre libenter. 3. Hilariter. 4. Cum gratiarum actione. 5. Cum dilectione adversarij; excusando illum, & benefactoris loco habendo. 6. Desiderare, & petere plures majoresq; adversitates, unà cum gratia divina ad tolerandum. Hoc est, cum Sponsa DEO charissima, Cant: 7. ascendere in Palmam, & apprehendere fructus ejus; quorum cœlestem suavitatem & delicias non norunt impatientes, biliosi, & mortificationis negligentes.

Necessaria porro est Patientia, imprimis ad æternæ vitæ & gloriæ consecutionem; prout expressit Apostolus Hebr. 30. *Patientia enim vobis necessaria est: ut voluntatem DEI facientes, reportetis promissionem.* Grandia habemus promissa, vitam æternam beatam, & Gloriam in cœlis ineffabilem; at nec ista obtinere, nec voluntatem DEI, ut oportet, implere possumus sine Patientia. Nam, ut docet idem Apostolus Rom. 8. 29. *Quos præsevit DEUS electos suos, eos & prædestinavit conformes fieri imaginis Filij sui; ut scilicet conformarentur illi per Patientiam, & sic intrarent in gloriam* sibi

sibi paratam. Non enim melior debet esse conditio forvorum, quam domini tanta pro ipsis passi. Unde monet 1. Thesal. 3. *Nemo moveatur in tribulationibus istis: ipsi enim sciitis quod in hoc positi sumus.* Universali lege divina statutum est: ut patiamur Christiani; imo illi vel maxime patiantur, qui in perfectione Christiana excellere volunt. Omnes qui pie volunt vivere in Christo, persecutionem patientur. 2. Tim. 3. sed persecutio non tantum non adferet detrimentum, verum ingens emolumentum: modo adfit Patientia. *In patientia vestra possidebitis animas vestras.* inquit Chentus Luc. 21. 19. Quasi diceret. Multi hostes & adversarii infestant vos, & animarum vestrarum interitum quærunt: at vos tandem in pacifica & æterna illarum possessione manebitis: si omnia patienter toleraveritis.

Necessaria insuper est Patientia ad hanc temporalem vitam in pace interiore & animi tranquillitate ducendam. In quocunq; enim statu vivamus: semper & ubiq; reperientur, quæ nos infestent, & molestant. *Nemo sibi promittat,* inquit S. August. in Psal. 20. *quod Evangelium non promittit. Non promittunt nobis Scripturæ nostræ in hoc sæculo nisi tribulationes, preperas, angustias, tormenta, dolore, abundantiam tentationum.* Ad ista nos precipue paremus: ne imparati deficiamus. Idem inculcat Thomas à Kemp. lib. 2. de Unit. c. 12. *Dispone & ordina omnia secundum tuum velle & videre: & non invenies, nisi semper aliquid pati debere, aut sponte, aut invite; & ita crucem semper invenies.* Aut enim in corpore dolorem senties, aut in anima spiritus tribulationem sustinebis. Interdum a DEO relinqueris, & interdum a proximo exciteris: & quod amplius est, sæpe tibi iniqui gravi eris: nec tamen aliquo remedio vel solatio liberari, seu allevari poteris; sed donec DEUS voluerit, oportet ut sustineas. Crux ergo semper parata est, & semper te expectat: non potes efugere, quocunq; eueris quia quocunq; jeceris, te ipsum tecum portas (& quantum crucem!) & semper te ipsum invenies. Converte te supra, converte te infra; converte te extra, converte te intra: & in his omnibus invenies crucem. *Ista Kemp.*

In tanta adversorum copia & acerbitate fieri ne possit, ut pacato & tranquillo simus animo? Nisi multam & magnam habuerimus Patientiam; fieri omnino non potest. Si cetera decissent, vel admodum modica nos infestarent mala: ipsa Impatientia malorum omnium maximum est: nihil enim æquè nos inquietat conturbat, & affligit. *Vix his, qui perdidimus sustententiam!* Eccl. 2. 16. *Qui patients est, multa gubernatur prudentia; qui autem impatiens est, exaltat stultitiam suam.* Prov. 14. A Tertulliano

lib. de Patient. *Impatientia appellatur Matrix in omne delictum, diffundens de suo fonte varias criminum venas. Omne peccatum impatientie adscribendum. Ipsi enim jugum divinarum humanarumq; legum intolerabile est; tentationibus mavult cedere, quam resistere; nec Superiores, nec aequales ferre potest; adversa ipsa sibi multiplicat; cum desunt, fingit per suspensiones, sinistras interpretationes, judicia temeraria. Mentem conturbat, linguam exasperat, vultum incendit, manus armat, pedes incitat, totumq; hominem inquietat, disserpit & cruciat.*

Patientia verò in medio tempestatum non amittit serenum, in medio naufragiorum sustinet animum ut Marpesia cautes: dum convelluntur quereus Basan & commoventur fundamenta terræ, infractas & immotas servat arundines. Ipsa est, inquit S. Cyprianus de bono patienti: *que iram temperat, que linguam frenat, que mentem gubernat, pacem custodit, disciplinam regit, libidinis impetum frangit, inmodi violentiam comprimit, incendium simultatis extinguat; facit humilis in prosperis, in adversis fortis, contra injurias & contumelias mitis; docet delinquentibus ignoscere; si ipse delinquas, diu & multum rogare; tentationes expugnat, persecutiones tolerat, passiones & martyria consummat. Deniq; quod plus occurrit adversorum gloriosius triumphat; in medio bellorum pace fruitur opulenta. Exempla Patientie insignioris dat illustria gentilis Stoa Socratem, Catonem, Senecam, Diogenem & alios quosdam; Schola Christi præter Apostolos, Martyres atq; Eremicolas aliosq; Religiosos innumeros, & sexu debiliore patientissimarum Viraginum myriadas. Quod potuerunt isti & istæ, non poterimus nos? Cogita, inquit Chrysostomus hom. 64. ad pop. quod siue velis, siue nolis, calamitatem patieris. Quod si gratè (seu ultro & cum gratiarum actione) maxime lucraberis. Si verò egre, & impatienter feras: non minorem facies illam; sed majorem reddes, procellam. Ergo quod necessarium est: hoc nostræ voluntati esse faciamus. Sic & meritum apud DEUM, & pacem animi in nobis ipsis habebimus optatissimam.*

XX. IANVARII.

DEUS, JESUS natus & DEspara V. docent nos Amorem erga DEUM.

I. A Dora DEUM O. M. & considera; quam blandè nos sollicitet ad amorem sui, dum Filium, quem in splendoribus Sanctorum ante Luciferum ab æterno genuit, nobis tradit Infantulum; per omnia nobis conformatum absq; peccato. Non potuit in thesauris Sapientie & Omnipotentie suæ luculentius invenire sui in nos amoris pignus. Filium nobis

dedit, Unigenitum, Infinitis perfectionibus amabilissimum, sibi per omnia æqualem super omnia dilectum. Si non amaret, & vehementissimè amaret, & quodammodo super omnia hominem amaret, numquid tale pignus amoris daret? *Sic DEUS dilexit mundum?* O Amor DEUS! O plene intelligam tantos tuos erga nos, erga me, amores. O redamare possum, quantum debeo!

2. **A**dora D. JESUM & considera eum, ut igneam Divini Amoris Doctorem, & præcepti Bethlehemitico ad te perorantem. Ecce, inquit, *quem & qualem*, me misit ad te, dedit tibi, Pater! Causam quaris? Tota & unica est: Amavit te. Ergo, mi JESU, Pater tuus nescivit me hostem suum, innumerarum offensarum reum? Etiam hostem amavit, & in hoc vel maximè commendat charitatem suam. O prodigium Amoris inauditum! Amavit nos DEUS etiam hostes suos; & sic amavit, ut Filium suum, splendore paternæ gloriæ spoliatum, miserit nobis Redemptionem!

3. **V**enerare DEIPARAM V. & considera, ipsam quoq; DEI erga te amorem gravissimè prædicantem. En, inquit, Filium DEI & meum, os de ossibus nostris, carnem de carne nostra. Vide; ut toto se spirat amorem erga te! Ocelli liquefcunt amore, labella vagiunt amorem, pectusculum ardet amore, manus & pedes adstricti sunt vinculis Charitatis. Si non dubitas de amore; brutum es, si mutuum negas amorem.

Propositum v. g. de singulari studio perfectæ Charitatis.

LECTIO PRACTICA.

Quam equum sit: ut nos totos tradamus Amori Divino.

Tradere se totum Amori Divino, dicit duo. 1. In id primò, præcipue, & assiduò incumbere: ut eliciamus perfectos, frequentes, & excellentes actus amoris Divini, & continuò proficiamus in hoc exercitio.

2. Ita se subicere Amori Divino: ut ipse obtineat in nobis plenum, supremum, & absolutum regimen, atq; Imperium ita; ut quidquid agimus, non agamus, quasi motu proprio, sed ex imperio & impulsu Divini Amoris; ideoq; verè dicere possimus: Vivo ego, jam non ego; Operor ego, non jam ego; vivit autem & Operatur in me Amor Christi, seu DEI.

Primùm commendat Ecclesiasticus c. 15. *Omni viâ tuâ dilige DEUM.* Conatum & modum diligendi indicant Debora & Barac in Cantico suo Judic. 5. 31. *Qui diligunt te; sicut sol in ortu splendet, ita rutilant:* procedendo scilicet continuò, & ascendendo in amore, donec perveniant ad me-

XX JANUARIJ.

181

sidem omni ex parte perfectæ & beatæ Charitatis. Debere hanc esse primam præcipuamq; curam nostram, supremo monito docuit moribundus Dux populi DEI Josue cap. 23. *Hoc tantum diligentissime præcave: ne diligas Dominum DEUM vestrum.* In reliquis, *cave: ne deficiatis, ne aliquid faciendum omittatis, ut spectantia ad DEI cultum, & salutem vestram integrè & diligenter faciatis: at quod concernit Amorem DEI, præcave: ante omnia alia cavete; & quidem diligentissime præcave; & hoc tantum diligentissime præcave: ut ante omnia, super omnia, & post omnia diligas Dominum DEUM vestrum; quasi hoc unicum vobis incumbere faciendum.*

Insigni exemplo morigerum se præbuit huic monito & primo maximoq; præcepto divino, Adolescens quidam Scholaris (*Spec. Exmpl. V. Dilectio*) qui Theologicis lectionibus operam daturus, cum primum Parisijs scholam esset ingressus, audissetq; prælegi: *Diliges Dominum DEUM tuum ex toto corde tuo &c.* subito surrexit, & abiit. Mirantibus Magistro & condiscipulis respondit: *An equamplura audiam, volo hoc opere complere.* Et sine mora Religionem ingressus est: ut huic studio dilectionis liberius & primario vacaret. Vacandum autem illi est tam constanter: ut ei planè immoriamur, si fieri potest, exemplo alterius adolescentis, de quo Kisselius t. 1. c. 60. §. 18. Hic post vitam inter varia flagitia actam, tandem hausta cœlitus luce, resipiscens, tam seria pœnitundine mores suos detestatus est: ut meruerit, per visum ab Angelo Custode ad stabulum Bethlehemiticum duci: ubi juxta Christum ac DEI param V. Misericordia divina, in candida veste, ramum olivæ portans, adstabat, suadebatq; ut ad Parvuli JESU pedes se reciperet, eosq; ac divinas manus, quam posset reverentissimè, & amorosissimè deoscularetur. Paruit promptus: eoq; conatu in actus Contritionis & Charitatis exarsit; ut exanimis conciderit, felicissima victima Amoris. O fiant novissima nostra hujus similia!

Alterum, de conferendo Amori Divino pleno & absoluto imperio in animam nostram, & omnes ejus potestates, numquid meritis non est tam increatus, quam incarnatus amor? Increatus Amor DEUS meretur amari summè propter se ipsum, etiam ab infideli: quia etsi nesciat Christum; scit tamen se ipsum, & se opus DEI esse. Proinde, ut argumentatur S. Bernardus tr. de dilig. DEO, *inexcusabilis est omnis infidelis, si non diligit Dominum DEUM suum ex toto corde, tota anima, tota virtute sua. Clamas nempe ei inania & non ignota ratione justitia: quia ex toto corde diligere debeat, cui se totum debere non ignorat. Si inexcusabiles sunt infideles: excusationem*

tionem prætendent fideles, & fidelium primi atq; primates: si alteri cui-
piam amoris concesserint partem in corde & anima sua, ejusq; imperio se
submiterint? Numquid plenum & summum in totos nos imperium meri-
tus non est Amor Incarnatus, JESUS? Numquid justè monet sponsam
suam Cant. 8. *Pone me in signaculum super cor tuum, ut signaculum super bra-
chium tuum*: ut nihil cogites, velis, desideres opereris, nisi amore mei.
Amor mei sit tibi Dictator, sit Imperator, à cujus nutu pendeas. Ipse
sit tibi & principium & finis, & modus atq; mensura agendi; prout olim
fuit devotissimo Raymundo Lullo. *Is, ut habet Lohner in Biblioth. Tir-
Charita*, ita composuit omnes, motus suos ad nutum Amoris divini; ut si
ex eo quæsisisses: Cujus es? respondisset, Amoris. Unde venis? Ab amo-
re. Quò pergis? ad Amorem. Quis te huc adduxit? Amor. Unde vi-
vis? Amore. ubi habitas? In Amore &c. Hoc est vivere amore, spirare
amorem, regi amore, & regnare in homine Divinum Amorem.

Cùm igitur DEUS, dum amat, non aliud velit, quàm amari: ut notat
S. Bern. serm. 83. in Cant. & Solus sit amor, ex omnibus animæ motibus,
sensibus, atq; affectibus; in quo potest creatura, etsi non ex æquo, re-
spondere Authori, seu ipsi mutuam vicem reddere; ut ait S. August. in
Manuali c. 18. æquissimum est; ut nos totos Divino tradamus Amori, tum
in ipsius exercitio præcipuum studium ponendo; tum summum in nos im-
perium ei tandem deferendo. Vivat, regnet, triumphet in nobis Divi-
nus Amor. *Solum hic dominari vult; siquidem præceptum est; 22. Jam: ut se-
gare in DEUM ex toto corde, ex tota anima. Partem non accipit: gloriose in-
dolu est. Totum depescis: ut totum tibi largiatur: ait Kemp: lib. 3. c. 5.*

XXI. JANUARI.

DEUS, JESUS nam & DEpara V. docent nos Amorem DEI erga nos.

1. *A* Dora DEUM O. M. & considera: eum per Filij sui Nativita-
tem exhibere nobis formam amoris nostri erga se; quòd nimirum
debeat esse non otiosus vel qualitercunq; activus, sed operator magnorum
pro DEI gloria: sicut ipsius DEI erga nos amor in Incarnatione,
& Nativitate Christi operatus est maxima & mirabilia pro salute & gloria
nostra. Plus fecit, quàm dum mundum condidit, & omnia subjecit nobis.
Et nos verbales solum erimus Amatores ipsius!

2. *A* Dora D. JESUM, & considera, eum à nobis exigere amorem
DEI super omnia absolute; nimirum, ut nihil omnino sit,
quod DEO præferamus in amore: id est, nihil sit, cui potius locum in

corde & amore nostro concedamus; sed ipsum, & judicij estimatione, & voluntatis electione atq; adhaesione præferamus, & extollamus super omnia & in omnibus ipsi adherere cupientes firmissimè, etiam cum factura quorumvis creatorum bonorum, sanz, honoris &c. Sic enim ipse DEUS amavit nos, ut ex ejus Nativitate manifestum est. Omnium jacturam pati maluit, quam hominis. Pigebit vicem reddere? Pretiosiora, chariora nobis erunt crepundia mundi, quam DEUS?

3. **V**enerare DEI param V. & considera, ipsam à nobis requirere Amorem DEI *solum*, ut scilicet nihil amemus nisi DEUM, & propter DEUM. Sic ipsa dilexit: nec alium Mater pulchraz & ordinatissimæ dilectionis, commendare, vel exigere potest, Amorem. Sunt multa è bonis creatis seu temporalibus, sine quorum amore esse non possumus. Amentur tanè, sed non amentur, nisi quatenus utilia sunt ad augendam gloriam DEI. Non sistat Amor noster in ipsarum specie, vel jucunditate, qua nobis blandiuntur. Sic enim DEUS, sic Christus natus dilexit nos: ut omnia egerit, & passus sit propter nos. *Omnia enim propter vos*, inquit Apostolus 2. Cor. 4. *ut gratia abundans per multos in gratiarum actione, abundet in gloriam DEI.* Ergo & nos omnia propter DEUM, propter JESUM, cogitemus, dicamus, faciamus, oportet. Incita, dirige, accende ò Domina. *Proposium de ardentier redamando DEO, & amorem testando per Actus NN.*

LECTIO PRACTICA

Qualis debeat esse Amor noster erga DEUM.

Amantem non redamare, crudi cordis est. Ardenter amantem tepidè redamare, ignavi animi est. Summè amantem non redamare super omnia totisq; viribus, ingrati est. DEUM exquisitissimè amantem homines, non redamari ab homine exquisitè, morosi est. Ne has notas incurramus, videndum: quomodo noster erga DEUM amor debeat esse qualificatus.

1. Debet esse *Sincerus & Obediens*, juxta illud Deuter. 10. Et nunc Israel, quid Dominus DEUS tuus petit à te; nisi ut timeas Dominum DEUM tuum, & ambules in vijs ejus, & diligas eum, ac servias Domino DEO tuo in toto corde tuo, & in tota anima tua, custodiasq; mandata Domini. Ne nobis impingatur illud Psal. 77. Dilixerunt eum in ore suo: cor autem eorum non erat rectum cum eo. Professor Charitatis monet 1. Joan. 3. Filioli, non diligamus verbo, aut lingvâ: sed opere & veritate. *Quomodo diligis eum, cujus odisti præceptum?* Aug: in ep: 1. Joan:

2. *Appreciativum DEI super omnia.* Quis sicut Dominus DEUS noster? **Domine**

Domine quod bonum simile tibi? Sic amavit Paulus ad Philipp. 3. Ex-
 itimo omnia detrimentum esse, propter eminentem scientiam JESU Chri-
 sti Domini mei: propter quem omnia detrimentum feci, & arbitror ut
 stercora, ut Christum lucrifaciam. Appretiatio hæc non solum debet
 esse in Intellectu per actum judicii, quò æstimetur DEUS excellentior,
 & amore honoreq; dignior, quàm quæcunq; res & persona aliæ: sed
 etiam in Affectu & Effectu; ut re ipsa malis amittere omnia, quam sepa-
 rari à DEO: nec ullam creaturam tam charam habeas ac DEUM. *Amans*
DEUM anima sub DEO despiciit universa: ait Kemp. lib. 2. c. 5.

3. *Depressivus nostri infra omnia:* tum quia tantò gratior est DEO Hu-
 militas nostra, quantò est profundior: tum quia eò viliores apparemus
 ipsi nobis, quò majorem videmus DEUM. Et solent veri amantes toti esse
 fixi in dotibus Dilecti; imò subinde eas vident, quæ non sunt in ipso: sua-
 rum autem incurij, gaudent vilescere; modò exaltetur Dilectus. *Quis-*
quis cognoscit Te; obviatur se: ait S. Aug: c. 6. soliloq. vel penitus de-
 spicit se, & omnia sua.

4. *Impeccabilis:* ut excludat omnem affectum, seu voluntariam inclina-
 tionem, ad peccatum etiam levissimum. Quomodo enim potest dici di-
 ligere DEUM, qui paratus est, occasione data offendere illum? *Qui dili-*
git DEUM, exorabit pro peccato, & continebit se ab illis. Eccl. 34. Et 1.
 Joan. 3. *Omnis qui in eo manet,* scilicet per Charitatem perfectam; *non*
peccat. Etiam cognitio clara peccati horrore & tormento est solidè aman-
 ti. S. Maria Magd. de Pazzis visa divinitus peccati turpitudine &
 malitia, tantis cruciatur doloribus: ut in raptu quodam exclamavit:
 Circumdederunt me dolores mortis; dolores inferni circumdederunt me.
Lancium. tom. 2. Opus. l. 3. c. 2.

5. *Amicibilis, & Gratuitus,* qualis nimirum est inter veros amicos, qui
 non diligunt se propter aliquod commodum, quod alter capiat ex altero;
 sed gratuito. Nam ut notat S. August: hom: 38. ex 50. si propterea
 amicum amas, ut præstet tibi vel pecuniam, vel aliud commodum tem-
 porale: non tam illi amas, quàm te ipsum, cui commodum illud de-
 sideras. *Amicus gratis amandus est propter se se, non propter aliud.* Si se
 horretur amicitiæ regula in hominem ames gratis: quàm gratis amandus est
 DEUS? in quo nimirum infinitè plures relucet dotes, ob quas an ari-
 sum me meretur, præciso omni commodi nostro. Nihil delectabilius DEO.
 Nam in homine sunt, quæ offendant: per amicitiam tamen cogis te, ut etiam illa,
 quæ offendant in homine toleres propter amicitiam. Si ergo non debes propter
 quedam

XXI. JANUARIJ.

quidam toleranda dissolvere amicitium hominis: quid se cogere possint; ut dissolvant amicitiam DEI? Voluptas, an adversitas? Mundus, an diabolus? Tyrannus, an male amatus sodalis?

6. *Fortis & Heroicus*: ut audeat, pro DEO & ejus honore, aggredi ardua, possit agere magna, & velit pati multa. Infinita enim Bonitas, quae simul est Suprema Majestas, non tam blandè ac tenere, quam fortiter & generosè amari amat. Pudor! impurus lenonum amor fortior est erga amantissimas suas, quàm hominum plerorumq; erga DEUM! Galeatius Mantuanus ut habet Niremb. Strom. 6. c. 30. cum fortè puellam, quàm deperibat, obviam eques haberet in ponte: illa per jocum hortatur; ut, si tantus heros esset, e ponte in amnem amoris sui causà, deflueret. Ille nihil hæsitans, incitato equo in flumen præcipitem se dedit, & ægrè emerfit, examinato equo. Quid nos pro DEO ausi sumus, vel audebimus?

7. *Affidus in agendo*. Non minus otiosi potest Amor, quàm sol & orbis cœlestes. Ignis est, qui nisi continuò agat, esse desinit. Tunc verè DEUM diligit: si pro amore illius bona, quæ potest, operatur. Amor DEI nunquam est otiosus. Si verè est Amor, magna operatur. Si verè non operatur, Amor non est. Si verè DEUM diligit, nulli horè otiosus eris. Inquit S. Bernardus serm. 31. de modo bene vivendi.

8. *Acutus in contemplando*. Oculus index est cordis. Quò fertur cor, ibi figitur oculus. Si oculus attingere dilectum non possit, tanto studiosius mens rapitur in illum, figitur in illo, pascitur illo: nec quidquam molestius est diligenti, quàm abstrahi a dilecto. S. Antonius eremita, cum noctem transegisset in contemplatione sub dio, orientem solem accubavit, quòd diversionem sibi faceret. S. Bonaventura serm. de S. Magdalen: *Vu scire, inquit, si DEUM pe fectè diligas: vel aliud plus DEO ames? Ascende, si de DEO plus, quàm de alijs rebus cogitas. Quia de illo plus cogitas, quod plus amas.*

9. *Liberals in largiendo*. Amicorum enim, jure amoris sunt omnia communia. Amor, ut DEUM amantem omnibus exuit, propter hominem ditandam, nudumq; natum, nudum in cruce fixit: ita innumeros DEI amatores bonis omnibus spoliavit (*Ecce nos reliquimus omnia*) DEI causâ; in pauperes non tam largos, quàm prodigos facit. Unde S. Laurentius Justinian; de Ligno vitæ c. 11. inter signa veræ Charitatis erga DEUM ponit secundu: *Cum quis libenter pro DEO dat.*

10. *Infatigabilis in pariendo*. Non solum occurrentes, vel objectas, sine discrimine amplectitur cruce Amor; sed jam cum Indiarum Apostolo

clamat;

clamat: Amplius Domine, amplius! jam cum S. Theresia, Aut pari aut mori; jam cum Maria Magd. de Pazzis, Non mori, sed pari, Mittere se, nullum mel. Mera tormenta, nulla solatia.

11. *Ingenuus in redamando.* Cum enim amanti DEO non possit parem rependere amorem: defectum ingenio supplere studet, varias excogitando artes & industrias, quibus Dilecto blandiatur, gustum propinet quam suavissimum, honorem ejus promoveat amplissime, amore ejus incendat omnia. Si alicubi inter amantes Ingenio vivitur: & sic quandoq; acuitur ingenium; ut stultescere cum Simeone Sale, Jacopono, Philippo Nerio &c. non pudeat.

12. Deniq; *Perpetuus in ardendo.* Qui frequentia, lunæ instar, patitur detrimenta vel eclipses Amor, perfectus, & DEO dignus non est. Una vox est perfectè amantium. *O ignis, qui semper ardes, & nunquam exstinguere!* O Amor, qui semper, vis & nunquam tepestis; accende me! Vita illis extingui potest, non Amor.

Prætereo alias perfecti erga DEUM Amoris dotes, & proprietates. Ex propositis facile colliget quisq; sinceritatem & perfectionem sui erga DEUM O. M. amoris. Sepe nobis videtur charitas; & sensuilitas est. *Verè magnus est, qui magnam charitatem habet:* ait Kemp. 1. 1. c. 3. Verè perfectus est, qui perfectam habet Charitatem. Qui modicum habet de Charitate; modicum habere potest de spe salutis: qui nihil, nihil.

XXII. JANUARI.

DEUS, JESUS natus, & DEpara V. docent nos Timorem DEI.

1. *A* Dora DEUM O. M. & considera, quomodo ipsis amoribus suis generat in nobis salutare quendam timorē sui, non qualis fervorum, sed filiorum est. Omnis enim ingenuus timet offendere eum; a quo scit eximie se amari. Cum igitur manifestissimum sit, à DEO tam eximie; tam exquisitè, tam tenere, tam fortiter nos amatos esse, & amari; quomodo fieri potest, ut non timeamus, aliquam, præsertim gravem, in illum committere offensam? Insanimus certe dum tale aliquid audemus, vel non scis credimus, nos à DEO sic amatos.

2. *A* Dora D. JESUM, & considera, ipsius amabiliSSimā Nativitate, & Infantia non solum nobis imprimi justum timorem, ne ipsum & Patrem ejus graviter offendamus; sed etiam, ne ei displiceamus. Magnus DEUS, & Rex magnus super omnes Deos, ita se composuit ad omnia humanitatem, tam venusta & amabili pulchra tenelli speciei appa-

rere dignatus est: ut nihil omnino esset, quod in ipso displicere posset. Et nos non erimus solliciti, ut interiora, exterioraq; nostra, motus animæ corporisq; ita componamus; ut nihil divinis ejus oculis occurrat, quod displiceat, & confidentem, ut ita loquar, conversationem nobiscum impediat? Exeute temetipsum, & res atq; actiones tuas.

3 **V**enerare DEIpam V. & considera, ipsam tam sollicitè egisse circa Filium natum; ut non solum nihil committeret, vel oneraret; quo ei displiceret; sed ageret omnia, quæ commoda & grata futura, intelligebat. Sincerè namq; ac tenerè amantium est, timere, ne minus amare videantur. Quam procul nos absumus ab hoc divini amoris apice! Committendum tamen, ut ascendamus. Adjuva Mater pulchræ dilectionis; & duc per gradus tam Sancti timoris.

Proposium de concipiendo & fovendo saluari DEI Timore.

LECTIO PRACTICA.

Non solum solatijs, sed etiam Timoris ferax est Incarnatio & Nativitas D.

Stylus est Curæ Divinæ Providentiæ, ita ordinare decreta sua, & regerendas: ut homines in hac ærumnarum valle degentes & resiciantur opportuno solatio, & contineantur in officio salutari timore. Prævidit Itaq; Unigenitum DEI descensurum de cælo ad homines redimendos: & plenus gaudio, *Consolamini, Consolamini*, inquit c. 40. *dicis Dominus DEUS vester. Aclamant* Prophetæ pacis promulgatores Angeli; & interprete mellifluo Bernardo serm. 3. in Nativ. D. hoc ipsum *clamat stabulum, clamat præsepe, clamat lachrymæ, clamant panni* Infantis nati. *Clamat stabulum: curando homini, qui in latrones inciderat, se se preparari. Clamat præsepe, eidem homini, qui juvenis comparatus fuerat, pabulum ministrari. Clamant lachrymæ, clamant panni: ejusdem ipsius (hominis) cruentam jam vulnera ablui & detergi. Excitat idem miseros omnes serm. 2. in Vigil. Nat. Respirate perdit: venit JESUS querere, & salvum facere, quod perierat. Morbidi convalescite: venit Christus, qui contritos corde sanat unionem misericordiæ suæ. Exultate, quicunq; estis grandia concupiscentes: descendit ad vos Filius DEI, ut regni sui faciat cohæredes. Et paulò post; Nascitur JESUS; gaudeat, quisquis ille est, quem perpetuæ damnationis reum adjudicabit conscientia peccatorum. Excedit quippe pietas JESU omnem criminum quantitatem, seu numerositatem. Ita meritò Bernardus.*

Sed inter hæc tripudia triste ingemit Habacuc Propheta c. 3. v. 2. *Ubi enim Vulgata nostra S. Biblorum editio legit: Domine audi audiorem*

etiam,

nam, & iunni. Domine opus tuum; in medio annorum vivifica illud. In medio annorum novum facies: ibi legunt Septuaginta, Symmachus & Aquila: Consideravi opera tua, & expavi. In medio duorum animalium cognoscens. Quam versionem accipiunt Origenes, Ambrosius, Hieron: August: Nazianz. &c. & ipsa Ecclesia in Officio Nativitatis & Circumcisionis D. de Christo nascituro, & cognoscendo à pastoribus in stabulo Bethlehemitico inter duo animalia, bovem & asinum. Expavit ergo Propheta, tum dignatione tanta Majestatis infinitæ, tum hominum periculo; si charitate tanta Salvatoris non uterentur ad salutem; si pergerent inhumani & injurijesse in ipsum; si quem cognovissent DEUM, non glorificarent ut DEUM.

Cognoscimus & nos, veneramurq; positum inter duo animalia Salvatorem & DEUM nostrum. Verum ut hæc cognitio nobis sit salutaris: necesse est, ut quemadmodum advertit & declarat citè Bernardus serm. 3. salutarem in nobis operetur DEI Timorem, & triplicem ejus effectum. Primus est Pœnitudo & Dolor: ut risum in luctum, cantum in planctum convertat & inœrorem; & incipiant tibi displicere, quæ vehementer antè placuerant, & illa specialiter horreas, quæ specialiter appetebas, cum offensa tam liberalis in te Domini; ut Filium suum Unigenitum dederit pro te. Secundus est Correctio: ut jam non exhibeas membra tua arma iniquitatis peccato, sed coerceas gulam, jugules luxuriam, superbiam deprimas, & facias corpus servire castitati, quod iniquitati antea servierat. Pœnitudo enim sine correctione non proderit. Tertius Timoris sancti effectus esse debet Sollicitudo: ut jam sollicitus incipias ambulare cum DEO tuo; & ex omni parte scruteris, ne vel in levissima re tremendæ illius Majestatis offendatur aspectus. Nisi enim hæc accedat sollicitudo: nec pœnitudo, nec correctio diu durabunt. Timor ipse facile evanescet, nec verebimur peccare in DEUM nostrum tanto graviore offensâ, quanto majorem æretur amorem DEUS-Homo, Numen Infans amore nostri.

Tradidit nobis Pater æternus per Incarnationem & Nativitatem Filium suum, eumq; tanquam parvulum, quodammodo fidei & curæ nostræ commisit: *Parvulus datus est nobis, & Filius natus est nobis.* Tradidit insuper illum in pretium redemptionis nostræ, & pignus salutis æternæ. Ceterum eripiendo nobis hunc Pignori & Pretio plurimi infestissimiq; insidiantur latrones. Multi & potentes invigilant dies noctesq; hostes, qui Divinum hunc Parvulum nobis auferant. Verendum continuo; ne ipsum amittamus, eveniatq; nobis, quod Viduz, à Joanne, Ungarorum Palatino,

tino, relictæ cum parvulo filio Stephano. Hæc Buda metropoli inclosa, ut obsidionem Ferdinandi regis solveret, Turcarum opem imploravit. Adfuit sine mora Solimanus, solvitq; obsidionem: ac insuper missis Stephano pretiosis muneribus, Matri indicari curavit: velle se parvulum in castris suis videre & amplecti. Illa sive fraudem non verita, sive majus malum metuens, tradidit filium. At Solimanus, se eum redditurum negavit, nisi tradita sibi orbe & arce. Sic infelix mater serò advertit, amissionem Filij esse amissionem Urbis & Regni. *Sleidan. lib. 14.* O qualis, & quanti regni jactura sequitur amissionem JESU! Quis illum in castro animæ nostræ secure custodiet? Timor assiduus: quem Petrus Cellensis appellat fidum Custodem super innumerabiles gazas. S. Thomas Villan: Conc. 4. de Assumpt: super illa verba: *Intravit JESUS in quoddam castellum.* Habeat inquit, hoc animæ castrum rigidum Janitorem, Timorem Domini, qui omnes violentos appetitus irrumpentes jugulet & disperdat. *Qui Timorem DEI postponit; diu stare in bono non valebit. sed diabolus laqueos citius incurrat;* ait Kemp: lib. 1. c. 24.

XXIII. JANUARI.

DEUS, JESUS natus, & DEspara V. docens nos Amorem nostrum.

1. **A** Dora DEUM O. M. & considera; quomodo visâ insigni hominum pravitate in amandis se ipsis, Filium suum misit in mundum, ut omnis prudentis sanctiq; amoris esset & objectum & regula, ordinaretq; in nobis charitatem. Ordo autem iste in eo consistit 1. ut non ametur id, quod deterius est, magis, quàm, quod melius; Corpus magis quàm anima. 2. Pars utraq; & ipsa totum non ita ametur, ut reddatur obnoxium supplicij æternis. 3. homo non amet se, propter se, sed propter finem suum ultimum, qui est DEUS ipse. Necessarius omnino ordo; sed pravitati meæ omnino impossibilis, nisi tu, DEUS meus, ordines in me charitatem.

2. **A** Dora D. JESUM & considera, quomodo etiam in tenerrima Infantia amaverit Corpus suum, animam suam, & seipsum. Corpuseculum, licet innocentissimum, mille objecit incommoditatibus, non solum ultro occurrentibus, sed de industria accersitis: Animam sanctissimam, & jam clara DEI visione beatam, continuis implevit amaritudinibus: Totum se voluit esse Centrum omnium adversitatum & injuriarum: Et tamen verissimè & prudentissimè amavit tam Corpus, quàm Animam suam, & seipsum. Vidit enim eum se tractandi modum esse medium efficacis-

simum

finum ad comparandam Patri suo æterno & sibi gloriam ineffabilem. Felix amor: cujus fructus est gloria æterna! Infelix! cujus merces est Infernus!

3 **V**enerare DEI param V. & considera eam, ut sponsam illam mysticam, quæ Cant. 2. dicit de se: *Introduxit me (Sponsus) in cellam vinariam, ordinavit in me charitatem* Quam duleis! quantis affluens delicijs, cella vinaria est stabulum Bethlehemiticum! Ordinavit ibi Christus, & Sponsus & Filius, in V. Matre sua charitatem, etiam alias non inordinatam, ut contra morem aliarum matrum optaret sibi & Filio incommoda, contemptus & cruces potius, quàm delicias & honores temporales: probè gnara, eam esse voluntatem Patris. O Domina, durus est mihi hic sermo, ordina, reforma amores meos.

Propositi v. g. de coercendo & ordinando Amore nostri, præsertim in occasione N.

LECTIO PRACTICA

Quàm rigide coercendus & castigandus sit Amor nostri.

Non omnis Amor nostri ipsorum vitiosus est. Cum enim jubeamur, amare Proximum, sicut nos ipsos: si omnis amor nostri vitiosus esset, etiam amor proximi conformatus illi, vitio utiq; non careret. Ipsius naturæ Maxima est: Ordinatam Charitatem à se incipere. Ille solum amor nostri ipsorum malignus & infamis est, qui *Proprium* dicitur ab *Ascetis*: id est, qui tantum propria seu privata nostra commoda spectat, nec respicit bonum commune, & honorem vel gloriam divinam. Quia verò promissimum est, & communissimum: ut amor nostri degeneret in amorem *Proprium* (de quo videri potest *Lectio ser. 3. post Dom: 4. Adventi.*) nisi Principijs æternis accomodetur, & Oraculis doctrinæ Evangelicæ circumferibatur: attentissimos nos esse oportet in eo castigando, & coercendo.

Expedi, in hoc negotio severitate potius peccare, quàm lenitate. Quis enim delicate à pueris servis suum: postea sensus contumacem. Prov. 29. 21. Servus noster, prout sumus Servi DEI, & cultores ipsius, est amor nostri, cui ea solum concedenda sunt, quæ requirit necessitas ad præstanda Domino debita obsequia, & salutem nostram promovendam. Quod si nimis dissimulanter eum eo egerimus, & tenerum adhuc delicate foverimus: assumet cornua, Rationi & Amori Divino servire contemnet, & nobis ipsis imperitabit, non minore detrimento, quàm dedecore. Etiam si rigor noster in eo coercendo & persequendo ascenderit usq; ad

Odiū ita; ut nos ipsos odiū videamur: nihil agemus contra iura divina & rectā rationis; quin potius illis religiosē obsequemur. Si enim tales essemus, quales habuit status innocentiz, mitius cum amore nostrū procedere possemus: at nunc ubi susq; deq; omnia versa sunt, & appetitus Rationi friznum extorsit, severiore indigemus, disciplina. Utilius est nobis moderatum odiū nostrū, quā immoderatus amor.

Qui amat animam suam, perdet eam: & qui odit animam suam in hoc mundo, in vitam eternam custodit eam: inquit Sapientia & Charitas incarnata. Joan: 12. Quod oraculum paradoxū speciem habet apud S. Augustinum tr. 51. in Joan. Magna sane ait, & mira sententia: quemadmodum sit hominis amor in vitam suam, ut pereat: odiū, ne pereat? Si male amaveris, tunc odisti: si bene oderis, tunc amasti. Amor enim, qui est causa interitus nostri eterni, quomodo non potius odiū est, quā amor nostri? Odiū autem, quod nobis est causa salutis eternæ, quomodo non potius est amor, quā odiū? Noli amare, concludit August: ne perdis: noli amare in hac vita, ne perdas in eterna vita. Felices qui oderunt custodiendo, ne pereant amando.

Stupendum sanē est, quā non solum suspectus, sed planē invisus, imō execrabilis fuerit Sanctis, & sapientibus amor sui inordinatus. De S. Francisco Salesio habetur lib. 4. Vitæ c. 3. Eum adeo omnem commodi & incommodi sui rationem neglexisse, ut dicere solitus sit: se, si vel levem aliquam amoris proprii festucam in corde suo residuam nosset; illico eam ferro damnaq; persecuturum. B. Angela de Fulginito plus ab amore proprio, quā ab ipso dæmone sibi metuebat; ut qui, nisi pec eum, nihil in nos potestatis habeat; per eum verò, quasi per vulpeculam, semper ē grege nostrorum affectuum pecus aliquod abripit. Unde dicere solebat: Nihil est in hoc mundo, nec homo, nec diabolus, nec res ulla aliqua, quā tantopere habeam suspectam, quantum hunc amorem. Mentem namq; penetrabilior omni gladio ancipiti, transit, ac cor totum pervadit: & nisi coërceatur, animam millenis calamitatibus invadit. *In vita cap. 64. S. P. N. Ignatius sciscitanti cuiquam, quæ optima esset via, in studio virtutum proficiendi? respondit: Hoc unusquisq; persuasum habeat: tantum se in studiis spiritualibus promoturum esse, quantum ab amore sui ipsius, & commodi proprii affectione sese abtraxerit. Barso. lib. 4. Vitæ. §. 27. In Constitutionibus suis p. 8. cap. 1. §. 8. eundem gravissimum unionis & universalis boni hostem appellat.*

Divini nomen Plato frustra obtinisset, si quā perniciosus plerumq; sit his

XXIV. JANUARI.

192

Si hic amor ignorasset, aut dissimulasset. Re vera usquevenit, inquit lib. 5. de legib. ut omnium malorum, quibus hominum vita involvitur, nimius sui amor causa existat. Is enim, qui amat (inordinate) circa id, quod amat, sanè obsecatur: ac proinde de rebus bonis, justis, honestis malè judicat. Nec decet: eum, qui vir magnus sit evasurus, in suis rebus acquiescere; sed ea potius complecti, quæ vel apud se ipsum, vel apud alium quempiam justè fieri videantur. Itaque unusquisque à cæco illo sui amore abhorreere debet: & se ipso meliores sequi. *Ita divine divinum.* Nimirum quid honestum, æquum & justum; non quid sibi commodum & honorificum; spectandum à viro prudente, nedum DEI Ministro, & Religioso. Quod cultus DEI frigide, vel nullatenus, promoveatur; animarum cura & animæ propriæ salus atque perfectio negligatur &c. causa plerumque est amor nostri; dum ex ejus imperio, *Omnes quæ sua sunt, querunt, non quæ sunt JESU Christi.* Philip: 2. 21. Amemus sanè nos, sed non nobis, sed DEO, sed Ecclesiæ & proximo.

XXIV. IANVARII.

DEUS, JESUS & MARIA docent nos Amorem Puritatis.

1. **A** Dora DEUM O. M. & considera eum, ut zelosissimum Puritatis Amatorem. In lege veteri Levit: 12. DEVS mulieres post partum masculi 40. post partum foemellæ diebus 80. tanquam immundas, arcebat ab Ingressu Sanctuarij seu templi sui, ac insuper prohibebat. *Omne Sanctum non tanget, donec impleantur dies purificationis sue.* Quod si mulierem obnoxiam sordibus sanguinis, naturaliter partum comitantibus & sequentibus, sic arceat DEUS ab ingressu templi sui: quantò minus patietur ingredi inquinatum aliquid in regnum cælorum? quantò magis exosam habet moralem conscientiarum immunditiam, præsertim in accedentibus ad Altare suum?

2. **A** Dora D. JESUM, & considera eum Infantem, ut Candorem lucis æternæ, omni ex parte immaculatissimum. Sap: 7. Divinitas illius nullius capax est nivi, Humanitas nec ex Patre, nec ex Matre noxæ aliquid contrahere potuit: Anima Angelis est purior, Corpus, dignum tali animæ habitaculum, nec peccati fomes, nec puerperij labes aliqua inquinavit. Quantus quantus est, totus pulcher, totus candor est lucis æternæ JESUS noster. Nos colluvies, cloacæ sordium. Ah amem te, olerim me, JESU amabilissime!

2. Vene.

3. **V**ENERARE DEIPARAM V. & considera eam, ut Matrem omni ex parte purissimam, quam in conceptu nec fœda voluptas, nec prolis inquinavit originalis Iniquitas. In partu, ut nullus afflixit dolor sic nulla puerperis communis, corrupti sanguinis fœdavit eluvies. Nihil passa est verecundia, nullatenus læsa virginitas, semper Intemerata enituit Maternitas. Gaudeo gratulor tibi tam raram puritatem, o purissima Matrum. At horreo me ipsum, cujus vel ipsa justitiae sunt sicut pannus menstruatus. Numquid ad te, Anima mea, pertinet illud Jerem. 2. *Si laveris te niro, & multiplicaveris tibi herbam borib; maculata es in iniquitate coram me, dicit Dominus?*

Troposium v. g. de majore studio Puritatis Animæ.

LECTIO PRACTICA.

Quam studiosè procuranda & conservanda sit Animæ Puritas.

Quam nobilis, speciosa, & DEO chara sit Anima hominis: ex ipsa ejus substantia & naturalibus dotibus elucet. Nihil habet terrenæ fœcis, vel alterius etiam cœlestis, materiæ. Spiritus est purissimus, nobilissimus, ingeniosissimus, indivisibilis, immortalis, solis Angelis inferior; Imago & similitudo DEI elegantissima, cui totus visibilis mundus comparari non potest, quæ ita Conditoris sui mentem & cor occupavit; ut eam gratiosissime assumpserit in Filiam, regni cœlestis hæredem, & æternæ gloriæ suæ consortem. Quid de supernaturali animæ pulchritudine tenendum, quam habet a gratia sanctificante, & habitibus actibusq; Supernaturalibus Virtutum?

S. Bernardinus serm. 51. de dign: Animæ: a. 1. c. 3. Si formarentur, inquit, tot Empyreï cœli, quot sunt aquarum guttæ, quot sunt grana arenæ maris: omnis pulchritudo eorum simul sumpta, non posset æquari pulchritudini animæ unius. Et paulo post. Pictor atq; Creator animæ est ipsa Sapientia. Mensura pulchritudinem DEI, ad cujus imaginem facta est: mensura & potentiam, qua potuit; Sapientiam, qua movit; & voluntatem, qua voluit sic eam creare (scilicet ad imaginem & similitudinem suam) & intelliges pulchritudinem ejus. Ita Bernardin: Nos hanc pulchritudinem non æstimamus, quia sub sensum non cadit, cujus judicio plerumq; rerum elegantiam & pretium metimur. At quorum mentem altiore lumine perfudit DEUS; longe aliter judicant de rebus, & specialiter de Animabus hominum. Signatum est super nos lumen vultus tui Domine: dedisti letitiam in corde meo: inquit Psalmographus Psal. 4. Non potuit dissimulare lætitiâ conceptam ex pulchritudine animarum ob resplenden-

tem in ipsis admirabilem increata Divinitatis, id est, Summi & Omnis Boni, imaginem.

Simili lætitia sæpe diffuebat & S. P. N. Ignatius, dum in occurrentibus sibi hominibus considerabat veniuntatem & splendorem animarum: & vix poterat æstuantis lætitiæ vim temperare: ut habet Historia Soc. p. 1. lib. 16. S. Catharinæ Senensi ostendit aliquando Christus animam, pro qua orabat Catharina, e corpore egredientem, & adjecit: Vides, Filia, merito pro salute rei tam pretiosæ, & tam eximiæ pulchritudinis, omnes labores esse subeundos. Ude illa cum videret Sacerdotem quempiam in animarum cura operam ponentem, pedum ipsius vestigia exosculabatur. *Scrius in Vita.* S. M. Magdalena de Pazzis ad ardentissimum illum animarum zelum, de quo supra 11. Jan. in Lect. excitabat se potissimum DEI erga illas amore, pulchritudine ipsarummet animarum incomparabili, & fœditate, intolerabili peccatorum, quibus inquinantur, & DEO abominabiles redduntur.

Omnis enim animarum pulchritudo, quanta quanta est, obscuratur, deformatur, tollitur per quodvis peccatum lethale; fiuntq; per illud fœdissimæ, odibiles abominabiles, & execrabiles DEO & Angelis ejus, magis quam concipere possumus. Vidit & deploravit luctuosam hanc deformationem Jeremias Thren: 1. & 4. *Egressus est a filia Sion omnis decor ejus. Quomodo obscuratum est aurum, mutatus est color optimus? Filij Sion inclij, & amici vero primo, quomodo reputati sunt in vasa testea, opus manuum figuli?* Et quidem in vasa foris fuligine, intus fœdissimis sordibus plena, quæ Apostolus vocat Vasa contumeliæ. Rom. 9. *Nazareti candidiores nive, nitidiores lacte, rubicundiores ebore antiquo, sapphiro pulchriores.* Denigrata est facies eorum super carbones, & non sunt cogniti in plateis. Imò nec DEUS illos vult cognoscere: *Amen dico vobis: nescio vos.* Matt. 23. Advertit, & abscondit quodammodo faciem suam ab eis, & quasi calce repellit eos. *Abscondisti faciem tuam a nobis: & allisisti nos in manu iniquitatis nostræ.* Isa. 64. Quam tenere & zelosè animas mundas diligit DEUS, tum ut filias charissimas, tum ut sponsas speciosissimas; suavissimæq; sunt illi delicta conversari cum ipsis; tam graviter detestatur vel unico gravi peccato inquinatas, tanquam degeneres, tanquam prostibula & meretrices; ut passim videre est apud Prophetas.

Ex his patet: quàm studiosè procuranda & conservanda sit Puritas animarum, tam propriarum, quam alienarum. 1. Ut nativa sua, seu naturali, gaudeant pulchritudine, & non deformetur opus tam nobile Creatoris.

2. Ne deficiantur Supernaturali pulchritudine, quam addit Gratia divina incomparabiliter majorem, quam sit omnis species, & naturalis venustas omnium Angelorum. 3. Ne privetur Christus suavissima cum ipsis consuetudine. 4. Ne sanguis Divinus, quo mundata sunt, privetur fructu suo. 5. Ne DEUS cogatur odisse opus suum. In hoc, nisi gravem indignationem Divinam incurrere velimus, intenti esse debemus singuli, praesertim quibus Justitia vel Charitas imposuit curam alienarum animarum. Proprias autem animas exhortemur cum S. Thoma Villano in Dom: 19. Pent: *O Anima, si videres te ipsam! O si agnosceres tuam excellentiam & pulchritudinem: non ita te deiceret ad amorem vultum terrenorum! Quam pudendum est, generosam creaturam luto voluptatum sedari; & Sponsam celestis Regis vilissimo Aethiopi copulari!*

XXV. JANUARIJ.

De Oblatione Primogeniti à DEO desiderata, à Christo & B. V. facta.

1. A Dora DEUM O. M. & considera; cum ab Israelitis, post egressum ex Aegypto, voluisse sibi consecrari & offerri omne primogenitum sexus masculini, tam de hominibus, quam de pecoribus. Exodi. 13. ubi v. 2. addit rationem ejus Legis: *Meca sunt enim omnia; non solum titulo Creationis & Conservationis, ac supremi domini, sed etiam titulo liberationis ex Aegypto. Et æquissimum utiq; erat & est, ut DEO cedat specialiter in obsequium & cultum, quod charissimum habere solent parentes, scilicet flos ipse prolis. Et ego quid tibi DEO meo, Creatori, Conservatori, Domino Supremo, & Salvatori meo offeram? In defectu primogeniti, suscipe primas cujuslibet diei cogitationes & curas meas, quas non alias esse volo, quam de te, & gloria tua*

2. A Dora D. JESUM, & considera eum, ut Unigenitum, & Primogenitum Patris & Matris suæ. Unigenitus est, quia nec ille, nec ista alium habet Filium naturalem. Primogenitus est, quia ad ipsius ac suam majorem gloriam, Pater æternus complures ex Filijs hominum adoptavit; & prædestinavit conformes fieri imaginis Filij sui; ut sit ipse Primogenitus in multis Fratribus. Rom: 8. Virgini quoq; Matri suæ, ut cumularentur gaudia Matris, ipse Filius moriturus, in uno Joanne copiosos obtulit Filios quos ipse assumpserat in fratres. *O si me nossem in istorum electa turba contineri! Da mi JESU, ut ita vivam, ut me fratrem agnoscere non dedigneris.*

3. Venet.

3. **V**enerare DEIPARAM V. & considera, quàm fuerit prompta ad offerendum Filium suum, tum in contestationem subjectionis suæ erga legem divinam, etiam non obligantem se, eò quod genuerit non aperto utero: tum in propitiationem pro peccatis nostris. Ut enim ardentissime optabat placari DEUM generi humano, ita desiderabat, quanto eiyus eidem dignissimam hanc hostiam solemniter offerre in templo sancto suo. Benedictus DEUS, per quem & mihi indignissimo facta est copia, quotidie ipsi eandem divinam hostiam offerendi! Fac, Domina, ut id simili promptitudine, devotione, & affectu faciam.

Proposium v. g. de offerendu DEO, quæ præcipua & charissima habemus.

LECTIO PRACTICA.

Quomodo quisq; offerre possit DEO Primogenitum suum.

Eorum, qui ultro se castraverunt, ut loquitur Christus Matt: 19. propter regnum cælorum, pejor, quàm sit conjugatorum (quorum filij sicut novellæ olivarum in circuitu mensæ) videri posset condicio ex hoc capite: quod non habeant, quem DEO offerant, Primogenitum. At vivimus jam per gratiam Christi eam ætatem, de qua ex Isaac Vaticinio scripsit Apostolus Galat. 4. *Latere sterius, quæ non parit; erumpere, & clama; quæ non paritur: quia multi filij deserte, magis quàm ejus, quæ habet virum.* Hebræorum erat benedictio & beatitudo: abundare liberis carnali propagine genitis: Christianorum gloria est voluntaria sterilitas.

Quamquam sterilitatis probro notari nullatenus meretur Christiana Continentia & Virginitas. Nam ut meritò eam extollit S. Cyprianus lib. de disciplina & hab. Virg: *Flos est Ecclesiastici germinis, illustrior portio gregis Christi. Gaudet per illas, atq; in illis (Virginibus) largiter floret Ecclesie Mauris gloriosa fecunditas: quantoq; plus gloriosa Virginitas numero suo addit, tanto plus gaudium matris augetur.* Plures enim generat liberos Christianæ Ecclesiæ Castitas DEO, quàm conjugalis fecunditas mundo. Sit legio liberorum, quos ex sexcentis & ultra, partim reginis partim concubinis genuit Salomon, aut quispiam ex hara Mahometis porcus: unus Franciscus Salesius septuaginta duo millia, unus Franciscus Xaverius vicies centena millia, seu milliones duos, genuit Christo. Nec desunt etiamnum Ecclesiæ Catholice numerosissimi Patres matresve copiosæ proles, quam non ex Voluntate carnis, neq; ex Voluntate viri, sed ex DEO genuerunt DEO, Sacramentorum administratione, Evangelij prædicatione, privata instructione, ferventi oratione, corporis mortificatione, alijsq; pijs operibus pro animarum conversione susceptis. Aliquo ex his modis

quis possit DEO procreare liberos; quis habere potest Primogenitum, quem DEO offerat, quamvis conjugij sit expertus.

Præstò est & alter modus offerendi DEO Primogenitum, & quidem super omnia ei dilectum: ipsum scilicet Unigenitum ejus, qui simul est Primogenitus in multis fratribus. Cum enim, teste Propheta Isa. 9. nobis sit datus, nobis natus: offerre eum licebit non solum ut Primogenitum inter nos; sed etiam ut Primogenitum nostrum. Suffragatur huic juri nostro Primogenitus ipse, Redemptor JESUS, Matt. 12. ubi extendens manum in discipulos suos dixit: *Ecce mater mea, & fratres mei. Quicumque enim fecerit Voluntatem Patris mei, qui in celis est, ipse meus frater, & soror, & Mater est.* Quivis ergo fidelium faciens voluntatem DEI ex animo, potest esse Mater Christi, generando eum spiritualiter, tum in se ipso per Charitatem; tum in alijs per prædicationem: prout declarant S. August. & Gregor. Sacerdotibus suppetit alius etiam titulus, quo dicantur Patres Christi, Christus autem Primogenitus ipsorum; scilicet ratione potestatis conficiendi Sacramentum Eucharistiæ. Cum enim juxta SS. Patres & Theologos complures, vi verborum Consecrationis iterum quodammodo producat Christus, stupendo & ineffabili miraculo, dum primum Divinam hanc Hostiam litant Neo-Mystæ; Christus Eucharisticus dici potest Primogenitus ipsorum; in secundo Sacrificio secundo genitus, & sic deinceps. O prodigiosam DEI nostri dignationem, qui vilibus hominacionibus tantum potestatis concedit in se: ut de manibus nostris, tanquam à nobis genitum, suum recipiat Unigenitum! Et nos fraudabimus DEUM hac Oblatione, rari ad aras, prompti ad epulas?

Tertius denique, isque facilis & omnibus possibilis, modus offerendi DEO Primogenitum nostrum est: si è somno expergescatis, illico mentem & cor convertamus ad DEUM; & exclusis, seu dilatis, cogitationibus alijs, primus, quem vigiles elicimus, actus dirigatur ad DEUM. Talis actus erit Primogenitus inter alios, qui per diem sequentur, & planè occupabit cor Divinum: quòd, dum iterum incipimus vivere ut homines, primum respectum habeamus DEI, & in laudem ipsius prompti erumpamus, Ut autem possimus hoc vel simili actu: *Benedicta sis Sancta Trinitas, & indivisa Unitas, Pater Filius & Spiritus S. quia feci nobiscum misericordiam suam. Vel: Gloria Patri & Filio & Spiritui S. &c. Vel: Benedic Animæ meæ Domino: & noli oblivisci omnes retributiones ejus. Sit nomen Domini benedictum &c.* En qualis & quanta nobis copia est, non unum offerendi DEO Primogenitum nostrum. agamus id sedulo: & placebit DEO ob-

latio

Ratio nostra super vitulum novellum, cornua producentem & ungulas.

XXVI. IANVARII.

De Redemptione Primogeniti à DEO requisita: à Christo & B. V. præstita.

1. **A** Dora DEUM O. M. & considera, quomodo Exod 13. v. 13. oblatos sibi, & consecratos primogenitos hominum voluerit sine mora pretio redimi; *Omne autem Primogenitum hominis de Filijs tuis pretio redimes*; ne scilicet cogerentur omnes, perpetuò adstricti esse ministerio Sanctuarij, seu templi Domini. Redemptio hæc oblati quinque; siclis fiebat; Numer. c. 18. Vide, quàm paucis contentus est DEUS pro ingenti beneficio liberationis ex servitute Ægyptiaca. Nos quanta requirimus pro tenuibus beneficijs alicui præstitis? Quanta debemus DEO pro liberatione à servitute diaboli?

2. **A** Dora D. JESUM & considera, quòd ipsum quoque; voluerit DEUS offerri sibi solemniter in templo, & redimi à Matre sua; tum quia non ad ministrandum in templo, sed ad prædicandum destinatus fuit; tum ut speciali titulo addictus esset ministerio salutis nostræ, tanquam ad id emptus à nobis per Matrem Sanctissimam. Vide, quali ingenio amoris, quanto affectu, non solum nobis natus, nobis datus est JESUS, sed etiam nobis emptus! Et adhuc tergiversabimur, nos ejus obsequijs, & amoris mancipare? vel jam mancipati, ad alios convertemur Dominos? Quæremus varios prætextus, ut absolvamur ab obsequijs DEI?

3. **V** Enrare DEIparam V. & considera, quomodo ipsa Redemptorem suum à Patre æterno, pretio quinque; siclorum redemerit in commoda nostra; ut operaretur Salutem nostram, & Filius DEI quodammodo fieret servulus hominis. Passus est libenter eam emptionem Christus eo etiam titulo, ut tantò magis obstricti essemus ejus Matri. At cohorruit recolens, se ad alium alios habiturum emptores, alium venditorem. Benedicta sis o Domina, quòd tam studiosè egeris negotium salutis meæ! Fac, ut illam majore in pretio habeam, & amplius non prodigam. Adstringe me magis magisque; obsequijs empti pro me Redemptoris mei.

Proposium v. g. de Observantia majore Legum & Statutorum statum nostri.

LECTIO PRACTICA.

Quàm accuratè observandæ sint Leges & Statuta etiam humana.

Effe re vera in Ecclesia Christi, & ejusdem Rectoribus potestatem Condendi Constitutiones, prout tempus & ratio postulaverint, quibus non tantum dirigantur, sed etiam obligentur in conscientia fideles.

definitum est in Concilio Constantiensi Sess. 15. & à Leone X. contra Valdenses, Viclefum, Joannem Hus, & recentiores sectarios. Agnovit hanc potestatem, eiq; se reverentissime subjecit gloriosissimus Imperator Carolus Magnus: qui dist. 19. cap. *In memoriam*. sic loquitur de Constitutionibus Romanæ Sedis: *In memoriam B. Petri Apostoli, honoramus Sanctam, Romanam & Apostolicam Sedem: ut quæ nobis Sacerdotalis Major est dignitas, esse debeat Ecclesiasticæ Magistræ rationis. Quare servanda est cum mansuetudine humilitas; ut licet vix ferendum ab illa Sancta sede imponatur jugum: tamen feramus, & pia devotione toleremus. Quæ submissio & observantia, non minùs, imò maxime decet Spirituales.*

Sæcularium quoq; Principum & Magistratum Leges, & statuta legitima, habere vim obligandi in conscientia, secundum materiæ gravitatem, in ipsorum ditionibus, ideoq; studiosè observandas esse à subditis: certum est. Nam Prov. 8. dicit Sapientia Divina: *Per me reges regnant, & Legum conditores iusta decernunt. Per me principes imperant, & potentes decernunt iustitiam.* Unde concludit Apostolus Rom. 3. *Qui potestati resistit, Dei ordinationi resistit: qui autem resistunt; ipsi sibi damnationem acquirunt.*

Habent igitur sæculares Leges suas, tum Communes, tum municipales, quas studiosè observent. Habent Ecclesiastici Sacros Canones, Constitutiones Apostolicas, & Synodales. Utriq; convenit monitum illud Prov: 6. *Conserva fili mi, præcepta patris tui: sive Pontificis, sive Principis: & ne dimittas regem Matris tue; Ecclesiæ, & Patriæ: Liga ea in corde tuo jugiter: ut amore potius quam pœnæ timore ducaris ad eorum observationem: Et circumda gutturi tuo; ut nec verbo delinquas contra ea. Cum ambulaveris, gradianur secum, cum dormieris custodiant te; & evigilans loquere eum cu.* Quia Mandatum lucerna est, & Lex lux. Incitat ad id exemplo suo Christus; non solum divinarum, sed etiam humanarum legum observantissimus: ut cum non solum Mosaicis, sed civilibus se ultro submittit; jubens Matt. 22. quæ sunt Cæsaris dare Cæsari: & Matt. 17. prodigio insigni procuravit staterem, quem Petrus daret pro se & ipso Domino.

Religiosi, præter Communes personis Ecclesiasticis, habent peculiare Ordinum suorum Leges, seu Regulas, magno suo bono observandas. Pleraq; consilium tantum important, & directionem, nec obligant sub peccato: at observantibus incomparabili & præsidio & emolumento sunt. Nam. 1. Faciunt eos remotiores à peccatis dum pericula peccandi remouent, passionum mortificationem præstribunt, mediaq; superandi tentationes suppeditant. 2. Præstant facilitatem ad observanda præcepta

Dixit

Divina. Dum enim nos incitant, & ducunt ad implenda **Consilia** Evangelica per Vota voluntariæ Paupertatis, Castitatis, Obedientiæ &c. hoc ipso inducunt ad præstandum plus, quam præceptum est. Unde qui sponte, **DEI** & salutis suæ amore omnia sua dimisit: utiq; paratissimus est, ad non rapienda aliena. Qui se submittit per Religiosam Obedientiam cuiusvis extraneo, & nulla cognatione sibi conjuncto, Superiori: quomodo non facile honorabit parentes &c. 3. Excitant & urgent nos ad virtutem & perfectionem eximiam: ut non solum simus boni Christiani, vel Clerici; sed eximij: non gregarij tantum milites Christi Ducis, sed selecti, & quasi Prætoriani. 4. Ducunt nos per vias securas, rectas & regias ad Perfectionem & Sanctitatem: cum Regulæ approbatorum Ordinum sint & ipsæ à Sede Apostolica approbatæ; utpote divinitus Sanctis Fundatoribus inspiratæ: prout de Constitutionibus Societatis nostræ testatus est Paulus III. Pont. Max. quando post diligenter examinatas, dixit. *Dignum DEI hic est.* 5. Deniq; non vanam præbent nobis fiduciam obtinendi Apostolicam illam benedictionem. Galat. 6. *Quicumq; hanc Regulam secuti fuerint: Pax super illos & Misericordia.*

Ex his patet: æquissimam esse admonitionem illam S. P. N. Ignatii 6. Parte Constiti. c. 1. *Quicumq; Societatem ingredientur, & in ea vivent: Omnes ejus Constitutiones, Regulas, ac vivendi rationem integrè, & ad amissam observare desiderent: & cum divina gratia ex toto corde & viribus, perfectè eas servare allaborent.*

Ad omnes pertinet illud Sapientiæ æternæ Prov. 3. *Fili mi: ne obliviscaris Legis mee; & præcepta mea cor tuum custodiat. Longitudinem enim dierum & annos vite, & pacem apponent tibi. Et v. 21. Custodi Legem atq; Consilium: & erit Vita animæ tuæ.* Qui vult vivere sine Lege: non est de Domini grege.

XXVII. JANUARI.

DEUS voluit Christum sibi offerri in Templo Hierosolymitano;
Christum & B. V. eo properant.

I. A Dora **DEUM** O. M. & considera, eum non contentum quotidianis imò assiduis oblationibus, quibus ei Filium suum inter ardentissimos affectus offerebat V. Mater, voluisse; ut deferretur Hierosolymam, atq; in templo solemniter præsentaretur, tum in solatium senum, Simeonis & Annæ, arescentium præ expectatione Redemptoris, tum vel maxime, ut eorum prædicatione vulgaretur jam natus, adeoq;

diligentiùs quæreretur. Tam solentè prospicit homini DEUS, & mediâ salutis ingerit.

2. **A** Dora D. JESUM & considera, quàm varijs movebatur affectibus, quando super ulnas V. Matris ferebatur Hierosolymam, ex Bethlehem. Respiciebat urbem sibi fatalem, ejus ipse vicissim ruina futurus esset; nunc templum, nunc montem Moria; seu Calvaria; oculis requirebat, & jam tunc ingeminabat illud Luc. 12. *Baptismo habeo baptizari, & quomodo coarctor, usq; dum persequatur?* Non ignorabat in urbe Herodem adesse, non latebant cruenta ejus consilia: ibat tamen intrepidus, quò Pater vocabat. Non quò eundem; sed quis jubeat, vel vocet, cogitandum. Si nos alicubi manent vincula aut cruces, aderit ibidem & DEUS.

3. **V**ENERARE DEIPARAM V. & considera quàm leve onus, quàm dulce pondus, quàm pretiosam sarcinam; infinitum redemptionis nostræ pretium continentem, tulerit Hierosolymam. Ibat prompta, an potiùs amoris alis ferebatur, ut Filium & Dominum suum sisteret Domino: quàmvis & ipsa non ignoraret, quale theatrum urbs illa olim esset Filio suo futura. Fac Domina: ut nullum tergiverfer adire locum, in quo aliquid pro DEI gloria præstare possim.

Proposui v. g. de non querenda exemptione à communibus obligationibus.

LECTIO PRACTICA.

De libenter ferendu proprij Status Oneribus & Incommodis.

Vt in hac vita nulla voluptas sine dolore: sic nullus honor, nullus Status sine onere. Probant subinde non nulli jam huncjam illum statum, mutant officia, ab alijs ad alios aspirant honores: sed ubiq; reperiunt, quod portent: nullibi vivitur sine gravamine. *Credis te evadere, quod nullus mortalium potuit præterire?* inquit Kemp. l. 2. c. 12. *Crux semper parata est: & semper te expectat: non potes effugere.* Non pedes ad evadendum, sed humeros ad portandum, paremus oportet.

Spectat hoc ad eos potissimùm, qui in aliqua communitate vivunt. Inglorium est, & turpe, & sæpe injuriosum; subducere se communibus oneribus, quærere, sine urgente causa, exemptiones, vel effugia; velle unum esse ex omnibus, participare commoda cum omnibus; & nolle pati vel agere, quòd omnes. Offendit singularitas quàmvis communitatem sive Religiosam, sive Ecclesiasticam, sive civilem aut militarem. Fortissimo Uriæ 2. Reg. 11. tam probrosum visum est hoc dedecus: ut quantumvis instante, & iterum iterumq; urgente Rege, laxare nullatenus voluerit disciplinam militarem, & peculiari uti commoditate domi

domi sua. Dominum meum Joab, & servi Domini mei super faciem terre manent. & ego ingrediar domum meam, ut comedam & bibam &c. Per salutem anime sue non faciam rem hanc. Rex ipse David, sitiente exercitu, eximius esse noluit: sed allatam de cisterna Bethlehem aquam libavit Domino, fuditq; in terram. 2. Reg. 23. Julius Cæsar non alia arte magis sibi militum conciliavit animos, & fidem obtinuit: quam utendo communi sorte cum illis. Idem de Catone tradit Lucanus l. 9. Pharsal: Rectorem te posuerunt? Noli extolli: Esto in illis, quasi unus ex illis: monet sapientissime Syracides cap. 32. Quod si Prælatum decet esse ut unum è subditis: quanto minus decet, subditum inter subditos, seu æqualem inter æquales, non agere Prælatum, & arrogare sibi singulare quidpiam?

Ubiq; odiosa cum sit singularitas, seu exemprio, sine rationabili causa quæsitā ab oneribus communibus, & communi vita: odiosissima est in Religiosis Communitatibus, & valde perniciofa. Solvit enim communem disciplinam, turbat pacem, excitat invidiam in æqualibus, provocat emulationem in junioribus, causat murmura in senioribus, movet indignationem in Superioribus. Est autem præcipue duplex classis horum Exemptorum, seu potius eximentium se ipsos. Quidam id agunt prætextu valetudinis debilis, vel debilitandæ: qui ut sine discrimine argui, sic nec probari possunt. Nam sicut notavit S. P. N. Ignatius 3. p. Const. c. 2. §. 1. *Ut nimia sollicitudo in ijs, quæ ad corpus pertinent, reprehensibilis est: in cura moderata succedere ad divinum obsequium valetudinis, ac virum corporis, laude digna, & ab omnibus adhibenda est.* Cavendus igitur excessus in cura valetudinis: ne, ut ait S. Bernardus serm. 30. in Cant: te probes Hypocratis aut Galeni potius, quam Christi discipulum. Vide: ne philantia potius & gastrimargia te eximat à vita communi, quam necessitas.

Alios observavit Cassianus lib. 6. de Instit: privilegia sibi condere, vel corrogare, non obtentu necessitatis, sed ex auctoritate quadam & præsumptione, ob prærogativam natalium, vel ætatis, vel munerum gestorum, meritorumq; in religione cumulatorum. Verum his in Societate nostra nihil omnino conceditur singulare: & S. P. N. cap. 7. Exam: eos, qui Societati nomen dare cupiunt, rogari jubet: *An contenti futuri sint, eodem atq; alij modo in Collegio agere: nulluq; privilegijs aut prærogation, minimum omnium, qui in eo fuerint, antequam, omnem sui curam relinquendo?* Nihil habent specialis immunitatis vel commodi, quod sibi vendicent, emeriti Professores & Concionatores, aut ipsi Superiores: sed si quo fractæ vires vel gravior ætas sublevanda fuerit: totum à Superiorum

discretionē & charitate pendet. Quæ communis Vitæ ratio, quàm diu floret in Religione, tam diu viget Religiosa disciplina, & omnia suo ordine procedunt ad fines præstitutos.

Pro ea conservanda, qui singularitatem seu immunitatem aliquam appetunt, Cogitent. 1. Se non teneri ad valetudinem tuendam inusitatis quibusdam modis & medijs: prout latè demonstrat Rodriquez tom. 3. Exerc. Perfect: tr. 3. c. 17. præsertim talibus quæ pusillis facile sunt scandalo. 2. Habere se optimam optimè de sua Religione merendi occasionem, si tales singularitates neglexerint. 3. Cum omnis Religio sit status pœnitentiæ & mortificationis: habere se opportunissimam occasionem & satis frequentem, egregiè se mortificandi, sensibiliore modo, quàm sit flagellatio & similia; si nihil singulare petierint, vel admiserint. 4. Cogitent: se rem facturos gratissimam DEO, DEIPARÆ V. & S. Fundatoribus sui Ordinis: ut patet ex adductis à cit: Rodriq. cap: 18. exemplis: in quibus communi vitæ contenti singularibus DEI favoribus & solatijs sunt affecti; extraordinarij verò, quàmvis alias probi, neglecti.

XXVIII. IANVARII.

DEUS, JESUS, & MARIA quibus solatijs affecterint senes,
Simeonem & Annam.

1. **A** Dora DEUM O. M. & considera; eum non rarò solatia sua differre, ut cumulatione veniant, & merita patientiæ crescant. Sic Simeoni & Annæ probissimis, sibiq; charissimis, distulit promissum Salvatorem, usq; ad supremam senectutem. At ubi tandem venit plenitudo designari temporis, o quantis eos gaudijs penitus implevit, quando desiderium illud collium æternorum, promissum Salvatorem, non solùm denunciavit natum, sed oculis exhibuit, in ulnas tradidit. Recte monet Propheta: *Si moram feceris, expecta illum, quia veniens veniet, & non tardabit.* Habac. 2. Dabit mora proventum.

2. **A** Dora D. JESUM, & considera; quàm varijs, quàm teneris, quàm plenis charitate, reverentiâ, gaudio, exultatione, gratitudine affectibus eum in templo Hierosolymitano exceperint Simeon & Anna. Collegerunt hujusmodi affectus per plurimos annos, quos tandem, uberrimo solatio suo, velut aggere rupto effuderunt. Specimen aliquod exhibet Canticum, quod satur jam vitæ mortalis decantavit Simeon Luc. 2. Anna quoq; *confitebatur Domino; in voce laudis & exultationis.*

& loque-

& loquebatur de illis omnibus qui expectabant redemptionem Israel. Gratulator tibi, mi JESU, quod in tota Hierosolyma par hominum inveneris, qui te susceperunt ut Dominum, adorant ut DEUM. O mihi similes affectus, dum te sub speciebus panis suscipio!

3 **V**enerare DEIpam V. & considera; quibus & illam aspexerint Simeon & Anna, oculis, quibus salutaverint affectibus quam DEI Matrem, docente Spiritu S. agnoscebant; e cujus vultu, profanis oculis ignota, radiabat quædam Homines & Angelos supergressa Majestas. Nonne & ipsam illo Bethuliensium carmine, (Judith: 13.) salutarunt: *Tu gloria Hierusalem, in lætitia Israel, in honorificentia populi nostri?* Non dubium: quin Sanctissima Mater & Suavissimus Puerulus pietati & expectationi senum paubus, imò longe luculentioribus responderint affectibus. Gaudeo hoc tuo & Filij tui honore Domina, & oro; ut & mihi aliquando Benedictum illum fructum Ventris tui post hoc exilium ostendas. Interim in patientia & spe expectabo salutare tuum Domine.

Proposium v. g. de negligendis solarij mundanis.

LECTIO PRACTICA

De patienter expectandis consolationibus Divinis.

Recte dixit Solon: Urbes atq; oppida nihil aliud esse, quàm humanarum ærumnarum domicilia; quibus luctus, mœrores, tristitia mortalium quasi sepeis includuntur. Et Seneca lib. de consol. c. 35. Nulla domus in toto orbe terrarum aut est, aut fuit sine comploratione. Imò ut Euripides apud Ciceron. Tuscul. 3. loquitur: Mortalis nemo est, quem non attingat dolor. Hinc omnes circumspiciunt, suspirant, quærunt remedium & solatium: sed non omnes quærunt ibi, ubi inveniri potest: pauci quærunt eo modo, quo quærendum est. Dum enim ad DEUM recurrunt pro auxilio & solatio; vel obiter & frigide id faciunt, vel nimis ardentem & impatientem. Quò fit; ut parum obtineant, aut nihil. Optime dictum: *Civis dolori remedium est Patientia.*

Bene recurrimus ad DEUM pro auxilio & solatio: sed advertendum imprimis; fontem consolationum divinarum non esse eum, cujus epistomium sit in manu nostra. Ubi voluerit, aperiet DEUS ipse; & vel sulcam aliquam vel imbrem solationum super nos mittet. Deinde magis necessarium nobis est Auxilium, quàm Solatium. Auxilio enim opus habemus non solum ad ferendas, ut decet molestias, ærumnas & alias quasvis Cruces: sed ad patienter ferendam ipsam dilationem consolationis divinæ. Sine hac patientia, omnis alia multum de pretio suo amittit:

imo impatientia notam non evadit. Ecce Simeon & Anna, qui in generali illa populi DEI corruptione, fideles DEO perseverarunt, omnibus clari virtutibus, usq; ad decrepitam ætatem expectare debuerunt consolationem Israel, natum Salvatorem. Clamabant Prophetæ: *Consolamini, Consolamini popule meus, dicit DEUS vester.* Isa. 40. sed sola spe per aliquot sæcula sustentare se debuerunt, donec veniret Consolator, & nubes pluerent justum.

Idem institutum etiamnum plerumq; tenet DEUS circa Dilectos suos. Sinit eos varijs, & non levibus vexari incommodis, injurijs, tentationibus, & afflictionibus: nec ulla per multum tempus eos demulcet consolatione; quin potius in ariditate animæ & desolatione tabescere sinit. S. Theresiam per annos 18 exercuit in hac palæstra. Alius quidam eximius DEI famulus, apud Rodriq. tom. 1. tr. 8. c. 29. dicebat. *Quadragesima ipsis annis Domino servio, & in oratione me exerceo: nunquam tamen ullam in ea consolationem, vel gustum habui.* Alios, copiosis cœli delicijs pasci solitos, subito destituit, multisq; exercet amaritudinibus multo tempore. Expertus id inter alios S. Bernardus amanter queritur coram Domino serm. 34. in Cant: *Exaruit cor meum, coagulatum est sicut lac; factum est sicut terra sine aqua, nec compungi ad lacrymas queo: sancta est duritia cordis mei. Non sapit Psalmi, non legere libet, non orare delectat, meditationes solitas non invenio. Ubi illa inebriatio Spiritus? Ubi mentis serenitas, & pax, & gaudium in Spiritu Sancto?*

Ad hujusmodi desolationes mitius ferendas, vel tollendas; opus nobis est quibusdam reflexionibus & considerationibus. 1. An non peccatis quibundam, quantumvis levibus, obstruamus canalem consolationum divinarum? Frustra sanè mulceri volumus ab eo, in quem offensas committere non cessamus. 2. An cum debita humilitate & resignatione in voluntatem divinam, petamus consolationem? Refert Fernandus Castiglius 1. p. lib. 1. c. 60. hist. Ord. Prædic. quendam de primis Ordinis ejus Patribus, quadam nocte coram Crucifixi imagine in templo prostratum, suam sortem miseram, & animæ desolationem continuam per omnem vitam religiosam amarissimè planxisse, non sine expostulatione quadam: quòd Dominus, alias tam benignus & profusus erga servos suos, se tam parcè & durè haberet, planè præter morem etiam sæcularium dominorum, qui fideles servos liberalius habent. Cum ecce, ingenti fragore conternatus, videt sibi assistere horrendum quoddam monstrum, & quo vecte forreo tam gravem ictum accepit: ut semianimem, terræq; allidum.

allissimum, repererint fratres. Deportatus ad valetudinarium, inter gravissimos dolores, & horrendum foetorem, hebdomadas aliquot jacuit. Utcumq; relictus, prorepsit in templum, & eodem loco culpam suam humillime deprecans, vocem cœlitus audivit: *Si consolationes aliquas & gustum in oratione queris: anse omnia necesse est: humilem te esse, tuam imbecillitatem ac nihilum agnoscere, teq; luto viliozem, imò vermicibus, quos pedibus proteeris, contempnitiorem judicare.* 3. Quod præteritis peccatis mereamur omnis solatij, Divini & humani, privationem. 4. Quod momentanea sit, quantumvis diuturna videatur, omnis nostra in hac vita desolatio: quam, si patienter sustinemus, sequetur consolatio plenissima & æterna. 5. Nos non esse meliores Christo, Domino nostro: qui in summa desolatione & derelictione à Patre, cum clamore valido, exspiravit inter Summos dolores.

Huic ut aliquatenus conformarentur nonnulli Servi DEI, ultro renunciaverunt delicijs cœlestibus, & in amaritudinibus continuis vivere maluerunt: Refert Rodriq. cit: quendam ex his, cum post eam resignationem, quinquennio graviter desolatus vixisset, visitatum fuisse à duobus Angelis, cum consolari volentibus. At ille, non admissa consolatione, reposuit sibi sufficere; quòd DEI voluntas in ipso impleatur. O virum inter Heroes Sanctorum censendum! Numquid in eam assurgere possumus animi celsitudinem: ut cum Job c. 6. dicamus: *Hec mihi sit consolatio: ut affligas me dolore, non parcat: nec contradicam sermonibus Sancti.* Da Domine mihi robur gratæ tuæ: Solutia alteri cedo libens.

XXIX. IANVARII.

DEUS ordinavit JESUM & MARIAM ad gloriam plebis sue
Israel: sed magis ad nostram.

1. A Dora DEUM O. M. & considera eum zelantem pro gloria Israelitarum. Ex ipsis enim voluit nasci Christum, ipsorum eras adoptio Filiorum, & gloria, & testamentum, & Legislator, & obsequium, & promissa. Rom. 9. Stupenda omnino sunt, quæ DEUS egit pro gente illa: sed maxime stupendum, quòd Christum ex ipsis nasci voluerit. Notandum tamen, quòd cecinit Simeon: Christum natum in gloriam plebis sue Israel; non populi, qui comprehendit etiam Magnates, scribas, & seniores. Scilicet humilibus natus est Christus in salutem, humilibus dat gratiam & gloriam.

2. A Dora D. JESUM & considera; cum primò quidem propter
Ecce Israel

Israelitas, sed magis missum & natum in gloriam Christianorum: qui per illum facti sunt *Genus electum, regale Sacerdotium, Gens sancta, populus acquisitionis* 1. Pet. 2. Ipse est Rex & Dux noster, Magister & Pontifex, Dominus & DEUS noster. Quæ est alia natio, quæ tam verum, tam humanum & mitem, tam sublimem & gloriosum, tam sanctum & potentem habet DEUM, ac est JESUS, DEUS noster? Absit ergo mihi gloriari, nisi in DEO JESU meo. Utinam & ego tibi honori essem, mi JESU! Annitar: da gratiam.

3. **V**enerare DEIPARAM V. & considera; ipsam quoq; esse primam & summam, post DEUM, Gloriam populi Catholico-Christiani. Ipsa est flos, gemma, corona generis nostri. Ipsam suspicimus ut Principem, Reginam, & Imperatricem nostram supremam, & gratiosissimam. Ipsa nobis est potestate Domina, affectu & beneficentia Mater. Ringatur Judæus, fremat hæreticus, nos uno ore, & toto corde te magnificabimus gloriam nostram, & honorificentiam populi DEI, O MARIA. Tu præsta: ut & nos, qua decet, morum sanctitate vivamus, ad maximam DEI gloriam, & amplissimum honorem tuum. Alias enim vana est & in gloria vita nostra, mors infelix.

Propositum v. g. de Vita sic instituenda, ut simus honori JESU & MARIE.

LECTIO PRACTICA.

Quomodo possimus, & debeamus, esse Gloria Christi & V. Mariæ ejus.

Quam studiosus sit DEUS non solum commodorum nostrorum, sed honoris & gloriæ: patet tum ex pluribus alijs gravissimisq; argumentis, tum maxime ex mysterio Incarnationis & Redemptionis nostræ per Christum, quem totum ordinavit in salutem & Gloriam nostram æternam, imò & temporalem in Hierarchia Ecclesiastica. Prædicavit ipsum cygnea voce Simeon, ut *Lumen ad revelationem Gentium, & Gloriam plebis sue Israel*: sed Israel nomine veniunt jam, non tam qui secundum carnem, quam qui secundum spiritum sunt Israelitæ; id est, Christiani: ut declaravit non uno loco Apostolus.

Hinc gravis oritur nobis obligatio: ut & nos vicissim, qui glorioso Christi nomine signati sumus, ac potissimum flos Christianorum, Ecclesiastici & Religiosi, non solum simus perquam studiosi honoris & gloriæ Christi, Salvatoris & Glorificatoris nostri: sed quanti quanti sumus, simus honor ejus, & Gloria, coram DEO, Angelis & hominibus. Ad hoc præstandum, necesse est nos interius exteriusq; ita componi: ut qui vident nos
Angeli

Angeli & homines, glorificare possint Christum, eiq; gratulari: quod tales habeat servos. Ipse quoq; Christus gaudere possit, & gloriari: quemadmodum DEUS olim coram Angelis suis & Satan gloriatus est servo suo Job. *Nunquid considerasti servum meum Job; quod non sit ei similis in terra, homo simplex & rectus, ac timens DEUM, & recedens a malo?* Job 1. & 2.

In particulari Quatuor potissimum requisita ad id desiderantur. *Primo* Conscientia pura, & ab omni deliberata culpæ hævo immunis. Ob hanc gloriatur in Sponsæ suæ pulchritudine Sponsus Divinus Cant: 4. *Tota pulchra es amica mea: & macula non est in te.* Omnia alia decora, interna & externa, quantumvis speciosa & pretiosa, absq; hac Immunitate non placent, aut parum placent. Principes terræ non tolerant in conspectu suo & intima familia maculatos à natura, vel per incuriam. Unde Daniel. 1. Nabuchodonosor Rex Babylonis jussit de captivitate filiorum Israel introduci ad se pueros decoros formâ, in quibus nulla esset macula: qui possent stare in palatio regis. Nitor & decor famulantium, honor est Principum. Puritatis igitur conscientie studiosissimi inprimis sint oportet: qui CHRISTI honor esse cupiunt: idq; tantò magis, quantò pretiosius balneum ipse apparavit eluendis maculis nostris, & nitori animarum conservando, augendoq;

Secundò Vita sic instituenda: ut proximis scandalum non demus; ijs præsertim, qui foris, seu extra Ecclesiam sunt, si fortè inter illos commoramur. Scandalosa enim vita Catholicorum, ne dicam, Sacerdotum, Religiosorumq; redundat in grave dedecus Christi. Indisciplinata familia arguit herum non adeo probum. Unde Apostolus 1. Tim. 6. sollicitè monet servos Christianos: ut dominorum suorum, etiam gentilium, sint observantissimi: *Ne Nomen Domini, & doctrina blasphemetur.* Similiter ad Tit: 2. cùm monuisset varix conditionis homines de probitate Christiana colenda, addidit: *Ut non blasphemetur Verbum DEI.* Et v. 8. graviter commendat: *ut Doctrinam Salvatoris nostri DEI, adeoq; ipsummet, ornent in omnibus.*

Tertiò Non solum abstinere oportet à scandalis, sed etiam insignia præbere virtutum exempla, statui & professioni nostræ accomodata: ut qui vident opera nostra bona, glorificent DEUM ac Dominum nostrum JESUM, regnantem in cælis & animabus sanctis. Hinc præcipit Apostolus Philip: 4. *Modestia vestra nota sit omnibus hominibus.* Et Rom: 12. *Providentes bona non tantum coram DEO, sed etiam coram hominibus.* Glo-

ria Principum est aula, non tam splendido vestium cultu superba, quam moribus decora, rebus gestis inelyta.

Quare Prompti, & magnanimi simus, necesse est, ad quidvis agendum, omittendum, & patiendum pro Domino. Vilescant nobis fortunæ omnes, honor proprius, sanguis & vita; dum de honore JESU agitur. Vili emitur honor JESU, confusione nostra, depreffione, maceratione, interitu. Impendamus, quicquid possumus: impendamus, quanti quanti sumus.

Sic purificati, compositi, exculsi, animati, numquid erimus *Gloria Christi*: prout Apostoli appellantur 2. Cor. 8? Imo gloriabitur in nobis JESUS, ut olim DEUS Isa: 43. *Servus meus es in Israhel: in te gloriabor.* Gloriabitur, ut in nupero colono, in quem itinerans incidi. Vilius est homo amœni ingenij, ideoq; varios insequimur sermones. Post alia subjungit: Ego pauper colonus satisfacio justæ sententiæ divinæ, qua ad labores damnati sumus. Verso & colo agellum meum: dumq; stivam promoveo, DEO & bobus meis piam aliquam decanto cantilenam. Et DEUS in summis cœlorum gaudet, & gloriatur coram Angelis suis, quod salem rusticum habeat. O gaudeat etiam Suavissimus JESUS: quod tales, qui ipsi commodo & honori sunt, habeat populos, Sacerdotes, Religiosos, & Prælatos! Non queratur cum Isaia cap. 9. *Multiplicasti gentem: non magnificasti latinitatem;* & gloriam.

XXX. JANUARI.

DEUS constituit CHRISTUM & DELPAM V. in ruinam & resurrectionem multorum.

1. **A** Dora DEUM O. M. & considera, quàm sit *terribilis in consilio super Filios hominum.* Psal. 65. Cogitat ille quidem cogitationes pacis, amat & vult omnium Salutem; sed ad eam obtinendam, ea non raro ordinat media, quæ alijs vertuntur in Salutem, alijs in perditionem, non DEI voluntate, sed vitio hominum, libertate voluntatis suæ abutentium. Sic Christum, qui natus est nobis in salutem, dixit Simeon, *positum esse in ruinam & resurrectionem multorum.* Luc. 2. Justus es Domine, & omnia iudicia tua justa! Salus nostra ex te; tantummodo ex nobis perditio nostra.

2. **A** Dora D. JESUM, & considera; quomodo is, qui secundum se est Vita & salus mera, resurrectio & gloria nostra, multis est *inimica*, atq; ut dixit Isaïas: cap. 8. *Lapis offensionis & petra scandali*, vel quia in ipsum non crediderunt; vel quia doctrinam & vitam ejus, tan-

quam

quam sibi contrariam, spreverunt, vel quia ab illo turpiter defecerunt, abutentes Bonitate & beneficijs ejus, abeuntes post desideria cordis sui perversi & adherentes potius Mundo, Carni, & Satanæ. O Salus mea, JESU, ne finas me sic desipere; ne finas me unquam avelli a te.

3 Venerare DEIPARAM V. & considera, etiam ipsam factam esse multis quidem in resurrectionem, non paucis tamen in ruinam; ut qui eam vel veram DEI Matrem agnoscere nolunt, vel agnitam, ut DEI Matrem non honorant, blasphemantes; non alio, quam reliquas feminas honore dignam. Detestor ô Domina, stolidas hujusmodi peccates. Te magnificabo, & superexaltabo super omnes, non hominum duntaxat, sed Angelorum choros. Esto mihi cum Filio tuo in gloriosam resurrectionem. Præserva a lapsu: lapsum erige quanto cyus, ô Gratiosissima.

Proposui v. g. de cavendo, ne Christus nobis sit in ruinam.

LECTIO PRACTICA.

Quomodo CHRISTUS multis sit in Ruinam.

Ingens, stupenda perversitas! Resurrectio vertitur in ruinam, vita in mortem, salus æterna in damnationem æternam! Quis vidit? Imò quis fecit mirabilia hæc? Nostræ insolentissimæ Libertatis hoc facinus est. Christus, secundum Divinitatem Suam Bonitas, infinita Clementia, inexhausta Misericordia, æterna salus, Beatitudo consummata; secundum humanitatem Delicium, Advocatus, Mediator, Salvator generis humani, quid vult magis, quid desiderat & procurat ardentius, quam homines salvare? At nos Libertate nostra insani, illicio lucelli cujusdam illecti, haustu, imò stillâ, alienius voluptatis ebrij, præcipitamus nos ultro in barathrum ærumnarum æternarum.

Sic ruerunt Judæi sponte sua, & libera obstinatione, à fide in perfidiam, ab obedientia in rebellionem, à Cognitione DEI & S. Scripturæ in corcitatem, & obdurationem, à spe salutis in desperationem & damnationem, à cælo in gehennam. Sic & Christianis non omnibus in resurrectionem est Christus, sed plurimis in ruinam: non ideo quod is sibi ipsi sit contrarius; sed propter nientium contrariam animi sententiam: inquit S. Basilus tr. 2. de Baptismo c. 10. siquidem Christo salutaria decenti, consentire nolunt. Quo fit; ut Christus, quemadmodum ait Apostolus 2. Cor. 16. Aliis sit odor mortis in mortem: aliis autem odor vite in vitam. Nam sicut Fragrantia unguenti columbam vegetat, scarabæum necat: Et sicut lumen solis oculos sanos recreat, debiles offendit; ignis aurum purgat, stipulam absumit: sic Christus malis

in ruinam est, boni in resurrectionem; inquit ex Nysseno Oecumenius.

Quantum gratiosissimus Salvator laborarit, ut nos lapsos erigeret, & ab interitu vindicaret: satis docet tota ejus Vita, ac potissimum Passio immanis: docent & innumera Exempla, ut ipsius Bonitatis, ita malitiz humanarum argumenta luculentissima. Accipe unum, sed memorabile. Lohner in *Appendice Hist: Bibliothecæ sue. n. 18.* tradit: S. Franciscum Borgiam, cum iter haberet per quoddam oppidum Hispaniæ, intellexisse: virum nobilem de vita periclitari, & nolle peccatorum confessione sibi consulere. Pater positis ante Crucifixi effigiem genibus, Christum suppliciter rogat: vellet pereunti succurrere. Audivit preces Christus, monuitq; iret ad ægrum; se in habitu Medici compariturum, & dum Franciscus ad confessionem peccatorum hominem inducere conaretur, simul opem se laturum. Quod & præstitit, quam diu Pater hominis pertinaciam frangere laboravit. Dum id frustra fit: evanuit Medicus. Pater quoq; domum repetit: atq; ibi ante Crucifixum prostratus, ardentius quam ante precatur, sibiq; eam animam donari petit. Tum Christus ad illum: Ut videas, quam miseri istius hominis salus mihi cordi sit: vade, & me in effigie mea ad illum defer. Redit itaq; ad ægrum Pater; & Crucifixi effigiem vibrans, per immensam, quam ejus causam moriens in cruce, testatus est charitatem orat. obsecrat, obtestatur: ut beneficio Sangvinis pro se fusi, uti velit. Dumq; ille non flectitur: ecce ex omnibus Crucifixi vulneribus sanguis erumpit; Christus ipse, voce intelligibili, revocat, quæ pro ipsius salute sit passus, monetq;: ut ea in suum commodum convertat. Ille nihilominus obstinato, Christus avulso à cruce brachio, sanguinem, è latere suo defluentem, manu corripient, in faciem ejus projecit dicens: *Quandoquidem in sui salutem hoc sanguine usi non vni: sit ille tibi in condemnationem.* Hoc fulmine percussus impius, continuo blasphemans expiravit. Fuit huic Christus in ruinam, sed resurgere nolenti: fuit in damnationem, sed salutem oblatam, & obtrusam, spernenti. Perditio tua ex te Israel.

S. Carpo, Cretensium Episcopo, revelavit Christus, *apud Surium in Vind:* tanti se facere quamvis animam: ut pro ea denuo mori, imò & inferni tormenta sustinere paratus sit. Idem aperuit S. Brigittæ lib. 7. Revel. c. 19. Dilectio, inquit, mea erga hominem modò æquæ grandis & incomprehensibilis est, sicut erat tempore Passionis meæ. Et si fieri posset: ut toties morerer, quot sunt animæ in inferno, ego promptissima voluntate, & perfectissima charitate Corpus meum traderem; eandemq; pass-

passionem & mortem pro qualibet anima sustinerem, quam sustinui pro omnibus.

Non ergo Christus ex se in ruinam nostram propendet, sed potius in sustentationem & exaltationem; sicut columna firmissima: quæ a peius-
simo architecto posita, non aliter dici potest, posita in ruinam multorum, nisi qui per summam insolentiam & violentiam traxerint eam in oppres-
sionem sui. Accedamus illi securi, adhæreamus constantes; non intret, sed potius implebit ruinas, si quæ ex veteri homine sunt in nobis. Et cum conquassabit capita in terra multorum: nos levabimus salvi & intrepida capita nostra: venientemq; Judicem læti excipiemus.

XXXI. IANVARII.

DEUS præter alia signa etiam Christum & DEIparam V. posuit nobis in signum.

1. **A** Dora DEUM O. M. & considera, cum hominibus constituisse, & etiamnum constituere varia signa tum gratiæ, tum Justitiæ suæ exercendæ, tum vitæ, tum interitus imminentiæ. *Dedisti mentibus 10 significationem, ut fugiant a facie arcûs.* Psal. 59. 9. Vide, an non & tibi peculiare aliquod hujusmodi signum dederit? Si aliud non occurrat, sufficiens esse possunt ipsi mores nostri. Ex illis facile colligere licet; quo loco simus, & futuri simus apud DEUM. Væ mihi, si testimonium mortis habeo in me!

2. **A** Dora D. JESUM, & considera, ipsum quoq; possum fuisse in signum; & quidem a DEO in signum vitæ ac salutis æternæ, idq; in signum practicum seu causativum Salutis; ab hominibus autem ponitur, & positus fuit in signum cui passim contradicunt (iuxta Simeonis oraculum) & verbis & factis. Positus est in signum, ad quod certatim collinant improbarum linguarum sagittæ venenatæ. Recole, quantas Incarnata hæc Veritas & Sapientia passa sit, & etiamnum patiatur contradictiones, forsan & a te, præsertim factis seu moribus! O Veritas æterna! parce temeritati & deformitati meæ. Tu deinceps mihi norma vivendi eris.

3. **V**enerare DEIparam V. & considera eam, tanquam Signum illud magnum quod apparuit in celo Apoc. 12. Refulsit amicta sole, coronata sideribus, lunâ calceata; & tamen etiam ipsa non paucis facta est in signum, cui contradicunt, nunc ejus innocentiam, nunc puritatem Virgineam, nunc honores ei delatos impetendo. At mihi, o Amabilissi-

ma, non aliud semper eris signum, quam in quod tendant ignea aurore
mei jacula. Felix, si centrum cordis tui tetigero! Tangam: si moribus
& vitâ tibi & Filio tuo non contradixero.

*Proposium v. g. de non contradicendo moribus Christo, & dirigendis
ad eum pijs affectibus.*

LECTIO PRACTICA

De Usu & Utilitate Orationum Jaculatoriarum.

Jaculatoriæ dicuntur breviculæ quædam Orationes, & Aspirationes,
quas ex intimis cordis penetralibus ducimus, & impetu quodam in
celum emittimus. Subinde illas ejaculamur sagittarum instar: dum absq;
vocum strepitu, vel tacitis affectibus, vel pauculis vocibus submissè prolati
impetimus celum. Quibus Aspirationibus accomodari potest illud sap. 3.
Ibunt directè emissiones fulgurum. & tanquam à bene curvato arcu nubium
exerminabuntur, seu elidentur; & ad certum locum insilienti: nimirum usq;
ad cor DEI. Alias tanquam selopeto, seu bombarda majore, non sine
strepitu illas ejicimus, eò quod uberior & ferventior affectus ex angustijs
cordis vehementius eluctetur.

Familiares sunt hoc genus orationum & aspirationum etiam priscis Pa-
tribus eremicolis; easq; teste Cassiano lib. 2. de Institut. Renuntiantium,
permagni faciebant: quemadmodum & his temporibus magni sunt, & in-
crebra praxi habentur à pijs, propter insignia, quæ ex ipsis percipiuntur
emolumenta. Nam. 1. Facillimè eliciuntur: nec caput, nec memoriam,
nec intellectum, aut phantasiam fatigant. 2. Non sunt obnoxii tædio,
langvori, distractione causatis: Incipiunt, & desinunt instar fulguris: per-
stringunt tamen intimas cordis fibras; disiciunt, si quæ mentem occupant,
ignavi torporis nebulas, & animam officij sui admonent. 3. Plurimum
conferunt ad concipiendam & conservandam memoriam præsentis DEI,
& assuesfaciendam animâ ad agendum frequenter & familiariter cum DEO,
& coram DEO. Hoc ipso enim, quod crebrò mentem & cor elevamus
ad ipsum, facimus cum nobis intentionaliter præsentem, vel certè nos
ipsi, qui per alias cogitationes & actiones quasi elongati fuimus à DEO,
redimus quodammodo, & accedimus ad ipsum, coram ejus Majestate nos
sistimus, ipsiq; intima cordis nostri aperimus. Assuescimus igitur facilli-
ma opera, ut etiam prolixiore oratione vel contemplatione non pigeat,
vel tædeat nos, agere cum DEO. Qui fructus brevicularum istarum
Aspirationum, frequentius usurpatarum, ingens sanè est, & valde preti-
osus: alias autem multis prolixis orationibus & mortificationibus quæri solet.

Condu.

Conducunt deniq; ad facilitandum, & fructuosius reddendum quarumvis Virtutum exercitium, præsertim Amoris Divini. Possunt enim hujusmodi Aspirationes elici in materia cujusvis virtutis, sive desiderando illam v. g. *Amen Te, ô Bonitas infinita! Laudem te ô Majestas Suprema! Noverim te Domine, noverim me! Patiar ego, moriar ego amore vestri, dulcissimi amoris mei J & M.!* sive eliciendos in futurum actus offerendo v. g. *Diligam te Domine fortitudo mea, Misericordia mea &c. Benedicam Dominum in omni tempore &c. Vilior fiam propter te: Patiar propter te: Amabo & inimicos propter te &c. DEUS meus & Omnia!* Sive de præsentis certos, eotq; insigniores, virtutum actus deferendo v. g. *Amo te super omnia! Ad majorem DEI gloriam Omnia. Condono propter te offensam N. Amo te toto corde, tota anima, totis viribus &c.*

Qui hujusmodi desiderijs pijs & affectibus constantem & diligentem dabit operam: tantas ex eo utilitates capturum, promittit gravis Asceta Dionysius Carthus: lib. 1. de Contempl. c. 25. ut suum ipse cor brevissimo tempore conversam, se in virum alium mutatum, percepturus sit: mirabilis suavissimam mutationem dextera Excelsi. Addit Alphonsus Rodriq. tom. 1. Exercitij. tr. 6. c. 4. nos hoc medio facile consequi posse, quæ multis impossibilis videtur, assiduam illam orationem, quam Salvator noster Luc. 18. à nobis, præsertim Spiritualibus, requirit: *Oportet semper orare, & non deficere.* Imò brevi rem eò deducemus: ut conversatio nostra sit in cœlis: etiamsi inter turbas & negotia temporalia vivamus in terris.

Quod attinet ad speciem hujusmodi Orationum, seu Aspirationum: illas quisvis assumere sibi potest, quæ personæ ipsius magis accommodatæ videbuntur, & in quibus majorem gustum sentiet. Quidam unica utuntur passim; vel cum S. Thoma Apostolo dicendo: *Dominus meus & DEUS meus!* Vel cum S. Francisco Seraph: *DEUS meus & Omnia.* Vel cum S. P. N. Ignatio: *O DEUS meus, ô si te homines nescirent!* Vel cum S. Augustino: *Noverim Te, noverim me!* Vel cum S. Francisco Xaverio: *O DEUS cordis mei. Mater DEI memento mei.* Vel cum Sancta illa peccatrice: *Quæ me plasmasti, miserere mei.* Vel: *Miserere mei DEUS secundum magnam misericordiam tuam.* Vel cum Card. Stanislao Hosio: *Mane nobiscum Domine.* Alij plures adhibent, & quidem distributas per triplicem Ascetarum viam, Purgativam, Illuminativam & Unitivam. Unde nunc aspirant ad DEUM pro peccatorum remissione: nunc illuminari petunt, ad cognoscendam ejus voluntatem, & conformari atq; incitari ad profectum in virtutibus: nunc se totos tradunt, & conjungunt DEO per intensis-

simos actus Amoris, & voluntatis conformationem. *Tae, quod videtur in Domino.* Illa valde commoda est Aspiratio S. P. N. *Ad majorem DEI gloriam.* præfertim, dum aliquid agendum præ manibus habemus. Includit enim magnam DEI æstimationem, & valde perfectam Intentionem, ex solida charitate elicitam. Satisfacit etiam Apostolo 1. Cor. 10. *requirenti: Sive manducavi sive bibui, sive aliud quid feci: Omnia in DEI gloriam facio.* Quæcunq; tandem adhibeatur Formula: modo aliqua sit, velut Tesseræ quotidiana, qua fidem nostram & affectum testemur DEO, JESU & MARIE.

Ab hoc orandi modo non possunt se excusare, etiam ij, qui collo tenus temporalibus, etiam publicis, negotijs merli sunt. Non possunt nocturnas horas, cum Rege non uno, & Prælati compluribus, impendere orationi? non possunt se ipsos interdum aliquantisper suffurari turbis? At possunt, etiam coram testibus, inter epulas & jocos, subinde ardentem aliquam sagittam tacite, solo Angelo custode conscio vibrare in cælum. Si non possumus semper quasi utrumq; oculum convertere in cælum; etiam uno, modo dexter sit, collimare licet, atq; scopum ferire. teste Sponso Divino: *Vulnerasti cor meum, Soror mea Sponsus; vulnerasti cor meum in uno oculorum tuorum.* Cant. 4. *Hæ sunt Sagittæ electæ: Sagittæ jalarum Domini.* 4. Reg. 13.

I. FEBRUARII.

DEUS Christum & Matrem ejus in templo Hierosolymitano solatio pariter ac mœrore implet.

1. **A** Dora DEUM O. M. & considera: eum justissimo judicio constituisse, ut sicut annus nunc serenos, nunc turbidos habet dies, imò eadem dies non omnes æquæ serenas habet horas; ita alternantibus gaudijs & mœroribus, solatijs & angustijs exercerentur homines in vita mortali. Nec ipsum Filium suum, aut Matrem ejus ab hac vicissitudine voluit esse immunes. Bonus est sermo tuus Domine. Omnia in Sapientia fecisti. Tibi, etiam pro hac dispositione, do gloriam, tu mihi patientiam.

2. **A** Dora D. JESUM, & considera: ipsum in templo Hierosolymitano liquidissimis delibutum fuisse gaudijs, tum quòd in domo Patris sui esset, tum ex summa humilitate & ardentissima devotione Matris suæ, tum ex innocentia & pietate senum, Simeonis & Annæ: at aliunde non levia se ingerebant doloris argumenta, ut Sacerdotum incuria
in diva

in divino obsequio, & sacrificijs, populi insolentior conversatio in templo, olim flagello castiganda, ipsius templi prævifa desolatio & ruina &c. Quid ergo quærar ego de paucitate vel brevitate gaudiorum meorum? Nunquid servus melior erit Domino suo? Numquid Dominus torcular calcabit solus: servus autem uvam bibit meracissimam?

3. **V**enerare DEI param V. & considera; eandem ipsius & Filij conditionem fuisse. Replebatur à DEO copiosissimis cœli voluptatibus in oblatione munerum suorum: at ecce turbatorem cœlestis musicæ Simeonem, intentantem ipsi acutissimum, nec brevem doloris gladium, qui ipsam animam Matris non solum sit tacturus, sed plenè pertransiturus. *Tuam ipsius Animam pertransibit gladius.* Ergo meras rosas optem, vel sperem ego de manu Domini: quando Matrem suam gladio petit indeclinabili?

Propositiu v. g. de animo matris parando venturi adversi.

LECTIO PRACTICA.

De Gladio doloris à Simeone DEIpaz V prædicto.

Triste vaticinium cecinit Simeon DEIpaz V. quando prædixit: Filium ejus natum mundi Salvatorem, positum esse in ruinam multorum: at longè luctuosius fuit, quod addidit: *Et tuam ipsius Animam pertransibit gladius.* Pauca verba: sed acuta, ut sagittæ potentis; sed immensum & amarissimum mare dolorum concludentia!

Et tuam ipsius, inquit, animam. *Tuam ipsius:* quamvis nulli obnoxia sis culpa, quamvis ad tantam dignitatem provecta, quamvis immensum solationum & liquidissimæ voluptatis fontem inter ubera feras: nihilominus amaritudine amarissima, replebit te Dominus. Vulneris, & dolorum tuorum sedem non corpus ponet, sed Animam. Ubi acutior est sensus: ibi erit & vulnus. Corporis immunitas vitam protrahet dolenti: nec morti locus erit, ubi dolor erit fortior morte. Non perstringet solum animam fulminis instar, aut aliquam tantum ejus potentiam afflabit: sed toti incumbet animæ, & per omnes ejus ibit potentias & vires, donec petransseat. Non transvolabit, aut quasi in extimis duntaxat hærebit partibus, ut sagitta: sed ut gladius robusti bellatoris per penetralia pectoris adactus usq; ad capulum, pertransibit Animam: Heu quanto vulnere! Quanto sensu!

Job, patientiæ miraculum, in quantum erupit luctum! Et tamen manus Domini solum ivergit eum; solum sagittas quasdam corpori ejus infixit, non gladium. *Sagittæ Domini in me sunt: quarum indignatio tribuit spiritum meum.*

enim. Job. 4. Quid? si gladium suum immerisset visceribus ejus? At Virgo, Martyrum Princeps, quanta fortitudine tam gravem accepit nuncium, tanta constantia sustinuit gladium doloris: nec queri audita, nec corpore, aut animo concidere visa unquam.

Quaquam non tunc primū de imminente sibi doloris acutissimo gladio edocta est. Quem nunquam timuit, vel deprecata est; sensit semper jam inde ab Archangeli Salutatione. Non solum enim tunc didicit: se electam in DEI Matrem, & communem Filium habituram cum Patre aeterno: sed eundem Filium per acerbissimam mortem crucis post innumeras totius vitæ ærumnas, redempturum genus humanum. Qua habitæ notitia nullum momentum vacuum dolore habuit: sed semper viscera ejus materna commovebantur, & torquebantur super Filio, & tali Filio, uteri sui. Testatur id S. Bernardinus Senensis serm. 6. a. 2. cap. 1. de mirro Martyr. Virg: qui, postquam egit de summo actu Martyrij Filij DEI, in primo instanti Incarnationis, quo sese obtulit Patri in holocaustum, subdit: Matrem quoq; ineffabili illo incendio totam fuisse succensam: & quod *Virgo cum Christo crucifixæ est in hora hujus conceptionis.*

Rupertus, Abbas Tuiensis, lib. 1. in Cant. c. 1. sic Virginem ipsam inducit loquentem, de momento Conceptionis Christi: Descendit (Unigenitus DEI) de accubitu suo, & requievit in tabernaculo meo. Hic requievit, hic habitavit totis novem mensibus; & cujus erat Dominus, ejusdem ancillæ suæ factus est Filius. Vultis audire: qualis exinde fuerit iste Dilectus meus mihi, & ego illi? Ecce dico vobis. *Fasciculus myrrhæ Dilectus meus mihi inter ubera mea commorabitur.* Conferte istud dicto justi Simeonis: *Ecce hic positus est in signum, cui commadicitur: Et inani ipsius animam pertransibit gladius.* Et paulo post: Nolite solum attendere horam, vel diem illam, in qua vidi talem Dilectum ab impijs comprehensum, male tractari, illudi, spinis coronari, flagellari, selle, & aceto potari, lancinari, mori & sepeliri. Nam tunc quidem gladius animam meam pertransivit: sed antequam sic pertransiret, *longum per me transiit fecit.* Prophetissa namq; eram: & ex quo Mater ejus facta sum, scivi, eum ista passurum. Cum igitur talem Filium sinu meo foverem, ulnis gestarem, uberibus lactarem, & talem ejus futuram mortem, semper præ oculis haberem, & Prophetica, imò plus quam Prophetica mente præviderem: qualem, quantam, quam prolixam, me putatis materni doloris pertulisse passionem. Hoc est, quod dico: Fasciculus myrrhæ Dilectus meus mihi, inter ubera mea commorabitur. O commoratio dulcis quidem, sed plena

gemi-

gemitibus inenarrabilibus! *Hec Rupertus.* Similia habentur apud S. Brigitam in ferm: Angel. c. 17.

Gladius igitur doloris jam ab ipsa Conceptione Filij infixus fuit Animæ DEIPARÆ V. & per eam longo triginta trium annorum tractu transivit, donec in morte ejusle n. penitus pertransiret: ut dixit Rupertus. Notum est non delicatos nos prætare sic transfixæ Matris ac Domine servos. Verbulo non gladio, fere exanimamur.

II FEBRUARI.

DEI JESU & MARIE affectum tempore Præsentationis Christi in templo.

1. **A**dora DEUM O. M. & considera, quantopere delectatus sit præsentatione & oblatione Filij sui in templo. Ad condita æde illa, imo ore, nunquam comparuerunt tales offerentes, nec unquam talis oblata est hostia. Nonne hujus potius sacrificij, quàm quod obtulit Noe Genes. 9. *Odratus est Dominus odorem suavitatis?* Nonne & ipse, ut olim Isaac, dixit: *Ecce odor Filij mei, sicut odor agri pleni.* Genes. 27. At nobis cavendum ne audiamus illud Isaac imo: *Ne offeratis ultra sacrificium frustra; incensum vestrum abominatio est mihi. Manu enim vestrae plene sunt sanguine, & alijs immunditijs.*

2. **A**dora D. JESUM, & considera: quo affectu se obtulerit Patri in hac solemnii sui Præsentatione in perfectissimum holocaustum, pro ipsius gloria; in hostiam propitiatoriam pro peccatis totius mundi; in hostiam pacificam pro stabili pace, inter DEUM & homines. Obtulit se totum & ad omnia, sine ulla exceptione, obtulit pro omnibus. sine ullius exclusione, ac inter alios, clarè, distinctissimè, ac disertissimè obtulit se pro me. Quis? pro quo? O prodigium amoris! Infans JESUS sui incurius, sollicitus fuit de me! Quando tandem, ah quando, ego me totum ipsi!

3. **V**enerare DEIPARAM V: & considera, quo affectu & ipsa Patri æterno obtulerit Filium suum & ipsius. Quo fuerit perfusa solatio, quòd haberet aliquid in ulnis suis, de sanguine suo, quòd esset munus omninò dignum DEO, & quod non posset non summè placere? Quomodo hoc ipso animata fuerit, ad agendum ardentissimè negotium Salutis nostræ coram DEO cui tale ac tantum offerebat munus? Offer etiamnum ô Gratiostissima, iterum iterumq; Filium tuum pro me, nunc lactentem, nunc Crucifixum, & eruentum: quia multa opus est & magna oblatione, ut tantus salvetur peccator. Ego quoq; Patri æterno, offeram me ipsum

una cum Filio ipsius, tanquam denarium inutilem cum infinita massa auri probatissimi.

Proposium v. g. de sincera Oblatione nostri ipsorum in omnem voluntatem DEI.

LECTIO PRACTICA.

*Quam Gratitude debemus DEIpaz V. pro oblato pro nobis
& redemptio Filio?*

Solemnitas, qua hodie DEIpaz V. more à lege præscripto, Patri æterno obtulit pro nobis Filium suum, exigit omnino: ut & nos solemni quadam nostri, vel rerum nostrarum oblatione, eidem nostram testemur gratitudinem. Quid enim charius, aut præstantius, vel in rem nostram accomodatius, offerre potuit; suumq; tum erga DEUM, tum erga nos testari affectum? Quid? quod non solum obtulerit; sed etiam redemerit eundem Filium suum à DEO, oblatis, secundum legem Numer. 18. Sacerdoti quinque siclis: ut non tantum nobis datus, nobis natus; sed etiam nobis emptus esset; atq; hoc etiam titulo cederet totus JESUS in usus & commoda nostra.

Huic affectui DEIpaz aliquatenus responsuri, varias Clientes ipsius adornare solent oblationes. 1. Offerunt ei se ipsos in servos perpetuos, & infima Mancipia; adhibitis certis ritibus & formulis, quas quotidie, aut aliquoties in diem, iterant. B. Petrus Damiani refert de fratre suo Marino: quod coram altari DEIpaz V. tradendo se eidem in Mancipium æterum & vilissimum, loro collum innodavit, & flagris acriter in se adverterit, tanquam in ignavum & contumax mancipium: insuper nummis aliquot super aram positis, promiserit annuatim similem pensionem, in tesseram subjectionis suæ. Similis subjectionis insigne pretium tulit piissimus Walterus de Birbach, Nobilis Belga. Nam cum in Sacrificio, cui Walterus devotè intererat, Sacerdos consecratum Calicem elevarat: apparuit super pedem calicis Crux eleganter ex auro elaborata cum hac epigraphæ: *Hanc Crucem nomine DEI Matris per Waltero Equiti degenti in Birbach.* Accepit Vir pius, qua decuit reverentiâ, munusculum Domine, simulq; cum eo lumen cœleste; quo intellexit: se à V. DEIpaz invitari ad ferendam cum Filio suo Crucem; ut sicut Matris obsequijs solemniter se addixerat, ita & Filij addiceret. Rebus igitur properè compositis, sacro Cisterciensium Ordini accessit, & vitam sanctam sanctè conclusit. Cæsarius, qui hæc scribit; addit: se dicto Waltero perfamiliarum fuisse, sapiusq; à se visam Crucem illam cœlitus demissam, quæ splendore & opere aurificum nostrorum artem longè superabat.

a. Alij

2. Alij ex occasione Cerei, qui hodie in Ecclesijs benedicitur, & pro ultimo agone asservari solet accendendus, & morientium manibus inferendus, condunt hodie Spirituale Testamentum, quo DEIpam V. scribunt ex asse Hæredem totius esse sui (quidquid sit de bonis temporalibus) & omnium bonorum suorum spiritualium: ut ipsa deinceps & corpus ipsorum & animam, & utriusq; potentias, cum omni bonorum operum supellectile, tanquam suam hæreditatem gratio. e. custodire, conservare, & augere dignetur. Quod scriptum, cum omnibus non tam juris, quam pietatis solemnitatibus semel rite confectum, diligenter asservant, singulis annis recognoscunt, ratificant, & si quid sit addendum, addunt. Industria hæc insignem sapit pietatem: & non levi solatio esse potest in confinio æternitatis; ubi humili confidentia admonere licebit Dominam: ut suam sibi vindicet hæreditatem.

3. Cum DEI Mater, & mundi Domina, inauditam hodie dederit pompam Humilitatis: siquidem ut una e grege mulierum, partu inquinatarum, comparuit in templo inter illas, & purificationis ritui sese submitit; intenti sunt hodie non pauci Clientum ipsius, quomodo ei insignem quempiam offerant Actum Humilitatis, exemplo S. Francisci Borgiæ. Is cum nondum plene Ducem exuisset; S. Ignatium, una cum Filio Joanne, Romæ invisit, & qua erat in humilia propensione, impetravit: ut in communi domus Professorum triclinio, humili mensæ liceret utriq; accumbere; ipsius autem Francisci defectus palam coarguerentur. Altero die, qui Festo Purificationis DEIp. V. facer erat, Franciscus cum filio Joanne, omnibus in triclinio demississime, & aperto semper capite, ministravit: deinde ad eluenda culinæ vasa sese contulerunt. Ubi cum Joannes fictilem ex argilla patinam, diligentius quam peritijs elutam, contregisset: de incogitantia sua & damno illato, palam in cœnaculo se accusavit. Quanto plausu tantam humilitatem Ducem exceperit cœlum!

4. Ut oblatio nostri, operumq; nostrorum bonorum, gratior veniat in conspectum V. DEIpæ: consulto offeramus illa ipsi una cum Corde Christi Salvatoris, exemplo S. Gertrudis, apud Barry in Anno Sancto. 25. Novemb. Quam industriam cœlitus docta est memorata Sancta: ipsaq; DEIpara ei testata est, sibi gratissimum accidere: quod tenuitatem suam atq; defectus in cultu & amore suo, hoc tanto supplemento compensaret. Acuamus ergo ingenia, accendamus & multiplicemus corda clientes in amorem & cultum Dominæ. Sentiat amantes, quos habere non potest satis gratos.

*DEUS jubet fugam in Egyptum: CHRISTUS & Mater ejus
promptè obediunt.*

1. **A** Dora DEUM, O. M. & considera, quàm durè habuerit familiam suam. Post incommoda non levia stabuli Bethlemitici, & viæ Hyerosolymitanæ, vix reversis in Nazareth indicit profectionem, imò fugam, in Egyptum, idq; intempestâ nocte, per Angelum monentem in somno Josephum: *Surge, & accipe puerum, & Matrem ejus, & fuge in Egyptum;* in regionem tam longè distitam, barbaram, præ cæteris idolorum cultu infamem. At nos, quàm delicatè haberi volumus à DEO & Superioribus vices ejus gerentibus! Etiam expressa mandata vigilantibus data, pro somnijs habemus.

2. **A** Dora D. JESUM, & considera, quàm obedienter se resolverit ad quævis viæ, & tristis exilij incommoda, iterum ingeminando illud Isaïæ 6. *Ecce ego: mitte me,* etiam ad gentem convulsam, & dilaceratam, ad populum terribilem, post quem non est alius. Noverat puer Sapiens, quantum sit promptæ obedientiæ pretium apud DEUM, volentem obedientiam, potiùs quàm victimas. 1. Reg. 6. Nos quàm sollicitè quærimus effugia? Si evadere non possumus, quàm morosè tergiversamur ad jussa divina vel Superiorum?

3. **V**enerare DEIpam V. & considera, quàm promptè ac planè juxta genium Filij accinxerit se itineri eadem nocte, cum Sponso suo, non causata viæ difficultatem, prolis teneritudinem, viatici defectum, vires nondum satis refectas post iter Hyerosolymitanum, hospitij apud Egyptios inhumanitatem, tempus deniq; mansionis non determinatum. Noverat Virgo prudens, non rationibus cum DEO agendum esse, sed promptâ & cæcâ submissione. Gratias tibi immortales ô Domina, quòd à facie gladij Herodiani salvâris Salvatorem nostrum promptitudinè obedientiæ tuæ. Fac, ut per eandem salvem animam meam.

Troposium v. g. de promptitudine Obedientiæ,

LECTIO PRACTICA.

Quàm promptè sit obediendum DEO in Superioribus.

Multum de merito obedientiæ detrahunt moræ. Ut beneficium serò datum, sic Obedientiæ tardè præstita, minùs grata veniunt. Cum Christianis, nedù Religiosis, certù sit: DEO exhiberi obedientiâ in legitimis Superioribus; facile apparet, quàm libenter, alacriter, & promptè sit exhibenda. *Quodcumq; facitis: ex animo operamini, sicut Domino, & non hominibus*

hominibus; inquit Apostolus ad Coloss. 3. *Scientes quod à Domino accipitis retributionem hereditatis: Domino Christo servite.* Unde S. Bernardus tr: de præcep: & dispens: *Sive DEUS, inquit, sive homo, vicarium DEI, mandatum quodcumq; tradideris; pari profectio obsequendum est curâ, pari reverentiâ deferendum: ubi tamen DEO contraria non præcipit homo.*

Ut magis in particulari declaretur hæc promptitudo in obediendo; attendendum est. 1. & observandum: quid cuiq; suæ Leges præscribunt. S. P. N. Ignatius 6. part. Constit: c. 1. §. 1. cum monuisset: ut Obedientiam omnes plurimum observare, & in ea excellere studeant; nec solum in rebus obligatorijs, sed etiam in alijs; addidit: *Licet nihil aliud, quàm signum voluntatis Superioris, sine ullo expresso præcepto videretur.* Et paulò post: *Ad vocem Superioris perinde ac si à Christo D. egrederetur, quàm promptissimò finis: re quavis, atq; adeo literâ à nobis inchoatâ, necdum perfectâ, relicta: ad eum scopum vires omnes ac intentionem in Domino converiendo; ut Sancta Obedientia, tam in executione, tam in voluntate, tam in intellectu, sit in nobis semper omni ex parte perfectâ; cum magna celeritate, spiritali gaudio, & perseverantiâ, quidquid nobis injunctum fuerit, obsecundo.* Eam igitur à suis requirit S. Ignatius obediendi promptitudinem: ut 1. obediant etiam in rebus non obligatorijs, quæ scilicet, non accedente speciali Superioris dispositione, liberè omitti possent. 2. Non expectent expressum præceptum, sive ex virtute S. Obedientiæ, sive alijs formulis imperativis; qualibus velut stimulis, ignavi & calcitriones opus habere solent. 3. Nec morentur: donec à Superiore rogentur, vel invitentur: sed habito signo quocumq; voluntatis Superioris, faciant faciendâ. 4. Tam promptè abrumpendæ moræ omnes: ut etiam litera inchoata, relinquatur imperfecta. 5. Vires omnes in id convertendæ; ut Obedientia S. semper & omni ex parte, sit in nobis perfectâ. Quid amplius dici potest? Nonne, ut Castitatem, sic Obedientiam planè Angelicam requirit S. P. N?

Et tanè habuit, habetq; non paucos è Socijs, qui hanc Constitutionem impleverunt, & etiamnum implent, usq; ad summam. Magnus Indiarum Apostolus, S. Franciscus Xaverius, cujus hodie promptissimam Obedientiam reliquasq; virtutes Apostolicas solemniter veneramur, quomodo ad autum Ignatij, Indias monstrantis, exultavit ut gigas, ad eam currendâ viam? nec segnior eam remensus fuisset ab extremo mundi limine in Italiam: si Ignatianum I. reperisset supersitem. P. Julius Mancinellus Apostolicus inter Turcas & alibi operarius, dicere solebat: *Ad obediendum Superiori, magno & parvo, quisquis esset, non solum se relicturum*

fuisse hunc vel illum locum meliorem, hoc vel illud officium, quod arrideret genio suo: sed etiam, si in laustralibus flaminis jam salutis securus, imò si in cælo beatus jam confedisset, exiturum se cum beatitudinis incertitudine, iturumq; illuc, quo obedientia destinasset. Proh! quantas vir tam obediens locutus est victorias! Nec solum locutus est, verum & fecit, egregiè exercitus etiam in maxime arduis. P. Augustino de Espinosa dixit Medicus fore, ut oculorum usum amitteret, si foras prodiret. A Superiore aliquo missus, id, quod erat, dixit; sed adjecit: se nihilominus ire paratum, si ita vellet Superior. Eo volente, quod minus crederet periculum, exijt P. Augustinus, & cæcus domum redijt, majore Superioris, quam suo luctu; imò lætus ob oculos Obedientiæ impenios.

Nec desunt, qui nullo obligati Religioso voto, promptissimam tamen præstiterunt obedientiam ijs, quibus sese submiserunt regendos. Loquebatur aliquando S. Philippus Neri de Obedientiæ virtute coram suis prope stagnum aliquod. Inter cætera, Quis, inquit, inter vos erit, qui iussus, in hanc se lacunam promptè propiciat? & subito unus, non expectato imperio in illam desiliit, magnum vitæ periculum aditurus, ni Socij præstò fuissent. Marcum Antonium Massam qui in animum nunquam inducere potuit; ut ad populum verba faceret: iussit Philippus id sine tergiversatione agere. Paruit promptè, dixitq; ut potuit: sed inde tam appositè, & zelosè dicere cœpit, ut inter primarios concionatores computaretur. Non quàm bene jubeant Superiores: sed quam religiosè pareant subditi; pensat DEUS. *Baccus in Vita c. 20.*

Egregiè Bernardus serm: de Obed: *Fidelis obediens, inquit, nescit moras, fugit crastinum, ignorat tarditatem, præcipit præcipientem; parat oculos vjui, aures audiri, linguam voci, manus operi, iuneri pedes; totum se colligit, ut imperantis colligat voluntatem. Nimirum Acceptus est regi minister intelligens. Prov. 14. cui pro imperio vultus est Domini.*

IV. FEBRUARIJ.

DEUS permittit eadem Bethlehemitarum Infantum: Christum & DEI para V. cedunt furori Herodis.

I. A Dora DEUM O. M. & considera, quàm severè castigavit inhumanum Filij sui neglectum à Bethlehemitis, & eorum vicinis commissum. Habuerunt satis manifesta de ipsius Nativitate argumenta à pastribus, & tribus Orientis Regibus: non tamen quicquam invisurus, nedum adoraturus, accessit Infantem divinum Salvatorem suum. Ergo
DEUS

DEUS subtraxit illis filium suum eumq; in Ægyptum ablegavit; ut eam consecraret in Paradisum Ascetarum. Infantes autem Judæorum furori Herodis permisit, & per latera filiorum petijt corda parentum. Non tunc negliguntur DEUS ac divina.

2. **A** Dora D. JESUM, & considera eum etiam in Infantia, ut Regē magnum super omnes deos, ad cujus ingressum in Ægyptum corruisse deastra seu idola Ægyptiorum fama est, & colligitur ex Isaia 19. *Ecce Dominus ascendet super nubem levem (portatus nimirum ulnis Virginis Matris) & ingreditur Ægyptum, & commovebuntur simulacra à facie ejus.* Qui tenebrarum potestates profligavit in Ægypto, poterat & in Judæa debellare Herodem: sed maluit se acerbiori servare neci propter nos, & documentum interim præbere, *Cedendum esse iræ.*

3. **V**enerare DEIpam V. & considera eam, ut *Nubem illam levem* quā prædixit Isaïas citatus Christum deportandum in Ægyptum. Erat nubes levis, quia nullius peccati, aut concupiscentiæ, aut conjugij onere gravata, super res omnes creatas evecta, non fœta grandine vel fulminibus vindictæ, sed plena rore divini gratiæ, humanitatis & Clementiæ. O & mihi guttam aliquam hujus rosis, o Gratiostissima, quæ extingvatur in me ardor vindictæ. Cedam potius, exemplo Filij tui, persecutoribus meis, quàm ut obstinatus resistam. In sinum tuum, & vulnera JESU me recipiam: ibi securus latebo, & triumphabo.

Propositum v. g. de cedendo iræ alienæ, etiam injustæ.

LECTIO PRACTICA

Quomodo cedendum iræ alienæ.

DOcet exemplo suo Christus Infans. Furenti enim Herodi non restitit, quàmvis facillimè potuisset & machinas illius omnes evertere, & ipsum mille modis & vijs perdere. Quinimo cessit, non solum è conspectu, sed tota ipsius ditione: nec redijt importunè, sed post facta tyranni. Eadem & nobis præstanda; si evitare volumus non pauca, nec levia incommoda.

Inprimis *Non resistendum irati, sive reponendo convicia, diras, & maledicta; sive importunas prætexendo excusationes, aut intempestivè interponendo patronos.* Nam reponere diras & convicia, est Ignem fodere gladio, ut dixit Pythagoras, adeoq; per lignorum commotionem majus excitare incendium. Seu, est incendium extinguere oleo: & à verbis provocare adversarium ad verbera, duella, & cædes. *Ubi zelus & contentio: ibi inconstancia & omne opus pravum.* Jacob. 3. 16. *Cum sit inter*

cor xelus & contentio: nonne carnales estis? 1. Cor. 3. Qui enim spiritu DEI aguntur: filij pacis sunt & dilectionis. Advertit S. Hieronymus in cap. 5. ad Galat: v. 20. inter opera carnis ab Apostolo septimo loco *Contentionem, quasi quodam sacraio & eminenti inter vitia numero c. locatam;* utpote multorum & gravium malorum fecundam. Excusationes quoq; frustra prætenduntur ubi hominem bilis occupavit, & ratio domi non est. Omnia accipiuntur in sinistram partem, sicut bilioso palato omnia videntur amara. Patroni etiam nihil plerumq; ibi proficiunt; ubi præjudicata autoritas in affectu est. Quiescendum igitur, donec deferbeat ætus, & hominem iterum agere incipiat adversarius. Si quem non pudebit Xantippen agere; tibi decorum erit Socratem repræsentare.

Secundò: Si verbis modestis, aut silentio nihili proficitur: *Cedendum est loco, & a conspectu abscedendum.* Non est id dedecori, etiam nobili viro, præsertim Christiano. Nam ut Salomon testatur Prov. 20. 3. *Honor est homini, qui separat se a contumionibus.* Quia hoc ipso & Sapientem, & Fortem, seu Magnanimum se probat. Sapientem: quia altercari non vult cum stulto, seu brevi insania laborante, Magnanimum & Fortem: tum quia non curat sermones imprudentum, qui fortè discessionem ipsius timiditatem interpretabuntur; tum quia bonum pacis non levi incommodo suo promovet; tum quia adversario parcit, & quodammodo palmam concedit. *Magnanimus quisque est, licet excindit (abscedendo) & adversario parcit:* inquit Musonius.

Uti sunt hoc consilio Abraham & Lot. Gen: 13. qui, ne jurgiorum & familia concitatorum contagio serperet ad ipsos; maturè separari maluerunt. *Ne queso,* inquiebat Abraham, *sit jurgium inter me, & te, inter pastores meos, & pastores tuos: Fratres enim sumus.* Ecce universa terra coram te est: recede à me obsecro. Si ad sinistram jeris: ego dextram tenebo: si in dextram elegeris, ego ad sinistram pergam. Compendiosius legit Hebræus: *Si in sinistrabis; ego dextrabo: si in dextrabis ego sinistrabo.* Uti sunt & Apostoli, Paulus & Barnabas, non quidem orta culpabili aliqua contentione; sed ne oriretur: ideoq; separari maluerunt Act: 15. *Mihi viderur discretè separatio Pauli à Barnaba facta; quòd inter se dixerunt: Quoniam ego non volo, nec in vñ: ne pugnemus, distribuamus provincias.* Et ita sibi invicem mulcens cedentes, hoc fecerunt: ait S. Chrysostomus. Jacob Patriarcha in Mesopotamiam usq; secedere maluit, quam jurgari cum fratre Esau. Gregorius Nazianzenus tum maxime sublimissimum Theologum, & fortissimum Persulcem se probavit: quando æquantibus bile adversariis, & urbe & Ca-

Medra sua cessit. Rectè S. Ambrosius lib. 1. Offic. c. 21. *Resiste ire, si potes: cede, si non potes. Quia scriptum est (Ro m. 12. 19.) Date locum ire. Jacob fratri indigni pedis cessit: & Rebecca, id est Patientia, instructus consilio, ab se maluit. Et ideo tantum apud DEUM invenit gratiam.*

Tertiò, *Nu redendum importune:* ne immaturus reditus non satis obductum & sanatum ulcus refricet. Biliosi spiritus, quam penitus tinxerunt mentem, non citò dimittunt. Diu, velut sopiti, langvent: præsentia adversarij, ut pulvere pyrio, sæpe exardescunt. Jacob Patriarcha post annos 20 vix ausus est venire in conspectum Fratris, idq; multis muneribus placati. Juvat interim adhibere sequestum, virum quempiam bonum, si opus sit, & tempus ipsum. O autem deniq; eâ prudentiâ ordinanda sunt: ut, quòd docet Apostolus cit: non vincamur a malo; sed vincamus, exemplo Salvatoris, in bono malum. Ad victoriâ connitendum omnino: sed ad incruentâ, nec lividâ; sed Christiano dignam. Non unus in silentio, aut clypeo tantum pugnando, imò fugiendo, gloriosius vicit. Quas suspicit mundus victorias, bellum sunt, aut minus humanæ. Optimè Cardin: Bellarminus apud Corn: a Lap. in 20. c. Prov: *Melior est uncia pacis & charitatis, quàm libra victoriæ.*

V FEBRUARIJ.

DEUS revocat Christum in Judæam: CHRISTUS cum Matre revertitur in Nazareth.

1. **A** Dora DEUM O. M. & considera, quòd Filium suum, quantumvis ætate & complexione teneriorem, exultantem in Ægypto non revocavit in patriam; nisi postquam *defuncti sunt, qui querebant animam pueri.* Matt: 2. Servare illum facile poterat indemnem etiam in Judæa & vivente Herode, sed maluit illum periculo subducere, quàm in periculo servare. Potens est DEUS miraculorum, sed non prodigus. Vide, ut te, in pericula peccandi non ingeras, & ex ijs maturè subducas. Quis enim tibi protectionem miraculosam DEI promisit? Ordinariè, *Qui amat periculum peribit in illo.*

2. **A** Dora D. JESUM, & considera; eum ex Ægypto reducem, non Hierosolymam concessisse, sed in Nazareth, oppidum obscurum, & maia fama laborans, de quo dicebatur proverbio: *A Nazareth potest aliquid boni esse?* Joan. 1. Sic DEI Filius & Dominus noster splendores hujus mundi deiecit, & Stabulum Bethlehemiticum elegit suæ Nativitati, Nazareth educationi, montem Calvariz morti. Nos omnia Illustria, imò

Illustrissima, quærimus & ambimus: per fas & nefas eluctamur & tenebris congenitis. O lux mea, JESU! amem nunc sepeliri tenebris, ignotus & ignobilis, ut olim lux perpetua luceat mihi, & vivam tecum in splendoribus Sanctorum.

3. **V**enerare DEI param V. & considera eam cum JESU suo, & Sponso Josepho revertentem in domum suam Nazarenam, humilem & angustam (qualis etiamnum Laureti in Italia cernitur) sed juxta interpretationem nominis sui *Floridam*. Vivebat in illa cum delicijs suis JESU & Josepho, ut in horto concluso, ut in cella religiosa, ut in cælo empyreo. Valete mundi palatia, quanto magis exaltata, tanto minus JESU & MARIE amata. Mihi quodq; ignobilia & obscura mundi pretiosiora erunt.

Proposuit v. g. de eligenda potius habitatione privata, quam in publico.

LECTIO PRACTICA.

De Amore & studio Vitæ Solitariae.

Frequentiam hominum passim amamus homines tanquam animalia Socialia. At ecce exul JESUS in patriam redux ex Ægypto, vitam solitariam nobis commendat; dum habitationi suæ non Hierosolymā, urbem nobilissimam populosissimamq; sed infrequens & ignobile oppidum Nazareth, eligit. Exemplum ejus secuti sunt ingentia piorum agmina; quorum alij in abstrusissimas solitudines sese abdiderunt: alij in ipsis urbibus ut in solitudine vixerunt, magna animi sui pace, imò jucunditate.

S. Hieronymus, postquam satis superq; degustato mundo, se in solitudinem recepit; & hujus delicias cum illius voluptate diligenter ac experimentaliter contulit: non dubitavit, palam enunciare: *Mihi cætera carcer; & solitudo Paradisus*. Hic mille molestijs exemptus sum, hic occasionebus DEUM offendendi innumeris carco; hic cum DEO & Angelis familiariter agere, quoties & quamdiu volo, licet. Nullus interpellator advocat, nulla redhibenda sunt officia, nullis laceffor epistolis, nullæ me inquietant de republica curæ, aut vani rumusculi. Ad satietatem attendere possum DEO, & mihi.

Cæterum cum his sæculis vita anachoretarum jam exoleverit; nec cuilibet opportunum sit in eremum se recipere: ne tamen commodis vitæ solitariae privemur; dispicere oportet: quomodo etiam in media hominum frequentia solitarij esse possimus. Posse id fieri, docuit Christus S. Philippum Nerium, quando ei dixit: *Philippe, oportet te in urbe Roma, sicut in eremo vivere*. Et expressius S. Bernardus: *Stcede, inquit, non corpore, sed*

intra

Invención & devotiōe. Quid prodest solitudo corporis, si desit solitudo cordis? ait Gregorius M. Non ergo jam in Egypto, sed domi nostræ instituenda Vita solitaria.

Qui divino servitio in domibus Religiosis sunt addicti, habent ibidem hanc solitudinem, habent cælum in cella sua, modo se illi credant; & nolint esse ex eorum libertinorum numero, quibus non solum cella sed Collegium amplum, seu Conventus, angustus est, quorum omnes anguli domus, imò civium ædes, & Magnatum palatia plena sunt. Qui vero liberiorē agunt vitam Religiosis votis non adstricti; deligant sibi partem aliquam domus suæ a turbis remotiorem, in quam semel iterumq; per diem se recipiant, ad cogitandum de Divinis, orandum DEUM, Spiritualem aliquem libellum legendum, Examen conscientię absolvendum, & tractandum cum DEO de rebus & negotiis suis. Male enim rebus suis consulunt, qui de illis solum tractant cum hominibus, vel secum ipsis, non consulto DEO, à quo primariò successus bonus expectandus. Tale Eremitorium habuit famosa illa Heroïna Judith in superioribus domus suæ; habentq; passim Mandarinī Sineses; S. Carolus Borromæus in monte Varallo, Carolus V. Imp: habuit in Asceterio Hieronymianorum: Prælati quidam & Magnates habent in hortis suis: & sic saltem una hora quotidie vivere possunt in quadam sancta solitudine, & Solitiorum delibare felicitatem.

Mellissuè, & sicut apicula in favo, Bernardus: *Celi & Cella*, inquit, *habitarum cognata.* *Cella & Cælum cognationem habent nominis, sic & pietatis.* *Cælum dicitur à celando: & quod celatur in cælis, hoc & in cellis: quod queritur in cælis, hoc & in cellis, nempe vacare DEO, frui DEO.* *A cella in cælum ascenditur.* Qui enim illuc se recipit: *Sedebit solitarius & tacebit; quia levabit se super se: ut dixit Jeremias Thren: 3.* Inde sine arbitris confidentius licet oculos manusq; tollere in cælum, erumpere in ardentia cœlestium desideriorum suspiria, cor suum aperire DEO, & conversari cum Divis. Cella igitur domestica parva eremus est in medio civitatis: & simul Conclave est Divini Amoris, in quo is jura dat, & nostra recipit officia. Quin & Templum est, in quo noster in DEUM Amor agit Sacerdotem, nunc vota reddendo DEO; nunc laudis, nunc gratiarum actionis, nunc cordis contriti sacrificium illi offerendo.

Merito iterum Bernardus: *O anima sancta, sola esto: ut soli omnium serves te ipsam, quem ex multis tibi elegisti.* *Erge publicum (quantum ratio Officij permittit) fuge & domesticos.* *An uiscis: te habere Sponsum veracem-*

dum, qui nequaquam tibi velit suam indulgere presentiam presentibus ceteris.
Recole, quod dixit Ethicus ille: Quoties in publico fui, pejor redij.
Confidera & illud Kempensis Ascetæ: *In omnibus requiem quæsi & non inveni: nisi in angello cum libello.* Idem, dum diutius officij, vel alicujus publici negotij causâ distrahebatur, recepturus se in cellam dicere solebat: *Charissimi Fratres, oportet me recedere. Est enim in cella, qui me exposcat.* Cellam verò ingressus, demittebat se in genua, dicens cum Samuele: *Loquere Domino: quia audit servus tuus.* Delicias beatæ hujus solitudinis qui spernunt Religiosi, mundum merentur pro carcere: qui degustarint sæculares, exclamabunt dubio procul eum Coraelio Musio Anglicano Martyre; *O beata solitudo! O sola Beatitudo!*

VI. FEBRUARI.

In DEI Domo invenitur CHRISTUS duodennus à DElpara V.

1. **A** Dora DEUM O. M. & considera, quod, quamvis in omni loco religiosè & fructuosè coli possit; tamen velit in quibusdam à se electis locis, & templis solemner adorari. Unde ter in anno, in festis Paschatis, Pentecostes, & Tabernaculorum viri omnes Hyerosolymam confluere debebant, adoraturi in templo. Decet enim, Supremam Majestatem à subditis conglobatis, tanquam viro uno, & corde uno, subinde coli in palatio clementiæ & gloriæ suæ. Vide, quam frequentiam & reverentiam exhibeas ejusmodi locis.

2. **A** Dora D. JESUM, & considera: eum etiam in teneriore ætate consuevisse ascendere Hyerosolymam ex Nazareth, ut in domo sua Patrem adoraret; duodennem verò, abeuntibus & inscijs parentibus, remansisse Hierosolymæ, ut ibi radiolum aliquem Sapientiæ & divinitatis suæ spargeret, ac velut discendo, magisterij sui poneret rudimenta. O quantâ humilitate, modestiâ, & prudentiâ discipulum Hebræorum agebat Doctor Angelorum! Nos quanto fastu & strepitu, ruditeriam potius quam scientiam nostram, jactamus miseri stolones! Doce me divinissime Puer, paucis intellectam, à paucissimis in praxim deductam lectionem, *Sapere ad sobrietatem.* Rom. 12.

3. **V**enerare DElparam V. & considera, quâ sollicitudine & dolore quæsierit, quo gaudio & voluptate invenerit amissum Filium. Non tamen gaudij impotens, irruit in medium, filiumq; materno jure abduxit, si d pascebatur ejus modestia in proponendo, prudentia in respondendo, factq; disputationi sine, humiliter ac blandè quæstæ est potius, quam

quàm expostulavit: *Fili quid fecisti nobis sic? Ecce pater tuus, & ego* (præponit humiliter Sponsum, & existimati nomine Patris honorat) *dominus querebamus te.* Quàm segniter quærimus nos? quasi nesciremus: cum **JESU** perdita esse omnia? Quàm ineptè quærimus alibi, quàm in Templo, domo Patris sui!

Proposuium v. g. de quærendo diligentius in Templo Christo:

LECTIO PRACTICA

De frequentatione & Veneratione Templorum.

Quàm frequentes & reverentes in Templis nos esse oporteat: ex potissimum capitibus colligitur. 1. Quia Tempia sunt Domus propriæ DEI, in quibus veluti thronum Clementiæ suæ collocavit, & Majestatem suam vult adorari, atq; placari. De singulis dici potest illud Gen: 28. *Verè Dominus est in loco isto, & ego nesciebam. Non est hic aliud, nisi Domus DEI & Porta cæli.* Imò non porta solum cæli, sed cælum quoddam. Hic enim DEUS, licet invisibili modo, explicat gloriæ suam non minus, quàm in templo Salomonis; imò magis, quia non jam per nebula aut ignem coruscantem, sed per prædicatorum doctrinam & lumina cœlestia. Hic Angelici Spiritus assistunt aris; prout Leontio Abulensi, ut refertur in Prato Spirit: revelatum fuit: & vota precesq; hominum, velut thymiana quoddam gratissimum offerunt in odorem suavissimum Domino. Hic personant divinæ laudes, & carmina tam Eucharistica, quàm propitiatoria. Hic, quod Cælum ipsum invideat, peragitur sacrosanctum & tremendum Divinæ victimæ, Agni tollentis peccata mundi, sacrificium.

Unde quod de templo Hierosolymitano dictum est Psal. 5. *Introibo in domum tuam: adorabo ad templum sanctum tuum in timore tuo;* & Habac. 2. *Dominus in templo sancto suo: sileat à facie ejus omnis terra;* id de Templis Christianis tenendum à potiori: ut merito S. Nilus inculcavit hominibus: *Ecclesiam non secus ac Cælum frequenta; nihilq; in ea aut loquere, aut age, quod terram sapiat.* Merito Philippus II. Rex Hisp: duos è suis Magnatibus prohibuit, amplius venire in conspectum suum: quòd liberiùs in templo confabulati fuissent. Drexel. l. 2. Triban. c. 9. Severior Rex quidam Indus in nobiles duos ephebos suos ante ædem sacram persisrepentes, jussit gladio adverti, tanquam in reos læsæ Majestatis divinæ. Et fuissent capite petulantiam: nisi Lusitani docuissent: Clementiam fore DEO gratiorem. *Joan: Rho. lib. 3. c. 1.* Frequentes autem nos esse convenit in Templis quia sunt Domus Patris nostri. Probi filij libenter versantur in ædibus parentum.

2. Ad frequentanda & veneranda Tempia urget nos: quod Christus, Dominus & Salvator noster, in ipsis corporaliter resideat sub speciebus Eucharisticis, nostrâ causâ. Crassa autem inurbanitas est, saltem semel in dies singulos non invisere Christum, aut irreverenter in ejus præsentia se gerere. Abulensis notat in cap. 34. Exod. quod à populo Israelitico maxima reverentia exhiberi debebat in loco, ubi manifestatio DEI in aliquo signo externo fiebat, & addit: Nullus tamen est locus, in quo magis cum in reverentia magna habere debeamus; quàm ubi est sacratissimum Corpus Redemptoris: cum nihil sit, in quo manifestior DEI præsentia appareat. Hinc monet fideles S. Ignatius M. in ep. ad Magnesi: Omnes ad orandum in idem loci convenite: sit una communis precatio, una spes in charitate & fide inculpata in Christum JESUM, quo nihil præstantius est. Omnes velut unus quispiam, ad Templum DEI convenite, ad unum altare, ad unum JESUM Christum Sacerdotem.

3. Beneficia & facilius & plura, & majora obtinentur in Templis. Replebimur in bonis domus tue: inquit David Psal. 64. Et Isaias c. 56. Levificabo eos in domo orationis mee: holocausta eorum, & victimæ eorum placebunt mihi super altari meo: quia domus mea domus Orationis vocabitur cunctis populis. Quantas gratias promiserit DEUS orantibus in templo Salomonis: patet ex 2. Paralip. 7. Non est autem abbreviata, imò dilatata, manus Domini in Templis nostris; utpote quæ dignioribus Sacrificiis, majoribusq; Sacramentis consecrantur. *Vix diligentiam & puritatem nihil sic efficit, & corrigit: ut continua in templo conversatio, & alacre ad audiendum verbum DEI Audiâ:* ait S. Chrysost. hom. 69. Imperator Sinarum Xunchi Templo nostro in Metropoli sua Pechinenfi, à P. Adamo Schall S. J. Anno 1650. eleganter exstructo, Titulum hunc à se conscriptum honoris gratiâ præfigi voluit: *Tu hi ven hia Kim.* Id est, *Excelsus penetrando celo locum.* Penetrat sanè facilius cælos fusa in Templis oratio, & descendit copiosior DEI misericordia: ut communis docet Sanctorum sensus, & experientia.

Hinc viri Sancti, quàmvis ubiq; erectam habent mentem ad DEUM: in templis tamen amant commorari libentius, orare prolixius, & meditari attentius. Sic S. Franciscus Xaverius ubi in templis orandi dabatur copia; in ea se libentissimè abdebat, & noctes insomnes ante aram tradebat. Templum illi Goæ & Malacæ pro conclavi fuit: quidquid residui temporis ei labores Apostolici relinquebant, ibi ferè transigebat. Meliaporæ quàmvis transitus ad templum ex ædibus Vicarij Episcopi, apud quem hospitabatur, horrendis spectris infestus esset, absteritus minime est;

quia

VII. FEBRUARI.

232

quin noctibus illud adiret. Hunc sui contemptum, & tot animas sibi ereptas ægrius ferentes orci satellites, orantem ante aram DEIPARÆ V. inter horribiles clamores ita delumbarunt; ut biduo è strato surgere nequiret. Quàm primùm nihilominus pedibus consistere potuit; ædem sacram nocturnus orator repetijt ut antè, frustra a longè freudentibus dæmonibus. *Baroli in Vita l. 1. c. 4.*

Stanislaus Hofius Card: non minus pietate & scientiâ, quàm dignitate Eminentissimus, ne in suprema quidem infirmitate, & summo corporis langvore detineri potuit; quin antiquissimo more suo pro Sacro faciendo vel audiendo ad templum se conferret; privato Oratorio in eum finem non admissio. *Rescimus in ejus Vita lib. 3. c. 19.* Singularis in hoc genere enituit etiam pietas Dominici Anadoni Ord. Prædic: qui singulis diebus centum aras, quas Valentinum in Hispania cœnobium habet tum intra ædem sacram, tum inter parietes domesticos, devotè adibat; singulisq; advolutus, præpotenti DEO centum laudis hostias, novo atq; admirabili hecatombes genere, immolavit. *Joan: Rho lib. 9. c. 8. n. 4.* Cæterum audiendus S. Eucherius *hom: super Oportet semper orare.* Non in hoc solum, inquit, divini timoris officium est; ad Domum DEI corporaliter convenire, & visibiliter genua flectere: sed animam supplicationis affectu impetrationis fructum dignam facere; & ad exorandum, fide & operibus præparare.

VII. FEBRUARI.

DEUS voluit CHRISTUM & Matrem ejus per annos 30;

occultam agere vitam.

1. **A** Dora DEUM O. M. & considera, quàm alto consilio voluerit Filium suum occultam vitam in Nazareth agere usq; ad annum ætatis trigesimum, & Lucernam Israel, imò mundi utriusq; Solem, latere sub modio. Parabatur Christus in maximam DEI Gloriam, debebatur ipsimet honor & gloria summa: & tamen DEUS intra vulgus latere eum voluit tempore tanto. Nimirum nostram compescere voluit ostentationem. Irruimus immaturiùs in publicum, videri volumus, & quidem majores, quàm simus; quamvis & divino, & nostro honori consultius esset, latere adhuc. O Domine dispone tu de me; ego amabo nesciri propter te.

2. **A** Dora D. JESUM & considera, quàm libenter se conformarit voluntati Patris, quò ad vitam occultam: quomodo inaccessibilem divinitatis suæ Lucem velut nube involverit, nec aliis tanto tempore videri

VII. FEBRUARIJ.

283

videri voluit, quàm fabri filius, & faber. Unde etiam postea de ipso prædicante dicebant: *Nonne hic est fabri Filius?* Matt. 13. Et, *Nonne hic est faber, filius MARJÆ?* Mar. 6. At ego te, mi JESU, etiam in illa voluntaria caligine tua, adoro, & confiteor fabricatorem mundi DEUM verum de DEO vero. Doce me, latere tecum.

3. **V**enerare DEI param V: & considera, quomodo omnia quæ eo tempore gerebantur circa Filium, vel à Filio, tacita conferebat in corde suo, combinando sequentia cum antecedentibus, atq; in omnibus mirabilem DEI providentiam, & Sapientiam venerando. Non spargebat intempestive in vulgus vel cognatos, juxta agnatam sexui suo pruriginem, quàm pretiosa gemma lateret in concha domus suæ; quàm dives corona sibi esset filius suus. Et me doce, ô Domina, observare tempora, præsertim tempus loquendi, & tempus tacendi dona, quæ mihi credit DEUS.

Proposium v. g. de negligenda ostentatione in publico.

LECTIO PRACTICA.

De Amore & studio Vitæ occultæ.

VT aves apertum cælum; sic homines passim amamus publicum. Videre volumus, & videri. At Sapientia incarnata vitam nobis commendat occultam; Quid? Ergo omnes nos abidem in sylvas, desertas, cryptas aut speluncas? Vel ut Reclusi, aut Clausuales vivemus domi, a sole & hominum commercio semoti? Non id agitur. Alia est, quam exemplo suo Christus & Mater ejus nobis commendant, vita occulta. Nam & ipsi modico tempore vixerunt in antro Bethlehemitico; in Egypto non Thebaidem sed oppidum aliquod incoluerunt; in deserto 40 solis diebus delituit jejunans Christus; cætera inter homines vixit; non solum in terris visus, sed etiam cum hominibus conversatus. *Baruch 3.*

Vita igitur occulta, quam exemplo suo nobis commendat Christus, comparatur hominum commercium, & familiarem conversationem: est vita illa, quam egerunt etiam Colossenses alijsq; primi Christiani, de quibus scribit Apostolus Coloss. 3. *Vita vestra abscondita est cum Christo in DEO.* Non dicit: Abscondita est in eremo, vel domesticis latebris, sed in DEO. Non est abscondita cum feris & noctuis: sed cum Christo. Duplicem enim vivunt vitam homines magis probi, & Christianæ perfectionis studiosi. Una est *Civilis*, communis omnibus honestè viventibus tam sæcularibus, quàm Spiritualibus. Altera est *Privata*, Christiformis, & soli DEO nota. Nimirum in publica cum alijs conversatione exhibent se moribus

honestè

honestos, sermone suaves, gestu compolitos, conversatione gratiosos, atq; in omnibus ita instructos: ut qui vident, videant quidem opera eorum bona, & glorificent Patrem cœlestem; nihil tamen videant singulare, nihil extraordinariæ virtutis, nihil exquisitæ Sanctitatis. Vita ipsorum videtur solum de Communi Sanctorum. Vivunt ad extra *similes hominibus*. At intus similes sunt Angelis, Christum repræsentant, DEO fulgent, tantò similiores vulgo proborum, quantò similiore Christo.

Depinxit aliquatenus Animam huiusmodi vitæ culticem Psalmographus quando Psal. 44. describit assistentem Specioso præ filiis hominum, Regi gloriæ, augustissima forma Regina, *in vestitu leaurato, circumdatam varietatibus*. Sed quia ea species, quæ oculos subibat, quantumvis gloriosissima, longè erat infra eam, quæ radiabat in Mente; addidit admirabundus: *Omni gloria ejus, fixæ regni, ab intus*. Sponsus quoq; cœlestis considerata diligentius Sponsæ suæ pulchritudine. *Quam pulchra-es*, inquit, *Amica mea, quam pulchra es? Oculi tui columbarum, absq; eo, quod intrinsecus latet*. Cant. 4. Quasi diceret: Rapi cor, quod tibi spirat in vultu, quod micat ex oculis: sed magis occupat decor, quem tegis intus; tantoq; magis provocat admirationem, accendit amorem; quantò studiosius absconditur.

Optavit occultam huiusmodi vitam in Stoicis suis Seneca: quando eos voluit externis moribus conformari cæteris: *Intus autem sunt omnia dissimilia*. Verum ubi non est solidum Christianæ Virtutis fundamentum, talis institutio facile declinat in hypocrisim: dum exterius ostentatur innocentia & probitas: intus autem sunt omnia dissimilia. Vel contrâ facile quis persuadere sibi poterit: posse se vivere, ut mundus vivit, modo animo virtutem, seu Christianismum conclusum gestet. At occulta Christianorū vitæ, de qua hic agimus, non vult interna externis esse dissimilia, & institui quædam morum mendacia: sed non manifestari omnia, quæ rectè agimus: quin potius præclariora studiose occultari. Nam, ut ait Bernardus serm. 4. de Advent: *Utile est abscondere magis, quàm ostendere, si quid habemus boni*. Hæc est vita abscondita cum Christo in DEO.

Talem vitam vixerunt Sancti, Philipphus Neri, Franciscus Salesius, Franciscus Xaverius, S. P. N. Ignatius; imò multi Principes & Prælati, teneræ Virgines & illustres Matronæ, sub splendida toga cilicæ gestantes, inter negotiorum turbas contemplationi vacantes, in divitijs egentes, in delicijs esurientes, in mundi theatro eremitæ: de quibus merito dicas, quod de Cæsario, Fratre suo defuncto, S. Gregorius Nazi-

anz. Orat: 7. *Vivebat Caesarius soli DEO cognitus: quod majoris est pietatis.*
 De S. Ignatio adhuc vivente, dixit Jacobus Eguia, qui illi erat a Confessionibus: si vel unâ horâ Ignatio superstes esset futurus, manifestaturum se de illo, quæ de alijs Sanctis non legisset, & omnis mundus viri tantæ stitatem eminentissimam superet. Quod cum rescisset Ignatius: eo munere mox illum privavit, & gravibus alijs pœnis subjecit: imò creditur à DEO impetrasse; ut Eguia citius decederet. Talem vitam egit Constantinopolitanus ille sutor, quem Joannes vir primarius sed propter Christum pauper, vidit vespere accedentem ad Ecclesiam S. Sophiæ, singulari luce circumfusus. Cum autem breviculam orationem ante fores templi fudisset, impresso signo S. Crucis aperuit eas. Ingressus orationi prolixè indulgit; egressum lux iterum circumfudit, domumq; deduxit. Insecutus est clam Joannes, ut videret, quid domi acturus esset. Vidit in vili casa suendis calceis noctem impendentem. Cum impetrasset, aperiri sibi casam: prociat ad viri (Zacharias appellabatur) pedes, rogavitq; interposito DEI nomine, ut vitæ suæ institutum aperiret. Post multam tergiversationem non plus aperuit Zacharias: quàm se pauperem esse suturem, cum uxore Virginitatem perpetuam colere, obtentu sterilitatis, pretium laboris dividere cum pauperibus; & cum metu, inquebat, diem judicii expecto. His auditis, abiit Joannes, domo notatâ. Post pauculos dies Sanctos illos iterum invisere voluit; sed jam inde se transulisse, ob metum alicujus vanitatis, deprehendit. O quàm eminentes videbimus aliquando Sanctos, quos gregarios putamus, aut vix inter justos censemus; forsitan & discipulos judicamus!

VIII. FEBRUARII.

DEUS vult Filium subici hominibus: CHRISTUS vivit subditum Mari.

1. **A** Dora DEUM O. M. & considera, quomodo Filium suum, sibi omnino parem, subjecerit hominibus, ut homines discerent subesse hominibus. Necessarium omnino est non solum ad religiosam, sed etiam civilem vitam feliciter agendam; ut alijs subiecti sint alijs: at rarus est, qui non magis præesse, quàm subesse velit. Pleriq; apud nos definitum habemus, quod præesse, regere, & imperare non solum possimus, sed debeamus. Hunc nocentissimum errorem, ut nobis eximeret DEUS, Filium suum hominibus subditum vivere voluit. *Ersibesce jam, inclamat Bernardus: serm: 1. super Missus: Superbe cinis! DEUS se humiliat, & in te exaltat? DEUS se hominibus subdit, & in dominari gestiens hominibus, in te præ-*

se preponit Auctori? Quoniam enim hominibus præse. desidero, toties DEUM mecum præire conendo.

2 **A** DORA D. JESUM, & considera, quàm libenter acquieverit illi ordinationi Patris, & erat *subditus illi*; Luc. 2. Non Matri solum sed etiam Nutritio Josepho. Exemerat illum etiam à Matris obedientia infinita sua dignitas; at ille potius subesse elegit, ut obedientiæ pretium & voluntariæ subjectionis studium nobis demonstraret. Nec uno alterove actu tantum vel uno anno subjectionem testari voluit, sed totius vitæ cursu; *Erat subditus illis.* Hæc totius vitæ DEI hominis est historia ab anno 12. ad 30. Hoc solum, tanquam magis necessarium nobis, scribi, commendari, & inculcari voluit Spiritus S. Quàm gravis nobis est subjectio, etiam per modicum tempus, etiam dum pari aut meliori parendum est? Humilis obedientiæ exemplar divinum, JESU, quomodo jam grave erit mihi obedientiæ jugum, dum tu illud mecum trahis? Aut quomodo me dedecebit, quod te decuit? Subige, obsecro, indomitam libertatem meam, & effrenem elationem, ut tandem subesse tecum, & propter te, discam.

3 **V**ENERARE DEIPARAM V. & considera, quàm reverenter ac prudenter usâ sit stupenda illa subjectione Christi. Sciebat equidem, naturam parentibus concessisse authoritatem in prolem; sed neq; nesciebat, Filium suum, etiam ut hominem, esse Personam divinam, esse Dominum, ac Supremum Principem suum; & humanitatem ab ipsâ acceptam, per assumptionem à VERBO esse exemptam ab ejus obedientia, potiori jure, quàm quo persona religiosa ad summum Pontificatum assumpta eximitur ab obedientia Prælati sui. Reverentissimè igitur procedebat cum Filio, quid factum vellent, insinuando potius, quàm imperando; certabantq; mutue subjectionis studio, stupentibus Angelis, plaudente DEO. *Uringq; stupor!* exclamat iterum Bernardus citatus, *urinq; miraculum: quòd femina DEUS obtemperat, humilitas sine exemplo; & quòd femina principetur DEO, sublimitas sine socio!* Magna est, o Domina; & inestimabilis tam humilitas, quàm sublimitas tua! Utinam, quàm remotus sum à sublimitate tua, tam propinquus essem humilitati tue! Da, ut amem subesse, timeam præesse.

Propositum v. g. eligendi potius subesse, quàm præesse.

LECTIO PRACTICA.

De Amore & studio Vitæ Private.

VITA Privata dicitur, quæ non vivitur in publica honorum, seu Officiorum publicorum luce, ac sublimitate: sed in umbra domestica, & honestæ conditionis mediocritate. In hac umbra, quàm rarus est Jo-

nas, qui velit quiescere? Quanto nisu, quibus artibus & impensis eluctantur passim homines in lucem illam & celsitudinem? Omnes dedignantur subesse: quisvis putat se posse, imò debere, præesse. Exemplum Regis regum Christi, & Oracula Divina, Casus quoq; luētiosissimi, & fere quotidiani honoratorum, quam paucos movent ad acquiescendum vitæ privatæ?

Monet Ecclesiasticus c. 7. 4. *Noli querere ab homine Ducatum, neq; a Rege cathedram honoris.* Monet Apostolus Hebr. 3. 4. *Nec quisquam sibi sumit honorem: sed qui vocatur à DEO tanquam Aaron.* Monet DEUS per Sophoniam c. 3. 11. *Non adjicies exaltari amplius in monte sancto meo.* Monet Christus. Luc. 16. 13. *Quod hominibus altum est, abominatio est apud DEUM.* Terret Christus Luc. 10. *Videbam Satanam, sicut fulgur de celo cadentem.* Et nihilominus miratur, & queritur S. Bernardus serm. 4. de Ascen. *Quam pauci evadunt, quibus non dominandi libido dominetur? Quem sequimini miseri homines? An non videris Satanam sicut fulgur de celo cadentem? Nonne est iste Mons, in quem ascendis Angelus, & diabolus factus est?*

Quod non magis studeant homines coercendo honorum & imperij appetitui, facit potissimum defectus solidæ Considerationis, triplicis. Quia nimirum non considerant: Quam ægrè vita honorata obtineatur; quam miserè possideatur; & quam infelicitè finiat.

Quam ægrè Vita publica, seu Honorata, obtineatur: patet tum ex largientium genio, tum ex ambientium studio. Principes, Prælati & Magistratus, in quorum manibus est Dignitatum distributio, soles quidem sunt; sed non ejusdem indolis cum eo, qui orbi universo præfulget. Hic enim non exoratus exoritur; gratis spargit radios suos tam super pauperum tuguria quam procerum palatia; circumit ipse irrequieto motu, & quem benefico influxu erigere ac recreare possit, perlustrat: illi autem quam tardè, quam parcè, nec rarò iniquè, dispensant gratias & munera sua? Qui verò ad altiora anhelat, quid non tentat, quid non subit, quid non prodigit? Utinam animæ propriæ parceret! *Ut Domineur alijs, prius servit: curvatur obsequio, ut honore donetur:* inquit S. Ambrosius lib. 3. super Luc. Innocentius III. de Cont. mund. c. 3. addit: *Humilitatem simul, honestatem meretur, subsequitur & obsequitur, assurgit & amplexatur, applaudit & adulatur.* Plus dicit Chrysostomus nom. d. Abiolo: *Ambrosio docet, quod quid non novit: caput, quod Pictas ipsa perhorrescit: audet perficere, quod novo supplicio DEUS cogitur vindicare.*

Quam miserè vita honorata possideatur: manifestum est. Quod non

tam sibi, quam subditis vivere debeant, qui dignitate eminent. 2. Quod innumeris curis, turbis, negotijs distraherentur, & discerpantur; exiguo, quod non iniquum sit, commodo suo. *Omne, quod supereminet, plus mororibus afficitur; quam honoribus gaudet:* ait Isidorus l. 3. de summ. bon. c. 48. si rite præesse velit. 3. Turpi morum mutationi obnoxij sunt. *Quantò quisq; curis mundi majoribus occupatur, tantò facilius vitij premittitur:* pergit Isidorus. Si enim vix animi vales peccata devitare quietus: quantò minus occupatione sæculi devinctus. Sancti Pontificis, Pij V. verba sunt: Cum essens Religiosus, bene sperabam de salute mea: Cardinalis factus, eximui: nunc Pontifex creatus, pene despero. Corn: à Lap. in c. 11. Num: 4. Plerumq; non diu frui licet bono tantis impensis quæsito.

Quam deniq; luctuosè finiat Vita honorata: testes locupletissimi sunt summa mundi & Ecclesiæ Capita. Leo XI. Pontifex Max: moribundus Confessario suo in aurem dixit: Quam melius fuisset mihi; si Monasterij, quam si cœli claves tenuissem! Paulus III. animam agens sanctè asseverabat: Mallem; me subjecisse coco familiæ Capuccinorum, quam hanc DEO proximam dignitatem decennio sustinuisse. *Lohner. in Bibliot. V. Ambrosio.* Philippus II. Rex Hispan: morti vicinus, exhibens filio Philippo III. vulnera vi morbi & curationum suscepta; *Vide, inquebat, quàm severe, sed iuste, defectus meos jam nunc vindicet DEUS: nec adhuc scio, quid in futurum mecum disponat.* Idem v. *Mors.* Illud scimus, quod æterna Veritas per Salomonem sap: 6. testatur: Quoniam iudicium aurissimum in his, qui præstunt, fiet. Exiguo enim conceditur misericordia: Potentes autem potenter tormenta patientur.

IX. FEBRUARI.

DEI, & Mariæ suæ magno gaudio crescit CHRISTUS ætas,
sapientiâ & gratiâ.

i. **A**DORA DEUM O. M. & considera, ab ipso principaliter esse omne incrementum nostrum sive naturale; sive supernaturale; sicut & ipsa substantia nostra, & primum esse principaliter est ab ipso. Dicuntur quidem in nobis quædam perfectiones *Doies nature:* sed ipsa natura nihil operatur sine DEO. Ipse est primus & præcipuus motor & promotor etiam in naturalibus. Quo ad supernaturalia, scilicet gratias & actiones nostras meritorias vitæ æternæ; manifestius est; omne & initium & incrementum esse à DEO, cum superent omnes vires naturæ. Vnde Apostolus 1. Cor. 3. Ego plantavi, Apollo rigavit, sed DEUS incrementum dedit.

O quàm liberale & amplum dedit Humanitati Christi incrementum! Quantam inde colligebat gaudiorum messem! O Domine, ecce quam pusillus, & quàm annosus puer ego sum. In dies non solum nihil sumo incrementi, sed deficio magis. Affunde, obsecro, gratiosissime JESU, uberiores gratiarum tuarum; ut tandem in magnum servum tuum crescam.

2. **A** Dora D. JESUM, & considera, quòd de illo duodenni dicitur *Luc. 2. v. 52. Et JESUS proficiebat sapientiâ, ætate, & gratiâ apud DEUM & homines.* Proficiebat; licet in primo incarnationis momento plenissimus fuerit sapientiâ & gratiâ: cum in ipso jam tunc reconditi fuerint omnes thesauri Sapientiæ & scientiæ DEI. Nimirum secundum actus sapientiæ & gratiæ, atq; exteriorem apparentiam proficiebat, solis instar, ab ortu ascendentis, ad meridiem, semperq; lucem majorem spargentis. Continuo enim edebat virtutum actus plures, & illustriores, & cum ætate crescente copiosiores spargebat divinæ sapientiæ suæ, & gratiæ radios. Talis & nostra deberet esse vita, præsertim, quos DEUS dedit in lucem gentium. At quàm palpabiles in nobis tenebræ! laboramus equidem, ut gratiâ crescamus apud homines; sed de divina parum solliciti sumus. Da Gratiosissime JESU, ut hujus prima mihi sit cura; de humana non plus volo; quam quantum ad tuam gloriam conducere potest.

3 **V**enerare DEIPARAM V. & considera, quantòpere sit gavisâ incremento illo Filij sui, quem, ut credebatur, omnium divinarum perfectionum esse absolutissimum compendium, & Patri suo æterno non posse non esse gratiosissimum, & dilectissimum: ita ardentissime optabat, ipsum etiam apud homines esse in ea æstimatione & amore, quem merebatur, id est, summo. Videns igitur, quotidie illustriora perfectionum suarum specimina ipsum edere, & Sapientiâ, modestiâ, comitate atq; pietate suâ continuo sibi magis, magisq; devincire corda hominum, gratulabatur DEO, & gaudio liqueſcebat ipsa. O si etiam ex me simile solatium haberes, Gratiosissima Mater! Reforma, obsecro, informem Clientem.

Proposium v. g. de procurando continuo profectu in virtutibus, præsertim per medium N.

LECTIO PRACTICA.

Quomodo Vivâ Communi contenti esse non debemus.

VOx multorum est, inquit Gerson 3. p. tract. de myst. pract. Indust. 4o Sufficit mihi Vita communis. Si cum multis salvari potero: satis est. Nolo merita Apostolorum. Nolo volare per summas; incedere per pla-

niora

maiora contentus sum. Sed advertere oportet: aliud esse; nolle in mundo contentum esse forte communi, sed per fas & nefas, per fores & fenestras, manibus pedibusq; eniti ad splendida & sublimia mundi. Id enim non solum arduum, sed valde periculosum, & plerumq; noxium est: ut heri ostensum. Aliud est, in studio virtutis, meritorum, & gratiæ apud DEUM, nolle postremum esse, aut Vitâ communi contentum: sed totis viribus naturæ & gratiæ anniti; ut simus inter primos & summos. Id enim & nobis maxime proficuum, & DEO gratissimum est.

Qui vitâ communi, qualis nimirum ab hominibus non malis agitur, contenti esse volunt: de his, inquit cit: Gerson, verendum: ne cum fatuis virginibus Matt. 25. præ inertia dormitantibus, excludantur a nuptiis cœlestibus: & cum servo illo pigro, cui satis fuit, talentum à domino acceptum asservare in terra defossam, ejici in tenebras exteriores, propter lucrum Domino cessans. Deinde advertere ipsos oportet: quanto Patrē suum cœlestem, privent solatio; quantis se ipsos afficiant damnis, & quam turpiter mereantur confundi à filiis hujus sæculi.

Patrem suum cœlestem hujusmodi remissiores animæ privant insigni solatio (absq; eo, quod in periculum graviter ipsum offendendi, se conjiciant; prout ostensum in Lect: ser. 2. post Dom: 2. Adv.) quod expectat & suo jure requirit à filiis. Vult enim omnes esse charissimos sibi Josephos, id est, Filios accrescentes: vult esse Benjamins; id est Filios dexteræ; qui non commisceantur servis & vernaculis, sed semper hæreant lateri suo, & quidem dextro. Cogita: quomodo placeret viro alicui illustri filius, cujus omnis conversatio esset tantum cum pueris plebejis, quorum contentus esset fortē, indueret mores; nec ullis persuasionibus & stimulis à patre & alijs fratribus adhibitis, excitari posset ad assumendos animos tali patre, & familiâ suâ dignos. Numquid ut degenerem aspernaretur? Numquid doleret; indoli & institutioni suæ, curæ & impensis, non respondere filium? Quam Illustrem, quam Excelsam habemus Patrem? Non obstante lutea propagine nostra, audemus dicere: *Pater noster, qui es in cælis.* Ineffabili dignatione Pater æternus & DEUS noster nos assumpsit in Filios, & Deos quosdam: *Ego dixi, Dij estis, & filij Excelsi omnes.* Psal. 81. nos autem non assumemus animos tali conditione dignos? Vocat nos ad regnum & coronam: nos autem plebeia forte contenti erimus? Quanta fecit amore nostri, & in honorem nostrum? nobis autem sufficet, ita vivere: ut non mereamur exheredari? Nihil cogitabimus: quam vicem reddamus amoris & honori tanto? Incitat nos
& verbo

& verbo & exemplo suo Frater noster Primogenitus: *Esse perfecti, sicut Pater vester celestis perfectus est.* Matt. 5. Si nos honesti & æqui ratio non movet: moveat, quod subjungit, *Ut sitis Filij Patris vestri, qui in celis est.* Quo non obscure indicat: incomparabili talis Filij honore nec dignum esse, nec diu fruiturum; qui ad perfectionem celestis Patris per imitationem non tendit, semper ad altiora & perfectiora se extendens. Facile enim gratia excidit, qui non curat semper magis magisque in ea radicari, & proficere: ut qui Justus est, justificetur adhuc, & qui Sanctus, sanctificetur adhuc. *Apoc. 22.*

Advertendum insuper: quoddam damnum ab inertibus & abjectis hujusmodi animabus, quæ communi proborum vitæ contentæ sunt, in DEUM Patrem ac Dominum nostrum gratiosissimum, redundans, tolerabile utcumque esset; si temporale foret. Jam vero in omnem omnino se extendit æternitatem. Nam in æternum privabitur majore illo solatio & gaudio, quod a nobis habuisset, si perfectiores fuisset. In æternum enim minus ipsum amabimus, minus honorabimus, minus laudabimus & glorificabimus, irreparabili damno illius & nostro. Insigni confusione filij hujus sæculi generationem istam Lentulorum perfundunt: quod, qui ex ipsis ditescere coeperunt, semper magis magisque ditescere studeant; qui gratiam apud Principem invenerunt, semper in gratia crescere laborent &c. qui autem gratiam & supernaturalium donorum opes a DEO acquisiverunt; de continuo illarum augmento solliciti non sint.

Audiendus igitur Apostolus 1. Cor. 12. monens: *Amulamini charismata meliora.* Et S. P. N. Ignatius 6. p. Constit. c. 1. *Omnes constanti animo incumbamus: ut nihil perfectionis quod divina gratia consequi possumus, prætermittamus.* Crescat & in nobis continuo JESUS ætate, sapientia & gratia, pro sua & Patris sui gloria maxima.

X FEBRUARI.

DEUS vult homines laboriosam vitam agere: sicut CHRISTUS &
DElpara V. egerunt.

I. **A**dora DEUM O. M. & considera; eum nos non creasse ad otia, sed ad honestos labores. Ipsi protoparenti nostro translato in Paradisum voluptatis, demandavit, *ut operaretur, & custodiret illum.* Gen. 2. Eidem & posteritati ipsius post violatum præceptum injunxit Gen. 3. *In laboribus comedes ex ea (terra) cunctis diebus vite tue.* Unde & Apostolus 2. Thim. 3. sententiam tulit: *Si quis non vult operari, non manducet.* Ipse

Ipse prævit exemplo: *Laboramus operantes manibus nostris* 1. Cor. 4. Imò secutus est exemplum Christi, & Patris ejus. *Pater meus usq; modo operatur, & ego operor.* Joan 5. Vide igitur, qui labores statum deceant tuum, & quos officium tuum requirit, illisq; te ferio, & constanter impende. Nam sub vesperam vitæ non dicet cœlestis paternitas, voca stantes in foro, vel deambulantes in porticu, sed *voca operarios vineæ meæ* Mat. 10. ut denarium quietis & vitæ æternæ percipiant. Excita, conforta me Domine; & parce ignaviæ præteritæ.

2. **A**dora D. JESUM, & considera; eum non solum laborasse prædicando Evangelium usq; ad detatigationem, sed etiam usq; ad annum 30 manuales labores tractasse, eosq; satis viles, quales sunt fabri, lignarij. Nam non solum dicebatur fabri filius sed etiam faber. *Nunc hic est faber, filius MARÆ?* Marc. 6. Nec ingeniosum & pretiosum agere voluit architectum in construendis Principum & Magnatum palatijs, sed pauperem artificem, qui diurno labore victum quotidianum sibi comparat. Et hunc laborem statim, ac per ætatem licuit, assumpsit: *Pauper sum ego, & in laboribus à juvenitute mea.* Psal. 87. Vide architectum cœli, qui verbo alijs fecit universa, securi & ascia victum sibi comparantē, & in sudore vultus vefcentem cibario pane suo. Te pigebit, aut pudebit honesto alicui operi manum admovere?

3. **V**enerare DEIPARAM V: & considera eam, ut fortem illam mulierem, à Salomone celebratam, Proverb. 31. non quod gladium tractarit aut arcum; sed quia *quæsit lanam & linum, & operata est consilio manuum suarum; digiti ejus apprehenderunt fusum: de fructu manuum suarum plantavit vineam;* Domesticos suos JESUM, & Josephum vestivit duplicibus, interiore & superiore veste, sive propria manu texendo, sive pretium pro illis comparando per alios suos labores, adlaborantibus etiā & conferentibus JESU & Josepho. Sic in tota illa facerrima domo, nec demonium meridianum; nec pulvinar diaboli otium, locum habuit. **O** Domina, fuga illud; istud autem subtrahe mihi. Tempus laboris momentaneum, quies æterna! Laboremus.

Proposui v. g. de non fugiendo labore, etiam manuali.

LECTIO PRACTICA.

Quomodo laborandum.

NON est dubium: laborandum omnibus esse, sive mentaliter, sive corporaliter, juxta cujusq; vocationem & statum. Nam Primò Naturalis est obligatio: *Homo nascitur ad laborem; & avis ad volatum.* Job. 1.

Idem

Secundo

Secundò, *Anima operantiū impingnabitur.* Prov. 13. *Egestas operata est manus remissa.* Prov. 10. Tertiò: *Dulcis est somnus operanti, sive parum, sive multum comedit.* Eccle: 9. Quartò. *Regium est laborare: servile otio & luxui vacare:* dixit Alexander M. apud Panorm: lib. 9. de gest. Alphon. Deniq; otiosi nemini licet. *Qui in labore hominum non sunt: in labore profectò demeriti erunt:* inquit S. Bernard. in Cant:

Modus operandi rationabilis & fructuosus quatuor potissimùm continetur conditionibus: ut scilicet laboremus Religiosè, Ordinatè, Discretè & Strenuè: Nisi enim Religiosè laboraverimus, labor parum proderit; nisi Ordinatè, non bene procedet; nisi Discretè, non diu durabit; nisi Strenuè, non multum efficiet.

Ut Religiosè laboremus: inchoandum à DEO, progrediendum cum DEO, finiendum in DEO. Exordium operis ducendum à DEO per Intentionem rectam, & petitionem auxilij divini. Intentio recta est, si velimus agere ultimè propter DEUM; vel quia DEUS jubet, ut id agamus; vel quia talis actio ei placet, & conducit ad majorem ejus gloriam. *Ad laborem cum veneris; sic temperabis opus agendum,* inquit S. Bernardus in Doctrin: *ut sollicitudo operis intensionem animi tui ab ijs que DEI sunt, non avertat.* *A fove principium;* dicebat Antiquitas. *A te principium:* Tibi desinet, DEUS. Numquid operosum est, corde & oculis in cælum sublati, dicere ore, vel mente: *Propter Te.* Auxilium petendum vel brevi suspirio, vel prolixiore oratione, prout qualitas operis requisierit, & tempus permiserit. Quidam dicunt cum S. Petro: *In nomine tuo laxabo rete,* seu hoc, illudve, agam: Alij cum Psalmographo; *DEUS in adjutorium meum intende:* alij *Veni S. Spiritus,* cum S. Xaverio &c.

Ut Ordinatè laboremus: oportet labores & inter se, & cum tempore prudenter combinare. Ut scilicet omnia conveniente tempore fiant; & quæ potiora, vel magis necessaria sunt, præcedant: Divina præferantur humanis, temporalibus æterna, corporalibus spiritualia. Quærantur non pauci de agendorum copia, & temporis inopia: verùm si scirent, aut vellet rite coordinare negotia temporibus, & negotia negotijs; facile deprehenderent: se abundare tempore: non habere illius parum, sed perdere multum; ut dixit Seneca. Sunt, qui non in sermone tantum sed etiam in actionibus, faciunt hysteron proteron, postponenda præponendo; aut omittenda agunt, agenda omittunt. Diem dedicant Morpheo, Libero Patri & Vacuæ: in noctem servant negotia & studia. Alij dum somno mergunt; mox se tradunt temporalibus negotijs, vel studijs: nec horam

reperiunt usq; ad tenebras, vel medium noctis, quæ cum Ecclesia dicant: *Sum lucus orto fidere; aut Domine labia mea aperies.* Sine scrupulo invertitur ordo live ab Ecclesia, live à Regula religiosa, live ab ipso Christo præscriptus Matt. 6. *Quærite primùm regnum DEI & Justitiam ejus.* Mirantur multi: Unde Scriptores vastorum voluminum summiens tot tantiq; operibus habuerunt tempus: v. g. D. Thomas, S. Augustinus. Franciscus Suarez &c? quorum postremi 26. in folio Tomos doctissimos receniet Sotvellus in Biblioth. Soc: quamvis in diem sex circiter horas, indispensable lege daret Exercitijs pietatis: ut in ejus Vita recentius edita tradit Benedictus Rogaccius. Responsio in promptu est: Quia imprimis prima & potissima ipsis cura fuit Divinorum, Pietatis & Perfectionis: ideoq; DEUS liberalissimè illis adjesit tantos in scientijs & scriptis progressus. Deinde accuratam sibi confecerunt, & constantissimè tenuerunt, certam occupationum & temporum coordinationem & distributionem: quam Suarez *Maiorem spiritus* vocabat.

Ut *Discretè* laboremus: non sunt assumendi labores viribus majores; nec protrahendi ultra, quam valetudo permittat. Quod de cibo potuq; sumendo dici solet: Ut bibas multum, bibendum minus; quadrat etiam laboribus suscipiendis. Moderati conficiuntur facilius, & protrahuntur in annos plures. Sancti Basilii & Gregorius M. & quem proximè adduxi, Franciscus Suarez, admodum imbecilla fuerunt valetudine: & tamen quanta egerunt, & scripserunt, moderationis beneficio! Inter cætera admirandæ prudentiæ suæ argumenta, etiam illud posuit S. Patriarcha noster 3. p. c. 1. §. 4. *Ut non expedit tanto labore corporali quæquam onerari; ut spiritus obrutur, & corpus detrimentum patiatur: ita aliqua corporalis exercitatio, quæ utrumq; juvet, omnibus convenit, etiam illis, qui mentalibus exercitijs debent insistere: quæ quidem externis interrumpi debent; & non continuari, nec sine mensura discretionis assumi.* Noluit igitur ultra horas duas protrahi studia absq; interruptione.

Ut *Serenè* laboremus: labori, prudenter & religiosè suscepto totis viribus insistendum (quantum discretio permittit, & speratum operæ pretiū meretur) donec optato fine coronetur opus. Bonorum laborum gloriosus est fructus. Sap. 3. *Fraves mei dilecti, monet Apostolus 1. Cor. 15. Stabiles estote & immobiles, abundantes in opere Domini semper: scientes, quod labor vester non est inanis in Domino.* Laboremus DEO. Labor est momentaneus; Quies æterna, Præmium infinitum!

DEUS prædicaturo Christo præmittit Joannem Bapt: CHRISTI & DESPAR
V. affectus erga eundem.

1 **A**dora DEUM O. M. & considera, quomodo post oracula Prophe-
tarum, & varias umbras figurarum præsignantium personam & offi-
cium Christi Redemptoris, præmiserit eidem, ad prædicationem Evange-
lij jam se accingenti, Præcursores, Joannem Baptistam, qui Christum
non solum prædiceret ut Propheta, sed digito monstraret; *Ecce Agnus
DEI qui tollis peccatum mundi*: disponderetq; populum per baptismum pœni-
tentia, ad excipiendum Salvatorem, & accipiendam per eum salutem.
*Dirigite viam Domini, rectas facite semitas ejus. Pœnitentiam agite, appropin-
quavit enim regnum colorum.* Matt. 3. Non agit DEUS tumultuario, sed
sapientissimâ providentiâ suâ disponit omnia suaviter, perficienda tem-
pore & ordine destinato. Adoro suavissimam Providentiam tuam, Ma-
gne DEUS, & pro tali Præcursores Filij tui humiles ago gratias. Dis-
pone etiam per præmissum S. Angelum tuum corda eorum, cum quibus
ego aliquando acturus sum, de salute ipsorum & gloria tua promovenda;
ut, quod mea voce deprometur, tuâ virtute firmetur.

2 **A**dora D. JESUM, & considera, quæ fuerit affectu erga magnum
Præcursores suum. Testatus est eum tum alijs argumentis, tum
insigni & publico elogio Matt: 11. ubi Joannem appellat *Eliam*, scilicet
spiritus *plus quàm Prophetam, Angelum suum, & quo non surrexit major in-
ter natos mulierum.* Meruit illustre hoc encomium Joannes tum vitæ in-
nocentiâ, & austeritate, tum prædicationis zelo, tum humilitatis profun-
ditate, quâ se nec Christum, nec Prophetam, sed meram Vocem claman-
tis in deserto confessus est; imò indignum omnino, qui solvat corrigiam
calceamentorum Christi. Placent, ô Anima mea, elogia illa? placeat &
humilitas ista, sine qua Joannes non fuisset eo loco apud Christum. Gra-
tulator tibi Amantissime Salvator, Præcursores tam promptum, Prophe-
tam tam zelosum, Baptistam tam Innocentem, Angelum tam sanctum,
Joannem tam magnum, tamq; humilem. Fac me saltem idoneum pedif-
sequum tuum.

3 **V**enerare DEIparam V. & considera, quàm propenso animo fue-
rit & ipsa erga Joannem. Facta Mater DEI festinavit ad sanctifi-
candum illum adhuc in utero, inserivit nascituro, natum ulnis fovit vir-
gineis; ipsa præ cæteris, & congratulabatur Elisabethæ, & præciebat di-
vinitus, quis puer ille futurus esset. Maximo illum insinuavit cordi Vir-
ginis

ginis innocentia vitæ, paupertatis amor, zelus honoris Christi. His artibus licet & nobis irrepere in amores Matris DEI. Admitte, ô Gratiissima; & si non invenis amore tuo dignum, fac, ô Benignissima.

Proposuit imitandi S. Joannem in paranda Domino plebe perfecta.

LECTIO PRACTICA.

Laborantibus circa Proximum quàm necessaria sit Vitæ Sanctitas.

Operarijs Evangelicis non uno ex capite necessaria est eximia vitæ probitas, imò sanctitas. Illud hic solum attigero: ipsos, nisi comparandæ perfectioni propriæ singulari diligentia insistant, periculum præsens propriæ salutis adire. Non obscure id ipsum indicavit DEUS: quando Præcursores Christi, prædicaturum baptismum pœnitentiæ, triginta fere annis in deserto, velut in schola sanctitatis, exerceri & formari primum voluit ad eam sanctitatem, quæ non tantum Propheticam, sed Angelicam æquaret.

Indicavit & Apostolus: quandoquidem non solum Philip: 3. testatus est; se irrequieto studio ad ulteriorem & altiore perfectionem tendere; *quæ retro sunt, obliviscens, ad ea, quæ sunt priora, extendens me ipsum*: verum etiam 1. Cor. 9. dicit; se continuz sui mortificationi studere; ne ex prædicatione Evangelij & conversatione cum fidelibus & infidelibus, probis & improbis, aliquid detrimenti capiat ipse quo ad salutem suam. *Castigo, inquit, corpus meum, & in servitutem redigo: ne forte cum alijs prædicaverim, ipse reprobus efficiar.* Stupenda res! Paulus Apostolus, nihilo inferior ijs, qui erant supra modum Apostoli, illud Vas electionis, ille Doctor orbis, illud cor leoninum ad quævis ardua impavidum, illa inseparabilis à Charitate Christi anima, quæ aliàs ausa est provocare velut ad singulare certamen, & tormenta omnia, & tyrannos omnes, bonos malosve Angelos, & mortem & infernum ipsum; trepidat! Paulus Apostolus sollicitus est; ne forte cum alijs prædicaverit, alios in cælum impulerit; ipse reprobus efficiatur, & vita exeat aeterna! Proinde nihil sibi negligendum putat, ut id periculum evadat. Et animam omnigenis ornat munitq; virtutibus; & infirmiore, sed insolentiore partem, Corpus, in ordinem, imò in servitutem redigit. Si hæc Paulus Apostolus: quid nos, Viri Fratres, faciemus: qui ipsi quoq; in sortem Apostolatûs ejusdem vocati sumus, sed nequaquam paribus præfidijs instructi?

Duplex infestum nobis habemus agmen: cui nisi insignem morum probitatem, solidamq; virtutem objiciamus; prostrati jacemus. Primum est malignorum spirituum; qui dum vident conatus nostros in eripendis sibi,

H h ;

& alle-

& afferendis DEO animabus; in duo extrema nos impellere laborant. Vel ut per ignaviam, aut nimiam circa temporalia vel studia, curam, negligamus opus Evangelij, administrationem Sacramentorum, & salutem proximorum: atq; sic *Ve nobis*, non evangelizantibus! Vel ita nos incitant in curam proximorum, ut ipsis nos totos impendentes, & improvide immergentes, nostri ipsorum obliviscamur, solita debitaq; pietatis exercitia raptum solum absolvamus, aut penitus negligamus; in mortificatione, prætextu laborum, facile cum corpore nostro dispensemus, conscientiarum propriarum puritati non attendamus; & sic sensim sine sensu reprobi efficiamur, dum alijs cælum aperimus.

Alterum infestum & periculosum nobis agmen sunt illi ipsi quorum animas curamus. Paulatim enim scabiem suam nobis affricant; & nisi probe attendamus, citius nos moribus suis induunt, quam nos, pravus habitus & erroribus exuamus ipsos. Velut picem manibus tractamus: nisi eas oleo & virtutum fragrantia diligenter tinctas habuerimus: facile inquinabimur, & male olebimus. Quamvis non simus e mundo; versamus tamen in mundo immundo, in medio nationis prave, in lubrico & præcipiti: *Qui se existimat stare videat ne cadat.* 1. Cor. 10. *Qui sanctus est, sanctificetur adhuc.* Apoc. 22. *ne fiat sicut populum, sic Sacerdos.* Osee. 4. Imitari nos oportet Medicos, qui curam habent contagiosa lue laborantium: quos ut adeant indemnes; multa penes se odoramenta, & vim mali elidentia habent antidota: ne ad ipsos proserpat contagio, & quæ ex ægris corporibus promanat exhalatio, vapor & fœtor, ipsos inficiat. Cum igitur non minore contagione teneantur animi, quam corpora plurimorum, cum quibus nos familiariter agere oportet; nec minus sit periculum; ne quam in tribunali sacro vel familiari conversatione detegunt luem, nobis quodammodo inspirent, impressis in phantasia & memoria, quas nolle-mus, imaginibus; facile apparet: quibus instructos nos esse amuletis necesse sit, ne lethiferum aliquid contrahamus.

S. Chrysostomus lib. 3. de Sacerd: dicit: Sacerdotes non minus innocentes sanctosq; esse oportere, quam fuerint tres illi pueri in fornace Babylonica. Nam non in minore, imò longè majore, & periculiosiore versantur incendio: e quo si fortè non pauci evadunt salvi; pauci certe exeunt, quos fuligo aliqua non afflavit.

Opportune monet igitur Ecclesiasticus, cap. 29. *Recupera proximos secundum virtutem tuam: & avende tibi ne incidas; sive in puteum, sive in argam, ex quo alterum extrahere laboras.* Vide; quo robore te instru-

XII. FEBRUARI.

248

Sum esse oporteat, quam firmo pede consistere: ut alium salves, & non potius ille tua te involvat ruina. Magnum est, imò divinum, animas ab æterna perniciæ vindicare, & Christo lucrari: sed Quid prodest homini, si universum mundum lucratur: anima verò suæ detrimentum patiatur? Matt: 16.

XII. FEBRUARI.

DEUS baptismum penitentiae præmiis baptismo & prædicationi Christi:

CHRISTUS eundem suscipit: DEI para V. gaudet hominum accursu.

1. **A** Dora DEUM O. M. & considera, cum non alio ritu voluisse disponi Judæos ad prædicationem & baptismum Christi, quam susceptione baptismi penitentiae à Joanne ministrati. Dispositio enim per penitentiam solida & fundamentalis est; nec multum profunt alix sine ipsa. Inprimis curandum est, ut DEUM habeamus placatum, & amicum; quid enim ab offenso speremus? Aut quo oculo respiciet ceremoniarum nostrarum blandimenta, si cor nostrum non fuerit rectum cum eo? Hinc & Prophetis, & Joanni, & Christo ipsi exordium prædicationis passim fuit: *Convertimini; lavamini, penitentiam agite &c.* Justi quoque ad ampliores gratias per præmissos orationi, alijsque virtutum exercitijs actus penitentiae sese disponere consueverunt. *Justus prior est accusator sui.* Proverb 18. Da, Gratiostissime DEUS, quod desideras à nobis. Pœnitet peccasse. Fac gratiarum tuarum capaces.

2. **A** Dora D. JESUM, & considera, quomodo non sit dedignatus, quamvis minimè egeret, suscipere à Joanne Baptismum penitentiae. 1. Ut authoritatem adderet Joanni, & exemplo suo alios alliceret, 2. Ut sanctificaret & initiaret aquas in lavacrum sanctius regenerationis, quod ipse ministraturus erat. 3. Ut ostenderet, Humilitatem esse optimam præparationem ad aggrediendum Magna pro DEI gloria, & animarum bono, juxta illud Isa: 37. *Minei radicem deorsum, ut facias fructum sursum.* Quanto profundius descenderit radix humilitatis, tanto copiosior efflorescit fructus boni operis. Suspicio, mi JESU, & veneror summam sanctitatis tuæ celsitudinem, in tanta abyssu humilitatis; & accuso pravitatem meam, quâ publicè delinquere non erubescio, sed publicum penitentiae baptismum totis viribus fugio. Trahe me post te, in profundum submissionis tuæ.

3. **V**enerare DEI param V. & considera, quo solatio fuerit delibuta, quando partim audivit, partim vidit, homines certatim confluentes ad Joannem pro suscipiendo baptismo ejus. *Exibat ad eum Hierosolyma, &*

ma, &

ma, & omnis Judea, & omnis regio circa Jordanem; & baptizabantur ab eo in Jordane confluentes peccata sua. Matt. 3. Gratulabatur DEO populum tam morigerum, contra morem majorum suorum: precabatur Joanni constantes progressus, in paranda Filio suo plebe perfecta. At Nos subinde invidiola mordet, aut vellicat, dum alios magis frequentari in foro pœnitentiæ, vel cathedra Ecclesiastica cernimus. Averte a me Domine avidum hunc spiritum: DEO Laus, quod alius suppleat defectus meos

Proposium v. g. de frequentandis & commendandis alibus Pœnitentiæ.

LECTIO PRACTICA

Exemplo magis quàm verbo ducendi homines ad Pœnitentiam.

A Mara & ardua res est Pœnitentia: facilius suaderi, quàm persuaderi potest. Agre enim acta nostra retractamus; agre eadem accusamus; agerrimè in oppositum, carni & sanguini repugnans, declinamus. Postquam igitur DEUS per aliquot sæcula ore Prophetarum, quasi tuba, exaltavit vocem suam, & longè lateq; intonuit: *Convertimini à viciis vestris pessimis: Pœnitentiam agite &c.* validiore machina expugnaturus corda durissima: Unigenitum suum cum Præcursore Joanne expedit: ut priusquam ore intonarent, validiore Exemplo Pœnitentiam docerent. Neuter meruit illam; Angelis uterq; purior: sed ingerendum erat hominum oculis, quod per aures non penetrabat ad animos. Joannes igitur à puero eremicola, prodijt tandem, nec comedens nec bibens (tam modico, eoq; vilissimo, utebatur victu) non tam lingua, quàm exhausto corpore toto prædicans pœnitentiam. Quantum reali hac concione proteceperit; testatur affluens tam numerosus populus: ut Matt. 3. dicatur *Omnis Judea ad ipsum confluxisse, confluentes peccata sua.* Christus quoq; fundamentum solidum positurus prædicationi suæ vocali, Exemplarem præmisit; Sanctitatem suam infinitam pœnitentiæ submittens baptismo.

Magna est in utramq; partem vis Exempli: nihil validius & ad destructionem, & ad ædificationem. *Magisterij auctoritas constat ex vita.* Docenda faciens, obediens facti auditorem: inquit S. Chrysologus serm: 167. *Sermo actione destituitur, non mira aurem grassatur: qui autem ab actione animatus est; ut qui acris & efficax sit, aliè penetrat, animumq; attingit.* ait Isidorus Pelus: l. 3. c. 202. *Rationem hujus dedit Seneca lib. 1. ep. 16.* Cum dixisset: *Longum iter est per præcepta, breve & efficax per exempla;* subjunxit: *Quia homines amplius oculis, quàm auribus credunt.* Ulteriore rationem dat S. Bernardus serm: de S. Benedicto. *Sermo, inquit, vivum & efficacem, exemplum operis est: plurimum faciens suadibus, quod monstratur factibus,*

file. Dum enim homines vident, ea, quæ quis docet, ab ipso met executioni mandari: magis credunt, esse possibile utilia aut etiam necessaria nec fucum sibi fieri à concionatore. Accedit innatum nobis æmulandi & imitandi studium: quo facile transimus in mores aliorum, præsertim quos spectabiliores facit aliqua autoritas. Unde S. Prosper hom: 1. de vita contempl: 23. *Satis, inquit, audaces possunt proficere: si hoc à Doctoribus vident spiritualiter fieri, quod sibi audiunt predicari.* Sanctus quoq; Patriarcha Noster dum p. 7. Constit: c. 4. suggerit quædam media, quibus Societas utatur ad iuvandum proximum: primo loco ponit Vivam Exemplarem. *Primo, ait, conferet bonum Exemplum totius honestatis, ac virtutis Christianæ: ut non minus bonis operibus, imò magis quàm verbis, eis ad iudicium esse, quibus cum agitur, curent.*

Nam, ut notat S. Chrysostomus hom: 13. in Acta: *Nihil frigidius Doctore; qui verba dumtaxat philosophatur.* N. q; enim hoc Doctor est, sed histrio & hypocritæ. Tales hypocritas perstrinxit Christus Phariseos Matt. 23, quod *Aligui onera gravia & importabilia, & imponunt ea in humeros hominum: digito autem suo nolunt ea movere.* Histrones quoq; agunt huiusmodi prædicatores. Ut enim histrones in theatro scite repræsentant jam regum, jam ducum, civium aut colonorum personam, quævis ipsi longè alij sint: ita isti nunc charitatem, nunc mundi contemptum, humilitatem, patientiam egregie commendant verbis, quam re vera factis averfantur; histrones & mimi, non prædicatores Evangelici: Campanæ, alios in templum gloriæ cælestis evocantes, ipsi excludendi. *Dico enim vobis: Nisi abundaverit iustitia vestra, plus quàm scribarum & phariseorum: non intrabitis in regnum cælorum.* Matt. 5. Insuper strictam DEO rationem dabit de scandalo dato, de enervato Verbo divino, de commisso vobis grege non solum, perduto, sed mactato.

Nemo amplius in Ecclesia nocet: quàm qui perversè agens, nomen vel Ordinem Sanctitatis habet. Delinquentem namq; hunc redarguere nullus præsumit, & in exemplis culpa vehementius extenditur, quando pro reverentia Ordinis peccator honoratur; inquit S. Gregorius in Pastor: S. Chrysostomus hom: 38. ad pop: ait: *Si non habueris opera, tantum loquens: non profuisti, sed potius læsisti.* Melius est tacere. *Quare? Opus mihi reddis impossibile.* Cogito namq; quod si tu tanta diligens, non efficis; multò magis ego venia dignus ero.

Ut igitur demus voci nostræ vocem virtutis, & stylo Præcursoris, ac ipsius Christi, prædicemus penitentiam: exemplo proprio robaremus

verba. S. Xaverius cum indurato homini diu frustra suafisset poenitentiam: persuasit tandem, ubi cruenta flagellatione coram ipso in se defecavit. Ad nos quoque pertinet monitum Apostoli ad Titum c. 2. *In omnibus præbe se ipsum exemplum bonorum operum.* Et ad Tim: 4. *Exemplum esto fidelium in verbo & conversatione.*

XIII. FEBRUARI.

DEUS clarificas CHRISTUM in baptismo: DEpara V. magnificas DEUM.

1. **A**dora DEUM O. M. & considera eum, ut infallibilem humilium exaltatorem & glorificatorem. Statim ac de aqua ascendit baptizatus à Joanne Christus, *Ecce aperti sunt celi; & vidit Spiritum DEI descendentem, sicut columbam, & venientem super se* Matt. 3. Humilibus aperiuntur celi, per quorum portam non solum angustam, sed etiam humilem, elati spiritu intrare non possunt. Super humiles descendit Spiritus DEI, qui humilia respicit, & alta à longè cognoscit, ac præterit. Et ecce vox de cælis, dicens: *Hic est Filius meus dilectus, in quo mihi complacui.* Quod jucundius & gloriosius testimonium optari potest? Gratias, tibi immortales, o Pater æterne, pro hoc solatio, & honore, humili Christo tuo præstato. O si ego aliquando audire à te merear, *Hic est servus meus dilectus, in quo mihi complacui!* Pretiosius longè est id elogium, quam omnes Regum, imò cælestium Principatum tituli. Sed nisi in profundum humilitatis descendatur, non acquiritur.

2. **A**dora D. JESUM, & considera, quàm jucundum cælo dederit in umbra, & stupuit anterior ætas in Patriarcha Jacob, luctante cum Angelo & prævalente, Genes. 32. Angelus erat Joannes, Patriarcha & Pater futuri sæculi Christus. Ad suscipiendum baptismum non accersivit illum ad se, ut magni in hoc mundo solent, sed ipse venit à Galilea in Jordanem ad Joannem. Stupet & refugit Joannes: *Ego à te debeo baptizari, & tu venis ad me?* Instat JESUS: Joannes autem prohibet. Quomodo enim auderet manum attollere super caput Christi, quam solvendæ corrigæ calceamenti ejus non præsumpsit admove? Admonitus tamen, *Sine modo; sic nos decet omnem implere justitiam,* cessit palmam humiliori. Et impleta, imò superimpleta est ab utroque, omnis justitia, à Joanne humili obedientiâ, à Christo magnificâ humilitate. Quàm parum nos exercitati sumus in hac palæstra? Quàm prompti admittimus? quàm tardi deferimus alijs honores? O Humilias, virum Christi quantum confundis super-

Superbiam nostre vanitatis! clamat ē Clara valle Bernardus serm. 1. de Epiphani: Humillime JESU, deprime fastum meum.

3 **V**enerare DEIPARAM V. & considera, quomodo omnibus animarum viribus magnificaverit DEUM, ubi intellexit, tam gloriose magnificatum esse à Patre æterno, & Spiritu Sancto Filium; tam reverenter habitum à Joanne. Optabat ardentissime, ut tam felicibus initijs totus responderet prædicationis cursus; & quantocyus omnis terra adoraret eum, cui tantos honores exhibuit cælum. Hæc & nobis summa votorum, imò etiam laborum esse debet: ut agnoscat mundus, & pro merito veneretur Dominum & Salvatorem suum JESUM. Adspira votis, & laboribus meis, Domine, ut in omnium cordibus & animis primas obtineat JESUS.

Proposium v. g. per Actus Humilitatis conciliandi sibi favores divinos.

LECTIO PRACTICA.

Quomodo per Humilitatem nos disponere debemus ad labores Evangelicos.

Inter dispositiones requisitas ad fructuose agendum cum proximo, facile primas tenet Humilitas. Commendant eam gravissimo exemplo suo Christus & Præcurzor ejus Joannes. Uterq; munus prædicationis inchoaturus, auspiciū duxit à profundissima sui demissione. Joannes quā humiliter respondit ad Legationem Hierosolymitanam: non solum se negando Christum, & Eliam, aut Prophetam alium; sed solam se Vocem affirmando, prætereaq; nihil? Cuipiam ē nobis visum fuisset opportunius: comparare sibi auctoritatem, hujusmodi functionibus pernecessariam; adeoq; non dissimulare, sed disertius exprimere personam à DEO impositam. At Spiritui S. quo plenus erat Joannes, visum est aliter. Christus quoq; qui peccatum non fecerat, nec facere poterat, peccitentium turbæ, se ingessit, & ab humillimo Baptista, infinite ipse humilior, baptismum extorsit. Sic sese deprimentes, non defuit, qui exaltaret, clarificaret; atq; necessaria auctoritate instrueret. Joannem extulit Christus luculentissimo elogio non solum super omnes Prophetas, sed super natos mulierum, inferuitq; Angelorum cœtui. Christum in ipso stupendæ Humilitatis actu, quantopere clarificavit æternus Pater, & Spiritus Sanctus! Sic & in alijs Evangelij ministris vera Humilitas non solet dispendium facere, sed comparare auctoritatem fructuosam, benevolentiam hominum, & gratiam DEI.

Quæsitit aliquando ex S. Francisco Maseus, intimus ejus Socius. Unde, quæso, sit Franciscus: ut omnes ad te accurrant, ut te videre, audire,

XIII. FEBRUARIJ.

259
dire tibi; obedire velint? Neq; enim es doctus, neq; illustri genere natus, non forma liberali, aut eleganti, non deniq; eloquens. Undenam fit ergo; ut totus mundus te sequatur, tibi; obsequenter auscultent? Cui Franciscus, more suo, id est humillime, respondit: Nosse vis Frater, unde mihi hoc veniat; quod homines ita me colant, & post me currant? Dicam. Ex immensa DEI mei Bonitate, qui me omnium peccatorum maximum, omnium creaturarum abjectissimam & vilissimam respicere dignatus est. Nam infirma, & abjecta mundi eligit DEUS: ut per illa confundat fortia & sapientia, & magna; ut omnis honor & gloria cedat DEO.

Hinc est, cur. ex mente S. Augustini Tr. 7. in Joan: Christus non legerit inter Apostolos Nathanaelem, quamvis hic inter primos Christum accesserit, & insigni elogio fuerit ab eo honoratus: *Eccē verē Israelita, in quo dolus non est.* Videtur, inquit Augustinus, talis vir ante alios omnes ad Apostolatus munus vocari debuisse. Videmus autem: eum non tantum non vocatum primum, sed ne medium quidem, aut postremum. Nōsti, quare? Nathanael erat doctus & legis peritus. Christus autem per idiotas orbem erudire, sibi; subigere decreverat: ut tantō major ejus appareret virtus & potentia, & illustrior elucesceret gloria. *Ut ostēderet divitiarū gratiæ suæ:* ait Apostolus Rom. 9. Non hæc eō dicuntur: quasi etiamnum solis idiotis consignandæ essent Cathedræ Ecclesiasticæ, & Missiones Apostolicæ: sed ut appareat; quā grata sit Christo, & desiderata in Ministris suis, Humilitas; & quomodo tota Scientiarum amplitudo & altitudo, cum omni talentorum naturalium & acquiritorum apparatu, fundari debeat in Humilitate; ut optatum faciant fructum, & ipsi Operarij typho vanitatis non evertantur, sibi tribuentes, quod Domino debetur. In triplici autem fundatos esse oportet Humilitate.

Primo Humiles esse debent erga DEUM: viribus suis & industrijs omnino dissidentes, & se se, etiam cum omnia faciēda tegerint, *servos inuiles* reputantes. *Fiduciam habemus per Christum ad DEUM,* inquit Apostolus 2. Cor. 3. *non quod sufficientes simus, cogitare aliquid à nobis, quasi à nobis: sed sufficientia nostra ex DEO est: qui & idoneos nos facit ministros novi Testamenti.* Hæc humilis dissidentia in nostris viribus, & fiducia in divino auxilio, inter omnia media ad magnum animarum lucrum faciendum, & efficacissimum est, & facile princeps: Hæc item est una de optimis dispositionibus, quas ad hoc operarij DEI adferre potest ex parte sua: inquit Rodriq. parte 3. tr. 1. c. 15.

Secundo

Secundò Humiles sint erga Prælatos, aliosq; Ecclesiarum, in quibus operari debent, Præpositos: se, & omnem operam suam ex animo ipsis submittentes. Ubi enim talis non est subordinatio; una manus ædificare, alia diruere solet, pluraq; dantur populo scandalorum argumenta, quam virtutum specimina. Vir planè Apostolicus, S. Xaverius, teste Tursellino in ejus vita lib. 6. c. 8. *Divinum Numen in Episcopis & eorum Vicarijs venerans, ex eorum auctoritate sua munia obire gestiebat, ejusdemq; prorsus omnibus in rebus, dicto audiens erat. Idem ceteros & Societate facere jubebat.*

Tertiò Humiles esse oportet etiam erga Cooperatores in eadem vinea, quamvis dignitate non emineant. Non enim diu stabit animorum concordia, si non fuerit fundata in spiritu humilitatis. Primum æmulatio, mox confurget invidia, & quæ hanc sequuntur, dissidia & tempestates. Ad Evangelicos potissimum operarios spectat illud Rom. 12. 10. *Charitate fraternitatis invicem diligentes: honore invicem prævenientes.* Quod ut fiat exterius; observandum imprimis interius id, quod dicitur Philip: 2. *Superiores sibi invicem arbitantes.* Sic in veros, & verè Magnos, ibimus Ministros Christi,

XIV. FEBRUARI.

DEUS ducit Christum in desertum: CHRISTUS dierum 40 Contemplationem & Orationem præmittit predicationi: DESPARA V. in civitate ut in solitudine vivit.

1. **A**dora DEUM O. M. & considera, quomodo eos; quos vocat ad munus docendi & prædicandi, non velit imparatos, aut solâ eruditione scholastica instructos profilire in cathedram; sed præmissâ fedula, nec modicâ, animi recollectione, & agendorum, modiq; agendi consideratione. Ecce Filium suum, hominum & Angelorum Doctorem, VERBUM & Sapientiam suam, antequam auspicaretur prædicationem suam, duxit in desertum, ut ibi contemplando; orando, jejunando, disponeret se ad opus imminens. *Ductus est JESUS à Spiritu (utiq; Sancto) in desertum.* Matt. 4. S. Lucas habet cap. 4. JESUS autem plenus spiritu Sancto, agebatur à Spiritu in desertum. S. Marcus cap. 1. ait: *Et statim (post baptismum) Spiritus expulsi eum in desertum.* Nimirum ut exemplo tuo doceret: Prædicatores, Doctores, & Prælatos Ecclesiæ suæ, antequam laborem, ad quem assumpti sunt, auspicentur, oportere tentari, & varijs experimentis probari, meditatione diligenti rerum agendarum, & insufficientiæ suæ, illustrari, oratione fervente, multa; muniri. O

XIV. FEBRUARI.

275
 xivissime Spiritus, libens te in tale desertum sequar. Duc, age, impet-
 le tergiverfantem.

2 **A**dora D. JESUM, & considera, quomodo se in eremo disposuit
 ad prædicationem. Assidua & præcipua ejus occupatio fuit Con-
 templatio & Oratio. Quibus quamvis a momento Incarnationis continuè
 inhæserit, at tunc in solitudine liberius sese effundebat in varios affectus
 & actus, etiam extimos, laudis, Glorificationis, Gratiarum actionis, Hu-
 miliatationis, Resignationis, Oblationis sui &c. Ibi agebat cum Patre suo
 æterno negotium Redemptionis & Salutis nostræ, disponebat Ecclesiam
 suam, eamq; Patri prolixè commendabat, sicut & quemlibet in particu-
 lari fidelium suorum. Nos credimus omnes difficultates dexteritati no-
 stræ cessuras; fructum non tam ab oratione, quam ingenio & labore
 nostro pendere: sed tandem deprehendimus nos miserè deceptos. Im-
 mortales tibi ago gratias, Gratosissime JESU, quòd & mei in illa solitu-
 dine memor fueris, curamq; gesseris. Annuit, ut ipse quoq; per dili-
 gentem meditationem & frequentem ferventemq; orationem, mei, ac mi-
 li commissorum curam geram.

3 **V**enerare DEI param V. & considera, eam in locis etiam frequen-
 tissimis & Civitatibus populosis suum habuisse desertum, in quo &
 DEUS loquebatur ei ad cor, & ipsa suū corā Domino omni genere & modo
 præstantissimorum affectuum effundebat. Non enim se ingerebat turbis, non
 implicabat alienis negotijs, non cumulabat propria, non quærebat fami-
 liaritates. Si comparendum fuit in publico, conversatio tamen manebat
 secreta in cœlis. Cellula desertum illi erat, imò cœlum. At nos quan-
 to laboramus tædio, si non simus in publico? Non cellæ tantum, sed
 palatia nobis carcer sunt, si extra turbam simus. O Domina; avelle
 levem hanc, & vagam animam a turba hominum, & negotiorum. Duc
 eam ad beatam illam solitudinem, ut amet agere sola cum solo DEO.

Proposuit de majore studio Contemplationis & Orationis.

LECTIO PRACTICA.

*Quàm inutile sit Omnibus, recipere se quotannis in quandam Soli-
 tudinem Asceticam.*

ET Justis, & peccatoribus nihil est utilius: quàm subinde, minimū
 semel quotannis, per dies aliquot secedere ab hominum, etiam do-
 mesticorum, turba; & recipere se in quandam Solitudinem, sive ea sit Re-
 ligiosa quædam cella, sive alter ab arbitris & negotijs remotus locus, ad
 vacandum soli DEO & Animæ suæ. Suasi superius 5. Febr. amorem,
 & Aug

& studium vitæ solitariae: ut, etiam seculares domi suæ haberent cellam aliquam vel Oratorium privatum, in quo per horulam, aut dimidiam, mentem colligere, & ad DEUM elevare commodius possent. Hic opto: ut etiam domo exeant, negotijs omnibus, domesticis & publicis, pro diebus aliquot valedicant; ut attentius considerent: quo loco res suæ sint apud DEUM; in quanta securitate vel discrimine sit animæ salus æterna; quomodo solide corrigi possint malè acta, bene gesta promoveri strenuè. Contingit enim nobis plerumq; quod viatoribus & mercatoribus: qui nunc subinde se maturius & diligentius recolligant, inspiciantq; vias & reges suæ profundius: inveniunt se tandem viatores inter ferarum aut latronum latibula, aut montium præcipitia; mercatores inter debitorum ineluctabiles acervos; nec modus apparet emergendi. Quod igitur bonus DEUS ad reducendam in viam salutis vagam filiam Sion suggessit medium, O se. 2. *Ducam eam in solitudinem, & loquar ad cor ejus:* juvat apprehendi etiam a nobis. In turba enim negotiorum & hominum raro loquitur nobis DEUS ad Cor: nec satis percipiuntur, aut penetrantur voces ejus.

Porro Solitudines hujusmodi excitavit nuper DEUS per S. P. JGNATIUM in domibus & collegijs Societatis: tradiditq; illi, homini adhuc tunc literarum rudis (ut magis appareret, ejus id Opus esset) admirabilem Methodum exercendi animas per Contemplationem & Orationem, tum ad pœnitentiam, & vitæ emendationem; tum ad insignem perfectionem & Sanctitatem. Libellus eam Methodum continens, appellatur Exercitia Spiritualia S. Jgnatii Loyolæ Fund: S. J. Conscripserat ab ipso est primo anno Conversionis ad vitam meliorem, in quadam specu agri Manresani in Hispania: ubi Contemplationi & pœnitentiæ operibus vacabat, luminibus celestibus copiosissime perfusus. Inde post annum circiter egressus, simul Grammaticæ inter pueros discendæ se tradidit, & Magistrum raræ Pietatis agebat, quos opportunè poterat, suis Exercitijs excolendo. Iisdem primos novem Socios, Franciscum Xaverium, Petrum Fabrum, Jacobum Laynez &c. viros scientia & probitate insignes, in Academia Parisiensis excoluit magis, sibiq; Socios individuos adjunxit.

Eadem Exercitia post diuturnum & rigidum examen, rite & plene approbavit Paulus III. Pontif. Max: Indulgentiam plenariam absolventibus illa per dies decem concessit Paulus V. At Alexander VII. Anno 1657. extendit etiam ad quosvis absolventes per dies 8. & quidem quoties id egerint in Domibus Societatis, & peccata confessi, Sacram Eucharistiam sumperint devotè. Innocentius X. in Concilio Ecclesiastico de S. Jgna-

S. Ignatio, toti Ecclesie proposito, insignie adiecit elogium, appellans in Lect: 4. *Almirabilem Exercitiorum Librum, Sedis Apostolicæ judicio, & omnium militum probatum.* Tot summorum Pontificum oraculis accedunt innumera amplissimaq; doctissimorum & Sanctissimorum Virorum encomia, è proxima experientia concepta: è quibus paucula decerpo.

Bartholomæus Torres Episcopus Canariensis, spiritum, quem ex his Exercitijs hauserat, plenus; Utinam, inquiebat, quanti est ille thesaurus, tanti æstimare possemus! DEUM tector! Triginta annis, quibus versor in studijs Sapientie, & per multis annis, quibus Theologiam doceo; nunquam ad meam utilitatem me tantum didicisse, quantum me paucis diebus docuerunt Exercitia. Permultis ego & Religiosis & Sæcularibus persuasi, ut ea susceperent: nec quenquam novi, qui non magnum inde fructum retulerit; palamq; prædicaverit: nihil è rebus humanis antefarendum ipsis.

Ludovicus Granatensis præclarum S. Ord. Præd. lumen, palam fatebatur: Tantum doctrinæ Spiritualis, à documentis & Exercitijs illis haufi; ut vita tota non sufficiat scribendo illa (scripsit autem plurima & piissima) quæ in illis DEUS mihi aperuit. Nihil minus dixit alter ex eodem S. Ord. Doctor Theologiæ celeberrimus, Mancius, inquiens: Pluris facio Theologiam Patris Villanova (qui externis Exercitia tradere solebat Compluti) quam omnium simul Doctorum.

S. Carolus Borromæus (quantum Ecclesie lumen!) cum à Patre Pontifice in sacrum Cardinalium Collegium, licet ætate juniore, adlectus esset, in Professorum Soc: Domum sese recepit, ut Exercitijs S. Ignatii operam daret. Dedit, eo fructu: ut ipsis omnia ad ferventiorum in virtute progressum incitamenta adscribere sit solitus. Quotannis deinceps semel, aut bis, si liceret per negotia Ecclesie, eadem, quoad vixit, absolvebat. In Synodo quoq; Mediolanensi decrevit. ne quis initiaretur Sacerdotio, nisi per aliquot dies Exercitijs Spiritualibus præparatus. Vincentio Duci Mantuano, Bibliothecam suam monstranti, reposuit idem Sanctus Cardinalis: Mihi quoq; Bibliotheca est perampla, sed in libelli coacta Epitomen; ex quo plura intelligo, quam possum ex cæteris omnibus discere: subdiditq; hunc esse Exercitia Spiritualia S. Ignatii. *Hec & plura Barol. in Vita S. Ign. lib. 1.*

Ex his, & similibus prædictorum Exercitiorum Encomijs & Fructibus, qui etiamnum non deficiunt; ampliorem meretur fidem, quod Religiosissimus & gravissimus Scriptor, Ludovicus de Ponte, in Vita P. Baltha-

saris

Thasaris Alvarez S. J. refert c. 43 Nimirum DE Iparam V. An: 1600. misso ad quandam eminentis virtutis personam in Hispania, Gabriele Angelo, cum Exercitia absolvere cogitaret; hæc ei significasse. *Exercitij, quæ facere cogitas per mentis ratiocinationes & meditationes (in eum fere modum, quo sunt in Societate) singulare obsequium Regine nostræ prestabis. Significat enim tibi: se fuisse, & esse, tanquam Patronam, & Fundatricem illorum Societatis Exercitiorum; seq; adiuvisse, & docuisse S. Ignatium, ut ita fierent. Deniq; magnorum virorum sensus est, compluribus experimentis comprobatus: Quem S. Ignatij Exercitia non corrigunt; nec ipse corrigit Infernum.*

XV. FEBRUARI,

DEUS, JESUS & MARIA amant Jejunium.

1. **A** Dora DEUM O. M. & considera eum, ut eximium amatorem Jejunij & jejunantium. Cum enim Jejunium vitij subtrahat pabulum, imò & incentivum, vigorem verò addat mentibus, & virtutibus, quarum fame quâdam tenetur DEUS; non potest non habere suavissimum gustum in jejunij nostris recte ordinatis. Unde Jejunium Tob: 12. tanquam condimentum quoddam orationis commendatur ab Angelo: *Bona est oratio cum jejunio.* Ninivitz jejunantes facile placaverunt iratum DEUM. Jon: 3. Moyses jejunio impetravit tabulas legis. Elias jejunio meruit mirabilis visionis solatia à DEO. 3. Reg. 19. At quam insipidum est jejunium asino nostro? Qui nisi subinde maceretur, quid novit impingvatus, quàm recalcitrare? Ne sinas, ô Domine, servum tuum fieri mancipium ventris sui. Ut se viat tibi fidelis anima mea; castigabo corpus & redigam in servitutem.

2. **A** Dora D. JESUM, & considera, quomodo prædicationem Evangelij aggredi noluit, nisi præmisso 40 dierum jejunio. Quæ quidem dispositione ipse non eguit, sed nobis necessariam imprimis esse docuit, tum ad expiandas noxas præteritas, atq; evitandas alias, quas plenus venter parere solet; tum ut aptiores simus ad adorandum DEUM in Spiritu & veritate, tum ut capaciores simus divinæ lucis, seu cœlestium illustrationum, quibus recipiendis caput fumans ab escis & poculis aptum non est; tum ut à DEO voci nostræ addatur gratia & virtus; ut placeat & moveat audientes; ne similes simus æri sonanti, & cymbalo tinnienti tantum. Da, Gratiostissime JESU, quod tam illustri exemplo docuisti. Tu nosti, quàm avidum copiosi, imò & delicatioris pabuli sit jumentum meum; sed tu, obsecro, da gratiam, ut sapiat illi solitus virtutis cibus,

Jejunium; & agnoscat, non in solo pane vivere hominem; & tenui oleo potius, quam animalium pingvedine ali lampadem luminum celestium.

3. **V**enerare DEI param V. & considera, quam addicta fuerit & ipsa Jejunio. Imprimis illam non momordit gula primorum parentum: ideoq; in corpore ejus integerrimo, innocentissimoq; non reperiebatur ulla immoderatio appetitus sensualis. Deinde precibus & jejnijs steriliū parentum concepta, magis virtutis & gratiæ, quam naturæ animalis partus fuit. Ad hæc à teneris annis oblata DEO, orationi, & contemplationi divinorum, diu noctuq; dedita, delicijs celestibus innutrita, fastidiebat potius quam appetebat terrestria. At nobis, quam importunus exactor venter est? Infunde, ô dulcis Mater gratiæ, inersata huic animæ, guttulam rosis divini, ut illo inescata minus inhiat pinguedini terræ.

Proposium de majore studio Abstinentiæ & Jejunij.

LECTIO PRACTICA

Al agenda & impetranda magna adhibendum Jejunium.

Magnum opus Prædicationis Evangelicæ auspicatoris Universalis Angelorum hominumq; Magister Christus: in arenam quoq; ad singulare certamen cum Satana descensurus Rex & Dux noster: non Orationem duntaxat Contemplationemq; sed rigidum quoq; dierum 40. Jejunium adhibuit. Non alia autem de causa jejunio illo se maceravit, ut notavit S. Ambrosius epist. ad Vercell. Eccles. nisi ut nobis exemplo esset ejus jejunium. Volens ergo Dominus JESUS nos adversus diaboli tentamenta fortiores reddere; certaturum jejunavit: ut sciremus; quia aliter illecebras malis non possumus vincere. Unde etiam dixit Matt: 17. Quoddam genus demoniorum non exire ex homine, nisi in oratione & jejunio. Vide, monet Aug: Serm. 65. de Temp: quanta sit Jejuniorum virtus: ut id facere jejunia valeant, quod Apostoli nequiverunt.

Merito Ambrosius, Certamen nostrum Jejunium est, ait lib. de Elia & Jejun: c. 1. quo Christus Dominum preliatus est, ut vinceret, & nobis formam debellandi prescriberet. Et lib. 6. Hexamer: scribit: Jejunii hominis spiritum si serpens gustaverit, moriuntur. Vides, quanta vis Jejunij sit: ut spiritu suo homo emersit serpentem & terrenum & spirituale. Eandem jejunij vim contra malignos spiritus commendat S. Athanasius lib. de Virginitate: Quisquis, ait, ab immundo spiritu vexatur, certum habere debet hoc pharmaco, jejunio inquam, statim spiritum malignos affictos abscidere, vim jejunij meruerit.

Grave jugum Philistinorum passi Irahata, cum. 1. Reg. 7. sub Samuele

invele animos resumpsissent ad illud executendum; jejunio imprimis se armaverunt. Congressi deinde cum hostibus tam insigni clade eos attriverunt; ut temporibus Samuelis non præsumpserint amplius confurgere contra Israel. Judas etiam Macchabæus cum gentibus pugnaturus 1. Mach. 3. 47. jejunio suos armavit ad prælium, cætera fere inermes; nam nec tegumen nec gladium habebant: & nihilominus selectam Gorgiæ exercitum felicissimè profligarunt. Hierosolyma à Sennacherib tempore Ezechix regis & Isaix per jejunium liberatur 4. Reg. 19. & centum octoginta quinq; millia cœlitus interfecti sunt in nocte una: inquit S. August. Serm. 25. ad Frat. in Eremo.

Ad Legem à DEO iterum accipiendam Moyfes per 40 dierum jejunium sese disposuit: & quod gula populi dilapidavit, jejunium recuperavit. Exod. 34. Elias jejunio cœlum clausit sacrilego populo Judæorum: jejunus filium viduæ ab inferis suscitavit: jejunus pluvias & ignes de cœlo excitavit: jejunus curru ad cœlum raptus est, & 40 dierum jejunio divinam acquisivit præsentiam. Tunc deniq; plus meruit, quando plus jejunavit: ait S. Ambros. lib. de Elia & Jejunio. Esther & Judith in dco Jejunio, DEUM conciliarunt, & populum suum ab interitu liberarunt. Similibus eventibus etiam posteriora asslaunt sæcula. Plerumq; rebus desperatis remedium opportunum attulerunt jejunia: & exhaustis corporibus, vigor accrevit animis.

Operarijs Evangelicis quantopere conducant, imò necessaria sint crebra & arcta jejunia, docent ab Apostolorum temporibus sæcula omnia. De Apostolis dixit Christus Matt. 9. *Cum auferetur ab eis Sponsus, ipse Christus per mortem; & tunc jejunabunt.* S. Paulus 2. Cor. 11. ait: se Evangelium prædicando vixisse *in fame & siti, in jejunijs multis.* Eorum vestigijs intiterunt constanter, quicunq; posterioribus sæculis Christi nomen & DEI gloriam promoverunt notabilis, docendo aut scribendo: ut omnino mirum sit, & prodigio proximum; eos in tanta victus parcitate, ac alijs insuper mortificationibus, tantos sustinere potuisse labores. Basilio, Gregorio Naz. Hieronymo, Francisco Borgia &c. vix ossa & pellem reliquerunt jejunia. Sed quanto magis ipsi macerabant corpora; tanto magis eorum mentes saginabant cœli deliciæ, laboresq; magis fecundabat DEUS. S. Franciscum 40 dierum jejunia Seraphinum fecerunt, & SS. stigmatibus vulnera Christi insigniverunt; S. Ignatio quantacœlitus lumina, & quanti Patriarchæ gloriam meruerunt continuata per annum in Manzanera specu rigidissima jejunia: S. Xaverij viliissimum tenuissimq; vi-

Etum, & hunc plerumq; sub noctem sumptum, sæpe bîduo trîduove, subinde integrâ hebdomade neglectum, quàm fructuosa prædicatione numeratus est DEUS! Maximis Doctoribus, D. Thomæ Aquin: Bonaventuræ, Francisco Suarez &c. Solemnissimum fuit, occurrentibus in re literaria insuperabilibus difficultatibus, ad orationem ardentem addere jejunium severius: & Pater luminum damna corporis liberalius compensabat illustrationibus mentis.

Deniq; fidenter asserit S. Cyprianus lib. de Jejunio: *Quosquos viros virtutum videmus; sine jejunio non legimus ascendisse (ad aliquod fastigium virtutis) Nec aliquod magnum moliti sunt: nisi prius Abstinentia præcessisset.* Memorabilis sententia; ad quam animum advertere oporteret non solum mitigati Evangelij sectatores, qui omnia pleno ventre conficere, & in adytâ divinorum mysteriorum irumpere volunt: sed etiam quosdam & Spiritualibus nostris, quos à rigore jejuniij facili absterret labor aliquis mentis, aut oris, aut Valetudinis minus robustæ. *Dij gentium omnia laboribus vendebant: DEUS noster Oratione & Jejunio.* Notandum quoq; quod suggerit S. B. filius Serm. de abdicat: rerum: *Si gulam inquit, in officio continueris; paradisum habitabis: sin minus; hoc tibi persuade: pabulum te moris futurum.*

XVI. FEBRUARI.

DEUS non solo pane, sed etiam verbo suo nos sustentat: CHRISTUS cum Mure sua famem suamq; tolerant.

I. **A** DORA DEUM O. M. & considera eum, ut locupletissimum patrem familias, qui familiam suam non solo pane; seu rebus ad nutritionem corporis pertinentibus sustentare potest, sed etiam omni verbo suo, sive scripto, sive inspirato, testante Christo: Matt. 4. & allegante textum Deuter. c. 8. v. 3. *Non in solo pane vivit homo, sed in omni verbo, quod procedit de ore DEI.* Alit autem nos verbo suo. 1. Pascendo animam, tum meditatione divinarum scripturarum, tum internis cœlestibus solatijs, & delicijs quas non capit animalis homo. 2. Alendo nos amplissimis & certissimis promissis paternæ suæ Providentiæ. *Nolite solliciti esse, quid manducetis &c. Scit enim Pater vester, quia his omnibus indigetis* Matt. 6. Alit nos. 3. VERBO suo æterno, quod nobis factum est caro, & cibus, potusq;. Sollicitissime de familia tua DEUS, quidni oculi, omnium spectent in Te, qui non solum liberali manu largoq; pane, sed ipsis etiam verbis tuis pascere & saginare nos potes? Parce diffidentia meæ. In te

dein-

deinceps sperabo fiducia majore.

2. **A**dora D. JESUM & considera eum, ad expiandam gulam nostram, post 40 dierum jejunium divinâ virtute toleratum, famere cœpisse; per quem nec ales esurit, sed omne animal impletur benedictione. Passus autem est famem, sicut & sitim, non eâ solum vice, sed aliis sæpius, etiam tempore prædicationis. Ut cùm Matt. 21. *mane revertens in civitatem* (Hierosolymam) *esurijt*, & ficulneæ sterili maledixit. Et cùm Joan. 4. *fatigatus ex itinere sedebat sic supra fontem solâq;* voluntate Patris levabat, an solabatur, famem, sitim verò petito à Samaritana pauxillo aquæ. Et quando Matt. 12. discipuli esurientes vellicabant spicas, credibile est, Magistrum dissimulasse potius quam non sensisse famem. Nos non tam famēs, quàm gula vexat: & cùm ventrem opplevimus, adhuc oculi esuriunt. Da, patientissime JESU, ut tecum, & cum Apostolo tuo sciam *& abundare, & penuriam pati, & satiari & esurire*.

3. **V**enerare DEI param V. & considera, ipsam quoq; non raro inopiam, famemq; passam esse, præsertim in itineribus longioribus, & rigidis jejnijs voluntariè assumptis. Non enim corpus licet innocentissimum, delicatè aut indulgenter habebat, maximè postquam Filium in corpore tuo tanta passum vidit. Nobis prima corporis fovendi, postrema animæ cura est: illud saginamus, istam inediâ interire sinimus: quasi nesciremus, nos angvem, aut hostem alere capitalissimum. Pergimus blandiri Dalilæ, carni nostræ, quæ non semel Philisthæis Tartareis nos tradidit. Averte, ô Domina, à me insanum hunc deterioris partis amorem. Arma me potius sancto in illam odio, & tuâ fili; tui fame expia gulæ meæ peccata.

Proposium de tolerandis defectibus in victu.

LECTIO PRACTICA.

Quàm indecens sit Christianos servire Gulæ.

SI nimium nos perstringunt exempla CHRISTI, Anachoretarum, aliorumq; e familia & schola Christi, qui spiritu magis, quàm cibo potuq; materiali vivebant: advertamus animum ad gentiliū exempla, qui egregia animi magnitudine servire gulæ dedignabantur. Pompejo ægrotanti Medicus turdos præscripserat in cibum, eâ anni tempestate, quâ comparari non poterant: Suggestente verò quodam; apud Lucillum, hujusmodi raritatibus assuetum, inveniri posse: Itane, inquiebat Pompejus, nisi delicijs deditus esset Lucillus, nequaquam viveret Pompejus? Contemptoq; medico, cibus parabilibus usus est.

Agefilaus, cū per Thasiū agros, quæ gens ut rerum copii abundabat, ita voluptati erat adiecta, exercitum duceret; Thasiū honoris gratia dono liberali miserunt farinas, anseres, bellaria, liba ex melle condita, varijq; generis ac pretij elculenta & poculenta. At ille præter farinas nihil admisit, sed reliqua domum referri iussit, tanquam sibi quisq; prorsus inutilia. Cæterum cū illum precibus urgerent, ut oblata xenia non repudiaret: iussit ea distribui inter Helotes (id erat apud Lacedæmonios mancipiorum genus) ejusq; facti causam sollicitantibus reposuit: Non decere, qui virtutis fortitudinisq; studio tenerentur, istiusmodi delicias cupediasq; recipere: sapienter ostendens; nihil esse magis servile & abjectum, quam gulæ servire. *Lehner in Biblioth. v. Astringentia. § 6.*

Quid ad hæc Christiani? Quid Spirituales? Quid Religiosi? Num delicatiori militiæ adscripti sumus? An magis indulgentem, sive sibi, sive nobis, habemus Imperatorem? Quod infirmus non appetit, imò respuit Magnus Pompejus: sine eo vivere non poterit sanus Christianus? Quod Agefilao servile erat; Christianis honori erit? CHRISTUS, Dux & Rex noster, nostrâ causâ fame tabe cebat non raro, sibi torrebatur, obvijs, & piorum liberalitate oblati, visitabat: inter Christianos reperientur, quorum *DEUS venter est, & gloria in confusione ipsorum*: quales notavit Apostolus Philip: 3. quorum præcipua occupatio est, ingerere, digerere, egerere: ut dixit S. Bernardus?

Non hæc ed tendunt: quasi omnes, cujuscunq; conditionis homines, eodem, idq; plebejo, victu vivere deberent: sed ne vivamus mancipia ventris nostri, & ad regnandum nati, serviamus gulæ. Tunc autem servimus gulæ & ventri: quando non Ratio recta, sed Appetitus lenialis nobis imperat, quali & quanto cibo potuq; uti debemus; nos autem nulli parcimus diligentia, sumptui, & tempori; ut ei morem geramus. Quanta hinc oriuntur incommoda rei familiari, valetudini corporis, laniati mentis, negotiorum graviorum expeditioni, officiorum propriorum administrationi, divini cultus exhibitioni, salutis deniq; animarum æternæ: nemo non videt. Et tamen his omnibus postpositis, satisfaciendum est gulæ, obeditur ventri. Nonne hæc dura & dira, simulq; ignobilissima servi us? Ignobilissima: quia non humana, sed brutalis: imò brutali deterior. Bruta enim pleraq; appetitui suo solum eatenus obsequuntur, quatenus ad naturæ necessitati satisfaciendum ducit: ultra nec pabuli, nec potus aliquid, etiam obtruum, admittunt, vel appetunt. Apud homines, nisi mature se opponant, in tantum invalens dominatus lenialis appetitus: ut nihil naturæ aut rationi liceat,

liceat: sed illius nutu omnia agantur. Extingvatur ratio, succumbat natura, cedat DEUS; quidquid de vita temporali & æterna futurum sit: satisfiat gula.

Job 39. laudatur Onager; quod *clamorem Exactoris non audit*. Per hunc Exactorem intelligit S. Gregorius lib. 30. Mori c. 12. Ventrem animalis, qui tanquam avarus & importunus exactor, *quodiduum fructum humani laboris sibi impendi* exigit jure quodam naturæ. Verum natura paucis contenta non multum ei juris concessit: plurimum sibi iniquissimè usurpat stimulante gula. Quod hunc igitur exactorem non audiat, laudat DEUS ipse loco citi. Onagrui, animal habitans in terra *salsuginis*, seu deserto, patiens famis, & obvijs vilissimis herbis contentum, simile Scytharum Europæ, erum equis, quos Bachmaros vocant. Quanto minus decet homines liberos, in sortem filiorum DEI vocatos, Exactoris illius audire vocem? Quo plus ei tribuitur, plus exigit; planè dolium pertusum, & vorago inexplebilis, venter gulosus. Si quid extorquere, vel emungere non potest, etiam furtim subducere, non veretur. Primum agit naturæ exactorem, ut consulatur communi membrorum necessitati: mox fasces assumit, & membra cætera tributaria facit suæ voluptati, & libidini.

Tam iniquo exactori, duroq; dictatori, resistendum strenuè Christiana libertate cum Apostolo 1. Cor. 6. *Omnia, inquit, mihi licent: possum his & illis cibis potatibus uti: sed ego sub nullius redigar potestate*. Uni Christo, non ventri aut gulæ, serviam. *Escæ ventri, & venter escæ: DEUS autem & hunc & has destruet*. Anima æterna primas & supremas meretur curas.

XVII. FEBRUARIJ.

DEUS varijs tentationibus subiecit homines: Etiam CHRISTUS tentatus: non DElpara V.

I. A Dora DEUM O. M. & considera; eum altissimo judicio suo varijs tentationibus obnoxium fecisse hominem. Tentat nos imprimis per se ipsum, non inducendo in peccatum (sic enim *neminem tentat*. Jacob. 1.) sed occasionem meriti præbendo; prout tentavit Abrahamum jussu immolare Filium. Tentamur à malignis spiritibus, dolo, arte, usu diuturno valentibus, & quâ parte debiliores sumus, non ignorantibus. Tentamur ab hominibus, plerumq; improbis, subinde etiam probis. Tentamur maximè & assiduè à proprijs pravis concupiscentijs nostris. *Unusquisq; tentatur à concupiscentia sua abstractus, & illectus*. Jacob. 1. Quis è tot salvus evadat tentationibus, nisi tuâ illustratus & munitus gratiâ, Magne DEUS?

Proba

Proba me Domine, & tenta me, ut placet; sed fac cum tentatione proventum.

2 **A**dora D. JESUM & considera: admirandam ejus dignationem; quâ passus est tentari à Diabolo, & ad peccata jam gula, jam præsumptionis, jam avaritiæ sollicitari. Permittit se tentatori humillimus JESUS, iteratos ejus assultus impudentissimos mirâ mansuetudine sustinet: non expedit iterum rudentes Inferni, ad retrahendam in Tartara importunam belluam, non vibrat fulmina, facessere solum jubet: *Vade Satana*: nec alijs quàm divinarum scripturarum armis profligatum coniecit in fugâ. Ostendit Magister Sapientissimus, ex quo armamentario & nobis petenda sunt arma in simili casu. Si dæmon urgeat impurus; recole illud Rom. 8. *Si secundum carnem vixeris, morieris*. Si gulosus; apprehende illud 1. Cor. 6. *Escā veniri, & venter escæ*: DEUS autem & hunc, & has destruet. Si elatus & fastu turgidus; produc illud Matt. 20. *Erunt novissimi, primi, & primi novissimi*. Et sic de cæteris. Gratias tibi Infinitas, Sapientissime JESU, quod tam copiose instructum mihi aperueris armamentarium, in quo omnis armatura fortium. Suggere mihi, obsecro, in tempore, quidquid judicaveris opportunissimum, ut nihil proficiat inimicus in me.

3 **V**enerare DEIpam V. & considera; quod quamvis se ipsam Christus exposuerit tentatori, eum quodammodo provocando ad singulare certamen, ut ostenderet, quàm facile, & quomodo vinci possit etiam à nobis: Matrem tamen suam tantâ munierit providentiâ, ut non tantum nihil profecerit inimicus in ea, sed etiam non apposuerit Filius iniquitatis nocere ipsi. Ipsa est *Urbis illa feritundinis nostræ*, de qua prædixit Propheta; *Salvator ponetur in ea, murus & antrumale*. Isaia 26. Ipsa loquitur Cant. 8. *Facta sum coram eo, quasi pacem reprensens*. Et quomodo eam laceggeret draco antiquus, quæ in ipsa immaculatissima Conceptione sua caput ejus contrivit? Gratulor tibi, ô Augustissima, singularem hanc ab omni tentatoris assultu immunitatem, & supplex oro: Adesto servulis tuis, quorum tota vita est militia & tentatio super terram.

Proposui invigilandi diligenier tentationibus.

LECTIO PRACTICA.

Quand omnibus, & semper, opus sit Vigilantiâ.

Frequenter, & sollicitè, nos excitat Dux, & Magister noster Christus: *ut Vigilemus*; tum quia nescimus diem, neq; horam, qua ad excipandas à nobis actæ vitæ rationes venturus est: tum quia varijs & periculosis expostiti sumus tentationibus. *Vigilate, & orate: ut non intretis in temptationem*; monuit Apostolos suos, & nos in ipsis Matt. 26. *Vigilate semper*; quia

quia tentator nunquam dormit, nec animum nocendi deponit. *Vigilate ubiq;* quia tempus omne, & locus omnis opportuna sunt tentationibus. *Vigilate omnes:* quia nulla hominum ætas vel conditio immunis est à tentatione. *Vigilate attentè:* quia non tam aperto Marte, quam fraudibus & insidijs hostilitas exercetur. *Vigilate deniq;* sollicitè: quia non solum ab hostibus, sed etiam ab amicis, & amicissimis, imminet tentationes, & probis & improbis.

Improbis minùs infesti solent esse dæmones tentatores: quia à concupiscentijs suis, & contractis pravis habitibus jam satis illaqueati & constricti, non videntur evasuri fauces ipsorum; sed potius magis magisq; proprio motu ituri in profundum vitiorum & damnationis. *Eos pñsare negligit, diabolus: quos quicquid jure possidere se sentit:* inquit S. Gregorius lib. 24. Mor. c. 12. Venator est: qui insidias non tendit jumentis, alijsq; domesticis animalibus, sed feris liberis, cervis, damulis &c. id est, probis, qui manus & cales ipsius fugiunt. Unde etiam non raro contingit: ut probi in morte gravissimè infestentur: improbi autem sæpe placidissimè decedant. Securi enim sunt illi Orci satellites de ea præda; facileq; momentaneam concedunt quietem, carnificinam æternam jam jam subituris.

Ubi tamen advertunt, ut sagacissimi sunt, aliquem de pœnitentia cogitare: vel per feriam pœnitentiam è cassibus suis jam evasisse: tum deniq; omnibus fraudum artificiojs, viribusq; contendunt; ut amissam prædam recuperent, vel ne captam amittant. Nec contenti multiplicatione fraudum & machinarum, numerosa sociorum cogunt agmina, & quanta possunt potentiâ, bellum movent, præsertim in morte. Ad extrema vitæ devenerat Eques quidem Germanus, Cuno dictus, homo prædives, & vitæ licentiâ famosus: sed qui jam à triennio in Religione piè vixerat; ut ætam vitam expiaret. Ad hunc tentandum, & in suas ungves reducendum, convenerunt facile quindecim millia dæmonum: prout factus est dæmon, qui ab energumena per aliquod tempus abfuerat, ut illi prælio interesset. Non tamen ex voto ipsis cecidit alca, salvato Cunone. Proh! quanto discrimini se committunt, qui negotium salutis suæ ad illum articulum remittunt! *Lohn. in Bibl. V. Mors.*

Cæterum si dæmones nobis tentandis deessent: non deerunt homines; idq; non mali solum, sed etiam boni; qui dum bono fine, rectaq; mente sibi agere videntur: egregiam suppeditant patientiæ materiam, aut labendi occasionem, nisi attendamus. Si homines deessent; non deerunt propriæ passionis nostræ tam concupiscibiles, quam irascibiles, quas levi
 LI
 motu

motu vel tentatores dæmones, vel fortuito occurrentia objecta concitant. Ipsa quoq; innata voluntati nostræ levitate fit: ut, dum jam his, jam illis objectis animum sensumq; incauta applicat, tentationes sibi accersat non leves. Deniq; si cætera deessent, non deerit DEUS ipse; qui hac illave data occasione vult experiri: quam probo firmoq; erga ipsum, & virtutem simus animo, ut causam habeat præmiorum. Sic optimo seni Tob. 12. dictum: *Quia acceptus eras DEO: necesse fuit, ut tentatio probaret te.*

Unde Dominus apud Kemp. lib. 3. c. 35. Fili, inquit, *nunquam securus es in hac vita: sed quo ad vixeris, semper arma spiritalia tibi sunt necessaria. Inter hostes versaris: & à dextris, & à sinistris impugnaris. Si ergo non undiq; meris scuto patientiæ, non eris diu sine vulnere. Insuper, si non ponis cor tuum fixè in me, cum mera voluntate cuncta patiendi propter me: non poteris ardorem istum sustinere, nec ad palmam peringere Beatorum.* Advertendum autem: quod quamvis Patientia multum possit in hoc negotio: Vigilantia tamen imprimis sit necessaria. Nam tentationes prævidisse, vel deprehendisse; est eas evasisse, vel magna ex parte infregisse. Deinde vigilandum est 1. Ut non intremus in tentationem. 2. Ut in ea existentes non succumbamus. 3. Ut Victores exeamus. Non somnolento hic oculo opus est, sed erecta mente, & in omnem partem intenta. Nam & deprehendere oportet: An tentatio sit à DEO, vel à spiritu malo? Et media debent esse perspecta, vel diligenter inquiri: quibus feliciter emergamus. Demùm superata tentatione, videndum: ne vel animo intumescamus per superbiam, vel nimis securi reddamur per socordiam.

Observandum deniq; diligenter monitum Thomæ Kemp. l. 1. cap. 13. *Vigilandum est præcipuè circa initium tentationis: quia tunc facilius hosti vincitur, quando ostium mentis nullatenus sinitur intrare.*

XVIII. FEBRUARI.

DEUS victores in tentationibus honorat: CHRISTO ministrant Angeli:

DEI para V. vincit & triumphat in Clientibus suis.

Adora DEUM O. M. & considera; quam largè reficit, & honore coronat eos, qui in tentatione fortiter se gesserunt. Patet in Patriarcha Abrahamo, Josepho, Job, Davide, & innumeris alijs. In Apocalypsi cap: 2do, & 3. quam ampla & gloriosa proponuntur præmia & e-pulæ vincentibus? Vincenti dabo edere de ligno vitæ, quod est in paradiso DEI mei. Qui vicerit non lædetur à morte secunda. Vincenti dabo manna absconditum, & dabo illi calculum candidum; & in calculo nomen novum

novum scriptum, quod nemo scit, nisi qui accipit. Qui vicerit, & custodierit usq; in finem opera mea: dabo illi potestatem super gentes, & reget eas in virga ferrea. Qui vicerit, sic vestietur vestimentis albis, & non delebo nomen ejus de libro vitæ; & conitebor nomen ejus coram Patre meo, & coram Angelis ejus. Qui vicerit, faciam eum Columnam, in templo DEI mei. Qui vicerit, dabo ei sedere mecum in throno meo. Optime, Maxime DEUS, quàm blandè invitas, quàm gloriôsè coronas fortiter certantes! Præcinge me Domine virtute, doce manus meas ad prælium. Tibi vincam.

2. **A**dora D. JESUM, & considera, quàm libenter & reverenter, jussu Patris cœlestis, ei ministrârunt Angeli post triplicem victoriam de tentatore Lucifero relati? Quos obtulerint cibos, de optimis fructibus terræ, quo affectu? Credibile est, S. Michaëlem agmen auxisse, & omnium nomine gratulatum esse iteratam victoriam de perduelli; obtulisse adversus tenebrarum potestates, omnem operam suam, cum summa submissione tanquam Domino & DEO suo, repetitâ solemni illâ acclamatione sua; *Quis ut DEUS?* Exulto, & ego victoria tuâ, gloriosissime JESU, gratulor profligatum hostem, adoro victorem, & humillimè supplico: ut in anima mea undiq; oppugnata renoves victoriam tuam. Pugnabo tecum, Tu vinces.

3. **V**enerare DEI param V. & considera ipsam, quotidianis Clientum suorum victorijs de hostibus stygijs, gloriosam. Fervent etiamnum inter ipsam & serpentem antiquum, ac inter semen utriusq;, positæ inimicitiz. Genes. 3. Intentus est iste omni tempore ad nocendum; magis intenta illa ad protegendum sibi addictos. Nec protegit solum, verum offensivè pugnat in hostem, incitando, ut & fortiter resistent & ex ipsis tentationibus occasionè sumant eliciendi insignes virtutû actus, humilitatis, patientiæ, mortificationis, aliosq; tentationibus planè oppositos. Quod est, totidè lethales plagas hosti stygio inferre. Excita, & arma, etiam me, ô Potentissima Regina ad hoc genus pugnæ. Quascunq; ab hoste profligato feram palmas; sacris tuæ Majestatis plantis subternam devotus.

Proposium v. g. resistendi strenuè tentationibus pravi.

LECTIO PRACTICA.

Incitamenta quedam ad resistendum strenuè tentationibus.

Primùm est, quod exhibet Meditatio præcedens. quia nimirum DEUS victores insigniter honorat, solatijs cœlestibus reficit, nunc varijs gratijs locupletat, in futuro æternâ gloriâ coronabit. Grande sanè mo-

mentum ad pugnandum fortiter, etiam usq; ad sanguinem, & vitæ profusionem. De strenuo quodam milite in oppugnatione cujusdam munitionis occumbente, egregie dixit Stephanus Bathoreus Rex Poloniæ: *Hic nobilis moritur in lecto honoris.* Quanto magis, & in gloriosiore lecto honoris moritur, qui gloriosissimis Martyribus suppar, moritur in acie, pugnans contra hostes Regis sui DEI?

Alicrum est insignis voluptas, quam strenuè certantes adferimus Christo Domino nostro, & Matri ejus. Habent reges & belli duces singularem suam delectationem, dum vident milites suos singulari certamine fortiter pugnantes cum antagonistis suis. Unde 2. Reg. 2. cruenta inter 24 robustos pugna *Lusus* appellatur. *Surgam*, inquit Abner ad Joab, *pueri, & ludam coram nobis.* *Apprehensq; nunquq; capite compari sui, defixit gladium in latus contrarij; & ceciderunt simul.* Vocatumq; est nomen loci illius, *Ager robustorum.* Majore cum voluptate spectant, DEUS Dominus noster, & Gratosissimi Principes nostri, JESUS & MARIA, strenuè certantes cum spiritibus malignis, qui & naturâ, & ingenio, & peritiâ multâ, longè nobis validiores sunt. Videt JESUS militem suum, MARIA Clientulum suum, ut parvulum Davidem cum immani Goliath, non minùs prudenter quàm animosè conredientem; & contra monstrum illud, ingenti gladio, hastâ & loricâ munitum, prævalentem in funda & lapide, atq; proprio gladio provocatorem præsumptuosum jugulantem: & quomodo non exultent, non triumphant?

De S. Antonio scribitur: quod quodam tempore à dæmonibus graviter delumbatus, flagellatus, & conculcatus; cùm oculos sustulisset, viderit cellæ tectum dividi, & splendissimum cœlitus illabi radium: quo illico omnis dæmonum turba dissipata est, & vulnere dolor abstersus. Dominus quoq; spectabilem se exhibuit: ad quem cùm Antonius, ductis è fundo cordis gemitibus, dixisset; Ubi eras bone JESU, ubi eras dum tam malè me diaboli haberent? Cur initio pugnæ non adfuisi, ut infestos cœceres? respondit Dominus: Hic à principio fui: sed aspexi, quomodo te in pugna habebas, & quàm strenuè pugnâsti. Semper tibi auxilio ero; & te per totum terrarum orbem celebrari faciam. Tam grata & jucunda JESU & MARIE cùm sit strenua pugna nostra in tentationibus: id solum nobis sufficere deberet ad fortiter certandum; quemadmodum generosis militibus satis est, *Placuisse Duci*, etsi pereundum sit.

Tertium est: quod DEUS & Dominus noster JESUS non sit ociosus solum spectator pugnæ nostræ, & qui tantùm plautum det, ac præmium:

sed ipse est principalis ac præsentissimus Patronus pugnae, & Adjutor fortis: imò ipse est primario, qui pugnat, & vincit in nobis; docet manus nostras ad prælium, & digitos nostros ad bellum. *Oculi Domini contemplantur universam terram, & præbent fortitudinem.* 2. Paral. 16. *Providebam Dominum in conspectu meo semper: quoniam à dextris est mihi, ne commovear:* inquit David Psal. 15. Et Jeremias c. 20. *Dominus autem mecum est, quasi bellator fortis: idcirco qui persequuntur me, cadent & infirmi erunt: confundentur vehementer.* Dum enim in discrimine tentationis versamur: non solum agitur nobis de anima nostra; verum & illi agitur de creatura sua ad imaginem suam producta, in filiam recepta, tantoq; divini sanguinis impendio redempta: insuper agitur ei de honore & gloria sua, cujus zelosissimus est assertor & vindex. Proinde libentissimè nobis assistit, & necessarium consiliumq; præbet contra communem hostem diabolum. Unde magnos alimere nos decet animos, & totis viribus consurgere in prælium, constanterq; urgere victoriam, inconcussam reponentes spem in Domino & auxilio ipsius, exemplo Israelitarum, qui invocato DEO per orationem, fortissimum Nicanoris exercitum prostraverunt, *presens DEI magnificè delectari.* 2. Machab. 15.

Quarò deniq; dum urgemur tentatione, alliciente vel impellente nos ad peccatum, undeunq; ea proveniat: res nobis est de Anima, & salute ejus æterna, vel damnatione. Quanto fervore, imò furore, ardent homines in prælia, quàm pertinaciter ducunt bella, dum agitur de puncto honoris vel terræ? Et ignavi complicabimus manus, dum agitur de statu animæ æternè felici, vel infelicissimo? Si in hac occasione & tentatione succubueris, fortè resurges nunquam: fortè hoc est ultimum peccatum tuum lethale: post quod si non illico præcidetur filum vitæ, sequetur extrema mentis excæcatio, cordis obduratio, & finalis impœnitentia: prout contigit plurimis. Accingamur ergo tanquam filij Potentis. *In DEO faciemus virtutem; & ipse ad nihilum deducet tribulantes nos.* Psal. 59.

XIX. FEBRUARI.

DEUS per Filij predicationem mundum erudit: CHRISTI labores in prædicando: DEI para V. laborum consors.

I. **A**dora DEUM O. M. & considera continuam & indefessam ejus curam in hominibus erudiendis. Imprimis impressit illis indelebile lumen rectæ rationis, conformatum primæ & summæ Regulæ omnis honesti, id est, altissimo judicio divinæ mentis suæ, infallibiliter monstran-

ii, quid nobis fugiendum, quid prosequendum sit. Addidit varios externos in omni ætate mundi magistros veræ probitatis, & religionis, præsertim Patriarchas, Prophetas, aliosq; divinarum legum peritos. Sed cum hi parum proficerent apud populum carnalem, duræq; cervicis; misit tandem ipsum Filium suum, ipsam æternam, omnisciam & Sanctissimam Sapientiam suam, apparuitq; in humana carne gratia DEI Salvatoris nostri omnibus hominibus, erudiens nos, ut abnegantes impietatem, & secularia desideria, sobriè & justè & piè vivamus in hoc sæculo, expectantes beatam spem, & adventum gloriæ Magni DEI, & Salvatoris nostri JESU CHRISTI. Tit. 2. Commendavit eundem & doctrinam ejus nobis Pater æternus tam prodigiorum magnitudine & multitudine, tum voce de lapsa ad eum hujusmodi à magnifica gloria (in monte Thabor) *Hic est Filius meus dilectus, in quo mihi complacui: ipsum audite.* 2. Pet. 1. Gratias tibi immortales, Gratiosissime DEUS, pro Magistro tali, tantq;. O fiam totus aures, totus mens, ad excipiendam, & exequendam cœlestem ejus doctrinam!

2. **A** Dora D. JESUM, & considera eum, plenum Spiritu S. & zelo divinæ gloriæ, ex deserto egressum percurstantem irrequieto studio, vicos, villas, oppida, castella, Civitates & urbes Galilææ, Samariæ & totius Judææ; totisq; viribus prædicantem: Appropinquante regnum cœlorum, adesse dies Salutis, tempus veniæ & gratiæ. Tenuit is labor totum triennium, & aliquantò amplius. Dies solidus dabatur prædicationi; nox, quietis tempus, orationi. Laboris assiduitatem non leviter aggravabat auditorum tum crassissima ruditas, tum obstinatissima perversitas Principum, populi & Pontificum summa invidia, incorrigibilis malitia, & in caput Divini Doctoris sui conjuratio sacrilega. Agebat tamen sibi commissa JESUS; potens in opere & sermone. Clamabat ore: *Qui habet aures audiendi, audiat.* Matt. 11. & 18. Clamabat exemplo, clamabat vulneribus & sanguine, donec in cathedra crucis (prohi! quam dedecentem Magistrum) *clamans voce magnâ, terram movente & petras confringente, exspiravit.* Apud nos quid operata est, aut operatur divina ejusdem Magistri prædication? Numquid & nostra indocilitas fremitum movet illi, ut olim Judæorum? Joan. 11. Parce, Benignissime Magister ignaviæ & vecordiæ meæ. Loquere jam, quia audit servus tuus, sed da gratiam, ut sermo tuus operetur in me omnem voluntatem tuam.

3. **V**ENERARE DEI param V. & considera; ipsam fuisse individuum laborum Christi consortem. Impendit, quidquid poterat, in prædicationem ejus & prosperos prædicationis successus, seu fructus copiosissi-

mos. 1. Suppeditando Christo, quantum inopia domestica patiebatur, vitui necessaria, labore manuum suarum comparata. 2. Orando assidue, ut audientium corda efficacibus gratijs moveret DEUS. 3. privatis colloquijs inculcando ijs, cum quibus agere contingebat, veritates à Christo prædicatas. Adlabora obsecro, o Mater zelosissima, etiam in hac rudi, & cervicosa anima instruenda. Non tam eget propositione, quam praxi æternorum Principiorum. Prævalent in illa carnis, & mundi principia, quorum finis est interitus æternus. Fac me æternæ Sapientiæ discipulum docilem, Prædicatorem zelosum.

Proposuit imitandi Christum in docendo, vel alijs modis juvando; proximum.

LECTIO PRACTICA.

Nullæ difficultates abstergere nos debent à promovenda gloria

DEI, & salutis proximi.

Cum Luc. 9. Dominus quendam vocasset: *Sequere me*; ille autem responderet: *Domine, permittite mihi primum ire, & sepelire patrem meum*; respondit illi Dominus: *Sine, ut mortui sepeliant mortuos suos; tu autem vade, & annuncia regnum DEI.* Brevis, sed mirè emphatica sententia. Si extremum hoc pietatis officium, quod ipsa natura filiis imposuit, vocatis ad munia Apostolatûs non debet impedimento esse vel remoræ, quin suæ respondeant vocationi: quanto minùs aliæ occupationes, præsertim circa temporalia, aut occurrentes difficultates, excusare nos possunt aut morari. Faciant alij, quod volunt, aut debent: *tu autem vade, & annuncia regnum DEI.* Obstant, sive à natura, sive ab hominibus, sive à feris, sive ab ipso inferno objectæ difficultates: *tu autem vade, & annuncia regnum DEI,* promove DEI gloriam & animarum salutem.

Æquitas hujus rei tam manifesta est: ut rationibus suaderi, vel declarari non debeat. Ad incitandos solum nos, & urgendos, videamus: quàm sire, nui hoc in negotio fuerint gemini Apostoli, Paulus & Franciscus Xavierius. PAULUS cum Rom: 8. varia, eaq; horribilia, sibi objecisset, quæ viderentur, ipsum separare posse à Charitate Christi, non illâ solum, qua justificamur; sed etiam, qua per heroica virtutum opera mutuam illi testamur amorem: ac insuper retulisset; se esse ex eorum numero, de quibus in Scriptura, Psal. 43. dicitur: *Quia propter te mortificamur tota die: estimati sumus sicut oves occisionis*; subjunxit intrepidè: *Sed in his omnibus superavimus, propter eum, qui dilexit nos.* Et sanè gloriosè superavit, prout aureo ore declarat Chrysostomus hom: 25. in ep. 2. ad Cor. Nam quò magis, inquit, Satan pericula multiplicabat, hoc magis vincebatur. Non enim

unum gēnus tentationum adornabat, sed multa & varia. Nam alia laborem, alia timorem, alia tristitiam, alia dolorem, alia curam, alia confusio- nem, alia omnia simul habebant: attamen in omnibus vincebat; & quasi miles unus habens totum orbem militantem contra se, in medijs hostium versetur agminibus, nihilq; grave patiatur; ita & Paulus. Solus inter barbaros, inter gentes, ubiq; terrarum, ubiq; marium apparebat, & invi- ctus manebat. Et quasi flamma, in calamos & fœnum incidens, in suam naturam, quæ uruntur, transfert: sic & iste omnes invadens, omnia ad veritatem transferebat. Sicut torrens, qui omnia corripit, & impedimen- ta revellit: & sicut Athleta quidam, ipse luctans, currens & pugilem agens; vel miles muros oppugnans, in campo prælians, & in navibus belligerans: ita omne genus pugnae tractabat, & ignem inspirabat; uno corpore orbem comprehendens. *Hæc & plura Chrysostomus.*

XAVERIUS quam liberaliter spiritus Paulinos participarit, declarat difficillima in Indias expeditio ad unum Ignatii nutum non tam suscepta, quam arrepta, tantoq; animo promota; ut homine major videretur, nec frustra aliquando gigantæa proceritate apparuerit. Nihil tam remotum, arduum, ferum & immane objicere poterat barbara terra, & Oceanus immensus: quod animum Xaverij formidine vel levi perstringeret, ne dicam, everteret. Quin potius attollebatur arduis, augebatur periculis, triumphabat inter mortes. Ne insulam Maurum adiret, omni infelicitate damnatam, à feris crudelissimis, & crudelioribus hominibus antropopha- gis habitatam, ubi Lusitanorum nemo adhuc comparere sit ausus; agmine facto, & omni argumentorum efficacissimorum apparatu prohibebant tum Indi recenter conversi, tum Lusitani, quorum Præfectus etiam annonam & navigium ad transmittendum negabat. At Xaverio omnia frustra fue- runt: & navigium extorsit, & in Insulam penetravit, & multa barbaro- rum millia, quamvis inter continua capitis discrimina, Christo addixit. Japoniam ultra Indias semovit natura, ad id temporis Evangelio oclusam: at Xaverio non satis erat remota, nec satis terribilis Bonziorum potentia & odijs. In hujus Metropolim Meacum ut penetraret, iter arripuit peri- culosissimum sævissima hyeme, nudis pedibus, corpore male tecto, suppel- lectilis sacrae sarcinæ onustus, viâ tam lubricâ, ut pedester viator plures numeret lapsus, quam passus. Ibat tamen Xaverius, sœoq; illo, DEO pleno, se animo sustentabat, licet per spinas & acuta saxorum, per fluvio- rum vada, & glacialium montium juga eundum esset tumidis frigore, & vulnere non uno cruentis pedibus, vestium segmentis inter sentes relictis.

Big

Bis à prædonibus sagittâ ictus, toto bimestri cum itinere difficillimo & periculossimo confectus est, & heroicâ constantiâ vix tandem eluctatus. Sed non ibi metas invenit ingens ille animus: angustæ erant ipsi, & Evangelij, Gloriæq; divinæ propagationi sexaginta octo Japoniæ regna seu Provinciæ. Vastissimum ergo Sinarum imperium, quamvis pœnâ capitis vel perpetui carceris, omnibus advenis obferatum, vastiore mente complexus, non prius quævit; quam in ipsius limine infestam & infractam animam in cælum evocaret DEUS.

XX. FEBRUARI.

DEUS ministros suos incommodis exercet: CHRISTI prædicantibus, &

DEspare V. incommoda.

1. **A**DORA DEUM O. M. & considera, quomodo ministros verbi sui licet sibi ut pupilla oculi dilectos, non habeat indulgentes: & animalia trahentia currum gloriæ suæ non pascant continuò merâ avenâ, & largo fonte, sed non raro pane arcto, & aquâ brevi. Isaïæ 30. Eliæ zelotissimo 3. Reg: 17. præcepit: *de torrente bibes*, non de limido fonte: & a vidua Sarephthana non lautum epulum, sed *subcinericiam panem parvulum* famelico præberi voluit. Vas electionis Apostolus, quantis exercitus fuit incommodis & periculis? *Nullam requiem habuit caro nostra; sed omnem tribulationem passi sumus: foris pugne, intus timores.* 2. Cor. 7. Et cap: 11. quàm prolixum, gloriosumq; recitat Catalogum ærumnarum suarum & periculorum! Nec indulgentius habuit Filium suum in opere Evangelico desudantem. Nos nihil nobis deesse volumus non solum ad necessitatem, sed etiam ad commoditatem, ne dicam, voluptatem. Numquid egregij sumus Ministri Evangelij Christi?

2. **A**DORA D. JESUM & considera, quanta passus sit incommoda corporis tempore prædicationis. 1. Incommoda viarum, quas semper conficiebat pedibus, portans pondus diei & æstus, nocturnum vero rigores & vigilias. 2. Incommoda victûs, quo utebatur obvio & parcissimo, atq; ab aliena liberalitate pendente. Si quando lautiori mensæ invitatus accessit; non deerant, qui sinistro eum oculo observarent, & cibos oppositos insulsis moribus ac dictis corrumpèrent. Modicum æris, quod suorum necessitatibus servabat, furtivâ manu sublegebat quæstor Judas. 3. Incommoda habitationis ob defectum tecti proprii. *Vulpe foveas habent & volucres cæli nidos: Filium autem hominis non habet, ubi caput reclinet:* Mat: 8. Deniq; 4. incommoda conversationis, ob copiam non solum

apertorum inimicorum; sed etiam falsorum fratrum, qui videbantur credere; ipse autem JESUS non credebatur semetipsum eis. Joan: 2. Vide jam, an melior debeat esse conditio servi, quam Domini? ministri quam Principalis? Parce Domine delicato servo, degeneri discipulo.

3. **V**enerare DEI param V. & considera, ipsam magna ex parte hujusmodi incommodorum fuisse participem, sive domi commoraretur, sive Christum prædicantem, quod non infrequens erat, sequeretur. Domus ita instructa erat, ut in ea latè regnaret paupertas cum omni comitatu suo, tanquam in regia propria. Itinerantem non comitabatur asellus, qui culeitram, aut penum, aut lagunculas ferret. Quomodo enim commoditatum suarum esset studiosa, videns filium cum tot incommodis conflictari? O Mater patientissima, dignare, iterum, iterumq; parturire me Filium degenerem, donec fornetur Christus in me, & Spiritus tuus, commoditatum corporis incurius, regnet in me.

Proposium de minore cura commoditatum corporis.

LECTIO PRACTICA.

Operarios Evangelicos quàm tolerantes, imò avidos, oportet esse incommoditatum.

Nec DEUS servos, nec JESUS socios amat delicatos. Illi habentur in amore & honore; qui Domino ac Duci suo conformari amant, & egestatem, incommoda, ærumnas in delicijs habent. Non enim splendidæ, honoratæ, abundantis, & nulla re egentis vitæ nobis exemplum factus est JESUS: sed laboriosæ, pauperis & contemptæ. Unde Virorum Apostolicorum vox est 2. Cor. 11. *Esurimus, & sitimus, & nudi sumus.* Suos quoq; monet S. P. N. Ignatius p. 3. c. 1. §. 25. *Diligant omnes Paupertatem in Matrem: & juxta mensuram sanctæ discretionis, suis temporibus ejus effectus aliquos experiantur.* Porro inter tempora, quibus nos oportet effectus aliquos S. Paupertatis experiri: facile primum est, Tempus Missionum, aliorumq; laborum Evangelicorum. Tunc enim vel maxime decet prudentem navumq; operarium, non corporis sui commodis, sed animarum lucris intentum esse; & non verbo tantum, sed factis testari: quod cum Apostolo, Philip. 4. *sciat abundare & penuriam pati.*

Habuit semper Societas nostra, qui hanc regulam sunt secuti, & prædicantem pauperem JESUM imitati. Unum omnium admirationi proposuit Eusebius Nirensbergius lib. 5. Doctr: Ascet: c. 18. Andream Oviedum, Episcopalis insulis jam decoratum, deinde Patriarcham Æthiopiz acturum. Hunc Henricus Cardinalis, postea Lusitaniæ rex, postulavit & Societate; ut Eborensem Diocesim lustraret. Andreas cum labore

assum-

assumpſit non gravatus: ſed cū Cardinalis mulas, equos & familiam, quæ Episcopum deceret, designaſſet; reſtitit conſtanter, & efficaciter, uno ſolū in ſocietatem itineris ſocio, & jumento unico, admiſſo. Impedire tamen non potuit: quin ſibi & Clero adderetur Capellanus, qui Sacramenta conferenti miniſtraret. Huic in mandatis dedit Henricus: ut omni officiorum genere aſſeſſet Andreæ; & providè ſuppeditaret, quæ non neceſſitati ſolū, ſed commoditati & decori ſervirent. Sed hinc inter Andreā & Capellanum aliſſidua quædam nata eſt, ſed ex utraq; parte pia, contentio, ac propè diſſidium: dum hic eum ut Episcopum reveretur & honorat: ille ut ſimplex & Societate Sacerdos tractari urget. Victoria ſerè ſemper penes ipſummet ſtetit. Toto itinere, nunquam equo epippiato, vel mulo uſus eſt; ſed ſubinde clitellato tantū jumento, deſatigationis levandæ cauſā. Ad communia pauperum Xenodochia ſemper divertebat, & communi cum ipſis menſa utebatur. Quodam in oppido magnoperè laborabant primates: ut ad hoſpitiū, quod magnificè apparaverant, diverteret, præſtendentes: Episcopos non ſolere in noſodochijs diverſari. At ego, aſſebat Oviedus, ſcio: Xenodochium eſſe locum valde honeſtum & ſplendidum: cū domicilium ſit ſanctiſſimæ Paupertatis, cujus hoſpitio Conditor ille rerum, cū ad homines homo venit, excipi voluit. Sed age: demus vobis; ad hæc communia mendicorum hoſpitia, non ſolere Episcopos divertere: quid obſcero, vel publicæ rei, vel privatz cujuſquam, damni erit; ſi ab uno me hæc incipiat conſuetudo? Aliàs ſub noctem ad oppidulum aliquod ignotus pervenit. Is, qui Xenodochio præerat, negavit ibi lectū ſupereſſe, in quo quieſcere poſſet. At ille: Non eſt, cur ſoliciteris; inter ipſos mendicos ero: nam & ego unus ex ipſis ſum. Noctem ergo in illa hominum face tranſegit, humi ſtratus, librorum ſarcinula pro cervicali utens. Alibi quoq; non admiſſus, utpote ignotus, ad xenodochium: dum diu multūmq; ſub noctem, pluvio cælo, capite detecto, una manu pileum, altera capistrum tenens, ſolicitat Præſectum domus: adſuit is, cui Capellanus inſtruendo commodo hoſpitio curam commiſerat; invitat, obſecrat, ac ſere vim infert. Sed nihil obtinuit. Dulcior Andreæ quies erat in pauperum turba. De his edoctus Princeps Henricus, illico alterum ex aula ſua expedit hominem induſtrium cum ſeverioribus mandatis. Verū Oviedus, in propoſito firmus, tam validis rationibus hominem convicit: ut ne mutire contra auſus, rebus inſectis redierit ad Principem, effuſus in præconia Viri Sancti, cui incommoda omni comeditate chariora eſſent. Idem rigidæ paupertatis ſtudium,

dium, & incommodorum amorem intulit in Æthiopiam, tenuitq; constanter, Patriarcha munere & zelo, non opibus & splendore. Pio V. Pontifici, cum chartam non haberet, scripsit in præcis & consutis Breviarii marginibus, illacrymato ad Epistolam lectam Pontifice. In symbolum sibi assumpserat illa verba Psalmi 73. *Dedisti eum escam populo Æthiopum.* Et facile eum devorasset Abassynorum Imperator hæreticus, qui stricto ense Patriarcham impetebat causâ fidei; nisi Regina furem cohibuisset.

Imitandus gentium Doctor 2. Cor. 11 de se scribens: *Cum essem apud vos & egerem: nulli onerosus fui. Nam quod mihi deerat, suppleverunt fratres, qui venerunt à Macedonia. & in omnibus sine onere me vobis servavi, & servabo: quotquot deniq; devoranda erunt incommoda.* Demum memori mente reponendum, quod Christus à tabernaculo Eucharistico dixit euidæ: *Tibi totus labor, Proximo tota utilitas, Mihi tota gloria.* Niremberg. lib. 1. Doctr. Ascet. Doctr. 9. c. 89.

XXI. FEBRUARI.

DEUS operarios suos subinde recreat: CHRISTI & Matris ejus
afflictiones tempore Predicationis.

1. **A** Dora DEUM O. M. & considera, quomodo prædicatores, alijsq; gloriæ suæ promotores, inter labores & incommoda corporis, varijs recreare solet solatijs animi, tum ex fructu laborum, tum ex Oceano cœlestium voluptatum derivatis. Si fructus sit copiosus, gaudent de magno exiguæ operæ suæ pretio, & amplo divinæ gloriæ incremento. Si exiguus; sciunt, de amplissima mercede sibi nihil perire, siquidem DEUS non fructum laborum; sed labores muneratur. Si omnia plena sunt laborum, molestiarum, tædij, persecutionum & dolorum, aperire solet DEUS cellam suam vinariam, & stillicidio aliquo cœlestis ambrosiæ demulcere animos operariorum suorum. Vnde non nemo ipsorum 2. Cor. 7. nesciens dissimulare solatia sua, *superabundo*, inquit, *gaudio in omni tribulatione nostra.* Indignissimum me hujusmodi solatijs agnosco, o Domine, operarius & ignavus & infidelis. Unicum, si licet, oro: ut multa & magna agere & pati possim propter Te.

2. **A** Dora D. JESUM & considera, Patrem æternum longè alio modo processisse cum ipso; quam cum alijs operarijs, & ministris suis. Istorum enim labores & tædia diluit solatijs: illius voluptatem, quæ perfundebarur ex Visione beatifica, ita diluit omnigenis animi afflictionibus; ut plane contabescere videretur anima ejus. Affligebatur intus 1. in

numeris

numeris & gravissimis peccatis, quæ in orbe toto patrari, clarissime & distinctissime perspiciebatur. 2. Inexplicabili cecitate, contumaciâ, & incredulitate Judæorum. 3. Exiguo incremento divinæ gloriæ tantis impensis procuratæ. 4. Infelicissimis progressibus hostium suorum, dæmonum, qui ad nutum habebant obsequentem populum illum. Unde justâ indignatione commotus, nunc *infrenavit spiritum*, ut in suscitacione Lazari Joan: 11. nunc acrius invehebatur: *O generatio incredula & perversa! quousque ero vobiscum? Usquequò patiar vos?* Matt: 17. nunc largo fletu deplorebat infelicem sortem obstinati populi: *Jerusalem: Jerusalem quoties volui congregare filios tuos? &c.* Matt: 23. nunc altâ vocē lamentabatur: *Vae tibi Corozain! Vae tibi Bethsaida! Vae mundo à scandalis! Vae vobis Phariseis &c!* Compatior animitus, Afflictiissime JESU, sterili labori & copiosissimo dolori tuo. Ut plus capias solatij ex anima mea, da plus gratiarum, quia pauper factus sum nimis.

3. **V**enerare DEI param V. & considera; in ipsam quoq; ex ijsdem fontibus, qui indicati sunt, ingentem effusam esse mœroris eluviem: imò eam gravius quodammodo ipsi incubuisse; quia non temperabatur visionis beatificæ solatijs, & augebatur tenerrimis cordis materni affectibus. Dolebat igitur acerbissime; multiplicari offensas divinas; ac specialiter Filij sui; fructum exiguum respondere prædicationi ejus, obstinate resistere populum suum, exultare amplissimis spolijs Tartareos hostes. O quanta hinc & mihi doloris seges! Fac, ô Domina, ut non solum doleam; sed totis viribus DEI honorem, & animas periclitantes vindicare studeam.

Proposium v. g. laborandi pro DEO constanter in prosperis & adversis.

LECTIO PRACTICA.

Operarij Evangelici quàm patientes esse debent Adversorum.

QUOD Apostolus, Ephesi laborans, scripsit Corinthijs 1. Cor. 16. *Obstium mihi apertum est magnum, & adversarij multi:* id omnes, qui strenuè laborant pro DEI gloria, & animarum salute, dicere possunt de se. Adversarij præsto sunt multi: quorum quidam bono, alij malo spiritu aguntur. Inprimis enim adversantur spiritus maligni, per se & instrumenta sua, per homines non probæ fidei, improbæ vitæ, invidos, elatos, biliosos &c. Deinde cum non sit idem omnium spiritus, & alij alijs ducantur principijs: non raro etiam à probis, & qui cum potestate præsunt, copiosa, & non vulgaris suppeditatur patiendi materia. Hi majorem requirunt zelem, alij arguunt animium. Hi modum conversandi, alij taxant

methodum prædicandi: his nimis familiares, alijs minds videmur austeri &c. Unde fit: ut qui expeditionem aliquam Apostolicam suscipiunt, præter fascinulam cum reculis suis, magnam Patientiæ sarcinam secum gestare continuo debeant.

Accedit: quod ipse DEUS ad excitandos servorum suorum animos subinde quidem celestibus eos demulceat consolationibus; alias autem permissis vel immissis non levibus exerceat adversitatibus, ad majus eorum meritum, & gustum suum. Sic processit cum ipso Filio suo evangelizante: sic cum Apostolis, ac specialiter Paulo; qui 2. Cor. 1. scribit de se: *N. enim volumus ignorare vos fratres, de tribulatione nostra, que facta est in Asia: quoniam supra modum gravati sumus, supra virtutem; ita, ut cederet nos etiam vivere. Sed ipsi in nobismetipsis responsum moris habuimus: ut non simus pidenes in nobis, sed in DEO.* Sic milites suos exercet DEUS, ut faciat Heroes.

S. Franciscus Salesius, Genevensium Antistes, eas mortificationes & cruces præ alijs extollere solebat, quas non ipsi comitati sumus, vel eligimus; sed Divina Bonitas & sapientia nobis communicat, & imponit. Unde interrogatus à nonneminè: quamnam optima foret patiendi materia? respondit: Ea, quæ tota à DEO sit; nihilq; nostri contineat. Qui enim se voluntarijs supplicijs afflicat: ille sub Christi vexillo pedester miles est. Qui verò à DEI manu immissa jucunde tolerat, inter Equites Crucis stipendia meret.

Docuisse id ipsum visus est Christus B. Henricum Susonem, virum Apostolicum & Dominicana Familia. Graves ille corporis afflictationes identidem usurpabat: cum inter meditandum illam D. Job sententiam, *Militia est vita hominis super terram;* factâ mentis alienatione à corpore oblatam sibi juvenis speciem vidit, qui ocreas, scutum, hastam & reliqua Equestris militiæ insignia ad eum afferebat, ipsis eum induebat; & Noveris, inquebat, Henrice; te hætenus inter pedites meruisse: modo ad Equestrem ordinem vocari à DEO. Antè, ut lubuit, te cæcidisti: deinceps flagello lingvæ iniquæ cæderis ab alijs in existimatione & fama. Antè sævus in te extitisti; sed amicis acceptus: deinceps hi fidem fallent, & contra te calcaneum levabunt. Hætenus uberibus Christi lactatus es, & manna celesti pastus: felle potaberis, à DEO & hominibus ablactandus. Cumq; hæc postridie à sacro Missæ sacrificio ruminaret Henricus: jubetur à fenestra prospicere. Paret. Cernit autem canem per aream cœnobij lacerum panis segmenrum ore spumæo raptantem, ac lacerantem. Tum vox eadem celitus missa, ei prædixit fore: ut deinceps instar illius sordidi laceriq;

panis

penniculi aliorum dentibus laceraretur. Assensus est statim, patiendi avidus Suso: & mox à cubiculo descendit, ac segmentum illud, velut crucis suæ tesseram tulit, diuq; secum servavit. Et initio quidem præ humana infirmitate titubare visus est: verum die Purificatæ Virgini sacro, per Christum Infantulum edoctus non tantum ferendam esse Crucem fortiter, sed & aliam atq; aliam expectandam didicit. Perstitit ergo, constititq; sibi, mille deinceps inter cruces infractus. *Lyraus in Apophieg: S. Ignatij. lib. 1. Apoph. 3.*

Etiam in lege veteri ministros suos Prophetas egregiè mortificavit DEUS. Oseam, virum virtute & genere nobilem, iussit ducere uxorem, insignem meretricem, *mulierem fornicationum*: quod sine insigni probro apud populum factum non est. Ezechielem iussit agere talia, ob quæ à cognatis coniectus est in vincula, tanquam amens & lunaticus. Deinde Ezech. 3. mutum eum reddidit: insuper spatio dierum 390 debuit in sinistro latere decumbere, & non converti in aliud; postea in latere dextro diebus 40. &c. Isaiam similiter, virum magnæ auctoritatis & sanguinis regij, iussit nudum & excalceatum, ac si amens esset, incedere, mille vulgi convicijs expositum. Jeremias quoq; iussu Domini, plus quam undecim annos, gravibus collo injectis catenis incedere debuit; à populo & principibus vincula, carceres, mortem deniq; crudelem perpeffus.

Et certè hæc magna felicitas: si DEUS in præmium temporale laborum offerat insignem aliquam Crucem. Ea enim est pignus magnæ gloriæ in æternitate.

XXII. FEBRUARI.

DEUS ægerimè fert, contemni verbum suum: CHRISTI Predicatio contempta: DEspere V. dolor inde.

I. **A**DORA DEUM O. M. & considera, eū ex abundantia Bonitatis suæ non solum per internos instinctus, sed etiam per externam prædicationem homines revocare à vijs suis pessimis, & vocare ad fidem, ad meliorem statum vitæ atq; possessionem regni sui. At illi ludentium puerorum instar, dum à lusu avocantur, sæpe reponunt illud Isa: 28: *Manda, remanda; expecta, reexpecta; modicum ibi, modicum ibi.* Sed mox respondetur illis simili stylo: *Et erit eis verbum Domini; Manda, remanda; expecta, reexpecta; modicum ibi, modicum ibi: ut vadant & cadant retrorsum, & contemnantur, & illaqueantur, & capiantur;* Sic actum cum Judæis contemptoribus prædicationis Prophetarum, sic cum plerisq; alijs, qui ad vocem vocan-

tis DEI, ut aspidēs surdæ obturârunt aures suas, vel ludere lusum suum maluerunt. *Quia vocavi, & renuisti, exiendi mare meum, & non fui, qui aspiceret: Ego quoq; in interitum vestro ridebo & subsannabo.* Proverb. 1. O DEUS misericordissime; quàm suaviter me vocasti; quàm fortiter & efficaciter traxisti! Te etiam deinceps sequar vocantem: compelle tergiversantem.

2. **A**dora D. JESUM, & considera, quàm graviter tum ipse, tum prædicatio ipsius contempta fuerit à Judæis. Habebatur passim pro fabri filio, contemnebatur ut oriundus ex Nazareth, unde putabant non posse aliquid boni venire. Spernebatur ut Galilæus, unde credebatur Messias non venturus; explodebatur, ut plebejus, illiteratus, infusus, irreligiosus, imò & insanus. Joan: 10. Nec proprio nomine ipsum dignabantur, sed dicebant: *Ubi est ille? Hic homo multa signa facit &c.* Prædicatio ipsius contemnebatur à nonnullis, ut sermo durus, ab alijs arguebatur, ut opposita legi & Prophetis, ut blasphema in DEUM, cujus Filium se assereret; ut seditiosa & injuriosa Cæsari. Quidquid diceret Christus, accipiebant Pharisei & Scribæ pro suæ gentis, Pontificum, Cæsaris & DEI contumelia: quia corda ipsorum plena erant felle draconum Infernalium. Hunc plausum habuerunt æternæ Sapientiæ oracula. Nos non nisi emunctis auribus, & pleno annutu accipi volumus dicta nostra. Ille positus fuit in signum, cui contradiceatur. Luc. 2. nos poni volumus in signum, cui applaudatur. Averte à me hanc tecum oppositionem Patientissime JESU.

3. **V**enerare DEI param V. & considera, ipsam quidem multum solatij accepisse, quando audivit, Filium suum haberi à multis ut Prophetam magnum, habentem verba vitæ æternæ; & quod *namquam sic locutus est homo.* Joan: 7: at longe sensibiliore confixam esse dolore, quando audivit tam malitiosè traduci doctrinam ejus à doctioribus & honoratioribus. Nihil jucundius erat Matri, quàm pendere ab ore Filij: ideoq; nihil acerbius, quàm tanto fastidio repelli gratiam diffusam in labijs ejus. Pretiosior, mihi est, o Domina, doctrina Filij tui, dulcior super mel & favum: fac, ut etiam sit efficacior in me totumq; componat ad voluntatem, & normam Domini mei JESU.

Propositum v. g. reverenter & obedienter suscipiendi verbum DEI, aliaq; illius monita saluaria.

LECTIO PRACTICA.

Patienter ferendum: dum doctrina & monita nostra negliguntur, vel contemnantur.

Ut

VT agricolæ non tam sensibilis est labor, quantumvis durus & diuturnus, in colendo agro, quam defectus optati fructus: ita operarios Evangelicos, aliosq; aliorum institutioni præpositos, non tam affigit laboris in docendo magnitudo, quam sterilitas. Queritur de hoc Christus ipse apud Palmographum Psal. 34. *Retribuunt mihi mala pro bonis: Sterilitatem animæ meæ.* Lætificare eam debebant fructu centesimo, vel saltem decuplo: at ecce sterilitatem reponunt, sicut terra maligna.

Quid ergo? Manus componemus, & ori silentium indicemus? Id vero esset rem Domini infideliter agere, & pretiosiores facere doctrinam suam, quam animas erudiendas. Insistendum naviter labori: adhibendi alij & alij modi dicendi & agendi: ex omnibus possibilibus locis ducenda argumenta. Nam imprimis de fructu desperandum non est: quamdiu de finali obstinatione alterius nobis non constat. Ut non omnes anni æquæ sint fecundi quo ad fructus agrorum & hortorum: ita quo ad fructus animarum. Unde hortulanus ille Evangelicus pro sterili ficulnea ad securim damnata deprecatus est Dominum, laboremq; suum adhuc in annum obtulit circa illam.

Egregiè declarat id S. Chrysostomus Conc. 1. de Lazaro. Utinam, inquit, oratio nostra profectus aliquid adferat! Quodsi post nostram admonitionem in ipsdē vitijs perseveraverint: ne sic quidem nos desistemus, illis, quod rectum est, consuere; quandoquidem & aquarum venæ, etsi nullus veniat aquatum, manant tamen; & fontes quamvis hauriat nemo, tamen scatebras emittunt; & amnes, etsi nemo bibat, tamen fluunt. Sic oportet illum, qui concionatur, quamvis nullus auleculet, tamen præstare quicquid in ipso situm est: siquidem hæc lex nobis, qui sacri sermonis administrationem suscepimus, à benigno præscripta est DFO. *Et infid.* Hodie non pervasi: sed cras fortè persuadere potero. Quodsi minus cras: attamen perendie, aut quarto ab hinc die fortassis pervasero. Qui hodie quæ audivit, repulit: cras fortassis audiet, & recipiet; fortassis post dies complures præbebit animum ijs, quæ dicentur. Quandoquidem & illud crebro fit: ut piscator, qui per totum diem vacuum attraxit recte, sub noctem jam abire parans, capto, qui ipsum per totum diem fefellerat, pisce, descendat. Etenim si agricola protinus ab agricolatione resileat; quod semel atq; iterum, aut sæpius, aeris acciderit inæqualitas: fame brevi periremus omnes. Ita Chrysostomus. Idem hom. 41. in Gen. Non semel, ait; atq; iterum hoc facite: sed semper. Nam etsi verbis iis non obtemperat, postea obtemperabit, iterum enim te videns arguentem, forte erubescet & reveri-

in nam curam, ab his, que offendunt, desister

Deinde etiam si nullus omnino sequeretur fructus, impendendus tamen est labor. Quod enim ab operarijs suis exigit Dominus, labor est, cura, & doctrina, non fructus: ut notavit S. Bernardus lib. 4. de Confid. c. 2. *Curam, inquit, exigeris, non curationem. Deniq; audisti (quod dictum stabulario) Curam illius habet: & non; Cura, vel sana illum. Verum dixit quidam: Non est in medico, semper revelatur ut eger. At melius propono tibi de tuis: (Scilicet ex scripturis S.) Paulus loquitur 1. Cor. 1. Plus omnibus laboravi. Non ait; plus omnibus profui; aut plus omnibus fructificavi: verbum insolens religiosissime vitans. Alias autem noverat homo, quem docuit DEUS: quia nunciusq; secundum suum laborem accipiet, non secundum proveniunt. Et ob hoc in laboribus potius, quam in profectibus gloriandum putavit; sicut alibi habet ipsum dicentem: In laboribus plurimum. Ita queso, fac tu, quod unum est. Nam DEUS quod suum est, faciet: satius absq; tua solitudine & anxietate curabit; ubi volueris.*

Idem inculcabat suis S. P. N. Ignatius apud Ribadeneiram in Vita lib. 3. c. 11. ubi de operario Societatis sic loquitur; Si quid efficere in hominum salute cupiat; vel si quem ab exitio ad salutem revocare studeat: ubi diligenter suo perfunctus sit munere; quoquo modo res cadat, æquissime sibi ferendum statuatur. Neq; si ille, ad quem juvandum incubuerit respuat medicinam, demittat idcirco animum; Angelorum Tutelarium exemplo, qui quos à DEO sibi commissos acceperunt, monent quoad possunt, defendunt, regunt, urgent, ad bonum juvant. Sed si voluntatis libertate abutantur illi, & inobsequentes atq; obstinati sint: propterea tamen nullo anguntur metore, nulla afficiuntur molestia. Curavimus inquit Babylonem? & non est sanata. Ita S. Ignatius.

Deniq; advertendum est: per defectum fructus, non evacuari mercedem laboris. Nanquam dic: quia semel, & iterum, & iterum, & sæpius dixi, & nihil profeci. Ne quiescas dicere. Nam quanto magis in perseveraveris: tanto magis & merces tibi crescat: ait S. Chrysost. hom. 41. in Gen: Et Bernardus cit: sup: *Planta, riga, fer curam: & tuas implevisti partes. Sanè incrementum, ubi volueris, dabit DEUS non tu. Ubi fortè nolueris; tibi deperibis nihil, dicente scriptura (-Sap. 10.) Reddet DEUS mercedem laborum sanctorum suorum. Securus labor, quem nullus valet evacuare defectum. Demum cogita: nec Apostolorum, nec Christi laboribus semper aut ubiq; respondisse fructum, qui debebat.*

Et hæc sunt solida Operariorum Evangelicorum, & aliorum qui circa
alios

alios curam gerant, solacia: dum doctrinâ & monitis suis salutaribus non proficiunt. Sed, inquis, non solum negliguntur, quæ dico; sed contemnantur. Nonne & Christi contempta est à multis doctrina? Numquid tua est pretiosior?

XXIII. FEBRUARIJ.

DEI amor summus erga CHRISTUM: Judæorum odium summum erga eundem;

DEI patre V. dolor inde.

1. **A** Dora DEUM O. M. & considera, quantus sit ejus amor erga Christum Redemptorem nostrum. Summus omnino omni ex parte: idq; non solum quatenus DEUS est, sed etiam quatenus homo. 1. In sanctissima ejus Humanitate, ne umbra quidem reperitur alicujus mali, & resplendet tota plenitudo Boni creati & Increati. 2. Humanitas ejus non solum perficitur, & gratiosa redditur per infusas gratias copiosissimas & maximas; sed per ipsam Verbi Incarnati Infinitam personalitatem & sanctitatem. 3. Per actiones ejus omnes, quarum singulae sunt excellentia & valoris simpliciter Infiniti; honoratur & glorificatur DEUS, summe & Infinitè. Tantæ igitur amabilitati respondeat oportet in DEO, amor omnino summus. Excordes ergo & amentes sumus homines, si & nos D. JESUM non amamus summe. Bruta sumus, & brutis peiores, si odimus. Parce æterne Pater tepori amoris mei. Immitte frigido huic cordi scintillam infiniti, quo ardes in filium incendij. O si amando consumeretur!

2. **A** Dora D. JESUM, & considera, quantâ pravitate tam amabilem non solum non amant Judæi, sed summo, implacabili, internecio odio sint persecuti. Non latuit ipsos testimonium de illo Joannis Bapt: imò Patris æterni: *Hic est Filius meus dilectus &c.* Audierunt publicam plebis attestatione: *Bene omnia fecit; & surdos fecit audire; & mutos loqui.* Marc: 7. & tamè odisse poterant. Nimirum tenebræ non poterant amare lucem. Causam odij accuratè expressit Sapiens cap: 2. ubi eos sic inducit loquētes: *Circumveniamus ergo Jesum, quoniā invidus est nobis, & contrarius est operibus nostris, & impropere nobis peccata legi, & diffamat in nos peccata disciplina nostræ.* Promittit se scientiam DEI habere, & Filium DEI se nominat; Factus est nobis in translationem cogitationum nostrarum. Gravis est nobis ad videndum: quoniam dissimilis est alijs viis illius, & immutata sunt vicia ejus. Tanquam nugaces estimati sumus ab illo; & abstinet se à vijs nostris, tanquam immunditijs. Ita illi ibi. Vide, quibus de causis optimus quisq; meretur odia malorum. Numquid ergo à rebus tramite & via virtutis recedendum? Absit. Tibi Innocentissime

JESU, adhærebo fidus. Præstat, tecum odia pati, quàm cum improbis, aut minus probis partem habere.

3. **V**enerare DEIpam V. & considera, quàm acerba illi fuerunt iniquissima impiorum odia erga Filium. Vidit Sara Gen. 21. Ismaelem duriusculè ludentem, (& fortè signa invidiæ quædam vel odij alicujus prodentem) cum filio suo Isaac: & mox gravissimè indignata, compellat maritum Abrahamum: *Eijce ancillam hanc & Filium ejus*. Nec acquievit, donec eijceretur Ismael. Quantò justiore dolendi & indignandi causam habuit virgo Mater, internecinis odijs expositum videns filium? Non tamen eijs petijt. impios illos, de regno DEI; sed saniores illis mentè precabatur. Compatior tibi, Mater afflictißima, & oro, doce me simili affectu ferre odia hominum. Evitari omnia cùm nequeant, liceat patienter tolerare: Sufficit placere DEO.

Proposium de patienter ferendo sinistris aliorum affectibus.

LECTIO PRACTICA.

De fortiter sustinendis falsorum fratrum odijs.

Sinistri erga nos aliorum affectus vel sunt verorum, vel falsorum fratrum. Subinde enim etiam ij, quos sincera charitas, & ejusdem professionis sanctitas, nobis fecit in Christo germanos, concipiunt sinistrum quendam affectum, seu animi aversionem à nobis, non datâ, sed accepta ex aliqua occasione causâ: nec volunt nobis malè, sed potiùs bene, dum correctionem nostram desiderant. Tales talium affectus non sunt odia: proinde nec in numero hostium, seu inimicorum, censeri debent. Et si quid deprehenduntur moliri contra nos, non tam indignationem & vindictam, quàm compassionem ob errorem conceptum, & indulgentiam ob saluum charitatis vinculum, merentur. Alij sinistro feruntur in nos affectu & malignitate sua alieno sunt à nobis animo, voluntq; nobis malè; vel levibus suspitionibus, vel pravis actionum & intentionum nostrarum interpretationibus inducti.

Tales subinde inveniuntur non solum in civilibus, sed etiam Ecclesiasticis & Religiosis communitatibus: & sunt zizania illa, quæ electis tritici granis superleminat inimicus, permittente DEO ad majus suorum in virtutibus exercitium, & cumulatiùs comparandum meritum. Est equidem difficile, falsos hujusmodi sustinere fratres: sed necessarium; cùm nec eos corrigere, nec sine illis esse possimus. Videndum proinde: quomodo patienter ferri, & fortiter supportari possint.

Primo juvabit: statuere sibi ante oculos Christi, aliorumq; Sanctorum,

imò

imò Sanctissimorum exempla, qui hujusmodi declinare non potuerunt odia, eaq; heroicè sustinuerunt cum magno lucro & gloria sua. Ut Christus habuit Iscarioten suum, Hieronymus Ruffinum, Joannes Chrysostomus Theophilum, Martinus Briccium: sic nec alijs viris sanctissimis defuerunt falsi fratres sui. *Hieronymum* aded denigraverat, tætrunq; hominum oculis etiam Romæ, objecerat Ruffinus: ut vix scelestior aliquis crederetur. Ego probrosus, inquit ipse de te ex aliorum ore, versipellis & lubricus. Ego mendax, & satanæ arte decipiens: alius incesum meum calumniabatur, alius risum &c. nec poterat scriptum aliquod emittere in lucem, quin geleatum illi præfigeret prologum. *S. Basilus* à quibusdam Episcopis tam inique sedeq; traductus fuit: ut passim, per annos aliquot, tanquam hæreticis colludens, & hæreticus vitaretur: & apud ipsum Pontificem Romæ *S. Damasum* suspectus fuerit redditus. *S. Chrysostomus*, incitante Eudoxia Imperatrice, à Theophilo Patriarcha Alexandrino innumeris gravissimisq; calumnijs sic oneratus fuit: ut semel iterunq; sede sua exturbaretur, tanquam hostis Cleri, mulierum consortio pollutus, Canonum sacrorum contemptor, reddituum Ecclesiasticorum dissipator, læsæ Cæsareæ Majestatis reus, hæreticorum complex, in ipsum Christum blasphemus.

S. Franciscus à proprio Generali, Fratre Elia, tanquam turbator & destructor Ordinis habitus, maleq; tractatus, imò & libris impressis infamatus est. *S. Benedictus* à suis non solum calumnijs & odijs, sed etiam veneno appetitus. *S. Romualdus* à sui Ordinis fratre, disciplinæ impatiēte, accusatus nefandi criminis secum patrati, à suis subditis in publico Conventu damnatus est tanquam laqueo & igne dignus: adedq; & sacra celebrare mysteria prohibitus est. Quæ omnia illi homines DEI stupenda fortitudine tolerarunt, uni DEO causam suam committentes, ejusq; sententiam & de se dispositionem mira patientia expectantes. Quod igitur potuerunt isti, quidni cum divino auxilio possimus & nos? *Sinus & nos inter Exempla*: dicebat Seneca.

Secundo persuasum habeamus, ita fieri oportere: ut, sicut necesse est venire scandala juxta oraculum Christi; ita necesse sit, homines eximie probitatis, & qui vitam suam ad normam vitæ Christi & Sanctorum componere student, incurrere censuram imperfectorum, & odia improborum. Nullus unquam ex his, qui DEO maxime cari atq; acceptabiles fuerunt, sine pressura vixit: inquit *S. Chrysostomus* lib. 1. de Provid: Et *S. Isidorus Pelusiota* lib. 2. ep. 137. Ne odio simus: hoc nostri arbitrij non est; ac fieri se ne quidem fieri potest, Quam enim modo præstantissimi quiq; viri improbi inveniunt.

Tertio accipiamus ea odia, siquidem illis nullā culpabiliter dedimus causam, pro gravi argumento: quod non simus de hoc mundo, sed Electi, & Dilecti DEO. Solatii plena sunt verba Christi Joan. 15. Si mundus vos odit: scire, quia me priorem vobis odit habuit. Si de mundo fuissetis: mundus, quod suum erat, diligeret. Quia verò de mundo non estis; sed ego elegi vos de mundo: propterea odit vos mundus. Quæ verba ponderans S. Augustinus apud Cornel. à Lap: ibid. Cur ergo, inquit, se membrum super verricem extollis? Recusa esse in corpore si non tu odium mundi sustinere. Cum Capite debemus pro dilectione Christi etiam mundi odium sustinere. Necesse est enim, ut oderit nos: quos cernis nolle, quod diligit.

XXIV. FEBRUARIJ.

DEUS summopere odit dolosos: CHRISTUS variè temitur à Judæis:

DEI pars V. dolor.

1. **A** Dora DEUM O. M. & considera, quantopere oderit homines duplices corde, bilingves, fraudulentos, qui toti sunt in oculis ne-
stendis, foveis fodiendis, & laqueis parandis, quibus circumveniant, impli-
cent, & in ruinam pertrahant proximum suum. Cum enim ipse sit spi-
ritus simplicissimus, rectissimus, veracissimus, sanctissimus, & hominem
creaverit rectum; atq; ad imaginem & similitudinem suam, non potest
non summè detestari, omnes sinceritatis hostes, duplicitatis authores, dolo-
rum architectos. *Viam pravam, & os bilingve detestor. Prov 8. Nam verba bilinguis quasi simplicia, & ipsa perveniunt usq; ad interiora ventris. ibidem cap: 18. Anceps Joabi gladius sunt tanto certiore & profundiore vulnere saucians, quanto minus timetur. Proinde virum sanguinum & dolosum abominabitur Dominus Psal. 5. Susurro & bilinguis maledictus Eccli: 18. Ego autem in simplicitate cordis mei confitebor tibi Domine: & tu be-
nedices omnibus, qui recto sunt corde.*

2. **A** Dora D. JESUM, & considera, quàm vanè, & quàm dolosè sa-
pius fuerit tentatus à Phariseis, Saduceis, Scribis, & similibus
fraudum architectis; quos ut satellites suos expeditit profligatus nuper in
deserto tentator. Accesserunt inprimis Pharisei cum Saduceis tentantes,
& petentes, ostendi sibi signum de celo. Matt: 16. Rursum Pharisei tenta-
tes Matt: 19. quæsierunt: Si licet homini diminere uxorem quacumq; ex causa?
Joan: 8. obtulerunt mulierem in adulterio deprehensam; Periculosius
Matt: 20. inierunt consilium, ut JESUM caperent in sermone, coram satelli-
tibus Herodianis quærendo, an liceat censum dare Cæsari? Phariseis confusis,

non

non erubuerunt se ingerere Saducæi, quæstionem moventes de uxore, quæ 2. viros habuit; *cujus sit futura post resurrectionem?* Quibus expeditis iterum *Pharisæi convenerunt in unum, & per quendam legis doctorem quæsiverunt de mandato magno in lege?* Quanta hominum impudentia? Quanta JESU mei patientia? Subinde respondit sine ullo aculeo, quasi fraudum ignarus, subinde vibravit aculeum, non ad infligendum vulnus, sed ad aperiendum ulcus. Doce me, Magister Optime, divinam hanc prudentiam, ut sciam proferre responsum tempori & personis opportunum, sinceramq; mentem candidam.

3. **V**enerare DEIPARAM V. & considera, quantum indoluerit, quod humanæ stultitiæ temeritas præsumpserit divinam tentare sapientiam, quam Christus non solum sermonibus humanas scientias transcendentibus, sed multiplicatis miraculis sibi asseruerat. Dolebat, homines alioqui sciolos, & humanarum divinarumq; legum peritiam jactantes, tam rudes & incapaces esse cœlestium disciplinarum; fraudum autem & technarum tam peritos architectos. Adoro ego, ô Domina, divinam Filij tui Sapientiam; detestor dolum omnem. Impetra mihi mentem simplicem & linguam sinceram.

Proposuum fugiendi simulationem & dolos in circumveniendis alijs,

LECTIO PRACTICA.

De simplicitate in loquendo & agendo.

Simplicitas, prout non ruditas, sed certam hominis bene instructi dotem significat, est virtus moralis, qua homo disponitur: ut talem se præferat exterius qualis est interius; candidè agendo cum proximo, nec dotes suas exaggerando, vel fucum illis allinendo. Est ergo germana Humilitatis filia, & una è primis dotibus Christianorum, ac potissimum Religiosorum. Nam ut ait Bernardus apud P. Felicem Lacki. in Theol. Spirit: 1. 2. in Contin. Tr. 2. c. 6. *Omibus nobis in conversionis initio nulla virtus magis necessaria est, quàm simplicitas humilis, & gravior veracunda, Apostolis quoq; suis, dum eos ad prædicandum expediret, inprimis eam commendavit Dominus: Effore ergo prudentes sicut serpentes, & simplices sicut columbe.* Matt. 10. Sociavit simplicitatem prudentiæ: Nam ut notavit S. Remigius: *Simplicitas sine prudentia facile decipi potest: & prudentia periculosa est, nisi simplicitate temperetur.* Quod etiam S. Gregorius lib. 4. ep. 31. ad Mauritium, observavit eò factum: *Ut serpentis astutia columba simplicitatem acueret; & columba simplicitas serpentis astutiam temperaret.* Nisi enim vis ingenij, quæ agenda disponimus, & actis utimur, certa ratione temperetur: facile

in Astu-

in Astutiam declinat; nec absolute vera Prudentia erit, sed quæ in Divinis Literis *Prudentia carnis* appellatur, & Rom. 8. Mors dicitur: *Prudentia carnis mors est: Prudentia autem spiritus vita & pax.*

Insignia sunt hujus virtutis elogia in S. Scripturis. In illo absolutissimo virtutum compendio, Sancto Job, eam primam coram Angelis bonis & malis iteratim commendavit DEUS: *Numquid considerasti seronum meum Job; quod non sit ei similis in terra, homo simplex & rectus?* Non commendat ejus, tanquam magni inter omnes Orientales Principis, Prudentiam gubernativam; non Sapientiam quæ naturas rerum, & supernaturalia arcana penetrabat: sed simplicitatem. Unde & David 1. Paral. 29. solemni-
ter offerens DEO collectas opes in structuram templi; Scio, inquit, *DEUS meus, quod probes corda, & simplicitatem diligas.* Non attendis ad verba speciosa, & opera magnifica: sed respicis intima cordis, & consideras: quod, & quibus vijs, ejus consilia & affectus tendant. Unde & ego in *simplicitate cordis mei lætus obivi universa hæc*: non ad ostentationem & jactantiam, sed sincere & candidè ad gloriam Nominis tui. Prout non collegi has copias per varias iniquas & arcanas industrias: sic nec eas offero duplici corde; ut & tibi cedant in honorem, & mihi in plausum; sed offero in *simplicitate cordis mei*; idq; *universa hæc*: nec particulam unam cedere volo in commodum meum. Tam simplici corde offerens DEO multa & magna David, meruit profecto eam, quæ Prov. 20. promittitur, benedictionem: *Iustus, qui ambulat in simplicitate sua; beatos post se filios relinquet: & majorem aliam Prov. 28. Qui ambulat simpliciter saluus erit.*

Ex adverso *Vx duplici corde, & labijs scelestis, & manibus male facientibus, & peccatori terram ingredienti duabus vijs!* Eccli. 2. Et cap. 37. *Qui sophistice loquitur (id est captiosis & fallacibus ratiocinationibus) odibilis est: in omni re defraudabitur.* Non est illi à Domino gratia: omni enim sapientia defraudatus est. Astutiâ quidem abundat, sed qua ipsemet capiatur, & intereat: ut videre est in homine, de quo B. Petrus Damian. ep. 14. ad Desiderium. c. 4. In Longobardiæ finibus vir erat versipellis ingenij, & acutissimæ subtilitatis, duplex animo, sermone lepidus, concinnandis fraudibus exercitissimus. Nunquam erigebat brachia contra torrentem; sed ex quocunq; latere mundi eum aura afflabat, ille protinus calliditatis suæ pallium opponebat. Accidit; ut quidam frater nocturna visione conspiceret lacum igneum, qui flammivomis evaporabat incendijs horribilem in modum. Lacum illum demones trabalis magnitudinis obsidebant, variaq; serpentium genera hinc inde per circuitum gradiabantur. Vir autem ille,

ille, quem diximus, in ipsa flammaram stridentium voragine detentus, tentabat quidem effugere, sed ostentantibus bestiis dolebat exitum non patere. Quacumq; parte laborabat evadere; horribili stridore, rictibus diductis, occurrebant & impediabant serpentes. Sic iusto DEI iudicio factum: ut, qui ante varijs fraudum laqueis noverat alios intricare, se ipsam e voragine ignis, & serpentum (quorum indolem assumpserat) voluminibus non posset extricare.

Optimè monet S. Cyprianus ep. 3. lib. 1. *Hec est, frater, vera dementia; non cognoscere, & nescire: quod fallacie non diu fallunt; & quod dolosus aliorum tentator, tandem incidat in foveam, quam fecit.* Si nemo alius larvam detrahat, dolosq; detegat, ipsum id tempus facit: ipsi se tandem produunt, & prostituunt. At qui ambulat simpliciter, ambulat confidenter: inquit sapiens Proverb. 11. Nam, ut ait S. Gregor. in Moral. *Nihil simplici corde felicius: quia ex quo innocentiam erga alios exhibet; nihil est, quod pati ab alijs formidet.* At contra mens prava semper in laboribus, & metu, est: quia *non vultur mala, quæ inferat: aut metuit; ne sibi hæc ab alijs inferantur.*

XXV. FEBRUARII.

DEUS quantopere oderit Calumniatores: CHRISTUS quantas sit passus calumnias: DEspere V. dolor inde.

1. **A** Dora DEUM O. M. & considera, quantopere oderit homines alienæ famæ detrahentes, & calumnijs proximum onerantes. Rom: 1. Detractores dicuntur DEO odibiles. Psal. 108. os detractoris appellatur per excellentiam Os peccatoris, quia detractor & calumniator, non est vulgaris, sed insignis peccator. Nocet enim proximo, in re præstantissima, & charissima, id est, in fama, eumq; quasi de culmine bonæ æstimationis præcipitat & opinionis in abyssum contemptus & infamæ. Sed non impune. Vaticinatur enim sacer Psalter huiusmodi lingvæ extrema mala Psal. 5. *Dilexisti omnia verba precipitationis, lingua dolosa; propterea DEUS destruet te in finem.* Unde meritò monet Ecclesiasticus cap: 28. *Attende, ne forte labaris in lingua, & cadas in conspectu inimicorum insidantium tibi, & sit casus insanabilis in morte.* O Domine tu nōsti; quā in quietum malum sit lingua mea. Tene, igitur, custodiā ori meo, & ostium circumstantiæ, labijs meū, ad declinanda verba malicie.

2. **A** Dora D. JESUM, & considera, quā immanes calumnias sit passus non à fece populi, sed ab ijs, qui religiosiores habebantur, Phariseis, scribis, Senioribus populi, & ipsis Pontificibus, quorum ut maxima fuit

ma fuit auctoritas, ita vis summa ad nocendum famæ innocentissimi JESU. Nunc appellabant ipsum amicum peccatorum, seu complicem, Samaritanū, legum contemptorem, violatorem Sabbati. Nunc traducebant, ut voracem & vini potatorem, ut seductorem populi, turbarum concitatore; Ecclesiasticæ potestatis contemptorem, Cæsari perduellem, & quid non effutiebatur lingua malignantium, *inflammata à gehenna*? Quæ jacula quam profundè in cor JESU descenderint, quis assequatur? Uni Patri cœlesti commendabat vindicias famæ suæ. *Pro eo, ut me diligere, deprecabantur mihi: ego autem orabam.* Hoc & nostrum debet esse refugium, dum similibus telis impetimur. Compatior tibi, Innocentissime JESU, tibi revelabo causam meam, tu judica & discerne, quantum pro gloria tua expediet. Cavebo autem; ne alteri impingam, quod mihi tolerare grave.

3. **V**enerare DEI param V. & considera, quàm graviter cor ejus maternum venenatæ illæ maledictarum linguarum sagittæ fauciant. Perspectissima illi fuit innocentia, & sanctitas Filij. Non ignorabat, quàm sit necessaria DEI ministris & populi doctoribus integritas famæ, honorifica de illis opinio, quàm per prædicationem cœlesti sapientiæ plenâ, & gloriam miraculorum asertam Christo, corrumpere illuvies illa calumniarum; ita, ut schola Christi jam audiret læta; cui passim contradicitur, & plurimi de populo timerent accedere illi. In ipsam quoq; Matrem redundabat calumnia; quandoquidem à non paucis digito monstrabatur, & Nonne hæc est Mater seductoris illius? fugillabatur. Quid jam querar ego, vitiorum plenus, de lingvis maledicis: quando JESUS & Maria tam graviter illis sunt conlissi? O liceat saltem hoc supplicio impastarum calumniarum, expiare vera delicta mea!

Proposui de non inferendo, & patienter ferendo calumnijs.

LECTIO PRACTICA.

An ad calumnias & convicia sit omnino silentium?

EGregiè tractat hanc quæstionem P. Nicolaus Lancicius *Opusc. 9. de ferenda cruce, & persecutionibus: cap. 7.* Cum quo Tenendum 1. quod quamvis quilibet sit dominus famæ suæ: ut cum S. Thoma comm: docent Theologi; ideoq; potest aliquando se ipsum ex rationabili causa infamare. v. g. studio humilitatis & penitentiae manifestando peccata sua, prout fecerunt S. Augustinus, Anselmus & alij: tamen non potest se infamare licitè si sui infamatio redundaret in infamiam alterius v. g. filiorum seu Familæ, Religionis, aut alterius communis. Item si esset causa scandalis, seu ruinæ aliorum. Item si bona fama esset se infamanti necessaria ad munus

ad munus suum publicum (quale est Prælatorum & Superiorum) rite obeundum; vel ad divinam gloriam, & animarum salutem secundum vocationem suam promovendam.

Tenendum 2. Dum superior interrogat, & veritatem vult rescire: debemus fideliter, quid in re sit, aperire. Quia Superior habet jus quærendi: ideoq; silentium, vel non sincera informatio esset manifesta inobedientia, & deceptio.

Tenendum 3. In quibus casibus non licet se ipsum infamare: in iisdem tenemur famam nostram moderatè defendere, per veram informationem de rei veritate, vel alio competente modo. Nam & hoc exigit charitas, quam proximo debemus, & ratio muneris, si quod gerimus, atq; Divinæ gloriæ juxta Vocationem nostram pro notio. Parum enim refert sive per positivam sive per negativam (qualis est dum omittitur iusta defensio) sui infamationem his non satisfiat.

Si igitur tui infamatio vel officio tuo, vel Ordini, Communitati, aut alteri cuiquam, vel Divinæ gloriæ secundum vocationem tuam promovendam notabiliter & indubitanter noceret: deberes te vera purgatione defendere, etiam non rogatus, nec interrogatus. In his enim casibus locum habet illud Spiritus Sancti Ecclesiæ 41. *Curam habe de bono nomine.* Est tempus tacendi, & tempus loquendi. Si pro otioso verbo reddemus rationem: videamus, ne reddamus & pro otioso silentio: inquit S. Ambrosius. S. Augustinus serm. 49. de diversis. Crudelè appellat eum, qui confidens vitæ & innocentie suæ, negligit famam suam. S. Laurentius Justin: de instit: & regim: Prælat: c. 12. ait: *Accuratissime Sancti & amici DEI famam suam impollutam laudabiliter conservando custodire conantur; non pro se ipsis, sed pro honore DEI, proximorumq; salute.* S. Bonaventura de inform: Novitior. p. 1. c. 6. postquam commendavit silentium in objectis criminibus, subiecit restrictionem: *Si verò criminationes obesse, & non purgare possent alios scandalizare: tum humiliter indicandum paucis verbis & modestis; quod non sis tibi conscius eorum, de quibus accusaris.* Divus Thomas quoq; 2. 2. q. 72. a. 3. Tenemur, inquit, habere animum paratum ad consumelias tolerandas, si expediens fuerit: quandoq; tamen oportet, ut consumeliam illam repellamus.

S. P. N. Ignatius, quamvis planè avarus fuerit persecutionum & opprobriorum; ubi tamen videbat ea redundare in detrimentum proximi, & divinæ gloriæ, fortiter famam suam & Societatis assererat: prout patet ex Vita ipsius, & Historia. Soe: ac specialiter ex Epistola, quam dedit ad Magistrum Joannem Avilam, refertq; cit: P. Lancicius; ubi cum adductis

Patrum testimonijs ostendisset, teneri Societatem ad vindicandam famam à quibusdam Religiosis Salmanticæ non leviter læsam: subdit: Atq; ita cogitamus procedere pro majore gloria Divina, prius cū omni submissione & ambre; mittendo prius illis unam Epistolam cujusdam Cardinalis, qui videtur multum posse apud illos. Secundo præfendendo illis Patrem quasdam eorum Generalis. Tercio, si prima duo non sufficiunt, juxta id, quod DEUS Dominus noster, & caritas erga nostros proximos nos obligat & ad adimendas vires inimici naturæ nostræ humanæ, qui id suadet personis, quāvis doctis & religiosis; procedatur in vigore cujusdam processus punitivi & diplomati Pape. En quā suavis & fortis in hac materia fuit spiritus S. Ignatii.

Bene tamen monet eum P. Lancicius: non facile, seu ex levibus argumentis, præsumendum esse; ex privata nostra infamatione notabile damnum redundaturum in proximum, seu communitatē vel gloriā Divinā. Sæpe enim hoc stimulo nos non tantum ad defensionem, sed ultionem impellit Amor proprius; & nos charitatem putamus vel zelum gloriæ divinæ. Ut ergo securius procedamus: Constituamus nos oportet primum in quodam æquilibrio, ut non in Defensionem magis, quā ejus omissionem propendamus. Deinde per ferventem & prolixam orationem petendum lumen à DEO. Deniq; consulendus superior, vel Confessarius, aut alius vir gravis & prudens. Ab eo tamen vult potius esse petendum consilium, quem putaveris potius propendere in silentium, quā defensionem; quemadmodum & tu ipse magis in illud propendere deberes, ante decisionem alterius: Et ex duobus consultis, atq; opposita suadentibus, ejus sequenda erit sententia, qui silentium suavit; nisi alterius rationes longē sint potiores. In dubio enim melius est pati.

XXVI. FEBRUARIJ.

DEUS immanem injuriam patitur à blasphemis: CHRISTUS tempore prædicationis gravibus contumeliis & blasphemis exagitatus. DElpare
V. dolor inde.

A DORA DEUM O. M. & considera, quantam patiatur injuriam ab impudentissima impiorum lingua, qui eum convicijs & contumelijs lacerare audent. Non enim id humanæ fragilitatis peccatum est, sed diaboliæ malitiæ; nec implicite solum, ut in alijs peccatis, contemnitur DEUS, sed explicitè & directe: nec in mente solum hæret is contemptus, sed ex abyssu impiissimi cordis per os eructatur, non sine offensa & scandalo audientium, ut merito scripserit S. Hieronymus in cap. 18.

Isaie Nihil horribilius blasphemiâ: omne quippe peccatum comparatum blasphemie levius est. Et tamen inveniuntur homines; qui audent in cœlum ponere os suum, blasphemantes Sanctum Israel, Dominum Infinitæ Majestatis. At tu benedic anima mea Dominum, lauda & superexalta eum in sæcula. Benedicam te Domine in omni tempore, semper laus tua in ore meo.

2. **A** Dora D. JESUM, & considera, quantis convicijs, contumelijs, & blasphemijs exagitatus fuerit à Judæis, non solum Passionis, sed toto prædicationis tempore. Non enim absenti solum detrahebant famam, & impingebant convicia, atq; calumnias, sed in faciem præsentis jaciebant horrenda illa spurcissimi cordis excrementa, nunc DEI Filium negando, nunc impostorem & Samaritanum appellando, nunc in Beelzebub ejus esse eum dæmonia blaterando, nunc ut dæmoniacum blasphemando: *Nonne bene dicimus nos, quia Samaritanus es in (idolorum cultor) & dæmonium habes? Joan: 8. Proh! quàm alto vulnere divinum cor lauciavit tam portentosa malitia! Calumnia, inquit, Sapiens Eccie: 7. conturbat Sapientem, alias moveri nescium, & perdet robur cordis illius; quis jam sensus in Christo fuit tantarum contumeliarum, & blasphemiarum tam dense ac crebro in eum jactarum; ut alias patiendi avidissimus, & insatiabilis JESUS, plene saturatus fuerit opprobrijs, teste Propheta Thren. 3. præsertim in cruce. Condoleo tibi, animitus, Patientissime JESU; & accuso imbellem cordis mei teneritudinem; quòd exiguum scommatis, aut discrij alicujus aculeum tanquam lethale telum horreat. Feram tamen amore tui.*

3. **V**ENERARE DEI param V. & considera, quàm intolerabiles illi fuerint tam crassæ contumeliæ, & horrendæ Blasphemie in Christum factæ. Eò magis ipsam afficiebant; quò major zelus gloriæ Christi, per orbem universum, ac imprimis in gente sua, propagandæ, depascebatur viscera ejus, ut verè cum sacro Plalte dicere potuerit: *Zelus domus tue comedit me, & opprobria exprobrantium tibi ceciderunt super me. Psal. 68. Compatior tibi afflictißima Mater, atq; in compensationem aliquam doloris illius, benedicam Filium tuum in omni tempore, magnificabo & glorificabo eum super omnia in sæculorum sæcula.*

Proposui impensius laudandi D. JESUM in compensationem aliquam illarum injuriarum

LECTIO PRACTICA.

Calumnie & Contumeliæ quò graviores, eò fortius ferendæ.

Vix alibi aut major requiritur, aut gloriosior apparet animi fortitudo, quàm in ferendis injurijs Lingvarum. *Nescio, quomodo omnibus re-*

huius amaritudo solent mordere maledicta: inquit S. Chrysostomus hom: 25. ad pop: Multi ad laqueos convolarunt, fame opprobria non ferentes. Rationem affert: Quia alia mala tolerantiam multorum preconiis consolantur: in maledictionibus vero ipsa consolatio subducitur. Qui enim mala fama laborat, indignus creditur bono verbo, dignus supplicio. Deinde plagæ & vulnera, quæ corpori inferuntur, deteriore hominis partem afficiunt: calumniæ & convicia nobilissimam. Unde idem Chrysostomus hom: 31. ad pop: Crede mihi, inquit, pejora sunt, quæ nunc patimur, hæc, quæ Paulus perpeſſus est. Eum illi lapidibus cedebant: sed nunc accidit, ut verbis, quæ lapidibus duriora sunt, feriamur. Novi multos, non ita doloribus dolentes, sicut verborum percussione: illam quidem plagam corpus excipit, istam anima.

Cæteram, dum huiusmodi tormentorum genere nos exerceri contingit: nisi casus aliquis ex memoratis Lect: præcedat: nos urgeat ad defensionem; colligendus est totus animus, & instanter expetenda vis magna gratiarum divinarum, ad sustinendum fortiter. Nam imprimis si purgationem nostri instruamus, & apologias adornemus: si hinc inde solatiola conquiramus; sæpe contingit ex altiore DEI providentia, ut & solatijs destituamur, & omnis defensionis nostræ apparatus proficiat nihil. Ex alia parte evacuat nobis meritum Patientiæ; reatus poenæ per varias culpas contractus, quem heroicâ tolerantia tollere, vel multum minuire poteramus, manet integer; & qui inter Heroes Christianos censeri poteramus, inter gregarios delitescere debemus. Deinde privamus nos valde magnis gratijs & donis, quibus in hac vita incruentos huiusmodi Martyres suos munerari solet DEUS. Quod difficilior pugna; eò gloriosior victoria, pretiosior corona.

B. Henrico Sufoni Ord. Præd: cum per annos complures exquisitis modis macerasset corpus suum, revelavit DEUS: eum ad id temporis solum egisse pedestrem militem suum; deinceps autem promovendum ad Equestrem gradum (ut sup: 21. Feb. relatum) per tria insignia experimenta. Nam *Primò*, inquiebat Dominus, te cæcidisti manibus tuis, macerando corpus; ac tui misertus, cessabas, si volebas. Deinceps flagellum tradam in manus aliorum, qui te pro libitu suo cædent in honore & fama: quæ res longè tibi erit acerbior, quam crux illa acutis referta clavis fuerit dorso tuo. *Secundò*, quamvis te antea acerbissimè affligeris: alijs tamen eras amabilis & gratosus. Sed jam amicorum, quorum florebas gratia, experieris infidelitatem & odia, longè acerbiora corporalibus supplicijs. *Tertiò*, Hucusq; ubera suxisti, velut infantulus nondum ablactatus, atq; in divitiarum dulcedinis affluentia tanquam in pelago natasti. Id posthac neutiquam

quam tibi præsitero: sed præ interna paupertate arescere ac tabescere te sinam: erisq; & à DEO, & ab hominibus derelictus, pariterq; & ab amicis, & ab inimicis immaniter divexaberis. *Et quidquid pro tui consolatione & commodo molitus fueris, prorsus in contrarium abibit.* Sic factum omnino. Nam præterquam quod annis novem graves in fide passus sit tentationes, annis octo tam gravi pressus fuerit tristitia, quasi montem sibi incumbentem haberet; annis decem cogitationibus desperationis de beatitudine sua æterna gravissimè exagitatus fuerit, & horrendis dæmonum apparitionibus vexatus: tam enormes in fama sustinere debuit calumnias, convicia & contumelias, ac si hominum omnium flagitiosissimus esset. Cum autem quidam vir pius commiseratione ductus clamaret pro innocente Sufone ad Dominum: Qui tandè pijsimè DEUS tam acerbam amici tui molestationem ferre potes? Respondit Dominus *Ego illum mihi elegi; ut per afflictiones Unigeniti Filio meo conformetur.* Questus est ipsemet aliquando coram Domino confidenter: Quandoquidem me pati, necesse est Domine; si cruces ejusmodi mihi evenire permitteres, quæ me non dehonestarent: ferrem eas lubens ac lætus. At ea te permittente mihi accidunt, quæ famam meam omnino extingvunt. Erant autem ei damna famæ eò acerbiora, quò magis illâ egeret ad agendum cum proximo, & prædicandum. Sed nihil impetravit. Quocunq; se vertebat, pessimè traducebatur. Unde cum pia quædam matrona ipsi suafisset: ut à Senatu urbis cujusdam acciperet literas, publico sigillo munitas, innocentiz suæ testes, quas secum deportaret: respondit; Si una sola mihi incumberet cruz ferenda: facile me hujusmodi literis tuerer. Atqui ejus generis tot mihi quotidie infestationes occurrunt; ut me rem omnem oporteat DEO comittere, nec quidquam reniti. *Scribit in Vita 25. Jan:*

Fortem hanc in acceptis famæ & honoris injurijs Patientiam, præ cæteris avidius amplecti deberent illi, qui corpus suum, quàmvis non paucarum nozarum causam, macerare nolunt. Cum enim nos oporteat pati cum Christo, & ita intrare in gloriam ejus: si pati nolumus in carne per jejunia, vigilas, castigationes, morbos &c. patiamur saltem verba quædam aspera, & aliqua honoris detrimenta: ne patiendi necessitas in alteram nos sequatur vitâ. *Si pati non vis: recusas coronari:* inquit rectè Kemp: l. 3. c. 19.

XXVII FEBRUARIJ.

DEUS conversos ad se exercet adversis; CHRISTUS & DEIPARA V. dolens,
Fideles vexari à Judæis.

I. Adonæ

1. **A** Dora DEUM O. M. & considera, quomodo eos, qui convertuntur vel ad fidem vel ad vitam probam, vel ad studium majoris perfectionis; plerumq; varijs adversitatibus & tentationibus egregie exercet. Facit, quod militum Præfetti, opificum Magistri, & religiosorum Prælati solent; Tyrones suos in ipso Tyrocinio variè exercentes, & duriuscule habentes: tum ut vexatio det intellectum, tum ut in formam suscepti statûs accuratius redigantur, atq; in ea solidentur. Unde maturè præmonet Spiritus S. per Ecclesiasticum cap: 1. *Fili accedens ad servitium DEI, sit in iustitia & timore; & prepara animam tuam ad tentationem.* Ecce Domine, quàm informis adhuc sim discipulus tuus; cui jam incumberet idoneum agere Magistrum: Ecce ut placet, versa & reversa; donec tandem conformis fiam imagini Filij tui.

2. **A** Dora D. JESUM, & considera, quàm graviter illum affecerit malitia Judæorum; qua persequabantur credentes in ipsum. Nam & affligebant eos, quos ipse ut pupillam oculi sui amabat, sibi imputans, quidquid ex minimis credentium in ipsum factum fuisset, & abstergebant alios, ne ad accipiendam ejus doctrinam confluerent; vel certe notaturai solum essent discipuli cum Nicodemo. Imò conspiraverant, ut si quis eum confiteretur esse Christum, extra Synagogam fieret. Joan: 9. prout factum cæco illuminato. Lazaro resuscitato necem inferre moliti sunt, ne evidentia & magnitudine miraculi converterentur plures, conversi firmarentur in fide. Excita Benignissime JESU, ardentem gloriæ tuæ zelum ut non solum neminem avertam à te vel virtutis studio, sed innumeros convertam ad te, faciamq; tibi populum acceptabilem.

3. **V**enerare DEIpam V. & considera, quantopere & ipsam afflixerit illa Judæorum malitia & persecutio. Inhiberi cursum Evangelij, animarum salutem, & quodammodo partum suum, (Nam & ipsa paritabat Christo fideles & fratres.) non poterat non acerbè dolere. Condoleo tibi, ô Mater Afflictißima, & supplex oro, per illam afflictionem tuam, impetra mihi gratiam, ut in omnem opportunitatem lucrandi animas DEO sim intentus.

Proposium juvandi & fovendi Convertos ad fidem, & Viam perfectionem.

LECTIO PRACTICA.

Quàm foris patientia necessaria sit Convertis ad fidem & Viam perfectionem.

Generale & admodum salubre, monitum est Spiritus Sancti, Eccli: 2. 1. *Fili, accedens ad servitium DEI, sit in iustitia, & in timore: & prepara animam tuam ad tentationem.* Debet hoc attillime insidere animis eorum

rum potissimum, qui relicta synagoga Satanæ, se recipiunt in Ecclesiam Christi; & relicta vitâ imperfectiore, aggrediuntur perfectiorem. Utriusq; non paucæ, nec leves imminet tentationes, quibus à suscepto proposito revocentur: ad quas superandas non solum opus est prævia diligenti præparatione; sed etiam forti constantiq; patientia.

Conversos ad fidem Catholicam videmus passim, cæteris acrius graviusq; exagitari, tum immixtis circa fidem, vel vitam anteaquam scrupulis, tum illatis in bonis fortunæ damnis, tum impastis gravibus calumnijs & convicijs. Contingit autem non raro mirari: cur id fiat? Causa se offert triplex. 1. Rabies dæmonum, indignantium, ereptam sibi prædam, cujus videbantur securi. Cùm enim obstinatus error circa fidem, sit error circa fundamētum salutis: firmissimo teneri videtur laqueo, quem huiusmodi errore dæmō irretitum tenet. Qui ergo miseratione divinâ è talibus laqueis evadunt, non bilem tantum movent Orci satellitibus, sed acerrimum & indefessum studium, sive recuperandi amissam prædam, sive assiduo infestandi, ut ultionem aliquam sumant. 2. Rabies implacabilis sectariorum erga Ecclesiam Catholicam: cujus incrementa vident sua esse detrimenta. Ideoq; omni, qua possunt occasione, & modo, persequi non negligunt deficientes ab ipsis, & illi accedentes. 3. DEUS ipse varias illis tentationes partim immittit; partim permittit, tum ad magis radicandos in fidē, & pietate, tum ad expianda commissa antecederet delicta, præsertim hæsitacionem & tergiversationem per longius tempus, propter humanos quosdam respectus, in amplectenda fidē; tum ut qui novissimè venerunt ad vineam Christi, & non portarunt cum alijs pondus diei & æstus, per fervorem in operando vel insignē patientiam in tolerando, pares fiant alijs; tum deniq; ob alia, nobis incognita, justissima judicia sua.

Eos quoq;, qui à vita improba, vel imperfectiore & tepida in studio virtutum, convertuntur ad perfectiorem & ferventiorem, atq; elustari conantur ad insignem sanctitatē, mirandum omnino est, quantæ excipiunt tentationes & infestationes, ab hominibus & dæmonibus, ab inferioribus, æqualibus, & Superioribus, ab amicis & inimicis. DEUS ipse egregiè & variè eos exercet nunc desolationibus, nunc scrupulis, nunc sinistris interpretationibus gestorum distortumve ab ipsis, nunc infamationibus, nunc infirmitatibus, & miris alijs modis, non aliter: ac opifices exercent vexantq; tyrones suos, præsertim dum ad altiore gradum sunt promovendi.

Cæterum non omnes eodem tempore huiusmodi tentationibus exponit, vel gravioribus Satanæ vexationibus permittit. Quosdam statim initio conver-

sionis exagitari finit: quamdiu scilicet spiritus adhuc fervet; ut animosius resistent. Alios longius jam proventus, vel circa finem vitæ, postquam maturiores, peritiores, & valentiores facti sunt, experimentis illis exponit. Serius an citius, veniet certò tentatio & adversitas. Si Christum impetere ausus est tentator: quomodo finet nos immunes? *Semper observatum est*, inquit S. Theresia Manf. 7. c. 4. *eos, qui Christo Domino viciniore fuerunt, plus alijs laboribus adversis lincinatos, & divexatos fuisse.* Et S. Gregorius lib. 6. ep. 27. *Ego fidenier dico: quia minus pie vivis: si minus persecutionem pertuleris.*

Quamdiu in mundo sumus, sine tribulatione & tentatione esse non possumus, inquit Kempens. lib. 1. c. 13. Unde in Job scriptum est: Tentatio est vita hominis super terram. Non est homo securus à tentationibus, quamdiu vixerit: quia in nobis est, unde tentamur, ex quo in concupiscentia nati sumus. Nullus Sanctus fuit tam altè raptus, & illuminatus: qui prius vel postea non fuerit tentatus. Quidam in principio conversionis suæ graviores tentationes patiuntur; quidam autem in fine; quidam verò quasi per totam vitam suam habent: nonnulli satis leniter tentantur, secundum Divinæ ordinationis sapientiam & æquitatem: quæ statum & merita hominis pensat, & cuncta ad Electorum suorum salutem præordinat. Sunt autem tentationes homini sæpe valde utiles, licet molestæ sint & graves: quia in illis homo humiliatur, purgatur, & eruditur; & ibi majus meritum existit, & virtus melius patet. Ita ille,

Senex quidam in Vitis Patrum lib. 3. dixit ad alium: Ego jam mortuus sum mundo. Sed alter reposuit opportunè: Ne confidas in te ipsum, donec egrediaris de corpore hoc. Nam etsi tu dicas: quoniam mortuus sum, diabolus tamen necdum est mortuus, cui innumerabiles sunt artes nocendi. Proinde quisquis DEO vivere destinasti: juxta monitum S. Spiritus, maturè *prepara animam tuam ad tentationem*; circumpiciendo, quæ parte sis debilior, & tempore pacis comparando arma, quibus utaris in bello. DEI auxilio, & Forti patientia armatus *sta in justitia & in timore.* Post tribulationes non deerunt solatia, post pugnas coronæ.

XXVIII. FEBRUARIJ.

DEUS dedit nobis Christum in vitam: CHRISTO immutatur mors:

DEI paræ V. dolor inde.

I. A Dora DEUM O. M. & considera, quàm sollicitus ab æterno fuerit de salute nostra; quàm varia & præstantia in tempore adhibuerit media, ad nos vindicandos à morte æterna: quantà charitate dederit nobis Christum,

Christum, ut per eum vitam habeamus. Joan: 10. quam amanter & magis materno, quam paterno affectu expostulat cum Judæis Ezech: 18: *Et quare moriemini domus Israel? Quia nolo mortem morientis, dicit Dominus DEUS: revertimini & vivite.* Ecce dedi vobis Salvatorem, Medicum, Magistrum, Fratrem, Vitam; quare moriemini? Salvare potest & vult, pro nihilo vos salvos faciet; quare moriemini? Misericordissime DEUS, quam dulcis est tua erga nos dilectio, qui Filium nobis dedisti in Salutem & Vitam? Dignissimi sumus morte æternâ, si tibi vivere nolumus, & insani nos præcipitamus in mortem.

2. **A** Dora D. JESUM; & considera, tristem ejus inter homines sortem. Datus nobis in vitam æternam & divinam, non potuit secure frui vitâ suâ temporali. Eo ipso, quod verba vitæ æternæ haberet, & spargeret, in necem suam concitavit impios Judæos. Jam satellitibus immixtis captivare conabantur concionantem Joan: 7. Jam sublati lapidibus obruere studebant, etiam in templo: Joan: 8. & iterum Joan: 10. jam ipsi Pharisei infestas manus ei injicere parabant; jam patriotæ sui, Cives Nazarethani, apprehensum ejecerunt ex civitate, & ex supercilio montis præcipitare nitentur. Luc: 4. Amabilissime JESU, in quæ tempora, in quos mores incidisti? Reddiderunt tibi improbi mala pro bonis, odium pro dilectione tua. O si saltem à Christianis, ac imprimis à me ipso, melius habereris, & majorem gratitudinem experireris.

3. **V**enerare DEIPARAM V. & considera: quo animi & Materni cordis sensu acceperit hujusmodi pericula & infestationes Filij. Nūquid cogitabat: post talia præludia, quàm tragicus secuturus esset exitus? Quàm libenter ipsa pro illo caput suum objecisset? Molestissimum sanè ei erat, in medio latronum eorum quasi inter feroces belluas, & quotidiana Filij pericula vivere. Sed jam periculis & sollicitudinibus perfundata in populo honorificato clientum tuorum inhabita, ô Domina, & in electis DEI, ac imprimis in me servulorum tuorum infimo, solidas, mitte radices.

Proposui de patienter ferenda Ingratitudine eorum (præsertim N.) quibus bene fecimus.

LECTIO PRACTICA.

Benefaciendum etiam Ingratis.

Nihil ita obstruit fontem beneficentiæ & liberalitatis, ac Ingratitudo. S. Bernardus serm. 52. in Cant: *Ingratitudo, inquit, ventus urens, sicans sibi fontem pietatis, rorem misericordiæ, fluentia gratiæ.* Et serm. 2. de Evangelio 7. panum: *Ingratitudinem prorsus odit anima mea. Peremptoria siquidem*

res est ingratiundo, hostis gratiæ, inimica salutis. Dico ego vobis: quoniam pro meo sapere nihil ita displicet DEO, præsertim in filiis gratiæ, in hominibus conversionis, quemadmodum ingratiundo. Vias enim obstruit gratiæ. Vulgari quoq; parcemiâ conelamatum est: *Ab ingratis tolluntur beneficia.*

Sed quumvis hæc sit vox populi; non tamen est vox DEI nostri. Ipse enim cum & verbo & exemplo doceat: Dilectionem & Beneficentiam extendendam esse etiam ad inimicos; Ego autem dico vobis. *Diligite inimicos vestros: benefacite his, qui oderunt vos; & orate pro persequentibus & calumniantibus vos:* Matt. 5. utiq; etiam ingratos non vult exemptos à sorte eorum, quos dilectioni & beneficentiæ nostræ commendat? Verbis quotidiana addit beneficentiæ exempla, dum super bonos & malos facit oriri solem suum; & pluit super iustos & iniustos. Quicumq; enim mali, & iniusti; utiq; & ingrati sunt erga DEUM? Si desideramus expressa & palpabilia divinæ beneficentiæ in ingratos argumenta: recolamus, quanta fecerit ingratissimo illi populo, cui exprobravit Moyses Deuter. 32. *Hæcine reddo Domino popule stultic & insipiens? Numquid non ipse est Pater tuus &c?* Et Dominus ipse per Isaiam c. 5. *Quid est, quod debui ulera facere vineæ meæ, & non feci? An quod expectavi, ut faceret uvas & fecit labruscas?* Rursus per Jeremiam c. 18. *Numquid redditur pro bono malum? Quia foderunt foveam animæ meæ?* Et per Psalmographum Psal. 34. *Retribuebant mihi mala pro bonis; sterilitatem animæ meæ.* Ego attuli fecunditatem, ipsi retribuebant sterilitatem: ego honorem, ipsi contumelias: ego medicinam, ipsi vulnera: ego vitam, ipsi mortem: inquit ibid. Augustinus. Et tamen etiam hanc ipsam sterilitatem, has contumelias, hæc vulnera, ipsamq; mortē convertit in bonū illorum: si illis uti voluissent.

Est equidem perarduum, & planè divinum; beneficium esse etiam in ingratos: ut meritò dixerit Seneca lib. 4. de benef. c. 14. *Si Deos imitari, da etiam ingratis;* eluctati sunt tamen homines, etiam à vera fide alieni, ad hoc fastigiū virtutis. De Augusto Cæsare scribit Suetonius: quod Cinna ex hoste recepto in gratiam, necem tamen sibi molienti liberalissimo animo scelus condonaverit, dicens: *Cinna iterum tibi do vitam; prius hosti, nunc insidiatori, & parricide.* Quin & consulatum ei obtulit, & perpetuū habuit amicissimum. Numquid Christianus, nedum Religiosus, non assurgat eò, quod evasit gentilis? Ad altiora nos vocat Christus. Cum enim Petrus rogasset Matt. 18. *Domine quoties peccabo in te frater meus, & dimittas ei? Usq; septies?* Nam, ut habet S. Lucas c. 17. Christus dixerat: *si septies in die peccaveris in te, & septies in die conversus fueris ad te dicens: Pœnitet me; dimittit illi.* Respondit JESUS Petro: *Non dico tibi usq; septies; sed usq; septuagies septies.* id est toties, quoties

es, quoties. Unde S. Augustinus serm. 15. de verbis Domini: *Audeo dicere, inquit: Esi septuagies octies peccaveris, ignosceas. Et si centies: & omnino quoties peccaveris, ignosce. Si enim Christus milia peccatorum invenit, & tamen omnia donavit; noli subducere misericordiam. Aut enim Apostolus: Donantes vobismet ipsis, si quis adversus aliquem habet querelam: sicut DEUS in Christo donavit vobis. Quamvis post sæpius datam veniam repetita culpa multum exaggeret ingratitudinem: nihilominus impertiendū beneficium remissionis. Nec solum dimittenda culpa, verum & reali aliqua gratiā seu munere testanda reconciliatio, non tam exemplo Augusti, quam ipsius DEI: qui quoties remittit offensam, toties infundit justificationis gratiam.*

Nec existimandum: sterilem esse & infructuosam erga ingratos beneficentiā. Imò tanto est fructuosior, quanto minor apparet spes gratitudinis. Recolamus, quod suadet Christus Luc. 14. *Cum facis prandium, aut cenam; noli vocare amicos tuos, neq; fratres, neq; cognatos, neq; vicinos divites (idem est de alijs, à quibus sperari potest compensatio, seu gratitudo) ne forte & te ipsi reinvitent, & fiat tibi retributio. Sed cum facis convivium, voca pauperes, debiles, claudos & cecos: & Beatus eris; quia non habent retribuere tibi. Retribuetur enim tibi in resurrectione justorum.* Unde refert S. Chrysostomus in Catena: *Igitur non inveniemur, cum non recipimus beneficij compensationem: sed cum receperimus. Quia si receperimus: non amplius recipiemus illic; sed si homo non retribuat; tunc tibi retribuet DEUS.* Retribuet autem non tantum juxta proportionem dati beneficij, sed etiam insignis victoriæ, quam de te ipso retulisti, benefaciendo ingrato.

Eximia in hujus beneficentiæ exercitio fuit S. Catharina Senensis, quæ pauperem morosam, mordacem & ingratiſſimam fœminam domi alebat; & licet ab ea gravissimè infamaretur, omni eam officiorum genere colebat. S. Joannes Eleemosynarius cum pauperi petenti jussisset dari decem nummos æreos: is indignatus de modica eleemosyna in gravia erupit convicia. Famulos plagas homini inferre parantes cœdēquit Sanctus dicens: *Sinite eum fratres. Habeo ego 60 annos, per opera mea blasphemans Christum: & unum convivium non portabo ab isto? Præcepit ergo conviciatori dari sæcūlum: ut sibi sumeret, quantum vellet.* *Leonius in Vita S. Joan:*

XXIX. FEBRUARIJ.

DEUS quā graviter sit offensus contumaciā Judæorum tempore Predicationis CHRISTI: Hujus & Mariæ ejus dolor inde.

I. **A** DORA DEUM O. M. & considera: eum ex altissimis & æquissimis causis non raro magnos labores, quantumvis sincere, & naviter pro

sua gloria susceptos, exiguo solari fructu. Noë centum annorum prædicatione, & lingvâ & manu in ædificatione Aræ profecit nihil. Elias, Isaias, Jeremias. &c. zelosissimi Prophetæ, Christus ipse, quam modicum prædicatione laboriosissima pepererunt fructum? Contingit id passim, vitio auditorum, non admittentium vel repellentium verba vitæ; & foedissimis moribus indignos se reddentium efficacibus gratijs divinis. Unde act. 13. Paulus & Barnabas *constanter dicebant Judæis: vobis oportebat primum loqui verbum DEI: sed quoniam repellitis illud & indignos vos indicatis æternæ vitæ, ecce convertimur ad gentes.* Ipsorum quoq; operariorum intuitu DEUS negat non raro fructum optatum, quod vel non præstent ex parte sua, quæ præstanda erant, vel modum non servant debitum, vel ne cumulado fructu, evanescant gloriola aliquâ; deniq; ut frequentius, & ardentius, per orationem, sibi & auditoribus suis conciliare studeant gratias efficaces. Benignissime DEUS, utinam in conspectu tuo pleni inveniantur labores mei! fructum tibi committo.

2. **A** Dora D. JESUM & considera: quam parvus responderit fructus tam publicæ ipsius prædicationi, quam familiaribus ejus doctrinis. Se ipsum descripsit in illa leminantis parabola. Mat. 13. spargebat longè latèq; semen purissimum, optimum, divinum, sed vix quarta pars fructum tulit, non defectu seminis vel leminantis, sed vitio terræ. Quæ pravitas hominum non poterat non esse summo dolori optimo Magistro; præsertim, quando audivit, & vidit, auditâ doctrinâ suâ, alios alienari à se, alios scandalum sumere: ut cum Mat. 15. accesserunt ad eum discipuli dicentes: *Scis: quia Pharisei, audio verbo hoc, scandalizari sunt?* Dolebat cœlestis medicus, tam pretiosam Medicinam vel per fastidium repelli, vel vitio stomachi verti in venenum; adeoq; sibi ingeminandum esse illud Jerem. 51. *Caravimus Babilonem & non est sanata: derelinquamus eam.* Vide anima mea, ne per contemptum aut neglectum divinarum inspirationum, aliarumq; salubrium instructionum similis lètentis fulmen merearis, & evadas in carbonem desolatorium. Parce Magister optime; audit, & paret servus tuus.

3. **V**enerare DEI param V. & considera: quanto cum gustu exceperit cœlestem Filij doctrinam; tum quia sciebat ex quo fonte fluere, tū quia tenerrimè amabat docentem: *Quam dulcia faucibus meis eloquia tua: super mel ori meo!* ingeminebat cum Patre suo Davide Psal. 118. stupebatq; & dolebat, reperiri inullos homines, quibus non saperet, imò stomachum moveret divinum illud nectar & manna. Dolebat tam multos divini verbi contemptores, non ex DEO sed ex Patre Diabolo esse. O Domina, corrige palatum etiam animæ meæ, ut majorem gustum habeat in doctrina Christi.

Fac;

Fac: ut semen, verbi Divini centuplum in me fructum ferat.

Proposium obedienter exprimendi doctrinas & monita salutaria.

LECTIO PRACTICA.

Superiorum & Prædicatorum doctrina & jussa excipienda, ut ipſius DEI.

Argumentum, quo moveamur, ut nos sine contradictione & tergiverſatione morigeros præbeamus ijs, qui cum potestate præſunt, vel docent; nullum habemus efficacius: quam ſi in ipſis perſonam DEI, ſeu Chriſti, cujus vices agunt, intueamur. Declarat & demonſtrat id latè ac ſolidè Alphoſus Rodriquez in Exerciti: Perſi: tom. 3. tr. 3. c. 11. & ſeqq. Sufficere poſſunt, ſi maturè expendantur, ea; quæ S. P. N. Ignatius in aurea Epistoſa ſua de obedientia, in hanc rem adfert. Inprimis hanc agnitionem Chriſti D. in Superioribus, vult eſſe ſignaculum quoddam diſcretivum perſonarum Societatis ab alijs obedientia præſtantibus ſuis Moderatoribus. Deinde offendit hanc Agnitionem non eſſe commentum quoddam Alſetarum, ſed in ſcripturis Divinis manifeſte fundatam eſſe.

Ab alijs, inquit, Religioſis Ordinibus facilius patiamur ſuperari nos jejunijs, vigilijs, & cætera victûs cultusq; aſperitate, quam ſuo quicq; ritu ac diſciplinâ ſanctè ſuſcipiunt: verâ quidem ac perfectâ obedientiâ, abdicatio- neq; voluntatis atq; judicij, maximè velim, Fratres chariſſimi, eſſe conſpici- eos quicunq; in hac Societate DEO Domino noſtro deſerviunt: ejuſdemq; Societatis veram germanamq; ſobolem hac quaſi notâ diſtingvi; qui nunquam intueantur perſonam ipſam, cui obediunt; ſed in ea Chriſtum D. cujus cauſâ obediunt. Siquidem ſuperiori, nec ſi prudentia, bonitate, cæte- riſve quibuſlibet Divinis donis ornatus, inſtructuſq; ſit, propterea obtem- perandum eſt: ſed ob id ſolùm, quod vices gerat DEI, ejuſdemq; auctoritate fungatur, qui dicit (Luc. 10.) *Qui vos audit, me audit; & qui vos ſpernit, me ſpernit.* Nec contra ſive conſilio aut prudentia minus valeat, quidquam ideo de Obedientia remittendum quatenus ille ſuperior eſt: quando illi- us perſonâ refert, cujus ſapientia falli non poteſt; ſupplebitq; ipſe, quidquid miniſtro defuerit: ſive probitate alijsq; ornamentis careat; ſiquidem diſer- tis verbis Chriſtus D. cum dixiſſet, *Super cathedram Moysi ſederunt ſcribæ & Phariſei, protinus addidit: Omnia ergo, quæcunq; dixerint vobis, ſervate, & facite: ſecundùm opera verò eorum nolite facere.* Quocirca ſedulo vos in eam curam atq; exercitationem incumbere cupio: ut Chriſtum D. in ſupe- riore quolibet agnoſcere ſtudeatis, in eoq; divinæ Majæſtati reverentiam atq; obedientiam ſumma cum religione præſtare. Quod vobis minus mirum videbitur; ſi animadvertentis: præceptum eſſe ab Apoſtolo, ut ſuperiori- bus

bus etiam sæcularibus ethnicisq; pareamus ut Christo, ex quo omnis potestas bene instituta descendit. Sic enim scribit ille ad Ephes. cap. 6, *Obedite Dominis carnalibus cum timore & tremore, in simplicitate cordis vestri, sicut Christo: non ad oculum servientes quasi hominibus, sed ut servi Christi, facientes voluntatem DEI ex animo, cum bona voluntate servientes, sicut Domino, & non hominibus.* Ita S. P. N. in ea epist.

Idem inculcavit sæpius in Constitutionibus: ut p. 3. c. 1. §. 23. *Expedis imprimis ad profectum, & valde necessarium est; ut omnes perfectæ obedientie se dedant, Superiorem (quicumq; ille sit) loco Christi Domini agnoscentes, & interna reverentiâ & amore eum prosequentes.* Et §. 24. *Assuescunt, non innuere, quis ille sit, cui obediunt: sed potius quis ille, propter quem obediunt, qui est Christus D.* Secutus est S. Ignatius in hac doctrina S. Basilium Constit. Monast. c. 23. & S. Benedictum, cujus sententiam refert S. Bernardus lib. 3. de disp. & præcept. additq; vulgatam illam apud religiosos gnomen: *Sive DEUS, sive homo, vicarius DEI mandatum quodcumq; tradiderit; pari profecto obsequendum est cura, pari reverentiâ deferendum: ubi tamen DEO contraria non præcipit homo.* Nimirum homines per homines vult docere & regere DEUS.

Hæc quàmvis præcipue concernant Religiosos, pertinent tamen etiam ad sæculares, maxime Ecclesiasticos, respectu Superiorum & Prælatorum suorum. Oracula enim Evangelica & Apostolica, in quibus fundatur doctrina illa Ascetica, procedunt universaliter: imò Apostolus loco cit: & alibi, expressè & directe loquitur ad sæculares subiectos dominis sæcularibus, etiam ethnicis. Deinde quod dicitur de Superioribus; ut in illis intueamur Christum, tanquam in vicarijs ejus: cadit etiam in Prædicatores. Nam & ipsi agunt vices Christi, dum non suos æreos conceptus, sed solidum DEI verbum prædicant, salutemq; promoveant animarum. Sicut ergo nemo est etiã sæcularium; qui, si Christus ei loqueretur in persona propria, & quidpiam quantumvis arduum, demandaret; non totis viribus, & summa reverentiâ incumberet in executionem: ita par est, ut idem præstemus, dum agit per vicarios suos. Non minus, imò plus meriti hinc colligere possumus.

I MARTII

DEUS labores CHRISTI, & Matris ejus curas Passione muneratur.

I. **A** DORA DEUM O. M. & considera quod quàmvis naturâ suâ sit liberissimus, & planè profusus bonorum suorum; Filij tamen sui exantlatos in prædicatione labores, & Matris ejus curas multorum annorum circa eundem, eo potissimum præmio in hac vita munerari voluerit ut plu-

ut plurima & gravissima paterentur. Exercet idē genus remunerationis plerumq; etiam circa servos suos fideiiores magisq; strenuos. Non enim exiguus honor est, pro DEO pati. Act. 5. *Ibani*. Apostoli, *gaudentes à conspectu concilij: quoniam digni habiti sunt, pro nomine JESU contumeliam pati*. Et Paulum animaturus Christus, hoc illi laborum proposuit præmium per Ananiam. Act. 9. *Ego enim ostendam illi, quanta oporteat eum pro Nomine meo pati*. Vident jam, vocati ad Apostolicos labores, quod præmium illos maneat in hac vita, si strenuè laboraverint. O Domine, numquid melior sum patribus meis, & Domino meo: ut delicatius haberi velim? Absit à me.

2. **A** Dora D. JESUM & considera, quam prono promptoq; animo hoc stipendium, seu præmium gravissimorū laborum suorum exceperit. Omnia illi pretiosissima & dulcissima erant, quæ de manu Patris veniebant; quæ etiam crucibus, splendorem, pretium, & dignitatem conciliare novit. Unde non semel Petrum talium donorum adhuc rudem, repulit: *Calicem quē dedis mihi Pater, non bibam illum?* Joan. 18. Et acrius, Mat. 16: *Vade post me Satana, scandalum es mihi, quia non sapis ea quæ DEI sunt*. Respice jam Anima mea, Christum Filium DEI, flagellatum, spinis coronatum, cruci affixū; & puta, tibi inclamari illud Esther 6. *Sic honorabitur, in hac vita, quemcumq; volueris Rex cœli & terræ, honorare*. O si & me hoc dignareris honore, Rex meus & DEUS meus! sed adde fortem patientiam.

3. **V**ENERARE DEIPARAM V. & considera: quā alacri, constanti, gratoq; animo exceperit & ipsa similem maternarum curarum & laborum suorum remunerationem. Nihil illi magis in votis erat, quā conformari exactissimè Filio suo. Et quia Princeps erat Prædestinatorum ad gloriam æternam; decebat quoq; eam conformissimam fieri Imaginis Filij sui patientis. Obfirma & mihi animum, ô Mater dolorosissima: ut hujusmodi divinam remunerationem non averser, sed avarus expetam; & gratus suscipiam dolores pro laboribus, cruces pro crucibus.

Proposium de adversis alacri animo vulnq; excipiendū.

LECTIO PRACTICA.

Adversa, ut laborum præmia in hac vita, expetenda.

Placuit sermo coram Domino: quodd Salomon ad factam sibi liberalissimè copiam, petendi à Domino, quod vellet; non aliud petierit, quā *Sapientiam ad discernendum judicium*. 3. Reg. 3. Celebratur etiam prudentissimum responsum D. Thomæ Aquinatis; quodd rogatus à Christo, quā vellet mercedem pro bene scriptis de ipso? responderit: *Non aliam Domine nisi Te*. Sapienter. Nam ut optime scripsit S. Paulinus epist. ad Aprum: *sibi habeant li-*

ceras suas Oratores; sibi habeant sapientiam suam Philosophi; sibi divitias suas divites; sibi regna sua reges: nobis gloria, & possessio, & regnum Christus est. Imò tota summa; beatitudo, temporalis & æterna, Christus est. Ego eximium quiddam, & huic vitæ statui convenientissimum, suspicio in responso ad similem quæstionem dato à B. Joanne à Cruce, Carmelitarum Excalceatorum Patre. Cum multis exhaustis laboribus & ærumnis Segobiaz, familiaris loqueretur cum DEO, seq; ab eo interrogari persentisceret: quodnam præmium pro his laboribus peteret? respondit: Domine, Pari & Coniemni pro Te. Lyræus in Apophtegma: Quid magis heroicum dici potuit? Quid gratius Domino? Quid ipsi petenti vel utilius, vel gloriosius? Sed quid etiam rarius: quam in præmium laborum, ærumnarum, & mille adversitatum toleratarum, petere Cruces?

Non placet mundo, nec congruum videtur, hoc præmium: nec æstimant illud, nedum appetunt, qui ut gregarii serviunt DEO; sed placet, & summe æstimatur, & ardentè expetitur ab Heroibus militantibus Christo. Nec Christus quemvis proborum dignatur hoc præmio. Collatum sibi, & Matri suæ, à Patre (ut in Meditatione notatum) non cuilibet communicat: quia non quis novit pretium ejus. Obtulit illud Apostolis suis: & ipsi ibam gaudentes à conspectu concilij, quoniam digni habiti sunt, pro nomine JESU contumeliam pati. Quid verò pro ipsa contumeliarum aliarumq; persecutionum perpessione contulit illis præmij in hac vita? Petro, Ananæ & Philippo Crucem, Paulo & Jacobo gladium, Simoni ferram, & alia similia alijs.

Olim, cum DEUS arduum quidpiam imponeret fidelioribus servis suis; larga simul, opulenta & splendida morigeris pollicebatur præmia, Benedictionem amplissimam, etiam in temporalibus, exaltationem nominis &c. ut patet in Patriarcharum Primatu Abrahamo; cui cum Gen. 12. dixisset: Egredere de terra tua, & de cognatione tua, & de domo patris tui, & veni in terram, quam monstravero tibi; adjunxit mox illicium: Faciamq; te in gentem magnam, & benedicam tibi, & magnificabo nomen tuum eri; q; benedictus. Benedicam benedicientibus tibi, & maledicam maledicentibus tibi: atq; in te benedicuntur universæ cognationes terre. At in lege nova novo utitur stylo. Cum Paulum assumpsisset in Vas electionis, ut portaret nomen suum, non per solam Palæstinam, sed coram gentibus & regibus & filiis Israel: vide qualibus eum cumulat promissis. Ego, inquit, ostendam illi, quanta oporteat eum pro nomine meo pati. Act. 9. Hæc digna Paulo illecebra, qua trahatur; hoc competens, quo muneretur, præmium.

Alterum quoq; Apostolum, Franciscum Xaverium, cum non in terram sanctam,

II. MARTII.

308

Etā, sedē terra sancta, Italia, educeret Dominus usq; ad fines mundi, ad gentem convulsam & dilaceratam, ad populum terribilem, post quem non est alius; quibus, quam splendidis & opulentis oneravit promissis, invitavit præmijs? Indum aspectu fœdum & horribilem, pondere graviolem saxo, ei ostendit humeris bajulandum decennio. Ad hæc Cruces monstravit, non solum in India & Japonia natas, sed etiam cœlo deciduas. Quorum cūm pretium & honorem probē nonet Xaverius; non solum avide arripuit oblatas, sed mira aviditate plures grandioresq; expetebat.

Moveat alios, ad terrā suā, & cognationē suā deferendā promissū Centuplā in hoc sæculo, & vita æterna in futuro: incitent alios ad paupertatem Evangelicam amplectendam, ad labores pro Christo suscipiendos & exantlandos, promissā inter Judices orbis cathedræ, erecti inter Angelos throni, paratæ in cœlis epulæ, & gloria æterna: Viros Apostolicos validius incitant ad quosvis pro Christo labores & dolores, ipsa laborum gravitas, dolorum acerbitas, tribulationum varietas, tormentorum immanitas. Crux est illis & materia meritorum, & præmium dolorum, & summa votorum. Felix, quem DEUS hoc præmio dignum censet. Nam ut præclare dixit Elias Cretensis Orat. 23. *Qui pro DEO patitur, futura DEificationis pignora jam accepit.* Et hæc pignora non sunt otiosa in anima, ut gemmæ in annulis, aut annuli in digitis: sed ut docet Apostolus 2. Cor. 4. *Momentaneum & leve tribulationis nostræ, supra modum in sublimitate æternæ gloriæ pondus operatur in nobis.* Non dixit: Operabitur in cœlo; sed jam operatur, & quidem in nobis, idq; æternæ gloriæ pondus. Gloriosissimi igitur sunt, & quidem gloriā non vanā, sed in qua æternum pondus: qui digni habentur DEI, & virtutis causā, multa & gravia pati. Quod aliud præstantius desideremus in hac vita præmium pro laboribus & doloribus nostris? Sufficiat nobis nunc corona spinea, sceptrū arundineum.

II. MARTII.

*A DEO & Concilio Judæorum decernitur Mors Christi: DElpara V.
offerri eum in victimam Paschalem*

1. **A**dora Deum O. M. & considera: cur, cūm facile potuerit, & quibusvis Christi actus sufficiens ex se fuerit ad satisfaciendum pro peccatis nostris; non aliter nos redimi, & salvari voluit, quā per mortem ipsius? 1. Ut eō evidentius summam suam erga nos charitatem demonstraret. Commendat charitatem suam DEUS in nobis: quoniam cūm adhuc peccatores essemus secundum tempus, Christus pro nobis mortuus est. Inquit ad Rom. 5. A-

II. MARTII

309

postolus. 2. Ut ostenderet mortiferum fuisse vulnus, quod à serpente accē-
pimus. 3. Ut magis pateret rigor justitiæ divinæ; & ingenium sapientiæ
Divinæ morte vitæ operantis. 4. Ut majorem ostenderet potentiam in
resurrectione Christi: magisq; confunderet hostes ejus. Adoro æquitatem
& sapientiam consilij tui. O. M. DEUS: & supplico humillimè ut tam
pretiosa mors sit mihi in vitam.

2 **A**dora D JESUM & considera Concilium malignantium adver-
sus eum celebratum Joan. 11. à Pontificibus & Phariseis. *Quid
facimus? quia hic homo multa signa facit?* Non promovent quæstionem: an er-
go sit credendum in eum? nec de salute sua & scripturarum intellectu sunt
soliciti; sed de Republica. *Si dimittimus eum sic: omnes credent in eum.* Nū-
quid temere? *Et venient Romani & tollent nostrum locum,* templum scilicet cum
urbe, & gentē. Convicit omnes ratio statūs politici: iveruntq; mox in sen-
tentiam Caiphæ Pontificis: *Expedi, ut unus homo moriatur pro populo, &
non tota gens pereat.* Expediebat sanè sed non ex ratione illa politica, verum
ex æterna ordinatione divina, & summa necessitate totius generis humani.
Sic miseros nos occupavit & dementavit cura rerum temporalium: ut ad eas
salvandas non dubitemus & Animæ propriæ & DEI salutem facere.

3 **V**enerare DEIPARAM V. & considera: quam humiliter, ferventer &
frequenter solita fuerit, imminetibus festis Paschalis, offerre Fi-
lium suum in victimam Paschalem & propitiationem pro peccatis nostris.
Agnum scilicet sine macula, cujus sanguine liberandi essemus seu defenden-
di ab exterminatore Angelo. Offer eundem etiamnum pro me Gratiissima
Mater; ut per illum felix mihi contingat Pascha, seu transitus ad beatam
immortalitatem.

Proposuit de sapientiæ offerenda DEO Morte Christi, & Mortificatione nostra.

LECTIO PRACTICA.

De assumendo serio Mortificationis propriæ studio.

SI nullo alio urgeremur stimulo ad iterum Mortificationis propriæ studiū
Mors acerbissima, cui propter nos Pater æternus addixit Filium suum
Unigenitum, & hic promptissimè se subiecit amore nostri; irrefragabiliter
nos ad illud impellere deberet. Paucorum est felicitas: quod cruenta morte
propter Christum illata, possint eidem aliquatenus respondere, & gratificari;
at omnibus licet, imò necesse est, in se ipsis mortificare, & quodammodo
vivis tollere Veterem Hominem; id est, se ipsos, viventes secundum vetera
prava cordis sui desideria, & insolentes motus passionum, seu concupiscen-
tiarum suarum.

Nihil

Nihil DEO est gratius, nihil nobis utilius, aut necessarium magis. Nam ut ait S. Ambrosius lib. 3. de Virginib: *Qui dominari nescit cupiditatibus; is quasi equus rapiatur indomitus, voluitur, obieritur, laniatur, affligitur.* Et Spiritus S. per Ecclē: c. 18. *Si prestes anime tue concupiscentias ejus: facies te in gaudium inimicis tuis.* Christus quoq; Matt: 11. satis expressit necessitatē mortificationis, dicens: *Regnum cælorum vim patitur, & violenti rapiunt illud:* utiq; qui non alijs, sed sibi ipsis violentiam inferunt, cōducendo, & supprimendo confurgentes intra se pravos motus, rationi & DEO rebelles. Qui hanc inferre sibi violentiam negligit: non solum regnum cælorum non occupabit, sed ad inferni supplicia sine dubio abripietur. Quanquam abripi eum à dæmonibus necesse non est, qui ultro per insolentiam suam se illuc præcipitat. Cui extremo malo ut maturē nos subducamus: Mortificationi propriæ ut serio & indefesso studio incumbamus, oportet.

Advertendum autem 1. Mortificationem non tam consistere in externa maceratione corporis; quam in domandis pravis affectibus. Potest enim aliquis valde esse addictus jejunijs, vigilijs, cruentis sui castigationibus; & tamen esse effusus in iram, libidinem & similes affectus. Isti sunt, qui ipsum concitant corpus & membra ejus, juxta illud Jacob 4. *Unde bella & lites in vobis: nonne ex concupiscentijs vestris, quæ militant in membris vestris?* Quamvis enim in exhausto corpore ita ferocire non possunt, ut in succulento: vivunt tamen, & rationi bellum movent, nisi alijs modis magis domentur. Nam & Apostolus corpus indulenter non habebat: & tamen queritur Rom. 7. *Condelector legi DEI secundum interiorem hominem: video autem aliam legem in membris meis, repugnantem legi mentis mee.* Quod si in corpore laboribus, vigilijs, jejunijs attrito adhuc spirabant inordinati aliqui affectus: quomodo non ferocient, & regnabunt in delicate habito?

Advertendum 2. dūm dicitur; incumbendum nobis esse Mortificationi: non requiri, ut passiones & affectus sensuales omnino opprimamus, seu extinguamus ita; ut nullos, etiam primos, quod ajunt, eorum inordinatos motus sentiamus. Id enim naturaliter impossibile est: ut ex SS. Patribus docet Lancelius Opus. 4. c. 7. nec utile nobis esset; siquidem multis privaremur meritis. Solum igitur requiritur: ut continuē eis supprimendis studeamus; ut non magis nocere nobis possint, quam si penitus extincti & extirpati essent. Imitandus nobis industrius hortulanus: qui cū herbas quasdam, & virgulta, nimidū luxuriantia, radicitus extirpare non possit: continuē ea succidit, ubi aliquantum emerierint,

Imitandi principes & reges; qui dum rebelles subditos non possunt (nec

expedit) exscindere omnes: in capita rebellium advertunt severius; reliques autem ita stringunt, & enervant; ut deinceps insolere non facile possint. Sic nobis procedendum cum insolente turba passionum nostrarum, cujus Capita sunt Sensualitas & Appetitus concupiscibilis cum Irascibili, seu Vetus homo. Exultat DEUS, dum videt, nos alacriter fortiterq; insurgere in communes hosce hostes, & novo Homini Christo fideliter militare contra Vetrem & concupiscentias ejus. Classicum egregie canit contra illum Bernardus apud Rodriq. p. 2. tr. 1, c. 4. Exurgat DEUS: cadat armatus iste: cadat & coneratur inimicus homo, contemptor DEI, amator sui, amicus mundi, servus diaboli. Quid tibi videris? Certe si recte sensu, mecum dices: Rem est mortis, Crucifigatur: Crucifigatur!

III. MARTII:

DEVS voluit pro omnibus mori CHRISTVM: Judei, quam sollicitè ipsum quesierant ad mortem: Matris dolor.

1. **A** Dora DEUM O. M. & considera, quantæ curæ illi fuerit salus omnium hominum, quandoquidem Christum mori voluit non tantum pro gente Judaica; prout Caiphas prædixerat. Joann. 11. sed ut Filius Dei, qui erant dispersi per totum mundum, congregaret in unum; in unam Ecclesiam: prout S. Joannes addidit ibidem. Imò, ut amplius explicuit in sua ep. 1. cap. 2. Christus est positus propitiatio pro peccatis nostris: non pro nostris tantum; sed etiam pro totius mundi. Et Apostolus 2. Cor. 6. Pro omnibus mortuum est Christus. Stupenda misericordia Dei! Prævidit certissime, plurimis ex hominibus, ipsorum vitio, non profuturam mortem Filij sui, & tamen eam etiam pro ipsis suscipi voluit! O Pater misericordiarum, quis jam peccatorum desperet de salute sua, cui constat de Bonitate tua? Voluisti Filium tuum mori pro me; per vulnera & mortem ejus salvame.

2. **A** Dora D. JESUM & considera, quam sollicitè eum Judæi quesierunt ad mortem, tractantem tunc sollicitissime negotium salutis nostræ cum Patre. Post latum in Concilio decretum de ejus nece; Ab illo ergo die cogitaverunt, ut interficerent eum; Joann. 11. Pridem id mente agitarunt; sed tunc toti erant in ea cogitatione. Impatientes mortis, quærebant: Quid paratis, quia non venit ad diem festum? scilicet tam mature, ut alias solebat. Dederunt autem Pontifices & Pharisei mandatum: ut, si quis cognoverit, ubi sit, indicet, & apprehendant eum. Ubi verò paulò post viderunt: JESUM inter festivas populi acclamationes Hierosolymam ingredi, tabescentes invidia, Viderunt, agebant, quia nihil proficimus; ecce mundum totum post eum abiit. Minima pars

magis populi videbatur illis totus mundus: Sic in oculis lividis multiplicatur prosperitas aliena, extenuatur propria. At ubi occasionem capiendi Domini illis obtulit proditor, quanto perfusi sunt gaudio? Tam avidi & studiosi sumus in exequendis cogitationibus nostris pessimis. Quæram ego tibi JESU, deinceps studiosius in Tabernaculo Eucharistico, quæram in cruce, ut stringam amplexibus charitatis.

3. **V**enerare Deiparam V. & considera, quàm acerbis illi fuerit rumor de Studio Judæorum solito majore in capiendo Christo & interficiendo. Agebatur enim ei de jactura & crudeli nece Filij, quem habebat unigenitum, omni ex parte amabilissimum. Solet autem mors, præsertim immatura, Unigenitorum inconsolabili luctu afficere Matres. Unde Zachar. 12. dicitur: *Plangent enim (Christum occisum) plangent quasi super Unigenitum.* Insuper Christus solus & unicus pretiosior erat, quàm omnes homines & angeli simul sumpti, ideoque tolerabilior istorum omnium interitus, quàm illius unius. O Mater afflictissima, quid multis accusem Judæos siti-entes sanguinem Filij tui? Ego; ego, inter primos sum fera illa pessima, quæ devoravit Filium tuum. O liceat sanguineis lachrymis deslere tantum nefas!

Proposium de studiosè querenda Mortificatione nostri.

LECTIO PRACTICA.

Quomodo continua in rebus omnibus Mortificatio facillè exerceri possit.

S Patriarcha noster in Exam. c. 4. §. 44. studiosè nobis commendat, ut in omnibus, præsertim in contemptu, opprobrijs, alijsque injurijs patienter & libenter ferendis, quoad ejus fieri poterit, divinâ gratiâ aspirante, Christum D. imitari & sequi, cum vera sit via, quæ ducit homines ad vitam, velimus. Quod ut tantò expeditius fiat, addit §. 46. *Ut melius ad hunc perfectionis gradum in spiritali vita tam pretiosum perveniatur: majus ac impensius studium cujusque sit, querere in Domino majorem sui abnegationem, & continuam in rebus omnibus, quoad poterit, mortificationem.* Verùm hæc continua in rebus omnibus mortificatio non tantùm duriuscula, sed etiam valde operosa videtur: ut scilicet homo semper sit intentus mortificationi sui.

Sed advertendum est: nihil ibi esse præscriptum, quod non practicârint, & practicent Sancti. *Propter te mortificamur totâ die:* inquit sacer Psaltes, simulque rex, regijs affluens commoditatibus & delicijs, & innumeris negotijs distractus. Apostolus quoque 2. Cor. 4. *In omnibus, ait, tribulationem patimur, sed non derelinquimur: decimur, sed non perimus: semper mortificationem JESU in corpore nostro circumferentes.* Deinde multo aut magno labore opus

non est in quærenda continua mortificatione: ultra enim & continuò sese nobis ingerunt variz occasiones, in quibus quivis facile, & nemine advertente, mortificare se potest egregiè sine magno, aut ullo incommodò suo.

Rem propono in exemplis. V. g. Adest hora surgendi manè. Adhuc libenter aliquantisper sterteres, saltem donec fumi ex oculis evanescant, & caput magis relevetur: Mortifica te; & proripe alacriter, ut primum audis horam, vel campanulam. Expergefacto variz occurrent de rebus & negotijs varijs cogitationes: Mortificate; rejice vel differ illas; animum cogitationibus pijs applica, linguam in laudem Dei & gratiarum actionem solve. Inter vestiendum hoc illudve incommodi patieris: Mortifica te, nulum da signum impatientiz; extra conclave ne prodeas, nisi decenter vestitus. Adest hora orandi: adhuc velles primum expedire negotiolum aliquod; cum hoc vel illo conferre: stando vel sedendo, aut deambulando vacare orationi, seu meditationi: Mortifica te; sis punctualis, abrumpe cætera omnia, compone te secundum leges bonæ orationis, submite genua, sensus coerce &c. Ad templum est progrediendum? Mortifica te; ne nimis festines in incessu, ne colloquia non necessaria misceas in via, ne tardè venias; oculos coerce, manus pedesque decenter compone &c. Negotia sunt tractanda? Studendum, vel aliud quidpiam agendum? Mortifica te: ne nimis avidè, & non satis recollectus accedas, ne minùs necessarijs aut inutilibus interea te impendas, ne obiter & raptim tantum agas, ne vanam gloriam veneris, ne tædio vel difficultate victus desistas &c. Adest tempus prandij? Quanta ibi seges mortificationis, idq; necessariæ mortificationis! Coercendus appetitus sensualis, ne avidè in volet in cibos, aut potum, ne excedat in quantitate, ne violet urbanitatis leges. Coercendi oculi, qui passim sunt illicia gulæ: coercenda lingua, ne in futilia colloquia solvatur, ne in absentium famam stringatur &c. &c. Et sic de cæteris diei occupationibus.

En quanta Mortificationis materia, non procul quæsitæ, nec magnam importans difficultatem, sed magna apud Deum merita, & ædificationem apud homines. En quomodo sine magnis austeritatibus potest quis, etiam sæcularis, esse insignis, ut ajunt, Mortificatus. Meritò S. Xaverius non solum ipse omnes appetitus animiq; motus sub suo habebat dominio: sed identidem socijs inculcabat illud S. P. Ignatij monitum. *Vince te ipsum: Vince.* Causam rogatus tam frequentis moniti, respondit: *Quia hoc a S. Patre meo didici.* Sufficit, si ut decet, fiat.

Si IV. MARTII veneris ante Quinquagesimam: Meditatio instaurari potest de S. CASIMIRO; ut infra inter Festa: Lectio vero sumi ex Festo S. Joannis Evang. vel Fer. 6. Dom. 15. post Pent.

BREVIARIUM ASCETICI

Quotidianis per Annum
MEDITATIONIBVS & LECTIONIBVS,

De

DEO ET PERFECTIONIBVS DIVINIS
CHRISTI, ac DEIPARÆ V. Vitæ & Excellentia
STVDIOQUE PERFECTIONIS CHRISTIANÆ


instructi

PARS II. VERNA.

Continens

MEDITATIONES & LECTIONES
à Dominica Quinquagesima ad Dominicam
Pentecostes.





Ecce ascendimus Hierosolymmm; & consummabuntur omnia, qua scripta sunt per Prophetas de Filio hominis. Tradetur enim gentibus, & illudetur, & flagellabitur, & conspuetur, & postquam flagellaverint, occident eum.

Luc: 18.

Magna & multa sunt, qua mihi, Domine DEVS, contulisti beneficia; pro quibus mihi diligendus, & semper es laudandus. Unum autem est, quod me plus omnibus accendit, urget & promouet, ad Te diligendum super omnia, Amara Mors, quam sustinui isti, Opus nostrae Redemptionis. Hoc solum, vel hoc omnino totam vitam nostram, totum laborem nostrum, totum obsequium nostrum, amorem denique nostrum facile tibi vendicat. Totum hoc est, quod devotionem nostram & excitat melius, & quatit suauius, & augeat amplius.

S. August: cap. 16. Medit:



DOMINICA QVIN. QVAGESIMÆ.

Tessera Diei: *Amor meus iterum tradetur in manus
peccatorum!*

MEDITATIO. *DEUS insipienti mundo exhibet vixisse spectaculum, Christum
passum & occisum: CHRISTI & DEIPARÆ V, uer Hierosolymam.*

1 **A**dora DEUM O. M. & considera: quàm opportunâ ejus Provi-
dentiâ factum sit: ut hodie in Ecclesia legatur & populo propo-
natur Evangelium de Passione & Morte Christi, ab ipsomet prædicta di-
scipulis; Luc: 18. *Ecce ascendimus Hierosolymam; & consummabuntur o-*
mnia; quæ scripta sunt per Prophetas, de Filio hominis. Tradetur enim geni-
buz, & illudetur; & flagellabitur, & conspuetur, & postquam flagellaverint;
occident eum: & tertid die resurget. Quid enim efficacius ad retrahendum
â vijs suis pessimis, insipientem his diebus mundum, esse potest: quàm
passio, mors, & resurrectio Christi, Filij DEI? Passio crudelis, mors mi-
serabilis, resurrectio terribilis. Quem non ceorœet patiens & moriens,
timeat resurgentem: quia *omne judicium Pater dedit Filio.* Joan. 5. Vin-
dicans vindicabit sanguinem suum de manibus impiorum. Desige anima
mea oculos in grande hoc spectaculum, quod tibi proponit Pater æternus;
& Mater Ecclesia: & vide, quid hoc triduo agas.

2 **A**derit beneficiendo; quando non ignoravit extrema Hierosolymis
sibi parari mala. Nam in eo itinere & Zachæum respiciens; convertit ad
saniora: & Bartimæum cœcum donavit videndi facultate. Ora arden-
ter: ut etiamnum aperiât beneficam manum suam; & cœlesti lumine asper-
gat cœcum mundum: ut videant; & intelligant & novissima prævideant,
JESU, Fili David, miserere nostri. Ecce in tenebris & umbra mortis,
& in medio laqueorum, & horrendo præcipitio constituti, non sedemus,
sed insauimus, & ultrò ruimus ad Tartara. Domine: videamus & peri-
culum nostrum & beneficentiam tuam.

3 **V**enerare DEIPARAM V. & considera: quibus æstuaverit affecti-
bus, quando imminente tempore Paschali, & ipsa pro more Hi-
erosolymam se contulit. Sciebat celebrandam ibi esse solemnitatem Pa-
schalem, ritu, â templo, imò orbe, condito, non viso; nec amplius un-

quam

DOMINICA QUINQUAGESIMÆ.

quam videndo: Pro Agno immolandum esse Filium suum; sed quam crudeliter excoiatum; quanto furoris igne assum? nec tam comedendum, ut ab hominibus; quam vorandum, ut a canibus & lupis. Nec ignorabat: quam amaræ ipsam ibi lactacæ expectarent. Nunc igitur totâ animâ exhorrescebat; totiq; artubus contremiscebat; nunc hominum peccata deplorabat; nunc innocentissimæ victimæ compatiēbatur; nunc totius cordis æstu rapiebatur in DEUM &c. O Domina, hoc potissimum tempore similes infunde nobis affectus: ut à mundi illecebris abstracti, constanter adhæreamus DEO nostro. Duc me tecum ad montem myrrhæ, & coliem thuris.

Propositum v. g. de hoc viduo innocenter, imò devotè, transigendo, & cavendū periculu N. N.

LECTIO PRACTICA.

Quomodo hæc hancina sanctè celebranda.

Dum mundus Baccho & Veneri propudiosissime litat: sincerōs DEI & virtutis cultores in id intentos esse decet; ut hoc potissimum triduo fidelitatem suam & devotionem Domino suo probent. Nunquam ita se prodiderunt fideles servi, & veri amici Davidis, quam dum omnis Israel toto corde sequebatur perduellem Absolon. Nec ullum grātius exhibitum est unquam Regi obsequium, quam quod in generali defectione præstiterunt pauci. Unde jam jam moriturus, Salomoni impensè commendavit filios Berzellai, qui fidem servaverat fugienti, & constans præstiterat obsequium: *Filij Berzellai Galaaditis reddes gratiam, eruntq; comedentes in mensa mea: occurrerunt enim mihi, quando fugiebam à facie Absolon fratris mei.* 3. Reg. 2. Ipsi seni Berzellai amplissime regiam obtulit gratiam: *Omne, quod petieris à me, impetrabo.* Miphiboseth autem, quamvis filius amicissimi Jonathæ, & pedibus claudus; quia eodem tempore similia neglexerat officia, graviter mulctatus est. translato honorum dimidio (2. Reg. 19.) ad Sibam ipsius Miphiboseth procuratorem, qui promptus ad obsequia afflicti regis accurrerat.

Non minùs grata sunt Christo DEO ac Domino nostro sinceræ pietatis exercitia, hoc tempore exhibita; multòq; majoribus ea remuneratur gratijs. S Catharinæ Senensi, quia ferijs his antecinerālibus se in conclave abdiderat, ne videret vanitatem & insaniam amentis mundi: apparuit Christus cum Matre sua & Angelis Sanctis, dixitq; ; *Quia tu spreisti vanitates mundi, amplexa crucem, & poenitentiam, quærens summum, & æternum Bonum his diebus, dum mundi vacant gulæ & luxuriæ;*

DOMINICA QUINQUAGESIMÆ.

riæ; ideo ego te desponsabo mihi. Mox annulo in digitum inserto Catharinam sibi adoptavit in Sponsam. *In Vita 30. April.*

S. Gertrudis, quia viderat Christum triduo Bacchanaliorum instar languentis supra pectus suum recumbere: per totum illud tempus, susceptis varijs afflictionibus non aliud egit, quam ut silentio & orationi vacaret, ad placandum DEUM. Quod tam gratum fuit Domino: ut in alia visione illi apparuerit, sedens in folio gloriæ suæ, assistente S. Joanne Evang. & characteres quosdam formante. Cum Gertrudis quæstivisset: quid Joannes scriberet? responsum accepit; eum annotare omnia opera bona, & obsequia sibi Bacchanaliorum tempore impensa; ut pro ipsis Patri æterno præsentatis, mensura gratiæ & gloriæ coagitata & superaffluens obtineatur.

Eidem apparuit alias Christus in Dominica Quinquagesimæ eâ specie, qua flagellatus fuit: è lictoribus, latera stipantibus, unus coronam spinæam in caput ejus adigebat, acerrimo sensu doloris. Tenerrimæ compatiens Gertrudi, & quærenti: an aliquis esset dolorem tantum mitigandi modus? respondit Dominus: Si quis passionem meam devoto corde recoluerit, & pro peccatoribus DEUM precatus fuerit: is afflicto cordi meo suavissimum, & leniendi dolori aptissimum, imponet emplastrum. *In Vita lib. 4. c. 15.*

S. Lydvina, cum in gravissimo morbo exulcerati, instar Jobi, corporis, tempore Bacchanalium audisset bacchantium in plateis clamores & tripudia: rogavit Dominum; ut pro diluendis infanientium offensis, novo quodam, eoq; vehementi, morbi genere eam exercere dignaretur. Auditam se sensit, ubi intensissimis novis doloribus correpta, & usq; ad Passcha excruciatâ fuit. *In Vita.*

B. Henricus Suso, videns Fratres antecinalium dierum tempore, esu carniû, viniq; potu aliquanto largius uti, noluit illis immisceri, sed famelicus & sitibundus abiecit. Nocte sequente suavissimo Angeli cantu est recreatus, & ramulo cœlestium fructuum oblato, insuper visione & benedictione Pueri JESU, à quo amari se præ multis alijs tenerius, audivit. *Surium in Vita 25 Jan.*

S. Carolus Borromæus totus erat in abstrahendo populo à conuersationibus & insolentia ludorum, inveniebatq; semper novas rationes & artes, quibus eum varijs pietatis exercitijs in Ecclesia distineret, & exomolegiam sacramq; synaxim, præ mundi voluptatibus persuaderet. Habuitq; pius ejus conatus tam prosperos successus, ut uno Bacchanalium die per

4
FERIA II. post Dom: Quinquages.
sex integras horas Carolus ipse Communionem S. distribuerit, licet idem
duo Canonici separatis in locis agerent. Carolus Episc. Novar. in Vita
lib. 2.

Alij alias adhibent industrias, tum ad abstrahendos homines à Baccho
& Venere, tum ad placandum DEUM pro cumulatis offensis, tum ad se
ipsum à noxis immunes servandos. Opportunissima est prolixior Oratio
coram Venerabili exposito, severior custodia sensuum, rigidior mortifica-
tio gulæ, abstinentia à ludis etiam honestis, captata opportunè solitudo.
His potissimum diebus convenit Christianis, præsertim specialiter DEO
sacris, quod scripsit Seneca ep. 18. *Hic, inquit, maxime diebus animo im-
perandum est: ut inane voluptatibus solus abstineat; cum in illas omnis turba
procubuit!*

FERIA II. post Dom: Quinquages:

Tessera diei. Amor meus inter plausus luge!

MEDITATIO. DEUS parat Christo triumphalem ingressum Hierosolymam:
CHRISTI & Matri ejus dolor.

1. **A** Dora DEUM O. M. & considera: quomodo ante luctuosissimam
Tragediam paraverit Salvatori nostro gloriosissimum triumphum
in ingressu Hierosolymæ. Præmonuerat maturè cives; de hoc ingressu,
ut parati adesent: *Dicite Filie Sion: Ecce Rex tuus venit tibi Justus & Sal-
vator; ipse pauper & ascendens super asinum. Zach. 9. Effunditur ergo
obviâ pia turba: pars præciosos palmarum ramos: pars detracta sibi ve-
stimenta subternunt adventanti; & qui præibant, & qui sequebantur cla-
mabant dicentes: Hosanna! Benedictus qui venit in nomine Domini! Bene-
dictum quod venit regnum Patris nostri David: Hosanna in excelsis! Mar. 11.*
Sic etiam hodie præmissis prosperis, excitat animatq; suos DEUS, ad for-
titer excipienda adversa. *Si enim bona suscepimus de manu DEI, mala quare
non suscipiamus? Job. 2. Post Bacchanalia sequuntur Cineres. O Domi-
ne; para me ad utramq; fortunam: ut nec extollar prosperis, nec oppri-
mar adversis: sed in omnibus benedicat tibi anima mea. Averte autem
oculos meos; ne videant, & ament vanitatem nunc tripudiantis mundi.*

2. **A** Dora D. JESUM, & considera: plus doloris, quam gaudij at-
tulisse ipsi triumphalem illum plausum. Nam potior pars Civi-
tatis invidia rumpebatur; dirasq; vomebat: quidam apertè monebant:
Luc. 19. Magister increpa discipulos tuos; sileant. Quin illos ipsos, qui tunc
officiosissimi, & ramos & vestimenta subternabant venienti, & Benedi-
ctus.

FERIA II. post Dom: Quinquagesi

Etus, atq; Hosanna in excelsis, clamabant, prævidit; post dies 5 vociferatur
ros: Tolle, tolle, Crucifige eum. Unde appropinquans Civitati inter festivos
applausus, non exultavit gaudio, sed flevit super illam. Luc: 19. Amabilis-
sime Salvator; si in plausu populi lacrymæ tibi exprimuntur: quid faci-
ent diræ, falsa testimonia; blasphemiar, tormenta? Quomodo insolescam
ego leni motu popularis auræ, si tam citò vertitur in tempestatem?
Condoleo tibi, Rex dolorum: da, ut caveam mihi.

3. Venerare DEIpam V. & considera: ipsam quoq; nullâ vanitate
afflatam fuisse, audito (si non interfuit) triumphali ingressu
Filij in urbem. Solet Matres titillare gloria Filiorum: at illa probè
gnara; cui sorti parabatur Filius; ingemuit ad plausus illos, recolens ora-
culum Isaïæ cap: 25. de Christo: *Sicut obstupuerunt, super te multi admi-
rantes gloriam tuam, etiam in paupertate tua: Sic in gloriam eris, paulò post,
inter viros, aspectus ejus.* Compatior tibi Mater afflictissima; quæ neq;
ex gloria Filij sincerum capere poteras gaudium; Doce me, suspectos
habere humanos plausus.

Troposium contemnendi plausus, gaudia & voluptates mundi.

LECTIO PRACTICA

Non inhiandum voluptatibus, quæ sine dolore non sunt.

Veteri Platonis apologo fertur; Voluptas & Dolor ad tribunal Jovis
contendisse, ibiq; mutuis convitijs se graviter proscidisse, atq; accu-
sasse. Jupiter cum in pace & amicitia inter eos concilianda multum la-
borasset, nec quidquam profecisset: tandem adamantinâ catenâ eos colli-
gavit; ut quantumeunq; odijs dissiderent, semper tamen sibi cohærerent,
alter alterius vel comes, vel pedisequus. Divinè hæc Plato: sed divi-
nius Salomôn Prov: 14. *Risus dolore miscbitur: & extrema gaudij luctus
occupat.*

Oraculum hoc quâmvīs vel maxime concernat improbos, tângit tamen
& probos, imò probissimos, in hac mortali vita. Ratio est. 1. Quia bo-
na temporalia, ex quibus voluptatem & lætitiâ aliquam capimus, non
sunt mera bona, sed multos involvunt defectus & qualitates nobis adver-
santes, quæ creant dolorem. Non absimilia sunt corporibus ex quatuor
Elementorū contrarijs qualitibus compositis, quæ se invicem laceſſunt &
impetunt, ipsisq; corporibus nunc sanitatem, nunc morbos adferunt &
interitum. Arborum quoq; fructus imitantur, quibus quantumvis speci-
osissimis & sapidissimis, suus innascitur vermis: nec ullum est tam meru-
ginum, quod suas non habeat fæces. Adhæc quâmvīs temporalia, quibus

FERIA II. post Dom: Quinquages:

delectamur, bona essent meracissima: hoc ipso, quia temporalia sunt & transitoria; nata sunt generare, dolorem, & hunc velut posthumam prolem infundere cordi. Apiculæ sunt, quæ ubi aliquid mellis fuderunt, aculeum relinquunt infixum. *Nunquam sine dolore amittitur, nisi quod sine amore possidetur*: ait S. Gregor. l. 1. mor. c. 3.

Altera ratio est ex sapientissima DEI dispositione: Ut enim terrigenas à terrestribus, alijsq; transitorijs bonis avocaret ad cœlestia & æterna; atq; metu dolorum abstraheret à culpa: voluit, ut in cœlo quidem essent mera & pura gaudia; in inferno meri & puri dolores; in terra verò, quæ inter utrumq; media est, gaudijs permiscuit dolores. *DEUS felicitatibus terrenis amaritudines miscet: ut illa queratur felicitas, cujus dulcedo non est fallax*: inquit S. Augustinus serm: 29. in Matt. *DEUS delicijs & gaudijs nostris ponit modum: ne supra alveum effusa rationem obruant*: ait S. Ambrosius lib. 1. de Cain & Abel. c. 4. Pronissimum enim est: ut voluptatum copiâ etiam probi, velut Noë & Lot uberiore haustu vini, dementati, agant ea, quæ dicere pudet. Quid ergo juvat, inhiare gaudijs; quæ necessario comitatur, vel sequitur dolor?

Noluit immunis esse ab hoc gaudiorum & dolorum temperamento Sanctus Sanctorum, Filius DEI, non solum in triumphali ingressu in urbem Hierosolymitanam, sed in omni vita sua. Apud nos communiter sola est vicissitudo prosperorum & adversorum, gaudijs & luctus, ita; ut post nubila sequatur Phœbus, & post hunc iterum nubila, & sic deinceps: in Christo, quamvis clare Divinitatis suæ visione beato, à primo conceptionis momento usq; ad ultimum agonem, semper gaudio junctus fuit acerbis dolor. Nulla ei fuit gutta mellis sine felle. Quomodo jam mera gaudia speret peccator: & non timeat porrigendum sibi Calicem Domini plenum mixto, cujus fex nondum exinanita: bibent omnes peccatores terre? Psal. 74. Biberunt hunc bibuntq; innulneri, quos in ipso gaudiorum æstu Bacchus tradidit Plutoni.

S. Bernardus serm. 1. in Dom: Palm: consideratâ & expositâ luctuosissima illa vicissitudine, quæ quinto die à triumpho illo excepit Christum, subjungit: *Videat secularis anima: videat, & intelligat, quoniam extrema gaudij iustus occupat*. Videat, & intelligat, inter has potissimum Bacchi ferias, & infantientis mundi tripudia: quoniam *DEUS non irridetur*. Galat. 6. Intelligat: gaudia cum offensa DEI, longum gravemq; post se trahere dolorum catenam. Audiant bacchanales animæ periculum suum: *Ve terre & mari!* Descendit diabolus ad vos, habens iram magnam, sciens, quoniam

FERIA III. post Dom: Quinquages:

modicum tempus habet. Apoc. 12. Est tempus hoc tempus descendendi de peccato in peccatum; & per consequens ad infernum: inquit S. Vincentius Ferrerius serm. 3. in Quinquag. & ideo dicitur: Tenent tympanum & citharam; & ducunt in bonis dies suos; & in puncto ad infernum descendunt! O punctum, momentanei gaudij terminus, æterni supplicij initium! Videant, & intelligant: si etiam honesta gaudia suos habent pedissequos dolores: quid merebitur voluptas, quam offerunt Bacchus & Venus?

Videant quoq; & intelligant religiosiores animæ: triduum hoc non tantum sibi transigendum esse sine gravi offensa DEI: sed cum Angelis pacis, iterum amare stentibus, dolendum sibi esse, & gemendum super interfectione animarum Christianarum. Gaudeant sane, si ita placet, in Domino: sed dolorem non differant ad Cineres. Nunc, nunc immania, innumera, horrenda patitur Amor noster JESUS: nunc, quoq; compatendum illi. Nunquam, per omnem vitam mortalem, fuit ille sine dolore nostræ causæ: nobis saltem uno alterove die, libeat ipsius amore dolere & lugere magis; quam gaudio, etiam honesto, dissolvi. Major nunc, quam in die Paratæves, est causa dolendi. Tunc enim universus orbis Christianus ad pietatem & compassionem erga Crucifixum Salvatorem est compositus: nunc in gravissimas ejus offensas est effusus, & quasi conjuravit. Quisquis ergo Domini est: voluptati indulgendum non putabit.

FERIA III.

Tessera Diei: *Amor meus vilissimè venditus, & vendendus est!*
MEDITATIO. DEUS permittit Christum vendi à Juda: CHRISTI & *Mauri ejus dolor.*

1. **A**DORA DEUM O. M. & considera miranda ejus consilia: quòd Christum non quocunq; modo venire in manus hostium voluerit, sed per venditionem. 1. Ut inde clariùs pateret: quàm liberaliter Filium suum hominibus permiserit, ut de illo disponderent pro arbitrio, tanquam de re sua, pretio acquisita, quàmvis iniquissimo contractu. 2. Ut satisfaceret pro iniquissima venditione, qua homines se ipsos vendunt diabolo in perpetua mancipia pro pomo putrido, pro splendida aliqua vanitate, vel momentanea voluptate: quæ tam vilis est: ut de hujusmodi venditione dicatur Itaiæ 52. *Gratis venundati estis.* Nonne & tu similes mundinas celebrare consuevisti? O Domine prohibe à me hanc insaniam, hodiè potissimum.

2. **A**DORA D. JESUM, & considera: quàm ignominiosa, & dolorosa fuit

FERIA III. post Dom: Quinquages.

sa fuerit illi hæc venditio. Inprimis enim venditor: *Quid vultis mihi dare, inquit, & ego enim vobis tradam?* Non dignatur JESUM proprio nomine enunciare, sed dicit: *eum vobis tradam;* forte & ignominiosius aliquid addidit. Ad hæc non vendidit JESUM amicis, sed capitalissimis hostibus neci ipsius intentis. Deniq; vendidit eum 30 argenteis oblatis, quod pretium erat venalium mancipiorum. Obstipescite cæli, moveatur terra! Quam vilis est homini DEUS! O JESU pretiosissime, quis dolor confixit sanctissimam animam tuam, quando hujusmodi transactionem vidisti? Quæ injuria irrogatur tibi, dum etiamnum non raro hujusmodi venditiones celebrantur? Parce Domine: pretiosior mihi deinceps eris, præse tim hac die.

VENERARE DEIPARAM V, & considera: quo animi sensu acceperit insanissimam illam venditionem. Nemo tam plenè noverat pretium Filij ejus ac ipsa. Valori ipsius intrinseco ingens pondus accessit ab amore Matris. Pretiosissimum nobis est, quod tenerrimè amamus. Infinito ergo dolore eam configi oportuit; quando intellexit, infinitum summumq; Bonū tā vili esse venditū. At hujusmodi venditorū quantus, his præsertim diebus, est numerus? Aperi Domina oculos cæcorum, ut videant. *Quem; quanti,* vendunt; si tamen vendunt: quia nihil omnino est; quod accipiunt. Ego tuum, ac meum JESUM honoribus immensis, voluptatibus infinitis non vendam. Non vendam!

Proposui sanctè transigendi hunc diem.

LECTIO PRACTICA.

De contestando hodie, quā pretiosus & charus nobis sit JESUS.

Diligentibus DEUM omnia cooperari in bonum: oraculum Apostoli est. Rom: 8. Ex Bacchanalibus inter alia illud commodi percipiunt probi: quod opportunissimam habeant occasionem, contestandi Salvatori suo summam, quam de eo habent, æstimationem, affectus sinceritatem, in obsequio fidelitatem, in charitate constantiam. *Plures invenit JESUS socios in se, paucos abstinentes;* inquit Kempensis lib. 2. de Imit: c. 11. *Omnes cupiunt cum eo gaudere; pauci volum pro eo aliquid sustinere.* Multi JESUM sequuntur usq; ad fractionem panis: sed pauci usq; ad bibendum calicem passionis. Multi protestantur coram cælo & terra: quod diligant JESUM, idq; toto corde, & super omnia; quidam non verentur cum Apostolo provocare hostes & tentationes: *Quis nos separabit à charitate Christi?* At ubi Bacchus vitreos suos inflat lituos, ubi mundus & caro suas explicant illecebras; terga vertunt Christo, Judæ peiores.

Judas

FERIA III. post Dom: Quinquagesi.

Judas enim argenteorum triginta mercede illectus, tacinus suū aggressus est: in hodiernos proditores & traditores Christi cadit illud Ezech. 13. *Violabant me propter pugillum hordei, & panis fragmentum: ut interficerent animas, quæ non moriuntur.* Tam demens etiamnum est mundus: ut homines non jam propter honores & divitias comparandas Divinam violent Majestatem; sed propter ingluviem suam, propter pugillum hordei, & panis fragmentum. Tam modicum, tam vile est, propter quod deferitur, contemnitur, violatur tanta Majestas, Summum Bonum. Non dicit: propter ceros aliquot seu modios electi tritici, aut propter cados generosi alicujus liquoris, aut propter exquisitas copiosas & pretiosas quædam dapes: sed propter pugillum, idq; hordei, eliquati in potum, quo se ingurgitant. Propter panis fragmentum. Habent propositum sibi Panem integrum, Panem vivum & vivificum, qui de cælo descendit, Panem habentem in se omne delectamentum saporis: sed super hoc nauseat anima eorum; magis sapiunt Fragmenta, quæ cadunt de mensa Veneris & Bacchi; Fragmenta, quæ non ad satiandam, sed magis irritandam gulam valent; Fragmenta, quæ mox convertentur in cineres & vermes conscientiam acutissimo dente rostruos. Tam modicum, tam vile, tam noxium est: propter quod hodie à Christianis deferitur & violatur Summum Bonum DEUS.

Hodie tempus est, quo opere completur: quod S. Patriarcha Noster in Spiritualibus Exercitijs suis accuratè considerationi proponit. Exhibet erecta duo Vexilla duorum sibi adversantium Ducum, Christi & Luciferi, in amplissimis duobus campis. Lucifer suum defixit penes Babylonem, nimirum in terra *Confusionis*: ubi ipse in ignea & fumosa cathedra sedens, truci horribiliq; vultu, satellites suos expedit in univarsum mundum; ut homines ad se alliciant, invitent, trahant, proposita amplissimâ pro genio suo vivendi licentiâ, in affluentia divitiarum, honorum, & omnigenarum voluptatum. Christus vexillum suum fixit juxta Hierosolymam, in campo amenissimo, loco quidem humili, sed ipse speciosus præ filijs hominum, & totus amabilissimus. Vel, si placet, intueamur Christum in ara hujus Ecclesiæ sub speciebus Eucharisticis residentem. Expedit & ipse Ministros suos in orbem terrarum; ut homines incautos admoneant periculi sui, abstrahant à Lucifero, & invitent ad se; collectos jam sub vexillum suum confirment in proposito, promittendo ipsis amplissimos favores suos & gratias in hac vita, in altera gloriam & Beatitudinem æternam.

Quis crederet: fore vel unicum, qui non potius ad Christum, Creatorem, Redemptorem ac Dominum suum naturalè gratiosissimumq; convocaret,

laret, quàm ad Luciferum? Quis crederet: fore vel unicum, qui à Christo deficeret, & ad castra Luciferi transfugeret? Et tamen hodie millia, aut milliones numerantur. O tristem Domini mei JESU, sic contempti, sortem! O intolerabilem insolentium hominum insaniam! Lucifer promittit gaudia, bruto magis, quàm sanæ menti convenientia, post paucas horas, non sine luctu terminanda; & ad illum homines non currunt, sed ruunt! Christus pollicetur centuplo plura & meliora, ac insuper gloriam æternam; & ægrè quis perducitur ad ipsum; & qui acceperunt, turmatim deficiunt ab illo! Non advertunt miseri: graviores ipsos manere pœnam, quàm olim Israelitas Num: 25. Qui cùm Baccho, qui ibi Beelphegor vocatur, & Veneri festum facerent, fornicando cum filiabus Moab; præcepit DEUS Moyfi: ut tolleretur cunctos principes populi, & contra solem in paribulâ suspenderet; ut unusquisq; videret proximos suos, qui Beelphegor initiati erant.

Scitè S. Augustinus Bacchanalia vocare solebat *Sacramenta diaboli*: apud Loh. tit: 15. Ut enim Sacramenta instituta sunt ad sanctificandas, ita Bacchanalia ad depravandas animas, & æternæ damnationi iniciandas. Deinde sicut per Sacramenta tanquam signa quædam Diceretiva seu distinctiva, discernuntur & segregantur fideles ab infidelibus: sic per Bacchanalia improbi à probis, Luciferiani à veris Christianis. Cæterum cadant à latere Christi mille, & decem millia vel milliones à dextris ejus: nos per gratiam ipsius fidi adhærebimus, & inhærebimus ei. Obtrudant, quidquid possunt, mundus, caro, dæmon: pretiosior nobis erit JESUS, & gratia ejus.

DIE CINERUM.

Tessera Diei. *Amor meus ab ingratiſſimo discipulo venditus est!*
 MEDITATIO. *DEUS permittit Christum vendi à discipulo: CHRISTI & Matris ejus dolor.*

I. **A** Dora DEUM O. M. & considera: quo consilio permiserit; ut non à quovis alio, sed à discipulo, & quidem uno ex 12 primarijs. proderetur; ac venderetur Christus. 1. Ad eumulandos Christo dolores, quem voluit à quovis hominum genere pati. 2. Ne facile scandalum sumant homines, dum in oculos incurrit nævus aliquis personæ Ecclesiæ aut Religiosæ. En unum & 12 principibus Ecclesiæ, Magistris, Domini ac DEI sui proditorem! 3. Ne delicta discipulorum facile imputentur Magistris. Sagaciùs est ingenium humanum in malum, quàm in bonum.

DIE CINERUM.

11

bonum. Illud ex ipso met pullulat: hoc vix inferi potest. 4. Ut ab exemplo Christi graviora passi, solatium haberent Prælati, Benefactores, & Magistri: dum ingratos & injuriosos experiuntur, Subditos, Clientes, Discipulos. Adoro suavissimam providentiam tuam, Amabilissime DEUS, qui lapsu unus à schola Filij tui consulere voluisti solatio, & honori nostro. Da gratiam: ut nullam præbeam justì scandalì causam; & honori sin Magistro meo Christo.

2. **A** Dora D. JESUM & considera: quàm sensibiles illi fuerint tot, tamq; graves injuriæ à discipulo in se commissæ. Non dissimulavit dolorem suum. Psal. 34. *Si inimicus meus maledixisset mihi; sustinuissem utiq;.* Et si is, qui oderat me, super me magna locutus fuisset, convicia, calumnias, immania probra; abscondissem me forsitan ab eo. Tu vero homo unanimis mecum, antequam per avaritiam, diabolus occuparet cor tuum; Dux meus, quem in Principem Ecclesiæ meæ assumpsi & notus atq; intimus, meus, cui revelavi secreta cœlestia, dum alijs loquerer in parabolis; Qui simul mecum dulco capiebat cibos, & doctrinæ cœlestis & divini Corporis mei in cœna ultima; in domo DEI ambulavimus cum consensu, ferè triennio: quomodo effectus es mihi in Satan, in proditorem, in paricidam, in Deicidam? At nunquid plus solatij ex nobis, quàm ex Juda, habet JESUS? Diutius in ejus schola eruditi sumus; sapius divino ejus Ore refecti, utinam minorum, pauciorumq; offensarum inveniremur rei! Doleo! Non amplius, mi JESU, non amplius. In sacco & cinere lugebo commissæ.

3. **V**enerare DEIPARAM V. & considera: quantòpere indoluerit, tum ob cœcitatem, ingratitudinem, & perversitatem Judæ; tum ob gravissimas injurias illatas Filio à discipulo. Sciebat; quo aspectu illum persecutus fuerat JESUS; quàm sanctâ instituerit doctrinâ, quàm liberaliter habuerit, committendo ei pauper ærarium totius collegij Apostolici; impertiendo gratiam miraculorum; dissimulando furta &c. & tamen plus in corde hominis potuisse diabolum, stupuit, & ingemuit! Utinam minora ingratitudinis portenta reperires in corde meo, o Domina! Ejice, obsecro, & sanctiores infunde affectus: ut æstimem Dominum meum JESUM super omnia. Hac me accende avaritiâ, ut malim omnium pati jacturam, dummodo JESUM lucrifaciam.

Proposium satisfaciendi aliquatenus DEO pro peccatis in Bacchanalibus commissis.

LECTIO PRACTICA.

*Quomodo ex Passione Christi proficere debemus, præsertim in Charitate,
Mortificatione & Patientia.*

Quod de Cruce Christi Redemptoris dicit S. Augustinus tr. 119. in Joan: *Cruz Christi non tantum est lectulus morientis, sed etiam Cathedra docentis*: accomodari potest toti ejus Sanctissimæ Passioni. Tota enim Passio ejus non tantum fuit Pretium redimentis, sed etiam Instructio docentis; & quidem uberior & efficacior instructio, quam in Prædicatione Vocali. Nam in Prædicatione ore solum & lingvâ docebat: in Passione tot lingvis, quot vulneribus, quæ etiamnum non silent. Quin & sanguinis acutior vox est, quam oris: ut patet in sanguine Abel; qui, postquam obrigit lingua, disertius clamavit de terra ad DEUM. Clamat ergo & Christi sanguis clamant Vulnera, clamat Passio tota, primo quidem ad DEUM, Misericordiam non Justitiam postulando; deinde clamat ad nos, Pœnitentiam urgendo, peccatorum malitiam exaggerando, Imitationem & profectum in Virtutibus, præsertim Charitate, Patientia, & Mortificatione nostri, poscendo. In nullis Doctorum libris tam accurata & perfecta virtutum omnium proponitur idea; nullis Prædicatorum sermonibus & rationibus tam acres ad virtutem admoventur stimuli: ut in Passione Dominica. Charitatem exigit Dilectio usq; in finem, Patientiam tolerantia injuriarum maximarum, Mortificationem Passio tormentorum inmanissimorum.

Unde meritò S. Bonaventura de Passi Dom: *Si vis, inquit, ô homo, de virtute in virtutem, de gratia in gratiam, de bono in melius proficere: quotidie quanta potes devotione, mediteris Dominicam Passionem. Nihil enim in animâ ita operatur universalem sanctificationem, sicut Meditatio Passionis Christi* Et Ludolphus Carthus: p. 2. c. 58. Frequens, ait, Passionis memoria indoctum reddit doctissimum, imperitos & idiotas facit proficere in magistros, Magistros inquam, non scientiæ, quæ inflat, sed Charitatis, quæ ædificat. Ipsa est velut quidam Liber Viræ, in quo omnia salutis necessaria inveniuntur. Felix, qui in ejus studio serid se impendit: quia in contemptu mundi, & in amore DEI proficiet, cunctarumq; virtutum & gratiarum incrementum sumet. Idem attestatur Ludov. Blosius in *Conclavi cap. 10. §. 7.* ubi ait: Vita Christi Liber admodum præclarus est, doctis & indoctis, perfectis atq; imperfectis (qui DEO placere cupiunt) communis. Qui bene terit hunc Librum, efficitur eximie sapiens, facileq; adipiscitur peccatorum veniam, pravorum affectuum mortificationem, mentis illuminationem, conscientiæ pacem & tranquillitatem, firmamq; erga DEUM sincera dilectione fiduciam. Etiam si omnes codices, qui toto orbe habentur, intercidissent: Vita & Passio Christi Christianis omnibus sufficeret ad virtutem

DIE CINERUM.

17

tatem omnem, & veritatem perdiscendam. *Ita Blossius.*

Indiarum Apostolus S. Franciscus Xaverius non alio argumento magis se incitabat ad omnem sanctitatem, quam Passione Domini, in cujus crebra meditatione exardescere in ipso ingens humanæ salutis, & sanguinis pro Christo fundendi cupido: totumq; se ad ipsius imitationem componebat. *Vita lib. 1. c. 3. Rectè Thomas Kemp: lib. 1. de Imit: c. 25. Religiosus, qui se inveniē & devotē in Passione Dominica exercet: omnia utilia, & necessaria sibi abundanter ibi inveniet.*

Quamvis autem omnibus, tam perfectis quàm imperfectis plurimam profit consideratio Passionis Dominicæ: incipientibus tamen familiariorem esse convenit; ut tantò majorem concipiant peccatorum omnium horrorem & dolorem; cùm Christus ad ea delenda tam atrocia sit passus: disponantur quoq; & incitentur magis ad studium solidarum & fundamentalium virtutum in Christi Passione clarissimè relucentium; ut Humilitatis, Abnegationis sui, Patientiæ, Mortificationis, Obedientiæ &c. Sic S. P. N. initio conversionis suæ, tum aliàs, tum præcipuè cum Divino Missæ Sacrificio interesset, Passionem Dominicam legebat, & meditabatur. Magnus quoq; Magister spiritus, P. Balthasar Alvarez, cùm adhuc junior rogaretur: quem in orando modum teneret? respondit: sibi statim in ipso orationis seu Meditationis ingressu offerri SS. Crucifixi Christi pedes, ad quos post demississimam adorationem provolutus, auscultabat Divinum Magistrum ex cathedra crucis docentem: sentiebatq; se inde vehementer accendi ad se mortificandum, cruciq; affigendū, atq; ad juvandos proximos, pro quibus tanta tulit DEUS. Hortabatur proinde postea omnes incipientes, ad sedulò meditandam Christi Passionem tanquam spiritalis eorum profectus fontem: & in ordinarijs Exhortationibus suis identidem id repetebat; Ne existimemus, nos aliquid fecisse, donec eò perveniamus, ut semper Christum Crucifixum in corde habeamus. *Vita cap. 3. §. 2.*

Ex dictis colligitur: In Consideratione Passionis Christi D. non esse nobis sistendum in pijs affectibus Admirationis & Compassionis: sed curandum, ut concipiamus ingentem peccatorum quorumvis etiam levissimorum horrorem, atq; dolorem de commissis; deinde incitemur ad studium solidarum virtutum; præsertim Patientiæ & Mortificationis tum carnis, tum passionum, seu indomitorum affectuum nostrorum. Hoc enim maxime placet Christo, & nobis utilius est. Sic oportet, non solum ad radices arboris jacere, & mirari fructus ejus: sed laboriosè ascendere in

palmam, & apprehendere fructus ejus.

Cant. 7.

FERIA V. post CINERES.

Tessera diei: *Amor meus se mihi in cibum & hostiam dedit!*MEDITATIO. De DEI, JESU & MARIE affectibus in institutione Sacri-
ficij Incruentum ante Crucem.

1. **A**dora DEUM O. M. & considera: quomodo sublaturus vetera sacrificia & victimas taurorum, vitulorum, hircorum &c. mundumq; sibi reconciliaturus per unicum sacrificium cruentum à Filio sibi exhibendum, in ara crucis, voluerit ab eodem præmitti & institui sacrificium incruentum Corporis & sanguinis sui; quo sæpius repetito uti possent homines ad iratum Numen placandum & quotidianas offensas suas delendas. Mira res! Erant tunc homines in flagranti crimine Delicij: nihil aliud spirabant; quam necem ignominiosissimam & crudelissimam Filij DEI; in eum finem colligebantur cohortes, expediebantur satellites, fervebant concilia, conclamabant Sacerdotes, & Pontifices: Euge, euge, devorabimus eum! At bonus DEUS cogitabat cogitationes pacis, ordinabat nova & efficaciora media expiationis, quantocyus offerri sibi volebat unam hostiam, quæ simul esset sacrificium propitiationis & Sacramentum amoris. O DEUS quàm multus es ad ignoscendum! Quàm longe alia sunt cogitationes tuæ à cogitationibus nostris! Tibi sacrificabo hostiam Laudis æternæ, pro tam mirabili sacrificio propitiationis nostræ.

2. **A**dora D. JESUM, & considera: eum in cœna illa ultima, mirabili serbuisse æstu affectuum, Amoris & doloris. Amorem incendebat ipsa personæ ejus ingenita bonitas, clementia, misericordia, & liberalitas; movebaturq; & proprio motu & voluntatis paternæ impulsu, ad communicandum se hominibus, non solum in holocaustum offerendum DEO, sed etiam in cibum, & nutritivum & medicinalem animarum. Alia ex parte dolorem provocabat, & mire acuebat excessiva malitia hominum in necem ipsius intenterum, proditoris obstinatio summa, nullis summi amoris & venerationis in pedum lotionem, argumentis domita, indignitas hominum, qui prævidebantur abuturi, imò in interitum suum usuri, hoc cibo divino. Prævaluit tamen Amor, non pulso, aut oppresso, sed dissimulato dolore: maluitq; JESUS optime facere pessimis, quàm delicijs epuli divini privare bonos. O ingenium Infiniti Amoris! O potentiam summi doloris! Semper & in omnibus mihi amabilis & mirabilis es, o JESU; at amabilissimus in hoc sacrificio & Sacramento Amoris; mirabilissimus in

tanta tolerantia doloris. Da ut accedens ad idem sacrificium ac Sacramentum, & summè amem bonitatem tuam, & summè doleam de malitia & indignitate mea.

3. **V**enerare DEIpam V. & considera: quantis, & ipsa concita fuerit motibus amoris & doloris in ultima illa cœna. Amabat tēerimè & ardentissimè profusione illam divinæ bonitatis, ob mirabilem illam communicationem, quā se Christus hominibus obtulit in hostiam pariter ac cibum. Gaudebat quoq; in hostia illa & cibo divino; esse partem aliquam substantiæ suæ. At simul acerbissimè dolebat: eidem menti assidere proditorem Filij sui, intingere unā cum Christo manum in eadem paropside, & sacrilegā impudentiā sumere panem & poculum divinum; adeoq; devorari Filium suum à bestia immanissima. O quā acuto mucrone scindebantur viscera Matris! Compatior, ô Domina, acerbissimo dolori tuo. Fac, ne unquam simili polluar sacrilegio: sed sancta sanctè suscipiam, & JESUS cum gaudio veniat ad me.

Proposuit moriendi Appetitum sensualem, & acendi spiritualem erga Epulum Eucharisticum.

LECTIO PRACTICA.

De Mortificatione Gulæ.

VT sacrum Jejunij Verni tempus, quod ingressi sumus, qua decet, observantia, religione, & fructu transigamus; capaces nos spirituum deliciarum ex Verbo Divino & Epulo Eucharistico percipiendarum reddamus; aptioresq; simus ad recolendam venerandamq; Passionem Dominicam: necesse est, ut Vitio Gulæ, quod est *inordinatum appetitum cibi vel potus*, bellum indicamus, & toti in ejus mortificationem intenti simus. Tam lae grassatur hoc Vitium; ut etiam religiosa Asceteria impetat: tam potenter dominatur; ut vix ab Ascetarum heroibus plene subigatur; imò inexpugnabile esse, si alicubi invaluit, & temporis tractu firmatum est, docet S. Bernardus in epist. *Qui gulosus effectus est, vix aliter, inquit, quam morie mores mutabit.* Et S. Basilus de Abdicione rerum: *Multos, ait, sæpe adverti, qui cum alterius cuiusvis generis virijs laborarent, ad sanitatem tamen redierint postea: qui autem hoc morbo tenerentur neminem ex omnibus vidi unquam, qui convalesceret.* S. Joan: Climacus gr. 14. ait: *Miraculi loco duco, si quis ante moriem & sepulchrum ab hac domina se in libertatem vindicavit.* Tenet enim captivos suos firmissimis vinculis; necessitatis, humanitatis, hospitalitatis, hilaritatis &c. prætextibus.

Unde Magistri spiritus passim monent: primū omnium hoc vitium oppugnare.

pugnandum esse à perfectionis studiosis. *Nemo potest virtutum perfectionem attingere; nisi prius ventris edomuerit ingluviem:* inquit S. Isidorus l. 1. c. 42. Et S. Gregorius lib. 30 Moral. *Nullus palmam spiritualis certaminis apprehendit, qui non in semetipso prius per afflictam Veneris concupiscentiâ carnis occurrere devicerit.* Rationem dat: *Neq; enim ad conflictu spiritualis agonis asurgitur; si non prius inter nosmetipsos possumus hostes.* Gula videlicet appetitus, ed macur. Enervatur quippe animus, & ad spiritualia redditur languidus & ignavus; dum continuè illi obversatur cura & cogitatio, quomodo ventri satisficiat, & demulceat gustum. Hæc sollicitudo evigilantem à somno excipit prima: hæc dormituriem dimittit ultima. Nunc de non sufficientibus cibis appositis, nunc de male conditis &c. oritur indignatio: jam de potu, ut non satis forti, aut sæculento, vel insipido &c. querimur. Unde fit: ut conturbatus animus aptus non sit ad exequenda munia sua, nec satis habeat vigoris sive ad resistendum tentationibus, sive ad aggrediendum insignem quiddam in materia virtutum, sive ad superandas difficultates occurrentes in bene cœptis. Bene Bernardus Serm: 24. de mod. viv. *Non potest quisquam perfectionem virtutum accipere; nisi prius intra se domuerit ventris gulam: neq; potest à semetipso tentationes demonum expellere, nisi refraxaverit in se appetitum gule.*

Sed minimum id est damnorum à gula promanantium, quod obset virtutum exercitio & perfectionis: universitas malorum, quibus humanum genus premitur, non injuriâ ipsi adscribitur. *Gula Paradisum clausit, primogenita vendidit, suspendit pistorem, decollavit Baptistam, Nabuzardan princeps coenorum templum incendit, & Jerusalem totam everit:* inquit Innocentius PP. de Vilit: condit: hum: *Quod Hierosolymæ Nabuzardan, id in toto genere humano operata est, & etiamnum operatur gula in cujusvis statûs & conditionis hominibus.* *Ut apud eos, qui in sæculo sunt, Avaritia est radix omnium malorû: ita in religione gula:* ait S. Joan: Climacus gr: 26. n. 37.

Cum igitur nunc sit tempus, quo solent Reges sensuum suorum aliarumq; affectionum, ad bella procedere: contra Capitale, id est & Originale, hoc vitium arma sumamus. Ut autem illud felicis & directius oppugnemus: nosse oportet Actus ejus proprios, quibus nos expugnat, & mancipatos tenet. *Quinq; nos modis Gula vitium tentat.* inquit S. Gregorius l. 30. Mor. c. 26. *Aliquando namq; indigentia tempora prævenit: aliquando cibis lautiores querit: aliquando preparari accuratius præcipit: aliquando in ipsa quantitate sumendi mensuram moderate refectiois excedit: nonnunquam ipso æstu desiderij immensi deterius peccat.* Cæterum Actus etiam plures inordi-

FERIA VI. post CINERES.

17

inordinati appetitus recenseri possunt. 1. Excedere legitimam quantitatem, seu mensuram. 2. Extra tempus comedere vel bibere, sine rationabili causa. 3. Nimis delicatos, vel præter morem proprii status paratos cibos aut potum appetere. 4. Defectus contingentes circa victum ordinarium impatientius ferre, acerbè conqueri, murmurare &c. 5. Nihil desiderio inhiare cibo vel potui, ut Esau. 6. Nimis avidè comedere vel bibere. 7. In convivio aliorum seligere sibi meliora, alijsq; præripere, nec servare mensales urbanitates seu civilitates. 8. Non fraudare appetitum bolo aliquo, sed totum, quatenus licet, explere.

Porro ad extirpandos huiusmodi in victu excessus & defectus, præter salutis æternæ, temporalis sanitatis, & perfectionis studium, ad quod obligamur; acriter nos incitat Circumstantia temporis, tum Anni Vernantis, quo sanguis ebullire, & corpus periculosius inflammare solet; tum Jejunij Quadragesimalis, quo & delicta commissa, præsertim per insolentiam carnis, expianda sunt: & nostrâ causâ passo in carne DEO compatiendum est. *Induimini D. JESUM Christum: & carnis curam ne secutus in desiderijs; monet Apostolus Rom: 13.*

FERIA VI. post CINERES.

Tessera diei. *Amor meus tristis est usq; ad mortem!*

MEDITATIO. *DEUS in horto incipit derelinquere Filium: CHRISTI tristitia, pavor, &c. DEspare V. dolor in abitu ipsius post canam.*

1. **A**pendentem dereliquerit propter nos Filium: sed jam in horto derelinquere cœperit; subrahendo illi ordinarias consolationes (quæ ex visione beatifica in illum redundabant) & auxilia, quibus potentia sanctissimæ illius animæ in suo vigore, & ad operandum expeditissimæ reddebantur. Unde beata illa anima illico cœpit mœrere, pavere, tædio laborare: & factus est JESUS, Angelorum voluptas; sibi metipsum gravis amarus, invalidus. Jam in cœna turbatus fuerat spiritu ob inexpugnabilem proditoris duritiem. Joan: 12. & ecce Pater non solatur, sed aggravat mœrorem & dolorem! Nos autem continuo in bonis ducere volumus dies nostros; omnes volumus serenos & lætos etiam Quadragesimales. At si quando, nunc certe melius est ire ad domum luctus, quàm ad domum convivij. *Cor sapientum, ubi tristitia est, & cor stultorum ubi lætitia.* Eccle. 7.
2. **A**dora D. JESUM, & considera: quàm gravi oppressus fuerit tristitia. *Tristis est, inquit, Anima mea usq; ad mortem.* Anima illa,

C

claris

clarissimâ DEI visione beata, quæ post DEUM, præcipuum est beatitudinis nostræ objectum, quæ lætificat omnes Angelorum choros, tristis est; non sine gravissimo tædio, & metu imminentiū malorum: tristis est usq; ad mortem; tum quia ei nulla dabitur consolatio usq; ad extremum agōnem; tum quia aded gravis erat, tristitia; ut mortem causaret, nisi divinitus hæc arceretur: ut majoribus tormentis sit locus. Neq; in proluxa oratione, quæ sanctis animabus fons est cælestis voluptatis, aliquid levaminis, aut solatij affulsit mæsto. Tandem apparuit quidem Angelus, sed confortans tantum, non recreans. Nostra inordinata gaudia, vetitos lusus, & dissolutionem expiare hoc lethali suo mœrore voluit JESUS. Ergo adhuc ludam? & illudam afflicto? Differ, o anima mea gaudia: placeat nunc pœnitentiæ luctus: Dilata crescent gaudia.

3. Venerare DEIPARAM V. & considera: quo mœrore & dolore obruta fuerit; quando ei post ultimam cœnam *Vale* dixit JESUS. Præseverat ipsa pridem, quæ eventura essent: at grandia mala minus afficiunt, dum eminus videntur, quàm dum cervici jam imminēt. Divisio sola amantium non paucis lethalis fuit: quid si alter in captivitatem, in catastas aut rogam rapiatur? Abibat JESUS non rediturus; ibat; in vincula & carceres conijciendus, flagris & spinis discerpendus, in crucem tollendus: quæ hic vita relinquebatur cordi materno? Eja Mater fons amoris, me sentire vim doloris: fac: ut tecum lugeam?

Proposuit cavendi Quadragesimali tempore effusionem in jocos & lusus.

LECTIO PRACTICA.

De Mortificatione in lusu, joco, & gustu.

Opportunissima huic loco est pia Meditatio S. Bernardi, quam exhibet serm. 3. in Nat: Dom: *Ludebam*, inquit, ego foris in platea: & in secreto regali cubiculi super me ferebatur sententia mortis. *Audivi hoc Unigenitum ejus; exiji posito diad: mare, sacco vestitus, aspersus ciner: caput, nudus pedes, fletus & ejubans, quod morte damnatus esset servulus ejus. Incucor illū subito procedentem, stupeo novitatem, causam percunctor, & audio. Quid factum sum? Adhuc ne ludam, & deludam lacrymas ejus? Planè si insanus sum, & mentis inops, non sequar eum; nec eum lugente lugebo. Hæc piissimus Bernardus ex consideratione pauperrimè nati, & amarè flentis JESU.*

Quid nos ex consideratione ejusdem, Viri dolorum, eadem de causa procedentis ad hortum Oliveti; tædio, pavore, & lethali tristitia laborantis; procidentis in faciem suam, & pro salute servuli insolentis non lacrymas solum, sed sanguine toto corpore fundentis, & luctantis usq; ad agō-

nam?

FERIA VI. post CINERES.

19

nam? Quid nos, inquam? Adhuc ludemus, & deludemus sanguineas lacrymas ejus? Cum lugente non lugebimus? *Compatitur DEI Filius & plorat: homo patitur, & ridebit?* Ob nostra pericula pavore concutitur JESUS; ob nostram animi dissolutionem tædio laborat JESUS: ob nostra intempestiva & immoderata gaudia tristis est usq; ad mortem JESUS: nos pergemus, in bonis, in jocis, & lufibus solitis ducere dies nostros? Quid dico, Nostros; quos publico luctui, & Patienti Salvatori consecravit Ecclesia, & Gratitude debita?

Dedecet laxior hic in Quadragesima vivendi modus eos potissimum, qui speciali ratione divino cultui se agnoscunt mancipatos. Inconvenientissimum enim est: ut familia indulgeat genio liberius, dum Domino, ipsorum causâ, iniquissimè & atrocissimè sublato, parentandum est. Melioris notæ non Religiosi tantum, sed Eminentissimi, Illustrissimiq; Præfules Quadragesimam totam Meditatione Dolorum Christi, & singulari austeritate, non epulis & facetijs; multiplicatis laboribus, non otio vel lufibus, celebrare consueverunt. S. Carolus Borromæus toto eo tempore super nudos asseres cubabat, animum assiduis pietatis officijs exercebat, corpus solo pane & aqua, exceptis Dominicis diebus (quibus tamen pisces non admittere) sustentabat: alternis nihilominus diebus zelosam ad populum concionem dicebat. S. Franciscus Salesius, quàmvis assiduis difficillimisq; propter viarum asperitatem, suæ Diæceseos Visitationibus attritus, Quadragesimali tempore residuas colligebat vires, atq; diebus singulis Apostolico Spiritu populum erudiebat, incitabatq; ad pietatem. Hæc sunt otia, hæc feriæ & deliciæ Servorum DEI, qui JESUM Patientem præ oculis habent.

Mirum sanè est: Christianos, ne dicam Ecclesiasticos & Religiosos, posse largos agere dies, dum ipsis proponitur JESUS tam dira passus non solum pro ipsis, sed etiam ab ipsis. Petrus propter trinam negationem metu extortam, flebat amare, quoties gallum audiebat cantantem: nos quoties ex mera insolentia vel malitia, peccavimus in JESUM? Et tamen non tantum non libet plangere, sed libet indulgere genio, imò novas cumulare offensas! Civis Romanus, quæda in publico urbis luctu, tertio roseo cinctus frontem comparuisset, in carcerem conjectus est: quantò majus piaculum erit, dum Ecclesia publico luctui proponit Christum spinis coronatum; cum lascivis illis Sapi: 2. juvenibus coronare se rosis intempestivæ lætitiæ? Accusabit non paucos pius ille captivus (apud Cantiprat: lib. 1. de apib. c. ult.) ex quo cum herus continui interoris causam quaesivisset, respon-

SABBATO post CINERES.

sum tulit: Non posse se non condolere Domino ac Salvatori suo, acerbissima pro se passio: nec posse frontem serenare, cum ejus vulnera cordi impressa assidue faucient mentem. Volens id experiri tyrannus, concidit hominem; in cujus diviso corde Imaginem reperit Crucifixi. Omnia tempus habent. Tempus gaudendi adferent Paschales Ferie, & major vernantis anni amenitas, imò tota beata Eternitas: placeat interim aliquid concedere modico huic tempori lugendi, & iusto S. Matris Ecclesiæ postulato. Amoveri vult lautiores mensas, præcipit parciolem victum. Nam, ut notavit S. Gregorius lib. 31. Moral. *De veniis ingluvie incepta læticia, scurrilicas, immunditia, multiloquium, hebetudo sensus circa intelligentiæ propagantur.* Deinde, ut observavit S. Augustinus Quæst. Evangel. lib. 2. c. 18. *Scriptura docet generale Jejunium, non à concupiscentia ciborum tantum, sed ab omni læticia temporalium delectationum.*

Audiamus deniq; Christum ipsum, apud S. Angelam de Fulginiò (in Vita c. 6. apud Bolland. 4. Jan:) amplissime benedicentem lugentibus secum, sibiq; compatiens. Inter cætera ait: *O vos verè beati, & omnino benedicti! Si in cruce pro meis Crucifixoribus cum lacrymis rogavi Patrem meum, & excusavi eos: quid pro vobis, qui mihi compassi, devoti, & consocij fuistis, dicturus sum, cum non in cruce, sed in gloria orbem judicabo? Hoc vel maximè tempore locum habet illud Matt. 5. Beati qui lugent: quoniam ipsi consolabuntur.*

SABBATO post CINERES.

Tessera Diei: *Amor meus posuit in agonia, sanguine manavit!*
MEDITATIO. *DEUS permittit Christum devenire usq; ad agoniam & sanguineum sudorem: CHRISTO quàm gravis ea agonia: DElpara V. auxia de Filio.*

I. A Dora **DEUM O. M.** & considera: quomodo Filium suum amore & metu tabescentem permiserit devenire usq; ad agoniam, & sanguineum sudorem. Subvenire facile poterat, sed nolebat: quia tempus patiendi erat. Vide, quàm rigido amore amet **DEUS** unigenitum suum; per omnia & super omnia amabilissimum. Sic etiamnum amat chariores sibi, Non solum permittit illos tempestatibus jactari, sed etiam naufragia pati, imò à belluis marinis, ut Jonam, devorari. Servat tamen animam seu vitam eorum, donec suo tempore illos, de profundis educat; & colloget cum Principibus populi sui. Sustinendū igitur, & cogitandum; quod Pater sit, qui nos ad hunc agone pervenire permittit, sciens & amans.

2. Adora

SABBATO post CINERES.

21

2. **A**dora D. JESUM & considera: quàm gravis & acerbæ ei fuerit agonia illa in horto. Argumento est sudor, non aqueus & frigidus, ut solet in moribundis; sed fervidus & sanguineus, quod vix auditum, tamq; largus, ut non solum faciem, corpus & vestimenta imbuerit, sed in terram usq; decurrerit; ut indicat Evangelista; *Factus est sudor ejus sicut gutta sanguinis decurrens in terram.* Luc: 22. Causa hujus fudoris proxima, fuit ingens & ineffabilis lucta Spiritus-cum parte sensitiva, quæ naturali horrore imminentium, tot, tantorumq; malorum correpta, totis viribus ea averfabatur, & evitare contendebat: at pars Superior, seu voluntas altioribus instructa principiis (quamvis & ipsa ingenti horrore consternata,) amplectebatur voluntatem Patris, & omnium tolerandorum fortem constantemq; perpeffionem imperabat. Accessit vivacissima apprehensio infinitorum, & maxime enormium peccatorum (inter quæ mea non ultimo loco erant) pro quibus patiendum erat; uti etiam summa hominum ingratitude, & in plurimis nullus fructus acerbæ passionis. Vide, quomodo resistendum tentationibus, & pugnandum usq; ad sanguinem etiam, & agoniam: ne à voluntate, & mandatis divinis recedamus. Doleo, Domine: quod tam leviter sæpè defecerim à te. Afflictissime JESU, per acerbissimam illam agoniam tuam, ne deferas me nunc, & in ultima mortis lucta, à qua tota pendet æternitas.

3 **V**enerare DEIPARAM V. & considera: quàm fuerit sollicita & anxiosa de filio. Est enim amor præsertim Matrum, affectus valde inquietus, sollicitus & anxius. Cogita Matrem junioris Tobia; quàm inquieta fuerit & anxiosa de Filio non comparente statuto tempore. Quid? si vidisset, irruentem belluam marinam, jam jam devoraturam Filium? Quid si audisset; filium cum sponsa sua adijisse thalamum, in quo jam septem proci necati erant à dæmonio? De imminente longè tristiore sorte Filio suo, DEO, certa erat MARIA: quantà igitur anxietate eam laborasse oportet! Compatior tibi intimè ô Afflictissima; & per ineffabilem illam anxietatem tuam; adesto mihi, in confinio æternitatis, anxio de Salute æterna.

Proposui matrem amovendi, quæ in agone anxium reddere posset.

LECTIO PRACTICA.

Resistendum tentationibus præsertim gula, & inordinatis affectibus, etiam usq; ad sanguinem & mortem.

Etiam inchoantibus Quadragesimale Jejunium admodum opportuna est illa Sancti Spiritus per Ecclesiasticum cap. 2. præmonitio: *Fili,*

accedens ad servitium DEI, sta in iustitia & timore; & prepara animam tuam ad tentari nem. Accedimus ad servitutem DEI, non nunc primum exhibendam; sed maiore studio, fidelitate, diligentia, submissione & charitate præstandam Redemptori DEO. Standum ergo imprimis in *iustitia*, & ab omni impietate quam longissime recedendum, omni tentationi quam strenuissime resistendum: alias & servitus nostra fidelis non est, & Jejunium meriti nullius. Nam ut Jejunium, seu abstinencia à cibis sit meritoria, conjunctam esse oportet abstinentiæ à peccatis quibusvis, saltem gravibus: quam abstinentiam Jejunium magnum & generale vocant Theologi cum S. Augustino; qui tr. 17. in Joan. ait: *Jejunium magnum & generale est, abstinere ab iniquitatibus, & illicitis voluptatibus sæculi; quod est perfectum jejunium. ut abnegantes impietatem & seculares cupiditates, ita, cramer, & iuste, & pie vivamus in hoc sæculo.* Fundatur hæc doctrina in illo Isaia 58. *Nonne hoc est magis jejunium, quod elegi? Dissolve colligationes impietatis; solve fasciculos deprimentes; dimitte eos, qui confracti sunt, liberos; & omne onus dirumpe. Frange esurienti panem tuum, & egens vago q; induc in domum tuam &c.*

Standum quoq; in *Timore*; tum quia monet Apostolus, ut qui stat, videat, ne cadat: tum quia etiam de propitiato peccato non debemus esse sine metu. Eccle. 5. tum quia sollicitè cavendum; ne passo Domino, per nova peccata, quæ hoc tempore commissa magis sensibilia sunt, super dolorem vulnerum susceptorum novos addamus dolores. Deniq; *preparanda anima ad tentationem*: quæ certè non deerit hoc tempore; imò multiplex, & non leviter infesta, aderit. Quod prævidens sollicita Mater Ecclesia, per crastinum de Tentatione Christi in deserto Evangelium, præmonet fideles: ut maturè ac strenuè se arment contra tentationes imminentes. Tentabit Satan, tentabit malus socius, tentabit caro propria cum concupiscentiis suis, præsertim gulâ.

Tentatis & tentandis inelamat Apostolorum Princeps 1. Pet. 5. *Resistite fortes in fide; credentes, DEUM non permissurum tentari vos supra id, quod potestis, & facturum cum superata tentatione proventum.* Inelamat & alter, Rom. 12. efficax aliud suppeditando medium ad quamvis superandam tentationem: *Recognite enim eum, qui talem sustinuit adversum semetipsum contradictionem: ut ne fugimini animis vestris deficientes.* Sustinuit omnigenas impugnationes Christus: ut vos doceret vincere, & erigeret ad appetenda victoribus destinata præmia. Sustinete; quamvis complures futuri sint insultus. Ne fatigemini; quamvis diutius duratura sit tentatio. Resistite; quamvis valetudo corporis sit atterenda, quamvis non

paucâ

DOMINICA I. QUADRAGESIMÆ.

25

pauca alia incommoda sunt subeunda. Nondum enim usq; ad sanguinem resistis, adversus peccatum respuantes. In hoc genere pugnae, etiam inuictoriae necesse est. Recogitate eum: qui non solum ab externis aduersarijs, sed etiam intra semetipsum aduersus semetipsum talem sustinuit contradictionem partis inferioris contra superiorem; ut & toto corpore sanguineo manarit sudore. & in suprema positus fuerit agonia: non tamen defecit animo, sed valentior assurgens; *Non mea*, inquebat, *sed tua*, Pater fiat voluntas. Surgite; *eamus*, quod sensus refugit, sed ratio vocat, & Pater.

Recolere iuvat & aliud fortis usq; ad mortem resistentiae exemplum, quod tradit Casarius lib. 4. cap. 77. Miles quidam non paucarum nec leuium noxarum reus, confitebatur quidem illas subinde; sed poenitentiam inunctam implevit nunquam. Tandem Sacerdos ex ipso met quaesivit: *Est ne aliquid, quod pro peccatis tuis implere possis?* Ille respondit: *Est pomum in possessione mea talis, cuius fructus pessimus, & amarus est adeo: ut nunquam illum comedere possim. Si videretur vobis bonum; poenitentia mea sit: ut quo ad usq; vivam, de ejusdem pomis non gustem.* Advertit Sacerdos: nos passim niti in vetitum, & cupere negata: eam igitur homini poenitentiam assignavit. Abijt miles, contentus poenitentia, quam serio, an joco, sibi poposcerat. Stabat autem arbor illa eo situ: ut quoties adibus suis egrederetur, vel illas ingrederetur, arborem & fructus ejus haberet in conspectu. Incessit eum paulo post vehementissima cupido vetitorum fructuum: sed retrahebat religio imposita & suscepta poenitentia; fuitq; lucta tam gravis, ut similem ullam senserit in acie militari. Deniq; eo evasit anceps hoc praelium: ut quadam die arborem accesserit, jamq; manum extenderit ad pomum decerpendum, sed mox poenitentia ductus retraxerit: tenuitq; ea extensio & retractio manus totum diem, luctante divina gratia & bona voluntate cum tentatione; donec vir fortis, fragilitate humana & victorijs fatigatus, sub arbore conceidit exanimis.

Recte monet S. Gregorius hom: super Evang: *Cogitandum summopere est: ut qui se illicita meminit commississe; a quibusdam etiam licitis sine deat abstinere: quatenus per hoc Conditori suo satisfaciat.*

DOMINICA I. QUADRAGESIMÆ.

Tessera Diei. *Amor meus amarissimum Passionis Calicem pro salute mea bibit!*

MEDITATIO. DEUS persat in decreto de Passione & Morte: CHRISTUS & Mater ejus conformant se voluntati Divine.

1. Adora

1. **A** Dora DEUM O. M. & considera: quomodo non exoratus humilissima, ardentissima, & ter prolixè repetita oratione Christi, perstat in sententia de tolerandis omnibus omnino, quæ in concilio Sanctissimæ Trinitatis ab æterno definita fuerant de passione Filij DEI, & morte crucis. *Oportuit hæc pati Christum.* Luc. 24. Unde licet viribus ita destitutus fuerit, ut naturaliter vivere nullo modo posset: maluit Pater Angelo misso eum confortare; & per miraculum vitam ei protrahere, quam à passione & morte crucis liberare: Oportuit hæc pati Christum. Et nos pati non oportet? *Patientia vobis necessaria est.* monet Apostolus Heb. 10. Non igitur immunitas à tribulatione, sed gratia & patientia ardentè petenda. Parce Domine impatientiæ meæ. Auge, si placet; dolores: sed etiam auge patientiam.

2. **A** Dora D. JESUM, & considera: quàm accuratè semper se conformavit voluntati Patris, etiam in maximè arduis. Quàmvis enim ex humanitatis imbecillitate naturali petierit; ut transiret amarissimus ille calix à se: nunquam tamen id petijt absolute; sed cum adjecta semper clausulâ. plenâ voluntatis suæ resignatione perfectissimâ. *Verumtamen non sicut ego volo; sed sicut tu.* Vel: *Fiat voluntas tua.* Matt. 26. Et mox, ubi advertit constantem Patris sui voluntatem; collectis viribus omnibu, magno animo surgit ab oratione; monetq; discipulos: *Surgite camus. ecce appropinquavit, qui me tradet.* Adeo tergiversatus non est, ut etiam ultro occurreret. Et nostram hanc decet esse tesseram resignatæ voluntatis in quacunq; tribulatione *Fiat voluntas tua.* Sed, quomodo ad hoc culmen perfectionis deveniâ nisi tu, qui ducis exemplo, des gratiâ infirmo, Magnanime JESU?

3. **V**enerare DEI param V. & considera: ipsam quoq; heroica resolutione semper resignatissimam fuisse in omnem DEI voluntatem circa se & Filium suum; quàmvis & ipsi idem calix, qui Christo offerebatur, exhaustiendus fuerit, per acerbissimam compassionem, usq; ad fundum. Iterabat assidue suum illud; *Eccè Ancilla Domini. Fiat secundum verbum tuum.* Tu nōsti, o Domina, pusillanimitatem & infirmitatem meā; pone pretiosum hoc verbum, *Fiat*, in corde & ore meo; ut semper de me, in me; & circa me optem fieri voluntatem DEI.

Proposuit de conformanda voluntate cum Divina; specialiter circa Mortificationem carnis per Jejunia &c.

LECTIO PRACTICA

De Jejunio Quadragesimali, rigide observando.

Magnâ semper in Ecclesia Christi religione observatum est Quadragesimalis

gesimale Jejunium, utpote non à Moyse solum & Elia, sed ab ipso Christo Domino consecratum. Hanc Quadragesimam nobis Dominus suo jejunio consecravit: inquit S. Ambrosius Serm. 34. Quisquis ergo Christianus consecratam jejunando non impleverit Quadragesimam, præparacionis & continentie reus tenebitur: quod legem divinitus pro salute sua datam prædando ipse rescindit. Et S. Ignatius M. ad Philipp: Quadragesimam nolite pro nihilo habere: imitationem enim continet DEI conversationis. Constitutionem Apostolicam de ipsius observatione refert S. Clemens Romanus his verbis: Post Epiphaniam servandum est vobis Jejunium Quadragesimæ, continens memoriam conversationis & legislationis Domini. S. Chrysologus Serm. 11. Videtis, inquit, quia quod Quadragesimam jejunamus, non est humana inventio?

S. Augustinus multis locis Jejunij Quadragesimalis observationem & utilitatem commendat, præsertim Serm. 65. de Temp. Et lib. 1. quæst. 69. Et Serm. 1. Dom. 1. Quadrag: Et Serm. 1. in Ciner: ubi ait. Ecce Fratres Charissimi, DEO propitio tempus Quadragesimæ venit. Et ideo rogo Dilectissimi: ut dies istos corporibus salubres, & animæ medicinales, ita cum DEI adjutorio sanctè & spiritualiter celebremus: ut observatio sanctæ Quadragesimæ non nobis judicium pariat, sed profectum.

Insigne exemplum S. rigoris in observando Quadrag: Jejunio nobis reliquit Magnus Virtute, & Scientia, Zeloq; Fidei Catholicæ Cardinalis Stanislaus Hosius. Refert Rescius in Vita lib. 1. cap. 4. eum Tridenti, ubi cum cæteris Pontificijs Legatis S. Concilio præsidebat, in gravem incidisse morbum tempore Quadragesimali. Medici judicârunt, necessarium esse; ut rigorem Jejunij laxaret, & caribus vesceretur. At ille, ut id faceret, adduci non potuit, malens sibi venire, ut olim Paula Venerabilis dicebat, dolere, quàm mentem. Quo forsan factum est, ut morbus invalesceret eum vitæ periculo non levi. Instabant Patres Concilij, qui in Hosij vita periclitari ipsum Oecumenicum Concilium censebant: sed frustra. Adfuerunt ergo cæteri Legati Apostolici, de salute Collegæ solliciti, monueruntq; quàm poterant efficacissimè; ut de rigore Jejunij paulisper remitteret. Quodsi consilio non acquiesceret, cederet auctoritati Concilij & Collegarum. Si opus esset; dispensare se, etiam Pontificis & totius Concilij nomine in lege Ecclesiæ. At Hosius propositi tenax, reposuit: Ego spem meam non in bestiarum cadaveribus, sed in DEO Salvatore meo pono, qui solus est verus Medicus, & corporis & animæ langvores sanans. Scriptum est: Honora patrem tuum, & matrem tuam, ut sis longævus super terram. Pater meus, DEUS est in cælis; Mater

mea Ecclesia est in terris. Ille præcipit, ut jejunem: hæc præcipit, ut his diebus istoq; tempore jejunem. Utrumq; honorare, utriq; obtemperare volo; & spero, quod ero longævus super terram, quidquid tandem de suis conjecturis dicant Medici. Imò vero se eam à teneris annis fidem habuisse: si præceptum Ecclesiæ de servando jejunio, ex quacunq; tandem causa violaret; quod in certum aliquod vitæ periculum incurreret. Quamobrem si se salvum & incolumem cuperent: ne auctoritatem suam ad vim inferendam jejunio adhiberent: se in eadem planè fide, quàm à teneris annis in animum induxerat, versari; si carnes prohibitis ab Ecclesia diebus comederet, quod mortem sibi sciens volens accerieret, & prorsus sibi secundum fidem suam fieret. Hæc ille: perstititq; in sententia; & DEUS, paulo post servo suo, etiam in minimis fidei, sanitatem restituit.

Eadem constantiâ dies Jejuniorum coluit idem piissimus Cardinalis etiam in supremo morbo: cumq; familia ipsius una cum Medicis instaret; ut propter magnam corporis debilitatem, saltem maturius seu matutino tempore cibi aliquid sumeret: suam deplorabat ille infelicitatem; quod in tam numerosa familia nemo inveniretur, qui ad recitandas preces, vel ad Missæ Sacrificium audiendum adhortaretur, aut ad debitas DEO laudes invitaret, sed omnes quasi conspiratione facta, cibum istum corporalem obtruderent, seq; vellent facere heluonem; ut in eo summam recuperandæ valetudinis esse constitutam existimarent. *Rescui in Vita lib. 3. c. 19.*

Hosij sententiam & constantiâ graviter promovet S. Ambrosius tom. 3. ferm. 25. de Quadrag: Scriptum est, inquit: *Qui dicit, se in Christo manere, debet sicut ille ambulavit, & ipse ambulare.* Si vis ergo Christianus esse, debes, quod Christum, facere. Ille, qui peccatum non habebat, Quadragesimam jejunavit: tu non vis Quadragesimam jejunare, qui peccas? Ille peccatum non habebat, sed pro nostris jejunavit peccatis. Qualis ergo apud conscientiam tuam Christianus es; cum Christo pro te esuriens, in prandes? Cum Salvatore pro te jejunante, in refectis? Non igitur, sicut dixi, leve peccatum est, indistinctum violare jejunium.

FERIA II.

Tessera diei: *Amor meus proditus est!*

MEDITATIO. de produtione Christi à Juda, permisa à DEO, deplorata à Matre.

I. **A**dora DEUM O. M. & considera: quomodo permittit homines liberrimè agere, & committere etiam summa sacrilegia, directè contra

contra se, & honorem suum (quale scelus fuit Christi proditio per Judam Iscariotem) etiam si evidentissimè sciat: impios ex tam facili permissione sumpturos occasionem dubitandi de ipsius omniscientia: *Quomodo scit DEUS! & si est scientia in excelsis?* Psal. 72. imò persuadendi sibi quāvis reclamante conscientia: vel DEUM res humanas non curare, *Nubes latibulum ejus; nec nostra confidit, & circa cardine, cæli perambulat* Job. 22. vel prorsus DEUM esse nullum. Est sanè DEUS magno, imò immenso corde, quia talia dissimulare potest. Nostrium vel puncto læsum exanimatur. Da mihi magne DEUS, cor amplum & propriarum injuriarum capax: pavidum in committendis offensis tuis.

2 **A**dora D. JESUM & considera: quo vultu, quibusvè affectibus exceperit proditorem suum Judam impudentissimum & scelestissimum. Internos ejus sensus produnt verba, humanitatis, mansuetudinis, commiserationis plenissima: *Amice ad quid venisti? Judas, osculo Filium hominis tradis?* Ostendit, & notas sibi esse fraudes, actaq; ipsius, & paratum se esse ad ignoscendum, si resipisceret; & Infinitam malorum, tum sibi, tum ipsi Judæ imminentiū, catenam post se trahere hanc proditionem. Quæ fuerunt tres validissimæ machinæ, quas clementissimus Dominus ultimò adhibuit ad retrahendum & convertendum filium perditionis. Sed expertus est illud Prov. 18. *Impius, cum in profundum venerit peccatorum; contemnit.* O profundum ineluctabile, & ipsa Inferni abyssus profundius! Serva me, misericordissime Salvator; ne ad hoc profundum deveniam: da: ut ipsam quoq; superficiem & speciem omnem peccati perhorrescā: cum omne lethale peccatum sit quædam proditio tui.

3 **V**enerare DEIPARAM V. & considera: quomodo in tam ancipiti & luctuoso rerum statu, anxie expectabat nuncium; quid ageretur cum Filio? De hominibus ultimum Judicij diem expectantibus dicitur. 21. *Arescentibus hominibus præ timore & expectatione, quæ super veniens universo orbi.* At passio & mors Christi res erat longè luctuosior, præsertim Matri, & tali Matri, quā interitus universi orbis. Quis ergo explicet, aut concipiat, quā acerba illi fuerit ea expectatio? Pia Mater, fons amoris, me sentire vim doloris: fac; ut tecum lugeam.

Proposuit de agendo suaviter, etiam cum inimicis.

LECTIO PRACTICA.

Pariendum cum Mansuetudine erga Adversarios.

Stupendum inauditæ Mansuetudinis suæ exemplum dedit Salvator **Noster amabilissimus:** quando proditorem Judam in ipso actu prodi-

tionis non solum non repulit, nec acerbo aliquo verbo perstrinxit, sed Amicum appellavit, & ad osculum gratiosissime admisit. *Ut doceremur inimicos omnes, eosq; quos scimus deserturos in nos esse, diligere: osculum ejus Dominum non respuit;* inquit S. Hilarius.

Est certe hæc gloriosissima Patientia, & verè heroica Mansuetudo, quando inimicum, sive præsentem, sive absentem, non solum convicijs non proscindimus, sed honorifice compellamus, & data occasione honorificam ejus mentionem facimus, non solum ac de aliquo ex primarijs amicis. Suspicit S. Chrysostomus hanc virtutem in Davide: qui cum 1. Reg. 24. habuisset in manu Saulem in spelunca deprehensum, & à suis incitaretur ad eum occidendum: non solum manus ei non intulit, sed nec verbo incomperto vel acerbo perstrinxit; nec solum Dominum suum, sed etiam Christum Domini appellavit reverentissime: *Propitius sit mihi Dominus, ne faciam hanc rem Domino meo, Christo Domini: ut mittam manum meam in eum, qui Christus Domini est.* Non est profecto mediocris philosophia, inquit Chrysostomus hom: de Saule & Davide, hostem honoris & obsequij vocabulis appellare. Pleriq; siquidem inimicos suos, nec proprijs quidem ac simplicibus nominibus appellare sustinent; sed alijs vocabulis accusationem habentibus eos nominant; puta, illum impium, illum insanum, mente captum, illum delirum, illum penitentem, aliaq; multa contextunt, hisq; notis designant hostem. Id esse verum, exemplo non eminus petio, sed è proximo sumpto, docebo: nimirum in hoc ipso Saule, qui Justum hunc ob vehementis odium, non sustinuit proprio vocare nomine, sed requirens eum, dicebat: ubi est filius Jesse? Sic autem appellavit eum partim odio proprij nominis, partim genitoris humilitatem notans. At non idem fecit B. David: neq; enim patris cognomento vocavit eum (ut filium Cis, hominis admodum humilis & contempti) neq; nudo simpliciq; vocabulo designavit; sed dignitatis & principatus titulo. Usq; adeo purum ab omni malevolentia gerebat animum. Proinde tu quoq; Charissime, hunc imitans illud in primis discito: ne unquam inimicum tamosis nominibus, sed honorificis potius appelles. Etenim si os asseverit, eum, qui læsit, honoris obsequijq; nominibus appellare; & animus hæc audiens, a lingua doctus, non fugiet cum illo redire in gratiam. Nam ipsa verba remedium erunt optimum ulceris in corde intumescens. Ita Chrysostomus.

Observat quoq; idem ibid. insignem effectum honorificæ illius appellationis, tum apud socios, tum quando David clamavit post tergum Saulis;
Domine

Domine mi Rex; & pronus in terram adoravit; insuper gratiosiore nomine Patrem vocavit: Pater mi Vide, & agnosce oram ehlamydis. Subito enim mutatus Saul, non tantam iras posuit, sed Davidem Filij nomine honoravit. Numquid vox hæc ita est, Fili mi, David? Miratur hic Chrysostomus: Quanta subito facta est mutatio? Qui nunquam sustinuerat, illum vel simpliciter vocare nomine, ipsam etiam appellationem habens exosam; nunc eum adoptat in cognationem, appellans eum Filium. Quid igitur David felicium, qui ex homicida fecit Patrem, & lupo ovem?

Etiam in Anna, matre Samuelis similem modestiam & mansuetudinem notavit idem S. Chrysostomus, hom. 2. de Anna. Gravi enim convicio perstricta ab Heli, tanquam temulenta; nullum contumeliosum reposuit verbum, sed cum singulari reverentia respondit: Nequaquam Domine mi, Qui contumeliosè locum fuerat, inquit Chrysost: eum appellat Dominum. Non dixit, quod plerique solent homines: Istene Sacerdos? Iste, qui alios docet, temulentiam ac vinolentiam mihi exprobrat? Retulit tam modesta mansuetudo insigne præmium, filium Prophetam, & supremum populi Judicem. Si hoc potuit mulier procacioris sexûs; si David, miles, & gravissimè exagitatus: nobis Exemplum Christi tam illustre, linguam maledicam non contemset!

FERIA III

Tessera Diei. Amor meus captus est!

MEDITATIO. *DEUS sternit sacrilegos satellites; CHRISTUS se plenè illis permittit: DEIPARA V. contemplantur mysterium Redemptionis nostræ.*

1. *A* *Dora DEUM O. M. & considera: quomodo zelando pro Filij honore fecit potentiam in brachio suo: quando ad gemina Christi verba; Ego sum. armatæ & furentes satellitum, militumq; cohortes con sternatæ abierunt retro sum & quasi fulmine ictæ. ceciderunt supinæ in terram. Voluit docere Pater: non ex necessitate vel Infirmatè passurum esse Christum; sed ex sua in favorem generis humani dispositione, & liberrimè ejus submissione. Tremende DEUS! non fuit vox illa Ego sum ferocientis leonis: sed Agni ad lamienam euntis ultro: & ecce quantam stragem facit! Quid erit, quando severus Judex tonabit: Ego sum; quem tam indignis modis tractastis, qui talia ac tanta pro vobis passus sum! O Domine, ingemisco tanquam reus, supplicanti parce DEUS!*

2. *A* *Dora D. JESUM, & cōsidera quomodo inestimabili dignatione & sui depressione, se permisit, & submit, hostibus suis captivissimis, non*

Judæis tantum & gentilibus; sed ipsis dæmonibus: prout indicavit verbis illis. Luc. 22. *Hec est hora vestra; & potestas tenebrarum.* Per nixit autem se quo ad omnia, quæ in eorum potestatem venire poterant; ut de se disponerent, tanquam de jumento aliquo; & sævirent ad placitum suum; atq; ad satietatem: si tamen rabies illa satiari potuit. Et ego me non submittam, non permittam totum DEO, Patri meo, amantissimo mei? Non permittam Superioribus meis, DEI vices gerentibus, hominibus me longè melioribus, & bonum meum intendentibus? Apage te impudentissima arrogantia!

3. **V**enerare DEIparam V. & considera: eam, dum hæc gerebantur, non fuisse domi effusam in lamenta incondita pro more sexus sui, orbitatem suam deplorando: sed altissima contemplatione defixam, considerasse, non tamen sine intimo sensu acerbissimi doloris, stupendam DEI dispensationem, circa mysterium Redemptionis nostræ: quod sanari non possemus, & vitam obtinere; nisi vulneribus & morte filij ipsius. At ego, quàm frigide, & sine sensu meditor eadem Passionis Dominicæ mysteria? Desige hic mentem meam o Mater Afflictissima, vulnera cor, accendo voluntatem; ut vobis compatiar Amoribus meis afflictissimis.

Proposium permittendi se totum DEO, & Superioribus.

LECTIO PRACTICA.

Patiendam animo Liberali.

Formam patiendi, non tam verbo quàm exemplo tradidit nobis Salvator ac Dominus noster, potissimum tempore Passionis suæ. Nullus cogitari potest astus Patientiæ, quem non exercuerit vel formaliter, ut ajunt scholæ, vel eminentissime. Proinde hoc maxime Quadragesimali tempore, quod ex Ecclesiæ instituto tempus est Mortificationis & Passionis, Patientiæ nostræ normam, pro tota vita & omni patiendi occasione, ex patiente JESU, Amore nostro, & amore nostri, sumamus oportet. *Christus passus est pro vobis, vobis relinquens exemplum, ut se namini vestigia ejus:* inquit S. Petrus 1. Pet. 2. Et Chrysostomus hom. 69. ad pop. ait: *DEI Filium pro te mortuum est, cruciatumq; periculis & agoniam, mortem passum, turpissimam, & ante mortem flagella, opprobria, derisiones, atq; convicia, te docens: in omnia generose feras.* Multum profecto confert ad incitamenta virinum, Magistrum Iustitiam inducentem aspicere, nec edentem. Quisq; sibi dictum existimet, quod S. Isidorus Pelusiota, Chrysostomi discipulus, scripsit ad Evaristum Diaconum, à Zosimo presbytero infestatum. *Eis Zosimus, qui presbyteri speciem præfert, privatus admodum, & gravide in se debet.*

charitas

charit: ac tu tamen ea, quæ à Judæis adversus Dominum perpetrata sunt, cum animo tuo perpendens, fac strenuo ac generoso animo feras.

Porro strenuus, generosus ac liberalis in patiendò animus, emicare debet eo: ut parati simus ad patiendum *Quidvis, A quovis, & Quamdiu DEO placeat.* Hæc enim patiendi forma clarissimè relucet in Patiente Domino. Passus enim est usq; ad mortem, mortem autem crucis, quidquid molestiarum, calumniarum, opprobriorum, & tormentorum Judæis, gentibus, & dæmonibus ipsis placuit inferre. Passus est à domesticis & extraneis, à Spiritualibus & sæcularibus, à principibus & populo, à discipulis & latronibus, à militibus & omni hominum fæce. Quam verò infracto animo aggressus sit hoc certamen, quam forti sustinuerit, quam constanti & invicto consummaverit: nec nos assequi, nec Angeli satis explicare possunt.

In ipso procinctu ad passionem, quasi provocaret hostes, & argueret tarditatem, occurrendum putavit: *Surgite*, inquit ad discipulos, *Eamus.* Ecce appropinquat, qui me traditurus est. Non moratur ille quidem; occurrendum tamen; ne velocior ille sit ad perdendum, quam ego ad moriendum. Latronibus consternatis manifestavit se ipsum, discipulum in arma consurgentem inhibuit, legiones Angelorum suppetias non vocavit, nec propria uti voluit virtute, sive ad declinandum periculum, sive ad perdendos hostes: sed ultro sese obtulit ad patiendum quidvis, à quovis, & usq; ad extremum agonem. Tali & nos decet esse animo: nimirum liberali non minus ad patiendum, quam agendum pro DEO. Non declinanda pericula, non quærenda effugia, non precibus vel alijs artibus conciliandi hostes, non implorandi, imò nec admittendi Patroni seu defensores, vel vindices injuriæ nostræ. Ad DEUM quamvis recurrere liceat: magis tamen sollicitandus, ut auxiliarem conferat gratiam, quam ut imminens malum avertat (cùm hoc infinitè levius sit, quam quod imminabat Christo) nedum ut ultionem sumat de hoste nostro.

Insigni exemplo prælusit David Christos: quando maledictione pessimæ impetitus à Semei, proficientes in defensionem Domini sui, & ultionem lingvæ maledicæ, compescuit: *Quid mihi & vobis filij Sarriz? Dimittite illu, ut maledicat.* 2. Reg. 16. Generosior, post exemplum Christi, S. Jgnatius M. non solum sustinuit maledicta, sed extrema provocavit supplicia: *Ignis, crux, bestiz, confractio ossium, membrorum divisio, & totius corporis contusio, & tota tormenta diaboli in me veniant: tantum ut Christo fruatur; conformatus ipsi non per plebejam, seu ut Tertullianus appellat, per bisfamens-*
patiens-

patientiam; sed heroicam, & Christi discipulo dignam.

Tam generosas & liberales in Christum animas tulit etiam recentior ætas. In Japonia vir honestus, Petrus nomine, annorum 80. senex, sed plenior Christianæ pietatis & zeli, quam dierum, cum in persecutione, spoliaretur bonis omnibus, ac insuper satellites postularent monetam, quasi mercedem obsequij; respondit: Me ipsum monetæ loco vobis offero; expendite in quoscunq; vultis, usus. Urgentibus, ut saltem vitulum in merendam daret; reposuit iuncos: se vitulum esse; acciperent, assarent, vel lixarent se, pro libitu. Mortem intentantibus, eam sibi summam votorum esse, respondit: Ad iudicem tractus, cum simili animo pro re Christiana ageret, miratus Judex senis generositatem, liberum dimisit. *Philipp. de Marin. lib. 1. Miss. Jap.* Audendum & nobis: liberali patientia respondendum DEO, nobis omnia facto, pro nobis Omnia ab omnibus passio.

FERIA IV.

Tessera Diei: *Amor meus captivus ducitur!*

MEDITATIO. DEUS tradidit Filium in manus peccatorum: CHRISTUS insolentissime ducitur captivus: DElpara V. Varijs affectibus consistatur.

1. **A** Dora DEUM O. M. & considera inestimabilem infinitæ bonitatis illius dignationem; qui ut servos, non tantum inutiles, sed nequam & perduelles. redimeret: Filium unicum, vitam cordis sui, tradidit pro illis; nec tradidit per quandam commutationem, sed tradidit in vincula, catenas, flagella, crucem & mortem. Sic DEUS dilexit mundum! Sic dilexit; ut Filium odisse videatur. Quis enim Filium daret pro servis! nisi degenerem, & malum pro bonis? Non capio, mi DEUS inauditam & Incomprehensibilem hanc traditionem tuam: credo tamen, ac me tandem vicissim trado tibi cum omni libertate mea. Suscipe & posside æternum.

2. **A** Dora D. JESUM, & considera: quomodo prostrati illi satellites, accepta a Christo potestate, assurgunt, & furibundi irruunt in Dominum, apprehendunt, tundunt; cædunt, funibus ligant, convitijs atq; catenis onerant; & sicut victores captâ prædâ exultantes, rapiunt, trahuntq; Hierosolymam versûs. Triste spectaculum! Dominus Universorum, DEUS Infinitæ Majestatis, desertus à suis, captus ab hostibus, vinculus latronis instar ducitur! Spiritum oris nostri Christus Dominum, sine quo tanquâ vitali aura, vivere non possumus, capius est in peccatis nostris! Lamentabatur Jeremias Threnorum 4. In vincula, quibus oneratus fuit Domi-

mus: Captus est, inquit, in peccatis nostris. Nos illa texuimus vincula, nos fabricavimus. Et nos non feremus aurea & levislima præceptorum divinarum, aut votorum nostrorum vincula? O Domine feram libenter propter te, vinctum pro me!

3 **V**enerare DEIPARAM V. & considera: quomodo anima ipsius, dum illa gerebatur cum Christo, theatrum quoddam fuerit variorum & stupendorum affectuum; nunc circa DEUM, & Filium suum; nunc circa genus humanum & populum Judaicum; nunc circa se ipsam. Jam amor & dolor, jam indignatio & commiseratio, jam timor & spes, jam omnes turmatim erumpebant, & cor maternum distrahebant, premebant, obruebant. O Mater Afflictißima, magna erat velut mare, grandi tempestate agitatam, afflictio tua! Excita in me congruentes temporis præsentis, & non steriles affectus: ut in meditatione mea exardescat ignis amoris, premat pondus doloris; voluntas plenè avertatur à peccatis, adhæreat DEO.

Proposium de restringenda propria Voluntatis Libertate.

LECTIO PRACTICA.

Patienter ferenda vincula nostra moralia & materialia.

Libertas toti viventium generi chara est, homini charissima. Non solum volucres cæli, pisces maris & pecora campi fugiunt captivitatem, & quâ possunt, se afferunt in libertatem: sed ipsæ plantulæ gaudent aperto cælo, ramosq; liberè extendere gestiunt. Homini duplex libertas in votis & pretio est; nimirum Libertas Hominis, & Libertas Voluntatis. Naturaliter enim cupit, non esse sub aliena potestate, sed sui juris esse, & vivere arbitrato suo, agendo quod sibi placet. Uramq; habuissimus integerrimam, si uni faciliq; mandato Creatoris & Domini nostri, parere placuisset. Vixissemus omnes, libertate & felicitate pares. Nunc ea sorte nascimur: ut utilius nobis sit, sub aliena esse potestate, præpositorum pati imperia, & injecta libertati sustinere vincula: nisi malimus in vitia quævis, & ipsis coherencia mala, ire præcipites.

Verum quidquid sit de primævo contractæ servitutis, & restrictæ libertatis titulo, quem dedit inobedientiæ culpa: si ad solum attendamus vindictam libertatis & felicitatis nostræ DEUM Hominem, nostrâ causâ, nostri amore in vincula coniectum, funibus ligatum, catenis oneratum, à turba latronum captivum ductum, ad extremum supplicium pro nobis ducendum; vilescit tam pretiosa, tam chara nobis libertas; placent magis vincula & captivitas. Quomodo enim amet effreni libertate lascivire servus, cernens Dominum suum & omnium, pro suis sceleribus vinctum duci? Non paucos

facinororum movit naturalis æquitas; ut, videntes innocentem sui loco duci ad supplicium, ultro se objecerint Iudicibus, vinculis, carceribus & morti. Amicus subinde pro amico se se substituit, vincula induit, & feralem sententiæ caput obicere non dubitavit. Visa est quandoq; soror pro sorore se offerens barbaris in captivitatem, & post longum inter amantes consistum, extremo sororis amplexui immoriens. Noster tam frigidus erit in vincum JESUM amor, tam modicus aut nullus dolor: ut ipso latronis instar constricto, nos cupiditatibus nostris laxare habenas, & vivere secundum libera cordis nostri desideria, non pudeat?

Æquior fuit mens Apostolo, & innumeris alijs, qui ultro se in vincula dederunt pro Christo. Tum demum putavit ille, se omnis felicitatis, libertatis & dignitatis apicem attigisse: quando ei contigit, vinciri pro Christo; nec alium sibi gloriosorem, & fidelibus magis æstimabilem, reperit titulum, quam Vincit in Domino. Ego Paulus, Vincit Christi JESU, inquit ad Ephesios cap. 3. 1. Et cap. 4. 1. Obsecro itaq; vos ego vincit in Domino. Et 2. Tim: 1. Noli itaq; erubescere testimonium Domini nostri, neq; me vincitum. Et ad Philemonem orditur Epistolam: Paulus vincit JESU Christi. Et v. 9. Paulus senex, nunc autem & Vincit JESU Christi. Vinculorum quoq; suorum semper suavissimo cum gustu meminit: ut dum ad Philip. 1. 7. dicit: se eos habere in corde suo & in vinculis suis. Et v. 13. Vincula sua manifesta facta esse in Christo in omni prætorio. Eadem vincula admirabili securitâ celebrat S. Chrysostomus, nec quidquam istis simile reperit in omnibus regum thesauris & diadematis.

Nobis si tyrannorum satellites hujusmodi non offerunt vincula: præstò sunt alia, quibus fidem & charitatem nostram testemur erga DEUM, & vincum Salvatorem nostrum. Quid enim Præcepta divina, quid Leges Evangelicæ, quid Religiosa vota & regulæ, salutaria sodalitatum instituta, privata deniq; non solum Vota & juramenta, sed etiam promissâ sive in Meditationibus, sive aliâs facta: nisi Vincula quædam, tum naturali libertati nostræ, tum solitæ vivendi licentiæ injecta? Gravant equidem fragilitatem nostram, stringunt sensus, arctant voluntatem: sed id ipsum saluti nobis est; quod non habeamus tam amplam pereundi licentiam; tantòq; magis noster in DEUM passum elucescit affectus, quantò plura & graviora ab illo suscipimus, vel pro illo induimus vincula moralia; Vide ergo, quæ divina præcepta, aut quæ Religionis Leges te magis gravare solent; eaq; amore Vincit Amoris tui sustine libentius.

Audire solent ferventiores & virtutis amantes etiam corpori pia injicere

FERIA V.

35

vincula, jam funiculis nodosis, jam hamatis catenulis stringendo lumbos, brachia, aut tibias. Certè, si Samson sustinuit à Dalila sua vinciri: quidni divini Amoris admittamus & feramus vincula? Ad ea iadenda & ferenda *Charitas Christi urgeat nos. 2. Cor. 5.*

FERIA V.

Tessera Diei: *Amor meus colaphis cesus est!*

MEDITATIO. DEUS patitur Christum raptari ad tribunalia Pontificum: CHRISTVS apud Annam accusatus colapho creditur: DEIPARA V. nuncium accipit de capto Filio.

1. **A** Dora DEUM O. M. & considera admiranda ejus judicia: quod quem Judicem instituit universorum, viventium & mortuorum, passus sit tanquam reum sacrilegum, raptari ad Pontificum tribunalia. Non ignoravit, quo in ipsum essent animo illi Judices iniquitatis: scivit: quæ ibi maneret eum sententia, quis despectus: subijci tamen Filium voluit tam iniquis tribunalibus; ut *mihi pro minimo esset, si ab hominibus judicer 1. Cor. 4.* Innumerorum, nec levium excessuum & defectuum reus, quid magnum, si de quibusdam judicer? Possum tolerantia hujus judicii evadere rigorem Judicii divini, in quo etiam justitiæ judicabuntur. Non intres in iudicium tuum cum servo tuo Domine; sed da gratiam: ut patienter feram sinistra judicium hominum.

2. **A** Dora D. JESUM & considera: eum, postquam crudeliter in urbem raptatus & per torrentem Cedron tractus est, oblatum impiis Annæ Pontifici. Vide ibi judicem judicandum à reo, lucem à tenebris, agnum à lupo. Interrogatus de discipulis & doctrina, cum de discipulis, qui ob fugam ei honori non erant, nihil respondisset, de doctrina autem responderet: *Quid me interrogas? interroga eos qui me audierunt:* ab uno ministro- rum (Malchus, cujus auriculam sanaverat, fuisse putatur) crudeli alapâ percutitur, tanquam injuriolus in Pontificem. O veritas æterna, o Sapientia Infinita, sic te homines, non auribus, sed sacrilegâ manu excipiunt! Ego dicta mea pro oraculis haberi, & observari volo. Si quis contradicat, nedum in faciem cædat; reus mihi est læsæ majestatis. O factum! Compatior tibi, miissime JESU: irascor mihi. Parce!

3. **V**enerare DEIPARAM V. & considera: quo animo acceperit nuncium ad se delatum, de prodito, comprehenso, victo, & Hierosolymam per summam insolentiam raptato Filio. Cogita hoc nuncium lapidem fuisse violarem, qui cor Matris planè oppressit, extinxissetq; momen o:

nisi divina virtus prodigiosè vitam servasset. Quàm acerbè luxit Jeremias captivitatem & calamitatem populi sui! *Defecerunt præ lachrymis oculi mei, contrita sunt viscera mea: effusum est in terra jecur meum super contritione filii populi mei; cum deficeret parvulus, & lactens in plateis oppidi:* At quanto pretiosior JESUS electus ex millibus, unus pro millib; imò pro omnibus & super omnes; tantò luctuosior fuerit oportet, præsertim Matri, forsejus tam calamitosa. Nihil tamen, indignum dignitate suâ egit VIRGO fortis in luctu illo decumano. Compatior tibi afflictissima Mater, & oro: obfirma animum meum: ad excipiendos fortiter tristes nuncios: præsertim quando mihi dicitur: *Dispone domui meæ. Morieris tu, & non vives.*
Proposuit sustinendi convicia & confusionem etiam coram personis altioribus.

LECTIO PRACTICA.

De sustinendis colaphis conviciorum, manuum & varis confusionis.

Valde ardua est homini ingenuo, præsertim honorato, hujusmodi injuriarum tolerantia. Facies enim est pars hominis vel maxime veneranda: utpote in qua excellentia & dignitas rationalis animæ potissimum resplendet. Si ergo contingat, eam procacis lingvæ convicijs, vel impudentis oris sordibus, aut violentæ manûs injurijs violari: non minus sensibilia nobis est offensæ talis, quàm si intimo corde vulnus acciperemus. Quia verò non infrequenter nos infestant hujusmodi injuriæ; nec erubescunt petulantes lingvæ falsa dicteria, scommata, convicia, contumelias & opprobria, velut fœda putridi oris excrementa, nobis in faciem jactare: necesse est, ut ad eam æquali vultu & animo excipienda, nos paremus.

Conducit ad hoc imprimis admirandum Salvatoris nostri DEI exemplum, in quem tales injuriæ in donibus summorum Pontificum Annæ & Caiphæ tam denso imbrey depluerunt; ut quàmvis avidissimus esset earum, faturandum tamen opprobrijs, prædixit Propheta Thren. 3. Qui verò sumus nos, aut quæ innocentia, vel dignitas nostræ: ut pati nolumus amore JESU, quod JESUS passus est amore nostri? Quod si exemplum Domini non movet nos: justò certè largòq; rubore nos aspergent exempla gentilium, qui ad impacta sibi convicia & colaphos, nec vultum mutarunt, nec animum.

Socrates maledicam Xantippen suam quàm diu, quàm fortiter tulit? Percussus colapho, nihil amplius dixit: quàm molestum esse; quod nescirent homines, quando cum galea prodire deberent. *Senec. l. 3. de Ira. c. 11.* Caeto simili injuriâ affectus, negavit aliquid mali sibi evenisse; animoq; majore de injuriâ non agnovit, quam ignovisset: ut dixit idem Seneca. Pericles ab homine improbo magnam dei partem convicijs laceratus, sivit & iustiniit.

Cum

Cum sub vespertam domum se reciperet, insecutus est abeuntem conviciator, velut efferatus molossus non dimittitur eum, quem faucibus semel apprehendisset. At Pericles ubi, præcipitante jam nocte domus limen attigit, evocatum unum e domesticis iussit, ut prælata face hominem domum deduceret. *Lohn. in Biblioth. v. Patientia § 7.*

Non cesserunt his, quin potius heroicæ patientiæ palmam eripuerunt non pauci Christiana Philosophiæ exculi. S. Franciscus Borgia cum P. Bustamantio iter agens, diverterat pro nocte ad humilem casam quandam; ubi inter cætera incommoda, pro lecto terram modico stamine instratam habuerunt. Bustamantius, ut ætate & phlegmate abundabat, non solum importuna tussis per totam noctem aures Francisci pullabat: sed etiam incautus ejecto phlegmate jacentem obruit, coniectis per errorem non raro sordibus etiam in faciem ejus. At ille nihil turbatus, noctem tacitus transegit, ita deformatus, ut vix agnosci posset. Ubi diluxit: comperto quod res erat, veniam humiliter Bustamantius precatur. At Franciscus: *Non est Pater, quod ea re labores: nec enim in hoc cubiculo locus quæpiam dignior me est, in quem coniciantur spina.* Schottus in Vita lib. 4. c. 5.

Romæ, nescio qua occasione lacescit, juraverat homo furiosus: se Jesuitam, qui primus occurreret, egregie dedolaturum fuisse. Contigit sub meridie, ut Claudius Aquaviva, Præpositus Generalis Societatis, in hominem incideret. Expedit is illico sultem, & Claudium pulsare aggreditur, inter fœda convicia. Ortus prætereuntium clamor excitavit e vicina aula domesticos Cardinalis Aquavivæ, qui illico strictis gladijs in sceleratum invasorem irruerunt, ulturi injuriam patruo heri sui illatam. Sed prohibuit Claudius, totâ contumeliâ, quasi ad alium spectaret, silentio transmissâ. *Rho lib. 6. c. 3.*

Amanguzij in Japonia ad populum verba faciebat Joannes Fernandus S. Francisci Xaverij socius. Indignatus petulantior quidam collectam imis e faucibus mephitim in faciem Fernandij coniecit. At is nihil commotus, strophilo sordes absterfit, concionari perrexit; & quod verbis non poterat, tam præclaro patientiæ exemplo effecit; ut Sanctitatem Christianæ Legis admiratus, prudentior quidam, Fidei manus dederit. *Hist. Soc. lib. 11. Part. 1.* Opportune Apostolus 2. Cor. 6. *In omnibus exhibeamus nosmet ipsos sicut Dei Ministros in multa patientia.* Charitas enim Christi urget nos, 2. Cor. 5.

FERIA VI.

Tessera dici. *Amor meus calumnijs oneratus, & blasphemus proclamatus est.*

MEDITATIO. DEUS permittit CHRISTUM apud Caipham obui catu
mnijs: DE Ipam V' recolit Prophecias de Christo passuro.

1. **A** Dora DEUM O. M. & considera: eum admirando Christi silen-
tio, ad objectas immanes calumnias, expiari voluisse impudentes
& impudentes exculationes nostras in commissis peccatis. Ma e acta pe-
jus excusamus, ingenio & imitatione Protoparentum nostrorum. Illo
promptissimi sumus ad excusandas ipsas exculationes in peccatis: quasi jam
culpa sublata esset; quod foraminosa, qua illam teximus, lacerata lacerum
injecerimus pallium. Nec eoram hominibus solum hac utimur impuden-
tia; verum & oculis divinis, quibus omnia nuda sunt & aperta, Heb. 4.
sic illudere praelumimus, subinde etiam in confessionibus Sacramentalibus.
Unde fit, ut peccatum nostrum fiat supra modum peccans. Rom: 7. Confi-
teor tibi, & confitebor; omniſci DEUS, in toto, eoq; apertissimo corde
meo, noxas meas; nec aliud quam admirandum Filij tui silentium illis prae-
tendo. Erubesco, doleo, parce;

2. **A** Dora D. JESUM & considera: quam gravibus calumnijs, quas
falsi testes certatim congerebant, & studiosè excogitabant, non
aliud reposuit, quam silentium. Qui inquirebant mala mihi, locuti sunt vari-
tates; ego autem tanquam surdus non audiebam, & sicut manus non aperiens os
sum. Psal. 37. Adjuratus à Pontifice per DEUM vivum; ut dicas nobis,
si in es Christus? paucissimis affirmavit: & mox arguitur blasphemiae, ac
mortis reus condemnatur. Sic nec filere, nec veritatem loqui licuit impune
Domino meo JESU. Compatior tam ancipiti sorti tuae Amabilissime mi
Redemptor. Tibi remitto & consigno, ac, ubi opus fuerit, consignabo,
innocentiam meam calumnijs gravatam aut gravandam: tu illam vindica,
quantum expedit pro gloria tua; ego malis artibus eam non tuebor. Te
veste, & vindice, contentus ero.

3. **V**enerare DE Ipam V. & considera: quod post acceptum nunci-
um de Filij comprehensione; facile ei recurrerint in mentem (erat
enim à teneris annis versatissima in Scripturis) vaticinia Prophetarum de
Christi prodicione & captivitate, ut Thren. 4. Spiritus oris nostri Christus
Dominus captus est in peccatis nostris. Et, Conclusit me DEUS apud iniquum:
& manibus impiorum me tradidit. Job. 16. Et, Funes peccatorum circumplexi
sunt me. Psal. 118. Miserere mei DEUS; quoniam conculcavit me homo;
conculcaverunt me inimici mei, Psal. 55. Horum & similium consideratione
partim alebat, partim temperabat dolores suos, se cum Filio plenè resignando
sic ordinanti DEO. Non aliunde praesentius temperamentum habemus affli-

Etionum nostrarū; quā & Scripturis divinis: quarum memoria facit; ut nec animis cedamus; nec optemus immunitatem ab omni afflictione in hac vita. Suggere ex hoc thesauro, o Domina, in tempore, quidquid opportunum fuerit.

Proposui de paucis ferendis calumnijs.

LECTIO PRACTICA.

Quā fortis silentio ferendæ sint quævis Calumnia & conviciæ.

Innocentiam convicijs & calumnijs appetitam nimis sollicitè purgare, non raro suspectam facit; certè multū detrahit de merito & gloria Patientiæ. Rectè S. Ambrosius lib. 1. Offic. c. 5. *Quando aliquis nobis conviciatur, lateat, ad violentiam provocat, ad iurgium vocat: tunc silentium exerceamus; tunc mui fieri non erubescamus.* Hæc sunt arma iusti, ut cedendo vincat. Imitemur dicentem: *Obmutui, & humiliatus sum, & filii à bonis, rectè gesta non defendendo, nec innocentiam purgando.* S. Augustinus in Psal. 70. dicit: *Christum adversus dolos fallorum testium & iniquorum Pontificum, silentio dimicasse.* Eodem clypeo, uti solent generosiores in palæstra Patientiæ discipuli, qui inter Robustos Christi censeri merentur. *Hic est prædestinatorum ad magnam sanctitatem in terra, & in celo gloriam, procedendū modus:* inquit Lancelius, Opusc. 9. n. 149. Nimirum vel simpliciter obmutescunt ad objectas calumnias; vel, ut non solum ferant, sed quodammodo provocent poenam; dicunt, *se peccasse*: nimirum non eo, cuius arguuntur, peccati genere, sed alio quopiam, cuius humana fragilitas expers non est.

Sic inter veteres cœnobitas magna fortis patientiæ lucra sibi comparavit Eulalius quidam. Humilis ejus simplicitas discipulis quibuldam fratribus ansam dedit: ut si quid culpabile egissent, in Eulaliū conjicerent. Is cum à senioribus argueretur, non negabat, sed in terram prostratus & adorans dicebat: *se peccasse.* Cum autem iterum iterumq; accusaretur, & secundum Regulam monasticam biuana & triduana jejunia indicerentur ipsi: omnia patienter tolerabat. Ignorantes autem Fratres, quod Eulalius omnia hæc pro humilitatis virtute patienter sustineret; convenientes pariter, & maxime Seniores, ad Patrem monasterij dixerunt: *Considera Pater, quid faciendum sit. Quamdiu enim possumus sustinere negligentias & damna, quæ Frater ille Eulalius facit in monasterio? Jam penè omnia vasa & utensilia monasterij contracta sunt & exterminata per negligentiam ejus. Quomodo iste talis tolerandus est?* Respondens Pater Monasterij ait. *Interim paucos dies sustineamus Fratrem, & postea ordinabimus de eo, quod competit fieri.* Hæc dicens dimisit Fratres. Ingres-

SABBATO.

40

ius verd eellulam prostravit se in orationibus, obsecrans misericordiam DEI; ut ei manifestare dignaretur; quid ordinare & definire posset de octo Fratre. Tunc revelatum est ei, quid ageret. Convocatis igitur omnibus fratribus, præcepit: ut singuli, quas contexuissent, mattulas, proferrent in medium. Prolatis subici jussit ignem; conflagravitq; sine mora omnes, præter mattulam Eulalij. Cùmq; hoc vidissent Fratres omnes, timuerunt valde, & prostrati in terram, veniam à Domino & Eulalio, petierunt, habueruntq; ipsum deinceps ut unum de magnis Patribus. At ipse ægritudo laudes & honores ferens, quàm calumnias & probra, noctu confurgens in profundam se abdidit eremum. *Rosweidm ex Ruffino.*

Simili silentio, & peccati sui confessione, sustinuerunt, calumniam furti S. Paphnutius adhuc adolescens, calumniam fornicationis S. Macarius Ægyptius; & quam nescio culpam sibi impactam B. Laurentius Justinianus. Quàmvis enim facile illam diluere posset; subsistit tamen primum quasi non audiret; deinde in medium procedens, genibus flexis, Ignoscite inquit, Patres: peccavi in cælum, & coram vobis. Ecce pœnitentiam, quam dederitis, agam. Tactus tanta humilitate & patientia accusator, accurrit ad Laurentium, & pedibus ejus advolutus veniam petijt. *Su- rius in Vita c. 3.*

Vetera hæc renovavit recentius P. Balthasar Alvarez S. J. vir magnæ sanctitatis & authoritatis. Cùm enim in quadam Congregatione Provinciali inique delatus esset, & publice reprehensus; consuluit quosdam & gravioribus Patribus; An expediret, se purgare. Illis id omnino suadentibus imò urgentibus ob bonum publicum, accessit nihilominus alium quendam insignis probitatis & prudentiæ virum, consilium ejus exquirens. Is respondit: sibi videri gratius DEO futurum silentij eo in negotio sacrificium. Hujus ergo consilium, quia amor proprio repugnabat, secutus P. Balthasar, nihil egit, dixitq; pro se: & DEUS illum deinceps tam multis magnisq; gratijs dignatus est: ut sæpius Patri illi egerit gratias pro dato consilio. *Ludov. de Ponte in Vita c. 40.* Expertus est, quod promissit Spiritus S. Eccli: 1. *Usq; in tempus sustinebit patiens: & postea red- ditio jucundabit.*

SABBATO.

Tessera diei: *Amor meus à discipulo negatus est!*
MEDITATIO. DEUS permissu gravem lapsum Petri; CHRISTI &
Magna ejus dolor.

a. Ado-

1. **A** Dora DEUM O. M. & considera miram ejus providentiam, quâ permisit, triplici negatione Christi gravissimè labi Petrum, alias Christi amantissimum, & zelosorem cæteris pro ejus honore. Voluit 1. fervorem Petri humilitate solidare. 2. Ut ostenderet splendidissima nostra proposita nihil esse sine cooperante gratia DEL. 3. Destinatus fuit Petrus in Principem Ecclesiæ, & universalem pastorem gregis Christi: opportunum proinde erat, ut proprio experimento disceret compati infirmis, & erigere lapsos, prout monuit Christus. Luc. 22. *Et in aliquando conversus, confirma fratres tuos.* 4. Per lapsum tantæ columnæ cautiore nos reddere voluit: ut, qui stat; videat, ne cadat. Misericordissime DEUS erudi me alienis periculis & lapsibus, præserva à proprijs. Satis habeo experimentorum in me ipso: quod nihil possim sine te.

2. **A** Dora D. JESUM, & considera: quantopere indoluerit infidelitati discipulorum suorum. Pars turpi fuga se se subduxit: alius non dubitavit sacrilegæ cohortis antesignanum, & Domini sui proditorem agere; alium metus & vox ancillæ de fide & constantia dejecit, imò perjurum fecit; imò veritus non est detestari, & anathematizare, & jurare: *quia nescio hominem istum, quem dicis.* Ita afflictissimus JESUS non tantum nihil auxilij vel solatij habuit à discipulis suis, sed plurimum intimi doloris. *Si inimicum meum maledixisset mihi, sustinuissem utiq;* Psal. 44. at vos electi mei, lapides pretiosi Ecclesiæ meæ, Principes populi, nutriti corpore & sanguine meo sic recessistis à me! Ne doloris hujusmodi argumenta renovemus Christo; fugienda diligenter, quæ non fugit Petrus. 1. Non præsumendum de constantia nostra in periculis 2. Non sequendus Christus à longè. 3. Declinandum à turba. 4. Timendus focus, ad quem versantur ancillæ. Condoleo tibi; mi JESU, sed mihi timeo: Adjuva imbecillitatem meam.

3. **V**enerare DEI param V. & considera: quantum & ipsa doluerit de tam exiguo profectu discipulorum in schola Christi, de inefficacia beneficiorum triennio in ipsos copiosissimè congestorum; de tam facili & turpi defectu cohortis, quam velut præfidiariam, & corporis custodem sibi legerat Christus. Utinam & hodie minor esset hujusmodi transfugarum numerus! Quàm levi respectu temporalis alicujus commodi vel incommodi deficiunt à Christo, etiam qui speciali vinculo eidem adstricti sunt? Respectibus humanis potius quàm divinis agimur, & fluctuamus. Da Domine; ne pereamus: sed Magistro nostro honori & solatio simus.

Proposium de tanta conversatione, & tolerantia ingratitudinis.
LECTIO PRACTICA.

Pacienter ferenda Ingratitudo discipulorum & clientum.

Acutissimus est dolor vulneris, quod à domestica, amica, & luculentis beneficijs obligata manu venit. E pugionibus pectori suo immersis, nullus tam sensibilis fuit Cæsari, ac vibratus à Bruto. Ipse Salvator ac Dominus noster non sensit tantopere flagella, spinas, necem deniq; sibi illatam à satellitibus Romanis & Pilato Præsidente: ut conjurationem populi sui in caput suum, ac Pontificum & Seniorum in se rabiem, atq; ingratis discipuli prodicionem. Unde qui alacer se obtulit capiendum satellitibus, mentionem facturum Prodicionis Judæ Turbatum est spiritum, & dixit: Amen amen dico vobis, quia unus ex vobis iradet me. Joan: 13. Adeo moleste ferebat scelera illius, qui cum ejus panem manducasset, calcem tamen contra illum elevaret: inquit S. Cyrillus Alexandr. lib. 9 in Joan: c. 13. Proinde & Petri trina negatio perjurio sacrilego firmata, non potuit non esse Magistro ac Domino beneficentissimo acerbissima.

Omnis injuria à quocunq; ingrato data, gravis est ijs, qui beneficia dederunt: at illata à discipulis gravissima. Magistri enim, præsertim qui gratuita operâ, non literis solum & scientijs excolunt ingenium, sed virtutibus imbuunt animum & æternæ discipulorum salutis ac gloriæ student: incomparabiliter plus ipsis conferunt, quàm si temporales opes & honores conferrent. Unde natum est illud eruditæ Antiquitatis, imò naturæ rationalis, oraculum: *Dixi, parentibus, & præceptoribus nihil posse rependi æquale.* Quod quidem sæculorum judicio comprobatur, omni ætate sacrum, & extra dubium fuit: hodie tamen à sciolis quibusdam non solum in dubium cœpit verti, sed planè everti. Verùm hos advertere oportet: quod juxta S. Thomam 2. 2. q. 107. a. 2. summus Ingratitudinis gradus sit, non recognoscere, aut non æstimare beneficium. 2. Magnam esse differentiam inter præceptores stipendiarios, & eos, qui ex Charitate docent (Beneficium enim maximè ex affectu dantis æstimandum est, juxta eundem & Senecam) inter tradentes merè naturales seu profanas disciplinas, & docentes insuper modum Christianæ vivendi, scientiam Sanctorum, & oracla Sapientiæ æcelestis. 3. Advertant ad curas, molestias, & rædia, & labores diurnos nocturnosq; quos discipulorum causâ subeunt præceptores. 4. Quantopere à DEO æstimetur is labor. *Qui docti fuerint, fulgebunt quasi splendor firmamenti: & qui ad Justitiam erudiunt multos, quasi stelle in perpetuas æternitates.* Daniel. 12. Et Matt. 5. *Qui fecerit, & docerit: hic Magnus vocabitur*

in regno calorū.

Ex his sicut patet; quantæ pravitatis sit, non solum non rependere gratitudinem præceptoribus, sed insuper inferre injuriam, sive linguâ maledica, sive manu viscosa aut violenta: ita facile colligitur; quàm sensibile sit vulnus à discipulo illatum. Nihilominus non paucos audimus cuculos, non paucos sentimus mulos; qui ubi lacte abunde hausto intumuerunt, calce feriunt matres.

Defectum igitur gratitudinis suppleat, necesse est. Patientia. Solemur nos. 1. Exemplo Domini & Universalis Magistri nostri, à discipulis longè graviora passi. 2. Exemplis Sanctorum. S. Martinum quàm acriter exagitavit Briceus ab ipso met educatus, & instructus sacris disciplinis? S. Benedicto poculum venenatum non dubitauerunt propinare discipuli. S. Romualdo enormia crimina affluerunt discipuli: Sanctos Cassianum & Artemam Martyres ferreis stylis confecerunt discipuli &c. &c. Nobis quàmvis subinde lacera sit fama, pellis tamen integra est. 3 Cogitemus: nos hac ratione facile expiare posse defectus inter studendum & docendū commissos. *In multis enim offendimus omnes.* Jac. 3. in altera autem vita *Nihil inultum remanebit.* 4. Advertendum: nos plus lucri habere posse ab ingratis, & injuriosis discipulis & clientibus, quàm à gratis. Isti enim vel temporalia solum nobis reponunt; vel grato tantum affectu & orationibus ad DEUM vicem reddunt: illi autem ingenti auctario præmia nobis cœlestia & æterna cumulant per exhibitam non vulgari Patientiæ materiam. 5. Deniq; ingrati isti maledicentiâ suâ, & Patientiâ nostrâ animas nostras admodum speciosas & gratiosas reddunt in conspectu DEI: prout Christus dixit B. Baptistæ Veranæ Ord. S. Francisci: *Cognosce, inquit, te esse magis obligatam illi, qui tibi malum fecit: quàm ei, qui bonum. Ille enim personæ sunt, quæ purgant animam tuam, & pulchram faciunt, gratiosam, & acceptam in conspectu meo.* Chron: S. Franc: tom. 2. lib. 7. c. 24.

DOMINICA II. QUADRAGESIMÆ.

Tessera diei: *Amor meus tota nocte acerbissimè exagitatus est!*

MEDITATIO. DEUS noctu na hominum peccata castigavit in Filio. CHRIS-

STO & Matri ejus quàm gravis fueris ea nox.

1. **A** DORA DEUM O. M. & considera: quomodo operarij iniquitæ pro pessimis facinoribus suis plerumq; sibi deligunt noctem; quasi sine teste oculo mundi, liberius peccare, & impudentem esse liceret: *Omnes, qui malè agunt, edis lucem.* Joan: 3. Enormia, quæ tunc patrantur, scelera

castigaturus in Filio, & per eundem expiaturus DEUS, permisit illum tota, quâ comprehensus est nocte, injuriosissime tractari. Tunc, postquam à malignantium Concilio pronuntiatus est mortis reus, *expuerunt in faciem ejus, & colaphis eum ceciderunt.* Matt: 26. *Et velaverunt eum, & percutiebant faciem ejus, & interrogabant eum dicentes: Prophetiza nobis, quia te percussu? Et alia multa blasphemantes dicebant in eum.* Nec dicebant solum, verum & faciebant, quæ summa insolentia, & dæmonum rabies suggeriebant, pudetq; referre. At nos, siquid in noctibus deliquimus, in noctibus extollamus manus nostras in sancta, & benedicamus Misericordiam Dominum; quod reos non sepelierit nocte æternâ.

2 **A** Dora D. JESUM & considera eum, facie lividum, sædis vinolentarum faucium excrementis deformatum; variè conspurcato velamine tectum, pugnis contusum, illusoriè provocatum ad prophetandum, deniq; unicum petulantissimæ turbæ objectum per totam noctem. O Pater æternæ, respice in faciem Christi tui: agnosce Filium, vivam illam & absolutissimam Imaginem Bonitatis tuæ, candorem illum lucis tuæ æternæ, splendorem illum paternæ gloriæ, speculum illud sine macula. Sed, ne quæras, quis hoc tam sædè conspurcavit? Fateor ultro, & ingenue, non sæx tantum Judæorum & Satellitum Romanorum, id ausa est: & mea ibi sunt sputa, meæ palmæ, mei pugni, meum (ah quàm sordidum!) velamen! Conspui faciem tuam, Amabilissime JESU, quoties animam meam Imaginem DEI, peccato maculavi; velavi oculos tuos, quoties cum memoria præsentis divinæ peccavi; colaphis te cecidi, quoties proximum convicijs & contumelijs affeci. Erubescio, deprecor, Doleo, Misere.

3 **V**enerare DEIparam V. & considera: quàm longa, tædiosa, & acerba illi fuerit nox illa. Poterat potiori jure in illam congerere maledicta, quæ Job congeffit in noctem conceptionis suæ: at patientissima Mater maluit turturis instar gemere, ac noctem illam tolerare tanquam *tempus patendi* æterna DEI ordinatione designatum. O Domina, per acerbissimam illam noctem, doce me tempora omnia, sive candida sive atra, de manu Dei reverenter suscipere. Sit mihi nox adversitatum *illuminatio mea, sit in delicijs meis.*

Propositum de speciali quadam mortificatione assumenda saltem hac nocte.

LECTIO PRACTICA.

Noctes ita quieti danda, ut etiam Patientis aliquid concedatur.

Qui cupiunt ætatem extendere factis, & vitam vivere minime animalem,

DOMINICA II. QUADRAGESIMÆ.

49

malem, in id intenti sunt: ut etiam noctes non trāsigant ignavi, sed somnum Oratione & Mortificatione interpungant. Hinc S. Hieronymus ep. 22. ad Eustoch: *Sanctus, ait, ipse etiam somnus oratio est*: tum propter piam intentionem ipsi præmissam, tum propter crebras interruptiones, præsertim per orationes Jaculatorias, imò & prolixiores. De Jacob Patriarcha inquit S. Ambrosius lib. 2. de Jacob: *Jacob in somno bonus operarius: quoniam plus negotij cum DEO peregit dormiendo quàm vigilando*. De S. Xaverio scribit Thurfellinus lib. 6. c. 5. Vitæ: *Ne somnus quidem vocabat Oratione*: addendum; & Mortificatione. Somnum enim brevissimum passim capiebat humi; dum navigaret, in convolutis funibus anchorarijs; addebatq; orationi cruentas flagellationes.

Eadem noctes transigendi ratio communissima est aspirantibus ad perfectionem. Ratio eam svadens est. 1. Exemplum Salvatoris nostri tum tempore prædicationis, cui impendebat dies, orationi noctes; tum tempore Passionis, in qua extremam noctem habuit acerbissimam, miris dirisq; modis à fæce satellitum exagitatus. 2. Infanda innumeraq; hominum peccata, quæ in absentia solis, quasi extincto mundi oculo, liberitis & summa impudentiâ tunc committuntur. 3. Oportunitas temporis ad facilius colligendas animæ potentias, liberiùs depromendos in DEUM affectus, & excipiendas inspirationes divinas. *Quando irruit sopor super homines, & dormium in lectulo: tunc aperis (DEUS) aures virorum, & erudiens eos, instruis disciplinâ*. Job. 33. Deniq; vitæ brevitatis monet, ut avari simus temporis, & nocturnis etiam horis lucra facere non negligamus.

Quod si his & similibus causis induci non possumus, ut ordinario somno ordinariè plusculum detrahamus, & nos orationi mortificationiq; impendamus: saltem hoc Quadragesimali tempore, in venerationem nocturnæ Passionis Domini, ipsius & Sanctorum vestigijs insistamus. Non proponam anachoretas, & rigidioris sanctitatis Religiosos: inter aularum regales delicias educatos non pigeat aliquomodo imitari Sanctos. S. Henricus Imperator passim in Ecclesijs inter orandum & contemplandum pernoctabat. Sancti Venceslaus & Casimirus etiam rigida hyeme nudipedes visitabant templa, & præ foribus illorum prostrati prolixius orabant. Sanctæ Hedvigis & Elisabeth splendidos mollesq; in conclavibus suis ostentabant thalamos, sed super dura humo, fessæ orando, cubabant. S. Paula Vidua in cilicio super humum etiam ægræ dormiebat. P. Gonsalvus Sylveria S. J. pro fide cæsus in Monomotapæ regno, somnum parcissimum in cilicio scæreo carpebat, idq; sedens erecto corpore, tabulâq;

fic ad sedile aptata; ut si capitis inclinatione tangeretur, arepitu somnum discuteret. Alij stantes, alij genu flexi, aliquid somno concedunt: innumeri prolixa corporis castigatione noctes patienti JESU dedicant. Quidni ergo feramus subinde insomnia, stratum duriusculum, bestiolas intestantes &c.

Quid sentiemus de lectulo & somno S. Rosæ Virginis Peruanæ in America? Culcitraz & plumarum loco septem rudia ligna angustissimo lectulo, an catasta, imposuit; inter quæ acuta tegularum & coctilium patinarum fragmenta ita instravit; ut pars mucronata obverteretur corpori: pro cervicali petram polygonam & undiq; scabram adhibebat; ad caput lectuli occultè ampullam felle plenam appenderat, nec antè se ad somnum componebat, quàm isthac sorbitiuncula os faucesq; amaricasset in memoriâ Sponsi felle potati. Unde fiebat: ut non solum palatum torqueretur, sed ardore fellis fauces graviter inflammarentur, & intumescerent. Contigit non raro: ut pœnosum hunc lectulum seu catasta conscensura Rosa, toto corpusculo contremisceret simul ac sudaret, memor, quàm ibi quietem esset repertura. Sed adfuit aliquando trepidanti Christus, & Memento, ajebat, filia, longè duriorem fuisse, ac horribiliorem lectulum, in quo somnum mortis cepi. Nôsti, quid fellis ibi amore tui hauserim; scis, quæ ibi non testaceæ sed ferreæ cuspides mihi manus pedesq; penetrarunt, donec ipsam mihi eliderent animam. Hæc recole, & cœter cum strato tuo, eritq; lectus noster floridus. Sic animata Rosa ipsos decem & sex annos in sua illa catasta perduravit somnum captura. *Leonardus Hensen in Vita c. 9.* Queritur Sponsa *Cant. 3.* se in lectulo suo quæsiuisse Dilectum, & non invenisse: numquid invenitur in tuo?

FERIA II.

Tessera Diei: *Amor meus morti addictus, ducitur ad Pilatum.*

MEDITATIO. *DEUS adducit diem Christo & Judæis fatalem, nobis vitalem: CHRISTUS à Concilio condemnatus, manè factò, ducitur ad Pilatum.*

DElpara V. quo affectu orium ejus diei exceperit.

I. **A** Dora DEUM O. M. & considera: ex ipsius ab æterno ordinâ. tione tandem illuxisse diem nobis vitalem; Christo & Judæis planè criticum & fatalem. Ad illum enim diem dilatum fuit magnum illud divinz pietatis opus; quo mortua vita mors fuit mortis nostræ, & nobis causa vitæ æternæ. *Manè igitur factò, consilium mierunt omnes Principes Sacerdotum, convocato magno concilio Sanedrini, 70 viris primarijs*

constante, & seniores populi adversus JESUM, ut eum morti traderent. Luctuosum & funestum manè Christo Redemptori, sed magis sanguinarijs & sacrilegis Judæis. Hoc manè, inquit S. Leo serm. 3. de Pass. *Vobis (ô Judæi) templum & altaria diruit, legem & Prophetas ademisti, Regnum & sacerdotium sustulisti, in luctum æternum omnia festa convertisti.* Nos proinde, quibus dies illa Parasceves auspiciatissimus illuxit; communi consilio, exemplo Machabæorum 2. Mach. 15. decernamus; diem illum nullo modo absq; celebritate, & singularibus accuratæ pietatis exercitijs, præterire.

2. **A**dora D. JESUM & considera: quàm veloces fuerint pedes Judæorum ad effundendum sanguinem Salvatoris. Noctem fere totam insomnem duxerunt, expectantes donec adduceretur captus Christus; & adductum examinantes. Manè factò, sine mora coacto concilio, iterum condemnatum rapiunt ad Platum Præsidem: comitantur Pontifices cum toto Concilio; ut copiâ & autoritate suâ vel invitum præsidem Romanum trahant in sententiam suam. *Vinctum adduxerunt eum.* Vide novum Samsonem; vinctum à Dalila, Christum à Synagoga. Quanto plausu & furore duxerunt Agnum lupi! Nobis debebantur hæc vincula, Amabilissime Salvator, imò rudentes Inferni. O quoties merebamur ab orci satellitibus ad æterna supplicia rapi; sed clementissime prohibuisti. Vide igitur, o Anima mea, quoties & quantum obligata sis Salvatori tuo.

3. **V**enerare DEI param V. & considera: quo affectu exceperit ortum ejus diei, quàm probè noverat, præviâ nocte fore magis atram; & meridianas potissimum horas habituram quavis procellosissimâ nocte tristiores. Numquid & ipsa ingeminavit illud Isaïæ 21. *Custos quid de nocte? Custos quid de nocte? tam prolixa, tam funesta? Dixit autem Custos: Venit manè & nox* Ubi meridies? vertetur in noctem à morte immortalis DEI. Talia mente volventi afflictissimæ Matri, quàm luctuosum manè illuxerit oportet? Per tristissimum illud manè tuum, impetra, mihi, ô Domina, felicem vitæ vespèrum; ne nocte obruar æternâ.

Proposui permittendi te etiam iniquis Superiorum judicijs.

LECTIO PRACTICA.

Ferendæ fortiter condemnari nos etiam iniquæ à Superioribus.

Grave est, pati ab æqualibus; gravius ab inferioribus; gravissimum à Superioribus, præsertim spiritualibus. Si enim inde oriatur, vel aggravetur afflictio, unde sperari debuit consolatio, auxilium & protectio: planè inter malleum & incudem nos deprehendimus, & quò evadamus, non reperimus. A forti ergo Patientia petamus remedium oportet; atq; onus

super-

supernè nobis incumbens feramus patienter, prout inclytus Martyr S. Georgius saxum prægrande pectori suo impositum sustinuit; imò prout Amor noster D. JESUS sustinuit iniquissimam capitis sententiam, à malignantium concilio & Pontificibus. Quàmvis enim nullam in eum auctoritativam haberent jurisdictionem: subiecit se tamen Dominus ipsorum sententiæ; ut nos doceret, legitimorum superiorum quantumvis iniqua ferre Decreta, (præsertim si ex errore, non malitiâ, procedant) & non eorum accusare iniquitatem, à DEO postulare vindictam, vel ad divinum provocare tribunal.

Castissima Susanna iniquissimè damnata à Senioribus & populo; quàmvis nemini quidpiam mali sit imprecata: *exclamavit tamen voce magna, coram DEO & omni populo suam contestans innocentiam; DEUS aterne, qui absconditorum es cognitor, qui nosti omnia, antequam fiant. Tu scis, quoniam falsum testimonium intulerunt contra me: & ecce morior, quum nihil horum fecerim!* At S. Petrus martyr ord. Præd. exemplo Salvatoris edoctus, fortius tulit similem casum. Inviserunt Petrum orantem, ut erat juvenis sanctus, cujus conversatio in cælis, tres à cælo Virgines, familiare dulcèq; colloquium cum eo miscentes. Religiosi quidam propè cellâ Petri transeuntes, scemineas audierunt voces, & forte per rimam, ut curiositas fert humana, puellas observarunt, existimaruntq; esse de grege mortalium. Graviter proinde indignati, rem detulerunt ad Superiorem. Is nimium credulus; convocatis illico Patribus narrat audita, & testes producit. Petrus accitus, & acriter perstrictus, non negat, nec fatetur; sed flexis genibus, se peccasse ait, & veniam supplex petit, paratus ad omnem pœnitentiam. Stupere omnes, indignitate & fœditate rei commoti, præsertim quodd Petrum, ut Sanctum, hætenus magno iu honore habuissent. Deniq; Superioris & communi sententiâ, pro agenda rigidior pœnitentia ad aliud quoddam monasterium relegatur innocens. Ivit, nihil reponens; tulitq; ut religiosum decet heroem, tantam cum supplicio ignominiam: donec DEO placuit ejus manifestare innocentiam. *Faminius in Vita.*

Non minùs illustre dedit exemplum S. Marina (seu Marinus, prout tunc vocabatur) quæ cum Patre Eugenio, habitu virili induta, ingressa erat monasterium virorum, & magna sanctitatis opinione vivebat. Accusata stupri, re non satis examinata, à Præside monasterij condemnata est criminis. Illa se humi projecit in faciem dicens: *Condona mihi humiliter & peccatori, propter Dominum ô Pater, quoniam tanquam homo erravi.* Eje-

FERIA III.

49

De monasterio, extra vestibulum ejus sub dio, frigus & ærum sustinens, mansit triennium. Rogata ab ingredientibus & egredientibus externis causam tam diuturnæ & gravis pœnitentiæ, respondit: Quoniam sum fornicatus (scilicet aliorum judicio) ejectus sum e monasterio. Ubi verò puella, quæ Marino crimen imposuerat, peperit masculum, tollens eum pater ejus, alendam derulit ad Mariam; quem is lacte à pastoribus imetrato alebat ut suum. Post triennium ad importunas Fratrum preces, receptus quidem est ad monasterium, sed omni gradu dejectus, & ad abjectissima ministeria condemnatus. Hæc dum admiranda patientia tractat constanter, pœnitentiæ moritur Marinus, atque inter ablutionem corporisprehenditur Marina, & innocentia ejus. Obstupuit Præses, & ad expiandum errorem suum, se ipsum damnavit ad agenda juxta pedes Mariæ pœnitentiam, donec intelligeret, sibi remissum esse peccatum suum. Post multas lacrymas audiit cœlitus, remissam sibi esse ignorantiam suam non omnino inculpabilem. Puella quoque, quæ iniquè Marinam calumniata fuerat, à dæmone arrepta, ad sanctas illius reliquias curata fuit. *Sur. 2. Febr.* In talibus ergo occasionebus taciti dicamus Domino cum S. Psalte: *Judica me, Domine, & discerno causam meam.* Vel potius, si magis masculo sumus animo, optemus etiam ad mortem sustinere ignominiam, & non detegi innocentiam.

FERIA III.

Tessera diei. *Amor meus interitum discipuli affligit?*

MEDITATIO. DEI & CHRISTI stupenda judicia circa Petrum & Judam: *DElpara V. lugeat sanctam Judæ sororem; solatur Petrum,*

Adora DEUM O. M. & considera admiranda & tremenda ejus judicia circa duos Apostolos, Judam vendentem & Petrum negantem: De quibus apertè verificatum est, quod prædixerat Christus Matth. 24. Duo erant in agro operarii iniquitatis: assumptus est unus ad veniam, relictus est alter ad pœnam. Dux erant animæ molentes in mola: una verfabat molam præsumptionis, altera cupiditatis: assumpta est illa per misericordiam; relictæ est ista per justitiam. O altitudo divitiarum non solum sapientiæ & scientiæ, sed etiam misericordiæ & justitiæ DEI! Et quid tandem de nobis erit, inscrutabilis DEUS! Quis assumetur cum Petro? Quis relinquetur cum Juda? Quidquid erit: non desperabo cum Juda; placet pœnitentiam agere cum Petro; Hoc da; & amabo te super omnia.



A Adora

2. **A**ura D. JESUM & considera: eum maxime in passione & morte sua positum fuisse in ruinam & resurrectionem multorum, secundum vaticinium Simeonis Luc. 2. Inter alios, ecce Judæ positus fuit in ruinam & interitum; Petro in resurrectionem & vitam æternam: Judæ positus est in lapidem offensionis & petram scandali, ad quam à propria avaritia allisus, miserè contritus est: Petro in lapidem probatum & pretiosum, in lapidem adjutorii; quo nixus assurrexit validior à lapsu, & elevatus est in Principem ordinis Apostolici. In te, gratiosissime JESU, pone spem meam omnem: non est mihi scandalo & offensioni passio & crux tua, sed amor & honori. Corrige errantem, erige pœnitentem, promove ad ardua virtutis nitentem.

3. **V**enerare Deiparam V. & considera, quam tristis ei acciderit interitus proditoris Judæ. Licet enim sciret, ei propriam malitiam & justissimo Dei judicio eam sortem obtigisse: dolebat tamen non minus quam David ob interitum Saulis: lugebat, in ipso fervore operis circa restaurandam hominum salutem, excidisse salute æternâ animam sic dilectam & honoratam. Cæterum quamvis ipsa egeret consolatione, solabatur blandissime Petrum, lachrymis veræ pœnitentiæ disfluentem: imò ex ipsa ejus pœnitentia non modicum capiebat solatium; gaudens cum angelis super peccatore pœnitentiam agente. O si & ego te hoc cumularem solatio, Domine! Peccatorem me scio, eumque non vulgarem; incertus omnino de probitate pœnitentiæ meæ: supple, si quid deest; auge, si perfecta est.

Proposium nunquam desperandi & serio pœnitendi.

LECTIO PRACTICA.

Unquam desperandum, sic quamocumque & serio pœnitendum.

Est calliditas serpentis antiqui, ut ante peccatum sollicitet ad spem æternam misericordiz & condonationis divinæ; post peccatum præcipitet in desperationem cum Juda proditore. Verum, post qualiacunque, quotacunque & quocunque peccata non esse desperandum de venia, modo non desit animus mature & serio pœnitendi: docet infinita DEI misericordia, inexhausta Salvatoris nostri benignitas, & innumera maximorum peccatorum, post Magdalenam peccatricem, & Petrum atque Paulum Apostolos, exempla. Unde S. Leo ep. 19. monet: *Qui in tempore necessitatis periculi urgentis instantia præsidium pœnitentiæ, & mox reconciliationis implorantes nec satisfactio interdicens est, nec reconciliatio deneganda. Quia misericordie DEI nec mensuras possumus ponere, nec tempora definire; apud quem nullas paenitentiarum venite moras vera conversio, dicente Spiritus DEI per Prophetam: Cùm con-*

versus

FERIA III.

versum ingemmeris, tunc saluus eris. Et iterum: Quia apud Dominum misericordia est, & copiosa apud eum redemptio. Imò grandem irrogat injuriam passioni, vulneribus & sanguini Christi, qui ea sibi pœnitenti non profutura putat. In fide, spem inconcussam fundante, vivo Filii DEI, qui dilexit me, & tradidit semetipsum pro me: inquit fidenter Apostolus Galat. 2.

Narrat Bernardinus de Busto S. 7. p. 3. de adolescente valde dissoluto, qui à fido sodali sæpe admonitus de seria pœnitentia, eam joco aliquo, aut futura sub tempus mortis vera conversione, semper eludebat. Non diu post, cum in gravem morbum incidisset, essetque mortis periculum, iterum iterumque ab eodem contubernali suo de instituenda tandem confessione, proposita DEI misericordia, modò seriò respiscere vellet, repetitum, sed sardâ aure acceptum monitum. Sodalis ergo bonus tristis se recipit ad nocturnam quietem, secundum quam visus sibi est videre Christum eo habitu, quo à Pilato olim de loco superiore populo ostensus fuit, lacero flagris corpore, & capite spinis faucio, qui ægotantem sic affatus est: Ecce lacerum spinis caput, & totum vulneribus faucium corpus, ecce quoque latus apertum: his tibi, etsi indigno, parta parataque est DEI misericordia, modò vitam tuam præteritam detestatus, ad me convertaris. Ad hæc æger: Scio, inquit, Domine, magnam esse misericordiam tuam; sed neque minorem esse justitiam tuam: cui cum nullo merito meo satisfacere possim, non video, quomodo hæc salva à misericordia veniam sperare valeam. Imò, reposuit Christus, & potes, & debes: præsertim cum eam humiliter pœnitenti pollicitus sim negare nunquam. Sed cum pergeret miserandus adolescens justitiæ rigorem exaggerare, & obstinate desperare: Christus indignatus, expressum dexterâ de lateris vulnere sanguinem in moribundi faciem coniecit dicens: Hic sanguis meus in die judicii testis erit oblatus tibi à me misericordiz, quam per obstinationem tuam insanam ac summam ingrati tudinem contempsisti. Hoc tam tristi viso territus & expergefactus istius socius, accurrit narraturus, quæ vidisset: sed, quæ tremenda sunt judicia in pœnitentiam procrastinantes, hominem invenit jam exanimem. Ne verò crederet, vanum fuisse somnium ea, quæ viderat: faciem cadaveris advertit recenti sanguine conpersam.

Meliùs sibi consuluit Usurarius quidam in Gallia: apud quem cum Clericis quibusdam pransurus Volco, eximie sanctitatis Sacerdos, culinam primum adiit, opercula à vasis removet, ostenditque omnia fereula in bufones & serpentes abiisse. Movit ea res hominem, ut Volconi supplex, omnia injusto lucro parta, suis dominis se sine mora restitutum, sanctè promitte-

ret, atque re ipsa restituerit. Supererat vas tritico oppletum, ultimumque usurarum spolum, quod memorie hujus Zachari exciderat: istud Volco, presente Clericorum comitatu, recludi iussit; & ecce novo portento inter bufones ingentes magnam serpentum copiam etiam ibi offendunt. Mox Vir Sanctus, divino afflatus Spiritu, qui novum heroicæ poenitentiae exemplum oculis parabat, conversus ad sceneratorem: Si verus tibi, inquit, de peccatis dolor est, nudus istud vas ingredi. Nec mora, insiluit confestim usurarius; Volco vas occludit, jubetque socios crastinâ luce reverti. Remoto in crastinum operculo, præter ossium congeriem reperiunt nihil. *Exovius ad Ann. 1198 n. 21.*

Qui ad tam rigidam poenitentiam non satis habet animi, saltem sincerum contriti cordis dolorem & amore expressas lacrymas non tergiversetur exhibere DEO cum S. Petro, qui statim ac illum Dominus respexit, relietæ peccandi occasione, egressus foras flevit amarè, nec citius desinit flere quam vivere.

FERIA IV.

Tessera dici: Amor meus gentibus traditus est.

MEDITATIO: *DEUS permittit innocentes duci & traduci, sed non impunitè; CHRISTUS à Judæis traditur Pilato: DEspara V. variis hominum rumoribus & moribus affligitur.*

1. **A** Dora DEUM O. M. & considera: Quomodo non raro permittit Innocentes & Charos sibi falsis criminationibus traduci, ad varia tribunalia duci, & subinde opprimi iniquissimè. Sed paulo post inimicorum, & perversis Judicibus, secundum nequitiam ad inventionem ipsorum, & secundum opera manuum eorum, tribuit illis: reddi retributionem eorum ipsis. Psal. 27. & quidem mensurâ confertâ & coagitâtâ. Sic Judæis tradentibus Christum Pilato, Romano Præsidi, homini gentili, reddidit talionem: quando eos tradidit Romanis Imperatoribus, Tite & Vespasiano, vastandos & irreparabiliter exscindendos. Timeant igitur Innocentium oppressores & calumniatores: confidant in Domino pietatis & justitiæ cultores. Est, qui judicet, & vindicet; Non peto, Domine, vindictam: sed da patientiam in hujusmodi casu.

2. **A** Dora D. JESUM & considera: Quo consilio Judæi ipsum tradiderint Pilato. I. Ut ostentarent speciem aliquam religionis; quod in die festo nollent sanguine fuso contaminari. Hypocrita, non adverterunt: magis noxium esse, qui linguâ, quam qui manu innocentem occidit.

FERIA IV.

cidit: quia & vitam & famam adimit. II. Ut cum majore ignominia, & crudeliore supplicio perimeretur Christus, ut perduellis Cafari, & affector regni. In crucem agi volebant JESUM; nullum enim aliud æquum visum genti suæ supplicium inveniebant. Ab idololatriis tolli volebant, tanquam indignum, in quem populus Dei manum aut lapidem mitteret. Quanta malitia! Sustinet tamen JESUS, & duci se finit, quo illis libet. Et ego refractarius, tanquam juvenis indomitus resistam iis, qui ex charitate vel officio me abducunt à malo, deducunt ad virtutem? Sequar te, mi JESU, quocunque duxeris, sive per te, sive per servos tuos.

3 Venerare DEIPARAM V. & considera: Quantum afflictionis illi addiderint varii rumores, qui in illo æstu turbarum à populo innumabili, qui pro solemnitate Paschali Hierosolymam confluerat, spargebantur de Christo. Isti gaudebant, captum tandem esse novatorem; qui novam doctrinam eis illussisset: alii fremebant, quod tam lentè cum ipso procedatur, confectumque statim volebant, ne fortè, ut alias, elaboretur; alii hoc, alii aliud ipsi supplicium decernebant. Non latebant hæc SS. Matrem in urbe tunc præsentem: ideoque copiosissimam illi præbebant dolendi materiam. Compatior tibi, afflictissima Mater, atque in vicem doloris illius glorificabo Filium tuum in æternum. Benedictio, & Claritas, & Sapientia, & gratiarum actio, honor, virtus & fortitudo, Redemptori nostro DEO in sæcula sæculorum. Amen.

Proposium de non carpendis vel vexandis delatoribus & accusatoribus nostris.

LECTIO PRACTICA.

Ferendi patienter delatores & accusatores nostri.

FAMILIARE est iis, qui à Superioribus, sive Sæcularibus, sive Ecclesiasticis & Regularibus corripiuntur, vel monentur de commissis defectibus, illico sagaci ingenio investigare: quisnam ipsos detulerit, seu accusarit? Quos verò detulisse seu accusasse existimant, non solum falsi damnant atque ut calumniatores pejoribus calumniis onerant, sed etiam rigidè vindictæ destinant.

Verum, advertere oportet imprimis: delatores & accusatores perutiles, imò necessaries, esse tum publico bono & regimini, tum privatorum commodo. Cum enim sensus hominis in malum proni sint ab adolescentia sua, & quisque magis sollicitus sit de defectibus & vitiis suis occultandis, & excusandis, quam non committendis, vel corrigendis; Præpositi autem & Judices communitatum omnia per se inspicere nequeant: necesse est, quodam esse inquiritores, delatores, accusatores & instigatores tum ex officio

sibi ritè commissio, tum ex publici privatiq̃e boni studio. Ideoque graviter in politicam prudeatiam peccant, qui hujusmodi hominum genus ex communitatibus proseribere volunt.

Proceduat hæc potissimum in Communitatibus Christianæ & Religiosæ perfectionis studiosis; Plurimum enim nobis conducit, defectus nostros notos esse Superioribus, tum ut ab ipsis in via perfectionis & obsequii divini melius dirigi possimus, tum ut cum majore submissione procedamus, & in virtutum omnium fundamento atque radice, Humilitate, proficiamus. Nihil enim elationis nobis innatæ, & actibus pravis confirmatæ, spiritus ita deprimit: ut cum vitia nostra notata & prodita, præsertim Superioribus, advertimus. Quia turpitudine vitii pudorem incutit, pudor modestiam & humilitatem parit. Ut enim erigimur, cum benefacta virtutesque nostræ celebrantur, altosque spiritus inde colligimus; ita dum defectus erroresq̃ nostros in lucem protrahi sentimus; superbix phylacteria contrahimus: ut egregius Spiritus Magister P. Nicolaus Lanicius Opusc. 8. n. 95. notavit.

Deinde ad comprimendum stomachum & bilem adversus delatores & accusatores plurimum facit Exemplum Salvatoris nostri; qui in Passione sua cumulate implevit, quod per Prophetam Psal. 38. prædixerat: *Posui ori meo custodiam, cum confisteret peccator adversum me.* Qui paulo antè egerunt Judices ipsius, Seniores & Pontifices, coram tribunali Pilati transierunt in virulentos & iniquissimos accusatores: JESUS autem nec verbo, nec gestu dedit signum aliquod minus æqui in illos animi; quin potius sincerissimæ charitatis affectu complectebatur maledictos.

Profecit egregie hoc Domini exemplo S. Paphnutius, adhuc adolescens, & tyro Religiosus. Cum enim à petulantiore quodam fratre ad obscurandam ejus virtutem, quæ ipsum omnium amoribus insinuabat, delatus esset, & coram tota communitate in Ecclesia insinulatus furti, propter occultatum callidè in cella Paphnutii librum suum, atque productum per exploratores; innocens Paphnutius non solum in accusatorem & impostorem inductus non est; sed cum in pœnam criminis à dæmone arreptus esset, nec ab ullo liberari posset, Paphnutius pro ipso DEum precatus, liberum fecit, *Christo hanc adolescenti gloriam reservante* (inquit Cassianus Coll. 18. c. 15.) qui innocentix periclitantis, subinde serus, semper tamen severus solet esse vindex.

Plurimum quoque confert, recogitare: an æquè vel iniquè sis delatus. Si æquè; iniquissimè meditaris vindictam. Si iniquè: JESUM habes foecum & vindicem; ipsi committe causam tuam, & gloriolius triumphabit innocentia tua: alioqui reus ageris violatæ jurisdictionis & muneris Christi.

In Vitis

FERIA V.

16

In Vitis PP. lib. 7. c. 7. cū quidam fratrum injuriam passus esset ab alio; venit ad Abbatem Sisotum dicens: Cupio me vindicare Pater. Senex autem rogare cœpit, ut relinqueret DEO vindictam. At ille: Non desistam, nisi fortiter vindicavero. Cui Senex: Quandoquidem hoc semel in animo statuisti; nunc oremus. Exurgens autem Senex, sic orare cœpit: *Deus jam non es nobis necessarium; ne pro nobis sis sollicitus: quia nos ipsi. si in iste frater dicit, & volumus, & possumus vindicare.* His auditis erubuit frater, & provolutus ad pedes senis, injuriam remisit. Denique considerandum: an non sis per errorem alterius inculpabilem, vel vix culpabilem delatus iniquus? Sæpe enim DEUS innocentes hujusmodi errores permittere solet tum in fratribus, tum in Superioribus, ad magis exercendam virtutem nostram, vel expiandum delictum aliquod. Vide igitur: ne in ministrum Providentiæ vel Justitiæ divinæ delinquas.

FERIA V.

Tessera diei: *Amor meus apud gentilem Praesidem iniquissimè accusatus est!*

MEDITATIO: DEUS sustinet, CHRISTUM enormibus calumniis contuari à Pontificibus & populo suo: DEI para V. affligitur nuncio de Filio gentibus tradito.

A Dora DEUM O. M. & considera: Eum non rard magis & sensibilius exercere charos sibi, per populares, domesticos & familiares suos, quàm per externos & alienos. Sic exercuit Patriarcham Jacob per fratrem Esau, & per filios ex ancillis susceptos; Josephum per fratres, Moysen per populares suos Israelitas, Davidem per filios Ammonem & Absolonem &c. Filium quoque suum, ut acrior esset persecutionis sensus, exercere voluit per populares suos Judæos; qui non tantum non receperunt nascentem, sed spreverunt prædicantem; atque ut morte ignominiosissimâ tolleretur, tradiderunt gentibus: quod facinus non rudis solum vulgierat; sed Sacerdotum ac Pontificum. *Gentium una, & Pontifices tradiderunt te mihi: miratur Pilatus, & rogat: Quid fecisti? Non enim vulgarem te oportet esse malefactorem; qui à talibus & tantis, taliq̃ tempore oblatas es tribunali meo.* Non ergo mirandum, vel animo cadendum, si quando populares aut domestici nostri facti fuerint inimici nostri. Habet DEUS jus varium ad nos castigandos; licet ei etiam ex nostra sylva vel horto decerpere virgam. Osculabor, mi DEUS, paternam manum tuam, quacunque armatam virga; modo admittas, & serves me in gratia tua.

2. Adg.

2. **A** Dora D. JESUM & considera, quanto fastu, quantis calumniis accusatus sit à Judæis. Querit Pilatus Joan. 18. *Quam accusationem afferis adversus hominem hunc?* Responderunt superbe Pontifices: *Si non essemus malefactor, non tibi tradidissimus eum.* Quasi sufficiens criminis probatio esset illorum affirmatio, imò ad tribunal adductio. Rejicitur itaque Præfide irritato: *Accipite eum vos & secundum Legem vestram judicate*, proferunt Luc. 23. palmaria tria, à se conficta, crimina. 1. *Hunc invenimus subvertentem gentem nostram.* 2. *Et prohibentem tributum dare Cæsari.* 3. *Et dicentem: Se Christum Regem esse.* Poterat nullo negotio disflare palpabiles calumnias, sed maluit silentio se & sua involvere, permittendo omnia Providentiæ Patris. Num hic est stylus noster? de pilo lanæ caprinæ accusati, quid non movemus? Parce, JESU, quod tam delicatus sis discipulus, tam informis imitator tui.

3. **V**enerare DEI param V. & considera: Quam acerbis illi fuerit nuncius de filio gentilibus tradito. Prælagiebat enim ex vaticiniis Prophetarum; omnia decora, & ipsam salutem populi sui cum JESU transferenda ad gentes; Templum quoque toto orbe celeberrimum, & præfentiâ Majestatis divinæ non semel honoratum, abominandâ desolatione, & horribili ruinâ, stupori futurum sæculis secuturis. Mutuabatur ergo threnos ex Jeremia: *Quomodo sedet sola civitas plena populo? facta est quasi vidua Domina gentium! Quia Regem & Sponsum suum tradidit gentibus.* Et quid amisso, ne dicam rejecto, JESU, restat, nisi vastitas, desolatio, abominatio, & interitus? Ipsa tu, ô Gratióssima Mater, conserva in corde meo JESUM tuum & meum. Scis quam pronus sim ad illum repudiandum.

Proposui patiendi etiam ab amicis familiaribus & fratribus.

LECTIO PRACTICA:

Ferenda patienter etiam fratrum, amicorum & popularium nostrorum odia & injurie.

VT dulcior est cum fratribus, amicis & popularibus nostris convictus & conversatio, quam extraneis: ita longè acerbiora experimur illorum odia, fraudes, & injurias. *Amicorum probra quam inimicorum graviora sunt:* inquit Chrysostomus lib. 1. de Prov. Et lib. de Davide: *Plerisque ab amicis convitiis affici, aut in suspicionem adduci, videtur omnibus moribus intolerabilis.* Unde S. Petrus de Alcantara cum intellexisset S. Theresiæ Spiritum, & Orationis modum tanquam malum, & ex demone profectum, esse condemnatum à multis viris spiritualibus & confessoribus ejus, valde

compa-

compatiebatur illi, dicens: hanc esse graviolem longè crucem & afflictionem, quàm à tyrannis pati persecutionem.

S. Gregorius homil. 35. in Evang. ait: *Minorem dolorem mala ingerunt, quæ ab exirantibus inferuntur. Plus verò in nobis ea tormenta seviunt, quæ ab illis patimur, de quorum mentibus præsumebamus.* Quia cum damno corporis mala nos erant iam amissa libertatis. Dum enim advertimus consurgere in nos amicos, populares & fratres; cum quibus liberè & confidenter conversemur, afflictiones nostras communicemus, &, unde levamen speremus, non habemus: nec solum affligunt nos illata ab ipsis probra & damna, sed etiam violatâ amicitia jura.

Hinc & Moysen non angebant contumeliæ; quas ab Ægyptijs patiebatur; sed quod eas ab illis patiebatur, quos tanta charitate diligeret; scilicet à populo suo: inquit citatus Chrysost. David quoque patientissimus etiam injurias Saulis orti ex tribu Benjamin tulit æquo animo: tamen injurias Nabalis, contribulis suis, utpote ex tribu Juda orti, ulcisci decreverat: ut notat Lyranus. Job questus non est de Sabæis, qui ejus boves abegerant, nec de Chaldæis, qui ejus camelos abstulerant; nec de diabolo, qui ejus corpus adeo exulceraverat: sed de amicis nimium dâcibus: *Usquequò affligitis animam meam, & atteritis me sermonibus?* Job. 19. Aliorum injuriæ tela erant, quæ solum corpus lædebant: amicorum perstringentes linguæ ad ipsam pertingebant animam, eamque penetrabant.

Ratio sensibilioris vulneris inter alias est: quod in quem cernuntur sui populares, familiares, amici & fratres, præsertim spirituales, consurgere: is hoc ipso præsumitur non levis noxæ reus esse. Creduntur enim illi non ex levi suspitione, sed ex gravi & manifesta causa scidisse jura amicitia & communis patriæ. Unde etiam Pilatus non sine admiratione objecit Domino: *Gens tua & Pontifices tradiderunt te mihi: quid fecisti?* Necessè est te non vulgaris criminis reum esse, quem gens sua & Pontifices mihi, homini alienigenæ, tradiderunt puniendum.

Cæterum, quantumcunque molesti nobis sint & graves hujusmodi fratres, amici & populares: tolerandi sunt, tum amore JESU, similia majori iniquitate passi nostrâ causâ; tum majoris meriti nostri gratiâ; tum ad expiandas noxas quasdam, quas in conversatione cum talibus liberiore contrahimus. P. Lancicius Opusc. 9. c. 3. refert de P. F. Angelo de Paz, suo tempore Romæ mortuo, Ord. Min: quod cum Exorcista ex energumena percontaretur: ubi esset Anima F. Angeli? responderit dæmon: Ivisse ad cælum sine purgatorio, eo quod multa à fratribus tulit patienter. Insigni ex-

emplo hoc in negotio prævit nobis etiam S. P. N. Ignatius: qui eodem ad huc studeret Parisijs, pecuniolam quandam ab amicis oblatam, deposuerat in futuros usus apud quendam contubernalem & conterraneum suum Hispanum. Quam dum urgente necessitate repetit Ignatius: negat, pernegat: que iste, sibi quidquam traditum esse; nec aliud quam convicia large reponit. Sensit acerrimè Ignatius hominis fraudem & insolentiam, eo quod ad se alendum stipem emendicare deinceps egeretur, magno studiorum detrimento: attamen non modò iratus amico non est, verum etiam insigni beneficio repperdit injuriam. Cum enim fraudator ille postea Hispaniam repetens, gravi morbo ex itinere implicitus, decumberet Rhotomagi, & malè parata, malè dilapsa essent; redactus ad incitas, nec hominem habens, a quo opem speraret: ad Ignatium confugit, supplexque per literas eum de suo statu admonuit. Is, quasi opulenta quædam hæreditas sibi obvenisset, ruptâ omni morâ, in viam se dat: atque ut DEUM amico propitium redderet; totum tridui iter, pedibus, nullo prorsus cibo potuque, ingenti celeritate confecit; conquisitum hominem amicissimè invisit, semianimem sedulo ministerio recreavit, recreatum mendicato abs se viatico instruxit, atque in Hispaniam remisit literis commendatitijs abunde stipatum, atque attonitum: quod tanta erga injuriosum amicum charitas adhuc reperiatur in terra. *Massej in Vita lib. 3.* Merito S. Chrysostomus homil. 20. in Matth. *Nihil est, quod sic DEO similes faciat: ut malignis atque laudentibus esse placabilem.* Quid si adhuc adjiciantur beneficia?

FERIA VI:

Tessera Diei: *Amor meus à Pilato mittitur ad Herodem!*

MEDITATIO: *In manu DEI corda Judicum: CHRISTVM tunc innocentem agnitum mittit Pilatus ad Herodem: DEI para V. instruit irēpidos Apostolos & matronas familiares.*

1. **A** Dora DEUM O. M. & considera: Ut Regum, ita Judicum corda in manu ejus esse, atque arbitratu ejus moveri, flecti aut indurari. Honorant divinæ literæ Judices titulo Deorum: est autem DEUS Deorum illorum Dominus. Psal. 49. quem in eorum tynagoga seu consistorio stantem, observantem, imò & judicantem eos, descripsit sacer Psalter. Psal. 81. Hic ergo Judicum Arbiter, & Dominus, moderatus est etiam cor Pilati, ut, quamvis alias infensibilis esset genti Judæorum, æquum se Christo accusato præberet; imò disertè innocentem pronunciaret: se nullam in eo invenire causam mortis. Constituti igitur coram Judice, aut aliq. jurisdictionem ha-

nam habente, non tam laboremus, ut ipsum, quam ut Deum faventem habeamus. Hoc favente, iniquus non erit ille: aut si, ejus permissu, fuerit; compensabit damnum liberaliter ille. Intuas proinde clementissimas manus depono omnem causam meam, æquissime DEUS: da exitum tibi gloriosum, mihi salutarem.

2. **A**dora D. JESUM, & considera tristem ejus sortem. Agnitus & declaratus à Pilato innocens, relegatus tamen ad Herodis tribunal. Sic etiam nunc, qui in DEI & Ecclesiæ causa ferre nolunt sententiam, qualem deberent, remittunt ad aliud tribunal aut terminum; non minore injuriâ, quam sumptuum & causæ damno. Iterum ergo per plateas raptatur JESUS, eo majore ignominia, quâ frequentiore jam populo; & infestioribus satellitibus atque accuatoribus; qui rugebantur, causam protrahi; ideoque in Dominum omnem vomebant bilem. JESUS autem tacitus cum solo Patre negotium suum agebat. Permittam & ego me amore tui, Afflictissime Salvator, iudicij quorumvis hominum, quantum sine diminutione gloriæ tuæ potero. Tibi soli revelabo causam meam: cæteri sentiant; ut iubebit.

3. **V**enerare Deiparam V. & considera: quomodo dolore plena & super-plena, sollicitudinem tamen suam extendebat ad Apostolos, qui præ-sentes aderant, aliosque familiares, monendo; ne scandalum paterentur ex passione Filij: siquidem ita definitum est ab æterno; ut non nisi per sanguinem Filij Dei mundaremur à peccatis, & per mortem ejus obtineremus vitam æternam. Hoc & oraculis Prophetarum, & mysterijs figurarum præmonstratum esse, docebat. Gratias tibi immortales, ô Magistra Sapientissima & Opportunissima, pro ea illustratione & consolatione. Imprime & meæ menti altissimos de Passione Filij tui sensus: ut ex illa, quales desideras, percipiam fructus.

Proposuit non iristandi, si contingat aliquid pati innocenter.

LECTIO PRACTICA.

Sive Nocentes, sive Innocentes patiamur: Patiendum patienter.

SI patimur nocentes, seu ob culpam datam, & meritam poenam non ferimus patienter: pendemus in cruce mali latronis crucifixi cum Christo, culpam augemus, compassionem non meremur, sed potius augmentum supplicij: & nisi matura sapiamus, supplicium temporale sequetur æternum. *Impudice & frigide mentis experimentum est, nolle pati: reproba verò murmurare de verberibus;* inquit S. Laurentius Justin. de cast. connub. S. Bernardus epist. 32. *Sanctis & Electis,* inquit, *tribulatio operatur patientiam, patientia prob-*

trationem, probatio verò spes, spes autem non confundit. Sic damnandis & reprobis tribulatio puris è contrario pusillanimitatem, pusillanimitas perturbationem, perturbatione desperationem: & hæc inierimis. Conscius ergo culpæ, sustine flagella, sive à Deo, sive ab homine vibrata: si inter reprobos censeris non vis.

Quod si patiamur Nocentes quidem, sed pœnam toleramus patienter: non solum tollimus culpam commissam, sed apud DEUM meremur coronam, apud homines compassionem, & viri fortis encomium; demique supplicia alterius vitæ vel evadimus, vel plurimam imminuimus. Pius & misericors est DEUS: & remittit in die tribulationis peccata. Eccles. 2. Fusus S. Chrysostomus lib. de Davide: Si inimicus exprobraverit tibi crimen, cuius tibi conscius es; tu verò audiens, non conviciaris illi vicissim, sed cum amaro gemitu Deum imploras: protinus omnem culpam deposuisti. Rogo, quid hoc potest esse felicius? quid ad criminum abolitionem facilius? Publicanus in rapinis ac violentiis vitæ tempus omne consumpserat: Phariseus ad summam pervenerat iustitiam; ut qui facultates suas dissiparet in pauperes, assidueque jejunaret, purus à rapiuis. At publicanus despectus à Phariseo non retorfit contumeliam, neque vicissim dixit convicium; sed amare suspirans, pectusque percutiens, hoc tantum dixit: DEUS, propitius esto mihi peccatori: & descendit iustificatus. Vides celeritatem? Accepit probum, & abiit probum: Criminum accusatio facta est illi criminum remissio, & hostis insciens factus est beneficus. Ita Chrysost. Præsid est & aliud illustre exemplum Latronis boni: cui confessio propriæ culpæ, tolerantia promeriti supplicij, & confessio innocentie Christi, illico absterferunt omnem culpam, sustulerunt pœnam, & reserârunt Paradisum.

Si verò patiamur innocentes, & patiamur secundum Christianam Philosophiam animo forti & libenti: non solum culparum humanam fragilitate contractarum, & pœnæ illis respondentis obtinemus remissionem: sed per adversa & cruces conformati Deo ac Domino nostro in hac vita, meremur cum illo & apud illum pretiosissimam gloriæ coronam in æterna. De peccatorum remissione testantur Divinæ Literæ Tob. 3. In tempore tribulationis dimittis peccata tua, qui invocant te. S. Chrysostomus hom. 67. ad pop. ait: Cum rebus adversis premimur, gaudeamus; hoc enim est peccatorum expiatio. Quas paleas electis tritici granis adhærentes hic absumit ignis tribulationis, non inveniet decoquendas ignis purgatorij. Dominus ipse apud S. Brigittam lib. 3. c. 19. in Addit: Amici Dei, inquit, tribulantur in hoc mundo, aut ad minus supplicium in futuro, aut ad maiorem coronam in calo. Quam coronam non minus esse splendidam & pretiosam coronam Martyrum, affirmat S. Lauren-

tius Justin. in Fascic. amor. c. 11. *Non minor est gloria Christi passionibus conformari: quam sit cumulus beatitudinis eorum, qui mundi persecutiones pro Christo percipiunt.*

Sed quidquid sit de qualitate & pretio Coronæ: illud ipsum patientibus innocenter summo & solatio & honori esse debet; quod patiantur non ut malefeci, verum ut Christus, id est, innocenter. Recreavit hac consideratione Christus ipse S. Petrum Mar. dolentem & querentem: Quid feci; quod tantam innocens sustineam infamiam & poenitentiam? quando ei per Effigiem, coram qua oravit, respondit: *Et ego, quid feci: quod tanta sim passus; Ex me, Petre, si nescis, discas opprobria & ignominias ferre.* Quibus verbis omnem S. Juveni merorem absterfit. *Flamin. in Vita.* Nihil gloriosius aut lucrosius est in hac vita, quam multa & gravia pati innocenter & libenter.

SABBATO:

Tessera diei: *Amor meus spernitur ab Herode & aula ejus!*

MEDITATIO: DEUS non vult miracula patrari coram Herode: CHRIS-

TVS spernitur ab eo: DElpara V. dolet, Diem festum profanari
sanguinarijs judicijs.

1. **A** Dora D. O. M. & considera: eum, quamvis aliàs largissimum in patrandis per Christum miraculis, noluisse ullum patrari coram Herode, avidissime id expetente. Ex sola enim curiositate, non studio salutis orta fuit ea aviditas: & habuit Herodes aliunde sufficientissima argumenta ad credendum Christo; eumque suscipiendum, ut promissum Messiam. Ad hæc docere voluit DEUS: in majore apud se respectu esse humilem colonum salutis suæ studiosum; quam superbum Principem, politico regimini intentum, divini cultus incurium. Plebejos & agrestes erudiri voluit Christi prædicatione, moveri miraculis: Aulam nec miraculo, nec verbulo dignatus est. Vilescam igitur & ego mihi, oportet: ut singulares tuos merear favores, humilium cognitor, sublimium contemptor Deus.

2. **A** Dora D. JESUM, & considera: quomodo interrogatum multis sermonibus, at nihil respondentem; sprevit Herodes cum exercitu suo, & illi induit vestem albam. Luc. 23. Quia nihil respondit tum ad calumnias obiectas, tum ad quæstiones Regis inutiles, pro stulto habetur æterna Sapientia, & ludibrio traducitur à tota aula. At hoc ipsum silentium, Rex stultissime, grande est miraculum, idque inauditum. Quid enim simile vel in aulis, vel in toto orbe auditum est unquam? Compatior tibi ex animo, o Sapientia omniscia & omnipotens, atque oro: ut me doceas similia patrare

SABBATO.

62

miracula. Grande prodigium edidero, si in confesso magnorum & eruditum contemptus, siluero. Audebo tamen in nomine tuo. Tu pone custodiam ori meo; & osium circumstantiæ labiis meis.

3 **V**enerare DEI param V & considerâ: non modicum doloris illi accessisse; quod viderit; solemniſſimo Paschatis die, quo recolebat memoria exitus ex Ægypto, populum, Sacerdotes atque Pontifices, intentos sanguinarijs iudicijs & neci Filij, negligere sacra & sacrificia eo die debita DEO Salvatori. Iste enim erat dies, de quo præcepit DEUS Exod. 12. v. 14. *Habebitis autem hanc diem in monumentum, & celebrabitis eam solemnem Domino in generationibus vestris cum sempiterno.* Et verum 16: *Dies prima (Azymorum) erit sollemnis atque sancta, & dies septima eadem festiuitate venerabilis: nihil operis faciens in eis, exceptis his, quæ ad vescendum pertinent.* Tam gravem divini cultus neglectum, & opus nefandum, quod operabantur eo die & populus, & Sacerdotes, non poterat non acerbissimè ferre Mater Dei. At ego, o Mater afflictissima, amore tui, & patientis Redemptoris mei, religiosius colam omnes sextas ferias per annum. Suscipe & confirma hanc voluntatem meam. Vide, quid singulis per annum sextis ferijs opportunè facere possis vel pati, & certi aliquid statue, saltem pro uno anno.

Proposui patienter ferendi quosvis contemptus.

LECTIO PRACTICA:

Contemptum & confusio non solum patienter ferenda, sed sollicitè querenda.

Non fuit fortuitus Christo, Domino nostro, contemptus, & confusio summa, quam in aula Herodis passus est; sed ab ipso non solum prævisâ, verum & electa, tum ad retundendam arrogantiam nostram, tum ad solatium aliquod præbendum servis suis, si quando contingeret, eos in publico despici, & pro fatuis haberi. Mirum sane est; quam multi, & quam illustres tum honoribus, tum scientijs, alijsque naturæ & fortunæ dotibus, hoc Domini exemplo incitati, non solum patienter tulerint, ferantque quosvis contemptus & confusionem; sed etiam avidè expetierint & quaſierint, quaerantque etiamnum. Non est necesse Veterum PP. erudere exempla, vel à longè petita adducere: cum recentibus & domesticis abundemus; & quibus do pauca nobis incitamento futura, & consulto prætereo Canonizatorum Sanctorum, utpote notiora.

P. Gaspar Barzaus, præclaro Apostolici Viri elogio à S. Xaverio honoratus, cum esset Rector Collegii Goani, usus est ea potestate ad maiorem sui confusionem, quando in trichinio communi & cathedra, sæcularis vitæ suæ peccata diserte coram domesticis est confessus,

Collegio

Collegio Placentino cum præficeret P. Martinus Gutterius, vir nec sua nec suorum mediocri virtute contentus, inter alios illustrem tyronem Ludovicum Medinam egregie exercebat, multa illi indulgens, vel suggerens, per quæ militarem fastum atque ferociam opprimeret. Nunc pallio tunicâque exutum, instar mancipij, per publicas vias mittebat ad lanios emptum obsonia, vel ad forum pro vendendis raphanis: nunc jumenta in mercatu venalia ducere, vel alio agere, etiam ad 80. leucas jubebat: quæ & his plura Ludovico galacrius, quam cum cohortes militares duceret, præstabat. Hist. Soc. p. 2. l. 2.

P. Franciscus Cordubensis, filius Ducis Cardonæ & Segoræ, Societatem ingressus, sanctionem illam S. P. N. Reg. 11. Summ: quæ jubemur eo studio appetere & quærere nostri contemptum & confusionem, quo mundani quærunt honores & magni nominis existimationem; ad summum implevit, admiranda aviditate captans omnem occasionem vilipensionis sui, & quidquid vilissimi officij erat domi. Inter alia impetravit, ut curam gereret bestiarum & jumentorum in Collegio Salmanticensi: inter quæ cum esset læsus & ulcerosus equus, studio per mediam civitatem eâ, quæ ad Academiam ducit, plateâ, cum Academici numerosissimi Scholis exhibant, duxit eum in campum, stupente Universitate, Virum tantæ nobilitatis, & qui antè ejusdem Academix Rector fuerat, id agere singulari vultûs amenitate & alacritate. Superior ubi id reseivit, inprobavit, præsertim quoddam eam viam tenuisset: at Franciscus humilitatis tantæ splendori lacernam ignaviæ obtendens; Mi Pater, agebat, ego, quæ sum ignaviâ, eam viam elegi, quia brevior adverte. Alias cum intellexisset, Fratrum quendam mittendum ad villam, pro emendis porcellis, qui domi nutrentur; statim se in socium obtulit, evicitque multis precibus eam spartam, asserens: se talium negotiorum peritissimum; quod semper prætendebat, cum occasio se deprimendi aderat. In via cum è porcellis quidam defatigatus ægrè progrediretur: P. Franciscus eum in humeros recepit, portavitque ad eum modum, quo Pastor Evangelicus inventam ovem portans pingi solet. Ingenij licet præstantis esset, & præclari judicij; simplicem se tamen faciebat, & studio stulta aliqua subinde dicebat, ut pro fatuo haberi posset: invenitque tandem è juvenibus Scholasticis quendam, qui rudiori ingenio talia imputans, egregie illum non raro exagitavit. At Franciscus tantò magis hominem observabat, honorabatque: ei que, quoties poterat, se socium adjungebat, ac fustigationi propinabat. In *Vita P. Alvarez c. 30.*

Insignem sui contemptum prodiderunt etiam par nobile fratrum, Melchior & Alphonsus Nunnez Barreti, Joannis Nunnez Æthiopiz Patriarchæ ger-

chæ germani. Melchior vervecem humeris impositum per frequentissimam urbem portavit, pueris largo cachinno comitantibus. Alphonsus, ubi clam domo profugit, atq; in Societatem receptus est: astu actus eodem in forum Conimbricense atratus & nudipes se proripuit; & infamem columnam complexus, cingulo tenus nudus, altâ voce misericordiam à flagellato JESU imploravit, attonitâ urbe. *Nadasi in Ann. Dier. Mem.*

Sic istos & plures alios Exemplum spreti & illusi JESU stultos fecit propter Christum. Utinam in nobis ialtem minorem honoris nominisque nostri amorem operaretur!

DOMINICA III. QUADRAGESIMÆ.

Tessera diei: *Amor meus ad iniquissimum Præsidentem reducitur!*

MEDITATIO. DEUS dum homines ei bellum movent, pacem facit: CHRISTUS ad Pilatum reductus solo se enervat silentio: DElpara V. expendit; quante molis sit hominem reconciliari DEO.

1. **A**dora DEUM O. M. & considera divitias Bonitatis ejus in Christi passione planè profundas. Dum contra ipsum in armis sunt, & nil nisi cædem, imò Deicidium spirant, ipse quasi omnium ignarus, pacem componit, & amicitiam restaurat inter infensos sibi Principes, Herodem & Pilatum. *Ei facti sunt amici Herodes & Pilatus in ipsa die: Nam antea inimici erant.* Luc: 23. imò pacem inter se & homines magno & inaudito opere promovet bonus DEUS, in Christo mundum reconcilians sibi, non reputans ipsis delicta ipsorum. 2. Cor. 5. O DEUS, cujus pax exsuperat omnem sensum; amore tui, & patientis Christi tui, pono hodie odia omnia, & spiritum contentionis. Fiat, oro, pax in virtute tua & tecum & cum proximo meo omnibus diebus vitæ meæ.

2. **A**dora D. JESUM, & considera: quâ violentiâ barbarorum satellitum, quavè insolentiâ insultantis populi, iterum reductus fuit ad Pilatum. Pilatus autem convocatis principibus Sacerdotum, & magistratibus, & plebe. Luc: 23. instituit coram illis quæstionem; & cum nihil probabilis delicti adferretur contra Jesum, dixit ad illos: *Obtulistis mihi hunc hominem, quasi avertentem populum; & ecce ego coram vobis interrogans, nullam causam invenio in homine isto ex his, in quibus eum accusastis.* Rectè dixit: Nullam causam ex his, in quibus eum accusastis: alia enim erat causa, ob quam ei moriendum erat: quia in se suscepit delicta nostra, & dolores nostros ipse porraxit. Isa: 53. Aliud quoq; Innocentiæ manifestum argumentum addidit Præsides: sed neq; Herodes eum invenit. *Nam remisit vos ad illum; & ecce nihil*

DOMINICA III. QUADRAGESIMÆ.

65

nihil dignum morte actum est ei. Gaudeo, mi JESU tam præclaris Innocentia tua testimonijs; Sed simul intime doleo; quod his nil moti sint inimici tui, gens absq; consilio, plena odio, & rabie. Da mihi obsecro, animum mitem, & placabiles iras.

3. **V**enerare DEIPARAM V. & considera: eam, inter alias, quibus distinebatur, considerationes, sine dubio etiam huic intentam fuisse: quantæ molis sit reconciliatio generis humani cum DEO. Quanta jam passum sciebat Filium! & tamen Justitiæ divinæ nondum erat fastus satis. Vulnere, sanguis, mors acutissima requirebatur. Unde non raro ingemiscbat: O si attenderent homines; quam grave sit hominem peccatorem inter & DEUM, dissilium: quandoquidem sine sanguine & morte DEI Filij non fit reconciliatio: Impiæ. O Mater dolorosissima, altissimè cordi meo hanc cogitationem; ut non præsumam attentare: quod tam difficulter potest complanari.

Proposui innocentiam propriam non tuendi opportune importune.

LECTIO PRACTICA:

De multiplici silentio servando tempore adversitatis.

P. Nicolaus Lancicius S. J. Asceta egregius, prosperis adversisq; insigniter exercitus, opinionemq; non vulgaris Sanctitatis tum alijs virtutibus, tum heroica Patientia promeritus, in *Opus. suo 9. de ferenda cruce persecutionis c. 6.* recenset Septuaginta Modos heroicum servandi silentium tempore persecutionis, & quarumvis adversitatum: quos ipsummet in Praxim deduxisse, colligi potest ex edita in lucem Vita ipsius, & recenti adhuc inter Nostros memoria gestorum ipsius. Notabiliores ex 70. propono pro praxi.

1. Adversarijs lacessentibus non rependenda verba mala, sed silentij clypeo utendum. *Quando aliquis nobis conviciatur, lacessit. ad violentiam provocat, ad jurgia vocat: tunc silentium exerceamus; tunc muti fieri non erubescamus. Hec sunt arma Justitiae: ut cedendo vincat:* inquit S. Ambrosius l. 1. Offic. c. 5. Sic Christus egit: *Posui ori meo custodiam, cum consisteret peccator adversum me.* Psal. 38.

2. Si ignoras, noli quærere authorem vel coöperatores injuriarum tuarum. Rectè Seneca lib. 3. de Ira c. 11. *Non expedit omnia videre, omnia audire. Multæ nos injuriæ transeant. Non vis esse iracundus? Ne sis curiosus.*

3. Noli inquirere totum contextum & circumstantias dictorum vel gestorum contra te: nec animum applica ruminandis & expendendis auditis. *Qui malignos sermones, etiamsi secreto habui sint, eruit: se ipse inquirit. Non quemadmodum facta sit injuria, refert: sed quemadmodum lata.* Seneca cit.

4. Noli

4. Noli te excusare, seu purgare, dum condemnaris iniquè: præsertim dum non auditus condemnaris. Sic Christus *quasi Agnus coram condente se obtinuit: & non aperuit os suum*: Isa. 53. Importuna excusatio opportuna est suspicioni.

5. Dum interrogaris ab eo, qui habet jus sciendi, an deliqueris: ad id præcisè responde, quod sufficit ad interrogationem; non commemoratis rebus, vel circumstantiis, ex quibus patere posset innocentia tua, & adversarij culpa. Si tamen urgeat Superior; ut totum prædas: satisfaciendum ei.

6. Noli te purgare etiam coram ijs, à quibus scis, vel suspicaris, te accusatum: sed dissimula; ut majorem habeas materiam patientiæ. Imò nec ostende, tibi innotuisse injuriam: nec coram ijs te purga, qui addicti sunt accusatoribus tuis.

7. Nec coram ijs te purga, vel querelas depone, qui te vel defenderent, vel saltè compaterentur tibi. Imò simpliciter alijs crucem tuam non revela. Quia sic eam imminueres capto solatio aliquo: nisi fortè indigeres omnino consilio, vel malum tertij impediendum esset. *Iusti est, dissimulare, nihil loqui, contentum esse gravitate morum suorum*: ait S. Ambros. cit.

8. Noli querere defensorem inter homines: imò nec DEUM voca in defensionem tuam, (quàmvis id licitè fieri possit) nedum in ultionem injuriæ, & manifestationem innocentiae tuæ, aut ut aliquo te recreet solatio. Solum sollicita eum: ut det heroicam Patientiam; & sic, quantum est ad gloriam ejus, aggravet calamitatem tuam. Iniquus enim eris in te ipsum, si volueris te privare tanto bono, quantum est, amore DEI pati innocenter.

9. Si sermo faciendus sit de adversario tuo; abstine à verbis contumeliosis & cognominibus indecentibus: quin potiùs utere nominibus honorificis, & cum illo, atque de illo age ut amico & benefactore speciali. Sic David agens de capitali hoste suo Saule, nunquam eum appellavit vel homicidam, vel insanum, vel tyrannum &c. sed Regem & Dominum, imò & Patrem suum, & Christum Domini.

10. Neminem roga directè vel indirectè: ne, quæ de te dicuntur sinistra, spargat ulterius. Id enim esset, velle subterfugere crucem: quod non decet Socium JESU.

11. Nec directè, nec indirectè impediās ullum; ne te accuset, vel sinistra de te loquatur, aut agat aliquid contra te. Multò minùs argue illos, aut aversum te ostende ab illis, qui ex officio, vel errore, aut boni communis intuitu, de te aliquid mali detulerunt ad Superiores: vel ex levitate & inconsiderantia sparserunt inter alios.

FERIA II.

67

12. Noli petere; ut inquitur in ea, quæ de te dicta sunt falso, aut cum nimia exaggeratione. De delatore vel accusatore nihil dicas, quod dictis ejus fidem abrogare posset.

13. Noli producere, etiam datâ aliunde occasione, bene à te gesta: ex quibus indirecte dilui possent calumniæ irrogatæ.

14. Noli coram alijs loqui, præsertim cum exaggeratione, de præsentis crucis tquæ aut præteritarum, gravitate, iniquitate &c. sed sequere consilium Christi, datum P. Balchafari Alvarez, magnis persecutionibus inique exagitato: *Conquiesce, & in hoc solare: quod hæc tua pressura geratur vide te DEO: qui, etsi posset, non tamen illam removeret; etiamsi plus te diligat, quam te ipsum.* In Vita c. 40.

Hæ sunt heroici silentii Maximæ, ex Christi Patientis altissimo silentio deductæ. *Ultima & Sile.*

FERIA II:

Tessera Diei: *Amor meus latroni postpositus!*

MEDITATIO: DEUS terret Pilatum per uxorem: Barabbas CHRISTO preponitur: DE Ipara V vadit, ut Filium videat.

1. **A** Dora D. O. M. & considera benignissimam ejus Providentiam; quæ constitutis in gravi, & præsentis periculo peccandi suppeditare solet opportuna lumina & auxilia ad resistendum necessaria. Validis machinis trahebatur Pilatus à Judæis, & Orci ministris, ad immane facinus Deicidii. Inter alia, quæ bonus DEUS adhibuerat media, ad eum retrahendum, adhibuit & uxorem, cujus apud maritum prima solet esse gratia, subinde etiam autoritas. Terrifico somnio per Angelum immisso illam inquietaverat: unde mulier, consternata, misit ad Virum pro tribunali sedentem, monens: *Nihil tibi & Justo illi; Multa enim passa sum hodie per visum propter eum,* Matth. 27. Valuit aliquid hoc monitum; ut nimirum cogitaret diligentius Pilatus de medijs eliberandi JESUM; sed non prævaluit. Sic male fortes sumus contra DEUM. At ego tibi, summe DEUS, ultrò cervicem submitto. Jube, quod vis, & da, quod jubes. Absit à me, ut iterum crucifigam Filium tuum.

2. **A** Dora D. JESUM, & considera: quàm ignominiosè misericors, quàm inique justus in illum fuerit Pilatus. Liberare cum vellet, proposuit eum populo unâ cum Barabba, insigni latrone, ut, pro more, in gratiam Paschalis Solemnitatis unum ex duobus peterent dimitti liberum; *Quem vultis dimittam vobis? Barabbam, an Jesum, qui dicitur Christus.* Non dubita-

dubitabat, petendum JESUM. Sed contra fors cecidit. *Principes Sacerdotum & Seniores persuaserunt populo, ut peterent Barabbam, Jesum vero perderent.* Matt. 27. Quot, & quantos Patronos habet Latro, JESUS neminem! Exclamavit autem universa turba dicens: *Tolle hunc, & dimitte nobis Barabbam.* Luc. 23. Quantæ injuriæ? Pilatus comparat DEI Filium latroni; & optioni illum permittit. Principes Sacerdotum dementant populum; ut latronem fervent, authorem vitæ perdant: Populus insanus latronem libertati, JESUM morti addicit! Quid scelestius & dementius populo illo cogitari potest? & tamen sic infanimus ipsi; quotiescunque peccando postponimus DEUM bono creato: facimus autem hoc, quotiescunque graviter peccamus. Heu me infelicem! Doleo, detestor, Domine, Misereere!

3. **V**enerare DEIPARAM V. & considera: quomodo post multos angores, tædia, dolores, domi toleratos (videtur in eadem domo, in qua ultima cæna peracta est, commorata fuisse) tandem decreverit ad locum opportunum se conferre, unde videret: quid ageretur cum Christo: *Surgam, & circumibo civitatem; per vias & plateas queram: quem diligit anima mea.* Cant. 3. Non deerant: quæ retraherent; atque inter alia dolor longe sensibilibior ex cominus inspectis Filij calamitatibus inauditis. Sed prævaluit affectus maternus; & anima, quæ magis erat, ubi amabat, quam ubi animabatur, pertraherat & Corpus ad JESUM (non habitâ ratione augendorum dolorum) ad assistendum ei usque ad extremum vitæ; etiam si contingeret in eadem configi cruce. O si & anima mea, non obstantibus quibusvis difficultatibus, sic eluctaretur ad JESUM: Quæ incitas exemplo; adjuva impetratis gratijs, o dolorosissima Mater.

Proposium de fugiendo quovis mortali peccato.

LECTIO PRACTICA.

De inestimabili contemptu, quem peccans mortaliter irrogat Deo.

Quis credidisset: eo usque invalescere potuisse insaniam & rabiem Judæorum in Christum; ut mallent latronem dimitti liberum, modò Christus ageretur in crucem? Ringimur Christiani, & meritò fremimus in gentem insanam ac rabidam: sed ipsi non magis pii & benigni sumus in Deum ac Dominum nostrum, quoties mortaliter peccamus. Quoties enim se nobis offert occasio graviter peccandi, proponitur nobis Barabbas & Christus: id est, Actus peccaminosus cum bono aliquo creato, & DEUS cum gratia & amicitia sua. Actus peccaminosus non solum est latro insignis, sed latronum omnium pessimus: cum non solum bonis omnibus temporalibus & æternis spoliat nos; sed insuper morte afficiat æterna, æternisque subiciat tormentis. Deus

is. **DEUS** autem est Author, Conservator & Assertor vitæ nostræ tam temporalis, quam æternæ: sine quo nec vivere, nec esse possumus; cum quo esse possumus æternū beati.

Datur ergo nobis in tali occasione optio, seu libera electio: *Quem vultis?* **DEUM** cum gratia & amicitia sua atque beatitudine æterna: an Actum peccaminosum cum momentanea voluptate & supplicijs æternis? Suadet recta ratio, urget conscientia: ut **DEUM**, Summum Bonum, summè in nos benevolum, & beneficum, præferamus, in ipsius amicitia persistamus, & à Creatore atque naturali gratiosissimoque Domino nostro non deficiamus. At, quæ est pravitas nostra, prævalet non rarò insana concupiscentia, persuadetque, ut terga vertamus **DEO**, & in amplexum apparentis alicujus creati boni ruamus, nihil solliciti de eventibus futuris. Quo quid infamius? quid indignius, aut **DEO** injuriosum magis?

Ad declarandam gravitatem hujus contemptus Divinæ Majestatis & Bonitatis; advertendum: dupliciter alicui irrogari contemptum; scilicet per Judicium intellectus, & per Affectum voluntatis. Primo modo contemnimus aliquem, quando eum judicamus indignum honore & cultu nostro. Hoc modo **DEUS** ab ijs, qui de summa ejus Excellentia notitiam habent, contemptum non potest; nisi fortè, quando passionis alicujus vehementiâ ita obscuratus est intellectus: ut magis advertat ad gravitatem alicujus incommodi, quod hic & nunc homo à **DEO** sibi iniquè illatum putat, quàm ad dignitatem ipsius. Altero modo contemnimus aliquem, quando, etiam si nobis constet de ejus dignitate & eminentia, tamen hic & nunc, propter aliquam apparentem causam, ei negamus debitum honorem seu cultum, & longè viliores ei præponimus; ab illo iniquè deficiamus, & his toto corde adhæremus; illius gratiam & amicitiam, oblatam vel acquisitam, respuimus, hos in pretio & amore habemus. Hoc igitur modo contemnitur Deus, quoties lethaliter peccamus. Avertimur enim liberè ab ipso, & convertimur ad aliquod bonum creatum, quod ei præferimus si non per judicium mentis, certe per affectum & adhæSIONEM voluntatis. Et este contemptus iste tantò gravior, quantò major est advertentia ad dignitatem & excellentiam divinam supremam, quàm meretur omnib9 omnind reb9 & personis, commodis & quib9 vis aliis, præferri; ut appetitativè per æstimationè, ita affectivè per electionè & prosecutionè.

Illustrari is contemptus potest inductione ex creatis. 1. Si aulicus, idemque subditus, maximi alicujus Principis, ab ipso sollicitatus ad fidele obsequium, promissis magnis gratijs, & amicitia intimâ, in conspectu ejus transcat ad quempiam de plebe Principi perduellem, ostentantem ipsi vitream

aliquam gemmam, vel poculum vini: nonne is gravissimum Principi suo irrogabit contemptum? 2. Si filius viri nobilis, cui, unica dilecto, pater opulentam paravit hereditatem, & splendidam donavit aulam, ex eadem ejiciat ipsum patrem, & lixas atque meretrices inducat: si idem filius matrem suam relinquet ad ancillas, prostibulo autem alicui primum ad mentem suam locum tribuat: numquid palmaris is erit contemptus? 3. Si agrestis puella, à Principe suo in sponsam lecta, & amplissimis oblati thesauris variique blandimentis ad unicuique ejus amorem invitata, tergum ei vertat, thalami consortium neget, & amores suos in quempiam de fæce famulorum transferat: num modicus videbitur contemptus? At infans major est, quem irrogamus DEO, Domino, Patri ac Sponso animarum nostrarum. Filioque ipsius Redemptori nostro & Principi gratiosissimo; dum nos ad lethale peccatum resolvimus, & Barabbam incomparabiliter peiorem præferimus ipsi, Qui contemptus tam gravis & inhumanius visus est Apostolo, ut Hebr. 6. dicat; ab hujusmodi peccatoribus iterum crucifigi Filium DEI, & ostendi haberi. Et c. 10. 28. *Conculcari Filium DEI; Sanguinem ejus pollui, & Spiritui gratie contumeliam fieri.* Absit ab anima fidei, nedum religiosa, tantum nefas.

FERIA III.

Tessera diei: *Amor meus deposcitur ad Crucem!*

MEDITATIO. *DEUS quàm feros in se expectat homines: CHRISTUS à Judæis deposcitur ad crucem: DEI parum V. concursu malignantis populi affligitur.*

I. **A** Dora DEUM O. M. & considera: quantum ab ejus gratia pen-deat humanitas & probitas hominum: quàmve feri evadunt homines, & belluis similes redduntur, dum sibi relinquuntur, ut agant secundum desideria cordis sui, & impetu passionum suarum agantur. Conqueritur DEUS Jeremix 12. de populo suo electo, & Filij loco habito: *Fausta est mihi hereditas mea, quasi Leo in sylva, dederunt contra me vocem suam, & Psal. 21. Aperuerunt super me os suum, sicut Leo rapiens & rugiens.* Quod vel maxime apparuit in passione Christi: ubi nec politici artibus Pilati, nec innocentia & mansuetudine Christi summâ, nec horrenda ejus flagellatione & miseranda specie placari poterant. **O** DEUS clementissime, quidquid mihi ademptum volueris, cedo libenter; gratiam tantummodo tuam ne auferas à me, quia mihi relictus belluarum similior, quàm homini pro.

2. **A** Dora D. JESUM, & considera: quàm vilis & exosus fuerit Judæis, nulli ipsius supplicio acquiescentibus, nisi viderent suspensum in cruce. Parum erat, lapidibus obrui, aut præcipitio collidi, aut gladio jugulari; Crucem, servile simulq; immane tormentum, expediri urgent. Liberato Barabba, petit Pilatus: *quid igitur faciam de JESU, qui dicitur Christus? Dicunt omnes: Crucifigatur.* Matti. 27. Virgente Pilato: *Quid enim mali fecit? Non prætendunt aliquod facinus: sed illi magis clamabant; dicentes: Crucifigatur.* Dire flagellatum, & ignominiosè coronatum spinis, cum non sine commiseratione, exhibuisset illis JESUM, dicens: *Ecce homo; Pontifices & ministri, magis efferati, clamabant dicentes Crucifige, Crucifige eum.* Rursum post modicum temporis ad humanitatem & commiserationem solitante Pilato; *Ecce Rex vester.* Illi autem clamabant: *Tolle, tolle, crucifige eum.* Id tanquam absurdissimum cum refugeret; *Regem vestrum crucifigam?* Responderunt Pontifices: *Non habemus Regem, nisi Cæsarem.* Quisquis sit JESUS, *Crucifigatur.* Horrenda & summa malitia; quæ expleri non potest, nisi summo malo. Compatior tibi, afflictissime JESU, ad mortem turpissimam a gente tua postulato. Da gratiam; ut saltem leves reprehensiones pro delictis meis patienter seram.

3. **V**enerare DEIPARAM V. & considera quàm graviter afflictâ fuerit, quando vidit confertissimo populo fervere plateas & compita, confluere undiq; turbam, præ cæteris accelerare gradum Phariseos, omnes convolare ad Prætorium Præsidis, ad videndum: quem tandem exitum sit habitura causa tam famosi, sive Prophætæ, sive, ut tunc jam existimabant, seductoris. Ex omnibus advertit neminem, qui propensum in JESUM affectum verbulo testaretur: quin potius advertit *veloces pedes eorum ad effundendum sanguinem.* Plal. 13. Ipsa infracto animo corpus sustentans, ibat quærens dilectum votorum suorum. Condoleo tibi, afflictissima Mater & oro; ut me assumas in comitem viæ tuæ, ut pari pietatis ardore, quæram dolentem meâ causâ JESUM.

Proposuit non declinandi cruce imminentes.

LECTIO PRACTICA:

De non declinandu crucibus.

QUæ contentione Christum Judæi, eadem, quàmvis dissimili quidam affectu, ad crucem deposcunt nos varij. Deposcit inprimis Justitia Divina ob læsam Majestatem Supremam. Cum enim omne peccatum sit Offensa Divina; ut communis docet Theologorum & Ascetarum sensus; siquidem advertatur æquissimæ DEI voluntati, summæ Majestati & Jurisdictioni, &

ni, & infinitæ ejus Bonitati: Vindex Justitia zelatur pro honore divino; reosque deponit ad crucem, minimum temporalem. *Cuncta, quæ sunt, adducet DEUS in judicium pro omni errato.* Eccl. 12.

Deposuit 2. ipsâ Misericordia Divina: nimirum ad crucem temporalem multâ clementiâ imminutam; ut evadamus æternam, infinitâ tormentorum acerbitate intolerabilem. Unde suavissimam divini Spiritûs dispensationem prædicat Sapiens: *O quam bonus & suavis est, Domine, Spiritus tuus in omnibus! Ideoque eos, qui exerrant, pariter corripis; non toto pondere suppliciorum promeritorum: & de quibus peccant, admones, & alloqueris; ut scilicet maturè fugiant à ventura ira, & temporali potius hujus vitæ, quam alterius, humeros ultro subiciant cruci.*

Deposuit 3. Christus Redemptor, in quem non solum multâ ingratitudinæ peccamus, sed quotidianas in omni vitiorum genere cumulamus offensas, Sanguine & Bonitate ejus abutentes, sanctissimamque pariter ac levissimam ejus Legem passim violantes. Cum enim Pater omne judicium dederit Filio, ut reddat unicuique secundum opera sua; nec conveniat, hominum delicta prorsus impunè transmittere: paratas habet cruces, quibus affigantur ij potissimum, qui non reservantur igni æterno. Verùm & alios, eosque gratiosiores, habet Gratosissimus Deus titulos, quibus nos ad crucem vocat: scilicet Titulum conformationis fervorum cum Domino suo; *Qui non accipit crucem suam, & sequitur me; non est me dignus:* Matth. 10. Titulum quoque Magisterij in Schola Sapientiæ æternæ, in qua ad immarcescibilem gloriæ lauream non nisi à Cathedra Crucis concendunt discipuli. *Qui non bajulat crucem suam, & venit post me, non potest meus esse discipulus.* Luc. 14. Titulum præterea hæreditatis cælestis, quam sine cruce non adèunt ætate provecti. *Si quis vult post me venire, tum ad palæstram virtutis, tum ad gloriæ regni cælestis: abneget semetipsum, & tollat crucem suam, & sequatur me.* Matt. 16. Sine cruce nec sequi Dominum servi, nec assequi Magistrum discipuli, nec Primogeniti cohæredes esse possumus.

Deposunt nos 4. ad crucem ij, quibus injuriam aliquam seu incommodum intulimus. Quod si taceant ipsi, & contra nos justitiam divinam non sollicitent: perorat pro ipsis Charitas læsa: ut quâ menturâ menti fuimus, eadem remetiatur nobis; quam alijs imposuimus crucem, feramus ipsi. Hinc justo DEI judicio non infrequenter videmus exigi pœnam talionis.

Deposunt 5. Satellites Justitiæ Divinæ, Stygij lictores: ut scilicet per adversitatum molestias ad impatientiam nos deducant, incitentque jam ad malas artes, quibus immixtas cruces excutiamus, jam ad murmura & contumelias

melias tum in homines, tum in ipsum DEUM jaciendas: Sic contra justum Job insisterunt: ut cui immixtae cruces non poterant servire in supplicium propter notoriam Viri innocentiam; saltē imponerentur in virtutis experimentum. *Exteñde paululum manum tuam, & tange cuncta, quæ possides: nisi in faciem benedixeris tibi.* Job. 1. Et rursus c. 2. *Tange os ejus & carnem: & tunc videbis, quod in faciem benedicam tibi.*

Tot tantisque exactoribus & intigatoribus, Tolle, tolle: Crucifige, crucifige eum; quomodo evademus aut declinabimus cruces? Est, qui declinet aliquas; sed incidit procul dubio in graviores: inquit S. Bernardus Serm. de Obed. pat. & sap. *Ipsos Electos DEI cornibus & pia agere, & crudelia multa tolerare:* ait S. Gregorius l. 9. Mor. c. 35. Reliquum igitur est: ut potius fortiter alacriterque post Christum ferendis, quàm declinandis, crucibus intenti simus; humeros oneri, non pedes fugæ paremus. *Non est discipulus super magistrum, nec servus super dominum suum. Sufficit discipulo, ut sit sicut magister ejus, & servus sicut dominus ejus.* Matt. 10. *Non est servus major domino suo. Si me persecuti sunt, & vos persequantur.* Joann. 15.

FERIA IV.

Tessera diei: *Amor meus dirissime flagellatus est!*

MEDITATIO: DEUS peccata carnis nostræ castigat in Filio: CHRISTVS crudelissime flagellatur: DEI pars V. quàm dolorifera ea flagellatio.

1. **A** Dora DEUM O. M. & considera: quàm abominabilia ipsi sint peccata carnalia, utpote Spiritui purissimo & perfectissimo. Prodidit affectum suum apertissime, imprimis Genes. 6. quando pœnituit eum, quod hominem fecisset, & factum dolore cordis intrinsecus, dixit: *Non permanebis Spiritus meus in homine in æternum; quia caro est. Et: Delebo hominem; quem creavi, à facie terræ; delebitque luctuosissimâ strage.* Deinde, quàm horribili incendio delevit Sodomam, & alias 4. civitates? Quàm terribile editum promulgavit per Apostolum Rom. 8. *Si secundum carnem vixeritis, moriemini: idque non temporali solum, sed æternâ, & semper sensibili, morte!* Maxime autem id declaravit in Filio; quando in illo hujusmodi peccata tam crudeli flagellatione castigavit: *Astritus est propter scelera nostra.* Isa. 53. *Supra dorsum meum fabricaverunt peccatores.* Psal. 128. Et adhuc blandie mur & serviemus carni nostræ? Filius tam dirè castigatur; & adhuc laesciunt servi?

2. **A** Dora D. JESUM, & considera: quàm crudeliter fuerit flagellatus! 1. Totus fuit nudatus coram innumera hominum multitu-

dine. 2. Artissimè funibus adstrictus columnæ. 3. Complexione corporeis fuit tenerrima. 4. Instrumenta flagellationis fuerunt virgæ & lora, ut quidam volunt, simulis terreis horrida. 5. Lictorum rabies summa. *Iruerunt in me fortes.* Psal. 38. 6. Plagarum numerus ingens: aliquot millia fuisse ex varijs revelationibus constat. 7. Extensa fuit flagellatio per totum corpus ita: *ut à planta pedis usque ad verticem non fuerit in eo sanata.* Isa. 1, v. 6. *Concidit me vulnere super vulnus.* Job. 16. Denique tam mihi se conciso corpori nulla adhibita fomenta: *Vulnus, & livor, & plaga rument non est circumligata, nec curata medicamine, neque fota oleo.* Isa. 1. Sic flagellatus, laceratus, laniatus est propter me Dominus meus & Deus meus: & ego adhuc voluptati operam dabo? Non faciam, mi Jesu, non faciam! Pudet, poenitet: Parce per vulnera tua.

3. **V**enerare Deiparam V. & considera: quanta illam involverit dolorum tempestas in horrenda illa Filii laniena. Presentem adiuvisse, & spectasse; habetur in Revelationibus S. Brigittæ Libr. I. cap. 10. & Libr. 4. cap. 70. Nulla opus est exaggeratione; illud cogitare sufficit: Mater erat; & talis Fili Mater! O Mater afflictißima, intime tibi compatior: sed vix mihi, qui per lictores illos, sic defavii in te & Filium tuum! Non amplius, Domina, non amplius! Parce, & impetra gratiam. *Vide denique: quomodo deinceps, ac hodie potissimum corpus tuum trahes.*

Proposui castigandi pro merito corporis proprium.

LECTIO PRACTICA:

Castigandum corpus, & in servitutem redigendum.

Nonij tantum, qui studio perfectionis unico intenti sunt, vitamque agere volunt spiritualem; sed quicunque à gravi propriæ carnis servitute elutari conantur: in id continuo intenti sunt, ut varijs mirisque modis castigant corpus suum, & in servitutem redigant. Moventur & incitantur duplici potissimum motivo. Inprimis quia illud non alio, quam hostis domesticæ & inevitabilis loco habent; suspiciuntque carnem suam oculis S. Ambrosij, scribentis in c. 12. Luc. non aliter, quam ut *Libidinum volubrum, diversorumque visiorum*: seu, ut idem Sanctus lib. de Arca & Noë c. 5. ait: ut *Locum quendam voluptatis vetitæ: ac fontem, ex quo prorumpunt concupiscentiarum pessimarum flumina, navigium mentis, excusso gubernatore, demergentia.* Deinde armantur in illam implacabiliter, vitio innocentissimo Divinoque Christi Salvatoris ac Domini sui Corpore, tam ante conciso ac sanato, ad exprimenda delicta carnis nostræ. Intelligunt enim; *namque copiosam quidem fuisse Christi satisfactionem: nihilominus, mo-*

Acute

rente Apostolo Coloss. 1. 24. reitare quædam adimplenda in carne nostra, quæ defuncti passionum Christi. Imò si nihil omnino deesset, & ex parte nostra requireretur: *Anima amore Christi vulnerata, non potest esse consentia, nisi ipsum quoque Corpus vulneretur*: inquit P. Balthasar Alvarez; in Vita c. 4. Unde P. Adrianus Cruentus Societatis nostræ, cum acriter flagellis in se deserviret; identidem se magis magisque incitabat, dicens: *Adriane, Sanguinem pro Sanguine*. Sanè, si quispiam profigatur conscientie, qui nullis rationibus moveri poterat ad penitentiam, ubi vidit S. Xaverium terga nudantem; illico manus dedit, & se ipsum plagis obtulit: quid non operari oportet in nobis diluvium Divini Sanguinis à Virgineo Salvatoris nostri corpore profusum? Equissima DD. Bernardi & Bonaventuræ vox circumfertur; *Nolo vivere, Domine, sine vulnere: quia te video vulneratum*.

Incitati hoc spectaculo inter aularum delicias educati principes & reges; mirum est, quam hostiles in corpus suum gesserunt animos, quam protulsi fuerint proprii sanguinis, Casimiri, Venceslai, Henrici, Borgiæ, Aloysij, & millenarii; quibus non cesserunt masculo animo tenellæ Virgines innumeræ. Si fundendo sanguini defuit tyrannus; Amor JESU flagellati agebat vices, misitque ad fortia imbelles manus; ut ex innocenti corpusculo ferre lacteam adhuc offerrent sanguinem sanguinum sponso.

E Societate nostra inter alios P. Rodericus Deza anno 1660. defunctus, Vir Apostolicus, tam diu in se flagris læviebat, ut horrendum esset, audire strepitum ictuum vibratorum. Faciebat verò id varijs & crudelibus instrumentis. Nam præter flagra consuecta habebat alia stellulis metallinis armata: e quibus unum constabat 7. funiculis, in quorum singulis erant complures nodi, infectis 16. stellis metallo acutis. Unde centenarum & plurimum illorum stellarum & pondere & aculeis altius impressis miserè lacerabatur caro. Habebat & cilicium à setis, aliudque à filis ferreis aculeatum, de quo lignæ crux, clavis ferreis prominentibus armata pendeat, pectusque lacerabat. Si quando subuculam gestabat lineam, ipsam quoque ferra mentorum acuminibus in laniam armaverat. Persuaserat quidam de sua Congregatione, quam regebat; ut ipsum, cingulo tenus nudatum, toto pectore & dorso in tenebris caderet, tam inclementer, ut alter tandem id genus ministerij religioni sibi duxerit, præsertim cum ter in diem subinde repetendum esset. *Nadasi in Ann. Dier. Mem. 15. Jan.*

Magis miranda sunt, quæ de Flagellationibus P. Gasparis Druzicki refert Daniel Pawlowski in ejus Vita cap. 9. firmatque relationem suam narratione B. Petri Damiani de Flagellationibus S. Dominici Loricati, qui quor-

76 **FERIA V.**

tidie per duo Psalteria recitata, ad singulos Psalmos ictus centum scopis, seu virgis, quibus utramque manum armaverat, sibi infligebat, excrecente plagarum numero usque ad triginta millia. Pater Gaspar intra diem & noctem ad quindecim plagarum millia perveniebat, quotidiana duodecies repetita castigatione. Utebatur autem, præter flagella varia, virgis, pectinibus ferreis, & hemispherico quodam globo aciculis acutis instructo, quas corpori imprimebat. P. Ludovicus de Ponte carnificem corporis sui agere visus est tam immitem: ut Angeli, quodammodo miserti hominis, vulnera ejus quandoque curaturi adfuerint: qui etiam Defuncti cadaveri visi sunt adstitisse. Hæc Flagellati JESU amor in his & plurimis alijs. quid in nobis?

FERIA V:

Tessera Diei: Amor meus spinis coronatus est!

MEDITATIO: *DEUS arrogantiam nostram plectis in Filio: CHRISTVS spinis coronatur: Delpare V. dolor.*

1. **A** Dora DEum O. M. & considera: quomodo deprimat & plectit in Filio fastum & arrogantiam nostram. Nos efferimus caput usque ad nubes vanissimarum imaginationum nostrarum & quasi in cælo ponimus os nostrum: amamus coronari rosis, lauro, gemmis & auro; piget terram calcare, delectat super capita hominum ambulare; & quò se non extendit fastus noster, hominibus gravis, DEO injuriosus & intolerabilis? Regem igitur gloriæ, Filium suum, voluit DEUS spinis coronari ad deprimendam & expiandam superbiam nostram: ut deinceps puderet membra spinosi capitis ambire indebitos honores, vel debitis inolescere. O Magne Deus, Tibi & filio tuo laus, honor & gloria in sæcula: nobis autem opprobria & confusio faciei nostræ!

2. **A** Dora D. JESUM, & considera: quàm plena ignominiz & doloris fuerit ei coronatio illa. Nam 1. instituta fuit ad ludibrium ejus accusati de affectato regno. 2. Tormentum hoc fuit præcipue partis in corpore Christi: scilicet, Capitis. 3. Spinæ illas longe fuisse longiores & fortiores spinis nostris, apparet in ijs, quæ ex corona Christi in varijs Ecclesijs servantur. 4. Quia spinæ illæ non solum cutem capitis & frontis, sed etiam ossa penetrarunt, usque ad cerebrum. 5. Furentes illi milites non tantum magnâ vi spinas adegerunt in caput Christi: sed etiam crassa durâque arundine percutebant caput ejus Matt. 27. Egredimini jam Filiz Sion, animæ prævaricatrices, & videte Regem vestrum, in diademate, quo coronavit eum impietas vestra. Videte, an jam deceat sub capite sic coronato membra

membra esse delicata? Agnosco, & adoro te, mi JESU, etiam in spinea hac corona Dominum, & Regem meum. Tibi serviam: etiamsi in hac vita non aliud dederis stipendium, quam adversitatum spinas & tribulos tribulationum.

3. **V**Enerare DEIpam V. & considera: quanta dolorum ei creverit seges ex spinea corona Christi. Vidit caput verendum Angelis, longè alià specie, quam quale in Cantico Sacro legit. Vidit rhamnum obtinuisse regnum, & dominari capiti divino: vidit spinas per frontem prominentes, largosque cruoris rivos per frontem, oculos, genas defluentes. Vidit Filium, & non erat ei aspectus: sed quasi absconditus vultus ejus & despectus. Isaia 53. Vidit similiorem arietis illi, Genes. 22. hærenti inter vepres, quam Filio hominis. Proh! quam profunde intrârunt & laniârunt cor Matris spinæ illæ! O Mater afflictissima compatiore animitus dolori tuo inexplicabili; & oro: Libera conscientiam meam ab aculeis præteritorum peccatorum, per veram pœnitentiam: & insige cordi meo profundissimè aculeos spinarum Filij tui: ut semper mihi hæreant in viva memoria, & sincera compassione.

Troposium, spinas potius tribulationum, quam rosas voluptatum capiendi.

LECTIO PRACTICA:

Spinea potius rosea corona prefunda.

Petulantis & temerariæ juventutis est illud Sap. 2. *Coronemus nos rosas an-
tequam marcescant.* Non duraturum, sed horarium ambiunt decus: Coronam quarunt pulchram potius, quam pretiosam; florem præferunt gemmis. Maturæ virtutis, & Christianæ prudentiæ est præferre fluxis solida, speciosis pretiosa, jucundis necessaria, rosas spinas, dum in hoc mundo exulamus. Unde celebratur orbe toto D. Catharinæ Senensis prudentia singularis: quod ex oblatis sibi coronis, aureâ & spineâ, elegerit spineam cum magna ipsius Christi apprehensione. Et notandum diligenter est: quod, quamvis spinæ tribulationum non sint intextæ rosas: at rosarum loco insertas habet spinea hujusmodi corona gemmas pretiosissimas, quales in nullis mundi thesauris reperiuntur, quarum valorem solus negotiator cœlestis condigno pretio compensare potest.

Docuit hoc disertè Dominus S. Brigittam per S. Agnetem M. lib. 4. Revel. cap. 124. Ad spectabilis illi facta S. Agnes: Veni, inquit, filia, & impone tibi coronam factam ex 7. lapidibus pretiosis. Quid verò est corona, nisi probatio Patientiæ, quæ ex tribulationibus conflatur, & à DEO lapidibus adornatur? Primus igitur lapis coronæ Jaspis est; quem appo-

fuit ille tibi, qui contumeliose dixit, se nescire, quo spiritu loquaris, & esse tibi utilius, mulierum more, subtilius filare, quam de Scripturis disputare. Ideo sicut Jaspis acuit visum, & accendit gaudium animi: sic DEUS ex tribulatione accendit gaudium in animo, intellectum illuminat ad spiritualia, mortificatque animam a motibus inordinatis. Secundus lapis est Sapphirus: & hunc imposuit ille tibi, qui favorabilia loquebatur in facie tua, & in dorso detrahebat de te. Sicut igitur Sapphirus est celestis coloris, & servat membra in sanitate: sic hominum malitia probat iustum; ut fiat celestis, & servet membra animæ, ne superbia elevetur. Tertius lapis est Smaragdus: hunc apposuit tibi ille, qui dicebat; te dixisse ea, quæ nec cogitabas, nec loquebaris. Ideo sicut Smaragdus est fragilis ex se, sed tamen pulcher & viridis: sic mendacium citius annihilatur, sed tamen pulchram facit animam propter patientiæ remunerationem. Quartus lapis Margarita: Hunc apposuit tibi ille, qui Amicum Dei te præsentem vituperavit, ex cuius vituperio plus turbabaris, quam de tuo. Ideo sicut margarita est alba, & pulchra, & alleviat cordis passionem: sic dolor caritatis introductus DEUM in animam, compescitque passiones iræ & impatientiæ. Quintus lapis est Topazius: hunc apposuit ille tibi, qui amara loquebatur tibi; cui tu a contrario benedixisti. Ideo sicut Topazius est aurei coloris, & servat castitatem & pulchritudinem; sic nihil pulchrius & acceptius est DEO, quam lædentem se diligere, & pro persequentibus orare. Sextus lapis est Adamas: hunc apposuit ille tibi, qui fecit tibi corporale damnum, quod patienter tolerasti, & nolueris eum dehonestare. Ideo sicut Adamas non frangitur rursionibus, sed sanguine hirci; sic placet DEO, hominem oblivisci, & negligere propter DEUM damnum corporale, & cogitare semper ea, quæ DEUS propter hominem fecit. Septimus lapis est Carbunculus: hunc apposuit ille tibi, qui falsa nunciavit tibi; id est, filium tuum Carolum esse mortuum, & patienter tulisti, committens voluntatem tuam DEO. Ideo sicut Carbunculus lucet in domo, in annulo est pulcherrimus: sic homo, qui patienter est in amissione alicujus rei charissimæ sibi, provocat Deum ad dilectionem suam; & in conspectu Sanctorum lucet & placet, sicut lapis pretiosus. Ideo, Filia, ita stabilis: quia pro amplianda corona tua adhuc aliqui lapides sunt necessarij. Hæc per S. Agnetem DEUS, ad magnam edificationem & consolationem tribulatozorum.

Observandum autem. 1. Quod lapides pretiosi in corona S. Brigittæ dicuntur quidem appositi ab ijs, qui ex materiam doloris & patientiæ suppeditarunt dictis vel factis: sed ab illis prodierunt rudes & scabrosi; DEUS autem & par.

& patientia nostra affundit illis splendorem, pretiumque facit. 2. Gemmarum loco habenda esse dicta acerba & facta contra nos. 3. Patientium constanter, ut tota absolvatur corona & pleno rutilet decore. 4. Quomodo adhuc in hac vita verificatur de homine Patientē, illud Psal. *Posuisti in capite ejus Coronam de lapide pretioso*. Hanc ambiamus, non tam ad spinas, quam gemmas illis insertas, attendentes.

FERIA VI.

Tessera diei: *Rex Amor meus ludibrio traducitur.*

MEDITATIO: DEUS passus regiam Christi dignitatem ludibrio tradit: CHRISTO illudunt milites: DEspare V. dolor.

1. **A** Dora D. O. M. & considera: Quomodo post atrocissimam flagellationem adhuc passus sit crudeli ludibrio traduci Christum suum, qui ab æterno constitutus fuit *Rex ab eo super Sion montem sanctum ejus* Psalm. 2. Fuerat aliās DEUS ardens Zelator honoris Regum suorum, uti & Prophetarum: *Nolite tangere Christos meos, & in Prophetis meis nolite malignari*: Psal. 104. Unde cum solam chlamydis oram præcidisset in spelunca David: *percutisti illico eum cor suum*: incitatus autem a suis ad necem Saulis, disertè protestatus est: *Propius sit mihi Dominus, ne faciam hanc rem, ut mittam manum meam in eum*: quia Christus Domini est. 1. Reg. 24. At in Filium, Regum Regem, passus est DEUS omni genere crudelitatis & ludibrij grassari Judæos & impios satellites, Christo ad omnia connivente. Exemplum proponere atque altè menti imprimere voluit Principum, & quorumvis aliorum officio vel ætate prævektorum: ut minorum vel inferiorum falsos jocos, imò sannas & ludibria tolerare discerent; nec statim diras ac fulmina jacerent. Pretiosum Exemplum, quod tanto constitit Filio Dei! Da gratiam, Domine, ut non sit inefficax in nobis.

2. **A** Dora D. JESUM & considera: quàm crudelibus jocis ipsum prosciderint impiissimi satellites. Post flagellationem, assumptam vestem, violenter ei detrahentes, *chlamydem coecineam circumdederunt ei*: & *plebentes coronam de spinis, posuerunt super caput ejus* (imò altè impresserunt) & *arundinem in dextera ejus*: & *geni flexo ante eum illudebant ei dicentes*: Ave, Rex Judeorum. O quantum, non ludibrium duntaxat, sed tormentum inauditum! Verùm, ulterius progressa est impietas & furor: Et *expresserunt in eum*: acceperunt arundinem, & *percutiebant caput ejus*: Matt. 27. Et *dabant ei alapas*: Joann. 19. Neque paucorum ea insolentia fuit: sed milites *Preside suscipientes JESUM flagellatum in Pretorium, & congregaverunt ad eum*

universam cohortem. Vide, anima mea, Dominum, Salvatorem & Regem tuum, in tantis doloribus, in tantis ludibrijs sedentem immotum, tacitum, cruore oblitum, contumelijs obrutum, sed nondum saturatum, plura adhuc expectantem in cruce impropria pro te. Et tu non ferēs conviciū ali- quod ipsius amore? Feram, Amabilissime Rex meus & Deus meus; feram per gratiam tuam.

3. **V**enerare Deiparam V. & considera: Quantum doloris ex tam lu- ctuoso Filij statu redundarit in ipsam. Solet honor Filiorum ma- tribus pro corde esse: imò punctum honoris filialis centrum est cordis ma- terni. Videns igitur Filium sic profectum, ac deformatum, & vulneribus & contumelijs, quomodo vivere poterat, nisi vita ei servaretur divinitus? O Mater afflictissima, compatior sancto luctui tuo: atque in solatium ali- quod tuum reverentissime flecto genua coram Filio tuo, eumque summo, quo possum, cultu adoro Regem & Deum meum. Da, ut ipsius honori & amorī immoriar.

Proposui ferendi patienter ludibria, undecunque veniant.

LECTIO PRACTICA:

Irrisiones & ludibria alacriter ferenda.

Post immane tormentum Flagellationis & Spineæ Coronationis, quo ca- put & totum corpus Domini prosciderunt crudelissimi satellites, imma- nius aliud excogitavit, & superaddidit infernas, quo excrucietur animum, scilicet illusionem, impropria, & ludibria, quibus sæx militum exagita- vit D. JESUM, ut regem jocularē. Quam acutus Domino fuerit sensus hujus tormenti; colligi potest ex Saule rege, & Abimelech principe in Isra- el. Cum victus Saul vehementer vulneratus esset, nec tamen celeri mor- te interire posset; dixit ad armigerum suum: *Evagina gladium tuum, & per- cute me; ne forte veniant incircumcisi isti, & interficiant me, illudentes mihi.* Gravius enim erat Sauli, inquit Abuleasis, pati ludibria, quam tolerare mortem. Per mortem enim laborum suorum finem inveniret, per ludibria vero acrius cruciaretur, & diutius in hac vita. Abimelech quoque cum frag- mine molæ jacto mulier confregisset caput ejus: *vocavit eum armigerum suum, & ait ad eum: Evagina gladium tuum, & percutie me; ne forte dicant: quod a femina interfectum sum.* Ubi Lyræus: *Plus formidavis opprobrium, quam gehennam.*

At D. JESUS tergiversantem non advocavit mortem: sed se impijsimæ turbae illusionibus & opprobrijs liberalissime permisit: ut nos dedoceret te- neriores, quam par est, sentium irrisionis & ludibrij. Imò singularibus

gratius

gratijs & amplissimis favoribus cumulare solet eos, qui ipsius amore confusione aliquid & ludibrij libentes ferunt: ut merito S. Joannes Climacus in Scal. gr. 5. dicat: *Ignominia suavissima & dulcissima esse perpeffionem.* Ad quem sublinem in Sanctitate & Scientijs gradum evexerit Albertum Magnum, Thomam Aquinatem, & Franciscum Suarium, ob tardius ingenium & minus apparentem in literis profectum, diu falseq; derisos & vexatos à condiscipulis, notum est.

Eximium planè est, quod de B. Hermanno Josepho, Ordinis Præmonstratensium traçitur. Hic à JESU & MARIA ab infantia tenerrimè dilectus, & rarissimis gratijs affectus, cum Religiosum Statum amplexus esset, atque in eo aliquantum provectus, ut solidius procederet in virtute, & amores Amorum suorum mereretur copiosius, varijs diuturnisque exerceri cepit corporis infirmitatibus: ob quas cum consuetis in Religione laboribus par non esset; Fratrum in se concitavit indignationem & linguas. Accessit: quodd, cum minore esset ingenio, & studio mores modumq; agendi ad normam Religiosæ simplicitatis composuisset; visus sit agresti quadam simplicitate & ruditate incultus. Unde *Hermanni* nomini, quod ei proprium erat, additum est per ludibrium cognomen *Josephi*. Apud Germanos enim olim (& nunc subinde) per turpem abusum gloriosi nominis duorum Patriarcharum, qui simplices ingenio & moribus videbantur; dicebantur, insulto dictorio, *Josephi*. V.g. *In planè es unus Joseph*. Tulit falsam hanc nominis appendicem *Hermannus*, qua decuit, modestiâ & patientiâ; multo tempore passim non solum à domesticis, sed etiam externis (sed ab his bonafide) appellatus *Pater Joseph*, ita: ut obsolesceret nomen *Hermanni*. Sed ex res Viro simplici & recto fraudi non fuit. Cum enim id scomma pungeret illum magis, quàm quævis alia convicia & ludibria, jamque conclusum haberet; sequenti die de hoc querelas apud Prælatum deponere in publico Fratrum Conventu: ecce, dum suo more mediâ nocte orationi vacat in templo, videt in ejus medio incomparabili pulchritudine & vestium splendore Virginem, ut Augustissimam quandam Reginam, duobus elegantissimis stiparam Ephebis. Attonitus audit unum istorum alteri dicentem: Cui desponsabimus Virginem istam? Non alteri, quàm præsentî huic Fratri; reposuit alter, Tum uterque; Accede, Frater *Hermanne*. Tergiversantem præ verecundia iterum compellavit Angelorum alter; & accedentis cum maxima reverentia sumptam dexteram dexteræ Virginis inseruit: quæ ipsi non dexteram solum, verùm & osculum dedit, voluitq; deinceps *Josephum* appellari. Quam novi nominis impositionem confirmavit in altera Visione: quan-

de ei Parvulum JESUM in ulnas dedit, monuitque, ut, quandoquidem Josephi nomine honoratus esset, etiam Josephi affectu se cum Filio, complecteretur. Ab eo tempore Hermannus ipse non aliter, quam Fratrem Josephum se appellavit, & mirifice in DEIPARÆ V. & Filii ejus amorem cultumque exarsit. *Cochem Historiar. lib. 3.* Sic hominum ludibria pariunt nobis divina enedmia.

SABBATO.

Tessera dici: *Amor meus Vermis non Homo!*

MEDITATIO: *DEVS amore hominū factus deterior homine: CHRISTVS proponitur populo: Ecce Homo: DEIPARÆ V. dolor!*

1. **A** Dora Deum O. M. & considera, quò se, amore hominum, demiserit, quantum exinaniverit, non solum homo factus, sed vilior vilissimo homine, abjectior abjectissimo homine. Testatur ipsemet in Filio: *Ego autem sum vermis, & non homo: opprobrium hominum, & abjectio plebis.* Ps. 21. Vermem se dixit, non tantum quia non erat eispecies, neque decor: sed quia nullus apud homines aestimationis, conculcatus & prostritus, ex hominum cœtu ejectus est, ut quid noxium & abominabile. O gloriosissime & immutabilis Deus, quid est homo; quod propter eum tam miserandam pati volueris metamorphosin? Quam formam, aut Fortunæ vicissitudinem recusabo propter te, quia sic vilescere voluisti propter me? Impone mihi, quam volueris, etiam abjectissimam personam: agam illam, cum gratia tua, accurate & libenter propter te.

2. **A** Dora D. JESUM, & considera eum, à Pilato ex Prætorio adductum foras, chlamyde, seu lacernâ purpureâ malè tectum, toto corpore concisum, & eruentum, spinoso ferto horridum; vultu lividum, sputis & sanguine fœdatum, ex eminentiore loco monstratum omni populo, cum pathetica illa & memorabili oratione: *Ecce homo.* Breve verbum: sed grande & funestum spectaculum! *Ecce homo!* quem affectati regni accusastis. *Ecce homo;* excoctus bestiz, quam homini similior! Cogita quoque cœlestem Patrem tibi dicentem: *Ecce homo* Filium meum tantopro te & à te passum! Quid tu pro illo hæcenus? quid postea? O Afflictissime Salvator, compatior, erubescō, doleo. Nolo vivere sine vulnere, quando te video sic vulneratum.

3. **V**enerare Deiparam V. & considera, ipsius oculos potissimum perstrinxisse miserabilem illam Christi speciem: ipsius cor vel maxime vulnerasse luctuosum illud, *Ecce homo!* Ipsa enim & ardentius amavit, &

vit, & plenius noverat: quis esset Homo iste. Proinde gemina illa verba Præsidis, gladius anceps Simeonis, utraq; parte acutus, illi fuerunt; qui aliis tunc, quam unquam alias, in pectus maternum descendit. Recolebat dolorosissima Mater: Ecce Dilectus ille meus, candidus & rubicundus! Ecce speciosus ille meus præ filiis hominum &c. Sed optabat: ut in hunc hominem attentius oculos, animosque defigerent homines; facile deprehensuri in ipso & immane facinus suum, & tenerrimum fortissimumque ejus amorem erga ipsos. Da igitur, o Mater afflictiissima, ut assiduum, & gratissimum oculorum meorum, & mentis meæ in hac vita objectum sit DEUS passus.

Proposuit contemplandi attentius Patientem JESVM.

LECTIO PRACTICA:

Quid potissimum in Patientis JESU spectandum?

Quatuor potissimum sunt in Patientis JESU, à Præside Romano turbæ proposito, *Ecce homo*: quæ attentiores merentur oculum & animum: nimirum Quis, Quid, Pro quibus sit passus, & quam ingratos experiatur homines. Sed de his illud idem occurrit dicendum, quod in alia materia dixit Salomon Proverb. 30. *Tria mihi sunt difficilia, & Quartum penitus ignoro.* Quis enim satis assequatur vel Excellentiam Personæ patientis, vel multitudinem & immanitatem tormentorum, vel Charitatis magnitudinem, quod pro inimicis tanta tulerit, vel denique hominum ingratitudinem enormem?

Persona Patiens est Homo innocentissimus, mitissimus, sanctissimus, qui peccatum non fecit, nec facere potuit, nec est inventus dolus in ore ejus, qui pertransiit benefaciendo & sanando omnes, qui nupero populi testimonio *Bene omnia fecis*, de cujus plenitudine accepimus omnes gratiam pro gratia, qui, cum dilexisset suos, in finem dilexit eos; est Homo humanissimus, Flos, Decus, Delicæ generis humani. Sed & DEUS est idem, non per rapinam, seu sacrilegam usurpationem DEItatis, nec per impropriam nominis translationem; Sed DEUS verus de DEO vero, Conditor, Conservator & Rector mundi totius. Quantum in uno Homine Spectaculum! Quam miserabilis talis Personæ facies! Quam indigna & fœda tantæ dignitatis violatio & concuscatio! Ecce Homo! Ecce DEUS noster!

Quæ passus est, proponit compendio S. Thomas p. 3. qu. 46. art. 5. C. Passus est Christus, inquit, in suis amicis eum deferentibus: in fama, per blasphemias contra eum prolatas: in honore & gloriâ per irrisiones & contumelias ejulatas: in rebus per hoc quod etiam vestibus spolatus est: in ani-

ma per tristitiam, tedium & timorem: in corpore per vulnera & flagella: Tertio potest considerari quantum ad corporis membra. Passus est enim Christus in capite pungentium spinarum coronam, in manibus & pedibus fixationem clavorum, in facie alapas & sputa, & in toto corpore flagella. Fuit etiam passus secundum omnem sensum corporeum: secundum tactum quidem flagellatus & clavis confixus, secundum gustum felle & aceto potatus, secundum olfactum in loco foetido cadaverum mortuorum (qui dicitur Calvariarum) appensus patibulo, secundum auditum laceratus vocibus blasphemantium & iridentium, secundum visum videns Matrem & Discipulum, quem diligebat, fientes. *Hec S. Thomas*, innumera alia, eaque gravissima, relinquens considerationi nostrae.

Pro quibus Talis Tantisque talia ac tanta fit passus, indicat pluribus locis Apostolus, praesertim Rom. 5, 6. *Pro impiis mortuus est. Et v. 8. Commendat autem charitatem suam DEUS in nobis: quoniam, cum adhuc peccatores essemus, Christus pro nobis mortuus est. Et c. 8, 32. Pro nobis omnibus tradidit illum.* Et quod maxime mirandum: ita passus & mortuus est pro singulis, sicut pro omnibus; eo affectu complectens singulos, quo omnes. *In fide vivo Filij DEI*, inquit Apostolus Gal. 2, 20. *qui dilexit me, & tradidit semetipsum pro me.* Ita pro me, ac si solus essem redimendus. Ego ipsi in mente & corde fui ab aeterno ut DEO; & a puncto Incarnationis ut Homini, usque ad ultimum temporalis vitae momentum. O prodigium amoris! O inastimabilem excessum Charitatis!

Sed o portentum Ingratitudinis nostrae! Trias praedicta omnino difficilissima sunt capta: at quartum hoc vel Sapientissimus hominum penitus ignorat! Quomodo scilicet fiat: ut homo a DEO-Homine sic dilectus, non solum non sit die noctuque intentus, quomodo pro viribus & facultatibus suis mutuum ei reddat vicem: sed in offensas ejus gravissimas tam libere grassetur; ac si JESUS capitalis ejus esset, aut unquam fuisset; hostis. *Retribuunt, & hodie etiam retribunt, mihi mala pro bonis; sterilitatem anima mea: Psal. 34.* dum scilicet nullos percipio fructus gratitudinis, ingratitude segetem infinitam. Compellat nos Patiens JESUS per Bernardum suum non jam mellifluis, sed amaris vocibus, Patiens JESUS. *O homo, vide, quae pro te patior. Non est dolor, sicut quo crucior. Ad te clamo, qui pro te morior. Vide penas, quibus afficio: vide clavos, quibus confodio. Cum sit dolor tantum exterior; interior est plangitum gravior, cum te tam ingratum experior!*

Ecce homo DEUM-Hominem tam crudelia passum pro te, tam indigna etiam patiensem a te! Vide, & nisi toto corde aures, time. *Domine, qui tibi*

DOMINICA IV. QUADRAGESIMÆ.

qui tibi non servit, quia creatus est, infernum meruit; inquit Augustinus: Sed qui non servit tibi, quia redemptus est, meretur, ut novus pro ipso infernus fias.

DOMINICA IV. QUADRAGESIMÆ.

Tessera diei: Amor meus iterum deposcitur ad Crucem!

MEDITATIO: DEO quàm gravis obstinatio Judæorum: CHRISTVS iscirum, & urgentissime deposcitur ad crucem: Deipare V. dolor.

1. **A** Dora Deum O. M. & considera: quàm graviter fuerit offensus im- placabili Judæorum obstinatione. Adhibebat Pilatus, quæ poterat, media ad illos placandos, sed frustra. Perculit illos Christus divinâ poten- tiâ suâ, prosterhendo satellites eorum verbo: Captavit illos benignitate suâ, amputatam Malcho resituendo auriculam: terruit judiciariâ potestate suâ: *A modo videbitis Filium hominis venientem in nubibus &c.* Monuit illos ex- pressâ proditoris sui confessione: sed vel maxime movere poterat, etiam saxea corda, inaudita patientiâ suâ, & miserabili illâ specie, quâ flagellatus, in spinea corona, & cum arundineo sceptro est illis præsentatus. At illi, velut belluæ, viso sanguine magis irritati sunt. Cùm ergo vidissent eum Pon- tifices & ministri, clamabant dicentes: Crucifige, crucifige eum. Joan. 19. Cogi- ta, quam graviter acceperit tam portentosam in Filium rabiem æternus Pa- ter; & vide: ne ipse similis obstinationis aliquando fias reus: si te à soli- tis vitijs non retrahunt vulnera & sanguis Christi.

2. **A** Dora D. JESUM, & considera: quàm urgender Judæi promove- rint condemnationem ejus ad crucem. Affirmanti Præfidi, se nul- lam invenire in eo causam, responderunt: Nos legem habemus, & secundum legem debet mori; quia filium Dei se fecit. At non probârunt, nec potuerunt, filium Dei eum non esse. Post iteratâ examinaturn JESUM, cùm quære- ret Pilatus dimittere eum, clamabant illi, dicentes: Si hunc dimittis, non es amicus Cesaris. Validissimam admoverunt machinam expugnando Præfidi, cui resistere, etiam hodie miraculum aulicum est. Nihilominus Pilatus ad- huc sustinuit obsidionem aliquantisper, sedensque pro tribunali in loco, qui dicitur Lithostrotos, iterum ad provocandam commiserationem præsentavit illis JESUM, dicens: Ecce Rex vester. Joan. 19. At ipsi clamosiùs vocife- rabantur: Tolle, tolle, crucifige eum. Reponente Præfide: Regem vestrum cru- cifigam? Conclamârunt Pontifices: Non habemus Regem, nisi Cesarem. Jam Cesaris jugo colla subdunt, quibus divinum intolerabile est. Denique Præ- fide manus lavante, inter innocentes, respondens universis populus dixit: Sanguis ejus super nos & super filios nostros. Quanta rabies, quanta obstinatio,

quanta potentia indomitarn passionum? Mansuetissime JESU, ne tradas me tyrannidi illarum: sed da gratiam; ut in me ipso crucifigam veterem hominem cum concupiscentijs suis.

3. **V**enerare Deiparam V. & considera: quis illi animus fuerit in anticipi illo confictu Præsidis gentilis cum Senatoribus & Pontificibus populi sui? Quam anxie expectabat fulmen sententiæ decretoriæ? Quomodo stupebat tanta in Christum odia? Quid querar ego, o Domina, de malevolentia & odijs hominum in me: quando ea evadere non potuit Filius tuus. Condoleo illi & tibi: tu, o Gratiissima, animos adde ad ferendum.

Proposui morificandi sempestivè indomitas passiones, præferim N.

LECTIO PRACTICA:

Crux, ad quam peccata nostra urgentissime nos deposcunt, avidè apprehendenda.
Passim homines effrenes ruunt in peccata: quia non sentiunt, nec timent imminentem vindictam divinam. Quia non proferitur eis contra malos sententia: absque timore illo filij hominum perpetranti mala. Eccl. 8. 11. Sermo est de Sententia Executoria. Nam condemnationis sententiæ pridem generaliter lata est. Reddet unicuique secundum opera ejus. Tribulatio & angustia in omnem animam hominis operantis malum. Rom. 2. Placet super peccatores laqueos: ignis & sulphur pars calicis eorum. Psal. 10. Quod si DEUS secundum divitias Bonitatis suæ differt executionem: non peiores inde, sed meliores fiamus, oportet; ne cumulata pœnâ mole graviore nos obruat. Ne dixeris, peccavi: & quid mihi accidit iræ? Altissimus enim est patiens rector; monet Ecclesiasticus c. 3. 4.

Dixi in Lect. fer. 3. Dom. 3. Quadr. nos deposci ad crucem tum à Justitia & Misericordia Divina, tum à Christo Redemptore, tum à Satellitibus Justitiæ divinæ; addendum insuper; quod si nemo alius contra nos instigaret, & ultionem provocaret: ipsa, quæ committimus, peccata, id non minus urgenter præstant, quam Judæi iterum iterumque Christum deposcentes ad crucem. Habent vocem suam, eamque valde clamorâ & acutam in auribus divinis: prout constat ex Genes. c. 18. Clamor Sodomorum & Gomorrhœorum, ait Dominus ad Abraham, multiplicatus est, & peccatum eorum aggravatum est nimis. Descendam, & videbo: utrum clamorem, qui venit ad me, opere compleverint. Sic & contra Christum non sola clamabat malitia & rabies Judæorum: verum & omnium nostrum peccata Judæorum linguis & ore clamabant: Tolle, tolle: Crucifige, crucifige eum. Si hunc dimittis, non es amicus Cæsaris. Posuerat enim in ipso DEUS iniquitatem omnium nostrum. Mat. 27. 6.

Quod

Quod si in Christi innocentiam tam ferocia & rabida fuerunt peccata aliena: nunquid mitiora erunt in auctores suos? Facilius est obturare ora leonum fugientium, quam clamantium, & vindictam poscentium peccatorum. Quid faciemus ergo?

Non alter occurrit opportunior ora illis obturandi modus, quam ipsis crucibus, quibus nos affigi urgent: ut si ingruentes calamitates & tribulationes admittamus animo contrito, patienter & libenter, tanquam debitas nobis & pejora meritis. Recogitandum scilicet cum fratribus Joseph, non fortuito aut immeritis talia accidere, sed fatendum cum ipsis: *Merito hæc patimur; quia peccavimus in Fratrem nostrum, videntes angustias animæ illius, dum deprecatur nos, & non audivimus. Idcirco venit super nos tribulatio ista.* Peccavimus & nos in Fratrem simul & Dominum nostrum peccatum grande, nec unum. Vidimus angustias animæ ipsius pro nobis & à nobis patientis. Vidimus supplices ad nos tendentem manus, ut parceremus sanguini ipsius, parceremus & animabus nostris: & non audivimus, obstinati in scelera. Idcirco venit super nos tribulatio ista. Merito hæc patimur meriti graviora. Quæ enim inter infinitam DEI offensam, qualis est quævis culpa lethalis, & momentaneum atque leve hoc tribulationis, est proportio?

Quemadmodum Apostolus monuit; Passiones nostras non esse condignas ad futuram gloriam, quæ revelabitur in nobis: ita rectè S. Bernardus Serm. de Convers. ad Clericos c. 30. ait: *Easdem non esse condignas ad præteritam culpam, quæ remittitur.* Scite notavit B. Aloysius noster, in Angelica Innocentia severissimus tamen in corpus suum; quod etiam si DEUS gratis nobis remittat peccatorum culpam, si pœnam quoque omnem liberaliter vellet remittere: adhuc avidi esse deberemus adversorum & operum pœnitentialem amore Justitiæ Divinæ. *Vera pœnitentia, aiebat, cō usque peringit: ut non solum DEI misericordiam culpas remittentem cognoscat & veneretur: sed ad honorem divinæ Justitiæ, vehementissimè cupiat, justas omnium peccatorum suorum pœnas subire.* In Vita lib. 2. c. 3. Rectè & Seneca lib. 1. de Ira c. 27. *Affecti sumus pœnâ? Succurrat, non tantum quid patiamur, sed quid fecerimus. Solum enim æqui omnes rerum iudices esse: hoc primum nobis suadcamus; neminem nostrum esse sine culpa.* Deinde omnem, quæ nobis in hac vita irrogatur, pœnam, esse infra meritum culpæ.

Sic non gravati apprehendamus crucem, ad quam nos deposcunt peccata nostra; & cum Mauritio Imp. dicemus: *Iustus es, Domine, & rectum iudicium tuum:* imò avidi eam expectabimus, & tardantem invitabimus. Invenit ad hanc jucundâ quâdam visione Dominus B. Henricum Susonem apud Su-

apud Surium in ejus Vita 25. Jan. Imminente ipsi inhumani quadam cruce, quam prope diem exspecturus erat; sub ortum diei in visione ductus est ad locum quendam, ubi erat Missæ sacrificium celebrandum: idque ipsi forte incumberebat. Cantores autem Introitum, ut vocant, Missæ de Martyribus inchoarunt: *Multæ tribulationes iustorum &c.* Henricus id non libenter habuit, & conversus ad Cantores. Equid, agebat, nobis Martyres obtruditis? cum nullius hodie Martyris celebris memoria agatur? At illi oculis digitisque in eum intentis dicebant: Eriam hodie habet DEUS Martyres suos, non minus, quam unquam alias. Tu tantum præpares te, & perge canere. Vertebat ille ultro citroque folia codicis, quod Missale vocant, ut de Confessoribus, vel aliud Sacrum faceret: sed omnes paginae Martyrum officijs plenæ erant. Tum ille videns aliter fieri non posse, cecinit cum illis de Martyribus, sed voce admodum lugubri. Deinde iterum Musicos allocutus; Est hoc, inquit, mirum satis, & insolitum, quod nunc agitis. Cur non potius *Gaudeamus in Domino &c.* cantemus, quam de Martyribus, quæ est materia lugubris? At illi respondebant: Nescis, amice, quid agatur. Cantus iste de Martyribus antecedit: postea quandoque opportuno tempore sequetur festivum *Gaudeamus*. Ubi ad se rediit: toto corde contremuit, non dubius de Martyrio quodam sibi imminente. Neque hoc diu absuit. Dum animarum saluti promovendæ strenuus incumbit, immani obruitur, ac fere conficitur, calumniâ. Sed adfuit tandem auxiliator & consolator DEUS, secundum multitudinem dolorum lætificans animam servi sui: didicitq; proprio experimento Henricus: post lugubrem de Martyribus Missam, & *multas tribulationes iustorum*, sequi solemnem de Omnibus Sanctis, cum festivo *Gaudeamus in Domino*.

FERIA II.

Tessera diei: *Amor meus condemnatus est ad crucem!*

MEDITATIO: DEVS severus vindex Sanguinis Filij sui: CHRISTVS
condemnatur ad crucem: DEI pars V. dolor.

A Dora DEUM O. M. & considera eum ut severissimum vindicem sanguinis Filij sui. Imprecati sunt sibi Judæi, ut Pilato metum condemnationis Christi adimerent: *Sanguis ejus super nos, & super Filios nostros.* Quæ vox non Seniorum solum, aut Pontificum, sed omnium fuit: Respondens universus populus dixit: *Sanguis ejus super nos &c.* Quod voluerunt, habuerunt abunde sub Tito & Vespasiano; habent etiamnum, & habebunt a generatione in generationem: *Opprobrium sempiternum de die eis Domini.*

minim. Psal. 77. Nec solum de Judæorum, sed etiam de nostris manibus sanguinem Filij sui requireret severissime Deus; si illo non fueris usi ad salutem: cum & nos effusionis ipsius causa fuerimus. Clementissime Deus; sit obsecro sanguis Filij tui super me. Sit mihi in extinctionem effervescentium passionum: sit in deletionem commissorum delictorum: sit in pretium redemptionis; & in poculum salutis æternæ.

2 **A** Dora D. JESUM & considera, quàm iniquè à Pilato sit tandem condemnatus ad crucem. Paulò ante agnitus & declaratus ab eodem fuit innocens: & jam summi supplicij terretur in illam sententia. *Pilatus ad judicium perit petitionem eorum: dimisit autem illum, qui propter homicidium & seditionem missus fuerat in carcerem, quem petebant: JESUM vero tradidit voluntati eorum; ut crucifigeretur.* Quanta iniquitas! Sanctus Sanctorum; Autor vitæ temporalis & æternæ, qui pertransiit benè faciendo & sanando omnes: cui nuper omnis turba acclamavit: *Benè omnia fecit.* Mar. 7. JESUS damnatur ad mortem crucis! *Exurge, Deus, judica causam tuam: memore esto improperiorum tuorum; eorum, quæ ab insipiente sunt totidie.* Psal. 73. At tempus tunc erat patiendi, non vindicandi. Excepit Christus feralem sententiam, licet summo cordis dolore, ob ejus iniquitatem, & supplicij ignominiosissimam crudelitatem, summâ tamen æquanimitate, promptissimâque voluntate. Discam hinc & ego, Innocentissime JESU, ferre placide sinistra hominum de me judicia. Solabor me exemplo & auxilio tuo.

3. **V**enerare Deiparam V. & considera inexplicabilem materni cordis ejus dolorem, quo ipsam confixit iniquissima & crudelissima Præfidis sententia. Si enim mulieris meretricis commota sunt viscera super spurio suo 3. Reg. 3. audiâ Salomonis sententiâ de eodem dividendo: quanto magis viscera Divinæ Matris commota & conscissa sint, oportet, super filio suo Deo! O commoveantur, scindantur & mea crudissima viscera! Mater mœstissima: ut vobis amoribus meis, meâ causâ dolentibus; condoleam toto corde; & nullam amplius dolendi causam suppeditem.

Proposui patienter ferendi sinistra hominum judicia.

LECTIO PRACTICA:

Quomodo sinistra hominum judicia patienter ferenda?

Cum æternæ veritatis oraculo pridem pronunciatum sit: Mundum totum esse in maligno positum: 1. Joan. 5. quæ alia, quàm sinistra ab illo, & in illo, expectemus judicia? Deinde etiam si maligna illi mens non esset: is est status rerum humanarum, ea actionum nostrarum facies; ut facile in sinistram partem accipi possint, etiam à non malevolis: meritoque di-

car S. Bonaventura in apolog. Quest. 6. *Vix aliquid sit tam pure, quin possit aliqui sinistre interpretari, quasi malefieri.* Adhuc naturali curiositate ferimur omnes ad exploranda, discutienda, dijudicanda aliorum facta, & facienda, & ipsa intentionum internarum arcana scrutanda, atque notanda. Et hoc primum, satisque efficax, motivum esse potest, ad patienter ferenda hominum de nobis & rebus nostris judicia: quod declinari non possint.

Alterum est: quod sic quieti nostrae consulimus, & multas perturbationes animi evitamus. Quis enim omnium vel scire, vel corrigere potest judicia? Deinde saepe evenit, ut, dum studiosissime sinistra de nobis concepta judicia corrigere volumus, novis & peioribus suspicionibus ac judiciis occasionem praebeamus; vel magis iritemus adversarios. Ut enim quisque judicii sui tenax est, nec facile patitur damnari erroris, levitatis, aut injuriae datae: ita promptus profilit in ejusdem defensionem, suntque non raro posteriora pejora prioribus. Unde prudenter agunt, qui non facile inquirunt, quid de ipsis homines sentiant. Quamvis enim id subinde utiliter fieri possit, & forte aliquando fieri deberet, a Praetatis & Magistratibus: facile evenit, ut, dum sinistra audimus, turbemur & excandescamus in privatos judices atque censores, tanquam nobis injurios.

Tertium est: quod Magnanimi sit permittere hominibus libertatem sentiendi, & despicere judicia sinistra, dum mens conscia est recti: vel certe tolerare illa, si nos conscientia arguit erroris seu delicti, aut occasionis imprudenter datae ad hujusmodi formanda judicia. Sic Salvator ac Dominus noster, quamvis subinde prava hominum judicia arguerit; ut, *quid cogitatis mali in cordibus vestris?* Matt. 9. plerumque tamen dissimulabat, aut modestissime respondebat: ut cum diceretur in Beelzebub ejicere demonia. Finali sententia iniquissima a Pilato condemnatus ad mortem crucis, nec verbum reposuit, sive judicem aut sententiam ejus perstringendo, sive innocentiam suam externis vocibus Patri commendando.

Magnam animi celsitudinem suspicit in S. Petro Apost. S. Gregorius: quod a quo animo tulerit non solum minds honorificum S. Pauli judicium de quodam suo procedendi modo, sed etiam id per ejus epistolam vulgatum esse. Ecce, inquit, *Paulus in epistolis suis scripsit, Petrum reprehensibilem: & ecce Petrus in epistolis suis a Teris, Paulum in his, quae scripsit, admirandum.* Pensate ergo, in quo mentis vertice stetit, qui illa epistola laudavit, in quibus scripsit se vituperabilem invenit. Quae illi mansuetudo tanta esse potuit: quae gratia animi & quae soliditas atque imperiturbatio cogitationis?

Simili

Simili magnanimitate gravem calumniam & iniquissimum de se iudicium sprevit toleravitque S. Macarius Ægyptius. Puella enim agrestis à juvene quodam imprægnata culpam coniecit in S. Macarium in vicinia degentem. Accurrentes igitur incolæ pagi extraxerunt eum e cella, & pro more gentis in signum sceleris, suspensis ad collum ejus fœtilibus olis & ansis vasorum, circumduxerunt in pago cæcæ, ac dicentes: Hic monachus filiam nostram corruptit: tollite, tollite eum; & pœne ad mortem cæderunt innocentem, donec superveniens femorum quidam inhibuit. Dimittere tamen Macarium noluerunt: nisi de alimentis scorto præbendis fidejussorem daret. Spondit homo, qui alias ei victum ministrabat. Huic, reversus in cellam, sportulas omnes, quas contextas habebat, dedit; Vale, inquit, vende has, & conjugi illi meæ cibum præbe. Dicebat autem apud semetipsum: Ecce, Macari, uxorem tibi reperisti: oportet te nunc amplius laborare, ut eam alas. Operabatur ergo dies noctesque in alimentum ejus: donec tempore partûs per aliquot dies luctata nequam fœmina, cum parere non posset, suam calumniam & Macarij innocentiam detexit. At is validior ad ferenda iniqua, quàm præclara, hominum de te iudicia, inde profugit in interiora deserti. *Bollandus 15. Jan.*

Imitandus & Apostolus Paulus, cujus generosa vox est 1. Cor. 4. *Mihi autem pro minimo est, ut à vobis iudicer, aut ab humano die. Qui iudicat me, Dominus est.* Ubi S. Anselmus: *Iusti non humana iudicia, sed æterni Judicis examen aspiciunt: atque ideo derogantium verba cum Paulo despicunt.*

FERIA III.

Tessera Diei: *Amor meus voluntati Judæorum traditus est!*

MEDITATIO: DE I & Hominum diversissima decreta de cruce & morte Christi: CHRISTVS traditur voluntati Judæorum: DE Iparæ Virginis dolor.

Adora Deum O. M. & considera: quomodo unâ cum hominibus conspiraverit in mortem crucis à Christo oppetendam, sed diversissimis studijs & intentionibus. Homines improbi volebant Christum eo genere mortis, tanquam ignominiosissimo tolli; ut obsecrarent, imò penitus extinguerent gloriam ab ipso partam per vitam sanctissimam, doctrinam eminentissimam, & miracula plurima, maximaque. DEUS autem idem genus mortis voluit, ut tantò magis ipse, & Christus glorificaretur per exhibitionem summæ humilitatis atque obedientiæ erga Patrem; & demonstrationem inassimabilis charitatis, clementiæ, misericordiæ ac liberalitatis er-

ga homines. Nusquam enim tam illustres apparuerunt hujusmodi astus Christi, ac in morte crucis. Servierunt ergo improbi illi dispositioni voluntatis divinæ, nescientes quid agerent: DEUS autem utebatur improbitate ipsorum ad exequenda mysteria consilij sui, & promovendam gloriam suam ac Christi. O DEUS mirabilium operator, multa sunt & magna, quæ in te commisi, mala: dignare etiam ex illis gratiosè elicere majorem tuam & Christi tui gloriam, præsertim per seriam pœnitentiam & ardentissimam charitatem meam.

2. **A** Dora D. JESUM, & considera: quantam à Pilato passus sit injuriam; quando tradidit eum voluntati Judæorum, ut crucifigeretur. Erat crux apud Romanos supplicium servile: apud Judæos summæ abominationis. Deinde tradidit Christum; quem certò sciebat nec esse: nec probatum esse, vel ad apparentiam, reum: tradidit voluntati Judæorum; qui ipsi ita volebant & urgebant: tradidit per sententiam palpalibus mendacijs refertam. Exhibet eam Andrichomius in Descriptione Hieros. in hunc tenorem: *JESUM Nazarenum, subversorem genis, contempnorem Cesaris. & falsum Messiam, ut Majorum suæ gentis testimonio probatum est, decise ad communis supplicij locum; & ludibrio regis majestatis, in medio duorum latronum cruci affigite. I, Lictor; expedit cruces.* At in decursu causæ sæpius fassus fuit ipse: se nullam in eo invenire causam. Nec potuit non tangi dolore cordis intrinsecus ob tam immanem injuriam, innocentissimus JESUS: obmutuit tamen tanquam agnus ad occisionem ductus, ac se in hostiam propitiatoriam obtulit Patri. Compatior tibi, afflictissime Salvator, intimo cordis affectu: ut etiam compatiar dolorum pro te tolerantium experimento; da gratiam.

3. **V**enerare DEI param V. & considera: quomodo cohorruit, quando audivit & vidit JESUM tradi Judæis, agnum lupis rabidissimis. Quid speraret humanitatis à leopardis illis, quos beneficia Christi pejores fecerunt? Quid non timeret mali ab hostibus capitalissimis, qui, amisso rationis lumine, toti agebantur à potestatibus tenebrarum? Ergo totum explicabat pectus & animum excipiendæ imminenti extremæ dolorum tempestati: ut si corpore configi non posset Filio in cruce: corde capacissimo ipsius acciperet vulnera, & dolores. Dilata, o Virago fortissima, & mei cordis angustias; ut inter imminentes & immixtas cruces audeam ingeminare Xaverianum illud: *Amplius, Domine, amplius!*

Proposui permittendi me Voluntati Divinæ, & propter DEVM humane.

LECTIO PRACTICA:

Quàm patienter nos totius Divinæ Voluntati tradere debeamus?

Non

NON tam Pilatus D. JESUM tradidit voluntati Judæorum: quam ipse met se ipsum amere nostri. *Dilexit me, & tradidit semetipsum pro me.* Gal. 2. Tam heroica & liberali traditione sui in manus & omnem voluntatem crudelissimorum hostium suorum, numquid meruit Gratiolissimus Salvator: ut & nos tradamus nos totos voluntati ipsius, tam ad agendum quam patiendum quidquid libuerit ipsi? Rustica puella à Domino suo, Viro nobili, in sponsam assumpta, tam raram eximiamq; gratiam, ut decuit, æstimans, quomodo se totam in rebus difficillimis omni illius honestæ voluntati tradiderit: Vide, obstupece & imitare.

Gualterum Marchionem Pedemontij à conjugio abhorrentem, multis precibus primores subditorum tandem adegerunt, ut hæredis studio duceret uxorem. Ducam, inquebat, non propter me, sed propter vos: quamvis amore libertatis nunquam ad id propenderim. Sed permittar ego mihi uxorem querere, qualem voluero: vestrum erit, quæcunque illa fuerit, agnoscere ut dominam. Post aliquot septimanas edicit nuptiarum diem, curatque regiè præparari omnia. Tempus erat prandij, expectatio summa sponsæ: cum ecce Gualterus pergit foras ad rusticellum suum non procul ab arce degentem, cui nomen Janicolæ, & huic filia unica Grifeldis, quæ pascebat oves pauculas, formosa corpore, formosior animo. Accidit opportunè, ut eodem tempore ex fonte remoto aquam properanter domum ferret Grifeldis. Marchio ex rusticello quærit: an quem hæcenus coluisset dominum, velit habere generum? Stupuit Senex, & recollecta voce: Ego nihil volo, ait, quam quod Dominus meus. Vocatur ergò Grifeldis; cui Gualterus: Pater tuus vult, & ego, ut sis uxor mea; sed cum hac sola conditione, ut liceat mihi tecum agere, prout libet; nec repugnes verbo nutu. Illa: Nec cogitatione quidem. Imò si memori jusseris, non feram molestè. Satis est, ait Gualterus: producitq; Neo-Sponsam populo, datoq; pronubo anulo, jubet vestiri paratis vestibus, & in equo niveo inducit in palatium. Dedit autem Grifeldi DEus gratiam, ut placeret omnibus. Anno nondum elapso, parit puellam: quæ ablactatâ, vocat solam Grifeldem Gualterus, & ait: Scis, unde veneris, quid promiseris: tu mihi quidem places, sed non meis cognatis & subditis, qui tali puellæ subesse nolunt: & quia ego amo pacem; cedo mihi infantem amandandam. Illa nec vultu, nec verbo indignationem præferens: Tu es, ait, noster Dominus: tuæ sumus, & ego, & hæc innocens pupula; fac de tuis, ut libet. Gualterus interea infantem famulo committit: quam mater ad necem rapi rata, tenero, ac velut ultimo, amplexu straxit, signumque crucis fronti impressit: cæterum tranquillâ mente nec

lacrymam, nec suspirium fudit. Puellam Gualterus Bononiam ad sororem suam misit, studiose educandam, dissimulando tamen, cujus esset filia. Post annos quatuor sine ulla querela transactos peperit Grifeldis filiolum gratiosissimum: quem Gualterus similiter post biennium ad sororem misit. Nolunt, inquit, subditi talem habere Dominum, qui sit bubulæ filius: nū tollam puerum, periclitamur ambo fortunarum & capitis. Illa simili modestiā & patientiā respondit ut antè. Labente tempore fama percrebuit: utramque prolem sublatam, & jam Marchionem moliri divorcium. Convocatis subinde palatinis suis, evocat Grifeldem Gualterus, eique hæc: Amō te quidem animitus, sed cogunt me contentitque Papa, ut ducam alteram, parem mihi, quæ jam in via est. Animo itaque forti cede alteri, & domum redi. Tum Grifeldis animo pacatissimo: Servi, quantum distet humilitas mea à Vestra Celsitudine: proinde, DEO teste, sic egi Dominam, ut in animo semper manserim ancilla. Gratias DEO & tibi pro honore. Domum redeolibenter; felix semper futura vidua, quod aliquando talis viri fuerim uxor. Mox annulum restituit, superiores vestes deponit, & in sola camissa nudipes repetit domum paternam, illacrymante, dissimulante tamen dolorem, Marchione. Excitus concurrentis & commiserantis turbæ strepitus senex parens: Hoc ego semper putavi, ait: post primos amores sic fiet. Mansit cum patre diebus paucis, sui semper similis, nunquam querula Grifeldis. Interea spargitur: Comitem Panicum adventare cum nova sponsa: fit apparatus nuptialis; Marchio ad Grifeldem mittit, ut domum instruetura adesset. Accurrit prompta, arreptis scopis purgat aulam, instruit mensam, sternit lectos & viliora exequitur. Die sequenti adest comes, sponsa, cognati, nobilitas: Grifeldis in obsoleta veste suam veneratur heram. In ipso prandij apparatu compellat Grifeldem Marchio. Quid tibi videtur de hac sponsa? Estne satis pulchra? Pulcherrima; inquit illa. Non potuit ultra se continere Gualterus, sed miratus & miseratus sortem Grifeldis ait: O mea! Æternum mea! Satis arduè tentata es. Nulla tibi similis fuit: nulla erit. Involat ergo in collum; Tu sola mea es, tu eris. Hi sunt liberi tui, filia & filius. Quam sponsam putabas, filia est tua. Illa præ gaudio tantum non exanimis ruit in oscula liberorum: mox à marronis splendide induitur; Janicola in arcem accersitur, & honoratur: fit plausus major, quam die nuptiarum? *Petrarcha de Obedientia & Fide Uxor.* Vidisti heroicam rusticæ puellæ, ad omnem fortunam, & Heri nutum, paratæ resignationem? Non impetrabit a nobis similem JESUS?

FERIA IV.
FERIA IV.

95

*T*ercia diei: *Amor meus trabali cruce oneratus est!*
MEDITATIO: *DEVS Filium suum onerat cruce: CHRISTI erga eam affectus: DEIPARA V. dolor.*

1 **A** Dora DEUM O. M. & considera: quàm mirabili erga genus humanum benignitate, erga Filium austeritate, trabale lignum, non minus ignominia, quàm pondere, gravissimum, humeris ejus jam aliunde fatiscientibus, imposuit; non aliter, ac Abraham olim Gen. 22. huic mysterio præludens, *intra ligna holocausti, & imposuit super Isaac Filium suum.* Nimirum Filio, qui ultro suscepit onus satisfaciendi pro peccatis nostris, imposuit quoque principale instrumentum satisfactionis; & supplicium, quod nos servi nequam meriti eramus. O inestimabilem Dei & Domini nostri benignitatem: ut servos exoneret, Filium onerat! Quomodo jam excutiam leve jugum legis tuæ, Domine: qui infinitum pondus iniquitatum mearum transulisti in Christum tuum? Portabo libenter: adjuva infirmitatem meam.

2. **A** Dora D. JESUM, & considera: quomodo ad aspectum infamis & fatalis ligni secundùm sensitivam sui partem totus cohorrerit; sed animo & voluntate vividus ac validus, exultaverit Spiritu: quòd tandem apprehendere liceret machinam, quæ conteratur caput serpentis antiqui; arborem, cujus fructus sit in sanitatem gentium; stateram, cui appendatur pretium redemptionis nostræ. Longè igitur teneriore affectu, quàm postea discipulus suus, salutavit oblatam sibi crucem: Salve, salve, crux pretiosa, diu desiderata, sollicitè amata, sine intermissione quæ sita, ac tandem concupiscenti animo præparata. Tu mihi eris in cathedram Magistro; in thronum Regi, in aram Sacerdoti, in lectulum morienti. Collectis ergo residuis viribus, suavissimo amplexu apprehendit, consecravit, & honori amorique nostro commendavit, infame alias lignum, crucem. Et erit mihi jam horribilis aut invisibilis crux, sive tua, sive mea, Amabilissime JESU! Tua decorem & honorem accepit à corpore & sanguine tuo divino: mea gratiam & levitatem conciliavit tua. Impone igitur; quam, & quot vis: Feram libenter per gratiam tuam.

3 **V**enerare Deiparam V. & considera: quàm graviter eam affecerit aspectus prolatae crucis. Hicne est, cogitabat, thronus regnantis à Ligno Dei? hæc virga Imperij, quæ manibus non possit, humeris ferri debeat? hic floridus divini sponi lectulus? hic thalamus verioris Salomonis,

lomonis, non jam sexcentis fortibus, sed millenis lictoribus stipatus? Fructum arboris depredati sunt protoparentes cum generatione sua: tibi; Fili mi, nudum reliquerunt truncum! O si liceret & Matri, supponere humeros: quàm leve mihi inculberet onus amoris tui! Sed fiat Voluntas tua: siquidem elegisti torcular hoc calcare solus, & solus trahere plaustrum iniquitatis Filiorum hominum. Feram corde; quod humeris non possum. O Mater Afflictißima inferre & meo cordi hanc arborem vitæ: vigeat in memoria mea, & fructum mihi ferat in patientia.

Proposui promptè accipiendi quasvis oblatis cruces.

LECTIO PRACTICA:

Quàm tenero fortique affectu amplectenda sint cruces.

Postquam Salvator noster funestum & infame lignum obvijs amplexus est ulnis, & promptissimè humeros, cœli terræque molem ferentes, eidem subiecit: non illi tantum, verum & nostris crucibus mirabilem quandam conciliavit decorem, honorem & voluptatem: ut jam sollicitè quærantur, cum gaudio inveniantur, & quadam triumphi specie portentur. Præter S. Andream Apostolum testes habemus innumeros & locupletissimos, omnis conditionis & ætatis.

Replem sum consolatione, superabundo gaudio in omni tribulatione nostra: inquit Paulus 2. Cor. 7. Omne gaudium existimate, Fratres, cum in variis incideritis tentationes: monet Jacobus cap. 1. Communicantes Christi passionibus gaudere: ne & in revelatione gloriæ ejus gauderis exultantes: inquit Petrus 1. Pet. 4. Nam in cruce salus, in cruce vita, in cruce protectio ab hostibus, in cruce infusio supernæ suavitatis, in cruce robur mentis, in cruce gaudium Spiritûs, in cruce Summa virtutis: in cruce perfectio Sanctiarii: ait Kempensis lib. 2. c. 12.

S. Procopius M. judici tormenta majora minanti: Falleris, inquit, & iudex, si me tuis tormentis ad negandum Christum inducere speras: quin crede potius, nihil illis gratius jucundiusque existere posse. Quid enim ei, qui Christum amat, jucundiusest potest, quàm pati propter Christum? Quæ gazæ opulentiores esse possunt? Næ, si tu nō esses, quantum emolumenti mihi tuis tormentis accedat, non patereris inde me, quem odisti, tam locupletem & beatum fieri. SS. Marcus & Marcellianus fratres ferreis clavis palo affixi, dixerunt tyranno: Nunquam tam jucundè epulati sumus, quàm hæc libenter Jesu Christi causâ ferimus. S. Jonas, natione Persa, noctem, quam nudus totoque corpore laceratus in summo frigore exegerat, tam iucundam sibi ac jucundam fuisse dixit: ut similem totâ vitâ non sit expertus, rationemq; addidit: Consolatio enim mihi præsto fuit ex sancto illo ligno, cui Dominus meus JESUS affixus erat.

S. Thecla

FERIA IV.

27

S. Thecla post superatas fidei causâ bestias, ignem, carceres, animo ingenti sic DEUM affata est: Ecce me, ô Christe, ecce paratam me omnibus vitæ diebus quævis incendia, vincula & carceres pro nomine tuo sustinere: & pro maiore semper gratia ac favore habebo, talia perpeti, quam si quibuscunque mundi thesauris & delicijs daretur perfrui. Hanc unam, mi DEUS, gratiam postulo: ut tormenta liceat & multa, & continua pro nominis tui gloria perferre. S. Theresia, cui vita sine cruce morte acerbissima acerbior erat, in quodam colloquio cum Maria Diatia, rustica, sed magnæ sanctitatis, vetula octogenaria pauperrimâ vitam agente Abulæ, dixit: Se valde anxie aspirare ad videndum DEUM. Cui Maria reposuit: Se potius optare, hoc exilium sibi differri, ut plura pati posset. Nam in hac vita se posse aliquid DEO dare, tolerando cruces pro eius amore: at in altera non aliud esse, quam accipere præmium præteriti laboris; & cum satis temporis supersit, ad fruendum DEO per totam æternitatem: æquum esse, hic multum pati propter dilectum, ut magis illi placeamus. *Lud. de Powie in Vita P. Alvarez c. 10.* S. Agatha ad carcerem, quasi ad epulas invitata, ibat lætissima & gloriabunda.

S. P. N. Ignatius dicere solebat: A nulla re creata animum ita exhilarari posse, sicut à Spiritu S. exhilarantur ij, qui multa magnaq; pro Deo patiuntur. Notatus aliquando, præter illam suam ut animi, ita oris serenitatem perpetuam, vultu tristior esse, & suspiciosus, causam indicavit: quod metueret; ne forte minus recte ageretur in Societate; siquidem ab aliquot mensibus nihil adversi inaudivisset, sed omnia secundo cursu fluere. Similiter S. Xaverius & Simon Rodericus, dum Olyssipone cernerent omnia sibi prosperè cedere, angebantur: quod nullis persecutionibus exerceantur: quibus si diutius carerent, videri sibi nequaquam fideliter militare. Idem de se sentiebat P. Balthasar Alvarez. Unde, cum post longiusculam prosperitatem, crucem oppido gravem sibi sentiret immisam; respiravit quodammodo, & serenatâ fronte, gaudioq; plenus, dixit: *Nunc video, DEUM mihi bene velle; quem per suorum amicorum viam deducit. Nam diu fui sollicitus; quod videretur mihi Dominus oblitus.* In Vita c. 40.

Altas igitur radices agat in animis nostris illud S. Jacobi: *Omne gaudium existimate, Fratres, cum in varias tentationes incideritis.* Nam, ut ait S. Laurentius Justinianus in fascic. Amor. c. 11. *Virique lætæ ingens est causa; & persecutionem pati pro Christo, & conformari Christo. De persecutione quidē merces, & de conformitate provenit honor.*

Tessera diei: *Amor meus sub onere crucis collabitur.*

MEDITATIO: *DEU M servire & laborare facimus in peccatis nostris: CHRISTO crucem bajulanti quàm gravia fuerint? DElpara V. occurrit Filio.*

1. **A** Dora D. O. M. & considera: quomodo supremam & infinitam ejus Majestatem servili quodam labore oneramus, dum nos ad peccatum resolvimus. Cùm enim concursu omnipotentis illius omnino indigeamus ad quemvis motum nostrum (*sine me nihil potestis facere, Joan. 15.*) & ipse ultro honestissimis ex causis eundem nobis obtulerit, offeratq; universaliter ad quosvis actus liberos sive bonos, sive malos, optando tamen semper bonos: dum ad malos declinamus, Deum valde invitum, & indignantem, quodammodo trahimus ad cooperandum nobiscum, instar servi cujusdam. Unde expostulat per Isaiam cap. 43. *Servire me fecisti in peccatis tuis; prebisti mihi laborem in iniquitatibus meis.* O quanto & quàm invito labore fuit obruta Majestas illa: quando eam portentosi illi operarii iniquitatis quodammodo adegerunt ad cooperandum sibi in affligendo, excruciendo & interficiendo filio suo unigenito! At numquid & ego modicum hujusmodi laborem præbui Deo; abutendo ejus concursu ad indignissima! Doleo, deprecor! Parce, misericordissime DEUS!

2. **A** Dora D. JESUM, & considera eum laborantem sub onere crucis: Quàm bajulabat exhaustus viribus per sanguineum sudorem, noctem insomnem, cruentam flagellationem, & coronationem, adulto jam die. Egerrimè trahebat trabale lignum; & nunc cespitabat, nunc impingebat, nunc concidebat, urgentibus continuo, protrudentibus, & exagitantibus satellitibus. At quod vel maximè afflictissimum hunc bajulum gravabat & premebat; peccata nostra fuerunt, multitudo infinita, gravitate intolerabilia. *Posui enim Dominus in eo iniquitatem omnium nostrum.* Isai 53. Quantum pondus vel mea solius? Ignosce, afflictissime Jesu; ecce ego deinceps ut jumentum ero apud te: impone onera & labores, quos voles, feram cum gratia tua, etiamsi sub onere sit concidendum & occumbendum.

3. **V**enerare Desparam V. & considera eam Christo bajulanti sibi crucem in quodam bivio, juxta antiquam traditionem, occurrentem cum Joanne & pijs quibusdam matronis. Cogita, quomodo utrinque aspectu mutuo sauciati fuerint, & affectibus magis, quàm verbis diserti, sua sibi corda communicarint, ac dolores. O Mater Afflictissima, jam non dicam te Mariam, sed Maram: quia amaritudine replevit te Dominus. Infunde illius guttam aliquam hinc peccatrici animæ; ut tecum lugeat.

Propos.

Proposium patiendi multum & gravia pro peccatis nostris.

LECTIO PRACTICA:

CHRISTO non est aggravandus magis labor & crux.

Quamvis Dominus ac Salvator noster laboraverit in opere Redemptionis nostræ, satis superq; docet historia totius vitæ ipsius: luculentius tamen prodidit ultimus ærumniosissimæ vitæ dies. *Multum quippe in eo laboravit Salvator, inquit S. Bernardus Serm. 20. in Cantico. nec in omni fabrica mundi tantum fatigationis Author assumpsit. Ille denique dixit & facta sunt: mandavit, & creata sunt: at verò in hoc, & in dictis sustinuit contradicentes, & in factis observatores, & in tormentis illusores, & in morte exprobratores.*

Et Serm. 11. in Cant. Sanè multum fatigationis assumpsit; quo multæ dilectionis hominem debitorem teneret, commoveretq; gratiarum actionis difficultas Redemptionis, quem minùs devotum esse fecerat creationis facilitas. Quid enim dicebat homo creatus & ingratus? Gratis quidem conditus sum, sed nullo Authoris gravamine vel labore. Siquidem dixit, & factus sum, quemadmodum & universa. Quid magnum est, si, quamlibet magna, verbi facilitate donaveris? Sic beneficium creationis attenuans humana impietas, ingratitudinis materiam inde sumebat, unde amoris causam habere debuerat, idq; ad excusandas excusationes in peccatis. Sed obstructum est os loquentium iniqua. Luce clariùs patet, quantum modo, ô homo, dispendium fecit pro te. De Domino servus, de Divite pauper, caro de Verbo, & de DEI Filio hominis filius fieri non despexit. Memento jam, te, etsi de nihilo factum, non tamen de nihilo redemptum. Sex diebus condidit omnia, & te inter omnia: at verò per totos 30. annos operatus est salutem tuam in medio terræ. O quantum laboravit sustinens! *ita Bernard.*

Gravis fuit Domini labor in prædicationis actione: sed gravior longè in suppliciorum perpeffione. Laboravit & laborat ut Medicus peritissimus pariter ac diligentissimus in asserenda salute animæ nostræ: quamvis nos experiatur incurios in ea tuenda, negligentes in usu pharmacorum præscriptorum, obstinatos in non cavendis relabendi periculis. Invisit nihilo minus ægrotos quâvis horâ, suadet saniora, detegit pericula, medicinas de pretiosissimo sanguinis sui balsamo propinat: denique nihil ex parte sua patitur desiderari, quod ad conservandam vel recipiendam salutem requiratur.

Laboravit, & laborat ut navissimus ac indefessus Magister in excolendis rudissimis, pigerrimis & contumacissimis discipulis. Docet, arguit, obsecrat, increpat in omni patientia & doctrina; invitat præmij, terret supplicij, sollicitat exemplis, provocat coronis. Mane afflictoribus nostris,

ut sobrijs montibus cœlestem insillet doctrinam; per diem varijs nos erudit aliorum casibus, ut discamus reprobare malum, & eligere bonum; vesperere rationem exigit profectus: nec ulli per omnem vitam nostram parcat labori, modo discamus sapere quæ sursum sunt, æstimare cruce, amare contemptum, despiciere mundum cum pompa sua, & in officio continere carnem cum concupiscentijs suis.

Laboravit, & laborat ut Pastor optimus, de grege suo dies noctesq; sollicitus. Ipse continuò educit, & reducit oves suas, præstatq; cumulati, quod per Prophetam promiserat: *Eccē ego ipse requiram oves meas, & visitabo eas.* -- *In pascuis uberrimis pascam eas, & in montibus excelsis Israel erunt pascua earum: ibi requiescent in herbis virentibus, & in pascuis pinguibus pascuntur super montes Israel.* Ego pascam oves meas, & ego eas accubare faciam, dicit Dominus Deus. Quod perierat, requiram; & quod abiectum erat, reducam; & quod confractum fuerat, alligabo; & quod infirmum fuerat, consolidabo; & quod pingue & forte, custodiam. Ezech. 34. Quid? quod errantes assumit in humeros suos, infirmas sanat sanguine suo, & baculum crucis assumptis in protectionem earum?

Sic laborantem pro salute nostra Dominum adhucne servire faciemus in peccatis nostris? Adhuc graviolem & longē molestiorem præbebit ei laborem in iniquitatibus nostris? Adhuc molem crucis ipsius aggravabimus intolerabili pondere incorrigibilis irreligiositatis nostræ? Quin potius, monente Apostolo, Hebr. 12. *Deponentes omne pondus & circumstantes nos peccatum, per patientiam curramus ad propositum nobis certamen, aspicientes in Anihorem & Consummatorem JESUM.*

FERIA VI.

Tessera diei: *Amor meus deficit sub mole crucis!*

MEDITATIO: *DEVS cruce nostras portat nobiscum: CHRISTVM juvat Simon Cyrenæum: Deipara V. dolor.*

I. **A** Dora Deum O. M. & considera: quomodo cruce, quas nobis imponit, ipse portat nobiscum per suppeditas gratias; quibus ita confortatur infirmitas nostra, ut non solum oneri sufficientes simus; sed etiam cum exultatione portemus cruce nostras: nec gaudere solum, sed superabundare gaudio in omni tribulatione nostra liceat; prout Apostolus de se testatus est 2. Cor. 7. Ne igitur queramur de crucibus nostris, tanquam importabilibus; non enim solum viribus nostris portandæ imponuntur; sed præsto est manus Domini, quæ adjuvet. *Omnia possum in eo, qui me confortat.*

fortis, Philipp. 4. Ignosce, Domine, pusillanimitati meæ. Non amplius querar aut murmurabo; Sed gratus suscipiam de manu tua hanc paterni affectus tesseram; certus quod non fines me tentari supra id, quod possum; sed facies cum tentatione proventum.

2. **A** Dora D. JESUM, & considera: quomodo ipsi deficienti sub mole crucis Simon quidam Cyrenæus datus est adjutor, *ut tolleret crucem ejus* Matth. 27. Credibile autem est, Simonem non portasse solum crucem; sed tantum juvisse Dominum: qui, sicut crucifixus descendere de illa noluit; sic eam neque dimittere tunc voluit: tum ne aliquid molestiarum fugisse videretur; tum ne Simon innocens suâ causâ nimium gravaretur; tum maxime, ut sequacibus suis exemplum heroicæ constantiæ in portanda cruce præberet. Fuit autem auxilium illud causa non levis doloris Christo. Videbat enim, sibi datum esse non ex commiseratione; sed ne, penitus occumbens sub onere crucis, evaderet ignominiosam & crudeliorem mortem in cruce. Vide, quomodo etiam levamina Christo non sunt sine gravamine. Compatior tibi, afflicteste Salvator. Invideo Simoni tam felicem sortem: in cujus partem cum venire mihi non licuerit: feram saltē promptus, amore tui, meam crucem; nec angariari me sinam.

3. **V**enerare Deiparam V. & considera: quā graviter indoluerit tum de summa debilitate & fatigue Filij cruce onerati; tum quod ipsimet non licuerit humeros supponere auxiliares, imò totam in se assumere crucem. Quāvis enim & ipsa doloris acerbitate pœnæ confecta fuerit: Spiritus tamen promptus erat ad audendum, etiam supra vires. Tam avidi crucis sunt JESUS & MARIA: & ego, qui centenas merui, unicam fugiam? Absit hoc probum à servo JESU & MARIE. Amore vestri, dolorosissimi Amores mei, non feram solum, sed quæram cruces: Adeste subsidio.

Proposui, recurrendi ad DEVM pro auxilio premente cruce nos vel proximos.

LECTIO PRACTICA:

Quomodo Christum juvare possim in ferenda cruce.

Merito feliciter judicamus Cyrenæum illum Simonem, quod ei contigerit, non tam per insolentium militum angariam, quā divinā electione juvare Dominum in ferenda cruce. Verū & nos hujus felicitatis æ meriti participes esse possumus, si & mentem & humeros subicere placeat sacro illi oneri. Mens subicienda per frequentem piāq; memoriam & meditationem dolorum, quos tulit gravissimos Christus tum in gestanda trabali cruce (longitudo 15, latitudo 8 pedum erat) tum quando gestabatur ab ipsa.

Humero subijciendi, ut ad imitationem Salvatoris non velimus immunes esse à cruce. Nam ut observavit S. Ambrosius in e. 23. Lucæ: quod Dominus ipse primùm gestaverit crucem, deinde tradita sit Simoni; id factum est, ut prius ipse crucis suæ trophæum erigeret, deinde Martyribus (sive crucientis sive incurientis) traderet erigendum. Convenit enim: ut trophæum suum prius ipse victor amollat; ac deinde illud idem Christus in homine, & homo patietur in Christo. Et Origenes: Non solum, inquit, eum convenit accipere crucem suam, sed & nos conveniebat portare eam, saluarem nobis angariam adimplentes. Sic enim ipse sanxit: Qui non accipit crucem suam, & sequitur me, non est me dignus. Matth. 10.

Cæterum non nostram tantum ferendo crucem possumus imitari Dominum, eiq; gratificari: verum & instar Simonis juvando proximum oneratum in bajulanda cruce sua. Nam & hoc est portare crucem Christi, & onus ejus transferre in nos: cum disertè testatus sit ipse: *Amendico vobis: quamdiu fecistis uni ex his fratribus meis minimis, mihi fecistis.* Matt. 25. Quatuor autem modis juvare possumus proximum in ferenda cruce sua: scilicet Compassione, Adhortatione, Participatione vel Translatione, & Oratione.

Compassione juvamus, quando afflicto proximo conceptum de ipsius calamitate dolorem sincerè testamur: cum, ut canit vetus parcmia, *Gaudia sine miseriis, socios habuisse dolorum.* Et Chrysostomus hom. 67. ad pop. Marentinam Societas gravem tristitiæ vehementiam auferre consuevit. Sicut enim in onere, si quis ponderis partem susceperit, soli ferenti sarcinam levavit: sic & in omnibus alijs. Quod optimè declarat S. Thomas 1. 2. q. 32. a. 3. dicens: Naturaliter amicus condolens in tristitijs est consolativus. Cujus duplicem rationem tangit philosophus l. 9. Eth. c. 11. quarum prima est: quia cum ad tristitiam pertineat aggravare; habet rationem ejusdam oneris. à quo aliquis aggravatus alleviari cupit. Cum ergo aliquis videt, de sua tristitia alios contristatos, fit ei quasi quædam imaginatio: quod illud onus alij cum ipso ferant, quasi conantes ad ipsum ab onere alleviandum; & idèd levius fert tristitiæ onus, sicut etiam in portandis oneribus corporalibus contingit. Secunda ratio & melior est: quia per hoc, quod amici contristantur ei, percipit, se ab eis amari: quod est delectabile, ut sup. dictum est. Unde, cum omnis delectatio mitiget tristitiam (sicut supra dictum) sequitur: quod amicus condolens mitiget tristitiam. Ita S. Thom. Et sic juvabat infirmos Apostolus: *Quis infirmatur, & ego non infirmor?* 2. Cor. 11.

Adhortatione juvamus: quando verbis congruis vel exemplo animos ad ipsius afflicto, ad fortiter constanterq; ferendam crucem. Sic mulier illa fortis,

SABBATO.

109

fortis, septem Machabæorum mater, filios in tormentis animabat: *Fili mi, miserere mei, quæ te in micro novem mensibus portavi &c. Peto, nate, ut adspicias ad cælum & terram &c.* Sic & alia Melithoni suo, æ 40 MM. minimo animos addebat: *Fili, paulisper sustine: Ecce Christus ad januam stat, adjuvans te Verbum enim opportunum torpentem fuscitat animum, ut totis viribus annitatur ad superandum malum.*

Participatione vel translatione juvamus: quando in partem oneris, laboris & molestiæ ultrò venimus, adeoq; onus dividimus, si divisibile est; vel totum transferimus in nos ipsos. Sic pater olim divisit pœnam à filio meritam, quando ei unum, sibi alterum erui curavit oculum. Alius dimidium plagarum amico infligendarum impetravit sibi. Alius pro alio se substituit in vincula & mortem, alius in captivitatem apud barbaros.

Oratione denique juvamus: quando fufis ad Deum ferventibus precibus, gratiam alteri impetramus ad ferendam crucem non æquo solum, sed libenti animo. Quibus Christianæ charitatis officijs non potest non summe delectari JESUS, non suæ tantum, verum & omnis nostræ crucis bajulus.

SABBATO.

Tessera dici: Amoris mei vultus quàm fœdè deformatus!

MEDITATIO: DEVS solari solet crucis bajulos: CHRISTO sudarium offeri B. Veronica: Deipare V. solatium & dolor inde.

1. **A** Dora Deum O. M. & considera: quomodo crucigeros suos non solum auxiliaribus gratijs confortat; sed subinde etiam solatio aliquo demulcet, ex paterna sua benignitate; & sudarium aliquod offert abstergerendo sudori. Sic etiam ad Christum Dominum fatiscentem sub mole crucis expeditit piam matronam; quæ ipsum pio commiserationis affectu aliquantum recrearet, & sudarium abstergerendo pulveri, sudori & sanguini, ex oculis & vultu, offerret. Erit: quando Deum absterget omnem lachrymam ab oculis suorum afflictorum, & mors ultra non erit, neque luctus, neque clamor, neque dolor eris ultra Apocalypf. 21. Interim contentus ero, ô Deus, totius consolationis sudariolo aliquo in tempore tribulationis; quò, absterfo ab oculis pulvere, clauds videam; nihil esse in hac vita beatius, quàm ut faciam & patiar omnem voluntatem tuam.

2. **A** Dora D. JESUM & considera: quomodo eum inter summos animi, corporisque dolores aliquantum recreavit pietas & compassio honestæ ejusdam matronæ Veronicæ. sudarium offerentis ad abstergendum & vultu squalorem. Tenue obsequium, sed gratissimum Christo in illa calamita-

lamitate: placuitque illud remunerari insigni prodigio, quo telæ oblata effigiem divini vultus sui impressit, & in perpetuam grati animi tesseram tradidit. Ah menti & cordi meo imprime altius & distinctius, mi JESU, vivam tui patientis imaginem. Pone illam, ut signaculum super cor meum; ut signaculum super omnes sensus meos; ut signaculum super brachium meum: ut Te, amore mei, tanta passum, vivâ circumferam memoriâ, gratâ recolam mente, officiosissimâ prosequar voluntate, mortificatis eolam sensibus, strenuo & continuo virtutum exercitio imiter atque honorem. Tu solus talis operis potes esse artifex: meum erit (quanquam & hoc non sine te) offerre tibi, instar telæ mundæ, animam puram.

3. **V**enerare Deiparam **V.** & considera: eam quidem solatio aliquo affectam fuisse ab officiosa illa pietate Veronicæ; ideoque specialia grati animi signa erga eam dedisse: intimè tamen doluit de divino vultu sic deformato, tumido à colaphis, livido à pugnis, cruento à spinis, oppleto sputis, sordido pulveribus & luto. At nobis, ô Mater Afflictissima, amabilissimus est hic vultus Filij tui. Desiderent Angeli prospicere in illum Infinitâ Majestate radiantem: nobis eò sit gravior oportet, quò deformior est pro nobis. Talem pone mihi ante oculos, ô Domina, quoties aliqua vanitas mundi aut inordinata voluptas folicitabit cor meum.

Proposui consolandi & juvandi afflictos.

LECTIO PRACTICA:

Ad abstergendum marem in tribulatione optimum est sudarium inimitis faciei Christi patientis.

Multi in afflictione sua quærunt sibi solatia in rebus & actionibus illicitis: ut in commestationibus & ebrietatibus, in conversationibus jucundis sed non satis honestis, vel in studio & quadam dulcedine vindictæ. Verùm pessimè sibi consulunt miseri isti. Ad malum enim minus (si fortè malum est, quod immensum gloriæ pondus nobis operari potest) avertendum accersunt sibi longè, imò infinite, majus; inciduntque in Scyllam cupientes vitare Charybdim. Nam malum, quo premuntur, eâ ratione non evadunt, sed solùm dissimulant; minus aerem ejus sensum ad tempus quidem percipiunt; sed paulò post majus ipsius pondus, cum novo conscientie remorsu, sibi incumbere sentiunt, contracto insuper æterni supplicij reatu, & facto dispendio inæstimabilis præmij, quod per patientiam brevem lucrari poterant.

In sumptione vindictæ sit sanè dulcedo aliqua; sed per quales & quantas quæritur amaritudines? Quàm inquietus dies noctesque, quàm solertius;

quàm

quàm nunc timidus, & anceps, nunc ardens & infans est amor vindictæ? Quam variorum casuum, periculorum, criminum, & suppliciorum aliorumque damnorum trahit post se catenam? Qui vincere alios conviciis & verberibus cogitant; in tantum bellum & pugnam erumpunt, ait S. Chrysostomus Serm. de Mansuetudine, *minus insidiantur, castra non struunt, pericula audent, & accusantes meditantur eorum, quæ neque viderunt, neque audierunt: & in die quidem sicut canes rabidi querentes inimicum; noctem autem cogitando insomnes, quomodo malum alijs machinentur.* Sæpe autem vel conatu suo frustrantur, vel supplicium gravius sibi accerunt.

Alij autem, ut labem sibi aspersam, mœroremque animi unâ cum lacrymis abstergant; sudariolum aliquod querunt vel apud Superiores & Iudices, vel apud amicos. Quod quàmvis per se illicitum non sit; admodum tamen imperfectum est, & divitias Patientiæ dilapidant huiusmodi delicati martyres, imò belles confesores, maleque respondent passio pro ipsiis Domino, nec imploranti vel adiutrici Angelorum legiones, vel vindicem Patrem. S. Bernardus Serm. 1. de S. Andrea dicit: *Incipientium esse crucem sustinere patienter; proficientium portare libenter; perfectum vero amplecti tam ardentem.* Qui autem vel amicorum continuò emendant solatia, vel implorant Superiorum opem, aut appellant Iudicium auctoritatem: neque in classe Incipientium sequi Christum, esse convincuntur, sed potius in cœtu Impatientium.

Optimum, valdeque pretiosum, quia pretiosissimo sanguine suo tinctum, & divino vultu insignitum, offert afflictis sudarium Christus ipse. Optat nimirum docetque, ut, quavis premente cruce, qualicumque deformati convicio & calumnia, quocumque mœrore lquentes, coniciamus in ipsum oculos animosque attentos. Ipse enim nobis est & exemplar absolutissimum patiendi, & incitamentum efficacissimum, & adiutor fortissimus, & consolator suavissimus, & præmium patientiæ liberalissimum. In vultu ejus squalido & eruento admiranda cernunt oculi pie curiosi, tam ad consolationem, quàm ad compunctionem.

Ludovicus, Landgravius Hassiæ & Thuringiæ, Sponsæ suæ Sanctæ Elisabethæ in contestationem animi non solum proni in ipsam, sed etiam piji in Patientem JESUM, obtulit ipsi pretiosum speculum, in quo singulari artificio relucebat Imago Crucifixi Salvatoris. Nullum aliud donum, quantumvis regium, tam gratum accidisset, & opportunum, piji puellæ. In hoc notabat nœvos suos, ut corrigeret; ex hoc disciebat vanitatem mundi muliebris, ut contemneret; ad hoc mœsta confugiebat, ut solatium acciperet; tan-

ret: tantumque profecit ex hujus speculi crebro intuitu; ut, cum regali egressa templum aliquando esset ingressa, & in Crucifixi imaginem oculos conjecisset; quam dissimilis esset Domino ac Amori suo, illico adverterit, ac se ipsam arguerit: En Creator & Redemptor meus, mea causa, nudus pendet in cruce; ego auro gemmisque fulgeo: ille spineam, ego auream gesto coronam. Proh pudor! Eaque cogitatione consternata corrui velut exanimis: ac postea pompæ sæculi æternum Vale dixit. *Sarum in Vita.* Tale Speculum nobis esse potest Sudarium Veronicæ, & quævis alia Patientem Jesum exhibens imago. Nam & confusionem ex ea reportare possumus, si nos conspexerimus Domino dissimiles; & consolationem uberrimam, si per crucis amorem & patientiæ studium nos invenerimus ei conformatos. Nam, sicut abundavit passiones Christi in nobis: ita & per Christum abundat, abundabitque, consolatio nostra. 2. Cor. 1.

DOMINICA PASSIONIS:

Tessera d. ei: *Amor meus Hierosolymam in montem Calvarie educitur.*

MEDITATIO: DEVS deserti Hierosolymam: CHRISTVS ignominio e in de educitur: Deipara V. dolor.

1. **A** Dora DEUM O. M. & considera: quam charam habuerit, quam gloriosam fecerit ante passionem Christi civitatem Jerusalem. Speciali elogio vocabatur Civitas Dei, Civitas Sancti. Isaia 52. De illa dixit Deus Isaia 37. Protegam civitatem istam, ut salvem eam propter me, & propter David servum meum. At postquam rea facta est sanguinis & mortis Christi; dictum est de illa per Jerem. Prophetam cap. 19. Poneam civitatem hanc in stuporem, & sibi tum: omnis, qui præterierit per eam, obstupescat, & sibilabit super universas plagas ejus. Sic conteram populum istum & civitatem istam; sicut conteritur vas figuli, quod non potest ultra instaurari. Deseruit, abjecit, delevit eam in æternum; Magnæ sunt & multæ misericordie Domini: verum & terribilis vindicta ejus. Cave anima mea similis criminis rea fieri, crucifigendo iterum Dei Filium in temetipsa. Si enim interfectori Caini, homicidæ primi, statuta fuit Gen. 4. ultio septuplum; infectori autem Lamechi, similiter homicidæ, ultio septuagies septies: quanta jam erit ejus, qui fuerit reus sanguinis Filij Dei? & quidem post toleratam jam mortem pro nobis?

2. **A** Dora D. JESUM & considera: eum ex ingrata & scelestâ urbe egre-dientem versum montem Calvarie. Ibat onustus cruce, stipatus duobus latronibus, comitante innumerâ hominum & satellitum multitudi-ne, quorum plerique insultabant oppresso. Luctuosior longè fuit hæc egres-

tu ex

DOMINICA PASSIONIS.

105

Non ex urbe, quàm Davidis fugientis à facie filij Absalom. 2. Reg. 15. Ille ibat, ut vitam fugâ salvaret; ille, ut mortem crudelissimam oppeteret. Davidi solatio erant non pauci Amici, præsidio validus miles; unus, qui malediceret, inventus est Semei. In Christo omnia erant opposita; augebatque dolorem, quod in ipsâ urbis porta traditur gravi lapsu cum cruce corruisse, non sine sinistro omine urbis ruinæ. Afflictissime vir dolorum, egressus ex ingrata urbe, ingrediere castellum cordis mei; patent tibi portæ omnes animæ meæ. Ibi dominare in medio inimicorum tuorum, indomitaram passionum mearum; quas, ut junctis tecum viribus ponam scabellum pedum tuorum: anima, obsecro, cruce tuâ imbecillitatem meam.

3 **V**enerare Desparam V. & considera, quantus illi accesserit cumulus dolorum tum ex repetitis lapsibus Christi, tum ex lætuofo ejusdem egressu ex urbe. Recolebat, quod planxerat Jeremias Thren. 1. *Egressus est à filia Sion omnis decor ejus.* Egresso enim Christo non aliud illam manebat, quàm ruina, vastitas & ignominia æterna: quam præsignabat vel ipse situs Crucifixi Domini. Facie enim Occidentem respiciebat, tergo ad civitatem verso. Recolebat quoque, quàm dissimilis sit hic egressus nupero in Civitatem ingressui, inter palmas & festivas acclamationes. O Mater afflictissima per illos tuos dolores serva Filium tuum in corde meo & anima mea, ut inde nunquam egrediatur vel educatur! Quid enim ero sine JESU?

Proposuum sequendi Christum per ardua.

LECTIO PRACTICA.

Patienter ferendæ proscriptiones, & aliæ locorum mutationes.

Hierosolymâ, Religionis veræ & gentis arce, per summam ignominiam ejectus JESUS, tanquam pestis civium, opprobrium hominum, & abjectio plebis, non suadet solum, sed regio exemplo imperat nobis, injuriæ similis, si contingat, alacrem fortemque tolerantiam. Morem gesserunt innumeri, tum primis Ecclesiæ sæculis, qui teste Apostolo Hebr. 11. proscripti è popularium suorum cœtu, *circuebant in melioris, in pellibus caprinis, egentes, angustiati, afflicti, quibus dignus non erat mundus, in solitudinibus errantes, in montibus & speluncis, & in cavernis terre*: tum posterioribus etiam, nobisque propinquiorebus, temporibus. Unum è Japonia, quem miremur & imitemur, producam heroem.

Cambacundonus, Japonum Imperator, sæculo quinto supra decimum, exercitiis suis præfecerat strenuissimos Duces Justum Ucondonum & Simonem Conderam, Christianis Sacris utrumque initiatum, & in fide pro-

movenda inprimis zelosum. Contigit autem post annos aliquot, ut suffur-
 ronum quispiam odio fidei Christianæ temulentum Imperatorem in eas age-
 ret furias contra Christianos, qui jam ultra ducenta millia excreverant; ut
 intempestâ nocte miserit satellites, qui non solum Patri Coellio V. Provin-
 ciali, quem ante paucas horas Imperator ipse stupendâ humanitate inviderat
 in navi, indiceret tumultuariam cum omnibus socijs proscriptionem: sed
 ipsi quoque Justo Ucondono denunciaret peremptoriæ exilium, nisi ad avitam
 superstitionem rediret. Auditis nuncijs, Ucondonus sedate, ac renidenti
 similis, *Ita, inquit, & renunciate statim Imperatori: Exilium me præcipere im-
 pietati; ac milles malle fortunarum omnium vitæque facere dispendium, quàm
 deficere à Sacris Christianis.* His acceptis, alios expedit mox tyrannus: qui ei
 capitalem exilij sententiam dicant: quæ nimirum non solum patrij celi mu-
 tationem importat; sed bonorum omnium jacturam, exclusionem ab omni
 tecto, privationem ignis & aquæ, cum interminatione necis, quâcunque
 hori tyranno liberit. Eadem sententiâ involuntur omnes cognati, paren-
 tes, conjux, liberi, famuli, & tota rei parentela. Verum tam dura pari-
 ter & iniqua denunciatio nec animum nec vultum Ucondoni mutavit: nec in
 aures admisit accurrentium amicorum consilia; ut dubio aliquo responso
 voluntati Imperatoris ac tempori cederet: sed minaci vultu perstringens
 trepidos, *Imum est, ait, quod suadeis; vanum, quod speras. Ego vel Im-
 peratori fucam faciam, vel juratam DEO fidem fallam? Ibo potius ætærum, &
 constantiam in fide Christi coram deo Imperatori. Egre ab hoc quàm gene-
 roso, tam periculoso consilio potuit dimoveri. Ergo illucescente die convo-
 catis Ducibus ac Tribunis suis, Christianis omnibus, virisque fortissimis, re-
 fert gesta de nocte: quomodo DEI miseratione dignus sit habitus, qui Chri-
 sti causâ bonorum omnium jacturam (Principatum duorum, cum annuo
 septuaginta millium aureorum stipendio) atque exilium pateretur. Gau-
 dere se tam gloriosa, & paucis concessa sorte: ceterum ipsi fideles inprimis
 Christo, dein Imperatori perstarent. Adhuc omnium vox insonuit: se
 Ducem suum non deserturos in adversis æquæ ac prosperis. Sed jussi sunt
 pro bono religionis in obsequio Imperatoris perstare. Ipse ægrè sub vespè-
 ram ex accurrentium & condolentium amicorum, principum & regum turba
 electatus, ubi consensâ scaphâ ad Domesticos suos delatus est habitu for-
 dido, sine satellitio & Magistratûs Insignibus, attonitos reddidit senem pa-
 rentem Darium, Fratrem Tarjemonodum, ac potissimum uxorem, ignaros
 adhuc quid ageretur. At ubi hæc fidei causâ accidisse audierunt; exultare
 omnes, ac inprimis Darius inter amicos lacrymas filium amplexans, *Lata, in-
 quit, Fi-**

quit, *Fili, narras. Bene nobiscum agitur, quando DEO placuit eo honore domum meam dignari. Eamus acturum, quod DEVS vocat. Non terre egestas, & quidquid malorum in exilio Japonico est. Vitam daretur, & vitam pro Christo profunderet. Tum uxor, frater, & omnis familia in collum & ad genua Iusti irruere, & solemni hymno Eucharistico conceptam lætitiā testari. Nec mora: collectis paucis sarcinulis læti omnes proficiscuntur, heri principes hodie mendici, in montibus & sylvis latibula quæsituri; quæ tandem in modica & abstrusa insula invenerunt; nec minore constantiâ, quàm fortitudine eam vicissitudinem tulerunt Christi amore. Histor. S. J. p. 5 lib. 7.*

Nec nos igitur stomachari, vel queri decet, si quæ nobis contingat mutatio loci, etiam cum ignominia aliqua conjuncta. Ex omni loco patet in cælum prospectus, si non oculis, certe menti: nec dormitat, vel nobis iniquus est, qui nos inde observat, Oculus.

FERIA II.

Tessera diei: *Amor meus magni planctus argumentum!*

MEDITATIO: *DEVS in communi hominum corruptione plerumque sibi servas fideles quosdam: CHRISTVS non voluit sortem suam plangi. Deipara V. dolor.*

1. **A** Dora DEUM O. M. & considera benignissimam ejus Providentiam; quâ in communi hominum corruptione plerumque sibi servat immunes à communi contagio quosdam; quorum probitate colatur, ac delectetur. Sic ante diluvium servavit sibi fidelem Noe cum domo sua. In communi defectione Israelitarum ad idola reliquit sibi septem millia virorum, qui non curvaverunt genua ante Baal. *Rom. 11.* In passione quoque Christi, conspirante totâ natione Judaicâ adversus Dominum & adversus Christum ejus, reliquit sibi pias matronas quasdam, quæ malitiam populi sui & luctuosissimam Salvatoris sortem amarè deplorabant lachrymis. *Luc. 23.* Sis benedictus, Benignissime DEUS, quod animas istas non permiseris afflari contagio communi! Da & mihi gratiam, obsecro, ut non sequar turbam tumultuantem, aut lascivientem; sed tibi adhæream fidelis; quidquid de me dixerit, aut senserit turba.

2. **A** Dora Dominum JESUM, & considera: quomodo in tanta suacalamitate pias matronas, quæ non tacitâ compassione, sed effuso ploratu plangebant & lamentabantur eum; prohibuerit à lachrymis. Solet animarum compassio & luctus aliquo solatio demulcere afflictos; at JESUS, dolorum nondum satur, etiam hoc tantillum levamen non admittit. Non vult sortem suam, quamvis luctuosissimam, deplorari; utpote quam sibi non

necessitas, aut culpa aliqua, sed amor Patris, & Salutis humanæ imposuit. Quam sollicitè quarimus nos solatiola, etiam in minimis adversitatibus? Quantas provocamus nœnias exaggeratione mali, quo premimur, & investigatione in Authores ejus? Da, JESU patientissime, & dolorum avidissime, ut plenius intelligam felicem sortem patientis innocentia, & hoc sim contentus solatio, quod tecum patiar & amore tui.

3 Venerare Deiparam V. & considera, quod, quàmvis ille piarum matronarum affectus compassionis erga filium suum ipsi acciderit gratissimus; ex alia parte cruciabatur intus, quod tam pauci inventi essent in tanto hominum concursu, qui aliquâ tangerentur commiseratione; tam multi, qui opprobrijs & diris infectarentur Dominum ac Deum suum, reddentes mala pro bonis. Duci poterat tunc quid simile illi 2. Reg. 15. *Toto corde universum Israel sequitur Absalom*, seu principem tenebrarum, rebellem Domino suo, & persequentem eum, usque ad internecionem. O Mater affectuissima, fac me verè tecum flere, Crucifixo condolere, in pietate desidero.

Proposuium Ferijs Sextis abstinendi à leviore conversatione.

LECTIO PRACTICA.

Abstinendum à lamento & lacryma tempore adversitatis.

CUM ex sæpè dictis manifestum sit; insigni beneficio & honore nos affici à DEO, dum ab eo adversis exercemur; ac insuper præclarissimam tunc nos habere occasionem, quâ mutuum illi testemur amorem, & fidelitatem: pater, indecens omnino esse, ut muliebriter solvamur in lacrymas & lamenta, dum durius aliquid pati contingit. Præclarè declaratum est id ab Æterna Sapientia Ministro suo, B. Henrico Sufoni Ord. Præd. ut in ejus vita tradit Surius 25. Jan. cap. 47.

Sub initio conversionis suæ ad vitam perfectiorem, summo perè optabat Henricus haud vulgariter placere DEO, attamen absque labore gravi & dolore. Quem errorem ut eum dedoceret æterna Sapientia, cui specialiter addictus erat, ordinavit: ut in trajectu lacus Constantiensis, in eadem navi comitem haberet egregium quendam juvenem, splendide vestitum. Accessit ad eum, quasi vitæ modeste: Quis esset, & quid negotij gereret? Respondit ille: negotium suum esse, nobiles juvenes in militari palæstra exercere hastiludijs, & alijs hujusmodi congressibus, quorum specimen darent coram frequenti populo & præsentia nobilium puellarum. Petijt ultra Henricus: Quid ferat præmij, qui excelluerit? Puellarum pulcherrima digito ejus aureum, inquebat, inserit annulum, plaudente universo populo. Cæterum, antequam quis eo donetur præmio: oportere ipsum multa tolerare durissimam

seculi, plagas & ictus egregios devorare, vultu omnino sereno, & absque ullo impatientiae signo, etiam si ex oculis ejus emicent scintillae, & ex naribus sanguis prorumpat. Ergo nec vultum contrahere, nec lacrymulam fundere licet; subjunxit Henricus? Non licet, reposuit Juvenis: alias non tantum non potietur annulo, sed ludibrio erit omnibus.

His auditis, Minister in se descendit, & medullitus ingemiscens ait: Eja DEUS praestantissime, & longe omnium dignissime; si mundi hujus milites talia perpeti coguntur pro tam vili stipendio: quam æquum est, ut pro æterna gloria duriores toleremus labores! O si dignus ego essem in spiritualium militum tuorum numerum adscribi! O speciosissima & æterna sapientia, cujus amabilitati nihil unquam potest comparari, quid faciam & patiar, ut à te annulum merear? Inter hæc in largas solutus est lacrymas. Ubi emenso itinere ad terminum pervenit, Ecclesiasten acturus; immanes in illum plurimæque afflictiones irruerunt: ut ferè opprimeretur. Tum ille omnis strenuæ ac infatigabilis militiæ oblitus, mœrens & non nihil impatiens, cogitavit: cur DEUS illum tantoperè affligeret? Mane sequenti sub exortum diei sublata à sensibus animâ, sensit intus, exprobrari sibi: Ubi jam est illa præcellens militia & strenuitas? Itane miles stramineus præfidenti eris animo in prosperis, fracto & foemineo in adversis? Hac sanè ratione obtineri non potest annulus ille, quem tu concupiscis. Respondit Minister: Atqui Domine, certamina illa, in quibus oportet se tibi resignare & permittere, teque perpeti, nimidum diuturna sunt. Ad quod illi mox repositum: Sed & honor, & gloria, & annulus militum meorum perennis est. His Minister in sese rejectus & convictus, submissè admodum dixit: Fateor, mi Domine, culpam meam: tantum oro; ut afflicto mihi liceat lacrymas fundere: siquidem cor meum omnino redundat. Cui Dominus: Proh pudor! Visne in foeminae morem lacrymari? Certè tibi ipsi apud omnes cœli cives ignominia notam inures. Terge oculos, & hilarem vultum exhibe; ut neque DEUS, neque homines advertant, afflictionis causâ te plorare. Cœpit ille subridere, fluitantibus tamen per genas lacrymis: promisitque, se nolle deinceps flere: modo possit ab Æterna Sapientia annulum obtinere. Et nos hunc annulum sperare possumus; si oculis siccis hilariq; vultu exceperimus & tulerimus adversa.

In Vitæ PP. apud Rufinum libr. 3. traditur de quodam Fratre: quod quanto magis quidam eum injuriabatur, tanto magis ridebat gaudens & dicebat: *Isti sunt, qui nobis occasionem præbent ad profectum nostrum.* Abbas Joannes ibidem refert de quodam Juvene, qui cum per annos aliquot pretio-

condu-

conduxisset quendam, qui eum Patientiam doceret, & post triennium ab alio gravi contumelia affectus esset; in cachinnos solutus est. Rogatus causam visus, respondit: Tribus annis mercedem dedi, ut hoc paterer: nunc id gratis obtineo: & non ridebo? Subjungitque dictus Abbas: *Hec est Porta DEI (tribulatio seu crux) per quam Patres nostri gaudentes ingressi sunt Civitatem DEI.*

FERIA III.

Tessera dici: Amor meus luget interitum populi ingratiissimi.

MEDITATIO: *DEI visio quò tardior, eò gravior: CHRISTVS vniu deplorari interitum hostium suorum: DEI pater V. dolor.*

1. **A**dora DEUM O. M. & considera, quod non solum sit Pater misericordiarum, sed etiam DEVS; *nitonum Dominus*, Pl. 93. Solet ille quidem dissimulare peccata hominum propter poenitentiam, Sap. 11. at ubi hujus nulla cura tangit homines; quin potius pergunt thesaurizare sibi iram in die iræ; rapidus divinæ indignationis torrens, quasi intra aggeres longanimitatis & patientiæ diu collectus, eò majore erumpit impetu, grassatur clade; quò diutius fuerit coercitus. Sic persecutorum & interfectorum Filij sui poenitentiam cum ultra 30. annos expectasset frustra, irreparabili strage contrivit eos: prout Christus complorantibus mulieribus prædixerat Luc. 23. Recole jam, quando peccare, & quando poenitentiam agere coeperis aut proposueris, & vide, ne illam præveniat ira DEI. Non omnes æquali tempore expectat DEUS.

2. **A**dora Dominum JESUM & considera ejus dicta ad plorantes mulieres Luc. 23. *Filie Jerusalem, nolite flere super me; sed super vos ipsas flere & super filios vestros.* Mitissimum cor Jesu magis tangitur alieno, quam proprio malo. Ecce venturi dies, in quibus dicent: *Beata steriles & ventres, qui non genuerunt; & ubera, quæ non lactaverunt; Tunc incipient dicere montibus: Cadite super nos; & collibus, operite nos.* Mox fontem tantarum calamitatum indicat: *Quia, si in viridi ligno hæc faciunt, in arido quid fiet?* Si hæc operantur peccata vestra in me; qui peccatum non feci, & omnium virtutum fructibus abundo, quid operabuntur in illis, qui inveterati dierum malorum, aruerunt in peccatis suis, & foco infernali maturissimi sunt? Redemptor Gratiosissime, nunc, nunc aperi mihi fontes lachrymarum; ut mature defleam peccata mea. Peccavi; Doleo. Parce. Hoc momentum terminus peccatorum esto.

3. Vene-

3. **V**enerare DEI param Virginem & considera: Quis sensus ejus fuerit, auditio terribili illo vaticinio Christi. Elisæo cum aperuisset **DEUS** 4. Reg. 8. quanta mala populo suo illaturus esset Hazael, rex Syria, conturbatus est inque ad suffusionem oculi, fleuitque vir DEI. Et quomodo non indoluerit acerbius longe graviori & extremæ calamitati populi sui Virgo, tenerissima, charitate ardentissima? Imò, quomodo non doluerit maxime, quod major effecta esset iniquitas filie populi sui peccato Sodomorum, quæ subversa est in momento; Thren. 4. & tamen non sit, qui recogitet & recedat à via sua pessima! sed omnes, quasi vir unus, urgent Filium DEI in montem Calvarie! Compatior tibi, ô Mater, & Filij & persecutorum ejus extremis malis afflictissima. Ne finas, obsecro, me ita excæcari, ut non videam peccatum & periculum meum.

Proposui lugendi & pro viribus impediendi interitum animarum.

LECTIO PRACTICA.

De inimicorum nostrorum malis dolendum magis, quam de proprijs.

Verus Amor inimicorum, quem nobis non suadet solum, sed imperat Lex Christiana, urgetque exemplum Christi, non alio certius & manifestius probatur argumento, quam intimi doloris sensu, dum illis triste aliquid accidisse discimus. Est enim is dolor germana nobilissimaque sinceri amoris proles. Ut enim amantis est, velle bonum amato: ita ejusdem proprium est, tristari de malo amati. Si is dolor non sit in amore; suspectus merito habetur, quantumvis de altero magnifice loquatur, & in eum se præbeat liberalem. Quod si is dolor ad eum ascendat gradum: ut de Inimici calamitate non solum æque doleamus, ac de propria; sed etiam magis: non solum impleta est mensura imperatæ dilectionis, sed etiam superaffluenter impleta: & proximè accessimus ad exemplum heroicæ Charitatis Salvatoris nostri, qui à pijs matronis voluit magis deplorari imminentem homicidii suis calamitatem, quam quæ premebat ipsummet.

Præclarum, & plane regium, sancti hujusmodi doloris præbuit exemplum etiam David, egitque illustrem typum Patientis DEI. Ubi enim accipit 2. Reg. 1. occubuisse capitalem hostem suum Saulem in montibus Gelboe: Absalonem quoque parricidam filium, male interisse 2. Reg. 18. in eas erupit nœnias, quales nunquam ei expressit, sive anteedenter, sive postea, quæcunque gravissima persecutio, sive à Saule, sive à proprio filio tolerata. Et quidem dolor planctusque super nece Absalonis, videri poterat magis à natura, quam virtute expressus: Sed si animum advertamus ad similem, in quem erupit non tantum ob amicissimi Jonathæ, sed etiam ini-

micissimi Saulis eadem: facile dolorem & planctum utrumque summæ virtuti vindicabimus, dignumque judicabimus Davidem, qui se, & omnem mansuetudinem suam speciali memoriæ divinæ commendat. Psal. 131.

Doloris sui sinceritatem & magnitudinem testatus est in primis, quando nuncium cæsi salutis peremptoriæ sententiæ fulmine afflavit sine mora: *Accedent iræ in eum.* Deinde quando insolito, & amoris pleno luctu planxit, & plangi imperavit ab omni populo non minus Saulem, quàm Jonatham: *Considera Israel pro his, qui mori sunt super excelsa tua vulnerati: Inelyi Israel super montes suos interfecti sunt! Quomodo ceciderunt fortes? Montes Gelbos, nec ros, nec pluvia veniant super vos &c.* Notandum autem studiosè prodigiosum illud, quia amoris plenissimum, inimici elogium: *Saul & Jonathas amabiles, & decori in vita sua, in morte quoque non sunt divisi: aquilæ velociores, leonibus fortiores.* Oblitus injuriarum Saulis, memor beneficiorum Jonathæ, jungit utrumque in titulo amoris, *Saul & Jonathas amabiles!* Quàmvis Saul tigride sævior, Jonathas agno mitior: ambo tamen Davidi decori in vita sua.

Stupet hunc Christiani doloris & amoris excessum in Israelita Chrysostomus hom. 2. de Davide & Saule: *Postquam, inquit, audierat, regem in acie cecidisse; & discidium vestimenta sua, & cinere conspersus est, & eo luctu luxit, quo quis lugeret amisso primogenito, germanoque filio. Subinde nomen illius inclamans non cum filij nomine, composito etiam in defuncti laudem encomio, ac vocis acerbi doloris testes emittens, impastus duravit usque ad vespertum, execrans & ipsa loca, quæ Saulis sanguinem exceperunt.* Nec his contentus David, cum audisset; à viris Jabes sepultum esse Saulem; misit nuncios suos ad eos, dixitque: *Benedixi vos Domino, qui fecistis misericordiam hanc cum Domino nostro Saul (adhuc Dominum suum vocat) & sepelivistis eum. Ex tunc retribuet quidem vobis Dominus misericordiam & veritatem: sed & ego reddam gratiam, eo quod fecistis verbum istud.* 2. Reg. 2.

Si non aliud esset titulus, Davidem dicendi *Virum secundum cor DEI*: sufficeret omnino tam heroicis inimici amor, & sincerus de malo ipsius dolor, idque major, quàm de quavis propria calamitate. Hic est planè cordis Christi affectus: in hoc nos exerceamus Christiani, Religiosi & Ecclesiastici: ut simus *Viri secundum Cor Christi.*

FERIA IV.

Tessera diei: *Amor meus ascendit montem Calvarie.*

MEDITATIO. *Dei cur volueris Christum in monte Calvarie mori? Christi affectus in ascensu ejus montis: Desipere V. dolor.*

1. Adora

FERIA IV.

113

1. **A** Dora DEUM O. M. & considera: cur voluerit Christum non alibi, quam in monte Calvariz, mori? 1. Quia, ut ex antiquissima traditione & SS. Patrum testimonio habetur, ibi sepultus fuit primus homo & parens noster Adam: in cuius salutem, & totius generis ejus, ordinata fuit mors Christi. 2. Quia eundem montem consecraverant Abraham & Isaac heroicâ obedientiâ suâ: ibi enim immolandus erat Isaac, qui præsignabat Christum. 3. Quia eo tempore, quo passus est Christus, maximè infamis erat ea pars montis *Moria*, eò quod esset locus publicorum suppliciorum. Voluit autem DEUS, CHRISTUM extrema pati, & mortis ejus acerbiteratem ex omni circumstantiarum genere aggravari: ut vel sic abstergeremur à peccatis, quæ sic castigabantur in innocenti DEI Filio. O DEUS Benignissime; concute peccatricem hanc animam ingenti & constanti errore omnis peccati. Si alio titulo fugiendum non esset, sufficeret abundè, quid illius causâ sic excruciatu fuerit Filius tuus.

2. **A** Dora Dominum JESUM & considera eum ut innocentissimum & obedientissimum Isaacum, gravi pondere infamis ligâ onustum, ægrè etantem in montem Calvariz. Cogita, inter quos affectus conscenderit illud theatrum luctuosissimæ, quæ ab orbe condito datæ sunt, & dabuntur, tragediæ, spectaculum futurus DEO gratissimum, angelis tristissimum, hominibus probis saluberrimum, impijs funestissimum. Quantos elicit actus profundissimæ submissionis & fortissimæ obedientiæ erga Patrem, tenerri-
mæ compassionis erga Matrem, intimæ commiserationis & charitatis erga genus humanum! Recole, quam miserabili specie David profusus a facie Absalon! 2. Reg. 3. *Ascendit circum olivarum, scandens & flens, nudis pedibus incedens, & aperto capite; sed & omnis populus, qui erat cum eo, aperto capite ascendebat plorans; Ac longè miserabilior ascentus Christi in montem Calvariz. Et nos inter plausus & triumphos ascendere, non nisi in templum gloriæ, volumus? Fallimur: Non ascendet in montem gloriæ Domini, qui non prius cum JESU ascenderit montem Calvariz. Trahe me post Te, Patientissime JESU.*

3. **V**enerare DEI param Virginem & considera, quantum pondus doloris ipsi incubuerit, ascendente Filio in montem Calvariz, seu *Moria*; quod quidam interpretantur: *Myrrha mea DEVS*. Ascendebat & ipsa, lectura fasciculum, imò jam grandem fascem, myrrhæ, commoraturum inter ubera memoriæ ejus, & voluntatis dolore plenæ, usque ad momentum vitæ. Ibi vel maximè dicere poterat: *Myrrha mea DEVS*; qui alias ei fuerat Botrus Cypri dulcissimus. Sic in hac vita etiam ex optimis non datur su-

gere meram dulcedinem. O Mater afflictissima, depone hunc tuum myrrhæ fascem inter ubera mea, ut semper charissimus super omnia mihi sit DEUS; sive sit myrrha mea in tribulatione, sive Favus distillans in consolatione & prosperitate.

Proposui ascendendi ad heroicam Patientiam, præferui in occasione N.

LECTIO PRACTICA.

Eo tendendum, ibi commorandum libentius; ubi amplior patiendi occasio.

Intrepidus Salvatoris ac Domini nostri ascensus in montem Calvariae invitavit nos: ut fidi & alacres sequamur; nec refugiamus, quin potius appetamus ea loca, in quibus & absinthio potandi, & vesibus bonæ famæ atque honoris nudandi, & ignominiose crucifigendi sumus. Si tale theatrum non mererentur peccata nostra, meretur certe Gratiissimus JESUS, qui patibularem montem in catastrophæ feræ tragædiæ suæ elegit, & extremis, quibus poterat, viribus conscendit. Sequemur Servi Dominum? Arduum quidem est iter, funestus itineris terminus: Sed *Gloria magna est sequi Dominum*. Eccl. 23. Secuti sunt innumeri, quorum fidelitatem, magnanimitatem & gloriam a sæculo in sæculum enarrabit omnis Ecclesia Sanctorum.

De S. Dominico scribit Ferdinandus de Castilio in ejus Vita: eum libentius concionatum fuisse in ijs locis, in quibus contenebatur, quam in alijs, in quibus honorabatur. De Socijs S. Francisci refert S. Bonaventura 1. p. Chron. c. 4. Multa eis in diversis partibus orbis inferebantur convicia, tanquam personis despicabilibus & ignotis: verum amor Evangelij Christi ad eò eos patientes effecerat, ut quærent potius ibi esse, ubi persecutionem paterentur in corpore, quam ubi cognitæ eorum sanctitate mundano possent gaudere favore. Socijs suis præscribit S. P. N. Ignatius p. 3. Constit. c. 2. & p. 6. c. 3. *Nostræ vocationis est, diversa loca peragrarè, & vitam agere in qua vult mundi plaga; ubi majus DEI obsequium, & animarum auxilium speratur: quidquid sit de commodis vel incommodis proprijs. Quanquam incommodorum, contemptuum, & quorumvis adversorum, vult nos appetentiores esse, & non solum adminere, sed concupiscere totis viribus, quidquid Christus, Dominus noster, amavit & amplexus est.* In Exam. c. 4. §. 44. Mons ergo myrrhæ & Calvariae appetendus magis, quam excelsus ille, in quo tentator promissit, se daturum omnia regna mundi & gloriam eorum. Matt. 4.

S. Philippus Neri, cum per 23. annos in domicilio S. Hieronymi manens multa à quibusdam domesticis pateretur: ne occasionibus quotidianorum mentorum se privaret, noluit ad domicilium Patrum Congregationis Cratorij a se functi transire: donec Summi Pontificis auctoritate ad hoc fa-

ciensque

ciendum coactus est: ut scribunt Gallonius & Baccius in ejus Vita. Nimirum Sancti non sunt de genimine illarum arborum, quæ amant loca pinguis, irrigua & amœna, nec possunt deferere pinguedinem & dulcedinem suam, etiam propter regnum; Judic. 9. sed sunt de stirpe earum plantarum, quæ amant terram sticculosam & asperam; ibique frondent amœnius, & fructificant uberius.

De S. quadam Virgine Isidora memorat Palladius in Hist. Lausiaca, quod in monasterio, quod incolebat, pessime fuerit habitata à domesticis, per annos plurimos convicijs, contumelijs & verberibus affecta, à communitate reliquarum segregata, atque ad culinæ infima ministeria relegata. Quæ omnia summo silentio & patientiâ toleravit. At ubi DEUS per Angelum Abbati Pityrum revelavit ejus Sanctimoniam; cepit ab omnibus, dolentibus de sua temeritate, suscipi & honorari. Verum Isidora respuens locum, qui ei desisset germinare cruces, profugit inde: ut nunquam resciri potuerit; quod Christi amica, & inimica honoris, secessisset.

Ut mons Calvarix, mundo infamis & sceleratis horribilis, Christo fuit in desiderio & amore: ita qui Christum propius sequuntur, libenter relinquunt populo & delicijs plenam Hierosolymam, tenduntque avidius ad loca, in quibus sibi colligant pretiosioris myrrhæ fasciculum. Qui verò montem Calvarix studiosè declinant; & habitationi suæ cum Lot planiora amœnioraque eligunt; ijs plerumque idem contingit, quod eidem Lot: ut eadem calamitate cum sæculi amatoribus involvantur, ac primùm in gravem vitiorum servitutem abripiantur, deinde in præsentis salutis suæ periculo versentur; vel saltem iusto DEI judicio plures aut graviores ibi reperiant cruces, quam alibi timebant.

FERIA V.

Tessera diei: *Amar meus felle potatus est!*

MEDITATIO: DEVS amaris dulcia miscet: CHRISTO offertur vinum felle mixtum. DEspare V. dolor.

1. **A** Dora DEUM O. M. & considera antiquissimum ejus morem, quo solet propinatum hominibus calicem passionis temperare dulcedine amara consolationis. Scit enim, quàm delicati sensus finis; quod, parvulorum instar, vel non admittamus potunculam amariorem, nisi labium calicis sit nectare aliquo illitum; vel facile fastidiamus, nisi dulce aliquid superfundatur. Facit ille pater o affectu, quod faciebant Romani atrocioris supplicij iudicio, qui eos proximos extremo supplicio, ne intempestive

occumberent, reficiebant haustu vini suavioris & generosioris. O Pater Suavissime; tu scis imbecillitatem meam: attempera, obsecro, mihi calicem passionis, non prout velle me nosse, sed prout scis conducere. Bibam, qualem offeres; offer, qualem bibere potero.

2. **A**dora Dominum JESUM, & considera: quomodo Judzorum malitia modicam illam refectionem, etiam latronibus non negatam, Christo vertere studuit in majus tormentum. Haustum enim vini, de more offerre solitum reis, inauditâ barbarie corruerunt, injecto felle tam copioso, & crasso: ut non tam potus, quam esca videretur; juxta illud Psal. 68. *Dederunt in escam meam fel.* Dominus autem, cum gustasset, noluit bibere illud fel draconum, & venenum aspidum insanabile, non tam ob amaritudinem, (cujus erat avidissimus) quam ob bilem malitiæ Judzorum illi inditam. Condoleo tibi, Dulcissime Salvator. O quam libenter Tibi propinarem gratissimum palato tuo nectar, lachrymas cordis pœnitentis; nisi hoc saxo durius rigeret, & obstructi essent fontes oculorum meorum. Tu ipse illos aperis: fluant venâ perenni.

3. **V**enerare DEI param V. & considera: quàm acerbo perfusa fuerit dolore, quando vidit funestum illud poculum labijs Christi adnoveri. Non enim ignorabat, quo nectare conditum erat; cum ignara non fuerit Scripturarum aperte vaticinantium de felle propinando Christo. Sciebat, quanta gratia diffusa fuerit in labijs ejus; Psal. 44. quàm longè aliam myrrham, primam scilicet, id est optimam, fragrantissimam & saluberrimam, solita sint distillare. Cant. 5. Dolebat igitur acerbissime, eâ labia inquinari, & amaricari felle illo Hebræorum draconum. Compatior tibi, Mater afflictissima, & oro: Impetra gratiam, ut omnes actiones & cogitationes meæ accendant ad suavissimum gustum. Filij tui, Domini mei gratiosissimi.

Proposui mortificandi gustum, præsertim in occasione N.

LECTIO PRACTICA.

Quomodo mortificandu Gustus?

Non solum perdiligenter mortificandum esse gustum: sed primùm inendum esse certamen adversus gastrimargiam seu concupiscentiam gulæ; docet cum S. Gregorio lib. 30. Mor. cæterisque ascetis Cassianus lib. 3. Instit. c. 3. Tum quia valde dedecet, Virum Spiritualem servire ventri seu gulæ, & parvulorum vel semellarum more captare illecebras gustûs: tum quia homo his deditus ad tractanda Spiritualia redditur ineptus. Modos mortificandi gustum complures tradit P. Nicol. Lancicius Opusc. 2. c. 2. & quibus propono paucos, meritorios apud DEUM multa.

I. Morti-

I. Mortificetur Appetitus: ne quantitatem sustentationi necessariam transgrediatur. Id enim imperat ipsa virtus Temperantiæ, & excessus iste sine peccato non est, sive in cibo, sive in potu contingat.

II. Quantitate permissâ ita fruendum, ut nunquam plene satieris. Id enim & sanitati plurimum conducit ex Medicorum omnium sensu, & constanti communiq[ue] experienciâ: & præ rigidiorē per longius tempus inedia commendatur. *Parvus cibus, & semper esuriens venier triduanis jejuniis preferitur: & multo melius est, quotidie parum, quàm raro sumere:* inquit S. Hieronymus ep. 10. ad Furiam. In Vitis PP. refertur: quodd cū Abbas Cassianus cum Socijs quibusdam invisisset senem quendam; is fecerit eos gustare; imò satiatis adhuc invitârit ad comedendum. Respondente quodam: se jam non posse; dixit Senex: Ego supervenientibus Fratribus diversis, jam sexies mensam posui, & dum singulos hortor, etiam ego ipse manducavi, & adhuc esurio: tu verò hic semel manducans ita satiatus es; ut jam manducare non possis? Doctrina valde opportuna tam ijs, qui visitant, quàm qui excipiunt, alios.

III. Contenti simus cibo potuq[ue] communi, & nihil singulare appetamus aut admittamus: nisi manifesta ratio valetudinis vel præsentis occupationis, aliud requirat. Quod, ait Lancicius, omnibus quidem Religiosis diligenter observandum est; ijs tamen maximè, qui tenuiore fortunâ usi sunt in sæculo. Perstringit tales S. Hieronymus ep. 2. ad Nepotian. quodd, *qui vix milio & cibario pane rugientem ventrem saturare poterant: nunc (in Religione) similes & mel fastidiant.* Quodsi delicatius aliquid ultrò offeratur: qui id non tetigerit, aut per modicam delibationem irritatâ gulâ, reliquerit: *hic & Confessor & Martyr vocari potest: quia martyrij genus est, delicias habere, & illas non uti:* dixit S. Agnes S. Brigittæ. Quidam cum S. Conrado Placentino hujusmodi munuscula, si recusare non possunt, seponunt, nec attingunt, donec putrida scateant vermibus: & sic illudunt gulæ. Alij remittunt ad alios, præsertim ægros: contigitq[ue] aliquando circulus virtuosissimus, ut scribit Rufinus; dum S. Macarius oblatam sibi uvam misit Fratri infirmo; sed is animo quàm corpore validior, intactam misit ad tertium, is ad alium, donec uva omnium cellulas pervagata redijt ad S. Macarium, gratulantem DEO talem abstinentiam in servisejus. S. P. N. Ignatius nihil sibi uni apponi voluit unquam, & graviter administrum semel punivit; quodd uvæ racemum uni sibi apposuisset. *Massejū in Vita lib. 3.*

IV. Si cibus non sit ritè conditus, non solum non erumpendum in querelas, murmura aut diras: sed, etiamsi ipse condimentum facile posses apponere,

ponere, v. g. salem, acetum, oleum &c. non apponendum. Alphonsus Rodriguez notæ sanctitatis Coadjutor in Societate nostra, per annos 30 salem non comedit; quia illi valde sapiebat: nec succo malorum citrinorum cibos aspergebat, prout in ea regione etiam plebei faciunt. Multo minus de male conditis cibis conquerendum erit. S. Franciscus Borgiæ cum tyro coquus jusculum sapidius paraturus, herbas colligeret, etiam absinthium per inadvertentiam immiscuit. Paratum ferculum apponens: *Ede*, agebat, *Pater, jux meâ manu conditum*. Comedit Franciscus libenter; rogatusque, ecquid placuisset: *Nihil unquam comedi me dignius*; respondit. Gustantibus, quod reliquum erat, socijs, deprehensus error, reprehensus coquus. Procidenti ad genua & deprecanti; Dominus, agebat, *tibi benedicat, faciatque benigne*. *Vnus tu, de tot fratribus, sensum meum nosti: quâque potissimum re indigeam, percalles*. Catapotia amarissima paulatim sorbillabat, & dentibus comminabat: ut Christo felle potato aliquatenus responderet, & delicias gustûs, quibus olim esset usus, expiaret. *Schoen in Vita lib. 4. cap. 5.* P. Bernardus Colnagus noster studio, occulte tamen & dextrè insipidam aliquam herbam cibo immiscebat. P. Balthasar Alvarez cibum, qui ipsi sapiebat, statim amovebat.

V. In potu non tantum non quærenda voluptas, sed adhibendus etiam insipidus: haustus non faciendi grandes, præsertim urgente siti: Sitis subinde toleranda diutius. Plura docebit Amor JESU, sitientis in cruce, felle potati ante crucifixionem, ad expiandos gulæ nostræ excessus.

FERIA VI.

Tessera diei: *Amor meus vestibus spoliatus est!*

MEDITATIO. DEVS ad restituendam nobis stolam gratiæ Filium vestibus spoliari permittit: CHRISTVS nudatur: *DELPARE V. dolor.*

I. **A** Dora DEUM O. M. & considera: quomodo amissam gratiæ stolam in Paradiso, & alias per actualia peccata, non aliter nobis restituere voluerit, quam per Filium suum, vestibus suis omnibus spoliatum, & nudissimum in verecundis insipitæ multitudinis oculis propositum. Ut nuditatem corporum Adami & EVÆ contegeret, facile illis vestes pelliceas confecit: verum ut ejusdem, & nobis restitueretur stola primæ gratiæ sanctificantis, tunica polymita virtutum supernaturalium, paludamentum celestis gloriæ; majoribus opus fuit impensis, labore majore. Nec vellus tantum, sed pellis detrahenda fuerunt Agno DEI. Quam facile prodigimus nos ecclestes illas animarum nostrarum vestes; licet non nesciamus: sine ipsis nos non admittendos in conspectum DEI, sed ejiciendos in tenebras exterioris

exteriores, ubi erit fletus & stridor dentium! Matt. 22. Parce infanz prodigalitati meæ, Liberalissime DEUS; Erubescio, doleo, supplico: Tege nuditatem prodigi tui.

2. **A**dora Dominum JESUM, & considera: Quomodo illi jamjam crucifigendo rabidi satellites vestes detraxerunt cum summo ipsius dolore & confusione. Vestis interior per sanguinem concretum adhæserat dilacerato virgis & flagris corpori: unde per violentam ejus detractiōnem necesse fuit magnā parte renovari accepta vulnera, & cum veste etiam cutis concisa particulas quasdam avelli. Quæ avulsio & vulnorum renovatio sensibilibior esse solet, quam prima vulneratio. Ferunt: Sic nudatum Dominum, donec fossa & alia ad crucifixionem necessaria perficerentur, super lapidem confedissee, crudis vulneribus acerbissime dolentem, vento, frigori & hominum ludibrio expositum: atque tunc ei oblatum esse vinum felle mixtum. Vide, ô anima mea, hunc Virum dolorum, vide, & considera. Hic sponsus tuus est, sed sponsus sanguinum; Rex tuus est, sed à latronibus spoliatus, & plagis impositis non relictus, sed ad gravius tormentum servatus. Offer nudo lacernulam aliquam, aut, si rem ipsi facere vis gratiorem, depone in gratiam illius habitus tuos vitiosos, & pedibus ejus substerne. Si tantum animi non habes, ut eos sine mora, violento quodam seu heroico modo tibi detrahas, saltem exue sensim & minore dolore. Adjuva, ô Patientissime JESU, quia nimis inhærent animæ meæ.

3. **V**enerare DEIPARAM Virginem, & considera: Quanto doloremersum fuerit cor ejus maternum, quando vidit JESUM sic spoliatum, sic denudatum coram tanta hominum copia. Non potuit Michol æquo animo ferre Davidem maritum suum, deposito regio cultu, non penitus nudatum, sed accinctum ephod lineo, saltantem ante arcam Domini: Quam gloriosus, inquebat, fuit hodie Rex Israel, discooperiens se ante ancillas Servorum suorum: & nudatus est, quasi si nudetur unus de scurris. 2. Reg. 6. Quo igitur animi dolore tulerit Virgo Mater tam male nudatum à latronibus filium & sponsum suum? Compatior Tibi, ô Afflictissima, & per illos dolores oxo, ne patiaris me spoliari unquam pretiosâ divinæ gratiæ stolâ.

Tropositum patienter ferendi quorumvis bonorum jacturam,

LECTIO PRACTICA.

In bonorum temporalium jactura exultandum, non dolendum.

Bonis temporalibus ultrò se exuere quanti sit meriti apud DEUM, docuit Magister noster CHRISTUS, quando in præmium promisit centuplum in hac vita, & beatam æternitatem in altera. Hinc innumeri amplissi-

mis opibus & possessionibus sponte atque gaudentes cesserunt, in lucro repēnentes: quodd arenā exiguā & vili comparare sibi possint bona cœlestia atque æterna. At non minus arduum, si non magis, est: Spoliari bonis, quam ipsis spoliare seipsum. Præterquam enim, quodd utrobique par sit iactura, minus sentire solemus damna, quæ ultro facimus ipsi, quam quæ patimur aliunde. Nam non sola tunc nos premunt damna; sed etiam, idque maxime, damnificatores, quorum iniquitas & odium nobis esse solent acerbissima. Proinde hilare scire possumus animitus, & quodd erepti simus per paternam DEI Providentiam multorum malorum causis; & quodd uberiores habeamus, quos in cœlo speremus, thesauros; & quodd Redemptor nostro spoliato vestibus suis, ultimo favientis fortunæ spolio, conformiores evaserimus.

Admirabiles fuerunt in tali casu S. Eustachius M. Dux exercituum Trajani Imperatoris inclytus, & S. Elisabeth, Andreæ regis Hungariæ filia, Ludovici, Hassiæ & Thuringiæ Landtgravij relicta Vidua. Eustachius per Christum crucifixum inter cornua cervi apparentem conversus, admonitusque: quanta ipsi pro ejus nomine essent ferenda, ingenti & gestienti animo complexus est crucem. Per catenatā infortunia ē ditissimo factus egenus, dum in Ægyptum abire parat cum liberis & uxore, etiam hanc in portu amisit: postea dum fluvium cum filiorum altero trajicere parat, alterum à leone abreptum dum liberare contendit, etiam alterum à lupo asportari vidit, nec opem ferre potuit. Omnia tamen æquissimo tulit animo, illud mente volvens, quodd postea scripsit ep. ad Paul. S. Hieronymus: *Bonus est DEVS, & omnia, quæ bonus facit, bona sunt, necesse est. Conjugis orbis irrogatur: plango, quodd accidit. Sed quia sic placet Domino, æquo animo sustinebo. Unicus rapin est filium: durum quidem, sed tolerabile; quia sustulit ille, qui dederat. Dederat autem auferendum.*

Elisabeth cum festo quodam die splendide vestita in templi ingressu oculos coniecisset in obviam Christi crucifixi imaginem, hac cogitatione velut telo acutissimo confixa est: DEUS meus nudus in cruce pendet & moritur; ego superbe induta, auro gemmisque fulgeo, & mundi pompam duco. Quas vires reddo Domino ancilla insolens? Fuitque tam vehemens hujus cogitationis impressio: ut inter animi deliquia famulorum manibus templo efferri debuerit ad auram captandam. Abiectā ergo vestium pompā, statuit, deinceps nudum JESUM sequi propius: optavitque splendorem aulae regalis cum mendicabulorum forte commutare; quodd ei post mortem mariti liberaliter datum est. Nam à Cognatis Ludovici bonis omnibus exuta ad eam egestatem redacta subinde est: ut nec in unum diem annona ei suppeteret, sed mendica-

mendicatio quærenda fuerit; & descendens ex arce in oppidum, vix casam invenit, in qua pernoctaret. Gaudebat tamen in sinu, quod cum Christo non haberet, ubi caput reclinaret. Mane autem facto ad Ecclesiam PP. Franciscanorum se contulit, & Eucharistico SS. Ambrosii atque Augustini hymno solemniter decantato, gratum DEO animum est testata. Accessit ad cumulum calamitatis: quod inhumani bonorum invasores prolem quoque teneram, filium cum filiabus duabus, ad eam remiserint: quorum fors afflictæ magis laniabat viscera matris, quàm calamitas propria, præsertim cum hyemali tempore eos, ut par erat, fovere non posset. Excrevit in tantum egestas filia Regis Potentissimi, & Conjugis Ducis opulentissimi, DEO ad majus ejus meritum ita disponente: ut liberos ostiatum victum quærere oportuerit, Matre cum ipsis & pauperibus laborem manuum suarum dividente. Postquam autem Pontifice Maximo urgente, qui Thuringiam occupaverant, adacti sunt, ad dotem Elisabethæ restituendam, & congruam sustentationem ei præstandam: maluit ipsa cum nudo JESU perstare in sua egestate. Convocatis igitur ex tota Thuringia & Hassia pauperibus, dotem suam distribuit intra unum diem: nec adduci potuit à Legatis Regis patris sui, ut in Hungariam remigraret; sed in sinu sanctæ paupertatis ditissimum magnis meritis spiritum DEO reddere maluit, nobis documento relicto: Compendium felicitatis esse, dispendia fortunarum, amore JESU, patilibenter. Proinde ab eo, qui auferi tibi vestimentum, etiam tunicam noli prohibere. Luc. 6.

SABBATO.

Tessera diei: *Amor meus Cruci affigitur!*

MEDITATIO: DEVS impassibilis variè configitur ab hominibus: CHRISTVS crudelissimè affigitur cruci: DEI pater V. dolor.

I. A Dora DEUM O. M. & considera: quomodo malitia hominum non solum in corpus Christi Dei se invierit, sed etiam extenderit, & extendat manus suas & impietatem sacrilegam, in ipsum summum illum, immortalem & impassibilem Spiritum, variè illum configendo. Queritur ipse Malachiæ 3. *Si affiget homo DEVM, quia vos configitis me. Et dixisti: In quo configimus te? In decimis, & in primitiis. Et in penuria maledicti estis, & me vos configitis gens tota.* Si per subtractionem primitiarum & decimarum se configi queritur DEUS; quanto magis configitur tanquam telis quibusdam lethalibus, enormibus alijs sceleribus hominum, præsertim dum gens seu tota communitas conspirat in aliquod nefas? Tangitur nimirum dolore cordis intrinsecus (humano modo loquendo) dum experitur homines, tam ingratos, &

SABBATO.

tos & impudenter scelestos. At si arripuerit & ipse sagittas, seu lanceas facias, easque animæ nostræ infixerit, quis medebitur nobis? O *M*ericordissime DEUS, confige potius timore tui carnes meas, ne pereat anima mea pretioso sanguine Filij tui redempta!

2. **A** Dora D. JESUM & considera miserabilem pariter ac horribilem scenam in ejus crucifixione. Statim ac imperarunt carnifices, ascendit crucem; vel, si humi fuit affixus, supinus ei incubuit, tanquam fatali lectulo suo; mox promptus extendit pedes manusque ad affixionem; totumque se permisit crudelissimæ illorum voluntati. Recole Isaacum positum super lignorum struem, & nudatâ cervicæ expectantem ictum gladij paterni. At Christi divinas manus ferociter arripiunt lictores, distendunt brachia, quam possunt, maxime, & per medias manus repetitis ictibus crudeliter adigunt ingentes ferreos clavos. Similiter arreptis sacris pedibus totum corpus tantâ violentiâ instar chordæ extenderunt, ut *dinumerari possent omnia ossa ejus*, Psal. 21. imò juncturæ membrorum solverentur. *Dispersa sunt omnia ossa mea*, dum per nervosiores pedum partes adacto clavo uno vel gemino atrocissimè affixerunt, sanguine divino ex 4. illis vivi paradysi fluvij profuso, largè crucem terramque rigante. O manus divinisimæ, quibus hyacinthis vos plenas video, quam copiosam amaramque stillatis myrrham! O pedes speciosissimi pacem evangelizantis DEI! quibus ego vos lachrymis cum Magdalena rigabo? quibus imbuiam unguentis? Amabilissime JESU, quis me tuæ configat cruci? Me ipsum, obsecro, incita contra me, ut ipse crucifixor & crucifixus carnem meam crucifigam cum concupiscentijs suis.

3. **V**enerare DEIPARAM V. & considera: Quomodo commota & convulsa sunt materna ejus viscera tam immani supplicio innocentissimi Filij sui: Quomodo maternos ejus oculos sauciavit horrenda illa divini corporis extensio, divini sanguinis perfusio: Quomodo aures perculit feralis sonus malleorum, & insulantium satellitum petulantia: Quomodo cor ejus vulneravit admiranda & inaudita Christi patientia. Compator ineffabili dolori tuo, ô Mater Afflictißima, & oro: Sancta Mater, istud agas, Crucifixi fige plagas cordi meo valide.

Proposui crucifigendi carnem cum concupiscentijs suis.

LECTIO PRACTICA.

Quomodo nos cum Christo crucifigi oporteat?

Refert

Refert Cæsarius lib. 8. cap. 15. Christum D. cuidam Religioso Cisterciensi per visum ostendisse 15. Monachos secum Crucifixos, atque dixisse: *Hi soli ex omni Congregatione mecum crucifixi sunt; mea Passioni vitam conformantes suam.* Non arguit Dominus ceteros tanquam vitiosos aut dissolutos: sed solum indicat; eos ad hunc perfectionis & honoris gradum non pervenisse, ut essent cum ipso Crucifixi: quia nimirum minus dediti fuerunt mortificationi & tolerantiae incommodorum atque injuriarum (quâ excellerunt quindecim illi) quod est Passioni Christi vitam suam conformare. Cæterum, ut clarius appareat quid sit: Crucifixum esse cum Christo; seu *Christo confixum esse cruci*, ut loquitur Apostolus Galat. 2. duo videntur ad id requiri.

Primum est, ut nos ipsos, amore JESU, privemus libero usu membrorum corporis nostri, præsertim manuum & pedum, idque constanter, per ferrea seu nunquam infringenda proposita, quæ vices subeant ferreorum clavorum. Quemadmodum enim cruci affixo liberum non est, ire quo vellet; totumque corpus expositum habet quibusvis incommodis & injurijs: sic eos, qui cum Christo crucifigi volunt, oportet habere manus pedesque non solum vinculis quibusdam solubilibus adstrictos, sed velut clavis usque ad mortem affixos: ut non tantum non possint cum impijs ambulare in circuitu, sed neque per amena spatia liberiùs, aut quærere lucra sua, vel tendere ad honorum fastigia. Imò si vocentur, atque invitentur ad talia, ire nec velint, nec possint; sed cum Apostolo dicere debeant: *Christo confixus sum cruci.* Similiter si inordinati quidam & discolor affectus, vel Socij, incitent impeilantque ad hoc illudve agendum sive vitiosum, sive imperfectum; manus oportet esse immobiles: *Christo confixus sum cruci.* Corpus denique totum pateat & cæli & hominum injurijs, tanquam Christo confixum cruci ita; ut contraxisse videatur impotentiam quandam declinandi talia, vel se expediendi ab illis, vel procurandi sibi leniora quædam fomenta: qualem impotentiam suam prodidit castissimus Josephus sollicitatus ad nefas, Genes. 39. *Quomodo possum hoc malum facere?* Et hoc intelligit Apostolus, dum ad Galat. 5. 24. dicit: *Qui Christi sunt, carnem suam crucifixerunt cum vitijs & concupiscentijs.*

Alterum est: ut firmâ constantique voluntate velimus perpetuò expositi esse contemptui, ludibrijs, opprobrijs, calumnijs, & quibusvis in fama & honore injurijs: non solum non reddendo, vel optando mala pro malis; sed optando & reddendo bona pro malis, orando pro persecutoribus, injurias excusando, ac omnem denique voluntatem & dispositionem DEI circa nos, quantum

DOMINICA PALMARUM.

quantumvis gravem, fideliter fortiterque consummando. Hanc enim nobis exhibuit normam Crucifixus JESUS. Hoc est, Crucifigi cum Christo, & Christo configi cruci; seu *Pati Christiformiter*; prout in alis Seraphini sibi apparentis scriptum legit B. Henricus Suso.

Convertit enim sese aliquando eximius hic Crucis amator & bajulus ad DEUM, perquam serio orans, ut ipsum pati doceret. Apparuit ergo illi per visum similitudo Christi crucifixi in forma Seraphini, qui sex habebat alas: & duabus quidem tegebat caput, duabus pedes, & duabus volabat. In duabus infimis alis scriptum erat: *Afflictionem sponte suscipe*. In medijs; *Feras crucem æquanimiter*. In supremis expressum erat: *Disce pati Christiformiter*. Suius in Vita 25. Jan.

Hic nimirum summus est gradus & apex Patientiæ nostræ, si conformata fuerit modo patiendi Crucifixi Christi. Nec aliam ob causam ipse Dominus talia & tanta tali modo pati voluit: nisi ut nobis in se ipso normam traderet patiendi; quam in momento Incarnationis inchoatam, omnibus numeris absolvit Crucifixus, & moriens in Cruce. Unde eleganter S. Laurentius Justinianus in Fascic. amor. cap. 11. *Se propterea Christus voluit transformare in singulos; ut charitatis compagine singulos reformaret in se, conformaretque sibi. Fecit se sicut te: ut te faceret sicut se*. Non est autem conformatio cum Christo absolute perfecta: nisi sit conformatio cum Christo Crucifixo: quem admodum nec opus reparatæ salutis nostræ consummari potuit, nisi à Crucifixo.

Crucifixus igitur Christus, Crucifixus JESUS, Crucifixus DEUS sit nobis in oculis, in mente, in corde: ut nostram nostræ Crucifixionem feliciter absolvamus; memores, quod si socij fuerimus passionum in ignominia & acerbitate crucis; erimus & consolationis in gloria æterna. 2. Cor. I.

DOMINICA PALMARUM.

Tessera diei: *Amor meus Crucifixus quàm admirandum Objectum!*

MEDITATIO: DEVS cur Christum crucifigi voluit? CHRISTVS Crucifixus quàm varijs hominum affectibus excepim; DEIPARÆ V. dolor.

I. A Dora DEUM O. M. & considera causas, ob quas Christum, hostiam pro peccatis nostris, crucifigi, sapientissimè voluit. 1. Ut manifestius demonstraret sapientiam & potentiam suam summam; quod non armis, aut politicis artibus, sed infami ligno & morte Christi ad faum, & ipsius obsequium subigere possit mundum universum. 2. Ut diabolus, qui per lignum vicebat, per lignum vinceretur. 3. Ut, unde mors oriebatur, inde vita resur-

DOMINICA PALMARUM.

129

ea resurgeret; adeoque magis pateret Sapientia Medici. 4. Ut Christus pendens inter cælum & terram exhiberetur tanquam Mediator reconcilians imis summis. 5. Quia omnia omnium peccata in se suscepit Christus: summo, quod tunc erat, supplicio ea expiari voluit. 6. Ut eo magis animarentur Martyres ad sustinenda quævis tormenta. 7. Ut tanto amabilius nobis redederetur Christus & ipse Deus. Adoro Sapientiam & Bonitatem tuam infinitam; O. M. Deus, in crucifixione Filij tui maxime relucens. Fieri non poterit, ut non amem Te; qui Filium Unigenitum voluisti crucifigi pro me?

2. **A**dora D. JESUM & considera: quibus hominum affectibus excipit fuit, postquam crucifixus apparuit. Confluxerant ad færale spectaculum multa hominum incolarum & advenarum millia, frequentia longe majore, quam ante dies; quando inter palmas & plausus introductus in urbem fuit JESUS. Vix erat, qui tangeretur commiseratione: *Sustinui, qui simul contristaretur; & non fuit: & qui consolaretur, & non invenit.* Ps. 68. imò, omnes videntes me, deriserunt me; locuti sunt labijs, & moverunt caput. *Aperuerunt super me os suum; sicut leo sapiens & rugiens.* Ps. 21. Exultabant Seniores cum populo, Pharisei cum Scribis & Pontificibus; quod tandem metam votorum suorum attigissent. *Satiati sunt penis meis.* Job. 16. Non clamatur jam: *Osanna in excelsis filio David; Benedictus, qui venit in nomine Domini Rex Israel: sed Maledictus, qui pender in ligno.* Deuter. 21. Pilatum exagitabat conscientia sceleris: Judam, si nondum interiit, in laqueum impellebat desperatio, discipuli tunc maxime scandalum patiebantur; sola Mater cum Joanne recolebat mysterium, adorabat Crucifixum. Et ego Te, mi Jesu, non solum regnantem à ligno; sed etiam pendentem in ligno, credo, confiteor & adoro Dominum meum & Deum meum. Benedictus sis in æternum & ultra: quia pro nobis fieri voluisti maledictum. Absit mihi gloriari, nisi in cruce tua, in qua est salus, vita & resurrectio nostra.

3. **V**enerare DEI param V. & considera: quomodo non erubuerit videri Mater Crucifixi JESU: imò propior accessit cruci; ut tam loci conjunctione, quam doloris magnitudine profiteretur se Matrem, & è vicino profundius in cor maternum exciperet doloris gladium, è corde Crucifixi dolorum pleno vibratum. *Stabat ergo juxta crucem JESU Mater eius.* Rarum spectaculum; in tanta talis filij calamitate videre Matrem stantem; idque juxta crucem JESU, omnibus tam invisibile, ab omnibus maledictum. O Mulier fortis, gratulor Tibi tantam animi constantiam. O Mater dolorosa,

filium, juxta crucem tecum stare, me libenter sociare in planctu desidero. Fac, ut nunquam è memoria, nunquam è corde mihi excidat JESUS CRUCIFIXUS.

Proposui venerandi & amentè inuendi Imagines Crucifixi JESU.

LECTIO PRACTICA.

Quibus affectibus inneri & recolere debemus Crucifixum JESUM.

I. **A**ffectu sinceræ Penitentiae. Causæ poenitendi sunt: 1. Quòd etiam nostra peccata (ò qualia, quot & quanta!) causa fuerint totius Passionis & Mortis Christi. Posuit in eo Dominus iniquitatem omnium nostrum. Vulneratus est propter iniquitates nostras: aurum est propter scelera nostra. Isa. 53. O quantum cæteris graviora mea! 2. Quòd ad hanc diem valde frigidam egimus poenitentiam; & quæ fortè meritò sit suspecta. 3. Quòd emendatio vel nulla, vel exigua sit secuta; & quotidianis, ac ferè momentaneis peccatis iterum iterumque recrudescere fecerimus vulnera antiqua. Conteramus ergo totis gratiæ & naturæ viribus cor sceleratum, & in summa faciei confusione ingemiscamus cum Davide: Peccavi! Clamemus cum Bartimæo cæco: Luc. 18. Jesu, Fili David, miserere mei! Cum B. Catharina Genuensi: Non amplius, Domine, non amplius! Cum Ecclesia: Ingemisco sanguinem reus; Culpæ rubescit vultus meus; supplicanti parce Deus.

II. **A**ffectu fiduciæ & spei. Causæ sunt: 1. DEI Misericordia infinita, ob quam plus potest dimittere, quàm infiniti peccatores peccare. 2. Benignitas Christi inexhausta, & sanguinis ejus efficacia infinita. 3. Oratio ejus, etiam in cruce pro peccatoribus, & Reservatio Stigmatum ad interpellandum pro peccatoribus. 4. Matris Christi summa benignitas, erga genus humanum charitas, & apud Filium autoritas. Quomodo ergo desperemus de venia, & non potius firmiter speremus gratiam & gloriam? Ecce in manibus suis descripsit nos. Dicamus cum Augustino: *Legi, Domine, scripturam*, utique gratiæ & misericordiæ, & *salva nos*. Non moriar, sed vivam. *Hinc enim pascor à vulnere, hinc lactor ab ubere*. Ecce Christus Patri ostendit vulnera: MARIA CHRISTO pectus & ubera: ubi orant hæc charitatis & clementiæ insignia, non potest esse repulsa; ait Arnoldus Carnoten:

III. **A**ffectu ardentis amoris. Causæ sunt: 1. Charitas, quæ præventi sumus, idque ab æterno. 2. Quòd amati simus, etiam cum inimici essemus. 3. Quòd amati simus usque ad profusionem totius sanguinis & vitæ. 4. Quòd innumeris titulis debeamus DEO & CHRISTO ejus amorem ex toto corde & anima tota. 5. Quòd hactenus offensas pro dilectione rependerimus. In-

mus. Inclamemus eum S. Magdalena de Pazzis: *O Amor! Amor! Amor! Quid aliud Te, Crucifixe Jesu, quam Amorem appellem? Et cum S. Bonaventura: Transfige, dulcissime JESU, medullas & viscera anime mee, suavissimo ac saluberrimo amoris tui vulnere.* Cum S. Ignatio M: *Amor meus crucifixus est.* Quid aliud ut homines amabimus, si Jesum Crucifixum pro nobis, non amamus?

IV. *Affectu Timoris moderati.* Causæ sunt: 1. Iterata quodammodo Crucifixio, & divini sanguinis conculcatio, quoties lethaliter peccavimus. 2. Abusus Clementiæ & Misericordiæ divinæ, ac Redemptoris Christi, per tot annos. 3. Si hæc in viridi: quid fiet in arido? 4. Summa nostra Ingratitudo, & seriæ penitentiæ negligentia. Dicamus cum S. Psalte: *Confige, Domine, timore tuo carnes meas. Confige, Gratiosissime JESU, clavis, vepribus & lanceâ tuâ cor meum, & animam totam: ut à judicijs tuis & cumulandis deinceps offensis, timeam medullitibus.*

V. *Affectu Gratiudinis debite.* Causæ sunt: 1. Inestimabile beneficium Redemptionis. 2. Redemptio copiosissima, & infinite superaffluens. Cum posset guttâ, maluit undâ. 3. Traditio Filij Dei, Domini mei, in mortem propter servum nequam. Canamus in æternum Misericordias & Beneficia Domini, cum Ecclesia: *O mira circa nos tue pietatis dignatio! O inestimabilis dilectio charitatis! Ut servum redimeres, Filium tradidisti!* Inquiramus cum Psalmographo: *Quid retribuam Domino?*

VI. *Affectu Compassionis intime.* Causæ sunt: 1. Quia innocens vulneratus & occisus est Dominus. 2. Quia à planta pedis usque ad verticem capitis non est sanitas in eo. 3. Quia Rex tremendæ Majestatis factus est opprobrium hominum & abjectio plebis. 4. Quia hæc omnia tulit amore mei. Dicamus cum Sponsa Cant. 1. *Fasciculus myrrhæ Dilectus meus inser ubera mea commorabitur.* Et cum Bernardo: *DEVS meus pendet in patibulo: & ego voluptatis operam dabo? Nolo vivere, Domine, sine vulnere, quia te video vulneratum.*

Denique quibusvis pijs affectibus, in omni genere virtutum, tumultuantiæ erumpentibus, imperante Charitate & impellente Gratiitudine, prosequamur, veneremur, & colamus Crucifixum amore nostri DEUM ac Dominum nostrum. CHARITAS enim Christi inestimabilis urget nos, 2. Cor. 5.

FERIA II

Tessera diei: *Amor meus pendet in medio latronum!*

MEDITATIO: DEVS summo honori Christi præmittit summam confusionem: CHRISTVS pendet in medio latronum: DEI pars V. dolor.

1. A Dora DEUM O. M. & considera: quomodo, cum CHRISTO deberentur summi honores, & hypotaticæ unionis, & maximo-

R

rum me-

rum meritorum titulo; ut ipse esset *Caput supra omnem Ecclesiam*, Ephes. 1. *in omnibus primatum tenens*, Coloss. 1. præmitti tamen huic honorum fastigio & splendori confusionem summam, voluerit; ut non solum reus mortis decerneretur, cruci affigeretur, in cruce moreretur; verum etiam medius inter duos latrones penderet; quo nihil deterius & ignominiosius homini ingenuo & innocenti, nedum REGI Regum, DEI Filio, contingere potuit. Tanti orat, fastui & arrogantiae nostræ ruborem adspargere. Erubescere jam; quisquis æquales non pateris, & vivere non potes, nisi summus inter tuos. DEI Filius propter te & fastum tuum pendet in patibulo, in medio latronum: tu parem pati non poteris in dignitate? Gratiæ Tibi immortales, Benignissime DEUS, pro tam pretioso superbiz nostræ remedio.

2. **A** Dora D. JESUM & considera eum pendentem in cruce in medio duorum latronum. Promovit eum ad hunc ignominiosissimum locum rabies dæmonum & hominum inaudita malitia: ut Sanctus Sanctorum videretur coryphæus latronum, & pessimis pejor. Pro malitiæ velo impostus est fastigio crucistitulus Judæorum Regis, quasi malis artibus, & seditione quæsitus. Proh! quam longè deterior fors Christi in monte Calvariz fuit, quam in stabulo Bethlehemitico! Vidit illum ibi Propheta & attornitus exclamavit: *Consideravi opera tua, Domine, & expavi: in medio duorum animalium cognoscēris.* (Habac. 2. juxta versionem Septuag.) Quāto magis expavisset, imò obriguisset, si vidisset eum in patibulo in medio duorum latronum, & inter tot belluas immanes, quoterant persecutores! Quis jam Christianorum conqueratur de prostituta dignitate vel autoritate sua? DEI Filius & Dominus noster tanquam *novissimus virorum* (Isa. 52.) *cum sceleratis reputatus est*; nobis continuò in mente & ore erit illud architectorum turris Babel seu confusionis suæ: *Celebremus nomen nostrum?* Gen. 11.

3. **V**enerare DEI param V. & considera, quanto illam dolore eum ulaverit gravissimus ille contemptus Christi; quando eum jam non vidit in stabulo, sed in patibulo; non in medio bovis & asini, sed ferocissimorum & sceleratissimorum latronum; non in medio Doctorum, aut inter Moysen & Eliam, sed inter proditores Domini sui & Deicidas. Compatior Tibi, o Afflictissima! & obsecro, ut impetres mihi, Mater, non jam sessionem a dextris vel sinistris Filij tui in regno ejus; sed ut amem in cruce & ignominia ipsi associari. Hæc nunc sit pars & hæreditas mea. Amet, qui JESUM Crucifixum non novit, subscenia prima & cathedras primas: me locos novissimus decet.

Proposuum patienter ferendi Confusiones, etiam publicas.

LECTIO PRACTICA.

Innocens etiam inter reos securus est sui: Reo etiam inter innocentes timendum.
PEndens in medio latronum Innocentia, JESUS, sustinuit animo planè divino ignominiosissimum supplicium: permisit, se infami ligno non premi solùm, sed opprimi, repositam habens in sinu suo spem non confundentem, de gloriosissimo propediem adfuturo Innocentiæ suæ triumpho. Non exposulavit proinde cum Præsidente iniquissimo, non vocavit ad Tribunal divinum sanguinariam turbam cum rabidis Pontificibus suis: sed libens institutum cursum suum permisit Providentiæ & Justitiæ divinæ, immani confusione & oppressione sui contempta, probè gnarus; neminem fieri reum nisi à se ipso; & superesse vindicem, qui nec falli, nec corrumpi possit.

Nullum est innocenti oppresso præsentius solatium & præsidium, quàm conscientia innocentiae suæ DEO notæ & charæ. Hoc se tuebatur Joseph inter reos carceris socios; de quo Chrysostomus hom. 62. in Genes. *Adductus in carcerem*, inquit, *silenso tulit omnia.* Non sicut alij: qui dum non sunt sibi conscij malitiæ, magnâ utuntur fiducia, & dicendi libertate, superbientes & inflati, & insurgentes contra eos, qui insonantibus crimine intentant. Verùm ille non sic; sed silet, & omnia mansuetè fert, & magna cum patientia DEI expectat subsidium. Quo factum est, ut non solùm impositi criminis ignominiam tacitus diluerit: verùm etiam Prophetiæ donum, & primam post regem in tota Ægypto meruerit dignitatem. Unde idem Chrysostomus epist. 3. ad Olymp. ait: *Nulla res æquè splendidos & admirandos homines reddit, tantoque bonorum acervo cumulatur: ut tentationum frequentia, & pericula, & labores, & mærores, & perpetue insidiae, ab ijs, à quibus minimè decebas, comparare; dum tamen omnia æquo & placido animo ferantur.* Non solùm cum sceleratis reputata, & in crucem acta; verùm etiam sepulta, & saxi obruta Innocentia germinare solet ut lilium; & flores ejus fructus honoris & honestatis: ut manifestum est in Salvatore & innumeris servis ejus.

Non sic impij, non sic. Lavent sanè inter innocentes manus suas: nemo hominum, nec oculus mundi sol sit testis iniquitatis eorum; abscondant illam non solùm in sinu, sed inferutabili abyſso cordis sui: securi tamen non sunt. Vidit enim & notavit Oculus, qui simul testis & Judex est. Prodet suo tempore, & innocentiae larvam detrahet reis. Mirandum est, quod Discipulus tradit, Promt. lit. E. Exemp. 39. Bertoldus Palentinus de Guildispach Judex erat severissimus ita; ut furibus pro damno unius oboli vitam aufer-

ret. Unde quoties domo exibat, laqueos cingulo suo appendebat: ne reorum pœna caperet dilationem. Die quâdam manè surgens; & laqueum cingulo suo more solito appendens, vocem in aere audit: Bertolde, qui tibi primus in egressu tuo de castro occurrerit, hoc laqueo ipsum suspendas. Qui vocem pro omine & imperio accipiens, cum procederet; primus ei occurrerit Scultetus suus, homo, ut credebatur, rectus & honestus. Quo viso cum satis doleret Bertoldus, eo quod illum diligeret, dicebat ei: Doleo de occursu tuo. Quare, ait? Quia suspenderis. Quare suspendar? Nescio, respondit Palentinus: Sed præpara te per confessionem, & ordina de rebus tuis; quia voci divinæ resistere non valeo. Ille videns ferid rem agi, & se deprehensum, dixit: Justus est Dominus! Nam plures ad domum meam divergentes insecutus occidi; multis multa rapui, nec tibi, Domine, unquam fidelis extiti; neque pauperibus peperci. Mirati sunt omnes audientes ejus confessionem, & cognoverunt; reis, quantum vis occultis, imminere justum & omniscium Judicem: qui & innocentes subinde permittit inter sceleratos reputari ad majorem suam & ipsorum gloriam; & reos occultos & ceteros innocentium mirabiliter extractos, producit in lucem, & meritis afficit supplicij.

Non omnis, qui pendet inter patibulatos, fur est aut latro: nec raro inter justos sedet furcâ, rotâ, vel rogo dignus. Dominus est, qui merita discernit, & præmia suppliciaque dispensat, loco & tempore sibi placito. Si alicujus innocentiam in diploide infamiae deducit in tumultum; educet illam gloriosiore, ubi opportunum fuerit. Dominus mortificat & vivificat: deducit ad inferos & reducit. 1. Reg. 2. Timeant, qui habitu sacro vestiunt scelera sua: Quia DEVS Scientiarum Dominum est, & ipsi præparantur cogitationes. Ibid.

FERIA III.

Tessera diei: *Crucifixus Amor meus blasphemij horrendis & improprijis exagitatus est!*

MEDITATIO: *DEVS & CRUCIFIXVS JESVS blasphemos & illusores colerant: DE pare Virginis dolor.*

A Dora DEUM O. M. & considera admirandam ejus longanimitatem & patientiam, quâ horrendas in Christum jactatas blasphemias & ludibria toleravit. Petulante joco perstrictus fuit Elifusus, & quidem a pueris parvis, 4. Reg. 2. & mox immisit in eos DEUS vindices urfos, qui ex eis duos supra triginta lacerarunt. Filium suum supremo agone luctan-

tem linguis blasphemis crudeliter lacerari finit impune; quasi servus pretiosior illi esset Filio. Vide masculum DEI amorem, & rigidum procedendi modum cum Charissimis sibi. Et nos continuò mulceri optabimus? Vultum austerum, ne dicam manum castigantem, non feremus?

2. **A**dora D. JESUM, & considera, quantas pendens in cruce inter summos dolores toleraverit contumelias, ludibria, impropria, blasphemias à variaz conditionis hominibus. *Prætereuntes blasphemabant eum; moventes capita sua, & dicentes: Vah; qui destruis templum DEI, & in triduo reedificas illud; salva te ipsum.* Nec religiosiores fuerunt principes Sacerdotum; sed illudentes cum Scribis & Senioribus dicebant: *Altos salvos fecit, seipsum non potest salvum facere. Si Rex Israel est, descendat nunc de cruce, & credimus ei. Confidit in DEO: Libere nunc, si vult, eum;* Matth. 27. Et stabat populus spectans, & deridebant eum Principes cum eis, Luc. 23. Illudebant autem ei & milites accedentes, & aciem offerentes ei, & dicentes: *Si tu es Rex Judæorum, salvum te fac.* Ibid. Nec latrones cum eo crucifixi tacebant: *Idipsum & latrones improperabant ei.* Matth. 27. Conviciabantur ei, Marc. 15. Quæ convicia, impropria & blasphemiz quàm acerba fuerint Afflictissimo JESU, prodidit per Psalmographum Psal. 68. *Quoniam, quem tu percussisti, persecuti sunt, & super dolorem vulnerum meorum addiderunt.* Compatior Tibi intimè, Afflictissime Salvator: Protoleratis impropertijs benedicet Tibi totis viribus anima mea: Laudabit, magnificabit, glorificabit, superexaltabit Te in sæculorum sæcula.

3. **V**enerare DEIPARAM V. & considera: quomodo animam ejus divini honoris studiosissimam tot lanceis crudelissimis perfoderint impij illi; quot verba blasphemiz & conviciorum jactarunt in Christum. Fuit autem dolor tantò major, quanto major erat copia illudentium & blasphemantium. Dicitur autem de his Psal. 21. *Omnes videntes me, deriserunt me; Locuti sunt labijs, (horruit exprimere facer Psaltes, quid locuti sint) & moverant caput.* Recolebat quoque Afflictissima Virgo, non sine novo dolore, pœnas olim ab impijs illis dandas juxta comminationem Isaiz cap. 1. *Ve genti peccatrici, populo gravi iniquitate, semini nequam; filijs sceleratis dereliquerunt Dominum, blasphemaverunt Sanctum Israel.* Atego per singulos dies benedicam illi, & laudabo nomen ejus in sæculum, & in sæculum sæculi. Adjuvame, Domina, & infrena os meum laude ipsius.

Proposui afflitos non affligendi amplius verbo aliquo.

LECTIO PRACTICA.

Afflitos non addenda Afflictio.

R.

Et est

EA est inhumanorum quorundam cordium cruditas : ut non solum gaudeant in calamitate & afflictione alterius ; verum etiam studeant, vel non caveant, afflicto addere afflictionem. Adversatur hæc pravitas in primis Naturæ humanæ ; quæ ut per se socialis est, amatque vitæ societatem : ita in compassionem prona est, moveturque tenero affectu, etiam dum animalia domestica gravi dolore laborare cernit. Innata quoque sibi habet Maximam illam : *Quod tibi non vis fieri ; alteri ne feceris*. Nolumus, & intolerabile nobis est ; si alterum de afflictione nostra gaudere, aut intentum esse, ut illam augeat, advertamus : naturali ergo lege, & nobis ipsis à tam cruda inhumanitate est abstinendum.

Deinde adversatur Christianæ Charitati, cujus cardinales leges sunt : *Gaudere cum gaudentibus, Flere cum flentibus*. Rom. 12. Et Galat. 6. *Alter alterius onera portate : & sic adimplebitis legem Christi*. Qui compatitur afflicto, quasi partem oneris & doloris ejus transfert in se : & ille allevari se sentit, dum videt benevolam alterius erga se affectum. Qui vel gaudet de alterius afflictione, vel alio modo sinistrum erga eum prodit affectum : novum illi imponit onus, & æetum ejus felle miscet. Quod sanè barbarum & inhumanissimum est, proditque venenum & indolem antiqui serpentis, cujus negotium, solatium & gaudium est ; inquietare, vexare, affligere & perdere homines.

Porro Afflictio additur afflicto diversimodè. 1. Prodendo gaudium de ejus afflictione. 2. Ostendendo amarum erga illum animum, seu aversionem ab illo : v. g. non exhibendo ei solita humanitatis, aut communia Christianæ Charitatis officia, vel subtrahendo singularia benevolentiae & amici affectus signa, quæ alias tali personæ, aut similibus, exhibere solebas. 3. Improperando & exprobrando calamitatem præsentem, tanquam pœnam à DEO, justo Judice, inflictam, propter aliquos excessus, vel defectus. Qui aculei valde acuti sunt ; & intimè vehementerque pupugerunt ipsum illud Patientiæ Miraculum, innocentissimum Job. Amici enim ejus, non intelligentes occulta judicia divina, existimârunt : tantam calamitatem non aliam ob causam esse Jobo immissam, quàm quod gravi quopiam delicto ipsum offenderit, & ad iram provocârit : cum DEUS totam illam tragediam instituerit ad demonstrandam orbi, & ipsi Satanæ, innocentiam constantem & heroicam Viri patientiam, atque ad augenda ipsi merita, gloriam & coronas. In quem finem etiamnum multos sibi charissimos varijs, gravibusque exercet infortunijs & tribulationibus : ut plerumque periculosum sit, si non temerarium, judicare, DEUM in pœnam specialem talia ordinasse. Quod,

quàmvis

FERIA IV.

136

quāvis re verā subinde ita sit : nobis tamen ita sentire periculosum est ; tum quia DEUS sēpē aliā intentione talia agit ; tum quia hoc ipso damnamus proximum alicujus gravis delicti (quis autem nos constituit iudices ?) cū minorā & communia non soleant graviter in hoc mundo plecti. Et sic accedimus iniquo sensui amicorum Job, similemque ac illi, meremur indignationem divinam. *Iraus est furor meus in te* (dixit Dominus ad Eliphaz) & *in duos amicos tuos.* Job. ult.

4. Addunt afflictionem afflicto, qui falsis dicerijs, sannis, convicijs, vel illusionibus eum laceffunt ac perstringunt, quasi unguem mittentes in ulcus. *Non irideas hominem in amaritudine animæ suæ* : monet Spiritus S. per Ecclesiasticum c. 7. 12 *Est enim, qui humiliat & exaltat, circumspector DEVS.* Derisoribus affines sunt illi, qui hujusmodi hominum dicta, vel facta, vel agitata contra afflicto referunt eidem. Nam sub specie solatii pugionem adigunt in viscera ejus. Expedit ut nesciatur ; quod jam evitari non potest, & cui tunc idonea remedia adhiberi non possunt. 5. Ad hanc injuriantium classem pertinent, qui vel nova onera imponunt afflicto, vel a communibus eum non eximunt, prout possent & deberent secundum jura naturalia, Christianæ Charitatis, aut patriæ suæ. Portabunt judicium suum & divinum hujusmodi exactores. *Judicium sine misericordia illi, qui non fecerit misericordiam:* (Jac. 2.) quā vel maxime indigent afflicti. Specialiter parata sunt derisoribus judicia : & *mallei percutientes stultorum corporibus.* Proverb. 19. Quid autem stultius, quam deridere, vexare, aggravare afflicto ?

Ceterum in talibus occasionibus assurgant animis afflicti, & ipsā tristi sorte suā solentur se : tum quia momentaneum hoc & leve tribulationis æterni gloriæ pondus operatur in ipsis ; tum quia Crucifixus DEUS, sannis, ludibrijs, convicijs, improprijs, blasphemijs, & omni genere contumeliarum exagitatus ab omni genere hominum in summa amaritudine animæ suæ, dignatus est, specialissimo favore, aliquatenus ipsos conformare sibi. Alioquin, ut notat S. Isidorus Pelusiota, *si DEI causā quidpiam perperā recusens ; id tamen alio modo perperā, necesse habebunt* : idque sine corona.

FERIA IV.

Tessera diei : *Crucifixus Amor meus à Patre derelictus est !*

MEDITATIO : DEVS subtrahit Christo omne solatium : CHRISTI ultima v. verba : DEIPARÆ Virginis dolor.

1. A Dora DEUM Optimum Maximum & considera : quomodo Crucifixæ Domino JESU subtraxerit omne paternum solatium, illumque

lumque inter inauditos & ineffabiles dolores plenè reliquerit imbecillitati Naturæ humanæ; ut experiretur, quidquid naturalis mali naturam humanam afficere potest. Poterat Afflictissimus JESUS potiori jure quam Job cap. 30. conqueri Patri: *Misimus es mihi in crudelem, & in durissimam manum meam adversarius mihi. Elevasti me, & quasi super ventum ponens, elisisti me valide.* Sic Pater egit cum Filio propter aliena peccata; quid malorum & derelictionis detrectabimus nos propter propria? Obsecro tamen, Pater misericordiarum, per vulnera & derelictionem Christi Filij tui: ne relinquant me mihi; quia pessimo pejor ero. Cætera subtrahere; ut libet; gratiam dare, & relinque mihi.

2. **A**dora Dominum JESUM Crucifixum & considera ejus ultima verba in cruce. (*Si tempus non suffecerit, poterunt residua alio commode per diem tempore expendi.*) Primum verbum & prima cura erat de Crucifixoribus suis. *Pater, dimitte illis, non enim sciunt, quid faciunt.* Luc. 23. Quanta & quam digna imitatione charitas erga capitalissimos hostes! Secundum erga penitentem latronem: *Amen! dico tibi: Hodie mecum eris in paradiso.* Latroni dixit, sed penitenti. Tertium ad Matrem: *Mulier, ecce filius tuus!* Et ad S. Joannem: *Eccce Mater tua!* Providet Matri & remuneratur Joanni virginitatem & præsentiam juxta crucem. Quartum circa horam novam, post tres horas gravissimi agonis, clamavit voce magnâ: *DEVS meus, DEVS meus, ut quid dereliquisti me!* Horribilis derelictio & afflictio, quæ talem tantamque vocem morienti extorsit! Quintum; *Sitio!* non tam potum corporalem, quàm salutem animarum. Sextum; *Consummatum est:* quidquid agendum & patiendum fuit. Septimum; *Pater, in manus meas commendo Spiritum meum.* Erat Patri commendatissimus; tamen commendat amplius ad nostram instructionem, quanta sit animæ cura habenda. Gratiâs tibi infinitas, Amabilissime JESU, pro his infinitæ sapientiæ & charitatis verbis. Imprime illa profundissime animæ meæ: quia spiritus & vita sunt.

3. **V**enerare DEIPARAM Virginem & considera, quàm varios in corde ipsius excitârunt affectus prædicta verba. Precabatur & ipsa veniam Interfectoribus Filij: Gratulabatur latroni paradysum: Suscipiebat Joannem in Filium: Scindebantur viscera ejus tristissimâ derelictione Christi: Compatiebatur sitienti: Gratulabatur consummatum opus summè arduum: denique Patri Eterno offerebat & ipsa animam Filij. O Mater dolorosissima per salutifera illa verba, & vulnera Filij tui, pertuos illos affectus omnes fac, ut portem Christi mortem, Passionis ejus Sortem in jugi memoria.

Propositi

Proposium accipiendi libenter à DEO & cruce, & desolationes.

LECTIO PRACTICA.

Quàm libenter accipere debeamus à DEO & cruce & desolationes.

INter omnia, quæ Afflictissimus JESUS in animo & corpore passus est, tormenta, vix aliquod tam grave & acerbum fuit, ac horribilis illa in summis angustiis & doloribus Derelictio à Patre. Nihil, nihil prorsus aliunde affulgebat solatij: imò quoquò circumferebat oculos, nihil nisi immensam dolorum materiam videbat: non aliter ac naufragus quispiam, qui apprehensâ modicâ tabulâ, in medio Oceani, intempestâ teterrimâ nocte fluitans, ne scintillam quidem stellantis cœli videt, sed meram tristissimæ mortis imaginem, & fatalem, quâ jam jam absorbeatur, voraginem. Unde tristis illa apud Psalmographum naufragantis vox: *Salvum me fac Deus, quoniam iniraverunt aque usque ad animam meam. Infixus sum in limo profundi, & non est substantia. Veni in altitudinem maris, & tempestas demersit me. Laboravi clamans; rance factæ sunt fauces meæ: defecerunt oculi mei, dum spero in Deum meum. Ereluctuosissimum solatij omnis defectum. Multiplicati sunt super capillos capitis mei, qui oderunt me gratis. Confortati sunt, qui persecuti sunt me inimici mei injustè. Sustinui, qui simul contristarentur; & non fuit: & qui consolarentur; & non inveni. Psal. 68. Deus meus respice in me: quare me dereliquisti? Psal. 21.*

In similes angustias subinde devenire sinit Gratiofissimus Pater etiam adoptivos filios suos, quos tenerius amat. Actis in crucem quampiam non levem subtrahit omne solatium tam divinum, quam humanum, & quod ab ulla creatura capere possent; facitque ipsis amaritudinem suam amarissimam: ut ostendat angelis & hominibus, quàm viriliter eos amet, & quàm fortiter ametur ab ipsis. Sic exercuit olim Jobum, atque recentius inter alios B. Henricum Susonem, (de quo Surius 25. Jan. c. 40. Vitæ.) idque in medio laborum pro DEI gloria, & animarum salute susceptorum, fervore. Venerat aliquando Henricus ante Natalem Domini ad oppidum quoddam in Germania: cumque totus esset in docendo, & juvandis animabus, multusque ad ipsum fieret hominum concursus; convenit ipsum etiam versipellis femina, scœdumque prostibulum, animæ suæ remedia dolose quærens. Excepit illam Vir DEI, quâ decuit charitate, juvitque & spiritualibus & temporalibus medijs; donec à fide dignis informatus de vita mulieris etiam tunc valde scandalosa, subtraxit illi paulisper suppeditari solitam annonam. Illa, indignatione furens, comminata est: se infantem, quem recenter per scelus enixa erat, ad eum delaturam, & patris nomine ipsum infamaturam. Horrui Henricus, advertens; undique sibi esse angustias. Si enim pergeret, fa-

ret, familiariter agere cum muliere; sibi periculum & scandalum populi præsid erat; secus, infamia gravissima. Maluit tamen famam suam exponere, quam periculum adire atque scandalum dare cum infamia non minore. Illa igitur ultro citroque ad sæculares & religiosos cursitans, longe lateque innocentem sceleris insimulabat, ac denique infantem ad pedes ejus deposuit, seque proripuit. Non potuit non intimo cordis dolore tangi Vir Sanctus, non tam suâ causâ, quam Ordinis Sacri, cui fœdissima labe aspergebatur; & populi, apud quem labor omnis infructuosus esset futurus. Luctanti inter acerbissimum dolorem & metum, adfuit mulier alia, prompta ad remedium præsens tantis malis adhibendum; si infantem sibi permitteret, vel vivum sepeliendum nocturno tempore, vel adacta in cerebrum acu interimendum. Exhorruit iterum ad tantum facinus Henricus: sed mulier zelo, ut sibi videbatur, pio succensa, instabat, urgebatque; ac tandem cultrum, ad id paratum, vibravit, quo infantem jugularet in ejus conspectu. Vix hanc cohibuit, atque ægrè persuasit, ut susciperet infantem suis impensis alendum: cum adfuit amicorum quispiam, sanctè contestans: se calumniatricem illam mulierem è ponte dejecturum: ne pergat innocentem diffamare, prout continuò faciebat. Sic vir bonus & ab amicis & ab inimicis habuit, quod pateretur. Invalescente autem infamiâ & intolerabili animi afflictione, atque metu; ne res ad Ordinis Superiores deferretur: ut levaminis aliquid caperet, adiit duos amicos suos, quos semper fideissimos expertus fuerat. Sed, DEO ita disponente, plus doloris ab illis retulit (refugientibus ejus conversationem etiam pijs alijs hominibus) convicijs & contumelijs oneratus. Et ne quid deesset ad cumulum malorum; contigit ut sub idem tempus Generalis & Provincialis Ord. Præd. venirent ad eam civitatem. Unde Henricus novum sensit in viscera sua adactum gladium. Putabat enim impossibile, ut sinistra de ipso fama tam latè diuque sparsa, ad ipsos non perveniret, & pro criminis gravitate ad supplicia non deposceretur. In his incredibilibus angustijs per hebdomadas aliquot absque omni solatio luctatus, & vix sui compos; vidit tandem assurgentem cœlitus sibi lucem, calumniatores suos intra breve tempus repentinâ morte abreptos, redeuntes ad se amicos, Superiores nihil contra se attentantes, totamque tragecediam quasi momento dissipatam.

Hoc certè est pati Christiformiter: Si patiaris absque omni humano divitiarumque solatio. Felix, cui datum est, ad hoc fastigium crucis & patientiæ ascendere! Ascendit S. Dominicus, qui, cum graviter ægrotans, a Socio moneretur, ut solatium à DEO posceret: primò ipsum graviter increpuit dicens:

FERIA V.

137

dicens: Nisi de tua simplicitate mihi constaret; te protinus hinc expellerem, quod hæc dicere non sis veritus: dein in humum se abjiciens, Gratias, inquit, tibi ago, Amantissime DEUS, pro his, quæ mihi dedisti perferenda. Auge dolores, multiplica cruciatus, da centum morbos: dabis etiam, sat scio, patientiam. *Chron. S. Domin. c. 2.*

FERIA V.

Tessera diei: *Crucifixus Amor meus acerbissimo trium horarum agone conflictatus est!*

MEDITATIO: DEVS horribili solis eclipsi mundam involvit: CHRISTVS gravissimum trium horarum agonem sustinet: DEIPARÆ V. dolor.

I. **A** Dora DEUM O. M. & considera: Quomodo paulo post Crucifixionem Christi, quando impij planè effusi fuerunt in ludibria, impropria, & blasphemias, repente contra naturæ ordinem, (plenilunium erat, in quo naturaliter contingere non potest eclipsis) horrendâ solis eclipsi mundum universum, trium horarum spatio, involvit. *A sexta autem hora tenebræ factæ sunt super universam terram usque ad horam nonam, Matth. 27.* Tum ut aliquo modo velaretur nuditas Crucifixi, tum maxime, ut confternati redirent ad cor prævaricatores, considerantes facinoris sui atrocitatem; quod mundi oculus videre nollet, & author mundi perhorresceret. Vide ineffabilem Optimi Numinis benignitatem! Inter omnia, quæ operatus est eo tempore, prodigia maxima, nullum fuit alicui impiorum noxium. Horrendo hiatu dehiscens terra in sinistro latere montis Calvariæ neminem absorbuit, quamvis incomparabiliter peiores adessent, quam æmuli Moyfis, Core, Dathan & Abiron. Nimirum Misericordia Domini super omnia opera ejus. Suspice illam, Anima mea, & æstima; sed abuti cave, imitari stude.

2. **A** Dora D. JESUM & considera eum Crucifixum gravissimo & acerbissimo agone tribus horis conflictantem. Dolor immanis torquebat membra omnia, viscera defectu spirituum & sanguinis contabuerunt, animam summa desolatio, tædium, tristitia cruciabant; verbo, patiebatur JESUS, quod nullus reorum aut martyrum passus est, vel patietur. Agebat tamen interim causam nostram, ac in particulari meam ac tuam; apud Patrem: commendabat illi Ecclesiam suam; repetebat orationem pro crucifixoribus in hostiam propitiationis & holocaustum amoris: offerebat se totum Patri, qui pridie se nobis obtulerat in cibum, stupendo miraculo, dignatione summâ, charitate infinitâ & usque ad finem vitæ constantissime pro-

S a

tractâ;

tracta: *Cum dilexisset suos, usque in finem dilexit eos*, Joan. 13. non obstantibus quibusvis, quæ ante oculos ejus versabantur, & præcipuum ejus tormentum erant, peccatis. O Amor mi crucifixe, condoleo intimè agoni tuo plenissimo doloris & amoris. Doleo autem maximè, quod ego ipse inter præcipuas illorum dolorum causas fuerim. Da veniam, & mortem felicem, per vulnera & acerbissimam agoniam tuam. Oro supplex & acclinis, cor contritum quasi cinis, gere curam mei finis, à quo infinita pendet æternitas.

3. **V**ENERARE DEIPARAM V. & considera ipsam quoque sub cruce, in agonia quadam gravissima positam fuisse. Si enim viva apprehensio imminentis passionis Christum deduxit ad agoniam, & anima ejus tristis fuit usque ad mortem; quidni & anima Matris in præsentè extrema calamitate Filij, quam & oculis videbat, & auribus accipiebat, & attentissimè mente clarissimè perspiciebat, quàm longè magis afficiebatur, quàm quovis cogitabili proprio malo; quidni, inquam, & anima talis Matris tristes fuerit usque ad mortem? Quam sine dubio oppetisset, nisi divinam virtute roborata fuisset, ut diuturniore martyrio fieret martyrum regina, non solum dignitatis sublimitate, sed etiam dolorum acerbitate. O Mater Afflictissima, per lethales illos dolores tuos adesto huic animæ peccatrici, supremo agone luctanti. Non perdat illam propria iniquitas, quam tanta Filij tui redemit charitas.

Proposui majorem habendi curam extremi agonæ.

LECTIO PRACTICA.

Quàm gravis fuerit extrema agonia Christi: & quomodo nostra infraenda.

GRavem supra omnem modum fuisse extremam Christi Agoniam; colligi potest ex sequentibus capitibus. Quia 1. imminebat separatio animæ à corpore summè naturaliter amato propter ejus naturalem perfectionem & aptitudinem ad perfectissimas operationes. 2. Imminebat separatio animæ à corpore summè amato supernaturaliter ed: quod fidelissimè concurrerit ad operationes supernaturales perfectissimas & Theandricas. 3. Summè horrebat natura interitum Hominis, qui non solum erat Compendium totius Universi, sed etiam omnium divinarum perfectionum. 4. Horrebat anima cessationem à nobilissimis & DEO maximè placitis operationibus humanis per triduum. 5. Pro incredibili zelo suo dolebat Christus, jam adesse terminum laborum pro gloria Patris sui. 6. Adesse terminum laborandi & patiendi amore hominum. 7. Adesse terminum operationum meritoriarum, quibus plures nobis compararet gratias. 8. Dissolvendum esse Templum tantæ

Divinæ

FERIA V.

Divinæ Omnipotentiae virtute constructum, tam mirabiliter à Spiritu S. unctum & consecratum. 9. Horrebat Christus, Corpori omnis Ecclesiae, Angelicæ & Humanæ, tollendum esse Caput. 10. Horrebat Filium DEI naturalem interire patibulum. 11. Horrorem augebat mors oppetenda in medio latronum, non inter amplexus charorum. 12. Inter plausus & triumphos hostium suorum. 13. Protrahendum esse acerbissimum agonem per spatium horarum trium. 14. Ingruentes horribili solis eclipsi tenebræ horrorem addebant. 15. Dæmones ultimam rabiem exerentes, terribili specie sese objiciebant. 16. Totis viribus incitabant Judæos & Satellites, ut Christo quam ægerrimè facerent. 17. Qui consolaretur, inventus est nemo. 18. L. discipulis vix comparuit unus. 20. Alterius interitus temporalis & æternus dolorem addidit Magistro. 21. Prætereuntes turbæ blasphemabant, moventes capita sua, & dicentes: Vah! qui destruis templum DEI &c. 22. Milites Romani insolentissime illudebant. 23. Latrones quoque, qui crucifixi erant cum eo, improperabant ei. 24. Similiter & principes Sacerdotum illudentes cum Scribis & Senioribus exprobrabant impotentiam ad evadendam mortem, sollicitabant ad descendendum de cruce. 25. Pilatus sollicitabatur ad mutandam Crucis inscriptionem, & abrogandum Christo titulum Regis Judæorum. 26. Satellites diripiebant vestimenta. 27. Mater cum dilecto discipulo cruci adstantes dolore inexplicabili scindebantur. 28. Piæ quædam matronæ lacrymis liquecebant. 29. Magdalena inconsolabili luctu tabescebat. 30. Pater, quodammodo mutatus in crudelem, omne negabat solatium, vitamque solùm sustentabat ad exaggeranda mortis tormenta. Hæc talia ac tanta videre & audire, quanti doloris sunt argumenta morienti? Accesserunt incommoda & dolores corporis gravissimi. 31. Lectulus mortualis quam incommodus, Crux? 32. Pedes quam malè compositi, & dirè terebrati! 33. Manus & brachia quam malè disposita, quam ægrè, diductis vulneribus, corporis pondus sustinentia! 34. Caput quam insolens & horridum cervical suffulciebat, Spinea Corona! 35. Faciei, nuditate corporis confusæ, atque lethali sudore, & terebratæ frontis cruore, madenti, quæ sudarium admovent, nulla aderat Veronica. 36. Os, lingua, fauces incredibili ardebant siti. 37. In refrigerium non aqua aut vinum pro more, sed acetum admotum. 38. Humeri diuturnâ brachiorum extensione lassi, & crucis bajulatione alto vulnere hiantes. 39. Pectus supra solitum prominens, gravi cordis luctantis palpitatione succutiebat. 40. Corpus totum, vulnus unum, violentissime usque ad luxationem artuum extensum, nec moveri poterat, nec moveri. Quam gravis sic affecto corpore agonia? Ani-

nam insuper alia inquietabant, gravabant, laniabant tristissima objecta. Ut
 41. Enormis obstinatio, feritas & interitus populi Judaici. 42. Prævisus modicus fructus talium actantium laborum & dolorum. 43. Hominum ingratitude summa. 44. Enormia etiam à Christianis committenda peccata. 45. Hæreses & Schismata in Ecclesia. 46. Persecutiones gravissimæ fidelium. 47. Apostasiæ à Fide & Religione. 48. Complurium præcipuorum Ecclesiæ suæ membrorum vita scandalosa. 49. Injuria gravissima sibi & æterno Patri per necem Unigeniti illata. 50. Denique gravissimam & acerbissimam morienti JESU agoniam faciebat excessus Amoris & doloris omnes sensus, & partes corporis, omnes animæ potentias occupantis & opprimentis. Attendite, & Videte!

Dum talem video & considero Crucifixi DEI, ac Domini, atque Amoris nostri agoniam & mortem: inprimis non videtur consultum, ut lenem suamque petamus à DEO, vel optemus nobis, mortem & agonem. Quin potius ipsius amore offeramus nos ad acerbissimum, & diuturnum cum gratia ipsius suslinendum. Est tempus illud extremum vitæ nostræ, & occasio ultima, quâ possumus per actus liberos tanto nostri Amatori mutuum testari amorem; quæ contestatio nullo alio modo fieri potest tam bene, ac per heroicam passionem: quidni ergo ad illam pro modico eo tempore nos resolvamus? Fortè & peccata nostra, atque neglecta per vitam mortificatio & satisfactio, non levem merentur agonem. Deinde per crebram & devotam Agoniæ Dominicæ memoriam studeamus nobis conciliare finalem gratiam, & patientiam heroicam pro illo articulo necessariam. Differant Angeli Musicam suam, si quâ morientes solari vellent: placeat magis, in amaritudine animæ contrita mori.

FERIA VI. PARASCEVES.

Tessera diei: *Amor meus in Cruce moritur!*

MEDITATIO: *DEVS quid nobis proponit in Christo Crucifixo? CHRISTVS moritur, & lanceâ vulneratur: DEIPARÆ V. dolor.*

2. **A** Dora DEUM OPTIMUM, MAXIMUM, & considera: Quid nobis Pater Cœlestis proponat in Christo Crucifixo? I. Charitatem suam & ipsius Christi inæstimabilem erga genus humanum & singulos nos in particulari. Sic *DEVS dilexit mundum*, Joann. 3. *Dilexit me, & prædixit semetipsum pro me*, Galat. 2. II. Gravitate peccati mortalis, Attende, homo, quàm gravia oportet fuisse vulnera, pro quibus necesse fuit D. Christum vulnerari: imò mori in cruce. III. Rigorem Justitiæ divinæ. Si in viridi

viridi ligno hæc faciunt; in arido quid fiet? Luc. 23. IV. Pretium animæ cuiuslibet hominis. *Empti estis pretio magno.* 1. Corinth. 6. quia Infinito divini sanguinis V. Debitum nostrum infinitum, ut nos totos DEI honori & amori impendamus, ac ipsi vivamus. *Pro omnibus mortuus est Christus, ut, & qui vivunt, jam non sibi vivant, sed ei, qui pro ipsis mortuus est.* 2. Cor. 5. O Pater misericordiarum, insige altissimæ cordi & memoriæ meæ divina hæc, quæ mihi in Crucifixo Filio Tuo proponis, documenta, ut secundum illa deinceps vitam institutam, & agam omnem.

2. **A** Dora D. JESUM CRUCIFIXUM, & collectis accuratius sensibus ac viribus animæ omnibus, contemplare eum in cruce inter infinitos cruciatus & dolores cum clamore valido tui amore morientem. Grandis & tota æternitate digna cogitatio, *JESVS CRUCIFIXVS.* Grande & à sæculis non visum spectaculum *DEVS MORIENS!* Grande & prodigiorum omnium prodigium maximum *DEVS AMORE HOMINIS MORIENS!* Expende illa per vulgaria illa, sed mysteriorum plena, Adjuncta: Quis, Quid, Ubi, Quibus auxilijs, Cur, Quomodo, Quando. Ac denique vide excessum stupendum Amoris Crucifixi JESU: quod etiam post mortem suscipere voluerit vulnera, & ex aperto lancea latere & corde divino residuum sanguinis nobis impendere. Et adhuc non amabimus D. JESUM? & adhuc offendemus D. JESUM? Pudor! Insania! Lege, Anima mea, quam Apostolus Cruci Christi affixit decretalem sententiam: *Si quis non amat Dominum nostrum Jesum Christum, sit anathema.* 1. Cor. 16.

3. **V**ENERARE DEIPARAM V. & considera: Quo sensu corporis & animæ exceperit mortem Filij non auditam relatione hominum, sed oculis cominus spectatam. Si Matrem solùm unici & charissimi Filij cogitemus: grande tenemus inconsolabilis doloris argumentum. At, si Matrem consideremus Filij DEI, innumeris & gravissimis hominum peccatis oppressi, flagris, spinis, clavis excarnificati, à subditis perduellibus in crucem acti, à Judæis & Gentilibus, à Senioribus populi, Scribis, Phariseis & Pontificibus inter enormia convicia & blasphemias crudelissimè trucidati: quis mente concipiat multitudinem & magnitudinem doloris? Quantum autem cumulus accessit: quando vidit militem etiam in mortuum sævientem & crudeli lancea intima divini cordis scrutantem? Nonne eadem lancea, pariterque acutissimus ille gladius Simeonis, cor & animam Matris penitus pertransivit? O Mater dolorosissima, magna, magna erat, velut mare immensum, contritio tua & amaritudo animæ tuæ! Compatior Tibi toto corde, condoleo totā animā, & condolebo totā vitā meā. At magis dolere

FERIA VI.

142

dolere debeo : quòd malitiosissimus peccator Tibi ac Filio Tuo tantorum fuerim causa dolorum. Ego, ego sum proditor ille, qui vendidit Filium Tuum! Ego fera illa pessima, quæ devoravit Filium Tuum! Doleo super omnia. Non amplius. Parce.

Proposium heroicum, tempori congruum.

LECTIO PRACTICA.

Quomodo dies hic luctuosus piè transigendus.

Qui hoc die non movetur eximiâ pietate in JESUM CRUCIFIXUM, Deum & Dominum suum: non Christianus, nedum Spiritualis aut Religiosus, sed brutum est, & infideli deterior. *Quis tam irreligiosus, qui nunc non compungatur? quis tam insolens, ut non humilicetur? quis tam iracundus, ut non indulgeat? quis tam deliciosus, ut non abstineat? quis tam flagitiosus, ut non abstineat? quis tam maliciosus, ut non peniteat his diebus?* quærit S. Bernardus Serm. 4. hebdom. sacr. & addit: Merito quidem. Nempe adest Passio Domini, usque hodie terram movens, petras scindens. Si quando, hodie certè æquissimum est: ut, quod requirit S. Augustinus, *Totus nobis figatur in corde; qui totus pro nobis fixus fuit in cruce.*

De Regina Armeniæ, conjuge Tigranistraditur: quòd, cum ambo apud Cyrum Persarum regem captivi detinerentur, Cyrus aliquando ex Tigra-
quæsierit: quid pro conjugis redemptione offerret in lytrum? Ille nil moratus, Integrum, ait, regnum, ô Rex: Sed quia illud jam meum non est: libens vitam & sanguinem totum dabo. Eo responso delectatus Cyrus, ambos liberos dimisit, regnoque restituit. Domi deinde Tigranes familiariter quæsi-
vit è conjuge: quid de Cyri prudentia, & regia ejus magnificentia, pulchritudine, aliisque dotibus ipsi videretur? num omnem aulæ apparatus probè observasset? Cui illa: Ego in Cyrum & pompam aulæ ejus oculos non conjeci; sed oculis & mente totâ sui fixa in eum, qui me sanguine & vitâ suâ in libertatem asserere voluit. *Penequin p. 2. Isagog. c. 16. Engelgræve dom. Quinquag.* Egregiè factum, dictumque. At nos miseros Dei Filios, regum Rex omnium, sanguine suo divino, & vitâ profusâ, non solum redimere voluit: sed redemit. Quod ergo aliud objectum, his potissimum diebus, in oculos mentemque admittere poterimus, quàm JESUM amore nostri crucifixum?

Inspice vulnera pendentis, sanguinem morientis, pretium redimentis, ci-
catrices resurgentis. Caput habet inclinatum ad osculandum, cor apertum ad diligendum, brachia extensa ad amplexandum, totum corpus expositum ad redimendum. Hæc quanta sint, cogitate: hæc in statera cordis vestri

appendi-

appendite: ut totus vobis figatur in corde, qui totus pro nobis fixus fuit in cruce: *mores Augustinus lib. de Virgin.*

Prima ergo Occupatio hujus diei, & quantum fieri potest, omnibus per annum Sextis Ferijs, sit Attenta Passionis Dominicæ Meditatio. S. Magdalene de Pazzis dixit Christus in quodam raptu (3. par. Vit. §. 1.) Dico tibi: Si quâlibet Feriâ Sextâ attendes horæ, quâ expiravi in cruce; contiaud recipies particulares gratias a Spiritu, quem reddidi Patri æterno. Et quâvis illum non senties: nihilominus semper requiescet in te. S. Paulus Apostolus tam assiduus fuit in recolenda Passione Christi, ut 1. Cor. 2. dixerit: Non arbitrari se aliquid scire, nisi JESUM, & hunc Crucifixum.

Secunda: Creberrimè & affectuosè oculos conjicere, & defigere in Imagines Crucifixi. Multi multa ex tali intuitu didicerunt, & magnos in penitentia & charitate progressus fecerunt. *Quod me plus omnibus ascendit, urget, movet & permovet ad te diligendum; & super omnia amabilem te mihi reddis, ô bone JESU: est ignominiosissima mors, quam sustinisti; Opus redemptionis nostre:* ait S. August. l. 2. Confess. c. 16.

Tertia: Offerre sæpius Patri æterno Passionem, Agoniam, Sanguinem, & Mortem Christi. Faciebat hoc S. Magdalena de Paz. creberrimè & magno animi ardore pro peccatoribus & animabus defunctorum (ordinariè in diem quinquages) ostenditque sæpè ei DEUS, multarum animarum hæc ratione per eam esse impetratam conversionem, & è Purgatorio liberationem. Aliquando in raptu exclamavit eadem Sancta: Quotiescunque creatura offert hunc sanguinem æterno Patri; tale donum offert; ut quasi non habeat DEUS pretium, quo illud solvat. Hoc donum est tam magnum: ut Pater æternus se reputet obligatum creaturæ suæ. *Lancie. Opusc. II. c. 22.*

Quarta: Suseipere aliqua rigidioris Mortificationis exercitia; uti sunt severius jejunium, asperioris cilicij gestatio, cruenta flagellatio, prolixior genuflexio, & brachiorum in modum crucis extensio, diuturna coram sepulchro Domini Meditatio & Oratio &c. Dies enim ista, tantis Domini tormentis dedicata, peculiari jure suo exigit à nobis insolitum quidpiam, & excessum quendam, discretum tamen, in corporis nostri castigatione. Si non aliàs, hodiè saltem verificetur etiam in nobis illud Apostoli ad Gal. 5. *Qui Christi sunt, carnem suam crucifixerunt cum viris, & concupiscentijs.*

Quinta: Elicere amore Crucifixi JESU heroicum aliquem actum, ad quem aliàs nos resolvere non potuimus. v. g. Condonare insignem aliquam injuriam; exhibere insigne aliquod beneficium, vel benevolentix contestationem ei, à quo majorem animi aversionem sentimus; subire insignem aliquam,

etiam publicam, confusionem; subicere se plenè voluntati Superiorum in ardua quâpiam occasione &c. Charitas enim Christi tam excessiva, Humiliatio tam inaudita, Obedientia tam ardua, Patientia tam fortis, hodie acriter stimulo urget nos: ut Domino, pro nobis sic passio & mortuo, arduo aliquo virtutis actu respondeamus. *Christus enim passus est pro nobis, vobis relinquit exemplum, ut sequamini vestigia ejus. 1. Pet. 2.*

SABBATO SANCTO.

Tessera diei: *Amor meus passus & sepultus est!*

MEDITATIO: *DEVS moriem Christi prodigijs clarificat: Ergo CHRISTVM mortuum varijs hominum affectus & studia: DEIPARÆ V. dolor, & spes inconcussa Resurrectionis.*

1. A Dora DEVM O. M. & considera: Quomodo Christum, mox à morte, maximis prodigijs clarificaverit. *1. Velum Templi, quo velabantur Sancta Sanctorum, scissum est in duas partes, à summo usque deorsum. Quâ scissione, tanquam vestimento suo scisso, more gentis illius, testabatur DEUS quodammodo luctum suum & atrocitatem facinoris commissi in Christum à Sacerdotibus & Pontificibus. 2. Terra mota est concussione horribili & universali per totum mundum ita, ut in varijs provincijs non paucæ conciderint civitates. 3. Petre scisse sunt, præsertim in ipso monte Calvariae, ubi ad sinistram manum Christi terra aperta est tanto hiatus, ut corpus humanum latitudine suâ facile caperet: profunditate tantâ, ut fundus nullus inveniri possit. 4. Monumenta aperta sunt, & multa corpora Sanctorum, qui dormierant, surrexerunt. Matt. 27. Quæ omnia facta sunt ad justum terrorem incutiendum impijs, ad asserendam innocentiam Christi, & ad ipsum glorificandum. Potentissime DEUS, ô scinde tandem & velum, quod est ante oculos meos; ut videam clariùs vanitatem mundi, fraudes dæmonis, & tuum erga me amorem. Concute me salutari timore, scinde, contere penitus petram cordis mei: prodeat de monumento suo vetus homo, qui foetet in me, & innova me in Salutari Tuo, JESU meo.*

2. A Dora D. JESUM, & considera miram mortis ejus efficaciam, quam exercuit illico in animis hominum paulò antè petrâ duriorebus. Centurio, & qui cum eo erant, custodientes JESVM, timerunt valdè, dicentes: *Verè Filius DEI erat iste. Matth. 27. Nec inter paucos stetit hæc motus: Et omnis turba eorum, qui simul aderant ad spectaculum istud, & videbant, quæ fiebant, percutientes pectora sua revereiebantur. Luc. 23. Joseph autem, qui & ipse discipulus erat JESU, sed occultus, propter metum Judæorum, posito jam metu,*

metu; *audacter introiit ad Pilatum, & petiit corpus JESU.* Nicodemus etiam, nocturnus olim discipulus Christi viventis, non veretur jam accurrere ad iusta publice persolvenda mortuo. Accesserunt quoque propius piæ matronæ, quæ alias *steterunt à longè*, & de cruce deposito suprema exhibuerunt officia. Denique intrepide solemniq[ue] funere defertur ad monumentum novum corpus JESU; aromatibus, ut illustrium personarum solebant, liberaliter procuratum: factumque est, & constanter manet, manebitque *Sepulchrum ejus gloriosum.* Gratulor Tibi, Dolorosissime Salvator, hanc animorum mutationem, & tristissimæ sortis conversionem. Operetur & in me similia vivifica mors tua!

3. **V**ENERARE DEIPARAM V. & considera: Quo affectuum genere depositum de cruce divinum corpus Filij materno exceperit sinu. Quo luctu profecuta sit funus: quas gratias dixerit Josepho & Nicodemo. Ubi vero functi supremo illo officio, recesserunt à sepulchro; quomodo excitabant tum in viæ comitibus, tum in domesticis & discipulis spem vivam resurrectionis Christi, certo certius propediem futuræ. Ipsa verò verbis Patris sui David identidem evocabat è tumulto JESUM suum: *Exurge, gloria mea, exurge psalterium & cithara, Psalm. 107.* dissipa noctem mœroris nostri. *Exurgat DEVS, & dissipentur inimici ejus.* Absterfo squalore passionis intende prosperè in vota nostra, Filium JESU, *procede & regna.* Excita in me quoque, ô Domina, ardens desiderium reviviscentis in corde meo Filij tui; qui ibi velut sepultus, & obrutus temporalibus curis, jacet. Exurgat; & dissipentur inimici ejus, & mei: dissipentur terrenarum cogitationum pulveres: regnet, imperet in anima mea gloriosus; qui est super omnia DEUS benedictus in sæcula. Amen!

Vide denique, & statue: quomodo Festa Paschalis sis celebraturus cum majore Dei & Christi gloria ac fructu tuo.

Proposui, Patientes JESUM & MARIAM diligenter & constanter colendi.

LECTIO PRACTICA.

De Doloribus Deiparæ V. & religiosa eorum memoria.

Magnitudinem doloris Deiparæ V. concepti ex Passione & Morte Filij sui, ex triplici potissimum capite colligere aliquatenus, non plene intelligere, possumus. 1. Ex qualitate seu excellentia & dignitate Christi: quem Virgo sciebat ita esse Filium suum, verumque hominem: ut simul esset verus DEI Filius, verusque DEUS: consequenter sciebat, esse Personam infinitæ Excellentiæ, Dignitatis, Sanctitatis, & omnigenæ Perfectiōnis. Unde paratissima fuit, non pro vita tantum ipsius; sed pro evitando

vel minimo ejus dedecore millies profundere sanguinem omnem & vitam.
 2. Ex summo Amore, quo in illum ferebatur. Cum enim illum æstimaret super omnia, tanquam Summum Bonum: etiam amabat super Omnia, non solum appetitativè, sed etiam intensivè. Amorem supernaturalem acuebat, & magis incendebat natura; cujus impulsu Matrum in filios amor est tenerimus pariter ac fortissimus, tantoque ardentior, quanto Matri proles est similior. Unde concludit S. Bonaventura de Virginis dolore: *Nullus dolor amarior: quia nulla proles charior.* Quanto luctu persecutus est David Absalonem, fratricidam & parricidam filium; quia præ cæteris dilectum; moribus quidem turpem, sed facie & cæsarie pulchrum, patrique similiorem?
 3. Ex summo amore, quo à Filio amabatur super res omnes creatas; & observabatur atque honorabatur ut Mater, usque ad infimam subjectionem: *Erar subdum illis.* Luc. 2. Est hic amor & honor proborum filiorum erga parentes maximi doloris parens, præsertim si contingat ipsos immaturo, licet non violento, fato defungi: vel si nesciant parentes, quid agatur cum filiis: ut in matre Tobie Junioris patet. Quis ergo doloris sensus oppressit cor maternum Virginis, quando non rescivit, sed vidit tam crudeli & ignominiosâ morte obtruncari Filium suum, in cujus mente & corde primas habebat ipse super omnia creata?

Ex his & similibus SS. Patres dolorosam Matrem Christi prædicant plus quam Martyrem. S. Bernardus Serm. Signum Magn. ait: *Tuam animam pervransit vis doloris: ne plus quam Martyrem non immerito prædicemus; in qua nimirum corporeæ sensum passionis exceßerit compassionis affectus.* S. Anselmus de Excell. Virg. c. 5. *Quidquid crudelitatis, inquit, insitum est corporibus Maritarum; leve fuit, aut potius nihil, comparatione iuxta passionis: que nimirum sua immensitate transfixit cuncta peneitalia sua, inique benedicti cordis intima.* Plus audent Sancti Bernardinus apud Miechov. in Litan. Laur. disc. 386. dicens: *Tantum fuit dolor Virginis: ut si in omnes creaturas, quæ pati possunt, divideretur: omnes subito interirent.* Nimirum Speculum crystallinum erat Virgo: in cujus corde, tanquam in centro seu foco, colligebatur dolor omnis sparsus per Filij corpus & animam, æstuabatque vehementissime.

Nec solum Passionis tempore, sed per omnem vitam urebat illam hic dolor; imò septuplex dolor; prout ipsa S. Brigittæ revelavit, lib. 6. Revel. c. 57. dicens: *Primo fuit dolor in Cognitione mea. Nam quoties aspiciebam Filium meum, quoties involvebam eum pannu, quoties videbam ejus manus & pedes: quoties animus meus novo dolore quasi absorptus est; quia cogitabam, quomodo crucifigeretur.* *Secundo fuit dolor in auditu meo. Nam quoties audivi opprobria mea*
Fili.

DOMINICA RESURRECTIONIS.

147

Filij, & mendacia, & insidias ei positas: toties animus meus mortuus est dolore tuo, quod vix se tenere poterat. Sed virtute DEI dolor meus modum & honestatem habuit, ne impatientia & levitas in me notaretur. Tertiò fuit dolor meus in visu. Nam quando vidi Filium meum ligari & flagellari, & in ligno suspendi: corruì quasi exanimis; sed reassumpto Spiritu steti dolens, & sic patienter sufferens; ut nec inimici, nec alij in me aliud reperirent, nisi gravitatem. Quarto fuit dolor meus in tactu. Ego enim cum alijs deposui Filium meum de cruce, & involvi eum, & posui in tumulum; & sic tunc agebatur dolor meus, ut vix manus & pedes mei haberent robur ad me sustinendum. O quàm libenter fuisset sepulta cum Filio meo! Quintò patiebar ex vehementi desiderio perveniendi ad Filium meum, postquam ipse ascendit in cælum. Sextò patiebar dolorem ex tribulatione Apostolorum, & amicorum DEI; quorum dolor erat dolor meus; timens semper & dolens, ne succumberent temptationibus & tribulationibus; dolens insuper, quia verba Filij mei ubique habebant contradictionem. Et licet gratia DEI semper perseverabat mecum, & voluntas mea erat secundum Velle DEI: attamen dolor meus continuus erat, permixtus consolatione, donec assumpta fui in corpore & anima ad Filium meum.

Quàm grata DEI pax, & utilis nobis sit frequens memoria dolorum ejus, & devota compassio: indicat eadem S. Brigitta lib. 6. Revel. c. 97. ubi refert: primarium quendam virum, qui inito pacto cum diabolo, per 60 annos scelestissimam vitam egerat: in fine tamen Contritionis gratiam obtinuisse: quod sæpius dolorum B. V. memor fuisset, cum tenera erga illam compassione. S. P. N. Ignarius quàm addictus fuerit Dolorosæ Matri, testatus est per ejus dolentis sub Cruce Imaginem cum effigie Crucifixi, continuò in pectore gestatam à primo conversionis suæ ad sanctiorem vitam, die: retulitque P. Antonio Araozio: se semper per illam à DEO miris modis adjutum esse. *Nadasi in Annal. Marian. S. J.*

DOMINICA RESURRECTIONIS.

MEDITATIO: DEVS suscitavit Christum à mortuis: CHRISTVS resurgit; & Matrem suam invisit.

I. **A** Dera DEUM O. M. & considera: Quomodo non dedit Sanctum suum videre corruptionem; sed festinavit suscitare eum, & glorificare, etiam nondum elapso triduo. Animam ergo Christi, cum ex limbo in sepulchrum pervenisset, atque Corpus tenerrimo affectu amplexa esset, tanquam fidum laborum ac dolorum socium: illicò eidem univit; adeoque quasi iterum genuit Christum Deum-Hominem, juxta illud Psal. 2. *Domine dixit ad me: Filius meus es tu: ego hodie genui te.* Quod de Christi suscita-

tionem a mortuis exponit Apostolus Act. 13. Regeneravit nimirum eum in utero terræ Deus: sed non jam ad ærumnas & dolores; sed ad vitam & gloriam immortalem, naturali Filio DEI dignam. Sic bonus DEUS oppres-
 sos servos suos, velut mortua frumenti grana, & pulvere educit, & gloriosè efflorescere facit. Gratias tibi æternas, Pater æternæ: quod Filium tuum, Dominum meum JESUM, orbi reddideris redivivum, decore & fortitudine vestitum, gloriam & honore coronatum. Fac: ut mortificati cum ipso, per ipsum ad vitam regeneremur æternam.

2. **A**dora D. JESUM, & considera: quod non solum sit à Patre suscitatus à mortuis; sed etiam propriâ virtute resurrexerit, propter Divinitatem humanitati suæ unitam: quasi mors dulcis somnus solum illi fuisset. Ego dormivi, & soporatus sum, & exsurrexi. Psal. 3. Gloriosa igitur Anima Christi Corpus exanime, sed Divinitate non exutum, ingressa, in momento omnem ei absterfit livorem, & squalorem; produxitque unâ cum Patre unionem inter se & ipsum; atque sic tumultu tanquam thalamo processit gloriosissimus animarum nostrarum sponsus. Gratulor tibi, Gloriosissime JESU, novam hanc divinissimam Humanitatis tuæ speciem. Intende prosperè, procede & regna, imprimis in anima mea, Rex gloriæ immortalis.

3. **V**enerare DEI param V. & considera: quomodo statim, ac tumultu prodijt, redivivus JESUS, ipsam primam inviserit, & inæstimabili gaudio repleverit. Expectabat afflicta Mater, ardenti desiderio, fide vivâ, spe inconcussâ, exordium diei tertiæ à morte Filij, ingeminabatque identidem: Exorere Sol meus JESU; exurge Vita & Gloria mea; ostende mihi faciem tuam; satiabor, cum apparuerit gloria tuâ. Non defuit justis charissimæ Matris desiderijs piissimus Filius; sed acceleravit consolari eam: implevitque & superimplevit tanto divinæ voluptatis torrente; ut necesse fuerit divino eam fulcire brachio, ne opprimeretur à gloria & gaudio. Gaudeo, ô Domina, tantâ gaudiorum tuorum ubertate. Hæc dies, quam fecit Dominus: exultemus & lætemur in ea.

Propositiū repetendi sæpius per diem: Vivat, regnet, triumphet Crucifixus Amor meus; & fugiendi corporis opplesionem per copiam ciborum.

LECTIO PRACTICA.

Quibus affectibus excipiendus sit Redivivus Salvator.

2. **A**ffectu profundissimæ Adorationis, & Triumphalis Applausus; exemplo Seniorum 24, & totius militiæ cœlestis Apocal. 5. Ubi enim Agnus, qui occisus erat, apparuit redivivus, & solvit 7 signacula libri: Quatuor Animalia, & 24 Seniores ceciderunt coram Agno, habentes singuli ci-
 tharas;

RESURRECTIONIS.

149

tharas, & phialas aureas, plenas odoramentorum, quæ sunt Orationes San-
ctorum: & cantabant canticum novum dicentes: Dignus es, Domine, acci-
pere librum, & aperire signacula ejus: quoniam occisus es, & redemisti nos
DEO in sanguine tuo, ex omni tribu, & lingua, & populo, & natione; &
fecisti nos DEO nostro regnum, & Sacerdotes, & regnabimus super terram.
Et vidi: & audiui vocem Angelorum multorum in circuitu throni & animalium,
& seniorum, & erat numerus eorum millia millium, dicentium voce magna:
Dignus est Agnus, qui occisus est, accipere virtutem & divinitatem,
& sapientiam, & fortitudinem, & honorem, & gloriam, & benedictionem.
Et omnem creaturam, quæ in cælo est, & super terram, & sub terra, & quæ
sunt in mari, & quæ in eo; omnes audiui dicentes: Sedit in throno &
Agnus benedictio honor, & gloria & potestas in sæcula sæculorum. Et qua-
tuor Animalia dicebant: Amen. Et 24. Seniores ceciderunt in facies suas,
& adoraverunt Viventem in sæcula sæculorum. Ita illi. Talis Adoratio
facienda est in primis ipsa nocte Resurrectionis coram Venerabili Eucharis-
tia, dum sepulchro producit: Plausus autem tempore solemnissimus Proces-
sionis, totis viribus cantando Domino, & plaudendo: quia gloriosè ma-
gnificatus est, equum & ascensorem deiciendo in mare rubrum Passionis
sue. Deinde iteranda opportuno tempore per diem sæpius Adoratio,
præsertim tempore Elevationis in Sacrificio.

2. *Affectu sincerissima Gratulationis:* gratulando red vivo Domino, ex-
emplo S. Mechtildis, Consummationem acerbissimæ Passionis, Peractum
opus Redemptionis nostræ maxime arduum, Victam mortem, & omnem
omnium hostium potentiam, Confractos vinctes inferni, &eductam inde Ca-
ptivitatem, Gloriam immensam Corporis & Animæ, Exaltationem & ce-
lebritatem nominis per mundum universum: & quod secundum multitudi-
nem & magnitudinem dolorum consolationes totius Deitatis lætificaverint
Animam ejus.

3. *Affectu Gratiæ debite:* Gratiâs agendo, quàm potes, maximas &
immortales, pro tantis impensis in redemptionem nostram profusis; pro tam
profunda sui Humiliatione, exinanitione, & quasi annihilatione amore no-
stri; pro tam ardua Obedientia in negotio salutis nostræ; pro tam forti,
constanti, inaudita Patientia; & super omni pro Excessu Charitatis erga ge-
nus humanum, & singulos hominum. Ne autem Gratiitudo nostra intra
sola verba & speciosas velleitates consistat: Offeramus, oportet, nos ipsos
vicissim ad promovendam & augendam, totis viribus naturæ & gratiæ, glo-
riam ejus, 1. In nobis ipsis per mōres honestos, & vitam exemplarem;
agendo

FERIA II.

239

agendo fortia, & patiēdo dura. 2. In proximis, eum quibus familiaris
conversamur, & quorum nobis incumbit cura. 3. In alienis à fide vera hæ-
reticis, gentilibus & Judæis; ferventer pro eorum conversione orando, va-
riaque pietatis & mortificationis exercitia, si aliter eos juvare non possi-
mus, offerendo, præsertim autem Sacrificium Missæ: ut omnes agnoscant,
diligant, timeant, glorificent Te DEUM Patrem, & quem misisti, ac glo-
riosissime resuscitasti, JESUM CHRISTUM.

4. Affectu *Gandij intimi*: 1. de felicitate & gloria Domini, Redempto-
ris, Regis, & Capitis nostri: tum quia ipsum decet omnis beatitudo, maje-
stas, & gloria; tum quia honor & gloria Capitis redundat in totum corpus
& omnia membra. 2. De repentina optatissimaque vicissitudine; quod post
tantum turbinem & tempestatem, quæ Dilectum votorum nostrorum invol-
vit atque demersit, supra spem emerferit ipse felicissime, non salvus tantum,
sed gloriosissimus. 3. Quod ipse virtute & potentia internecione profliga-
ti sint omnes ejus & nostri hostes: nec jam lædere nos possint, nisi volen-
tes.

5. Affectu *humilis Supplicationis*: ut, qui traditus est propter delicta nostra, &
resurrexit propter justificationem nostram; Rom. 4. velit in nobis mortificare
veterem hominem, qui secundum carnem est, & Spiritui gratiæ repugnat:
suscitare autem vitam novam, vitæ suæ immortalis conformem. Ne scilicet
aliquando recidant in mortem animæ nostræ: sed sicut ipse semel pro pecca-
tis nostris mortuus, non moritur amplius; sic & nos per gratiam ipsius vi-
tam vivamus immortalem etiam in corpore mortali.

FERIA II. PASCHATIS.

MEDITATIO: DEVS in gloriam Christi dimittit captivos è limbo: CHRIS-
TUS apparet cunctibus in Emmaus: DEIPARA V. gaudes splendido
comitatu Filij.

I. **A** Dora DEUM O. M. & considera: quomodo ob merita Christi, &
augendam gloriam triumphalis ejus Resurrectionis, animas Pa-
trum & omnium electorum ab orbe condito ad eum diem defunctorum, di-
miserit è limbo, gloria & honore coronaverit, & beatitudine æternâ donarit.
Sedebant in tenebris & umbra mortis, expectantes beatam spem, & adven-
tum gloriæ Magni DEI: & ecce subita lux orta est eis; Dominus fortis &
potens in prælio, ariete Crucis suæ contrivit portas æreas, & vestes ferreos
infernus confregit, & eduxit vinctos suos de domo carceris, juxta illud pro-
missum Patris, Isa. 53. *Dispersum ei plurimos, & fortium divideri spolia pro eo;*
quod ira-

PASCHATIS.

133

quod tradidit in mortem animam suam, & cum sceleratis reprobatus est. O utinam & me numeres aliquando inter spolia tua, gloriosissime Triumphator! Interim strenuus pugnabo pro Te. Adjuva periclitantem.

2. **A**dora D. JESUM, & considera benignissimam ejus apparitionem, quâ eodem, quo resurrexit, die manifestavit se duobus discipulis euntibus in Emmaus castellum. Tristibus de jactura Domini, & immeritâ ejus passionem recolentibus in via, adfuit opportunus consolator, non autem acceptarum injuriarum exprobrator. Imò nec memoriam earum sibi superesse ostendit. Ut humanitati eorum & hospitalitati præberet occasionem: adfuit specie peregrini. Optima enim ad excipiendum Dominum dispositio, est charitas exhibita servis ejus. Non internis solum luminibus, sed Scripturarum divinarum explanatione caligantes eorum oculos illustrare, & cor accendere voluit: ut monstraret fontem, ex quo solatia & lumina hauriamus; Ecce, ô Domine, stultam animam meam: tardam corde ad credendum, frigidam ad amandum, injuriarum acceptarum nimis memorem, erudi & accende.

3. **V**enerare DEI param V. & considera: quanto gaudio perfusa fuerit; quando redivivus filig eam invisit, stipatus splendidissimis duabus turmis, innumerorum Angelorum, & animarum è limbo liberatarum, jamq; gloriâ beatitudinis æternæ donatarum. Vidit Angelos supremos Divinitatis honores reverentissime deferentes Filio suo, ex mandato Patris: *Cum tierum introducis Primogenitum in orbem terre, dicit: Et adorent eum omnes Angeli DEI.* Hebr. 1. Audivit innumerabilem Sanctorum turbam acclamantem: *Cantemus Domino: gloriosè enim magnificatus est.* &c. Exod. 15. Quis explicet materni cordis affectus? Gratulor tibi, ô Domina: ut plenum sit gaudium tuum, annitar: ne pereat tibi Anima mea.

Propositum rependi hodie sæpius: Regina cœli lætare, &c. & exercendi aliquam humanitatis officia erga adversarios.

LECTIO PRACTICA.

Injuriarum quantocius obliviscendum.

Redivivus Salvator, cum per gloriosissimam Resurrectionem non solum in pristinum, in quo ante passionem fuit, statum restitutus esset; sed etiam admirandis, & Majestatem suâ dignis, dotibus ornatus in anima & corpore: memoriz tamen defectum aliquem prodidit Luc. 24. Spectabilis enim, & itineris socius factus duobus discipulis, euntibus in Emmaus vicum, non tantum quæsit: Quinam essent sermones ipsorum? verum etiam Cleophâ respondente; *Tu solus peregrinus es in Jerusalem, & non cognovisti;*

visti;

visi, quæ facta sunt in illis diebus? interrogavit: *Quæ?* Tam citò exciderunt Christo, quæ ante triduum iniquissimè & crudelissimè gesta erant in ipsum. Exciderunt! Imò in sepulchro æternâ oblivione sepulta manserunt. Nam etiam cùm discipuli illi referrent: quomodo summi sacerdotes & principes JESUM tradiderunt in damnationem moris, & crucifixerunt: ipse nullum injuriæ prodidit sensum, nullum memoriæ indicium; sed simpliciter ex Scripturis demonstravit: Oportuisse ita fieri: & quod factum fuerat, in magnam Christi gloriam factum esse. Nonne hæc oportuit pati Christum: & ita intrare in gloriam suam? Non accusat, sed excusat facinus commissum: nec verbulo perstringit Crucifixores, dum stultitiæ & duritiæ cordis arguit discipulos rudiores.

O admirandam, & utrique mundo stupendam, Gratioussimi Salvatoris benignitatem! Gloriosiorem certè mihi repræsentat hic Memoriæ defectus (imò divinißima memoriæ perfectio) seu injuriarum oblivio; quàm omnis gloriosissimi Corporis ejus splendor, dotesque omnes. Voluntaria enim injuriarum oblivio dos est ipsius Divinitatis, attestante DEO per Prophetam: *Si impius egerit penitentiam ab omnibus peccatis suis &c. Omnium iniquitatum ejus, quas operatus est, non recordabor.* Ezechiel. 18, 21.

At hanc sapientissimam oblivionem capere non possumus infelicißimæ memoriæ filij Adæ, non minùs stulti, quàm durî corde. Beneficiorum sæpe nec in crastinum memores, offensarum etiam exiguarum memoriam fovemus æternam. Vix exæstquare incipit bilis: & mox & honesti, & utilis, & prudentiæ, & cæli, & inferni, & ipsius DEI obliviscimur, toti in vindictam abrepti. Monet sapienter Isidorus Pelusiota lib. 3. ep. 7. *Acceptarum injuriarum memoriam retinere, haud generosi animi est: verum improbi ac miseri.* Monet S. Hilarius super illud Matt. 5. *Beati Pacifici, quoniam Filij DEI vocabuntur:* nos non aliter in hanc adoptionem & gloriosam nuncupationem venire posse; nisi oblivione earum rerum assumpta, quibus possumus offendi; aut offensus sumus. Monet per Ecclesiasticum Spiritus Sanctus: *Omnis injuria proximi ne memineris.* Eccl. 10. Sed proficiunt parum, aut nihil. Marmorea facta est nobis memoria; difficillimè eraduntur incisæ ipsi injuriæ, juxta illud Thomæ Mori: Beneficia scribimus in pulvere, injurias incidimus marmori.

Cæterùm si nos monita Sapientum, atque exempla Sanctorum, imò ipsius Resurgentis Salvatoris ac Domini nostri, non movent: pudore saltem nos aspergant dicta factaque Paganorum. Julium Cæsarem ambizioso planè elogio extollit Cicero Orat. pro Marcello; dum dicit: *Eum nihil oblivisci*

solere,

FERIA III. PASCHATIS.

solere, nisi injurias. Quid in hac memoria celebrandum magis? *capacitas, vastitas, tenacitas; an oblivio?* Priora sunt naturæ talenta: postremum dos est & flos virtutis. Floruit hæc dote etiam Phocion prudentissimus & fortissimus Atheniensium Dux: cui, licet innocentissimo, cum ingrata patria per licitorem obtulisset hauriendum poculum venenatum; rogatus ab amicis Phocion: quidnam filio extremâ voluntate demandaret? Respondit, teste Eliano: *Mando ei: ut obliviscatur potus hujus, quem nunc ab Atheniensibus oblatum bibo.* Ne scilicet de injuria Patris vindicanda cogitet.

Nobis autem quid supremâ voluntate demandavit Dominus, & Pater noster, jam jam moriturus JESUS? Finitâ cœnâ ultimâ, *Filii, inquit Jo. an. 13. adhuc modicum vobiscum sum.* Et mox: *Mandatum novum do vobis; ut diligatis invicem. Sicut dilexi vos: ut & vos diligatis invicem.* Et cap. 15. 12. *Hoc est præceptum meum: ut diligatis invicem; sicut dilexi vos.* Et ibid. v. 17. *Hec mando vobis: ut diligatis invicem.* Non consilium dat, sed mandatum & præceptum, idque supremâ voluntate, & toties in eodem sermone iteratum; nec sub alia forma præcipit dilectionem; quam *sicut dilexi vos.* At ipse dilexit, altâ oblivione sepeliendo injurias tam à profugis & perjuris, atque incredulis discipulis, quam à Crucifixoribus acceptas. Ergo & nobis similis oblivionis incumbit obligatio. Non potes eam penitus delere à memoria? Noli signo aliquo prodere memoriam; & occasione datâ declarare charitatem: sic oblivione prorsus deleta censetur injuria.

FERIA III. PASCHATIS.

MEDITATIO: *DEVS, quibus dotibus glorificaverit Corpus Christi: CHRISTVS apparet discipulis congregatis: DEIPARAM V. mirantur & venerantur educti à limbo.*

1. **A** Dora DEUM O. M. & considera: quibus dotibus, & quàm liberaliter glorificaverit Corpus Christi resurgentis. 1. *Tribuit ei Immortalitatem, & Impassibilitatem omnimodam.* Christus resurgens ex mortuis jam non moritur: mors illi ultra non dominabitur, (Rom. 6.) nec satellitibus ejus, fami, siti, tristitiæ, tædio, & quibusvis doloribus, quidpiam licebit in illum. 2. *Subilitatem:* quâ sine ulla difficultate penetrare potest quævis solidissima & crassissima corpora instar Spiritus: prout hodiè legitur ingressus esse ad discipulos januis clausis, & diligenter obseratis ob metum Judæorum. 3. *Agilitatem:* quâ, velocius aquilis, potest se momento præsentem reddere Christus cuivis, quantumvis remoto, loco. 4. *Claritatem,* fideribus omnibus & sole pulchriorem, splendidiorem, amœniorem, copiosorem: ob

quam Apoc. 21. dicitur Civitas DEI non egere sole aut luna: quia *Lucerna ejus est Agnus*. O quam gloriosum ē ferali tumultu eduxit Pater æternus Filium suum, Redemptorem meum! Similem tibi promisit sortem, ô Caro mea putrida & demens: si Christo fueris compassa. Quid in sordibus quaris voluptates tuas?

2 **A** Dora D. JESUM, & considera eum ipso die Resurrectionis suæ, cū jam *serò esset*, foribus clausis ingressum ad discipulos suos congregatos: ut eos solaretur, & erigeret ad fidem firmiorem. *Serò venit*: quia ob spei, fideique defectum non meruerunt accelerari solatium. *Januis clausis venit*: tum ad indicandam subtilitatem gloriosi Corporis sui; tum ut sciremus, portas sensuum esse claudendas, & animæ recollectioni studendum; ut JESUM habere hospitem mereamur. *Stetit in medio*; tanquam Finis & centrum, quò collimare & tendere debemus. Ostendit discipulis manus & pedes nuper dirè confixos, nunc mirè glorificatos; ut ad similem gloriam per studium mortificationis accendat. Quàm sollicitus de suis, quàm blandus, quàm totus, amabilis est JESUS meus! Et non insinuabo me in familiaritatem ejus? Admitte, ô Gratióssime: & doce me ita tractare corpus meum; ut mereatur conformari tuo.

3. **V**enerare DEIPARAM V. & considera: quantā ejus admiratione (non minore certè quàm Dionysius Areopagita) capti fuerint, educti ex limbo Protoparentes nostri, Patriarchæ, Prophetæ, alijsque Sancti, inviscentes eam cum redivivo Christo? Quantā submissione venerati sunt Dei Matrem? Procido cum illis ad plantas tuas, ô Augustissima. Vive, & regna cum redivivo Filio in orbe universo, potissimum in Anima mea.

Propositum, v. g. de corpore proprio ita hic tractando, ut olim glorificari mereatur.

LECTIO PRACTICA.

Corpus durius habendum: ut gloriosam mereatur Resurrectionem.

Veritatis oraculum est: Nemo unquam carnem suam odio habuit: sed nutrit, & fovet eam. Ephes. 5. Amant omnes, sed alij inordinato, improbo, & noxió amore; alij ordinato, probó, & maxime proficuo, Illi corpus suum blandius, quàm par est, fovendo; & corpus & animam præcipitant in gehennam: isti durius illud tractando, & corpori & animæ gloriosissimam merentur resurrectionem, & æternas cæli voluptates. Sed pauci sunt isti: plurimi illi. Non minus enim crudum videtur; carnem suam, instar conjugis copulatam animæ, persequi, & instar mancipij tractare viliori cibo & amictu, atque atterere, castigare, mortificare laboribus, jejunijs, vigilijs, imò & verberibus non raris.

Sed ad-

PASCHATIS.

155

Sed advertere oportet: quod, nisi sic tractetur corpus; non aliud nobis alatur & foveatur, quam sordidus poreus, in pinguem assaturam cessurus Plutoni. Si durior videretur hic sermo, & non sapiat similitudo: utamur sanè molliore & comptiore. Sit caro nostra similis parvulo, quem mater, utpote unicum, & os de ossibus suis, carnem de carne sua, in delicijs habet, lavat, pectit, comit, &, quam potest, exquisitissimè ornat, vestit bysso & purpurâ, nutrit saccharo & crecis; fovet in sinu & intimis amoribus, permittit excurrere, quod placet, agere, quod libet: averruncant Superi, ut aliquis domesticorum filiolo sit molestus. Quis putas, puer iste erit? Facilis, certa & obvia est prophetia. Nebulo, heluo, ganeo turpissimus erit, probum & ruinâ domûs: nisi pater invigilaverit, virgam apprehenderit; vitulantem filiolum coercuerit, prudentem pædagogum ei præfecerit, cum obstestatione, ne parcat. Nam, ut monetæ, ita puero dant formam & pretium plagæ.

Si adhuc comptiorem, præsertim pro festis hisce diebus, velimus similitudinem; videamus: annon sit similis Caro nostra eleganti puellæ, nondum nubili, sed vehementer nupturienti. Nondum duodecimum attigit annum, & jam nihil nisi nuptias cogitat, dotem requirit, sponsum ipsa sibi deligit, emancipari urget. Obstat mater, arguens ætatem immaturam, dotem nondum paratam, sponsum imparem & malè moratum &c. sed nihil proficit. Adest eum amicis pater, imprudentiam filix accusat, suas circa illam curas exaggerat, orat atque obtestatur: ut filia sibi & domui suæ consulat, idoneamque expectet paulisper ætatem. At illa: maritum habere æstutum volo, & debeo, nec alium, quam hunc: alioqui proco non uni me exponam. Quid hic agent mæsti parentes? Pergent blandiri filix? Permittent illam desiderijs suis? Nisi planè insani sint, ad acriora recurrent remedia, & lascivientem in officio continere rigidiore disciplina studebunt.

Numquid prudentior, aut minùs petulans ac lasciva est caro nostra? Utinam ejus temeritatem, dissolutionem & insolentiam rariore disceremus experientiâ! *Quomque misera, insipiens, cæca, demens & prorsus insana caro, transitorias & caducas querit consolationes, imò desolationes?* inelamat Bernardus Serm. 6. super Millus. Sed clamet ille usque ad ravim: delicatam & vagam non absterrebit, nec in ordinem rediget; nisi armatâ manu eam apprehenderit, & cum Apostolo 1. Cor. 9. omnino in servitutem redegerit.

Cæterum ut servitutem, quamvis duriusculam, ferat, si non libenter, patienter tamen: lætanda identidem est spe certâ melioris sortis post modicum temporis intervallum. *Salvatorem enim expectamus, & certo certius aderit,*
qui refor-

qui reformabit corpus humilitatis nostre, configuratum corpori claritatis sue. Philipp. 3. O quali corpori, quam gloriose & accurate conformabit! Illinc, quæritattonitus Chrysostomus, quod sedes ad dexteram Patris? Et respondet: Hoc ipsum corpus conforme fiet illi, quod adoratur ab Angelis, cui assistunt incorporeæ potestates: illi, quod est super omnem potestatem & virtutem; illi ipsi conforme fiet. Non minus miratur, & miranda narrat Bernardus cit: Mira, inquit, dicturus sum, sed tamen vera, & indubitata fidelibus. Ipse Dominus Sabaoth, Dominus virtutum & Rex gloriæ, ipse descendet ad reformanda corpora nostra, & configuranda corpori claritatis sue. Quanta eris illa gloria? quam ineffabilis exultatio; quando Creator universitatis, qui pro animabus justificandis humilis ante venerat, & occultus: pro se glorificanda, ô misera caro! sublimis veniet & manifestus, non jam in infirmitate, sed in gloria?

Excitat nos ad hanc spem etiam hodiè comparens in medio congregatorum discipulorum redivivus Salvator: dum ipsis, nec minus nobis, exhibet glorificatas manus & pedes suos: Videte manus meas & pedes meos: quia ego ipse sum. Luc. 24. Ego ipse sum, in ipso illo corpore, ante triduum tam fœdè deformato, tam dirè lacerato, nunc tam mirè glorificato. Si similem & vestris corporibus optatis gloriam: stigmata mea in ipsis paulisper circumferre non pigeat.

FERIA IV.

MEDITATIO: DEVS prodigijs glorificat Resurrectionem Christi: CHRISTVS in glorioso corpore retinet cicatrices vulnerum: DEI PARÆ Virg. erga eadem affectum,

1. **A** DORA DEUM O. M. & considera: quibus prodigijs glorificaverit Resurrectionem Christi. 1. Christus, sicut nascens prodijt clauso Virginis utero; ita resurgens exivit clauso sepulchro. 2. Monumenta aperta sunt, Matt. 28. & multa corpora Sanctorum, qui dormierant, surrexerunt post resurrectionem Christi; & venerunt in Sanctam Civitatem, & apparuerunt multis. 3. Angelo descendente de cœlo ad revolvendum lapidem sepulchralem, & denunciandam Resurrectionem; factus est terræ motus magnus. 4. Custodes sepulchri exterriti, facti sunt velut mortui. 5. Solem solito citius exortum fuisse, colligunt quidam cum B. Petro Chrysol. ex Marc. c. ult. ubi dicuntur S. mulieres cum aromatibus venisse ad sepulchrum valde manè, orto jam sole. Gratias tibi immortales, Magne Deus, pro eo honore Redemptori nostro habito. Unicum, oro, ut ejusdem honori hodiè adhuc adjicias prodigium: ut moriatur tandem in me vetus homo cum concupiscentijs suis, & nunquam resurgat.

2. Ado-

RESURRECTIONIS.

2. **A** Dora D. JESUM, & considera: cur in glorioso corpore suo voluerit retinere vulnerum suorum cicatrices. 1. Ad firmandam fidem nostram: quod in eadem carne, in qua vivimus, resurgemus. 2. In memoriale acerbissimæ Passionis pro nobis toleratæ; adeoque in perenne monumentum sui in nos amoris summi. *Non obliviscar tui*, inquit per Isaiam c. 49. *Ecce in manibus meis descripsit*. 3. Ut iratum Patrem, luculentis hisce misericordiarum argumentis exhibitis, facilius placaret in posterum, & nos cum ipso reconciliaret. 4. Ad maiorem damnatorum confusionem in die Judicii; quando eis exprobrabit: se tanta pro ipsis passum frustra. 5. Ad magis commendandum nobis vulnerum suorum cultum & refugium ad ipsa in tentatione. O anima mea, quo oculo aspicias olim splendidissima hæc stigmata Judicis; quæ nunc tam parùm moveris cruentis vulneribus Redemptoris? Parce, mi JESU, per eadem vulnera tua; & permitte, ut in ipsis abscondar à facie iræ DEI.

3. **V**ENERARE DEIPARAM V. & considera: quo oculo & materni cordis affectu alpexerit in redivivo Filio illas vulnerum cicatrices. Vidit illas jam converfas in soles: & immane tormentum transisse in cœleste ornamentum. Suscepit vulnera illa ut infinitum & inestimabile pretium redemptionis nostræ; ut asylum miserorum; ut ora disertissimæ Charitatis DEI pro nobis morientis; ut foramina Petræ, in quæ se recipiant periclitantes columbæ, & animæ devotæ. O Domina, tuos illos mihi infunde affectus erga eadem vulnera. In ipsis habitabo: & securus Judicem meum expectabo.

Propositum, v. g. de singulari devotione erga vulnera Christi.

LECTIO PRACTICA.

De frequentii memoria & religioso cultu quinque vulnerum Christi.

Gloriosus JESUS à mortuis resurgens sibi reservavit Stigmata V. Vulnerum, nobis reliquit ipsa Vulnera, tum ad usum salutarem, tum ad memoriam & cultum. Grande & pretiosum depositum, cordi & menti nostræ commissum: si uti sciamus & velimus! Rectè monet Kempensis lib. 2. c. 1. *Si nescis speculari alia & cœlestia, requiesce in Passione Christi; & in sacris ejus vulneribus libenter habita*. Commoda enim ex quinque vulneribus Christi promanantia sunt planè infinita ob infinitam ipsorum virtutem. Quintuplex specialiter decerpere possumus ex Biblioth. Lohneri tit. 152.

I. Efficacissimum sunt Medium ad placandum DEUM offensum. *Peccavi peccatum grande*, inquit S. Bernardus Sermon. 65. in Cant: *turbatur conscientia: sed non perturbat; quoniam vulnerum Domini recordabor*. Recordabor: ut

ca cor-

et corde contrito præsentem offenso DEO: nec dubito, placandum. S. Mechtildem in visu raptam ad tribunal divinum, accusarunt Angeli Sancti, & creaturæ omnes: Seraphini ob teporem in amando, Cherubini ob exilitatem sciendi; Throni inculpabant defectum pacis, Apostoli exiguum doctrinæ suæ curam, Martyres in fortitudine pusillam magnanimitatem, DEI para V. neglectam in fidelitate erga Filium suum integritatem: Omnes creaturæ in usu sui abusum. Inter hæc Christus ad Mechtildem conversus, eam bono animo esse iussit, & intentata crimina diluit. Ex quo illa animosior facta, talem ac tantum Advocatum in ulnas sumpsit, offerensejus vulnera, & inde manantem sanguinem cum meritis Passionis pro suis defectibus: ut Humilitatem pro superbia, Charitatem pro sua tepiditate. Sic satisfecit Judici, & abiit indemnis.

II. Efficax sunt Medium ad Voluptates & illecebras Mundi spernendas. Devotæ cuidam animæ, ut habet Caraffa in Fascic. lib. 5. Confid. 7. creaturarum pulchritudini plus æquo addictæ, apparuit Christus, ostendens vulnera sua gloriosissima & speciosissima, itaq; recentia, ac si eâ horâ inflicta fuissent. Tantumque fuit lumen & pulchritudo illorum; ut anima illa capta Christi amore, omnem creatum exuerit. S. Theresia ex solo unius vulneris manûs aspectu ita fuit immutata animo: ut hanc illius pulchritudinem & lumen adamaret super omnia; & ab illa hora omnem mundi amorem abhorreret.

III. Efficax sunt medium ad vitanda peccata. Tanta est virtus vulnerum Christi, inquit S. Bernardus apud Caraf. cit. ut adeorum memoriam totius peccati & mortis fugetur exercitus. Ex eorum enim consideratione agnoscit homo; ut notat idem Serm. 3. de Nativ: *quàm gravia sint peccatorum vulnera, pro quibus necesse fuit Dominum Christum vulnerari. Si non essent hæc ad mortem, & mortem sempiternam: nunquam pro eorum remedio Filius DEI moreretur.*

IV. Efficax sunt medium ad adversa fortiter toleranda. Nam juxta Bernard. pudor est sub spinoso capite membrum esse delicatum. Et miles non sentit vulnera sua, qui ducis sui vulnera intuetur. Religiosus quispiam cum asperitatem, præsertim in victu viliori ferre amplius non posset, egressum meditabatur; & jam monasterij foribus appropinquabat: cum ecce obvium habet Patientem JESUM, qui pallio diducto vulnus lateris illi exhibuit, iussitque: ut grossiorem insipidumque panem in eo intingeret; illic futurum suavem & dulcem. Rediit miser ad cor, ac deinceps meditatione vulnerum Salvatoris omnem acerbicatem sibi feliciter condebatur. Bene

Kemper-

FERIA V. RESURRECTIONIS.

159

Kempensis libr. 2. de Imit. c. 1. *Si ad vulnera & pretiosa stigmata JESU devotè confugis; magnam in tribulatione confortationem senties: nec multum curabis hominum despectiones, faciliusque verba de rrahentia perferes.*

V. Efficax sunt medium ad acquirendas virtutes, præsertim charitatem inflammandam. Viro eximie sanctitatis petenti medium efficacissimum ad inflammandum cor amore divino, respondit Christus: Exerce te in consideranda Humanitate mea vulnerata. Nam in ea maxime lucet mea charitas non aliter quàm sol in suo splendore, rosa rutilans in suo odore, ignis vehemens in suo flagranti æstu & ardore. *Caraf. in Fascic. Confid. 21.*

Sufficere possunt hæc ad excitandum in nobis religiosum ferventemque SS. eorundem vulnerum cultum, & refugium ad illa. S. Elzearius Comes ad conjugem, suam præsentiam desiderantem scripsit: *Si me videre cupis: quære me in Vulnere lateris Christi: ibi enim habita, & ibi me poteris invenire.* S. Francisco Xaverio familiarissima fuit hæc Oratio: *Domine Jesu Christe, Deus cordis mei, rogo te per illa quinque vulnera, quæ tibi nostri amor in cruce infixit: famulis tuis subveni, quos pretioso sanguine redemisti.* S. Mechtildis à Deo inspirata sic orare solebat: *O saluifera vulnera dulcissimi mei Jesu salve te, salve te in potentia Patris, qui vos dedit: in sapientia Filij, qui vos sustinuit: in benignitate Spiritus sancti, qui in vobis opus nostræ redemptionis perfecit.* Tempore Friderici Imp. miles triduo hæsit in patibulo, nec mori potuit, donec Sacramentali absolutione expiaretur: eò quòd honori SS. Vulnerum quinque Orationem Dominicam & Angelicam Salutationem quotidie recitasset. *Hartunck Domin. in Alb. Conc. Civica.*

FERIA V.

MEDITATIO: *DEVS inenarrabilibus solatijs replevit Animam Christi:
CHRISTVS & Mater ejus exultant spolijs inferni.*

1. **A** DORA DEUM O. M. & considera: quibus solatijs & gaudijs repleverit Animam Filij statim à momento mortis. Fuit illa quidem semper beata clarissima Visio Dei: sed tempore mortalis vitæ obstruxerat Deus canales (ipsamet volente) quibus in illam exonerari debuisset divinæ voluptatis Oceanus infinitus. At ubi effluxit tempus patiendi: illico ruptæ sunt cataractæ cæli, & illam aride beatam animam per annos 30. & amplius, toto DEO inundarunt. Quanta fuerint ejus solatia & gaudia; assequi non possumus: conjecturam præbet Psalmus 93. *Secundum multitudinem dolorum meorum consolationes tuæ lætificaverunt animam meam.* Sis benedictus Opt. Max. DEUS pro ea gaudiorum profusione in Dominum meum. Mihi sufficit gratia patientiæ: da copiosam & efficacem.

2. **A** Dora D. JESUM, & considera: quantâ animi exultatione exierit benedicta ejus Anima e limbo Patrum, captivam ducens captivitatem animarum sanctarum, collectam ibi ab orbe condito. Copia erat innumerabilis, dignitas personarum ascendens usque ad sortem amicorum & filiorum DEI, diuturnitas captivitatis extendebatur non paucis ad annos circiter quater mille. Tot ac talium eliberatio, in manu forti & brachio extento, quanta seges gaudiorum & triumphi! Amplior certe sine comparatione, quàm olim fuit Abrahamo, post cæsos tumultuario prælio hostes, & eliberatum Loth. Expressit aliquatenus affectum Salvatoris Patriarcha Jacob Genes. 32. redux̃ Mesopotamia, & felicitatem suam admirans: *In baculo meo transivi Jordanem isum; & nunc cum duabus turmis regredior.* Gratulor Tibi, Gloriosissime inferorum Triumphator, opima hæc spolia. Utinam & ego revertar ad Te cum numerosis turmis animarum. Laborabo: da fructum labori.

3. **V**enerare DEIPARM V. & considera: quomodo exultaverit Spiritus ejus in DEO Salutaris suo; quando vidit atrium fortis armati per tot sæcula custoditum, expugnatum tandem à Filio suo, & Captivos ejus omnes in libertatem assertos; præsertim Protoparentes Adamum & Evam, primum Martyrem justum Abel, clarissimos Patriarchas Abrahamum, Isaac, Jacob, Joseph, regis stirpis suæ authorem Davidem, Sanctissimos Parentes suos Joachimum & Annam, Sponsum Josephum, Joannem Præcursores &c. Quis explicet jubilum cordis ejus? Congaudeo Tibi, ô Domina. Impetra gratiam: ut & ego cum copiosa præda tali compaream olim coram Duce meo JESU.

Propositum, v. g. procurandi: ut cum multis animabus, DEO acquisitis, ingrediaris cælum.

LECTIO PRÆCTICA.

Nihil gloriosius, quàm spolia deirabere inferno.

NON sine causa Salvator noster Satanam Luc. 11. vocat *Fortem Armatum.* De ipso enim dicitur, Job 41. *Non est potestas, quæ comparetur ei: qui factus est, ut nullum timeret.* Nam & proprijs tumet viribus, & innumeris fortissimorum satellitum succinctus est legionibus: quibus olim atrium suum, (Limbum) custodiebat, ne vel unicus captivorum evaderet. Nihilominus supervenit fortior illo, Salvator noster, qui ligno crucis universam ejus potentiam profligavit, arma ejus abstulit, & captivam duxit captivitatem triumpho à sæculis inaudito & gloriosissimo. Imò parum ei fuit, hostem quasi singulari certamine, profligasse: eadem virtute suâ induit servos

servos suos, ejusdemque gloriæ voluit esse participes; ut non solum ex hominum corporibus ejicerent dæmonia, verum & animas in eorum potestatem redactas per peccata, vindicarent in libertatem, non minore gloriâ DEI & suâ, quam fortitudine.

Quam gloriosum sit hoc opus, colligere licet tum ex difficultate interveniente, tum ex honore sequente. Difficultatem faciunt imprimis vires & artes hostium, qui, quas in suam potestatem redegerunt, animas & custodiunt vigilantissime, ne evadant, & totis viribus, quibus pollent maximis, se opponunt conatibus eorum, qui aliquam eripere tentant. Hinc non raro fit: ut, qui se animarum saluti procurandæ strenuè impendunt, tantis involvantur difficultatibus, persecutionibus, injurijs, impedimentis à dextris & sinistris, à probis & improbis: ut ipsimet ægerrimè reperiant exitum. Patet in Apostolis & Viris Apostolicis. Unde cum Apostolus 1. Cor. 16. dixisset: *Ostium enim mihi apertum est magnum & evidens*, ad propagandum Evangelium; statim subjunxit: *Et adversarii multi*. Nam, ut notavit S. Chrysostomus hom. 43. in ep. ad Corinth. & ep. 15. ad Olymp: *Nunquam magis sævit ac furit scelestus ille demon: quam cum ex suis vasis & instrumentis multa videt diripi. Quamobrem quando videris virum justum magna & præclara gerere, & mala pati innumerabilia, ne mireris. Nam contra mirari oporteret; si diabolus multas accipiens plagas, esset quieturus, & vulnera placidè toleraturus.*

B. Henricus Suso, cum ad prædicandum, aliaque Evangelij ministeria profectus esset peregrè: vidit alius vir Sanctus DEUM in solio suo residentem, & ejus permisso duos cacodæmones solutos atque egredientes, qui divexarent ipsum. Et sanè multis gravibusque turbis eum involverunt, ut non solum à sæcularibus insimularetur sacrilegij, sed etiam à quibusdam Fratribus suis hæreseos: atque in extremum vitæ discrimen adductus fuerit. *Scrius in Vita.*

S. P. N. Ignatius cum Parisijs Philosophiæ adhuc operam daret: ut melius studijs vacaret, ab Exercitijs Spiritualibus tradendis, alijsque proximum juvandi modis aliquantisper abstinendum sibi duxit. Interim altâ pace fruebatur: ut quidam ei gratularetur; quod non solum quiete gauderet, sed etiam miris hominum laudibus in cælum ferretur, tanquam Vir Sanctus. Ad quæ subridens Ignatius: *Sine*, inquit, *finiam Philosophiam, & juvando proximo iterum me applicem: videbis, quanta mox insurget, feruebitque tempestas.* Nec aliter evenit, quam dixerat. *Ribad. in Vita l. 2. c. 1.*

Sed quam arduum est Inferno, fortique Armato detrahare spolia; tam gratum Christo, & nobis honorificum invenitur. S. Theresia Cordubæ exiens,

stans, à S. Communionem in cœlum atque in DEum mente raptâ, vidit è purgantibus flammis animas magno numero, & gratulatione festivâ ferri in cœlum. Ducebat reliquas una cunctis splendidior: quam, inter angelicas legiones obvius factus, magnâ singularis benevolentiz significatione, suavissimo amplexu dignatus est D. JESUS. Desiderabat Theresia scire, quanam essent illarum animarum, ac potissimum Dux reliquarum? idque ex una de posterioribus quæsit. Responsum ei est: Dux noster, tam acceptus Domino, est Frater unus è Societate JESU, cujus virtuti ac precibus debemus, quod hodie à Purgatorio liberemur. Obierat verò eo ipso puncto temporis quidam è Societate JESU Coadjutor, Ecclesiæ Cordubensis ædituus, qui annis plus 30. eo officio admodum religiose functus fuerat, atque singulari continentiz laude: quod è 400. Virginibus Devotis, ut vocant, quæ templum illud frequentabant, ex voce distingueret singulas, nullam tamen earum noverit de facie. Addidit anima illa S. Theresiz loquens: Quod obvius JESUS amplexu dignatus sit ductricem nostram, id novum non esse, sed ordinariè exhiberi defunctis è Societate: scilicet propter animas in cœlum ductas. *Imago Primi Seculi Soc. pag. 648. Lancicini Opusc. 17. n. 167.* Placeat amplexus? Placeat etiam strenuus & indefessus labor in spolijs inferno detrahendis, cœlo autem inferendis. Aderit Gratiofissimus JESUS, non minore gratulatione & plausu nos excepturus, quam Melchisedech excepit Abrahamum à corde hostium cum spolijs revertentem. *Gen. 14.*

FERIA VI.

MEDITATIO: DEVS confundit Judæos: CHRISTVS apparet Mariæ Magdalenz & alijs pijs maioribus: DEIPARA Virgo gaudet nuncio de Apparitione Christi.

1. **A**DORA DEUM O. M. & considera: quàm admirandâ sapientiâ eludere solet consilia & machinationes hominum; ipsisque illudere, inducendo eventus, ipsorum intentioni planè oppositos. Consilio inito petierant Judæi à Pilato custodes sepulchri Domini: ne fortè illius corpus auferrent discipuli, & fieret novissimus error pejor priore. At hi ipsi custodes facti sunt testes Resurrectionis Christi: *Venerunt in civitatem, & nunciaverunt principibus Sacerdotum omnia, quæ facta fuerant. Matt. 28.* Iterum igitur inito consilio, pecuniam copiosam dederunt militibus, ut dicerent: Discipulos abstulisse corpus JESU, ipsis dormientibus. Radiculus consilium, Dormientes adhibentur testes furri. Stupenda obstinatio! Fraudes intexere malunt fraudibus maligni, quàm cedere veritati. Sed quare fremuerunt gentes, & popu-

& populi meditati sunt inania? Qui habitat in cælis, irrisit eos; & Dominus subfannavit eos. Non est consilium adversus Dominum. Jam toto claret in mundo, quod Judæus obscurare nitebatur auro. Tibi omnem prudentiam & calliditatem meam submitto, DEUS. Tibi serviam in simplicitate cordis mei.

2. **A** Dora D. JESUM, & considera: eum prius apparuisse Mariæ Magdalenzæ, & alijs quibusdam pijs matronis, quàm Apostolis. Illæ enim ferventiores erant & constantiores in cultu Christi. Nam & summo manè contenderunt ad sepulchrum, & pretiosa ferebant unguenta ad unguendum Corpus D. Jesu. Non sexum aut statum personæ respicit Dominus: sed cordis devoti affectum & officia. Magdalenzæ igitur specie hortulani inprimis apparuit, tanquam zelosiori inter cæteras, magisque diligenti: quæ etiam digressis à sepulchro alijs, constans & anxia ibidem hæsit, quærens, quem diligebat anima ejus, & lamentans: quia *Tulerunt Dominum meum*. Hæc jactura, vel sola, vel primaria debet esse causa luctûs nostri. Alijs quoque Hierosolymam à sepulchro revertentibus matronis occurrit Dominus, easq; humanissimâ salutatione dignatus est: *Ave*. O si anima mea ex hoc corpore migrans inereretur simile *Ave*! Interim cum ijsdem pijs matronis, quæ accesserunt, & genuerunt pedes ejus, & adoraverunt eum, Matt. 28. advolvor pedibus tuis, & adoro te viventem in sæcula, Salvator meus.

3. **V**ENERARE DEIPARAM V. & considera: quo affectu ab ijsdem matronis acceperit nuncium de Resurrectione Christi, & apparitione ipsis facta. Quàmvis enim Matri inprimis se redivivum exhibuerit: Gaudebat illa tamen, etiam alijs communicatam esse eam felicitatem; suæque ipsis communicabat gaudia: Congratulamini mihi; quia inveni, non jam drachmam perditam, sed pretium infinitum redemptionis humanæ. Congratulor & ego Tibi, Domina: fac, ut idem pretium, Dominum meum Jesum, & æsumem magis, & custodiam accuratiùs.

Propositum, v. g. de consolando afflictis, præserim si quibusdam dedisti causam afflictionis.

LECTIO PRACTICA.

Quinam à DEO visitari & consolari mereantur?

R Epræsentant eos Maria Magdalena aliæque piæ Matronæ; quibus, ante omnes Apostolos, spectandum se exhibuit redivivus Salvator, incredibili solatio repletis. Ut igitur & nos in orationibus & afflictionibus nostris visitare dignetur Dominus, & opportuna aliquâ recreare consolatione: imitandæ sunt illæ.

I. In agilitate & promptitudine ad cultum divinum. Nam in primis post sepultum Dominum revertentes in civitatem, statim *paraverunt aromata & unguenta*, ut habet S. Lucas c. 23. quibus divinum corpus iterum ungerent. Quia verò per religionem Sabbati sequentis id officij præstare non poterant: postquam transiit Sabbatum, *valde diluculo venerunt ad monumentum, portantes, quæ paraverant, aromata*. Habet Matutina devotio singularium favorum divinorum Privilegium quoddam. Psalmo 45. promittit Spiritus S. animæ devotæ: *Adjuvabit eam DEUS manè diluculo*. Et Sapiencia divina Proverb. 8. *Ego diligentes me diligo: & qui manè vigiliant ad me, invenient me*. Et Eccl. 32. *Qui vigilaverint ad illam, invenient benedictionem*. Unde de sublimioris sapientiæ studioso dicitur Eccles. 39. *Cor suum tradet ad vigilandum diluculo ad Dominum, qui fecit illum, & in conspectu Altissimi deprecabitur. Aperiet os suum in oratione, & pro delictis suis deprecabitur*. Statimque ingens fructus orationis matutinæ subjungitur: *Si enim Dominum magnus voluerit (volet autem, si humiliter ferventerque sollicitatus fuerit, atque id ad ejus gloriam & nostram salutem conduxerit) Spiritum intelligentiæ replebit illum. Et ipse tanquam imbres minuet eloquia sapientiæ suæ &c.* Quantum damni retulerit Sponsa, quod nonnihil tergiversata fuerit lectulo se proripere, & pulsanti sponso aperire: fateretur ipsa Cant. 5. *Pessulum ostij mei aperni dilecto meo: at ille declinaverat, atque transierat. Quasiivi & non inveni illum: vocavi, & non respondit mihi. Invenierunt me custodes, qui circumveniunt civitatem; perusserunt me, & vulneraverunt me, tulerunt pallium meum mihi custodes murorum*. Semper igitur sapientiæ & pietatis studiosis inter primas curas fuit: vel mediâ nocte, vel saltem primo manè, & ante omnia alia negotia vacare devotioni & contemplationi.

II. Imitandæ sunt piæ illæ Matronæ in constanti cultu Passi JESU. Quamvis enim per ea, quæ gesta erant, non parum detrimenti accepisset fides earum: pius tamen in illum affectus viguit semper. Constantes enim adhæserunt & crucem bajulanti, & suspenso in cruce, & ad tumulum delato: nec sterilibus tantum lacrymis & tenerâ compassione testatæ sunt constantiam pij affectus; sed quibus poterant, & quæ tempori opportuna erant, officiosæ Charitatis obsequijs; nec respectibus humanis abductæ, nec militum custodiâ absterritæ, nec levitate & imbecillitate sexûs impeditæ. Similia subditorum erga peremptum Dominum suum officia, valde æstimavit, & celebravit David 2. Reg. 2. ubi viris Jabes Galaad, quod Saulem sepelissent, amplissime benedicit, & regiam gratiam suam promittit.

Remuneratur Christus longè liberalius constantiam pietatis erga se Passum. S. Ludgardis Passio Salvatori per omnem vitam addictissima, quoties cor

ties corpore vel spiritu afflictam se videbat, non alibi quàm coram Crucifixi imagine, quam magnâ animi oculorumque attentione intuebatur, quærebat solatium, & inveniebat. In raptu quodam datum ei est, ad Sacrosanctum cruenti lateris vulnus os applicare: unde incredibilem contra omnem adversitatem hausit consolationem. *Serius 16. Jun.*

In Gestis S. Gertrudis lib. 5. c. 2. Insinuat. divin. piet. suavissimum narratur colloquium Christi cum Mâre sua, excipiente Gertrude. Dic mihi, Domina Mater, ait Christus, quid tibi inter illa, quæ exeunti è corpore exhibui, fuit suavissimum? Quia ista rogat me: ut Matri suæ similiter faciam. DEIPARA respondit: In hoc, Fili mi, magis delectabar: quòd tantæ securum refugium in ulnas tuas habui. Ad hoc reposuit Dominus: *Hoc, Mater mea, pro eo accepisti: quòd toties dolorosis suspirijs Passionem meam in terris recoluiisti.* Non allegat Dominus alia officia & obsequia sibi per omnem vitam exhibita à Matre, quàmvis singula summè æstimârit, gratissimaque habuerit. Solam commemorat religiosam Passionis suæ memoriam. S. Gertrudis, teste Blosio in Monili, divinitus didicit: Quoties quis Christi Crucifixi Imaginem animo piè commoto aspexerit; toties oculos divinæ pietatis erga ipsum benignissimè converti.

Quid ergo tam longè oberramus, Consolutores in adversis quærendo: quando tam prope habemus Jesum, per se pronissimum in solatia nostra? Modicis, sed impigris, præsertim matutinis, opus est obsequijs. Vel meminisse Passionis, est fontem cœlestium solationum aperuisse.

SABBATO.

MEDITATIO: *DEus sepulchrum Christi facit gloriosum: Christus appare: Petro: Deipara Virgo in medio gaudiorum non immemor Passionis.*

1. **A** DORA DEUM O. M. & considera: quàm cumulatè præstiterit, quèd Isaias prædixit cap. 11. 10. de Christo: *Ipsam gentes deprecabuntur: & erit sepulchrum ejus gloriosum.* Gloriosum fecit sepulchrum ejus. 1. Quia novum erat, in quo nemo adhuc positus fuit, excisum in petra, situm in horto, à viro nobili & probò, Josepho, paratum. 2. Quia satellites, ejus custodes, terræ motu fugavit, & eorum loco Angelos substituit, resurrectionis prædicatores. 3. Per S. Helenam sepulchrum illud magnificentissimo templo exornavit. 4. Innumeris miraculis, & constanti peregrinorum concursu ex orbe universo illustravit. 5. Licet per complura sæcula in Saracenorum & Turcarum fuerit potestate, nihil tamen nocuementi ab ipsis accepit; imò Imperatores Turcarum titulo Custodum ejus gloriantur. 6. Christia-

ni pas-

in passim Sabbato Sancto splendide constructis in templo sepulchris, Hierosolymitanum illud repræsentant, & venerantur. Benedictus es in sepulchro Filij tui: magnus, laudabilis & gloriosus in sæcula! O quando inde abiges canes Ottomannicos, & restitues illud populo tuo! Videant hoc opus dexteræ tuæ oculi nostri.

2. **A** Dora D. JESUM, & considera specialem ejus erga S. Petrum affectum. Ipsi enim, ante alios Apostolos, eodem, quo resurrexit, die apparere dignatus est; & Angelus præcipiens mulieribus Mar. 16. *Itē, dicite discipulis ejus & Petro: quia præcedit vos in Galilæam*, specialem habet rationem Petri. Honorari nimirum Dominus voluit pœnitentiam ejus ferventem, atque charitate plenam: &, ne despiceretur ob præteritam negationis culpam, consulere voluit honori ejus, quem Principem Apostolici culminis designaverat. Et mox apparuit: quantum autoritatis in Apostolico Collegio haberet inde Petrus. Cum enim narratio complurium gravium & probarum matronarum de ijs, quæ viderant in sepulchro Domini, haberetur pro fabula, imò *deliramento*: ubi Petrus suum addidit testimonium de apparitione sibi facta; non dubitârunt asseveranter affirmare Apostoli. *Quia surrexit Dominus verè, & apparuit Simoni*, Luc. 24. Suspicio, Gloriosissime Jesu, viscera misericordiæ tuæ erga ferventer pœnitentes: qui & Magdalenam & Petrum præ alijs maturius solari & erigere voluisti. Respice etiam peccatricem hanc animam, de defectu rigidæ pœnitentiæ dolentem, & da gratiam, ut defectum rigoris suppleam fervore amoris.

3. **V**enerare DEI param V. & considera: non ita illam gaudijs cumulatam fuisse in Resurrectione Filij; ut desineret dolere de ejus passionem & morte. Totâ vitâ mortali fuit illi Dilectus suus & Botrus Cypri dulcissimus, & Fasciculus myrrhæ amarissimus. Gaudium ejus auxit receptio Petri in gratiam, & apparitio ei facta. Gaudebo, & ego tecum, ô Domina; & dolebo tecum. Suspectum est gaudium: quod non comitatur, vel sequitur dolor de offenso, vel passo DEO.

Propositum de complectendis singulari affectu adversarijs pœnitentibus.

LECTIO PRACTICA.

Speciali benevolentia prosequendi, qui nos offenderunt.

Docuit hoc VERBUM ÆTERNUM pro peccatoribus caro factum; docuit prædicans, docuit & Crucifixus Jesus, orans pro crucifixoribus suis; docuit etiam redivivus; quando non habitâ ratione ternæ negationis & perjurij, tam eximia singularis benevolentia testimonium exhibuit Petro: Nec decet: ut in perfectione dilectionis inimicorum Christianos superent ij,

rent ij, quos non erudierunt verba & exempla Christi. Joseph Patriarcha, cum se manifestasset Genes. 45. *Osculatus est omnes fratres suos, & ploravit super singulos.* Nimirum, ut ait August. Serm. 83. de Temp. *Odium fratrum lacrymis charitatis abluebat.* Non potest satis hunc Patriarcham mirari S. Ambrosius lib. de Joseph. c. 1. *Iure mirandus, inquit, qui hoc fecerit ante Evangelium; ut Iesus parceret, appetitus ignosceret, venditum non referret injuriam, sed gratiam pro contumelia solveret. Quod post Evangelium omnes didicimus, & servare non possumus.*

Moyſes quoque gravissimis affectus injurijs non solum à Core & sequacibus ejus, sed etiam à propria sorore Maria & fratre Aaron, imò toto populo: omnes tamen benevolentissimo proſequiebatur affectu, benefaciebat omnibus, pro omnibus anathema fieri cupiebat, & deleri de libro vitæ, modo parceretur ipsis. *Quantas, miratur Ambrosius libr. 2. Offic. c. 7. à populo illatas absorbebat injurias! quam miri sermone post contumelias appellabat! Quomodo consolabatur in laboribus, detinebat oraculis, fovebat operibus? Merito æstimatus est super homines, & ut vulnus ejus non possent incendere.* Magis enim ardor charitatis, quàm promicantes radij, aspicientium feriebat oculos, & hominem monstrabat divinum.

Verùm hæc dilectionis inimicorum exempla ante Christum edita, ut mira, ita rara fuerunt. Evangelij gratia est, quod jam ubique terrarum quotidie oriatur, orbemque illustret universum sol hic charitatis: dum in omni sexu, ætate & statu reperiuntur; qui non solum tolerare injurias didicerunt, sed etiam amare inimicos, injurias beneficiorum loco habere, & tam profusis officijs atque obsequijs demereri eos, quos experiuntur adversarios: ut nihil simile præstituri sint amicissimis. Sic de Abbate Achille habetur in Vitis PP. quod rogatus à duobus fratribus, sibi admodum addictis, ut quidpiam faceret in ipsorum gratiam: Recusavit. Rogatus autem à tertio, apud quem in mala erat opinione, statim annuit: *Ego tibi faciam.* Rosyveid. n. 79. Taulerus quoque de quadam sancta Virgine scribit in Instit. c. 31. quod moriens rogata: quibus potissimum pietatis exercitijs se occupasset? Inter alia dixit: *Quicquid me injuriâ vel molestiâ quâvis afficiebat: huic ego specialia quædam beneficia rependere curabam; quæ nisi prius læsa ab ipso, minimè conulessim.*

De S. Joanne Eleemosynario, Patriarcha Alexandrino, scribit Surius in Vita: quod cum quidam ejus nepos ad ipsum accurrisset, graviter questus de insigni ignominia à caupone sibi illata, nullo habito cognati Præfulis respectu: Sanctus non leviter se commotum præferens, respondit: Tibi patientia necessaria est; Ego verò injuriam illatam ita ulciscar; ut tota Alexandria sit

dria sit in admirationem rapienda. Advocatum deinde famulum misit ad cauponem illum, liberaliter ei remittendo annuum quoddam tributum, quod Patriarchæ pendendum erat. Et sanè non caupo solum, sed universa Alexandria stupuit tale vindictæ genus.

In Italia, ut refert Nicol. Erithr. exempl. 112. quidam cohortis ductor hymbabat in monasterio PP. Dominicanorum, cui F. Michael Gislerius præerat. Is rogabat ductorem; ut suorum militum licentiam compesceret: sed ille ipsi Priori minatus est, si hiscere auderet, se eum in puteum vicinum præcipitaturum. Post annos aliquot Prior, Gislerius, factus est summus Pontifex, Pius V. dictus. Ad quem cum idem ille militum Præfectus à civitate sua mihius esset certi negotij causâ, atque ad pedes Pontificis accidisset: rogavit Pontifex: Num meminisset illius Prioris, quem in puteum projicere voluisset? Affirmanti, se meminisse: Ego, inquit, sum ille. Vehementer consternatum, bono esse animo iussit, & humanissimis verbis erectum, & beneficijs ornatum dimisit. Divina tamen ultio non defuit. Filius enim ejus ad eundem puteum postea interfectus est.

Disponat DEUS de vindicta adversariorum nostrorum: nos (si Christi esse volumus discipuli, & honorem Filiorum Dei, ut decet, æstimamus) imminuentem deprecari & impedire; vultum serenum & manum beneficam ipsis exhibere, parest. *Vicem injuriæ reddere, humana ultio est: ac inimicum diligere, vindictæ celestis est:* ait S. Paulinus.

DOMINICA IN ALBIS. I. POST PASCHA.

MEDITATIO: *Deus gloriosus in Resurrectione Christi: Christus amanter corrigis incredulum Thomam: Deipara Virgo suspicit Christum, ut singularem Redemptorem suum.*

1. **A** Dora DEUM O. M. & considera eum gloriosissimum in Resurrectione Christi. Gloriosus valde apparuit in educatione populi sui ex Ægypto, & demersione Pharaonis cum exercitibus suis in mari rubro: Unde Moyles Exod. 15. *Cantemus Domino: gloriosè enim magnificatus est; equum & ascensorem dejecit in mare.* At gloriosius magnificatus est in Resurrectione Christi. Nam & Romanorum potentiam vanam esse adversus se, & adversus Christum suum, ostendit: & Judæorum fraudes, criminationes, odia, & rabiem nihil profecisse, demonstravit: & mortis tyrannidem inmanissimam evertit, & totam inferni potentiam confregit; equum diabolum cum ascensore Judæo dejecit in mare rubrum sanguinis Christi, & cum æterno opprobrio demersit. *Dextera tua, Domine, magnificata est in fortium.*

fortitudine. Quis similis tui in fortibus, Domine, quis similis tui? Iste Deus meus, & glorificabo eum.

2. **A** Dora D. JESUM, & considera: eum gloriam Resurrectionis suæ ampliare voluisse vel maximè per Clementiam & Charitatem erga immeritos. Vide, quàm indulgenter & amanter tractet Thomam incredulum, & satis obstinatum. Ipse se offert ducem erranti, medicum ægroto, salvatorem periclitanti. Præterit Petrum, non alloquitur Joannem; ad solum conversus incredulum, dicit Thomæ: *Infer digitum tuum huc: & vide manus meas: & affer manum tuam, & mitte in latus meum; & noti esse incredulum, sed fidelis.* Joan. 20. Quid lenius aut blandius dici potuit? Quid exhiberi indulgentius? *Affer manum tuam, & mitte in latus meum.* Etiam à pedibus arceri merebatur; & admittitur ad latus & cor Thomas! Docuit Dominus: leniter tractandos esse peccatores, dum spes est pœnitentiæ. Non tam ex tactu, quàm tantà benignitate Domini, jam cereus Thomas obstinatus, exclamat: *Dominus meus, & Deus meus!* Ingemina idem pari affectu anima mea: plus enim tibi facit Jesus; quando tam crebrò admittit indignissimam ad fandum, & non solum tangendum, Corpus suum.

3. **V**enerare DEIPARAM V. & considera: quo affectu ferebatur in redivivum Christum: siquidem illum suspiciebat non solum ut communem generis humani Redemptorem; sed ut singularem & specialem Redemptorem suum; qui Matrem non permisit incidere in captivitatem; imò à periculo proximo incidendi prohibuit. Quod genus Redemptionis ut excellentius est, & plus habet amoris: ita longè magis, quàm Redemptionis nostræ beneficium æstimari meretur. Æstimavit Mater: æstimo & ego servulus tuus. Vivat ergo gloriosissimus Redemptor Jesus! Vivat sic redempta MARIA!

Propositum, v. g. *de iterando sæpiùs, elevatà ad Jesum mente, Dominus meus, & Deus meus! Et cavenda obstinatione, publica præsertim, in proprio sensu.*

LECTIO PRACTICA.

Quomodo paternè corrigendi delinquentes.

PRæclaras & copiosas de hac Arte non vulgari Instructiones, quas SS. Patres, aliq̃ue Spiritus Magistri, tradunt: practico, eoq̃ue brevissimo, compendio complexus est, & nobis tradidit observandas, redivivus angelorum hominumq̃ue Magister; quando non leviter errantem correxit discipulum Thomam. Nimirum verbis usus est opportunis, paucis, & mirâ suavitate conditis: Facto autem admirabilem benevolentiam spirante. In his duobus documentis facile tota Correctionis paternæ ars & industria continetur.

Inprimis igitur, qui corrigendi potestatem, imò & obligationem habent, Superiores, Magistri & Patresfamilias, utantur oportet Admonitione *Opportuna*: observando diligenter tempus commodum (nisi aliud urgens necessitas imperet) quo scilicet jam deferbuit in corrigendo exorbitans affectus, & in ipso correctore indignatio & ira. Aliàs enim corrigendus non est capax correctionis, & corrector ineptus ad corrigendum. *Cum indignatione & ira, castigatione adversus aliquem uti, hoc handquaquam est à peccato illum liberare, sed delictis se ipsum obstringere*: inquit S. Basil. Reg. 50. fufurum. *Quamobrem Apostolus dixit: In mansuetudine corripientes eos, qui resistunt.* Et S. Bonaventura de 6. Alis. c. 5. n. 5. Superiorem monet: *ut modeste, & mature, & benigne ad singula respondeat, & impetum servoris reprimat: ne in voce, aut vultu, seu moribus impatientiam ostendat. Tunc enim magis proficit per patientiam, & tandem devincit; quos impetuosè agendo provocares, dicente Scripturâ: (Prov. 12.) Vir iracundus provocat rixas: qui autem patiens est, mitigat suscitatas. Iracundo exponere subditi non audent gravamina sua, juxta illud Job 4. si cæperimus loqui tibi, forsitan moleste accipies.*

Verbosum quoque seu prolixum esse in arguendo, non convenit, præsertim quando cum ingenuis, qui indolis sunt generosioris, res est. Nec exaggeratione multâ utendum, dum quis paucis compunctus cernitur. Etiam patientissimo Job *verbosi amici* graves fuerunt cap. 16. *Suavitas* quoque tam necessaria est: ut sine illa vix boni aliquid sperari possit. *Leniter castigatus exhibet reverentiam castiganti*; inquit S. Prosper lib. 2. de vit. cont. c. 2. *asperitate autem nimia & increpatione offensus, neque increpationem suscipit, neque salutem.* In quo autem sita sit ea suavitas, declarat egregie P. Claudius Aquaviva, Præpositus Generalis S. J. in Libello Industr. c. 2. n. 4. ubi Superiores sic instruit: *Sciant suavitatem in eo sitam esse: si in objurgationibus nihil asperum, aut iracundum, aut perturbatum appareat: sed paterna gravitas, pia quædam compassio, & dulcedo quædam, sed vivida tamen & efficax, eluceat. Si à puniente non tam voluntas humiliandi & castigandi, quàm necessitas quædam ex zelo boni communis, & utilitate etiam ipsius, qui punitur, extorsisse aliquid videatur. Si negemus, quod negandum est, quasi cum quodam doloris sensu; parati concedere, quando & quod expedire videbitur. Si imperfectiones ita emendare velimus, non quasi nimium emungentes, ne sanguinem eliciamus; verùm quasi exactores quidam, benigni tamen; qui non veluti vincendi studio, sed in bonum Societatis, atque adeo ipsius subditi, id velimus. &c. Ita P. Claudius.*

Verbis & modo loquendi respondere debent facta Corrigentis: ut, dum
monet,

FERIA II.

171

monet, arguitque, imò & antècedenter, nihil agat, unde corrigendus colligat, animum ejus à se aversum & alienatum: sed potius specialia quædam propensi in illum affectus præbeat argumenta, (exemplo Christi, præbentis Thomæ palpanda vulnera sua) ut persuasum habeat se æstimari & diligì, solos autem defectus suos esse molestos Superiori. *In correctione hunc esse ordinem observandum: ut personas diligas, & vitia persequaris*: scripsit S. Gregorius ad Bennonem Abb. lib. 9. ep. 8.

Admirandus fuit in arte corrigendi S. P. N. Ignatius, qui quàmvis non verbis solum, sed pœnis etiam gravibus subinde castigabat delicta non gravia (ut in illis initijs statueret exempla, & magis solidaret virtutem suorum) neminem tamen exasperabat, teste oculato P. Petro Ribadeneyrà in Vita S. Ign. l. 5. c. 7. *Vidimus, ait, & observavimus: ut in tanta hominum multitudine, ferè nemo ab Ignatio aut verbis castigatus, aut pœnitentiâ aliquâ graviore affectus, indignaretur, nemo in objurgationem aliquâ perturbatione incitaretur: sed in se ipsum exardesceret, qui deliquisset. Tum quia omnes periebant: se ab eo vehementer diligì; ut scribit Ludov. Confalvius: tum quia, ut ibidem ait Ribadeney: studiosè dabat operam: ut qui in culpa esset, culpam agnosceret; eamque non verbis (perstringentibus) sed rerum pondere exaggeraret: rationibus scilicet ostendendo, rem non esse ritè gestam. Adhuc non rarò volebat, ut ipse reus pœnam sibi deligeret: de qua Ignatius multum deprecabatur, si gravior videretur. Denique Correctoribus observandum diligenter illud S. Augustini: Dilige: & dic, quod voles.*

FERIA II.

MEDITATIO: De Præmio Mortis Christi & Pace per ipsum parata atq; oblata.

1. **A** DORA DEUM O. M. & considera: eum pactum quoddam inijsse cum Christo in Incarnatione VERBI, impositâ Christo conditione factis onerosâ. Exhibet pactum hoc Isaias cap. 53. *Si posueris pro peccato animam suam: videbis semen longævum; & voluntas Domini in manu ejus dirigetur.* Cumulatè implevit Christus conditionem: nec defuit promissioni suæ fidelissimus Deus. Dedit ei semen longævum; scilicet populum Christianum, multiplicatum per orbem universum, & multiplicandum infinitâ copiâ usque ad finem mundi, perennaturum autem in gloria cœlesti per omnem æternitatem. *Voluntatem quoque suam direxit Deus in manu, seu per manum Christi.* Quidquid enim ab æterno disposuit circa electos & reprobos; id non aliter executioni mandatur, quàm per Christum: sive gratiosâ ejus dispensatione, sive judiciariâ potestate. Non ergo habemus, quod speremus: nisi

X 3

per Je-

per Jesum. Fidelia omnia mandata tua, Domine: confirmata in sæculum sæculi. Dabis utique & mihi, quod promissisti: si fecero, quod iussisti.

2. **A** Dora D. JESUM, & considera eum, ut Authorem & Consummatorem Pacis inter Deum & homines, per mortem & resurrectionem suam. Quam in ejus Nativitate cecinerunt Angeli pacem, magis promissa, quam confecta pax fuit. Neceffe erat, impleri primum conditiones pacis: inter quas principalis erat Mors fidejussoris Christi. Neceffe erat profligari potentissimos generis humani hostes diabolus, mortem & mundum; partaque spolia ipsis eripi. Quod cum per Mortem & Resurrectionem Redemptoris nostri plenè præstitum sit: *ipse est Pax nostra; qui fecit utraque unum: quoniam per ipsum habemus accessum ambo (& gentiles & Judæi) in uno spiritu ad Patrem. Ephes. 2.* Unde ipse iteratò discipulis apparens, iteratò pacem obtulit: *Pax vobis. Joan. 20.* Dixerat autem Joan. 14: *Pacem relinquo vobis; pacem meam do vobis: non quomodo mundus dat, ego do vobis; pacem scilicet fucatam & horariam: sed pacem meam do vobis, veram, solidam, pretiosam, & ex parte Dei indissolubilem; nisi eam turbet insolentia libertatis humanæ. Gratias tibi immortales, Gratosissime Princeps pacis, pro conciliata nobis, sanguine & morte tuâ, hac pace. Fac me filium pacis. Nulla enim salus bello, præsertim cum Superis.*

3. **V**ENERARE DEIPARAM V. & considera eam ut Restauratricem violatæ pacis inter Deum & homines. Miseri homines, innumeris attriti cladibus, adhuc rebellem DEO cervicem arrigere præsumimus; & pacem tam cardè emptam, insanè temeritate, ferè in horas & momenta prodigimus! Providit ergo nobis Divina Bonitas Restauratricem nostræ pacis, quam Salvator sanguine suo nobis conciliavit. Scit ipsa disertius pro domo & gente sua perorare, quàm Abigail. O Domina, funda nos in pace! Pacem deposcimus omnes.

Propositum: v. gr. *Ne hodie deliberatè pecces: Nec quenquam ultrò laceffas, Imò pacem restaura cum offensis.*

LECTIO PRACTICA.

Pax in communitatibus omni studio observanda.

PERTURBARI solet Pax in Communitatibus tam à Superioribus, quàm à Inferioribus, seu Subditis. Turbatur à Superioribus 1. Si artem gubernandi non calleant probe. Quod contingit, si præscriptam regendi methodum, & Ordinationes sui Ordinis, seu Communitatis proprias, discere negligant; si cœlitus lumen & opem petere omittant, prudentiæ & dexteritati suæ fidentes; si peritorum consilia non adhibeant; ingenia & mores subdito-

subditorum intelligere non curent; super suum procedendi modum, atque præteritum præsentemque Communitatis sibi commissæ statum se nunquam, aut raro & obiter, reflectant. Merito S. Gregorius Nazianzenus Orat. 1. Apol. inquit: *Profecto Ars quædam artium & scientiarum mihi esse videtur, Hominem regere; animal maximè varium & multiplex. Id est, Ars una est, plures artes complectens.*

2. Turbatur Pax à Superioribus, si nimis sint rigidi & asperi in verbis & factis. Quod declarat P. Claudius Aquaviva Ep. 1. ad Super: *Asper, inquit, & gravis est Superior: cum nimium credulus, primis quibusque delationibus tenaciter adhæret, nec ab ijs abduci se patitur. Asper est, cum, quasi omnes transgressionem æquales essent, easdem minoribus, quas maioribus penas decernit. Asper est, cum ijs, quæ solâ monitione corrigi possunt, acriora adhibet medicamenta. Asper etiam est, cum loci & temporis momenta & opportunitatem expectare nescit; cum errata, quæ secreta correctione emendanda fuerant, ita palam facit, ut subditum confundat; cum in corrigendo iracundiâ magis agit, quàm zelo, & charitate duci se ostendit, verbis ac gestibus incompotitis periturbati animi signa exhibens. Asper est, cum reprehensionis austeritatem non temperat dulcedine, &c. Ita Claudius.*

3. Si indiscreti sint in exigenda disciplina domestica, & severi nimis in imponendis pœnis, malintque timeri magis, quàm amari. Nihil enim magis exasperat subditorum animos, præsertim ingenuorum, & qui ultrò se alienæ gubernationi submiserunt. Graviter monet huiusmodi Prælatos S. Bernardus Serm. 23. in Cant. *Studete magis amari, quàm metui. Et, si interdum severitate opus est; paternâ sit, non tyrannicâ. Matres fovendo, patres vos corripiendo exhibeatis. Mansuescite; ponite feritatem; suspendite verbera; producite ubera: pectora lacte pinguescant, non typho turgeant.*

Ab inferioribus seu subditis turbatur Pax 1. Si alieni sint, & animo averso à Superiore. Hi enim omnia illorum acta, imò & agenda, & mentem ipsam sinistre interpretantur, ac in partem pejorem trahunt, omnia contra se instrui & dirigi putant: ideoque recalcitrant; & cum ipsi non satis habeant animi vel virium ad resistendum, vel ad vexandum Superiorem, alios concitant. Castigat hos Apostolus Rom. 13. *Omnis anima potestatibus sublimioribus subdita sit. Non enim est potestas, nisi à Deo. Quæ autem sunt potestates, à Deo ordinatæ sunt. Itaque qui resistunt potestati, Dei ordinationi resistunt. Qui autem resistunt, ipsi sibi damnationem acquirunt.* De S. Ignatio scribit Ribadeneyra l. 5. Vitæ: quodd, cum quidam à Patribus acerbior in ipsum, & contumacior fuisset: Ignatius pro ipso orans in Missa, & magnam lacrymarum vim profundens, clamavit ad Dominum: *Ignosce, Domine; Parce, Do-*

ce, Domine. Cui Dominus: Sine me: Ego enim pro te vindictam fumam; Ego, nisi resipiscat, ultor existam. Accidit autem postea: ut ille Pater in templo quodam Sanctorum reliquias venerabundus intueretur, & inter beatissima ossa, quasi hominis aspectum videret, truci vultu flagellum intentantis, nisi Ignatio pareret. Eo viso quanquam homo tumorem compressit, animosque submitit: multis tamen postea magnisque molestijs affectus est.

2. Turbatur pax, si Inferiores domesticæ disciplinæ, quantumvis moderatæ, sint impatientes. Tunc enim vel connivet mollis, aut pusillanimis Superior; & omnia fusque deque vertuntur, velut à torrente verno, ubi aggerem perfregit: Vel se opponit intrepidus, & tunc in illum, velut conjurata, feditiosorum incumbit tempestas.

3. Si inter se non concordent domestici. Tunc enim fervent odia, & contentiones, clandestina celebrantur conventicula, cuduntur calumniæ, ad subvertendum adversarium excitantur machinæ; religio & pietas proscritur, & Paradisus convertitur in infernum. Quid funestius & luctuosius tali statu?

Sed Audiant omnes jurgiorum Seminantes, inquit S. Gregorius 3. par. in Pastor. admon. 23. quod scriptum est: Beati Pacifici: quoniam Filij Dei vocabuntur: atque è diverso colligant; quia, si Filij Dei vocantur: qui pacem faciunt: procul dubio sunt Satanae filij, qui confundunt. Audiant S. Bernard. Sermon. 3. in dedic. eccl. Sicut in Pace factus est locus Domini: sic in discordia locus fieri diabolo, manifestum est. Audiant & Augustinum Sermon. 57. de Verb. Dom. Non poterit ad hereditatem Domini pervenire: qui testamentum Pacis noluerit observare.

FERIA III.

MEDITATIO: De Oraculis S. Scripturæ prædicantibus Christi Passionem & Gloriam.

1. **A** Dora DEUM O. M. & considera: quomodo ad excitandam & firmandam fidem resurrectionis Christi à mortuis, ante plurima sæcula eam prædixerit, & prædictionem scripto consignari voluerit per Moysen aliosque Prophetas. Quod infallibile & convincens argumentum est Resurrectionis verè factæ ijs, quibus nota est infallibilis Veritas & summa Veracitas Dei. Unde & Christus & Apostoli Judæis prædicantes, ad Divinarum Literarum testimonia recurrerant pro adstruenda passione, morte & resurrectione Christi. Gratias tibi æternas, Benignissime DEUS: quod tam luculento testimonio subvenire volueris imbecillitati intellectus nostri. Cre-

do pro-

do propter summam Veritatem & Veracitatem tuam: quod Redemptor meus vivit.

2. **A** Dora D. JESUM & considera quædam Prophetarum testimonia, quæ post Resurrectionem explicuit discipulis. In Deuteron. habetur illud Moyfis cap. 18. *Prophetam de gente tua, & fratribus tuis, sicut me, suscitabit tibi Dominus Deus tuus: ipsum audies.* Psalmi pleni sunt mysteriorum Christi, præsertim Psalmus 21. 68. 108. de Passione Christi. Psalmus 2. 3. 109. de Resurrectione & gloria Christi. Isaia prophetia Evangelium est, præsertim cap. 53. ubi dicitur inter alia: *Oblatus est, quia ipse voluit, & non aperuit os suum. Propter scelus populi mei percussus est. Pro eo, quod laboravi anima ejus, videbit, & saturabitur &c.* Jeremias cap. 33. non obscure indicat Christum: *In diebus illis salvabitur Juda, & Jerusalem habitabit confidenter: & hoc est nomen, quod vocabunt eum, Dominus Justus noster.* Ezechiel cap. 44. monstrat Portam Orientalem Sanctuarij clausam: *Vir non transibit per eam: quoniam Dominus Deus Israel ingressus est per eam: per Virginem scilicet Deiparam.* Daniel cap. 2. ostendit Lapidem abscissum sine manibus de monte: qui percussit statuam Nabuchodonosoris; *& factus est mons magnus, & implevit universam terram.* Oseas cap. 6. testatur: *Vivificabit nos post duos dies: in die tertia suscitabit nos, & vivemus in conspectu ejus.* Hæc & similia aperuit discipulis redivivus Jesus: quàm plena solationum & mysteriorum!

3. **V**ENERARE DEIPARAM V. & considera eam ut petram immobilem in medio procellosi maris, ut domum benè fundatam supra firmam petram; contra quam nulli prævaluerunt, etiam cruenti imbres passionis Filij: sed nix veritate Domini, quæ manet in æternum, persistit in fide & spe inconcussa, etiam cum Vita ejus Jesus sepulchro illatus esset. Ora pro me, Domina, ut mea quoque non deficiat fides; & in tempore tribulationis sustentet me spes mea.

Propositum de alenda viva fide & spe in Deum.

LECTIO PRACTICA.

Actus Fidei vivæ in Christum quàm efficaces & fructuosi.

QUOD tanta invaluerit inter Christianos morum pravitas, inter afflictos pusillanimitas, inter Spirituales rerum spiritualium incuria, inter Religiosos in obsequio divino & virtutum profectu torpor tantus: passim con-jicitur causa in defectum vivæ, seu vigentis Fidei. Hujus enim ea est virtus & operatio: ut omnes peccandi illecebras facile excludat, omnes in studio virtutum difficultates nullo negotio superet, mentemque & cor homi-

nis trans-

nis transferat in cœlum & Deum: juxta illud Marc. 9. *Si potes credere: Omnia possibilia sunt credenti.*

Egregie S. Thomas Villanova in Oct. Pasch. *Fides, inquit, prava desideria frenat, effrenes appetitus cohibet, feroces cordis motus sedat, vitia pellit, virtutes inseris, mollia calcat, aspera tolerat; in prospero non erigitur, in adversis non dejicitur: nihil tam est arduum, & tam durum, quod non aggrediatur propter Deum, qui vivā fide credit in Deum; & Filium ejus JESUM, Salvatorem nostrum. Sive enim mundus, sive caro, sive dæmon nobis objiciat illecebram aliquam, & sollicitet ad peccatum: facilem patientur repulsam, si vivum actum Fidei elicerimus in Christum, nobis infinitè meliora omnia infallibili promissione pollicentem; & fidelitatem nostram infinitis titulis promeritum. Dicemus facile cum Apostolo Philipp. 3. Existimo omnia derelictum esse propter eminentem scientiam Jesu Christi Domini mei: propter quem omnia derelictum feci, & arboror ut stercora; ut Christum lucrificam.*

Commodè ostendit Lohner in Biblioth. Man. V. Fides, §. 12. n. 11. quomodo in ipso Apostolorum Symbolo præsentissima habemus remedia adversus tentationes quasvis & animi afflictiones. Nam si 1. in angustiis summis nos conclusos inveniamus, ut nullatenus pateat exitus; dicamus: *Credo in Deum Patrem Omnipotentem, Creatorem celi & terre, Potest me hinc eruere: quia Omnipotens est. Et volet eruere: quia Pater est, Propter nos homines creavit cœlum & terram; & quomodo minora non dabit?*

2. Si quis ad desperationem æternæ salutis urgeatur: animet se fide vivā, & dicat: *Credo in Jesum Christum, Filium Dei unigenitum, Dominum nostrum. Quid enim est JESUS, nisi Salvator? Quos venit salvare, nisi peccatores? quorum si primus sum; primus sperabo veniam & salutem.*

3. Si quis tentatur pusillanimitate, & timore accedendi JESUM: dicat fidenter: *Credo in Jesum Christum, qui conceptus est de Spiritu S. natus ex Maria Virgine. Spiritus S. amor est; Maria Virgo ipsa suavitas & dulcedo est: Conceptus ergo & natus de amore, suavitate & dulcedine, quomodo non erit amabilissimus, suavissimus & dulcissimus?*

4. Tentatus impatientiâ in adversis dicat: *Credo in Jesum passum sub Pontio Pilato, crucifixum & sepultum: idque amore mei. Quidni tantillum feram amore ipsius?*

5. Tentatus superbiâ dicat: *Credo in Jesum, qui descendit ad inferos: tertîa die resurrexit à mortuis. Et me necesse est ad infima descendere, & velut in sepulchro delitescere. Suscitabit & elevabit me Dominus, si, & quando placuerit.*

6. Dubi-

FERIA IV.

177

6. Dubitans de sua Prædestinatione ad gloriam æternam dicat: *Credo in Jesum, Dei Filium & Dominum meum, qui ascendit ad celos; ut mihi pararet locum: sedet ad dexteram Patris, expectans, quem post legitimum certamen coronet.*

7. Solicitatus ad peccatum dicat: *Credo in Jesum, qui venturus est judicare vivos & mortuos. Judicium ejus non effugiam. Nihil inultum remanebit.*

8. Desolatus in afflictione dicat: *Credo in Spiritum Sanctum, Consolatorum Optimum, Dulcem animæ hospitem. Aderit, ubi opportunum fuerit: Sustinebo paulisper.*

9. Tentatus circa aliquos Fidei articulos, dicat: *Credo in Unam, Sanctam, Catholicam & Apostolicam Ecclesiam, & Sanctorum Communionem. Quidquid illa proponit ad credendum, infallibile est. Non alibi, quam in hac Ecclesia, Sanctorum Communio est & meritum & doctrinæ.*

11. Stimulis carnis exagitatus dicat: *Credo carnis resurrectionem. Ut gloriosa resurgas, caro mea, abstinendum hic à vetitis voluptatibus. Momentaneum, quod delectat: Æternum, quod cruciat.*

10. Gravatus mole peccatorum suorum dicat: *Credo Remissionem peccatorum. Misericordiæ Domini super omnia opera ejus. Ibo ad Patrem meum, & dicam: Pater, peccavi!*

12. Tædio vitæ præsentis laborans dicat: *Credo Vitam æternam. Modicum sustineamus: modicum laboremus. Timentes & diligentes Dominum Vita manet æterna, & æternum gloriosa, atque beata. En quale armamentarium nobis aperit Virtus Fidei Divinæ. Recte doctissimus Esthivius in cap.*

6. Ephes. *Nihil efficacius ad superandas diaboli, carnis & mundi tentationes, quam si quis fidem suam diligenter exerceat.*

FERIA IV.

MEDITATIO: *Dei sapientia in præsignandis mysterijs vitæ, mortis & resurrectionis Christi: Christus patiens & gloriosus. quibus figuris representatum fuerit: Deipara Virgo contemplatione illarum occupata.*

1. **A** DORA DEUM O. M. & considera admirandam ejus sapientiam in præsignandis variarum figurarum umbris vitæ, mortis & gloriosæ Christi resurrectionis. Ita enim aptavit omnia repræsentandis futuris: ut velut alia omnia agere videretur; accommodatissimè tamen ad materiam, tempus, & personas, illustribus lineamentis expresserit ea, quæ Christum mittendum concernebant, ut patet ex puncto 2. Præbuit ergo nobis Deus

occasionem suspiciendi & venerandi altissimam ejus sapientiam, attingentem à fine ad finem fortiter, & disponentem omnia suaviter. Admonuit præterea: ut non contenti solo cortice divinarum Scripturarum, scrutaremur medullam; notaremus verba, & signaremus mysteria. Denique voluit: ut non irrueremus temerè & promiscuè in thesaurum divinæ sapientiæ; sed clavim peteremus ab ipso. O Domine, da mihi intellectum: & scrutabor mandata & oracula tua. Quomodo enim animalis homo capiam ea, quæ sunt spiritûs tui, nisi tu dederis intelligentiam?

2. **A** Dora D. JESUM, & considera: quædam Scripturæ testimonia, quibus probavit & illustravit Resurrectionem suam discipulis, tum euntibus in Emaus, tum congregatis Hierosolymæ. *Incipiens à Moyse & omnibus Prophetis, interpretabatur illis in omnibus Scripturis, quæ de ipso erant.* Luc. 24. Monstravit illis Lignum vitæ Genes. 2. Semen mulieris, à quo conterendum esset caput serpentis antiqui, Gen. 3. Adamum dormientem, ex cujus latere sumpta & ædificata est Mater viventium, repræsentans Ecclesiam condendam. Gen. 2. Abel justisacrificium, & eadem à fratre Genes. 4. Promissiones factas Abrahamo & alijs Patriarchis, de Semine ipforum, in quo benedicantur omnes nationes. Gen. 12. 18. 21. &c. Melchisedech Sacerdotem & Regem, offerentem panem & vinum. Gen. 14. Isaacum immolari jussum. Gen. 22. Josephum à fratribus in cisternam missum, & proditum: sed postea exaltatum, & celebratum titulo Salvatoris mundi. Genes. 37. 39. 41. Jacob Patriarcham decussatis in modum crucis manibus benedicentem filios Joseph. Gen. 48. Prædictionem morientis Patriarchæ Jacob, de non auferendo sceptro à Juda, donec veniat, qui mittendus est. Gen. 49. Exaltatum à Moyse serpentem in deserto. Numer. 21. Captivatum Samsonem effractis portis evadentem. Jud. 16. Jonam Prophetam tribus diebus & noctibus in ventre ceti existentem, & salvum redditum &c. &c. Agnosco te, mi Jesu, in illustribus his & similibus umbris tuis. Credo, Confiteor, Adoro, Glorifico, & glorificabo te Dominum & Deum meum, viventem & regnantem in sæcula sæculorum.

3. **V**ENERARE DEIPARAM V. & considera: quomodo prædictarum & plurium aliarum, Filium suum repræsentantium figurarum contemplatione assidue immorabatur: & nunc divinam extollebat sapientiam, nunc sanctissimam adorabat in omnibus voluntatem; nunc compatiebatur, nunc congratulabatur Christo, & exultabat in Deo JESU suo. Illuminatissimo enim intellectu mysteria penetrabat profundissime, & in omnibus se Filio conformare studebat accuratissime. Aperi meos oculos, ô Domine: ut videam, & intelligam, & proficiam. Proposi-

Propositum, v. g. de ingeminando *sapids*: Credo, quod Redemptor meus vivit: & de fugienda diffidentia erga Deum.

LECTIO PRACTICA.

Quid commodi percipere possimus ex Articulo Fidei de Resurrectione nostra?

GRavis est sententia S. Chrysostomi in Matt. cap. 12. *Tolle spem Resurrectionis, & resoluta est observantia omnis pietatis.* Quotusquisque enim est, qui solius virtutis aut Dei amore agit bene, & declinat à malo: idem omnino facturus, etiam si fato asini esset interiturus, & non resurrecturus ad æterna præmia aut supplicia recipienda? Deinde vigori Fidei circa Articulum Resurrectionis nostræ communiter respondet vigor operationis in materia virtutum. Unde Haymo illud Apoc. 21. de Civitate Dei, *Longitudo, & latitudo, & altitudo ejus æqualia sunt*: applicat Virtutibus Theologicis dicens: *Quia, quoniam est Fides, tanta est Spes, tanta Charitas, tanta Operatio.*

In primis igitur Fides de Resurrectione nostra excitat in omnibus salutarem Timorem Judicij extremi: siquidem hoc finis immediatus est illius, juxta illud 2. Cor. 5. *Omnes nos manifestari oportet ante Tribunal Christi: ut referat unusquisque propria corporis, prout gessit, sive bonum, sive malum.* Quis enim sui securus sit: cum nemo sciat: Amore an odio dignus sit? Quis, etiam Hieronymus, non horrescat ad sonum feralis tubæ: *Surgite mortui, venite ad judicium?*

Secundo eadem Fides nata est in improbis excitare seriam Pœnitentiæ studium. Cum enim immineat indeclinabile tribunal Justissimi, & ab ipsis graviter offensi, Judicis; & pœnæ pro non expiatis delictis dandæ sint: æternæ in eadem omnino carne, quæ nunc tam tenerè amatur, tam delicate fovetur, quæ tam impatiens est etiam cuspidis unius culicis; & aliâ ex parte tam facilis expiatio delictorum, & reconciliatio offensi Dei: demens omnino sit oportet, qui hæc credit, & caput suum tantorum suppliciorum obijcit periculo, nec remedium præsentissimum seriæ Pœnitentiæ apprehendit.

Tertio excitat in probis inter varias calamitates & tormenta persecutorum solidum & liquidissimum solatium. Sic Job c. 19. spe futuræ Resurrectionis sese solabatur: *Scio, quod Redemptor meus vivit, & in novissimo die de terra surrecturus sum* &c. *Reposita est hæc spes mea in sinu meo.* Nunquam excidet. Sic sancti illi septem Machabæi Fratres inter horrenda tormenta se solabantur. 2. Mach. 7. Cum primò abstraheretur cutis de capite, dixit ad tyrannum Antiochum: *Tu quidem, scelestissime, in præsentivitanos perdis: sed Rex mundi*

mundi defunctos pro legibus suis in æternæ vitæ resurrectione suscitabit, Sed & tertius linguam postulatus, citò protulit, & cum fiducia dixit: E cælo ista possideo, sed propter leges Dei nunc hæc ipsa despicio; quoniam ab ipso me ea recepturum spero. Quartus verò dicebat: Potius est, ab hominibus morti datos, spem expectare à Deo, iterum ab eo resuscitandos: tibi enim ad vitam resurrectio non erit. &c.

Quarò excitat studium mortificandi corporis, ut postea tantò gloriosius resurgat, & nitidius efflorescat, exemplo & specie gloriosissimi corporis Christi; de quo dicit ipse per Psalmographum: *Dominus adiutor meus & protector meus, & in ipso speravi cor meum, & adjutus sum, & restituit caro mea.* Psal. 27. *Floruit caro Domini,* inquit S. Maximus Serm. 5. de Resurr. *cum primùm de Virginis vulva processit: restituit autem, cùm rediit de sepulchro germinavit, & in flore modum cunctis hominibus immortalitatis afflavit odorem.* Curremus & nos in hunc odorem, cùm nobis ver illud æternæ felicitatis illuxerit: eoque elegantius reformabuntur corpora nostra, quò nunc sunt habita durius & contemptibilius. S. Jacobus Intercisus, cùm ambarum manuum acpedum digiti ei abscinderentur, ad singula tormenta benedicebat Deum, gratias agens; quòd eum tanquam vitem in vinea amputaret, ut postea refloresceret amœnius, & fructum faceret uberiolem ac suaviorem. *Sursum in vinea.* At impiorum corpora tantò resurgent fœdiora & fœtidiora, & gravioribus subiacienda tormentis æternis, quantò nunc habentur delicatius. Prospice igitur maturè, ô Anima, & tibi, & corpori tuo. Momentanea mortificatio æternam operabitur voluptatem & gloriam.

Quinò excitat in omnibus sollicitudinem de sequente post vitam temporalem Æternitate. Status enim, in quem resurgemus, omnino æternus erit, sive fuerit felix, sive infelix. Unde David, quàmvis vir secundum cor Dei, de hoc statu sollicitus, *Cogitavi,* inquit Psalmus 76. *dies antiquos, & annos æternos in mente habui. Et meditatus sum nocte cum corde meo, & exercitabar, & scopebam spiritum meum.* Id est, quasi scopis verrebam & excutiebam conscientiam meam; ne fortè lateret in ea aliquid, quod me impediret à felici æternitate.

Plurimum igitur juvabit nos, sæpe meminisse futuræ Resurrectionis, tam in prosperis, quàm in adversis; & identidem ingeminare: Credo carnis resurrectionem. Vel, Credo: quòd in hac carne comparebo ante Deum Salvatore meum.

FERIA V.

MEDITATIO: De Exaltatione Christi à Deo,

Ad

1. **A** Dora DEUM O. M. & considera summam ejus Justitiam in remunerationis laboribus & doloribus Christi D. *Non est injustus Deus (solutur Hebræos Apostolus cap. 6.) ut obliviscatur operis vestri, & dilectionis, quam ostendistis in nomine ipsius.* Quamto minus oblivisci potuit dilectionis summæ, laboris assidui, & dolorum acerbissimorum pro ipsius gloria totoratorum à Filio? Equum est, ut, qui se alterius gratia humiliat, tanto magis exaltetur ab ipso. Cum igitur Christus se planè exinaniverit ad augendam Patris gloriam, factus obediens usque ad mortem, mortem autem crucis: justitiæ erat (qualis scilicet inter Deum & hominem, Patrem & Filium dari potest) quod & Deus exaltavit illum, & donavit illi nomen, quod est super omne nomen. Philipp 2. Justus es, Domine, & omnes viæ tuæ æquitas. Reddes & mihi coronam justitiæ, si fideliter tuæ cooperabor gratiæ.

2. **A** Dora D. JESUM, & considera: quam gloriosè exaltaverit illum Pater, eductum è tumulo. Recole Josephum è carcere assumptum in consortem regni, impositum curru regiæ, clamante præcone: ut omnes coram eo genu flecterent: veritque Pharaõ nomen ejus, & vocavit eum Salvatorem mundi. Gen. 41. Crepundia sunt hæc respectu honoris & gloriæ, quæ redivivum Filium suum coronavit Pater. Exaltavit illum super omnes reges terræ, super omnes Principatus, Potestates, & Dominationes cœli: non secundum fecit in regno & curru gloriæ suæ; sed ejusdem throni jussit consortem, sedemq; obtulit à dextris suis, ponens omnes inimicos ejus scabellum pedum ipsius. Exaltavit; donando illi nomen, quod est super omne nomen: id est, nomen Jesu, seu Salvatoris, non restrictum ad solam Ægyptum vel Palæstinam, vicinasque regiones: neque ad mundum solum terrestrem, aut respectu corporeæ salutis à fame defensæ: sed generalissimè Salvatoris mundi, & specialissimè Salvatoris à peccatis & morte æternâ; qui titulus divinam importat virtutem & perfectionem. *Ut in nomine Jesu, tanquam verum Deum sonante, omne genu flectatur cœlestium, terrestrium & inferorum.* Quod nomen impositum quidem & donatum fuit Parvulo: sed post mortem, & consummatum opus salutis nostræ, plenissimo illud jure possedit, cœpitq; clarescere & celebrari toto cœlo terraque. Gaudeo tam augusto, sacrosancto ac divino nomine tuo, Gloriosissime Salvator. Adoro te, mi Jesu, & genua mentemq; tibi flecto infra omnia cœlestia, terrestria & inferna, profundissime, subjectissime, reverentissime pariter ac amantissime. Vive, regna, triumpha.

3. **V**enerare DEIPARAM V. & considera: quo affectu post Resurrectionem S. JESU Nomen enunciaverit. Semper equidem illud ei fuit

ei fuit mel in ore, jubilum in corde, pretiosissimum Supremæ Majestatis signaculum in mente: at post resurrectionem, jam decorem induto, regnante, & gloriam Divinitatis suæ explicante Domino, visum est & ipsum grande fecerit nomen, majoremque exigere reverentiam, quam sola Mater exhibere potuit congruam, & exhibuit. O imprime & mihi, Mater Gratiofissima, SS. hujus nominis amorem tenerrimum, & venerationem profundissimam!

Propositum: *Quàm reverentissimè & amorosissimè ingeminandi SS. Jesu nomen: & cavendi diligentius, illud assumere in vanum.*

LECTIO PRACTICA.

Quàm studiosi nos esse debemus Exaltationis Christi.

Quia ex voluntate Patris æterni Unigenitus Dei humiliavit semetipsum, factus obediens usque ad mortem, mortem autem crucis: non solum ob dignitatem infinitam Personæ, sed etiam intuitu tantæ humiliationis, exaltavit ipsum Pater æternus super omne, quod non est Deus. Quia verò eandem humiliationem, infamam depressionem, & extremam exinanitionem suscepit Jesus etiam amore nostri, & propter nos exaltandos: necesse est, ut toto ingenio intenti simus & nos in summam ejus, quantum poterimus, exaltationem.

S. Hieronymus expendens illud Galat. 3. *Christus factus est pro nobis maledictum*, miratur, tantam Christi depressionem ordinatam esse in nostram exaltationem. *Domini injuria, inquit, nostra est gloria. Ille mortuus est, ut nos viveremus. Ille descendit ad inferos, ut nos ascenderemus in cælum. Ille factus est stultitia, ut nos sapientia fieremus. Ille se de plenitudine, & de forma Dei evacuavit formam servi accipiens; ut in nobis habitaret plenitudo divinitatis. Ille pro nobis factus est maledictum (nam maledictus, qui pendet in ligno. Deuter. 21.) ut nos benedictionibus & temporalibus & æternis repleremur. Iniquissimi ergo sumus in Christum; si solliciti non sumus de ipsius super omnia, quantum in nobis est, exaltatione. Solemne est regibus & principibus terræ: ut si quis vel unicum facinus heroicum exercuit propter ipsos, seu honorem ipsorum; ad summas evehatur dignitates, sedeat cum principibus, & solium gloriæ teneat, quantumvis ex infima hominum sit sæce. Quod ergo non extollemus Christum? Si nondum solium & dexteram Patris occupasset, & nostrâ opus haberet operâ: per mille susceptas mortes & tormenta illuc eum promovere deberemus. Nunc autem quid faciemus illi?*

Exaltare nihilominus possumus ipsum, & debemus: 1. Per actus judicii æstimando ipsum & præferendo super omnia, quæ non sunt Deus; dignumque declaran-

declorando, cui omnis possibilis honor & gloria, ab omni existente & possibili creatura, imò ab ipsis divinis Personis, Patre & Spiritu Sancto, deferatur. *Dignum est Agnus, qui, ob amorem & honorem meum, occisus est, accipere virtutem, & divinitatem, & sapientiam, & fortitudinem, & honorem, & gloriam, & benedictionem.* Apoc. 5.

2. Per affectum cordis & efficacem voluntatem, in praxi eligendo, ipsi potius adhærere, quam quibusvis mundi aut carnis voluptatibus: nec sinendo nos ab ipsius amicitia avelli quibuscunque humanis respectibus, persecutionibus & tormentis. *Quis nos separabit à Charitate Christi?* Est hæc Exaltatio seu Prælatio Christi aliquomodo compensativa illius ignominiosissimæ depressionis, quâ ab infano populo & sacrilegis pontificibus postpositus est Barabbæ latroni.

3. Pro Christo & ejus honore subeundo graviores labores, difficultates, pericula, & tormenta, quàm subiremus in gratiam cujuscunque amici, vel amicissimi, aut cognati, vel fratrum aut parentum, aut Prælatorum vel Principum. Unde in hujusmodi difficultatibus pro tessera uti possumus illo Symbolo: *Vivat Christus; occidas mundus.* Vel: *Pro Christo & gloria ejus.* Compensat aliquomodo hæc Exaltatio injuriam illam ignominiosissimam, quâ Pilatus innocentem Christum damnavit ad crucem, ut se ostenderet amicum Cæsaris.

4. Omnia, quæ mundus amat, suspicit, magni facit, & magnis sumptibus laboribusq; quærit, despiciendo & arbitrando ut stercore: ut Christum lucrifaciamus, ejusq; clarâ visione aliquando frui valeamus. Sic satisfacimus aliquomodo pro illa vilipensione Christi, quâ proditor illum proposuit venalem pretio vilissimo: *Quid vultis mihi dare; & ego cum vobis iradam?* Constitutis 30. argenteis acquievit illico.

5. Subjiciendo nos ipsos illi plenè, & omnia nostra: ut ipse disponat pro honore & gloria sua, & de bonis nostris, & de honore atque fama, & de talentis naturalibus, valetudine, corpore toto & anima. Hoc nobis sit summo solatio & honori: si per nostram infamiam crescat fama Christi, per nostros contemptus æstimatio & honor Christi, per interitum nostrum gloria Christi.

6. Desiderando ardentè & procurando laboribus, orationibus, & mortificationibus: ut omnes hostes Christi fiant quantocrys scabellum pedum ejus; eorum ipso procident Æthiopes, & Æthiopibus nigriores infideles omnes, principes & reges terræ. Ipse autem Vivat, Regnet, Triumphet in omnibus & super omnes, DEUS Optimus, Maximus, Gloriosus in sæcula.

Sic Exaltabo te DEVS meus REX, & benedicam nomini tuo in seculum seculi. Magnus DOMINVS, & laudabilis nimis; & magnitudinis ejus non est finis! Psal. 144.

FERIA VI.

MEDITATIO: De amplissima Potestate, data à Patre redivivo Christo.

a. **A** Dora DEUM O. M. & considera: eum non solum gloriâ nominis, celebritate famæ, & splendore honoris voluisse clarificare Filium tantorum meritorum remunerationem: sed maxime excellentiâ & amplitudine Potestatis. Data est ergo ei, ut Homini, omnis potestas in calo & in terra: ipsomet teste, Matth. 28: quia se subjecerat non tantum Matri Sanctissimæ, & Nutritio Josepho; sed omni potestati tum hominum, ut pontificum, (licet pessimorum) regum, præsidum, sacerdotum, scribebarum, militum, satellitum; tum dæmonum ipsorum. Conveniebat nimirum: ut converso ordine, novissimus fieret primus, infirmus accingeretur robore, & oppressus ab omnibus pro DEO & omnibus, dominaretur omnibus. Est DEUS fidelis & oculatus arbiter meritorum nostrorum: nihil boni operis, ejus causâ præstiti, transire finit sine præmio: at voluntariam subjectionem sub potestatem alterius remuneratur amplissimè, ac dignè DEO. Data est mihi omnis potestas. Magne DEUS, submissi, & submitto liberam cervicem non Tux solum Majestati, sed etiam infirmitati ministrorum tuorum. Impone homines super caput meum, quos vis. Tibi serviam, & ipsi propter Te.

a. **A** Dora D. JESUM & considera: quàm eminentem & amplam accepit potestatem à DEO Patre suo; nimirum illimitatam omni ex parte. Habuit omnem ab æterno, ut DEUS: accepit omnem etiam ut Homo. Omnem communicabilem, tam physicam, quàm moralem, Gubernativam & Judiciariam. Omnem in calo: ut dominaretur Angelis, & omnes haberet ad nutum suum administratorios Spiritus: ut portas celi aperiret hominibus, eosque infereret Angelorum choris: ut in omnibus orbibus cælestibus operaretur, quod placeret. Omnem in terra: ut reges & regna transferret, everteret, fervaret ad libitum; regeret potentes in virga ferrea, & tanquam vas figuli confringeret; humilibus autem donet gratiam, mansuetis bona terræ, pauperibus spiritu regnum cælorum, & diligentibus Deum, invisibilia & ineffabilia bona præpararet: ut Ecclesiam sibi conderet sanctam, immaculatam, amplissimam, æternam; Sacramentis muniret, donis Spiritus S. erudiret ac illustraret: denique esset Omnia in omnibus. (Ephes.

(Ephes. 1.) Creator, Gubernator, & Judex omnium; magisque dependere-
rent omnes ab ipso, quam Ægyptij à Josepho, cui Pharaon dixit Genes. 41.
*Ego sum Pharaon: absq; tuo imperio non movebit quisquam manum aut pedem in
omni terra Ægypti.* Gratulor Tibi, Gloriosissime JESU, tam eminentem
& tam amplam potestatem. Suspicio merita tua divina, operosa, sangui-
nea, morte crucis contestata. Exerce, ô Gratosissime, potestatem tuam
in me; ac plenè subijce tibi bestiam; quam nemo alius domare potest.

3. **V**enerare DEI param V. & considera: eam, quia vixit ut humillima Do-
mini ancilla, novissimo virorum, filio suo, proxima, subiectissima sub-
dito sibi JESU; præ cæteris omnibus creaturis liberalius participasse pote-
statem Christi in cælo & in terra. Mater Domini ubiq; imperiosa, ubiq;
magnifica est: inquit S. Fulbertus Ser. 1. de Nat. B. V. Domina nostra, O-
mnipotens post DEUM nomen tuum: ait S. Bonav. Exurge igitur, ô Do-
mina, & dissipentur inimici nostri. Conforta, & doce manus quoq; me-
as ad prælium, & digitos meos ad bellum, præsertim contra indomitas pas-
siones meas.

Propositum, v. gr. de eliciendis hodie Actibus submissionis erga Deum, Jesum &
Matrem ejus: & frenanda insolentiore passione N.

LECTIO PRACTICA.

Quantam Fiduciam in Christo habere possimus, & debeamus.

EX duplici potissimum capite nascitur Fiducia in aliquo, & spes auxilij ab
eo obtinendi: nimirum quòd possit, & velit juvare. Utrumque ha-
bemus in Christo luculentissime. In primis potest nos juvare in omni tribu-
latione & necessitate nostra; quia ut DEUS eadem cum Patre gaudet omni-
potentiâ; ut Homo habet potestatem omnem sibi datam in cælo & in ter-
ra, eamq; perfectissimam, absq; ulla exceptione & restrictione; absolutis-
simam, absq; ulla dependentia ab altero; æternam, absq; ullo termino. Ni-
hil ergo est auxilij vel solatij, quod ab ipso haberi non possit.

Excitaturus Abrahamum DEUS cap. 17. Gen. ad serviendum sibi fide-
liter, perfectè & constanter in medio nationis prave, Chananæorum scilicet
idololatrarum & infestorum peregrinis, qualis erat Abraham: erigere illum
in primis voluit per manifestationem Omnipotentis suæ, ad concipiendam
spem firmam auxilij sibi nunquam defuturi: Ego, inquit, Deus Omnipotens:
ambula coram me, & esto perfectus. Sic & Christus redivivus expediturus di-
scipulos suos, ut agnosceret lupos, ad prædicandum per orbem universum
Evangelium, animandos eos duxit intuitu amplissimæ Potestatis sibi datæ
non solum in terra, sed etiam in cælo. Data, inquit, *mibi est omnis potestas*
in cælo

in celo & in terra. Insurgent in vos homines improbi, imò infernus totus, & mundus universus? *Confidite, ego vici mundum.* Joan. 16. *Data est mihi omnis potestas in terra.* Indigebitis suppetijs & solatijs è cælo? *Confidite: Data est mihi omnis potestas in celo.* Ingruent pericula, expedientur tormenta, mille mortes versabuntur ante oculos? *Confidite: Ego Deus Omnipotens: veleruam vos illæsos, vel juvabo certantes, & coronabo victores.* Tantam suspiciens in Christo potentiam Leprosus ille Matt. 8. sapienter & fidenter dixit: *Domine, si vis, potes me mundare.* Et Centurio ibidem: *Tantum dic verbo, & sanabitur puer meus.*

Quod fideles, præsertim Ministros Evangelij sui, juvare in omni necessitate non solum possit, sed etiam velit: argumento est 1. Propensissima ejus in illos voluntas, & incredibilis Charitas: quam verbis amplissimis testatus est tum alibi, tum in prolixo illo, & tenerrimi erga suos affectûs plenissimo, sermone Joan. 13. *Non turbetur cor vestrum. Creditis in Deum? Et in me credite &c.* 2. Disertissima auxiliorum, & præsentia suæ in occurrentibus angustiis promissio. *Ecce ego vobiscum sum usque ad consummationem sæculi.* (Matt. 28.) tanquam auxiliator fortis. 3. Passio tolerata & Mors appetita. Minus enim est, multa & magna alicui liberaliter conferre; quam multa & acerbissima ultro pro ipso pati. Utrumque præstitit nobis JESUS luculentissimè: quomodo igitur ambigere possumus de voluntate nos juvandi, sive in periculis & tentationibus, sive in calamitatibus & angustiis, sive in laboribus & ægritudinibus, sive in negotiis promovendæ salutis tam propriæ, quam alienæ? *Attendamus, inquit Augustinus, ad judicium dilectionis & promissionis Dei. Quales arrhas accepimus? Tenemus mortem Christi: tenemus sanguinem Christi. Si non amares, talia pignora non daret.*

Quod si tantopere nos amavit, & amat JESUS: quomodo deferere potest? Observat idem August. tr. 49. in Joan. Martham & Magdalenam sorores, ad Christum misisse ante obitum Lazari, non rogando ut fratrem sanaret; sed scitè solum insinuando, ipsum infirmari: *Domine, ecce, quem amas, infirmatur.* Quasi dicerent: *Sufficit, ut noveris. Non enim amas, & deseris.* Quid? quod ipse benignissimus JESUS, quasi beneficio se affectum interpretetur, si confidenter recurramus in necessitatibus nostris ad ipsum? Manifestavit id S. Mechtildi, apud Blosium in Monili c. 11. dicens: *Perplacet mihi, videre homines confidentes de mea bonitate. Talis enim, quicumque est, & in hoc perseverat; singulariter eum in hac vita remunerabor, & in altera uberrimam ei mercedem conferam. Et quanto plus de me confidet, tanto plus etiam à me consequetur.* Impossibile enim est: ut quod quis de me sanctè credidit, & consequi speravit, non obtineat; cum hoc ipsum ego promiserim.

SAB-

SABBATO.
SABBATO.

187

MEDITATIO: De Potestate remittendi peccata à Christo communicatâ hominibus.

1. **A** Dora DEUM O. M. & considera: inter alias prærogativas, quibus honoravit Christum, ut Hominem, esse Remissionem peccatorum, & justificationem; quod hanc nemo obtinere possit nisi per illum, & omnis obtinere possit, cuicumque condonare voluerit ille. *Non est in alio aliquo salus; inquit S. Petrus Act. 4. nec enim aliud nomen est sub cælo datum hominibus, in quo oporteat nos salvos fieri; obtentâ nimirum peccatorum remissione. Et S. Paulus Act. 13. Notum igitur sit vobis, viri fratres: quia per hunc vobis remissio peccatorum annuntiatur; & ab omnibus, quibus non potuistis in lege Moyse justificari, in hoc omnis, qui credit, justificatur. Grandis honor Salvatori nostro collatus! quem meritò mirati Judæi Luc. 7. dicebant intra se: Quis est hic, qui etiam peccata dimittit? Gratias Tibi immortales, O. M. DEUS, pro eo honore Salvatoris nostri: quo & ipsius merita honorasti, & nobis insigne beneficium præstitisti. Utar illo pro gloria tua & salute mea.*
2. **A** Dora D. JESUM, & considera: quàm liberali charitate, post resurrectionem suam, potestatem remittendi peccata communicaverit Apostolis suis, ac per ipsos innumeris per universum orbem sparsis sacerdotibus. Apparens enim eodem, quo resurrexit, die congregatis Apostolis, cum pacem illis iteratò obtulisset, insufflavit: & dixit eis: *Accipite Spiritum S. quorum remisistis peccata, remittuntur eis; & quorum retinueritis, retenta sunt. Joan. 20. Vide, quantam, quàm amplam, quàm facilis concessit potestatem; quæ alias DEI propria fuit, juxta illud: Ego sum, ego ipse sum, qui deleo iniquitates tuas propter me. Isa. 43. Et Luc. 5. Quis potest dimittere peccata, nisi solus Deus? O quantum charitati Tuæ pro hac communicatione obligati sumus, Gratióssime JESU! Quanti debiti remissionem, quantarum offensarum DEI condonationem posuisti in manu hominum: quos ad id faciles esse jubet & benignitas tua, & fragilitas sua! Ignosce: quod tam parce aut præve usus sim hâc potestate. Utar deinceps frequentius & reverentius.*
3. **V**ENERARE DEIPARAM V. & considera: quo affectu acceperit tantæ Potestatis communicationem factam, non Angelis, sed hominibus; non pro certo variorum peccatorum numero, aut ejusdem certæ repetitione; sed indefinitè. Sciebat; in veteri lege nec à lepra mundandi potestatem fuisse concessam Sacerdotibus, sed solum declarandi, an mundatus quis esset? Magnificabat igitur, & cum pia illa turba Matt. 9. glorificabat DEUM; qui dedit potestatem talem hominibus. Nec dolebat sibi negatam;

gatum; sed pro infinita sua humilitate & prudentia, acquiescebat libentissime liberrimo donorum suorum distributori DEO. Da, Domina, ut semper acquiescam & ego.

Propositum uiendi Sacramento penitentiae frequenter & reuerenter.

LECTIO PRACTICA.

Quomodo Potestate remittendi peccata uti debent Sacerdotes.

Accuratius de hoc tractant Theologi: hic pauca proponam, excerpta potissimum ex Pastoralis Epistola S. Francisci Salesij, Episcopi Gebennensis, Viri doctrinâ & sanctitate eminentis. 1. Sacerdos, qui aliorum conscientias mundare & sanctificare intendit, videat: ne negligat propriam, & notari mereatur illo Luc. 4. *Medice, cura te ipsum*: & ne exprobetur ei illud Rom. 2. *In quo alium iudicas, te ipsum condemnas*. Quare, antequam in tribunali Pœnitentiæ confideat, se ipsum dijudicet, atque expiet vel Sacramentali confessione, vel saltem actu Contritionis præmissa. Insuper humili prece opem divinam imploret, factâ intentione agendi, quod agit Ecclesia, seu autoritate Christi absolvendi à peccatis pœnitentes.

2. Meminerit: pœnitentes in confessionis exordio ipsum vocare Patrem: proinde corde & affectu paterno ipsos excipere debere, amplecti, instruere & supportare in omni patientia & doctrina. Instructus igitur legitimâ ab Ordinario loci approbatione & iurisdictione, accedens ad sacrum Tribunal, vultum præ se feret placidum, ac benignâ quâdam gravitate temperatum; quem, quidquid ipsi dicatur in confessione, nullatenus immutabit, (quantum circumstantes notare poterunt) ne vel minimum sigillo confessionis præiudicium afferat.

3. Præmissâ interrogatione de tempore ultimæ Confessionis, & statu pœnitentis, si sit ignotus, præbebit aures confitenti, iuvabitq; quærendo, si videbitur necessarium.

4. Interrogatio, si facienda fuerit, fiet de peccatis statui & conditioni pœnitentis convenientibus, & non operis solum & oris; sed etiam cogitationis, percurrendo omnia, vel quædam, præcepta Decalogi, & Ecclesiæ, non negligendo circumstantias speciem mutantes, vel notabiliter aggravantes. Commonebit quoque pœnitentem de Restitutione, Reconciliatione cum inimicis, & Satisfactione, sicubi facienda erit; & quidem non differenda, quantum fieri poterit. Cæterum in Interrogationibus prudenti discretione opus est, (præsertim agendo cum prudentioribus & non rudibus) ac potissimum cum sexu fœmineo, de peccatis maiorem pudorem causare solitis; ut scilicet neque reticeant explicanda, neque plus quærratur, quam necessari-

um sit.

DOMINICA II. POST PASCHA.

189

am sit. Ad hoc autem juvabit; si primò interrogentur de levioribus: an scilicet cogitationes aliquas non satis honestas admiserint? An in loquendo tale quidpiam exciderit? Tum denique an in actum aliquem externum hujusmodi cogitationes prodierint. Negantes admissam cogitationem de actu interrogandi utique non erunt.

5. Pœnitentes nimis verecundi animandi sunt exponendo communem hominum fragilitatem, per se pronissimam in gravissima scelera; &, nisi speciali gratiâ divinâ sustentetur, ruituram in omne nefas. Qui & contra advertuntur impudentes, utpote gravia peccata non aliter ac fabulam narantes; admonendi sunt: rem agi non solum coram homine, sed DEO Judice, eoq; graviter offenso: in hoc tribunali posse quidem remissionem obtineri quorumvis peccatorum, sed non nisi ab ijs, qui cor adferunt contritum & humiliatum &c. Desperantes, aut ægrè sperantes veniam, suaviter demulcendi sunt & erigendi, propositâ infinitâ misericordiâ DEI, qui plus potest dimittere, quàm nos peccando committere. Perplexi de valore confessionis suæ, eò, quod vel conscientia suæ latebras non satis potuerint penetrare, vel sensibilem non habeant dolorem; animandi sunt, docendo: Sufficere serium conatum, eamq; diligentiam, quæ in alijs gravis momenti negotijs adhiberi solet &c.

7. Post exposita peccata juvandum est pœnitens, si opus sit, in eliciendo dolore de peccatis, & serio emendationis proposito. Imponenda prudenter satisfactio seu pœnitentia, præsertim medicinalis: ut avaris elemosyna, libidinosis & ebriosijs jejunia, superbis consideratio suæ vilitatis, raro contentibus frequentior confessio &c. Si deprehenderetur pœnitens obnoxius publicæ alicui pœnitentiæ juxta diocesana statuta absolvendæ: remittendus erit ad aliud forum pro illa peragenda. Cavendum autem imprimis: ne talis injungatur pœnitentia, ex qua domestici colligere possint, grave peccatum esse admissum. Denique, ubi pœnitens apparuerit sufficienter dispositus, nec innodatus Censuræ potestatem Confessarij excedente; reverenter impertienda erit Sacramentalis, autoritate Christi, Absolutio. Sacerdos igitur tam grave negotium, & Christi Personam gesturus, videat, ut sufficiente scientia sit instructus, & Sancta tractet sanctè: ne alios absolvendo gravioris Judicii ipse fiat reus.

DOMINICA II. POST PASCHA.

MEDITATIO: *De Lege Gratiæ consuetæ per Christum.*

1. **A** DORA DEUM O. M. & considera: quomodo pro sua infinita Bonitate & intuitu meritorum Christi, post resurrectionem ejusdem mundum

DOMINICA II.

1. *Deo* mundum recreare voluerit Lege novâ, quæ non rigorem, sed suavitatem ad gratiam, sonaret & conferret, sublato gravi jugo Legis Mosaicæ. Delinitus nimirum obedientiâ, patientiâ & charitate Filij sui, voluit Benignissimus DEUS: ut sicut regnaret peccatum in mortem, usque ad mortem Christi: ita & Gratia regnaret deinceps per justitiam in vitam æternam per Jesum Christum Dominum nostrum. Rom. 5. Confitemini jam Domino, miseri Filij Adæ; quoniam bonus, quoniam in sæcula misericordia ejus. Tibi serviam, Domine, in spiritu charitatis; & lex gratiæ tuæ in medio cordis mei semper.

2. **A** Dora D, JESUM, & considera: quantâ Charitatis amplitudine commiserit Apostolis post resurrectionem suam munus prædicandi Evangelium & Gratia legem: *Evangelium ergo docete omnes gentes.* Matt. 28. *Evangelium in mundum universum, prædicate Evangelium omni creatura.* Marc. 16. Gratia suæ ubertatem non voluit jam arctari solis Judææ & Samaritæ limitibus, sed diffundi usque ad extremum terræ: ut ubi abundavit delictum, superabundaret gratia. O si tandem aures arrigerent gentes omnes, & intelligerent: quoniam Dominus JESUS est Legifer noster; Dominus, Rex noster; ipse salvabit nos. Isa. 33. ipse non aggravabit jugum suum super nos; sed attollet nos, & post momentaneum obsequium sibi præstitum invehet in regnum gloriæ suæ. Suspicio & amplector eximiam charitatem tuam, Suavissime JESU: custodiam deinceps mandata tua fideliter: & Lex gratiæ tuæ erit Meditatio mea semper.

3. **V**enerare DEIPARAM V. & considera: eam in Lege Gratia occupare thronum Gratia. Quamvis enim omnis gratia fons & author sit Christus; imò totus ipse sit Gratia: terret tamen male sibi conscios servos autoritas Domini, & judicialis ipsius potestas. Positus ergo est Reginae Matri specialis thronus, ad quem tanquam ad aram gratia rei confugeremus. Per Te igitur accessum habeamus ad Filium, ob benedicta Inventrix gratia: ne premat nos sententia justitiæ. Suscipe, erige & consolare trepidos, ô Gratiissima! Propositum, v. g. gratiam te exhibendi in conversatione; & fugiendi austeritatem in agendo.

LECTIO PRACTICA.

De Legibus Directivis tantum, seu Consilij Evangelicis.

UT inter Humanas, sic inter Divinas Leges reperiuntur quædam Præceptivæ, quæ scilicet sine culpa violari non possunt: aliæ autem Directivæ tantum, quæ non obligant sub culpa, sed solum dirigunt hominem ad agendum id, quod utile, vel utilius, aut conveniens est ob alios fines, ut fiat. Tales

POST PASCHA.

298

Tales Christi Leges vocantur alias Consilia Evangelica: quæ Cornelius à Lap: collegit, & Tomo I. Commentariorum suorum in Evangelia, præmisit. Juvat hic ea compendio proponere: ut appareat tum sanctitas & sublimitas Legis Gratia, tum vis Divinae gratia, cujus efficaciam miser homo ad tantam perfectionem eluctari potest.

I. Primum ergo Consilium dedit Christus, quando Matth. 3. dixit Joanni Baptistæ refugienti baptizare ipsum; *Sine modo: Sic enim nos decet implere omnem justitiam.* Quo commendavit Opera Supererogatoria.

II. Secundum est de Octo Beatitudinibus consequendis per heroicos actus certarum virtutum Matth. 5. *Beati pauperes spiritu: quoniam ipsorum est regnum celorum &c.*

III. De heroica patientia in injurijs corporis: *Si quis te percusserit in dexteram maxillam, præbe illi & alteram.* Matth. 5. v. 39.

IV. De rebus temporalibus non multum defendendis: *Qui vult tecum judicio contendere, & tunicam tuam tollere; dimitte ei & pallium.* Ib. v. 40.

V. De Societate præstanda ad consolandum, vel aliter juvandum proximum: *Quicumque te angariaverit mille passus, vade cum illo & alia duo.* Ib. v. 41.

VI. De facili exaudienda petitione honesta proximi, & ablatis contentio- sè non repetendis. *Omni petenti te tribue: & qui auferi, quæ tua sunt, ne re- petas.* Luc. 6.

VII. De imitandis Perfectionibus Divinis: *Estate vos perfecti, sicut & Pa- ter vester celestis perfectus est.* Matth. 5.

VIII. De relinquendis etiam bonis operibus propter meliora? *Sequere me; & dimitte mortuos sepelire mortuos suos.* Matth. 8.

IX. De titulis speciosis non curandis: *Vos autem nolite vocari Rabbi. Vnus enim est Magister vester: omnes autem vos fratres estis.* Matth. 23.

X. De non adhærendo nimium alicui propter victum & alia corporis com- moda. *Et Patrem nolite vocare vobis super terram. Vnus est enim Pater vester, qui in caelis est.* Ibid.

XI. De prælatione fugienda, & studio humilitatis. *Qui major est vestrum, erit Minister vester.* Ibid.

XII. De assiduitate Orationis: *Oportet semper orare, & nunquam deficere.* Luc. 18.

XIII. De Studio Castitatis perpetuæ: *Sunt Eunuchi, qui se castraverunt propter regnum celorum. Qui potest capere, capiat.* Matth. 19.

XIV. De studio Virginitatis perpetuæ, datum Consilium per Aposto- lum: *De Virginibus præceptum Domini non habeo. Consilium autem do, tanquam*

misericordiam consecutus à Domino, ut sim fidelis. Existimo ergo hoc bonum esse propter instantem necessitatem: quoniam bonum est homini, sic esse. 1. Cor. 7.

XV. De voluntaria Paupertate: *Si vis perfectus esse; vade, vende, quæ habes, & da pauperibus, & habebis thesaurum in cælo; & veni, sequere me. Matt. 19.*

XVI. De studio Contemplationis. *Maria optimam partem elegit, quæ non auferetur ab ea. Luc. 10.*

XVII. De morte oppetenda pro proximo: *Majorem hac dilectionem nemo habet; ut animam suam ponat quis pro amicis suis. Joan. 15.*

XVIII. Mutuum dare non tantum gratis, sed nec donum aliquod desiderando: *Munus dare, nihil inde sperantes. Luc. 6.*

XIX. Pro inimicis orandum, eisq; benefaciendum. *Benefacite his, qui oderunt vos: & orate pro persequentibus & calumniantibus vos. Matt. 5.*

XX. De temporalibus bonis propter Christum relinquendis. *Omnis, qui reliquerit domum, vel fratres, aut sorores, &c. propter nomen meum: centuplum accipiet, & vitam æternam possidebit. Matt. 19.*

Ecce quæ Consilia, quas Leges directivas ad absolutissimam sanctitatem obtinendam nobis reliquit noster Magni Consilij Angelus. Hæret quidem fragilitas humana, perterrita tantæ perfectionis altitudine. & imbecillitatis suæ conscia: sed ea est hujus Legislatoris tum Sapientia, tum Potentia, tum gratiosissima Voluntas (qualis in nullo humanorum legislatorum vel consiliatorum reperiri potest) ut non solum suggerat consilium, sed etiam præbeat efficax auxilium ad executionem. Neminem obligat sub amissione gratiæ suæ, aut alia pœna ad implenda prædicta Consilia: si quis tamen ijs morem gesserit amore Dei & studio amplioris gloriæ ejus: in delicijs ipsi erit, & inter Heroes ejus computabitur. Placet hic honor? Adhæc qui implendis hujusmodi consilijs addictus fuerit: utique non violabit præcepta? Et sic Gratia Domini & salutis suæ securus erit.

FERIA II.

MEDITATIO: De Sacramento Baptismi à Christo instituto. Matt. 28.

1. **A**dora DEUM O. M. & considera: quâ charitate post resurrectionem Christi aperuerit generi humano admirabile lavacrum regenerationis. *Euntes ergo docete omnes gentes, baptizantes eos in nomine Patris, & Filij, & Spiritûs S. Matt. 28.* Consideramus irreparabili clade, duplicis mortis victimæ: cum ecce misericors DEUS, qui non vult mortem peccatoris, ex aqua & sanguine Filij sui confecit nobis vitale lavacrum, in quo velut pisciculi regeneraremur in vitam æternam, partu tam felici, quàm facili. Vide; quàm

FERIA II.

193

de; quàm acre & arduum fuerit in veterilege remedium circumcissionis contra mortem originalem: nobis datum est renasci sine dolore, ac penè sine sensu: idemq; est regenerari, & lavari. Tam studiosus est vitæ, munditiei & ornatûs animarum nostrarum, Opt. Max. DEUS: nos quàm incurij!

2. **A** Dora D. JESUM, & considera: quid & quantum contulerit ipse ad vivificum Baptismi lavacrum. Initio nascentis mundi poterant aquæ fecundari hoc ipso ad producendos pisces & volatilia, quod Spiritus Domini ferebatur super illas. Gen. 1. Verùm ad regenerandos homines & mundandos à peccatis, sanguine opuserat Filius DEI vivi. Non dubitavit illum liberalissimè fundere Gratióssimus JESUS: *Dilexit nos, & lavit nos à peccatis nostris in sanguine suo.* Apoc. 1. 5. Nec semel tantum lavit; lavat continuò: ideoq; omnem planè divinum sanguinem suum contulit in lavacrum; voluitq; tam promptum nobis esse usum sanguinis sui, quàm facilis & promptus est usus aquæ elementaris. Nos piget vel guttam sudoris, ne dicam sanguinis, fundere pro gloria ipsius. Delestat volutabrum luti; & sordidi amamus sordescere adhuc. Parce, Gratióssime Salvator. Anima Christi sanctifica me; ut puro corde amem Te, JESU mi pretiosissime.

3. **V**enerare DEIPARAM V. & considera: quid contulerit & ipsa ad lavacrum regenerationis nostræ. Contulit 1. purissimum sanguinem suum ad formandum & nutriendum divinum Corpus Christi. Contulit 2. lac virgineum convertendum in sanguinem Christi. Contulit 3. lacrymas, non falsas modo, sed sanguineas, ut quidam censent, in Passione Filij; quibus non solum mortem Christi, verùm & peccata nostra, mortis causam, desolebat; ac misericordiam, atque remedia necessaria illis expiandis poscebat. Gratias tibi immortales, ô Domina, pro tam pretiosa symbola. Amplius, amplius lava me ab iniquitate mea, Filij tui sanguine divino; & aperi mihi, quem illi affundam fontem lacrymarum.

Propositum: *decenter & reverenter utendi SS. Sacramentis.*

LECTIO PRACTICA.

Quantum debeamus Christo pro institutione SS. Sacramentorum.

Placuit Sapientiæ incarnatæ Legem Gratiz à se conditam communire sigillis septem, sed apertis. Placuit in Ecclesia sua septem excidere columnas; Proverb. 9. nullâ tempestate convellendas: erigere candelabra septem aurea & ardentia charitate, quæ nunquam extinguerentur: accendere in dextera sua stellas septem, Apoc. 1. quæ dies noctesq; nobis lucent. Sacramenta nimirum septem placuit in usum infidelium, ut Baptismum; tum potissimum fidelium, ut reliqua, instituere, tanquam largissimos

& indeficientes gratiarum fontes. Per illa enim, ut docet Tridentinum Sess. 7. *Omnis vera iustitia vel incipit, vel augetur, vel amissa recuperatur.* Ad lavandos igitur inquinatos, præsertim originali labe, & adhærentibus ei for-
 dibus: instituit Lavacrum Baptismi, quàm opportunum & obvium, tam
 necessarium: *Nisi quis renatus fuerit ex aqua & Spiritu S. non potest introire
 in Regnum Dei.* Joan. 3. Ita nimirum mundat hoc balneum, ut simul novam
 quandam speciem, vitamq; conferat: faciendo ex inimicis amicos DEI,
 ex filijs hominum filios DEI, ex ranis pisciculos, salientes in vitam æter-
 nam. Illud autem in primis cavendum regeneratis: ut Character, quo in eo-
 dem lavacro signati sumus, non sit nobis in tesseram majoris damnationis, si
 mors nos deprehenderit reverbos ad volutabrum luti. Ad roborandos in
 suscepta Fide regeneratos ex aqua & Spiritu S. providit nobis Benignitas
 Salvatoris nostri Dei *Sacramentum Confirmationis*, quo per unctionem S. Chry-
 smatis, & impressum fronti signum S. Crucis, signaculo quodam indelebili
 initiaremur fidei illius fortiq; confessioni & cultui, contra omnes visibilibus
 & invisibilibus hostium dolos & insultus. Ut verò non solum viveremus
 vitâ quâdam spiritali & divinâ: sed etiam nutriremur, cresceremus, &
 mortem non gustaremus in æternum: providit nobis Gratiissimus Salva-
 tor Panem de cælo vivum, habentem in se omne delectamentum saporis, Pa-
 nem fortium & divinum, Sacramentum scilicet Eucharisticum: in quo divitias
 & delicias sui erga homines amoris velut effudit, memoriamq; fecit suorum
 mirabilium Misericors & Miserator Dominus. Nec in nutrimentum duntaxat
 animarum nobis obtulit divinum hoc epulum Corporis & Sanguinis sui:
 verum & in pharמעum. Ipso enim, ut loquitur S. Thomas Opusc. 7. *pû-
 rantur peccata, virtutes augentur, & mens omnium spiritualium charismatum ab-
 undantiâ impinguitur.* Insuper idem Sacramentum ordinavit in Sacrificium:
 ut haberemus in promptu hostiam immaculatam, hostiam sanctam ac DEO
 dignam; quam in latreuticum ejus cultum, in propitiationem pro peccatis
 nostris, in gratiarum actionem pro collatis beneficijs, & necessariorum
 gratiarum impetrationem, quotidie possemus offerre. Conscius præterea
 fragilitatis humanæ Amator fratrum suorum, ad expiandas facile noxas quo-
 tidianas, imò & facinora offensasq; gravissimas in DEUM commissas, erexit
 inauditæ Clementiæ tribunal, Sacramentum Pœnitentiæ; illudq; non An-
 gelis, sed hominibus, etiam peccatoribus, commisit: ne rei vererentur ac-
 cedere eos, quos scirent in eadem secum esse damnatione, vel facile esse
 posse. O quàm facile se hic exhibet ad condonationem, licet non septies,
 aut septuagies septies, sed innumeris offensus criminibus! Supremo quo-
 que me-

que morientium agoni providè consuluit per institutionem Sacramenti Extremæ Unctionis, quo fideles ex hac vita migraturi, & cum capitalibus hostibus suis, tam validis quàm dolosis, decertaturi, velut athletæ ungerentur ad luctam, & contractarum nozarum reliquiæ eis abstergerentur. Nec passus est Amabilissimus Salvator in Ecclesia sua deesse Ministros specialiter electos à se & vocatos: qui DEO gratissimum offerrent sacrificium in odorem suavitatis; populo autem verba vitæ & suprâ indicata ministrarent media salutis. Ut verò tantum munus dignè suscipere, & ritè administrarent; initiari ipsos voluit speciali Ordinis sacri Sacramento, quo & segregarentur à populo, & virtute induti ex alto, in sortem Domini venirent. Denique, ne fidelium suorum propagatio fieret more pecudum, aut à conjunctis ritu solum civili: Matrimonij instituit Sacramentum; quod & gratiam conferret sanctæ supportandi onera conjugalia, & Sacramentum magnum esset in ipso Christo, & ejus Ecclesia. Reliquum est, ut tantis donis non abutamur, sed reverentissimè utamur.

FERIA III.

MEDITATIO: De cooperatione nostra ad salutem, & observatione preceptorum novæ legis. Matt. 28.

1. **A** Dora DEUM O. M. & considera: Ipsum quidem plurima & præstantissima nobis parasse, & obtulisse media ad promovendum salutis nostræ negotium: ad ipsius tamen consummationem requirere ex parte nostra seriam cooperationem. Paravit nobis lavacra Baptismi & Pœnitentiæ ex fontibus Salvatoris: sed addidit monitum per Isaiam cap. 1. *Lavamini, mundi estote, auferite malum cogitationum vestrarum ab oculis meis.* Non vult adultos lavare, ut nutrices solent infantes: sed vult, ut ipsi quoque manum adhibeamus, & nos lavemus. Unde etiam Christus curaturus cæcum à natiuitate Joan. 9. non satis habuit malagmate à se confecto linivisse oculos ejus: sed mandavit: *Vade, lava, in natatoria Siloë;* nec prius curatus est ille, quàm proprijs manibus oculos lavisset. Optat ardentissimè Optimus DEUS ad nos converti: sed requirit insuper; ut & ipsi convertamur ad ipsum: *Convertimini ad me, ait Dominus Deus exercituum, & convertar ad vos.* Zachar. 1. **O** Benignissime DEUS, quantillum est, quod requiris à me: Parce ignaviz meæ. Cooperabor deinceps promptius gratiæ tuæ.

2. **A** Dora D. JESUM, & considera: etiam ipsum exigere quædam præter fidem in ipsum. Cùm enim in Galilæa post resurrectionem suam apparuisset discipulis, monuissetq;: *Euntes ergo docete omnes gentes, bapti-*

zantes eos in nomine Patris, & Filij, & Spiritus S. adiesit; *Docentes eos servare omnia, quaecumq; mandavi vobis*, Matt. 28. Hinc docet Apostolus Rom. 2. *Non enim auditores legis iusti sunt apud Deum, sed factores legis iustificabuntur*. Recole igitur: quanam sint, quæ Christus servanda mandavit expressius, & commendavit diligentius: v. g. de charitate erga proximum, non dando scandalo, humilitate exercenda &c. Numquid multa, aut impossibilia sunt, præsertim amanti JESUM & salutem suam? Si mandata servare non potes: quid facies de Consilijs Christi? Amabilissime JESU, amorem tui solum mihi dona sincerum: & omnia mihi possibilia erunt, non solum mandata, verum & consilia tua.

3. **V**ENERARE DEIPARAM V. & considera: quam prompta sit ad nos juvandos in opere salutis nostræ. Quid enim ardentius optat, quam copiosissimum sanguinis Filij sui fructum, ruinarum cælestium plenam restaurationem, animarum nostrarum munditiam, ornatum, perfectionem, gloriam æternam? Hæc autem cum à nobis obtineri non possint, non allaborantibus nobis: prompta adest infirmis servulis Domina, clientibus Patrona, Mater filijs. Proinde sicut oculi ancillæ in manibus Domine suæ: ita oculi animæ meæ ad te, ô Domina. Adjuva debilem, excita torpentem.

Propositum accuratius servandi mandata divina.

LECTIO PRACTICA.

De specialibus novæ legis præceptis.

CUM rediivus Salvator noster discretè præceperit Apostolis Matth. 28. ut baptizatos docerent *servare omnia, quaecumq; mandaverat eis*: necesse est, ut omnia novæ Legis præcepta distinctè cognita habeamus: quæ proinde hic velut sub unum aspectum conjicio. I. Primum est de Dilectione fraterna. *Mandatum novum do vobis: ut diligatis invicem, sicut dilexi vos*. Joan. 13. Est quidem in Lege veteri mandatum de dilectione proximi: sed Christus illo non contentus, vult perfectiorem amorem; ut scilicet Christiani se diligant Christianè; id est, juxta normam dilectionis Christi, qui homines non solum amavit ut homines, sed ut fratres suos; & licet ob varias offensas potius odium essent meriti, beneficiendum tamen illis censuit, & verbis atq; exemplo docuit. II. De agenda Pœnitentia prædicante Christo: *Pœnitentiam agite. Appropinquavit enim regnum cælorum*, Matt. 4. III. De Reconciliatione cum proximo offenso non differenda. *Si offers munus tuum ad altare, & ibi recordatus fueris: quod frater tuus habet aliquid adversum te: Relinque ibi munus tuum ad altare, & vade prius reconciliari fratri tuo*. Matt. 5. IV. De non scandalizando sed edificando proximo; *Sic luceat lux vestra coram hominibus*.

hominibus: ut videant opera vestra bona, & glorificent Patrem, qui in cælis est. Matt. 5. V. De pravis concupiscentijs. Qui viderit mulierem ad concupiscendam eam; jam mechatus est eam in corde suo. Ibid. VI. De cavendo & amovendo periculo proximo peccandi. Quod si oculus tuus dexter scandalizaverit: erue eum, & projice ab te. Ibid. VII. De non dimittenda uxore. Omnis, qui dimiserit uxorem suam, exceptâ fornicationis causâ, facit eam mechari: & qui dimissam duxerit, adulterat. Ibid. VIII. De dilectione inimicorum. Diligite inimicos vestros: ut sint filij Patris vestri, qui in cælis est. Ibid. Non est de consilio, sed præcepto id, sine quo non possumus esse Filij Patris cælestis. IX. De verbis contumeliosis vitandis. Qui irascitur fratri suo, reus erit iudicio: qui autem dixerit fratri suo Raca; reus erit gehennæ ignis. Ibid. X. De fugienda vana Gloria. Attendite, ne iustitiam vestram faciatis coram hominibus: ut videamini ab eis: alioquin mercedem non habebitis. Matt. 6. Et: Tu autem cum oraveris, intra in cubiculum tuum &c. Ibid. XI. De oratione garrula & non attenta. Orantes nolite multum loqui, sicut Ethnici. Ibid. Sic ergo vos orabitis: Pater noster, qui es in cælis &c. XII. De non congerendis a vide opibus terrenis. Nolite thesaurizare vobis thesauros in terra &c. Matt. 6. XIII. DEO, non avaritiæ, serviendum. Non potestis Deo servire & mammonæ. Ibid. XIV. De nimia sollicitudine circa necessaria corpori. Ne solliciti sitis animæ vestre, quid manducetis: neq; corpori vestro, quid induamini. Ibid. XV. Prima cura sit de bonis spiritualibus. Quærite ergo primum regnum Dei, & iustitiam ejus: & hæc omnia adjicientur vobis. Ibid. XVI. De fugiendis Judicijs temerarijs & privata auctoritate. Nolite judicare, ut non judicemini. Matth. 7. XVII. De rebus & doctrinis sacris non temere spargendis. Nolite sanctum dare canibus: neq; mittatis margaritas ante porcos. Ibid. XVIII. De fugienda via lata & morum dissolutione. Intrate per angustam portam: quia lata porta & spatiofa via est, quæ ducit ad perditionem. Ibid. XIX. De cavendis peccatis in Spiritum S. Qui dixerit contra Spiritum S. non remittetur ei, neq; in hoc sæculo, neq; in futuro. Matt. 12. XX. De verbis otiosis cavendis. Omne verbum otiosum, quod locuti fuerint homines, reddent rationem de eo in die iudicii. Ibid. XXI. Humilis innocentia seu simplicitas, necessaria. Nisi conversi fueritis, & efficiamini sicut parvuli: non intrabitis in regnum cælorum. Matt. 18. XXII. De correctione fraterna privata. Si peccaveris in te frater tuus, vade, & corripe eum in secreto, & ipsum solum. Ibid. Si non audierit: adhibe tecum adhuc unum vel duos. Quod si non audierit eos: dic Ecclesie, &c. Ibid. En, quam sancta & necessaria Præcepta Suavissimi JESU Videamus: quo loco sint apud nos. Qui habet mandata mea, & servat ea: ille est, qui diligit me. Joan. 14. Qui dicit: se nosse eum, & mandata ejus non custodit, mendax est. 1. Joan. 2.

MEDITATIO: *De Apostolo à Christo ad predicandum missis.* Joan. 20.

1. **A** Dora DEUM O. M. & considera: eximie dilectionis ejus argumentum esse, si cui negotium valde arduum committat ad augmentum gloriæ suæ. Sic Officium Præcursoris, & arduum munus convertendi prava in directa, & aspera in vias planas, non alteri, quàm gratiosissimo sibi Joanni commisit. Deniq; negotium Redemptionis nostræ inter ardua omnia maximum soli Unigenito suo, sibi infinitè dilecto, credidit; imò tunc eum dilexit maximè, quando eum ad ærumnas, labores & dolores, mortemq; infamem expedit. O si & me eo dignareris amore & honore, Optime DEUS; ut servus inutilis eximium aliquid præstem pro tua gloria, non laborum & sudoris tantum, sed sanguinis impendio!

2. **A** Dora D. JESUM, & considera: quomodo charissimam sibi Apostolorum coronam expedierit post resurrectionem suam ad prædicandum: *sicut misi me Pater*, inquit, *& ego mitto vos.* Joan. 20. Me misit Pater non ad gaudia & otia, sed ad labores & pericula pro hominum salute: & ego mitto vos. Eandem formam tenere vos volo, & eandem terere viam in missionibus vestris, quam tenui in mea. Nos quò, quove modo, ad quid mitti optamus? Parce, Benignissime JESU, pusillanimitati & pravitati meæ. Præsto jam sum; mitte, per Superiores & Prælatos meos, quò & quo modo vis. Ibo.

3. **V**ENERARE DEIPARAM V. & considera: quòd & ipsi, tanquam summè dilectæ, commiserit DEUS munus valde arduum Matris DEI. Erat id quidem eminentissimum & splendidissimum; carebat omni pudoris jacturâ, parturientium & parientium molestijs: sed adjunctas habebat innumeras ærumnas paupertatis, periculerum, & continuorum per omnem vitam, ac potissimum in Passione Filij, dolorum. Quid nos? Ignavi aut delicatuli, nihil arduum pro DEO, Christo & Matre ejus, aggredi audebimus? Argumentum id est; nos & parum diligi, & parum diligere. Erige, accende abjectas animas, ô Domina.

Propositum de tolerandis molestijs in promovenda gloria Dei.

LECTIO PRACTICA.

Operarij Evangelici quo se sustentare debent in adversis.

PRÆSENTISSIMUM & solidum folatium est; si Cruces sibi occurrentes intueantur ut manifestam non vulgaris divinæ dilectionis tesseram. Id enim insinuavit Christus, quando dixit discipulis: *sicut misi me Pater, & ego mitto vos.* Id est, ut explicat S. Gregorius: *Ea charitate vos diligo, cum inter scandala persecutorum vos mitto, quâ me charitate Pater diligit, quem venire ad*

nire ad tolerandas passiones fecit. De quodam magnæ virtutis Episcopo, adversus insigniter exercito, dixit Dominus S. Brigittæ: *Propterea quia amicus meus est, & eum inimè diligo: ideo quasi amico laboriosius onus impono.* Revel. extr. c. 85. B. Baptistæ Veranæ disertè denunciavit Christus: *Recordare: majus me tibi ostendisse signum amoris, dum te afflixi; quàm cùm te tenerem artissimè in dulcissimis brachijs meis.* Magnum beneficium est, non peccare; majus, posse benefacere; maximum & in superlativo gradu, prout malum. Chronic. Francisc. 4. p. tom. 2. l. 7. c. 24. Valde hanc gratiam extollit S. Chrysostomus tanquam beneficium ex majore DEI amore profectum, quàm si donum miraculorum concederet: *Quando Deus, inquit, dat alicui; ut moruos suscitet; minus dat, quàm cùm dat donum patiendi.* Pro miraculis enim debitor sum Deo: at pro patientia debitorem habeo Christum. O rem admirandam! Et donat mihi, & super hoc debet ipse mihi! Vulgi opinio est: eos Sanctos esse DEO chariores, qui majore miraculorum virtute ab ipso sunt donati; sed refutat eam S. Laurentius Justin. de patient. cap. 2. & cap. 5. Fascic. amor. dicens: *signis & miraculis majorem esse patientiam, non dubitemus.* Isti enim minimè efficiunt hominem sanctum, nec Deo charum; & electis ac reprobis possunt esse communia. At si quis constituatur in occasionibus crebris multa & gravia patiendi, & Deus illi det donum Patientiæ: hic est, qui ipsi primis in amoribus est. Hoc ipso enim declarat Deus: se ei multas & valde pretiosas parare coronas, & altissimam in cœlo gloriam. Unde meritò dixit S. Catharina Senensis Domino Orat. 9. *Quomodo majorem gratiam possum habere: quàm ut vitam semper ducam in penis, & ipsam terminem cum martyrio propter Te?* Dum igitur Operarii Evangelici, præter laboriosum onus prædicandi, & Sacramenta ministrandi, sentiunt irruentes in se à dextris & sinistris adversitates, contradictiones, persecutiones, & Iliadem ærumnarum: non cadant animo: sed velut laceffiti catuli leonum assurgant generosiores, non in ultionem adversariorum, quod etiam feræ solent: sed imprimis in DEI laudes & amorem, deinde in proximi obsequia, præsertim eorum, à quibus infestantur; qui plane Spiritus Christi est. Non aspiciant adversa, ut injurias ab hominibus malis illatas; sed ut eximia beneficia, & singularis amoris argumenta à DEO ipsis exhibita. Apud Kempensem libr. 3. de Imit. c. 30. loquitur Dominus ad fidelem servum suum: *si rectè sapias, & in veritate aspicias: nunquam debes propter adversa iam dejectè contristari: sed magis gaudere & gratias agere.* Imò hoc nuicquam reputare gaudium, quòd affligens te doloribus non parco tibi. *Sicut dilexisti me Pater, & ego vos diligo; dixi ductis discipulis meis: quos utiq; non nisi ad gaudia temporalia, sed ad magna certamina; non ad honores, sed ad despectiones; non*

non ad otium, sed ad labores, non ad requiem, sed ad ferendum fructum multum in patientia.

FERIA V.

MEDITATIO: de Apostolis nomine Fratrum honoratis à Christo. Matth. 28:

1. **A** Dora DEUM O. M. & considera: quomodo Christum Redemptorem nostrum honoraverit etiam prærogativâ *Primogeniti ex mortuis*. Coloss. 1. seu *Primogeniti mortuorum*. Primus enim ipse in resurrectione sua prodijt ex tumulo, velut ex utero, in vitam immortalem; *Christus resurgens ex mortuis jam non moritur: mors illi ultra non dominabitur*. Rom. 6. Quorum Sanctorum corpora Matth. 27. dicuntur surrexisse post mortem Christi; ea non surrexisse ante Resurrectionem ipsius, aperte indicat ibidem Evangelista: *Exunies de monumentis post resurrectionem ejus*. Decebat nimirum: ut Victor mortis præcederet ad triumphum, post se trahens spolia inferni, & mortis. Gratias tibi immortales, Magne DEUS, pro eo honore Humanitatis Salvatoris mei habito. O si & me referas inter spolia ipsius cælo illata!

2. **A** Dora D. JESUM & considera: quâ benevolentia & honore dignatus sit Apostolos suos, quando statim à resurrectione sua illos nomine Fratrum suorum compellavit. *Ita*; dixit sanctis matronis, quibus apparuerat; *nunciate Fratribus meis, ut eant in Galileam, ibi me videbunt*. Matth. 28. Non solum nunquam illis exprobravit turpem fugam, aut negationem sui: sed nec mentionem illius fecit unquam; imò fraterno amplexu est miseros affectu, & quanto citius plenum solatii nuncium misit trepidis & afflictis. Imò præ affectus teneritudine: differre usq; in Galileam non potuit conspectum sui: eodem, quo resurrexit, die spectabilem præsentemq; se ipsis exhibuit Hierosolymis, & Pacem denunciavit, ac ingeminavit. Joan. 20. Honores gloriosissimæ resurrectionis non mutarunt in Christo mores; ut in nobis solent. Agnosco, mi JESU Gratiostissime, non mutata viscera charitatis tuæ. Dignare me saltem servi fidelis nomine: & spernam vanos mundi titulos.

3. **V**enerare DEIPARAM V. & considera: ipsam quoq; nullo unquam, etiam velato, aculeo perstrinxisse Apostolos, quantumvis non unius in Filium noxæ reos. Quin potius ipsos delicti poenitentes, suiq; accusatores maternâ teneritudine solata est, referens omnia in dispositionem divinæ voluntatis: ut olim Joseph Gen. 50. & 45. Ne memineris, ô Domina, etiam mearum Filij tui offensarum, nec levium, nec paucarum. Parce dolenti, & auge dolorem.

Propositum, v. g. de non perstringendis acriore verbo adversarij tui.

LECTIO PRACTICA.

Non perstringendi ij, qui nos offenderunt, vel offendunt.

Præter

FERIA V.

PRæter insignem illam tesseram animi non averſi à diſcipulis ſuis male de ſe meritiſt tempore Paſſionis, ſed potiùs benivolentiſſimi, quam dedit redivivus Dominus, Fratrum chariſſimorum nomine ipſos honorans; aliud quoq; tempore prædicationis graviſſimum exhibuit nobis documentum; quàm mitis, & felle nullo tinctæ, linguæ eſſe debemus erga injuriantes nos. Joan. 8. ſanitatē doctrinæ ſuæ conteſtans Dominus per integritatem vitæ morumq; ſuorum, dixit Phariſæis: *Quis ex vobis arguet me de peccato? ſi veritatem dico: quare non creditis mihi? qui ex Deo eſt, verba Dei audit: & propterea vos non auditis, quia ex Deo non eſtis.* Juſtâ commonitione exacerbati illi, immanem ei impegerunt blaſphemiam: *nonne bene dicimus nos: quia Samaritanus es tu, & dæmonium habes?* At JESUS placidiſſimè reſpondit: *Ego dæmonium non habeo: ſed honorifico Patrem meum, & vos inhonorâſtis me.* Quam Domini divinam maſuetudinē accuratè expendens, & nobis in exemplum proponens, S. Gregorius hœc in 18. in Evang. ait: Quibus verbis quid aliud, niſi ſuperbia noſtra confunditur? quæ ſi exagitata vel leviter fuerit, atrocioreſ injurias reddit, quàm acceperit; facit mala, quæ poteſt; minatur, quæ facere non poteſt. Ecce injuriā ſuſcipiens DEUS non irſcitur, non contumelioſa verba reſpondet. Qui, ſi eiſdem iſta dicentibus reſpondere voluiſſet; Vos dæmonium habetis: verū profecto diceret: quia, niſi impleti dæmonio, tam perversa de DEO loqui non poſſent. Sed acceptâ injuriâ, etiā quod verum erat, dicere veritas noluit: ne non dixiſſe veritatem, ſed provocatus contumeliā reddidiſſe videretur. Ex qua re quid nobis innuitur: niſi ut eo tempore, quo à proximis ex falſitate contumelias accipimus, eorum etiā vera mala taceamus. Hæc Gregorius; qui poſt plura concludit ibidem: *nemo ergo ſe contra acceptas contumelias erigat: nemo convicijs conviciū reddat. Imitatione etenim Dei, glorioſius eſt, injuriā tacendo fugere, quàm reſpondendo ſuperare. Sed contra hoc ſuperbia dicit in corde: Turpe eſt, niſi acceptâ injuriâ taceas: quiſquē conſpicit, quia acceptâ contumeliâ, taces; non putat, quia patientiam exhibet, ſed crimen agnoſcit. Sed unde vox iſta in corde noſtro contra patientiam naſcitur; niſi quia in imû cogitationem fiximus: & dum in terra gloriā querimus: placere ei, qui nos de cælo conſpicit, non curamus? Acceptâ ergo contumeliâ medicemur in opere vocem Dei: Ego non quero gloriā meam: eſt, qui querat & judicet. Ita S. Pontifex linguas in vindictam prurientes egregiè compeſcit. Sic fecit & S. Catharina Senenſis; quæ, cùm à fornicina, quam alendam & omni obſequiorum genere colendam ſuſceperat, graviſſimè & iniquiſſimè eſſet infamata, quaſi illicitæ voluptati operam dediſſet: maledicam feminam ad cor reverſam & deprecantem, tenero ſtrin-*

FERIA VI.

gens amplexu, culpam non solum ignovit, sed excusavit dicens: *Mater dilectissima, bene agnovi: hec rixania seminasse inimicum generis humani; ideo illi, non tibi fui offensa. Imò tibi debeo gratias agere; quòd semen demoni converteris in xelum excusatione dignum, tanquam amatrix honestatis & pudicitie.* Vitæ lib. 1. cap. 17. Ut lingua petulans Universitas est iniquitatis, Jacob. 3. ita lingua modesta Universitas est gratiarum.

FERIA VI.

MEDITATIO. De Apparitione Christi facta piscantibus discipulis. Joan. 21.

1. **A** Dora DEUM O. M. & considera: eum subinde paternæ Providentiæ suæ promptuaria ocludere, suppeditando parcius, etiam probis sibi; charis, quæ corpori sunt necessaria: Inter alias justissimas causas ea est: ut occasionem habeat majoris beneficentiæ. Unde notat S. August. in cap. 21. Joan. eum etiam discipulis Christi, post ejus resurrectionem, immisisse penuriam, quæ cogarentur in piscatum ad mare Tiberiadis; imò totâ nocte laborantibus nullam obtulisse prædam: ut tantò major & spectabilior esset beneficentia Christi, cujus nutu tantam concluderunt grandium piscium multitudinem, ut non sufficerent extrahendo reti. Habet DEUS tempora & causas æquidimas variæ Providentiæ suæ. Sinamus eum nos & nostra gubernare pro majore gloria sua.

2. **A** Dora D. JESUM & considera apparitionem ejus factam Petro & sex ejus socijs piscantibus: Joan. 21. *Mane autem factis stetit Jesus in liore.* Amat & commendat æterna Sapientia tempus matutinum. Mitti jussit *rete in dexteram navigij*: non enim est utilis piscatio ad sinistram fortunæ mundanæ. *Miserunt ergo*: quàmvis nondum agnoscerent Dominum. Non tantum Superiorum, verum & æqualium & inferiorum sæpe fructuosè audiuntur consilia. *Et jam non valebam (rete) trahere præ multitudine piscium.* Sine JESU inanis labor: cum JESU & à JESU omnis benedictio. Vide affectum Domini erga Petrum & Joannem, qui illo reti piscabantur simul, etiam alias conjunctissimi, & erga Dominum confidentiores. Amemus igitur JESUM, confidamus in ipso, laboremus pro ipso: non experiemur parcem ejus manum. Parce Liberalissime JESU distenditæ meæ, & laboribus inordinatis.

3. **V**ENERARE DEIPARAM V. & considera: eam esse ingens & famosissimum quoddam Mare Divinitatis: cum in se concluderit totam immensæ Divinitatis plenitudinem. In hoc mari infinitæ relucet gratiarum margaritæ, virtutum gemmæ, ac potissimum pretiosissimus ille Unio, quo redempti sumus omnes. Piscabor igitur piâ Meditatione in hoc mari: retia imple, Domine.

Proposi-

Propositum, v. g. de Studio laboris, non vani, sed fructuosissimi.

LECTIO PRACTICA.

Quinam fructuosissime laborant?

UT laborum & laborantium ingens est varietas: ita non idem præm-
ium seu merces. Hi terram, illi mare sulcant; hi pisces, illi homines
piscantur; hi servilibus, illi ingeniis; hi corporalibus, illi spiritualibus
distinentur laboribus; hi diurnis, illi nocturnis exercentur; alij multum,
alij parum, alij lucrantur nihil. Quidam, quod lucrati sunt, paulò post per-
dunt; alij, quod amiserunt, in lucro habent. Omnium hujusmodi operario-
rum duces, seu Præfecti, sunt Nemrod, Pharaon, Samson, Tobias, S. Jo-
seph, & D. JESUS.

Sub Nemrod, primo Babyloniorum rege, laborant; qui turrim Babel ædi-
ficant, & pro fine habent Vanitatem, lucrantur autem confusionem. Quem-
admodum primi illi turris Babel structores, non aliud intenderunt, quam va-
nissimam nominis sui gloriam, (*Celebremus nomen nostrum, antequam dividamur
in universas terras: faciamus nobis civitatem, & turrim, cujus culmen peringat
ad cælum. Gen. 11.*) sed ex tota fabrica non aliud reportarunt, quam confu-
sionem suam; sic etiamnum multi conantur magnis impensis ædificare sibi
domos splendidas, magnificas, æternas; familiam propagare perennatu-
ram; jam pacis artibus, jam bellicis laboribus nomen sibi comparare sem-
piternum &c. Verùm opinione citius quemadmodum fumus deficiunt, & eva-
nescunt cum vanis laboribus suis. *Velut somnium surgentium Domine in civitate
tua imaginem ipsorum ad nihilum rediges. Psal. 72.*

Sub Pharaone, Egypti rege, urgentibus Avaritiâ & Mamoni iniquitatis,
laborant, qui paleis & luto, opibus terrenis, congerendis die nocteq; inten-
ti sunt. Lucra ipsorum sunt curæ assiduæ, grandes peccatorum acervi, bo-
norum æternorum cum temporalibus jactura. *Quæ parasti, cujus erunt? Luc.
12. Dives difficile intrabis regnum cælorum. Matt. 19.*

Sub Samson laborant, qui amore Dalilæ suæ, carnis propriæ, vincti &
excecati, assidue versant molam concupiscentiarum suarum, expositi ludi-
brio & ignominia. Lucra istorum sunt fortunarum dispendia, vitæ tempo-
ralis imminutio, æternæ jactura, & commensurata voluptati tormenta in-
ferni. *Quantum se glorificavit, & in delicijs fuit: tantum dare ei tormentum. Ap-
oc. 18.*

Sub Tobia Seniore laborant; qui honesto manuum, vel ingenij, labore
non sibi tantum, & familiæ suæ laborant; verùm etiam pauperibus, captivis,
peregrinis, alijsq; indigentibus. Lucra horum sunt grandia. *Nam generatur*

De

Domino,

Domino, qui miseretur pauperis, Prov. 19. Beatus, qui intelligit super egenum & pauperem: in die mala liberabit eum Dominus. Psal. 40.

Sub S. Josepho laborant, qui fructus laborum suorum impendunt alendæ alicuj familiz sacre, seu Communitati Religiosæ vel Clericali, promoventi ex instituto suo gloriam divinam. Lucra istorum sunt opulentissima. *Benefac justo: & inuenies retributionem magnam. Eccl. 12. Date & dabitur vobis. Mensuram bonam, & conferiam, & coagitatam & supereffluentem dabunt in sinum vestrum. Luc. 6.*

Sub JESU Magistro, & operarum Præfeto, laborant: quorum assiduus labor est, procurare totis viribus majorem DEI gloriam, & proximorum salutem atq; perfectionem. Lucra horum omnium maxima: quia labor Domino gratiosissimus & pretiosissimus. *Qui feceris & docueris: hic magnus vocabitur in regno celorum. Matt. 5. Pascite, qui in vobis est gregem Dei. Et cum apparueris princeps pastorum, percipietis immarcescibilem gloriæ coronam. 1. Pet. 5.*

Videat jam quisq;: cui laborat, & quam sperare possit mercedem. *Miseri! quorum omnis, vel præcipuus labor circa terram occupatur. Dormierunt enim somnum suum: & nihil invenerunt omnes viri divitiarum in manibus suis. Psal. 75.*

SABBATO.

MEDITATIO: *De Discipulis piscantibus prandio exceptis à Christo. Joan. 21.*

1. **A** Dora DEUM O. M. & considera: quàm morigeros ad nutum suum habeat pisces maris. Ipso annuente certatim ruunt in retia, & grandiores festinant prævenire turbam minorum: prout factum Joan. 21. ubi omnes illi 153, à Petro capti, pisces erant magni. DEO nolente, nec unico capiendi sufficit ars & industria humana: Ipso volente præsto est, & qui Tobiz cor præbeat cum jecore, & felle in medicinam, & qui Petro offerat statuerem in vectigal. Ipsi ludunt Sirenes, ipsum tremunt balenæ, & Behemoth ipse palpitat ante pedes ejus. Magnus Dominus, & verendus nimis! At nos in aqua baptismatis renati pisces, exleges perambulamus semitas maris, furdi ad consilia, contumaces ad præcepta Domini & Creatoris nostri: lascivire amamus etiam in falsis fluentis vitæ hujus. *Parce, DOMINE, non fugiam sagenam tuam amplius; trahe me ad litus beatæ immortalitatis.*

2. **A** Dora D. JESUM, & considera singularem ejus benevolentiam erga piscantes Joan. 21. discipulos. Non solum consilio & largissimâ benedictione ipsis adfuit; verum & rete integrum servavit; ut accurate notavit

notavit Evangelista: *Et cum tanti essent, capti pisces, non est scissum rete.* Sic prodigij instar est; si multi magnæ authoritatis & ingenij homines sint in aliqua communitate, & quieti vivant, nec scissiones faciant. Deinde laborantibus discipulis refectionem paravit maturè, Benignissimus Dominus, assando super prunas piscem, panem suppeditando, ac humanissimè invitando: *Venite, prandere.* Quin ipse suis manibus accipit panem, & dat eis; & piscem similiter. Præcipuum appositorum ciborum condimentum est humanitas & comitas apponentis. Hanc doce me, Gratosissime JESU.

3. **V**enerare DEI param V. & considera eximiam ejus benevolentiam & singularem propensionem erga viros Apostolicos, piscatores hominū. Cum enim perspectissimum habeat: æterno Patri non aliud obsoniorum genus, ut ita loquamur, accidere gratius, quàm si rationales pisciculi, in fluminibus Babylonis luxuriantes, capiantur, & ad gustum ejus condiantur: ipsa, tanquam prudentior Rebecca, tenerrimè afficitur ijs, qui sibi captos hujusmodi pisciculos offerunt, divinæ mensæ apponendos. Obtulisti multos? Diligentior esto in hac piscatura. Benedic, ô Domina, hamo & reti meo. Propositum, v. g. de majore benevolentia erga operarios, præsertim spirituales.

LECTIO PRACTICA.

De Frugalitate in victu adhibenda.

Orbe toto pervulgatum est: *Multa secula multos morbos fecisse.* Verùm & unicum seculum immoderatè sumptum, fuisse fatale: constat. Frugalitatem & Abstemiam, ut matrem sanitatis semper suspexit non solum Medicorum, sed etiam Christianorum Schola. *Mater sanitatis est Abstemia, mater egriitudinis voluptas,* inquit S. Hieronymus in epist. Didicimus hunc aphorismum ab incarnata Sapientia CHRISTO: qui eum tradidit tum alijs occasionibus, tum quando piscantibus discipulis post resurrectionem suam prandium exhibuit. Promptuarium opulentissimum erant manus ejus divinæ, è quibus non minùs facile, quàm copiosè suppedicare poterat quavis altilium genera. Verùm ut olim in deserto quinq; hominum millibus non nisi panes apposuit & pisces: sic piscantibus fessiq; discipulis non aliud exhibuit obsonium, quàm panem & piscem; eumq; unicum discipulis septem; nec specioso pretiosq; juscule elixum, sed super prunas assum obtulit.

Magistri sui sententiam & praxim secuti Christiani, annis & meritis gravem vixerunt vitam; nec pauci, quàmvis tenui tantùm salino & olere solarentur famem, non minùs succulento florenteq; apparuerunt vultu, quàm olim Daniel cum socijs suis. S. Franciscus de Paula, quàmvis ob annonæ tenuitatem vilitatemq; aliaq; corporis macerationes, vix ossibus hæret: vultu.

vultu tamen tam pleno vividoq; conspiciebatur: ac si Magnatum mensâ liberaliter uteretur. Idem apparuit in Juvene religioso: quem, tanquam cognatum suum, cum invisisset Episcopus Beluacensis, deprehendissetq; longè saniores & formosiores in claustro, quam fuerat in sæculo: ejus rei causam quæsit. Prudens juvenis respondit: Quia uniformiter vivo, & decenter. De quorum primo habeo, ut sanus sim; de secundo, ut sim pulchrior. In sæculo vivebam tam deformiter, quam multiformiter: de quorum primo turpitudine nascitur etiam corporalis; de secundo ægrotudo. Perrexit Episcopus quærere: Quid ergo comedisti hodie? Heri, inquiebat, comedi pisâ & olera: hodie verò olera & pisâ: cras autem comedam pisâ cum oleribus; post olera cum pisfis. Vide ergo, ait Author Spec. Exempl. tit. Abstinencia. Exemp. 7. quàm pulchro circuitu eandem sententiam circumduxit: ut varijs modis ostenderet; eadem se semper diætâ uti, quæ præstat corpori & sanitatem, & pulchritudinem.

De Asella quoq; Virgine Sancta scribit S. Hieronymus epist. 15. quod, quàmvis severissimis jejunijs corpusculum lautè educatum domaret; ad quinquagenariam tamen pervenerit ætatem inoffensâ valetudine: ut nec stomachus doleret, nec viscerum cruciaretur injuriâ; non sicca humus, in qua jacebat, tenera membra conficeret, non sacco asperata cutis foetorem situmq; contraheret; sed sana corpore, animo sanior, solitudinem putaret delicias, & in urbe turbida eremum inveniret Monachorum.

Ne verò existimemus: effectus hujusmodi non victui frugali, sed prodigiosæ virtuti divinæ esse adscribendos; juvat gentilium observare monita & exempla. Hippocrates, Medicorum Princeps, ad annos 140 vitam commode cum produxisset; rogatus causam, respondit: Quia nunquam satur à mensa surrexi. In eundem finem, optato successu, alius Medicorum dux Galenus, decimo quoq; die jejunium sibi indicebat. Galenus quoq; Trajani & Antonini Imperatorum Archiater interrogatus: quomodo ad tantam senectutem pervenisset (sunt enim, qui scribant, eum ad 140 annos pertigisse) Hippocraticum illud pro responso dedit. Nunquam satur à mensa discessi: nunquam sic me effudi in cibum & potum; quin aliquod semper superfuisset edendi bibendiq; desiderium.

Sed certius habemus Divinum Oraculum: *Qui abstineas est, adjiciet viam.* Eccl. 37. *Excipite igitur malè valentes sanitatis viam: qui bonâ estis valetudine, excipite bonæ valetudinis custodem:* monet S. Hieronymus in ep.

DOMINICA III. POST PASCHA.

207
171

MEDITATIO: *Petra Universalis Pastoris manus conferunt non obstante
irina negatione. Joan. 21.*

1. **A** Dora DEUM O. M. & considera admirandam ejus clementiam & benignitatem, qua non solum peccatis dimissis, serio pœniterentes recipit in gratiam & sortem filiorum, & opera eorum bona per virus peccati mortificata, reviviscere facit ad remunerationem: sed etiam amplissimis & splendidissimis commissis officijs honorat. Quam graviter peccavit in Dominum & DEUM suum Petrus triplici negatione, imò detestatione, perjurio & anathematismo? At seria pœnitentia & pristina illum restituit gratia, & summo cumulavit honore: ut non videretur indignus, cui summa committeretur potestas in terris cum clavibus cœli. O inauditam facilitatem! ô inestimabilem Bonitatem offensi DEI! Tam facile placaris, ô Domine; tam profusus in serio pœniterentes: ut lucrum non raro videatur, peccasse; cum crebro meliore loco sint apud te pœniterentes, quam innocentes. Pœnitentiam ergo pœnitentiam peccatores!

2. **A** Dora D. JESUM & considera: qua charitate & solemnitate creaverit Petrum Supremum Pastorem, suumq; in terris Vicarium. Recreavit illum inprimis imperatâ capturâ numerosorum & grandium piscium; quæ præsignabat copiam & dignitatem fidelium ejus & successorum prædicatione convertendorum. Deinde miraculosè apparato, & humanissimè oblato prandio illum cum socijs refecit. Demum cum prandissent, commisit ei pascendos primum agnos, seu populum fidelem; deinde ipsas quoq; oves Christi, seu Prælatos: *Pasce Agnos meos: pasce Oves meas.* Quid jam desperemus apud JESUM peccatores, qui sic honorat pœnitentem charitatem? Doleo, Domine super omnia de offensis in te commissis: quia te æstimo & amo super omnia. O mihi sit unica mortalis vitæ occupatio: dolere & amare!

3. **V**enerare DEIPARAM V. & considera: ipsi quoq; tanquam Matri viventium omnium, tanquam magnæ Matrifamilias in domo Christi, commissam esse curam gregis Dominici, ac præcipue hædorum, seu peccatorum, male olentium instar hircorum ob putridam conscientiam. Ad ipsam enim etiam pertinere videtur illud Cantic. 1. v. 7. *Si ignoras te, ô pulcherrima inter mulieres: egredere & abi post vestigia gregum tuorum, & pasce hædos tuos, juxta tabernacula pastorum;* juncta scilicet curâ cum Apostolis, & successoribus eorum. O quot hædorum millia incidissent in fauces luporum infernalium, nisi MARIA intervenisset! Continua, ô Gratiissima, præsertim circa me, hanc curam tuam.

DOMINICA III. post Pascha.
Proposium v. g. de studio seræ pœnitentiæ.
 LECTIO PRACTICA.

Seriò pœnitentes singularibus gratijs ornat & honorat DEUS.

Ilustre hujus rei exemplum dedit Dominus in S. Petro Apostolorum Principe: ut sup: in Meditatione. Dedit plura alia & alijs: ut tantò magis alliceret peccatores ad exercendam pœnitentiam, & divitias bonitatis suæ infinitæ orbi explicaret luculentius. Unde S. Gregorius cap. 2. Pastor: non dubitavit affirmare: *Fis plerumq; gravior DEO amore ardens vitæ post culpam, quàm in securitate torpens innocentia.*

Mulierem, famulam in civitate peccatricem, recolamus Mariam Magdalæ: quæ æstu amantis pœnitentiæ non solum delictorum obtinuit remissionem: sed ita cor Domini rapuit; ut & Patronum se ei exhibuerit contra Pharisæi discipulorumq; murmura; atq; sororis querelas; & encomium ejus spargi voluerit unà cum Evangelio suo per orbem universum; & optimam partem Christianæ perfectionis ipsi adjudicavit; & ipsi ante omnes alios, post Matrem se se exhibuerit redivivum; deniq; in Massiliensi eremo frequentissimè spectandum se ei obtulerit, septies autem singulis diebus Angelorum musicâ, & liquidissimis cœli voluptatibus recreavit per omnem vitam: Felix peccatrix: quæ nisi peccasset, minus gloriosa apparuisset! Thaidi quoq; peccatrici Alexandrinæ, quàm splendidum & pretiosum in cœlo thalamum excitavit stravitq; seriâ, & amore plena Pœnitentia? Alia, cum post turpem lapsum ad agendam pœnitentiam secessisset ad Nosocomium, ac per annos triginta mirabili submissione & charitate servivisset pauperibus; revelavit cuidam de ipsa DEUS: se magis nunc delectari hac ejus pœnitentia, quàm virginitate ante lapsum. *Petrus Sanch. p. 4. cap. 7.*

Filius prodigus Luc: 15. quàm brevi oratione movit cor Patris? Vix cor contritum aperuit: *Pater peccavi in cælum & coram te: & non sum dignus vocari filius tuus; fac me sicut unum de mercenarijs tuis;* & ecce accurrit ætate gravis & gravissimè læsus pater, irruit super eolum, oblitus dilapidati patrimonij, & scdissimæ labis aspersæ domui suæ; nec solum dat veniam, sed jubet citò proferri illam primam, à capite ad calcem vestit nudum, annulû pretiosum interit digito, & totus inter lacrymas & oscula liquefit: deniq; gaudia sua partiens cum amicis, lautum, & musicorum choris lætum apparat convivium, usq; ad invidiam & indignationem filij majoris. Quid amplius sperare potuit innocentia: quod experta non sit humilis pœnitentia?

Renovavit Patri æterno hoc cordis gaudium, & simile in se ornandum
 hone-

FERIA II.

209
173

honorandumq; provocavit studium Philippus Comes Namurcensis. Post vitam enim inter innumera flagitia transactam, tam amarā plenāq; dolore concepit in morte contritionem; ut circumstantes ad uberes cogerēt lacrymas. Confessarios suos rogavit: ut corpus ejici aulā curarent, & raptari per plateam, dicendo: sicut canis vixi: æquum est, ut moriar sicut canis. Quæ pœnitentia adeo placuit DEO: ut eum post mortem multis miraculis fecerit illustrem; & de longinquis regionibus venientes peregrini ad sepulchrum ejus, terram secum pro benedictione auferrent, & variorum, qui ea curabantur, morborum remedio. *Cæsarius lib. 2.*

Nimirum non Vinum tantum Angelorum sunt lacrymæ pœnitentis; sed confectio sunt unguenti nardi pistici pretiosi, quod ex fracto cordis jam mundi alabastro effusum, non solum in pedum, sed etiam capitis sui unctionem, libens gaudensq; admittit Dominus. Pulvis contriti cordis vivis Charitatis sinceræ carbonibus inspersus, ut pretiosissimum thymiana, vix ascendit in odorem suavitatis Domino: & mox descendit super nos copiosissima ejus miseratio. *Humilis peccatorum contritio acceptabile tibi, Domine, est sacrificium, longè suavius fragrans in conspectu tuo, quàm thuris incensum:* inquit Kempenfis lib. 3. de Imit. cap. 52. O Pœnitentia misericordix Mater & Magistra virginitatis, exclamat Chrysostomus serm. de Pœn: magna opera tua: quibus nos resolvīs, ac rescis delinquentes, lapsos relevas, recreas desperatos. Per te subito rapuit latronem Christus ad regnum: per te David post flagitium, felix iterum recepit Spiritum S. Tu nos insinua cordi Christi, & cordi nostro insere Christum, ut non magis placeat vivere, quàm de ipso offenso dolere.

FERIA II.

MEDITATIO: *De dispositionibus à CHRISTO requisitis ad munus Pastorale.* Joan. 21.

I. **A** DORA DEUM O. M. & considera: ipsum communiter non dispensare insigniora munera absq; personarum delectu, & congruis quibusdam dispositionibus moralibus ex parte illarum. Sic Moysen egregie excultum in aula Pharaonis per annos circiter 40, per alios 40 annos voluit agere vitam pastoritiam in terra Madian, & humilitate, patientiā atq; divinorum contemplatione disponere se ad munus Ducis supremi populi sui. Davidem quoq; Joannem Bapt: aliosq; similiter erudit & exercuit. Delectu autem congruæ dispositionis repudiavit fratres Davidis: & incredulitatem civium Nazarenorum subtraxit illis, licet patriotis suis, operationem miraculorum, quæ patrabat alibi. Tu nosti, ô Domine, imperfectum meum:

quoddam nec disponere me possim ad ullum supernaturale donum sine gratia tua. Da, quod requiris: & fac virum secundum cor tuum.

2. **A**dora D. JESUM & considera: eum, dum Petro committeret munus summi Pastoris, satis aperte indicasse; quas requirat dispositiones officium curæ Pastoralis: 1. Eximiam erga DEUM & proximum charitatem; ut patet ex trina questione *Simon Joannis diligit me?* Et quidem *plus huius?* 2. Obedientiam; Compellavit enim eum nomine *Simoni*, quod significat obedientem. Non enim aptus est gubernationi, qui parere non didicit, præsertim DEO. 3. Statum gratiæ. Unde non dixit Dominus solum: *Simon diligit me:* sed *Simon Joannem*; quod nomen gratiam sonat & gratiosum. 4. Zelum singularem pro Domino & ejus honore. Non enim summum illud munus commisit discipulo, qui prior ipsum agnovit in litore, quamvis alias charissimus; sed ferventiori & zelosiori, qui in mare ex navi se demisit, ut quantocius accurrens veneretur Dominum. At mihi omnia hæc defunt, Benignissime JESU: & tamen placuit tibi, & me vocare in partem curæ circa gregem tuum. Non pastorem, sed mercenarium ignavum & infidum agam, nisi tu gratiâ tuâ lub. eneris.

3. **V**enerare DEIPARAM V. & considera: quoddam quamvis usque; ad legationem Archangeli ignoraverit, se ab æt. no electam esse in Matre DEI; nec ullo desiderio aspiraverit ad obtinendum fastigium illud honoris: ita se tamen gessit, tam accurate & strenue cooperata est omnibus gratiis divinis; ut præ omnibus eligi mereretur; Sponsusque; divinæ eam suspiceret, prædicaretque; ut objectum unice dignum oculis suis & corde. *Una est columba mea, Perfecta mea: Pulchra in luna, Electa ut sol.* Cant. 6. Gaudeo, ô Dignissima, de hac inestimabili felicitate tua: quoddam non solum sis, sed fieri merueris, Mater DEI. Nos fatui filij Adæ præmia volumus sine merito; mercedem sine labore, coronam sine pugna.

Propositum v. g. de fugiendo peccato N. ut te indigniorem reddas specialibus donis divinis.

LECTIO PRACTICA.

De Vocatione ad statum Spiritualem, præsertim Pastoralem.

Ingens est copia eorum, qui anhelant ad statum Spiritualem: sed pauciores perveniunt ad illum. *Quis jam ea intentione gradus Ecclesiasticos, & ministeria sanctuarij querit; ut sine cura sæculi, in sanctimonia cordis & corporis, illuminandus accedat ad Dominum, & suam pariter ac proximorum salutem operetur?* querit S. Bernardus super Ecce nos reliquimus omnia. Multos edocuant commoda propria: ut scilicet honeste & commodè vivere possint:

quod

quod in statu singulari ob tenuitatem suæ conditionis, & talentorum naturalium, habere non possent. Qui illustriore loco nati sunt; non pauci eo illicio ducuntur ad statum spirituale: ut vel declinent status conjugalis, incommoda, vel à Prælaturis Ecclesiasticis illustrentur magis & facilius; vel, ne paternæ domus fortunæ, non amplissimæ, divisæ inter plures, attenuent patrimoniū; adeoq; ægre suppetant, aut non suppetant, media vivendi pro honore familiaris & suo. Quibudam tam pingvis & dulcis videtur Panis Christi: ut etiā religiosæ disciplinæ se submittere non recusent; modo ipso frui possint. Omnes tamen prætendunt studium Gloriæ divinæ, atq; salutis suæ: & quod ultimum & secundarium est in intentione, primum jactant & primum in sermone. Statum spiritualem appetunt, sive apti, sive inepti: quia, ut jam olim notavit Apostolus, Quæ sua sunt, querunt; non quæ JESU Christi.

Quanta hinc tum privata, tum publica oriantur; & longè lateq; se diffundant, damna: quis satis explicet? Manifestum est, quàm funestas clades Ecclesia accipiat ab ijs, qui non vocati in ejus sacrarium irrumpunt, & quodammodo Spiritus Sancti gratiæ vim inferunt! Inde, ut plurimum, prodeunt hæreses, emergunt scandala, subsequuntur strages animarum, detrimenta divini cultus, & alia mala innumera (ut notat Ludovicus Abelly Episcopus Ruthenensis in suo Sacerdote Christiano cap. 2.) cum æterna perditione eorum, quos amor proprius intrusit in coronam Spiritualium.

Aspirantem igitur ad statum spiritualem perdiligenter & ante omnia alia, attendere oportet ad id, quod Apostolus ad Hebræos 5. ait de ijs, qui rite accenseri volunt legitimis Ecclesiæ Ministris: *Nullus sumit sibi honorem, in Ecclesia Christi; sed qui vocatur à DEO tanquam Aaron.* Sic Christus ipse non alios habuit Apostolos & discipulos, nisi quos ipse sibi elegit, & vocavit. *Vicavit autem ad se quos voluit,* inquit S. Marcus c. 3. non qui se ipsos ingerebant: ut scriba ille Matt. 8. 19. Unde Joan. 15. diserte illis dixit: *Non vos me elegistis, sed ego elegi vos; & posui vos, ut fructum afferatis;* non amicis vel cognatis vestris, sed mihi, & Patri meo.

Defectus hujus divinæ vocationis origo est omnium, quæ malè assumptum statum spiritualem comitantur vel sequuntur, malorum. Cum enim hic status sit admodum sublimis, atq; ut dicit Concilium Trident. Sess. 23. *Divina res sit Sacerdotij ministerium:* multas magnasq; requirit gratias divinas, ut quis in eo vivat, quemadmodum oportet, & optatos Domino fructus ferat. Jam verò quomodo hujusmodi gratias sperare potest is, qui contra Concilij dispositionē irrepserit vel irrupit in statum spiritualem, & Sacerdotium; aut dignitatem Pastoralem invadit? Destitutus autem talibus gratijs, in quæ non

abit præcepta vitia?

Porro signa Divinæ vocationis esse solent: 1. Inclination illa & propensio ad cultum divinum, & obsequium in statu Religioso vel Clericali DEO descendendum, quam quis in se ipso à tenerioribus annis ad maturiorem usq; ætatem constanter est expertus. Communiter enim Divina Sapientia, disponens omnia suaviter, voluntates nostras mature solet inclinare, & velut per annorum gradus ducere ad statum destinatum. 2. Videndum: an ijs qualitatibus seu dotibus, quales talis status omnino requirit, sis instructus, saltem inchoative: ita nimirum ut accedente ulteriore studio & diligentia, sis sufficienter perficiendus. Nam nec DEUS ex quovis ligno facit Mercurios. Tales autem dotes sunt Ingenium capax, & profectus in literis saltem medicis; Animus honesti amans, & pravis, præsertim carnalibus, habitibus non corruptus; Cervix flexibilis & non refractaria; propensio ad pietatem &c. 3. Si à tempore non modico sentias te zelo animarum & propagandæ Divinæ gloriæ accensum. 4. Si Prælatus ultro te invitet; & is, cui curam animæ tuæ commisit, non contraveniat.

Quod si aliquis deprehenderet: se non per osium intrasse ad familiam Clericalem, vel Religiosam, aut Beneficium Pastorale: inprimis de temeritate & præsumptione sua seriam agat pœnitentiam; deinde factâ diligenti reflexione, supplere studeat ea, quæ sibi deesse advertit, sive quoad scientiam siue virtutem; pravam intentionem, si fortè intervenit, purget atq; corrigat; animæq; oculum sincere in DEI gloriam dirigat: deniq; ut monet S. Bernardus ep. 17. ad Ard. *Via sanctius, siquidem non præcessit, saltem sequatur.*

FERIA III.

MEDITATIO: De munere pascendi Petro commissio à Christo. Joan. 21.

I. **A** Dora DEUM O. M. & considera: ipsum in Ecclesia Christi voluisse regimen Monarchicum; ut penes unum esset summa potestas, atq; ab uno capite gubernaretur totum corpus Ecclesiæ. Eminentiam hanc & potestatem summam commisit Christus uni Petro, quando Joan. 21. ipsi uni commisit universalem curam Agnorum & Ovium suarum, non secernendo partem gregis, quam curaret Petrus, aliam quam Andreas &c. sed generaliter dixit: *Pasce Agnos meos: pasce Oves meas.* Quam potestatem extensam esse etiam ad successores Petri, argumento est; tum quod non minus posterioribus sæculis egeret Ecclesia Monarchico gubernandi modo; tum quod is constans sit in Ecclesia sensus & usus. Non est autem credibile; quod DEUS permittat tanto tempore errare Ecclesiam in re gravissima.

Adoro

Adoro Opt. Max: DEUS, sapientissimam Providentiam tuam in instituen-
da & gubernanda Ecclesia Filij tui. O quando tandem errantes omnes con-
gregabis in unum hoc ovile, & ad Pastorem unum! Allaborabo pro mo-
dulo meo.

2. **A**dora D. JESUM, & considera: ipsum voluisse regimen Ecclesie
sue exerceri, non tam dominando, quam pascendo. Unde non
dixit Petro: Rege populum meum; Dominare in nationibus; constituo te
Principem fratrum tuorum: sed usus est similitudine a pastoribus gregum
ducta: *Pasce*. Rege pascendo, & pasce regendo: ut gubernatio sit mitis,
solicita & provida. Fideles quoq; noverint conditionem suam: quod in
Ecclesia Christi vivere debeant non ut leones, lupi, aut cervicosi capri; ve-
rum ut Agni & Oves. Ceterum Petro cum subordinatis socijs suis incum-
bit triplex pascendi modus: ut pascant oratione, exhortatione, & exemplo
probo. Veneror & amo suavitatem divini cordis tui, Gratosissime JESU,
qua gubernationem nostri & nostram disposuisti. Da gratiam, ut eo, quem
requiris spiritu praeesse possim, si jubeor; & subesse velim.

3. **V**enerare DEIPARAM V. & considera: quam promptè, & libenter,
atq; humiliter se submiserit Petro, ad summam in Ecclesia guber-
nandi potestatem evecto: quamvis ipsa ignara non esset tum dignitatis suae, tum
infirmittatù Petri. Plus valuit apud illam exemplū Filij, qui, DEUS, non est
dedignatus subditus esse hominibus: quam respectus excellentiae propriae; quae
& oculos & cor nostrum sibi nimis devinctum tenere solet. Veneror hu-
millimam submisionem tuam, ô Domina: & majorem te suspicio latentem
inter oves Christi, quam regnantem inter choros Angelorum. Inspira mi-
hi eundem spiritum submisionis, ô Augustissima,

Propositi v. g. de submissione erga Superiores, & suavitatis erga subiectos.

LECTIO PRACTICA.

Declaratur: quomodo grex Dominicus sit pascendus.

Insinuaturn est in Meditatione: eum cui à Domino Pastoralis est cura
commissa sive secularis sive Regularis, pascere debere gregem suum
Oratione, exhortatione & Exemplo probo. 1. Ut rite pascat Oratione:
debet ordinata charitate à se ipso incipere, & crebras ardentelq; ad DE-
UM fundere preces ad impetrandas sibi necessarias gratias tum pro vita
propria rite instituenda, tum pro munere pastoralis cum maximo animarum
bono, & divinae gloriae incremento, administrando. Ille novit rectè vivere:
qui novit rectè orare: inquit S. August: hom. 4. ex 50. Chrysostomus vero
lib. 1. de orando DEUM: *Arbitror, ait, cunctis esse manifestum, quod sumptis*

et

enier impossibile sit, absq; precationis presidio cum virgine degere.

Deinde Sacerdotis proprium esse munus Orare & Sacrificare pro populo indicat Apostolus Hebr. 5. *Omniū Pontifex* (eadem est ratio de Sacerdotibus, ut patet ex eorum Ordinatione) *ex hominibus assumptus, pro hominibus constituitur in ijs, quæ sunt ad DEUM, ut offerat dona & sacrificia pro peccatis.* Quod adumbratum videtur in illis 24 Senioribus Apoc: 5. Presbyterorum in Ecclesia typum gerentibus; quorum singuli semper præ manibus habebant phialas aureas, plenas odoramentorum, quæ sunt Orationes Sanctorum. Et in illo Angelo Domini exercituum Malach. 1. qui visus est juxta aram templi stare, & aureum habere thuribulum in manu sua, multo incenso & aromatibus refertum. Certè Ezechiel, 22, graviter arguuntur Sacerdotes, quod se non interposuerint ad avertendam vindictam divinam à populo. *Quæsiui de eis virum, qui interponeret sepem, & staret oppositus contra me pro terra; & non inveni, Et effudi super eos indignationem meam; in igne iræ meæ consumpsi eos.*

2. Ut Exhortatione rite pascatur grex Domini: observanda sunt, quæ requirit Concilium Trid: Sess: 5. c. 2. de Reform: ubi sic decernit; Statuit & decrevit eadem S. Synodus: omnes Episcopos, Archiepiscopos, Primates, & omnes alios Ecclesiarum Prælatos, teneri per se ipsos, si legitime impediti non fuerint, ad Prædicandum Sanctum JESU Christi Evangelium. Si verò contigerit Episcopos & alios prædictos legitimo detineri impedimento, juxta formam Generalis Concilij (*Lateranen:*) viros idoneos assumere teneantur ad hujusmodi prædicationis officium salubriter exequendum. Si quis autem hoc adimplere contempserit, districtæ subiaceat ultioni. Archipresbyteri quoq; Plebani, & quicunq; Parochiales, vel alias curam animarum habentes Ecclesias quocunq; modo obtinent; per se, vel alios idoneos, si legitime impediti fuerint, diebus saltem Dominicis, & Festis solemnibus, plebes sibi commissas pro sua, & earum capacitate pascant salutariis verbis; docendo, quæ scire omnibus necessarium est ad salutem, enunciandoq; eis cum brevitate & facilitate vitia, quæ eos declinare, & virtutes quas sectari oporteat; ut pœnam æternam evadere, & cœlestem gloriam consequi valeant. - Ne illud impleatur Thren: 4. *Parvuli perierunt panem; & non erat, qui frangeret eū.* Ita Concilium. Notandum 1. illud: Pro earū capacitate pascant, 2. Quæ scire omnibus necessarium est ad salutem. 3. Annunciando eis cum brevitate & facilitate vitia & virtutes. Non ergo se effundere debent, in sublimes, acutos aut facetos conceptus, suam potius vanitatem & plausus aucupando, quam æternæ audi-

FERIA IV.

audientium salutem prospiciendo.

3. Prædicationi & Exhortationi pondus addere debet vitæ exemplaris prædicantium: ne sanam doctrinam corrupti mores enervent; & ex luce virtutum, quæ prædicantur, magis elucescant vitia prædicatoris. Graviter monet S. Hieronymus epist. 2. ad Nepotianum: *Non confundant opera ista sermonem tuum: ne cum in Ecclesia loqueris, tacitum quilibet respondeat: cur ergo hæc, ipse non facis? Delicatus magister est, qui pleno ventre de jejunijs dissipat: accusare avaritiam & lauro potest. Sacerdotis Christiani os, mens, manusque concordent.*

Quod pascendi gregem Domini munus, oratione, exhortatione & exemplo, incumbit Curatis, ut vocant, Ecclesias administrantibus; non minus premit Prælatos Religiosos. Imò Regulares omnes urget Charitas: ut secundum regulam suam & datam opportunitatem prospiciant proximorum salutem, saltem oratione & exemplari conversatione, si forte non possunt prædicatione. Cruda nimium sunt viscera, quæ non moventur ad subveniendum agno, qui cernitur à lupo duci ad laniendam, aut pabuli defectu agere animam.

FERIA IV.

MEDITATIO: De strictissima ratione, quam exigit Christus à Pastoribus gregis sui. Ex Joan. 21.

1. **A** DORA DEUM O. M. & considera: eum sapientissimam providentiam humanam remp: ita disposuisse; ut noluerit eam regere per se solum, aut per Angelos: sed homines regi voluit ab hominibus, impositam quibusdam curam gubernandi & providendi, alijs necessitate parendi. Ordinavit rationalem mundum sicut corporeum; in quo alia inferiore, alia superiore loco posita sunt; & inferiora per superiora moventur, atque foveantur. Cum igitur præesse omnes non possint, & subesse quosdam oporteat: necesse est; ut qui præsunt, assiduam inferiorum curam gerant; & qui subsunt, non eludentur violenter ex ordine suo. Omnibus autem convenit; malle subesse potius, quam præesse. Quamdiu enim mortali corpore gravamur: centrum nostrum in infimo est: nec alibi quies aut securitas datur. Illuc **CHRISTUS**, virorum novissimus in hac vita, nos ducit. Veneror, Magne **DEUS**, sapientissimam dispositionem tuam. Da gratiam, ut illi me totum accomodem. Evolent alij, quod volunt; me inferiora decent.

2. **A** DORA D. JESUM, & considera: quam strictam exacturus sit rationem à pastoribus gregis sui, sive summis, sive subordinatis. Indi-

cavit id ipse 1. quando ex Petro, antequam ei committeret curam pastora-
lem, ter distincte quæsit: An eum amaret, & quidem plus cæteris? Joan. 21.
Male enim eos pascere Dominicum gregem compertum est: qui ejus curam su-
scipiunt non amore Christi, sed sui; ut ovium sibi creditarum vellere super-
biant, lacte pingvescant. 2. Quando expresse dixit: *Pasce Agnos meos, oves*
meas: scilicet tanto labore quæsit, tam caro emptas. Recole; quam seve-
rum tulerit decretum David rex. 2. Reg. 12. contra divitem, qui pauperem
spoliavit oviculâ unica, sibi charissimâ: Vivit Dominus, quoniam filius mor-
tis est vir, qui fecit hoc. Putas; singulas animas tibi creditas, aut credendas,
minus amatas, aut viliores esse Christo? Vide, quid egeris hac in parte, &
acturus es: ne anima tua sit pro amissa una ex illis.

3. **V**ENERARE DEIPARAM V. & considera eam, ut matrem Agni, qui
tollit peccata mundi; tam charam Patri æterno, ut illa, quam
proximo puncto descripsit Nathan Propheta. Nimirum Crevit cum filiis
ejus, id est, Angelis sanctis; de pane illius comedens, & de calice ejus bi-
bens: Comedit enim quotidie de pane vitæ & intellectus, & aquâ Sapien-
tiæ divinæ potata, in sinu DEI Patris per contemplationem suavissime qui-
escebat. Ipsa unica, percussio Pastore, dispersas oves alias secuta non est,
sed fidelissima adhæsit illi. Ipsa est Ovis, in cujus vellus ille ros celestis,
à sæculis desideratus descendit. O Mater Agni DEI innocentissima, inter
oves olim locum præsta, & ab hædis me sequestra.

Proposium de fugienda ambitione; & de habenda diligenti cura salutis proximi.

LECTIO PRACTICA.

Declaratur amplius rigor rationis reddendæ à Personis Ecclesiasticis.

PRÆSTAT, SS. Patrum de hac re gravissimas expendere sententias. S.
Gregorius officio, scientia & sanctitate omnino Magnus, hom. de cu-
ra pastor: sic ait: Nullum puto. Fratres Charissimi, ab alijs majus præjudi-
cium, quam à Sacerdotibus tolerat DEUS: quando eos, quos ad aliorum
correctionem poluit, dare de se exempla pravitatis cernit: quando ipsi pec-
camus, qui compescere peccata debuimus. Plerumq; quod est gravius, Sa-
cerdotes, qui propria dare debuerant, etiam aliena diripiunt. Plerumq; si
quos humiliter, si quos continenter vivere conspiciunt, irrident. Confide-
rate rogo: quid de gregibus agatur, quando Pastores lupi fiunt. Hi enim cu-
stodiam gregis suscipiunt, qui insidiari gregi Dominico non metuunt. Nul-
la animarum lucra quærimus: ad nostra quotidie studia vocamus: terrena
concupiscimus, humanam gloriam intentâ mente captamus. Et quia eo ipso,
quo cæteris prælati sumus, ad agenda quælibet, majorē licentiam habemus;
suice-

accepta benedictionis ministerium vertimus ad ambitionis argumentum: DEI causas relinquinus, ad terrena negotia vacamus: Locum sanctitatis accipimus, & terrenis actibus implicamur. Ita Gregorius. Qui autem sic depravant sanctitatem Ordinis sui, putas, non portaturos ingens pondus iudicii Divini?

S. Chrysostomus hom. 3. in Acta Apost: tantum suspicit Iudicii divini rigorem, ut non vereatur asserere; Sacerdotum paucos salvari. Non temere, inquit, dico: sed ut affectus sum, & sentio. Non arbitror inter Sacerdotes multos esse, qui salvi fiant: sed multo plures, qui pereant. Inter alia dat rationem hanc: Quia etiam quod alij peccant, illi imputatur; & si vel unus tantum decedat non iniurius (baptismo, propter sacerdotis incuriam) nonne totam ipsius subvertet salutem? Unus enim animæ perditio tantam habet iacturam, ut nulla ratio satis æstimare possit. Etenim si unius animæ salus tanti est: ut ob hanc Filius DEI fieret homo, tamq; patereitur; perditio, cogita, quantam conciliabis penam? Ita Chrysost:

S. Bernardus timet primò, Epist. 2. ne Sacerdotibus in divitijs & delicijs viventibus, dicatur in morte idem, quod Epuloni Evangelico: *Memento fili: quia recepisti bona in vita tua.* Recepisti, dixit; Non rapuisti: ne etiam de hoc tibi frustra blandiaris, quòd tuis contentus, aliena non rapias. Timet secundo serm. 23. in Cant: ne ipsis olim dicatur illud Isaïæ 26. *In terra Sanctorum iniqua gessit* (scilicet in Beneficijs Ecclesiæ, quæ possident) *non videbis gloriam DEI.* Timeant, inquit, Clerici, timeant Ecclesiæ ministri, qui in terris Sanctorum, quas possident, tam iniqua gerunt: ut stipendijs, quæ sufficere debeant, minimè contenti, superflua, quibus egeni sustentandi forent, impiè sacrilegèq; sibi retineant; & in usus suæ superbix atq; luxuriæ victum pauperum consumere non vereantur.

Ex his & plurimis alijs, quæ in suis septem Tubis, prolixè congerit, SS. Patrum sententijs, A. R. D. Merlo Horstius, patet periculum Ecclesiasticorum majus, quàm apprehendi soleat: & confirmatur id, quod refert Cantipratanus de proprietate Apum lib. 1. c. 20. p. 8. Clericus quidam in Synodo prædicare compulsus, angustiabatur vehementer: quidnam digne posset coram tot Ecclesiæ Prælatijs prædicare. At ubi in oratione prostratus jacevit: venit ad eum diabolus dicens: Quid angustiaris coram istis prædicare? Dicas eis istud, & non aliud: Principes infernalium tenebrarum Principes Ecclesiæ salutant. Læti omnes nos gratias vobis referimus: quia unà cum ipsis Prælatijs etiam subditi ipsorum ad nos devolvuntur; & per eorum negligentiam fere totus mundus ruit ad nos. Invitus quidem tibi dico, quod

FERIA V.

dico: sed Altissimi iussione coactus. Respondit Clericus: At mihi non creditur. Tunc diabolus tangens maxillam ejus: Ecce, ait, signum, nigredo faciei. Hanc antequam prædices, non contingas, quia frustra: post prædicationem verò aqua benedicta delebis. Ivit ergo Clericus, prædicavitq; & voce & decoloratâ facie ad maximum omnium horrorem. Hæc anno 1248. fuerunt Parisijs coram omni populo & Clero solemniter recitata.

Videant ergo Ecclesiastici tam Regulares, quàm sæculares: quomodo munere suo fungantur. Si prædicta non satis habent authoritatis; audiant Apostolum timentem 1. Cor. 9. *Va mihi, si non evangelizavero!* Si autem evangelizavero; iterum timor: *Ne forte cum alijs prædicavero, ipse reprobus efficiar.*

FERIA V.

MEDITATIO: *Christus declarat Petro: quod morte Crucis sit glorificaturus DEUM.* Joan. 21.

1. **A** Dora DEUM O. M. & considera: quòd quàmvis in se, & propter excellentiam seu perfectiones suas infinitas intrinsecas, sit gloriosissimus; & omnes, etiam inanimæ, creaturæ ipsum prædicent, ac glorificent: specialiter tamen glorificetur morte S. Martyrum. Cùm enim Joan. 21. Petro prædixisset Christus passionem & mortem sub allegoria præcincti ab alio, & ducti quòd non vult; subdit Evangelista: *Hoc autem dixit, significans, quia morte clarificaturus esset DEUM:* scilicet morte crucis pro Christo tolerata. Clarificatur autem tali morte DEUS: Quia in ipsa voluntariè oppetita relucet 1. Dignitas & excellentia DEI, pro quo non dubitat homo subire mortem, etiam ignominiosissimam & crudelissimam. 2. Virtus & potentia DEI, qui infirmo homini tantas suppeditat vires & animos: ut non patienter sed libenter subeat tormentum mortis. 3. Liberalissima remuneratio DEI, quam sperat Martyr supra meritum suum copiosam. O nos beatos, si liceret cum sanguine refundere vitam ei, qui illam dedit! Da Domine: ut saltem probâ vita Te clarificem.

2. **A** Dora D. JESUM & considera: quomodo post commissum Petro munus supremi & universalis Pastoris, *Pasce oves meas;* statim subdiderit: *Amen amen dico tibi; cùm esses junior, cingebas te & ambulabas, ubi volebas; cùm autem senex, extendes manus tuas, scilicet in cruce, & alium te cingat, & ducat, quo tu non vis,* secundum appetitum sensitivum. Quo oraculo declaravit Dominus Petro: quòd honore remuneraturus esset etiam in hac vita ejus amorem & curas pastorales; scilicet gloriosâ morte crucis, ejus amore tolerandâ. Vilis equidem, imò nulla est hæc remuneratio in oculis mundi:

at præ-

at pretiosa nimis in conspectu DEI & cælitum. Per mortem enim huiusmodi manifestat homo constantiam fidei suæ erga Dominum, summam ipsius æstimationem & amorem, magnanimitatem quoque suam & fortitudinem: quæ gloriosissima sunt. DEUS etiam toto orbe venerabiles & gloriosos facit Martyres suos: quemadmodum de S. Petro testatur S. August. serm. 28. de Sanctis. *Nunc, inquit, ad memoriam Piscatoris flectuntur genua Imperatoris &c.* Si tam gloriosum est, pati & mori pro Christo: quid erit; regnare cum illo? Nimis honorasti amicos & servos tuos, Gloriosissime JESU. O si mille vitas liceret profundere pro te!

3. **V**enerare DEIpam V. & considera: ipsam, post Christum esse maximam Gloriam DEI. Pleni sunt quidem cæli & terra Majestatis gloriæ ejus: at in ipsa resplendet illa illustrius, copiosius, gratius, augustius, divinius. Omne momentum vitæ ejus omnes voluntarij motus, omnes corporis sensus, actus animæ, & tota ipsa fuit purissima, intensissima, perfectissima gloria DEI. At nostræ vitæ quota portio, nostrorum actuum quàm pauci sunt gloria DEI, & quàm imperfecta! Impetra veniam, ô Domina, & emendationis gratiam.

Proposium v. g. de iterando sapius per diem, saltem ante notabiliores actiones:

Ad majorem DEI gloriam.

LECTIO PRACTICA.

De felici Morte Ecclesiasticorum proborum.

Quam felix & pretiosa sit Mors proborum Ecclesiasticorum colligi potest tum ex Vocatione & professione ipsorum; siquidem vocati sunt in sortem Domini (unde Clericorum nomine appellantur) & Dominus se ipsis, à sæcularibus negotijs sequestratis, promissit se ipsum in Partem hereditatis: tum ex munere, quo funguntur tanquam Ministri Christi. Ipsos enim vel maximè concernit illud Christi Joan: 12. *Si quis mihi ministrat, me sequatur: & ubi sum Ego, illic & minister meus erit. Si quis mihi ministraverit; honorabis eum Pater meus.* Quid liquidius esse potest ad solatium in illis supremi agonis angustijs? Quid præsentius ad securitatem in extremis illis irruentium tentationum periculis?

De horum igitur morte merito dixeris illud S. Cypriani lib. de mort: *Non est exitus iste, sed transitus, & temporali itinere decesso ad æterna transgressus. Quis non ad meliora festinet? Quis non mutari, & reformari ad Christi speciem, & ad celestis gratie dignitatem venire citius exoptet? Et Chrysost. homil. ex 48. Omnibus laborantibus dulcis est finis. Viator libenter interrogat ubi est mansio? Mercenarius frequenter computat, quando annus compleitur &c. Sic & servi*

FERIA VI.

DEI libenter de consummatione seculi requirunt: Ministri Christi anhelant in amplexus Domini sui, qui passis brachijs ipsos expectat, gloria & honore coronandos à se & Patre suo. Si quis mihi ministraverit (ut decet, secundum gradum suum) honorificabit eum Pater meus.

Hoc promisso in suprema ægritudine erectus Magnus Antistes & Doctor S. Ambrosius, cum à circumstantibus rogaretur: ut à DEO longiorem adhuc vitam pro Ecclesiæ solatio & tutela, sibi impetraret; laudatam illam S. Augustino vocem emisit: *Non ita inter vos vixi; ut vixisse me pudeat: nec mori timeo: quia bonum Dominum habemus* Ribadeneyra in Vita.

S. Hieronymus Presbyterorum & humilium exemplar & fides clarissimum, morti vicinus, ad eos, qui abitum ejus deplorabant, se convertens ait: *Me non tanquam morientem lugeatis: sed mecum, tanquam porum salutis attingente, gaudetis.* Ribad. in Vita.

S. Laurentius Justinianus jam jam abiturus ad Christum, suavissimum cum ipso colloquium miscbat: *Suscipe, inquebat, me, bone JESU, Vna & salus animæ meæ. Neq; enim in justificationibus meis prosterno preces meas ante faciem tuam: sed in miserationibus tuis multis. Illa ego ovis amissa, ad te redeo: pero Domine, ut ad ovile reducas. Sed neq; felices spirituum tuorum sedes affectare ausim.* Porro tamen aliqua creaturæ suæ postulat micæ suavitissimæ mensæ suæ. Postea ad circumstantes conversus ait: *Vos interea Fratres, servate Domini præcepta. Omnis caro fenum, & omnis gloria ejus tanquam flos feni: Contemplantini me. Ecce aruit fenum, & flos decidit: horam hanc quis poterit evadere? Sed mihi credite, Filij; Nihil præstantius, quàm servire Domino.* Ribad. 8. Jan: Addit Surius: cum lacrymantes facessere jussisse: *Abite hinc cum vestris lacrymis; tempus lætiæ est, non lacrymarum. Pudeat vos mortem timere, cum Dominus noster JESUS Christus, in cujus conspectu decumbo, propter nos in cruce voluerit mori.*

S. Martini Episcopi Thuronensis omnium sæculorum encomio celebrantur ultimæ voces: 1. ad DEUM: *Domine, si adhuc populo tuo sum necessarius, non recuso laborem.* 2. ad Clerum circumstantem: *Sinite, sinite me, Fratres, cælum potius respicere, quàm terram; ut suo jam itinere iurus ad Dominum spiritus dirigatur.* 3. ad Satanam: *Quid hic adstas cruenta bestia? Nihil in me fuisse reperies. Abrahæ me sinus recipiet.*

S. Julianus Conchenfis Episcopus animam agens vidit DEI param V. ad se invitentem magno splendore & Sanctarum Virginum corona stipatam: quæ mirabili suavitate canebant Antiphonam Ecclesiasticam: *Ecce Sacerdos magnum qui in diebus suis placuit DEO.* Deinde obtulit ei DEI para palmam dicens:

FERIA VI.

dicens: *Accipe Serve DEI palmam, symbolum Virginea integritatis ac puritatis, quam servasti semper illasam.* Ribad: 18. Jan.

Quis non optet: *Moriatur anima mea morte iustorum; & fiat novissima mea horum similia?* Fient; si vita fuerit similis vitæ illorum, & simili studio partes omnes ministerij nostri impleverimus. Igitur monente Apostolo Galat. 6. *dum tempus habemus, operemur bonum ad omnes, maxime autem ad domesticos fidei.* Aderit suo tempore Dominus, invitans Operarios suos ad requiem opulentam: *Serve bone & fidelis, intra in gaudium Domini tui.*

FERIA IV.

MEDITATIO: *Petrus jubetur sequi Christum.* Joan. 21.

1. **A** Dora DEUM O. M. & considera: dispositionem ipsius omnem de nobis, & quibusvis alijs hominibus æquissimam & sapientissimam esse; & iustissimis ex causis plerumq; nobis occultari. Non igitur solite aut curiose inquirendum: quid de nobis aut proximo nostro futurum sit: sed paranda voluntas, ad æquanimiter & libenter excipiendum; quidquid divina Providentia de nobis aut alijs fieri voluerit. Reprehendit in Primæ Apostolorum eam curiositatem redivivus Christus Joan. 21. Cùm enim ipsi prædixisset; quæ morte clarificaturus esset DEUM, iussissetq; se præcedentem sequi: videns Petrus, quod & Joannes, quamvis non iussus, sequeretur Christum; pro singulari sua in Joannem propensione, quæsit: *Hic autem quid? Existimans Joannem velle, sed non audere interrogare.* Solicitam curiositatem mox retudit Christus: *Quid ad te? tu me sequere.* Magne DEUS, cujus providentia in sua dispositione non fallitur, nec iniquitatis umbram habet: dispone de me & meis, ac quibusvis alijs, quidquid libuerit: da solum gratiam, ut voluntatem tuam plenè agnoscamus, & fideliter exequamur.

2. **A** Dora D. JESUM & considera: qualem vivendi & regendi formam præbuerit Petro ad supremum Pastoralis curæ officium vocato. Jussit eum, se præeuntem sequi. *Et cum hoc dixisset:* scilicet ut palceret Petrus oves ejus; & quod in senio extensurus esset manus suas (in cruce) & ducendus ad mortem pro Christo; *dicat ei: sequere me.* Joan. 21. Duabus oculis absolutissimam vivendi, & regendi oves sibi commissas, expressit formam. Sequendus nimirum per accuratam imitationem Christus, Princeps & Ideæ bonorum Pastorum. Non quæsit ille commoda & lucra sua; perditam ovem per invia & devia, plana & aspera quæsit, inventam sustulit in humeros, sanguine suo lavit, atq; ut vitam haberet æternam, mor-

tem

tem subiit crudelissimam Pastor ipse. Vide: quid sit pastorem esse ovium Christi; & sequere ipsum; ne mercenarijs aut latronibus accensearis. Si alias non habes curandas oves; habes minimū unicam, Animam tuam; cum qua perdita perijsti! Parce Benignissime Pastor incuria meæ. Magis sollicitum vigilemq; me præbebo deinceps.

3 **V**enerare DEIPARAM V. & considera: quantam gerat curam animarum nostrarum. Si alia deessent summæ sollicitudinis ejus argumenta; sufficeret: quod Mater sit singularum. Recole: quo zelo ferantur in prolem suam etiam bruta animalia: quomodo intrepide se offerunt etiam telis & venabulis venatorum; ut prolem tueantur, vel repetant ereptam. MARIA cor suum; imò quem corde chariorem habuit Filium Unigenitum obtulit pro animabus nostris. Numquid & ipsa cum Apostolo 2. Cor. 12. protestatur: *Ego autem liberrimè impendam, & superimpendar ipse pro animabus vestris; licet plus vos diligens, minus diligar.* O Mater zelosissima, quid rependam affectui tuo materno? Serva, obsecro, in finem, licet indignum.

Proposium v. g. de vivanda curiosa inquisitione suorum eventuum;

& habenda cura majore animæ propriæ, & alienarum.

LECTIO PRACTICA.

Cur? & Quomodo Ministri Ecclesiæ sequi debent Christum.

VT Omnibus Fidelibus incumbere obligationem, sequendi Christum per Imitationem vitæ ac virtutum ipsius, certum est: ita ad Ecclesiasticas Personas eam spectare obligationem specialibus & gravioribus titulis, dubitari non potest. Nam 1. ipsi sunt successores Discipulorum Christi; specialiter à Christo delecti ex omni populo in Ministros ipsius, & Ecclesiæ ejus. Ipsos representabat S. Petrus, quando ei commissæ est cura Ecclesiæ: ab ipsis in Petro exigebat Christus plus erga se amoris, quàm à cæteris fidelibus; proinde etiam ipsos specialiter spectavit, quando Petro specialiter mandavit: *Sequere me.* Sequere; non tam pedum passibus, quàm virtutum progressibus. Sequere; non declinans ad dextram, vel sinistram. Unde B. Petro Damiani valde absõnum videtur: si statum Clericalem professus, vitam agat sæcularem. *Satis videtur absurdum,* inquit lib. de Comm. Vita Canon. Op. 6. *ut Clerici qui prætendat in Ordine speciem; & sæcularium tenet, et vivendo conversationem. Et quem à Laicorum turba professionis conditio separat; turpe est, si vel domestica conversatio, vel peculij abominanda proprietates Laicum esse convincat.*

2. In plerisq; ministerij sui functionibus Christi agunt vices: ut in Sacramentis conficiendis & ministrandis, in prædicatione Evangelij, in offerendo Sa-

do Sa-

do Sacrificio Divino. Quas actiones cum exerceant nomine & autoritate Christi: sequitur, ipsos omni studio intentos esse debere, ut eas peragant eo modo quo Christus; non solum quoad substantiam actionis, sed etiam quo ad modum: scilicet simili charitate in DEUM & proximum, simili reverentia, humilitate, diligentia &c. Unde monet S. Bernardus serm. 14. in Plal. Qui habitat: *Cave tibi: qui in Ecclesia Christi cerueris locum tenere sublimem. Quam ingratus enim, imò quam injuriosus es illi magno Sacramento pietatis: si in illo questum aestimes pietatem. Quam infidelis ei, qui Ministerium hoc sanguine proprio consecravisti: si eo queras gloriam tuam, quæ nihil est; quæras quæ tua sunt, non quæ JESU Christi.*

3. Ipsi debent in fidelibus parturire Christum, juxta illud Galat. 4. *Filioli mei, quos iterum parturio, donec formetur Christus in vobis.* Id est, Ministris Ecclesiæ incumbit procurare: ut populus fidelis vitam & virtutes Christi, quantum status ipsorum permittit, imitetur. Nam Ephes. 4. dicuntur à Domino positi *Pastores & Doctores ad consummationem Sanctorum, in ædificatione corporis Christi: ut occurrant omnes in virum perfectum.* Hoc autem præstare nunquam poterunt: nisi prius eundem Christum in se ipsis perfecte efformaverint. Experientia enim docet: parum prodesse verba, ubi defunt exempla. Passim ejus prædicatio contemnitur, cujus vita non ædificat. Quomodo enim frigidus in charitate inflammabit alios, plenus vitiorum alijs imprimet virtutes?

Quod igitur Apostolus ad Titum c. 1. 2. & 3. dicit de Episcopo, pertinet etiam, proportionem quâdam, ad inferiores Ministros. *Oportet Episcopum sine crimine esse, sicut DEI dispensatorem &c. Justum, Sanctum, continentem, amplectentem eum qui secundum doctrinam est, fidelem sermonem, ut potens sit exhortari in doctrina sana, & eos, qui contradicunt, arguere.* Notandum illud: *Ut potens sit exhortari.* Nisi enim prædictis dotibus sit ipse instructus, potens non est. *In omnibus se præbe exemplum bonorum operum, in doctrina, in integritate, in gravitate, verbum bonum, irreprehensibile: ut is, qui ex adverso est, vereatur; nihil habens malum dicere de nobis.*

Ad hanc autem perfectionem ut perveniamus: necesse est, ut assidue ante oculos nobis proponamus Christum & vitam ejus. Hæc enim est via compendiosissima. Virtutes enim in alijs Sanctis relucens, nec perfectionem, nec vim tantam habent ad promovendos & conformandos nos; ac Exempla Christi. Nam ut viva vox, ita & facta ejus à Divinitate operantis divinitatem quandam obtinuerunt virtutem seu efficaciam: ut merito moneat S. Laurentius Justinianus de discip. mon. c. 8. *Quicumque esse DEI fidelis servus*

Et prudens desiderat: Salvatoris gesta, & præcipue ipsius Passionem, ruminare non negligat. Recte quoque monent Ascetæ: ut inter ipsas Domini virtutes, eas quisque sibi proponat imitandas, quas Gradus Sacerdotij & ratio Officij ejus præ cæteris requirit. v. g. Prædicatores studeant imitari prædicantem; qui Choro attendunt, Orantem; qui sacrificant, in Cruce se immolantem; qui Missiones obeunt, cum hominibus conversantem &c. Hæc est igitur summa totius perfectionis Sacerdotalis: Christum D. sequi, Christi vestigijs inhaerere, Christum induere, Christum loquentem, operantem, patientem, in se, quantum fas est, exprimere; & alijs reverendum amandum, imitandumque in se proponere.

SABBATO.

MEDITATIO: *Joannes non jussus sequitur Christum.* Joan. 21.

1. **A** Dora DEUM O. M. & considera: ipsi tam perfectum esse dominum, & auctoritatem tam absolutam in omnes, etiam rationales creaturas: ut non expectare, sed prævenire debeamus imperia, atque ad nutum attendere; imò si quid gratum ei futurum cognoverimus, sine mora & accuratè faciamus, oportet. Exemplo est discipulus, quem diligebat JESUS. Hic cum audivisset Dominum Petro dicentem Joan. 21. *Sequere me*; confestim secutus est & ipse, quantumvis id illi à Christo intimatum non esset. Nimirum probis & amantibus subditis placita Superiorum, imperia sunt. Infelices nos: quos ad exequenda disertissima præcepta divina, neque promissa infinita, neque supplicia æterna satis compellunt! Parce contumaciæ meæ, Benignissime DEUS: Ut deinceps cereum habeas ad nutum tuum; da mihi affectum filialem, & spiritum rectum innova in visceribus meis.

2. **A** Dora D. JESUM, & considera: causam, cur specialia dilectionis argumenta præ cæteris Apostolis exhibuerit S. Joanni Evangelistæ, eumque noluerit cruentam mortem oppetere; non fuisse solam Virginitatis prærogativam; sed, inter alia, singulare ipsius propituitudinem ad obsequendum & gratificandum Domino. Recole, quam promptè ad primam Christi vocationem, relictis rebus & patre, sit secutus; quam intrepidè cum DEIPARA V. accurrerit ad Crucifixum Dominum; quam obedienter & libenter commendatam sibi ex illa hora acceperit in sua; quam celeriter se proripuerit ad invisendum sepulchrum, & Petrum festinando prævenierit; quam alacriter sequente Dominum Petro, secutus sit & ipse, quamvis non jussus. *Vidisti virum velocem in opere suo? Coram regibus stabit.* Prov. 22. Hinc Joanni inter cæteras prærogativas, & palma Martyrij concessa

fine

sine sanguine, & amplissimum tempus cumulandi merita indultum, usq; ad supremam senectutem. **O**si & ego pari promptitudine tibi servirem, Domine JESU. Meretur id infinita Excellentia tua, & innumeris titulis obligata subjectio mea. **I**mpelle ignavum.

3. **V**enerare **DEI**param V. & considera: quàm libenter usa sit S. Joannis Evangelistæ familiaritate & cohabitatione: *Accepit eam in sinu.* Erat enim ei innocentia & cordis singulari puritate charissimus, moribus perquam similis, promptitudine obsequiorum erga Filium gratissimus, Christi commendatione acceptissimus. Talium familiaritatem ambit Mater pulchræ dilectionis. At ego, quàm indignus, qui veniam in conspectu Reginæ cæli! Quia tamen in multitudine & splendore famulantium gloria est Principis (Prov. 14.) fac ipsa me dignum cœtu domesticorum tuorum, ô Benignissima; ut gaudeas servulo prompto & bene morato.

Proposium: ut alacer & promptus sis in DEI, & DEIparæ obsequio; hodie excute torporem.

LECTIO PRACTICA.

Spirituales omnes decet alacres & promptissimos esse ad obsequia divina.

Nonne dedicati cultui divino etiam ea de causa *Spirituales* appellantur: quod Spirituum, seu Angelorum instar, promptissimi & agilissimi sint, vel esse debeant, ad obsequia divina, & Ordinis sui munia? Certe Hierarchiam Ecclesiasticam, ut in multis conformata est Hierarchiæ Angelicæ, in ea promptitudine & agilitate deficere non decet; sed æmulari Angelicos spiritus oportet. Uni enim eidemq; Domino servit utraq;. Nisi fortè Ecclesiastica adhuc præcellere deberet alacritate & promptitudine, si humanæ naturæ carnea moles permetteret: siquidem plus propter ipsam, quàm propter Angelicam fecit & passus est Unigenitus DEI.

Excitat nos igitur ad summam, quam præstare possumus, promptitudinē DEI Filius: qui ubi intellexit mentem Patris de redimendo genere humano per Incarnationem Personæ Divinæ, audivissetq;: *Quem mittam? & quis ibi nobis?* sine mora, & deliberatione se se promptissime obtulit: *Ecce ego: mittere me.* Isa. 6. Nec minus agilis fuit in exequendo, quàm suscipiendo communi munere. Statim enim, ac momentum temporis ab æterno definitum de Incarnatione, adfuit; & Virginis in Matrem lectæ, optatissimum insonuit *Fiat*: exultavit Unigenitus DEI ut gigas ad currendam viam, quantumvis arctam & salebrosam, descenditq; ad assumendas æruminas nostras & sarcinam carnis, non minore alacritate, quàm sponsus anhelat ad nuptias. **P**ari promptitudine properavit Hierosolymam immolandus, præcedebatq; discipulos

pulos insolita festinatione. *Luc. 19.* urgente nimirum, & tarda molimina nesciente, charitate. Adventante quoq; cum satellitibus proditore, quàm festinus sese proripuit in occursum? *Surgite, tamus: ecce appropinquavit, qui me tradet. Matt. 26.*

Hac Domini promptitudine, & studio ipsi eximie placendi, provocati ferventiores DEI servi, & ancillæ, mira alacritate & agilitate suscipiunt, agunt, & peragunt omnia, quæ sui officij sunt; vel aliunde intelligunt, DEUM hoc illudve velle, quantumvis sit arduum, & vita cum sanguine sit impendenda. *Lex justo posita non est:* inquit Apostolus 1. Tim. 1. Non enim legum rigore, aut præceptorum stimulis aguntur, quibus in corde fervet charitas: intus habent, quò movetur voluntas, incitantur nervi, & totus in Domini obsequia rapitur homo cum omnibus potentijs & viribus suis. Sic Discipulus, quem diligebat JESUS, promptus ubiq; adfuit Domino, & præ cæteris diligere merebatur. Sic Petrus ubi hominem in littore apparentem audivit Dominum esse; ventorum remorumq; tarditatem accusans, in mare se misit, ut quantocyus ad Domini pedes procideret. Sic Magdalena in funere fratris gravi luctu oppressa, ut cognovit, adesse Christum; momento oblita luctus ad ipsum non accurrit, sed advolavit. Sic recentius S. Philippi Neri discipulus, quàmvis nullo habito præcepto vel designatione particulari, sed sola Philippi cognita propositione: Quis ex vobis tantum habet animi: ut in foetidam hanc lacunam se dejiciat? confestim, ut erat vestitus, in eam prostravit.

Et certè æquum non est, ut Servos Ministrosq; Christi, servi ac ministri principum hujus mundi superent obsequendi, aut gratificandi promptitudine. Refert Historia Turcica: Solymano Imperatori, legenti aliquando epistolam in palatio suo, chartam fortè excidisse, atq; in adjacentem hortum per fenestram delapsam esse. Illico communis factus est motus Magnatum circumstantium, omnes per gradus ruere, & alter alterum in referenda epistola prævertere. Sed omnibus palmam præripuit Mahomet Vezyrus. Cōpendio iter confecturus, è fenestra præcipitem se dedit in hortū, chartamq; retulit, antequam alij ad locū pervenirent. Quo facto miram constantemq; Solymani, & sequentium duorum Imperatorum gratiam sibi conciliavit, favoribus & honoribus planè mactatus.

Sic qui intelligunt, se Christi servos, & Ecclesiæ ejus esse Ministros, nesciunt tarda molimina, non moventur motu ex morulis conflato; probro sibi ducunt, claudere agmen servientium DEO. Sonare incipiunt ara cæpana ad sacram ædem evocantia; nutu quispiam ægrorum implorat opem.

Hora-

Horarum Canonicarum tempus adest Canonicum &c. &c? Charitas Christi homines facit spiritus, & Ministros suos ignem urentem; rumpunt moras spernunt respectus, transiliunt obstacula, ad obsequia & cultum Domini ac DEI sui evolant. Quam gloriosus est DEUS in huiusmodi servis suis? Numquid præcipient cæteris cor Divinum? In curia cælesti primi amores & honores conferuntur, non plus offerenti, sed promptius.

DOMINICA IV POST PASCHA.

MEDITATIO: *CHRISTUS in Galilæa apparet quingentis fidelibus.*

1. Cor. 15.

I. **A** Dora DEUM O. M. & considera: quod licet ipse totus sit lux, non æqualiter tamen manifestat se omnibus; sed huic magis, alteri minus, solis instar; qui sedentibus in antro modicam communicat lucē; existentibus in montanis totam impertit vultus sui hilaritatem & maiestatem. Quamdiu in speluncis peccatorum, vel vallibus imperfectionum hæremus; non nisi obscura fidei luce aliquid DEI innotescit nobis: at si ad montem perfectionis, arduum quidem, sed visione DEI clarum, eluitemur: tum primum apparet; quis sit Dominus, cui servitutem debemus. Populo Israel ad radices montis hærenti negavit conspectum vultus sui DEUS: Moyse, ut facie ad faciem videret Dominum, & consortio sermonis ejus frueretur, enitendum fuit ad verticem montis. Sic & Christus quingentorum discipulorum cœtui non alibi apparere voluit, quam in monte Galilææ: qui putatur fuisse mons Thabor. Da gratiam Manifestissime, simulq; Abscondite, DEUS: ut in corde meo disponam ascensiones ad culmen perfectionis, & videre clarius te merear DEUM Deorum.

2. **A** Dora D. JESUM & considera: quod quamvis Apostolis, & pijs quibusdam matronis redivivus apparuerit Hierosolymæ iteratis vicibus: turbæ tamen fidelium non alibi, quam in Galilæa, prout præmonuerat, spectandum se præbere voluit. Recedere illos oportebat à frequentia civitatis, & tumultu negotiorum. Occasionem quoq; præbuit: ut per illud iter se disponerent; & acuerentur desideria videndi redivivum atq; gloriosum Dominum ac Redemptorem suum. Erant, sine dubio Hierosolymæ, & in vicinia, longè plures fideles, quam quingenti quibus Christum se manifestasse (in Galilæa) testatur Apostolus 1. Cor. 15: sed negotijs suis distracti illud iter non susceperunt. Tam tardi, & difficulter mobiles sumus; dum ad Dominum accedendum, sive in oratione, sive in epulo Eucharistico: ut illuminet vultum suum super nos. O JESU jucundissime, gratiosissime

Hh 2

Amc 2

me, gloriosissime, quod est pretium, quis labor; quo non sit dignus conspectus tuus, non solum in maiestate gloriæ tuæ, sed etiam sub velamine fidei? Noverim Te clarius: ut æstimem Te carius.

3 Venerare DEI param V. & considera eam, ut *Montem Visionis* divinæ: in quo invisibilis DEUS apparuit non solum humana specie, sed verus & humanissimus homo. Super hunc montem deduxit Pater æternus Isaacum suum, pro salute generis humani immolandum; aperuitq; nobis Sacramenta abscondita à sæculo, & viscera charitatis suæ. Olim, Joan. 12. venerunt ex gentibus quidam ad Philippum rogantes: *Domine volumus JESUM videre.* Rectius nos tendamus ad MARIAM, orantes: *Domina volumus JESUM videre:* & ipsa, qua valet apud Filium gratiâ, nos facile voti compotes faciet. Eja ergo Advocata nostra, JESUM, benedictum fructum ventris tui, gloriosum post hoc exilium, gratiosum in hoc exilio, nobis ostende.

Proposium v. g. de Meditationibus absolvendis diligentibus ad obtinendum cælum majus lumen.

LECTIO PRACTICA.

De discernendis varijs Apparitionibus & Visionibus.

CUM non raro Satanas se transfiguret in Angelum lucis, teste Apostolo: Cor. 11. imò, qua est impudentiâ, Christi quoq; personam subinde mentiatur: necesse est, peripesta habere certa indicia, quibus veræ & illusoriæ Apparitiones prodantur. Porro Apparitiones & Visiones hujusmodi aliæ contingunt dormientibus, vel semisopitis, aliæ Vigilantibus. Quarundâ Author est DEUS, plerumq; per Angelos bonos; aliarum diabolus; nonnullæ proveniunt ex mala dispositione naturæ; ut in biliosis seu hypochondriacis. Omnes ut passim docent Ascetæ, discernuntur potissimum ex Fine, & effectibus suis: considerando diligenter; quò tendat ducatq; Apparitio alicui objecta; & quos affectus seu motus causet in animo & corpore? Ut ad particularia magis descendamus; observandum:

Apparitiones in somno factas, alias esse mera Naturalia somnia, quæ anima ex crassioribus humoribus & profundiore hominis somno eluctata, operatur, ne quoad potentias sensitivas, imò, & rationales, sit diutius otiosa. Somniorum, quæ DEUS immittit, sive terrendo & monendo improbos, sive arcana quædam docendo probos; indicium esse solet, insolita quædam post somnum mentis Illustratio, & voluntatis ad solidarum virtutum studium, aut vitæ emendationem, atq; seriam pœnitentiam Inclinatio major & constans; Resignatio in divinam voluntatem efficax, & Impulsus qui-

dam ad amplius per vias ordinarias intelligendam voluntatem divinam, consulendo homines probos, doctos, & talium rerum peritos: vel certe homo statim sentit se determinatum & certificatum: tale somnium esse à DEO; nec unquam, ubi evigilat, obliviscitur illius. Cætera igitur omnia somnia vel merè naturalia sunt, vel operà dæmonis excitantur: ideoq; quantocyus rejicienda sunt, nec animus applicandus ipsis recolendis. *Multas curas, sequuntur somnia: inquit Ecclesiastes c. 5. &, Ubi multa sunt somnia, plurime sunt vanitates, & sermones innumerati: in verò DEUM time.*

Apparitiones extra somnum si sunt à DEO, sive per impressionem immediate ab ipso DEO in intellectu factam, sive per Imaginationes & representationes variorum objectorum ab Angelis bonis in phantasia excitatas, semper ducunt ad bonum Finem, nec unquam vel Fidei Catholicæ documentis, Divinarumq; literarum oraculis, aut communi SS. Patrum, Religionumq; Ascetarum doctrinæ repugnant. Insuper in anima causant tranquillitatem, pacem, puritatem, solidarum virtutum studium; mentemq; ita elevant in DEUM, ut non insolescat ac infletur, sed magis se deprimat per humilitatem. Quicumq; quibuscunq; habitis Visionibus, sentit inde generari in se elatiores spiritus: certus sit illas à DEO non esse. DEUS enim humilia respicit, & alia à longe cognoscit. Psal. 137. *Et cum simplicibus sermoneatio ejus.* Prov. 3.

Dæmonum apparitiones & spectra his prodi solent indicijs; ut notat Card. Bona de disc. spirit. c. 19. Si is, qui apparet, falsam, & malā apparitionis causam prætexat: si curiosa tantum, aut quæ nescire expediret, revelat; si res sacras & Sacramentalia detestatur; si ad Crucis signum & SS. JESU nomen horrescit, vel minus reverenter se habet; si falsa allegat, hominem inquietat, implicat atq; perturbat; si inflat, insolentem facit, & communis disciplinæ, Superiorumq; directionis impatientem, judicij sui nimis tenacem, & cogitationes, consiliaq; sua occultantem etiam quando, & cui, aperienda essent: deniq; qui à via virtutis ad devia ducit. Forma quoq; exterior & vox apparentis consideranda est: si fœda, monstrosa, vel indecens sit; malum spiritum sub ea latere, sive dæmonem, sive animam damnatam, demonstrat. Qui in virtute parum progressus est, si nihilominus ei Angeli boni, aut Sancti alicujus vel ipsius Christi objiciatur, præsertim crebrius apparitio; hoc ipso suspectam habere debet, tanquam indigno & præter communem morem, factam. Ut ergo larvam, si quam gestat, apparenti detrahat, astus aliquos externos profundæ humiliationis exerceat, exemplo multorum Sanctorum. Non solet illos tolerare dæmon.

Anima-

Animarum damnatarum apparitiones sub specie Sanctorum, iisdem signis examinari & detegi debent.

Animæ Purgatorii communiter non nisi ad suffragia petenda mitti solent; quibus obtentis non redeunt, nisi forte ad gratias agendas: Quodsi animæ apparentes aliqua restitui mandent, certatq; preces, Sacrificia, eleemosynas &c. petant, atq; ijs peractis adhuc molestæ fiat & frequenter compareant; hoc ipso suspèctas se faciunt. Similiter si res curiosas, malè coherentes aut falsas, vel alicui tertio noxias referant, discordias seminant, à trita Sanctorum via & fervore in divino obsequio, virtutum exercitio, & regularum observantia abducant, de Defunctis in purgatorio vel inferno detentis, nimis multa aut incredibilia revelent &c. In omnibus ut non debemus esse duro, sic nec levi corde ad credendum. Nec præcipitanda sententia. Multa detegit tempus, quæ aliunde discerni non poterant. Fraudes processu temporis se ipsas produnt,

FERIA II.

MEDITATIO: De quorundam dubitatione post complures jam factas Apparitiones CHRISTI. Matt: 28.

1. **A** Dora DEUM O. M. & considera: quàm multum à Christo Redemptore, quàm parum requisierit à nobis pro salute nostra æterna. Ab illo impendendi erant labores, sudores, lacrymæ, sanguis, vita: à nobis fides requiritur & baptismus. *Euntes in mundum universum, predicare Evangelium omni creature. Qui crediderit, & baptizatus fuerit, salvabitur: qui verò non crediderit, condemnabitur.* Marc: 16. Requiritur tamen fides viva & practica; quæ scilicet per charitatem operatur: Galat: 5. Fides autem quàm facilis, præsertim nobis, quos tot sæcula, tot miracula, tot Martyria eruderunt & convicerunt! Fidem vivam connaturaliter sequitur Charitas; nisi ipsi prohibeamus. Quis enim verè, atq; ut oportet, credat: DEUM esse Bonum super omne Bonum, esse Omne Bonum in se, esse summè bonum nobis; & non incalescat amore tanti Boni? Suspicio & veneror infinitam Liberalitatem tuam Opt: Max: DEUS, Pro pono donas regnum! *Pro nihilo salvos facies illos.* Psal: 55. Verùm hoc ipsum modicum seu nihilum, præstare non potero, nisi Tu dederis. Adjice hoc auxilium gratijs tuis & egestati meæ.

2 **A** Dora D. JESUM, & considera miram Benignitatem ejus apparentis in Galilæa pluribus quàm quingentis fidelibus. Jam octo præcellerant ejusdem apparitiones factæ varijs, & fide dignissimis: jam

fama

Anima resurrectionis longè latèq; sparsa erat, palpaverat vulnera redivivi Domini Thomas, comederat aliquoties cum discipulis, testabantur Apostoli omnes cum MARIA Matre JESU, tendebantq; in Galilæam, ut iterum ibi viderent eum, sicut constituerat illis JESUS: & tamen ubi collectæ multitudini apparuit, *Videntes eum adoraverunt; quidam autem dubitaverunt* (Matt. 28.) scilicet ex eadem multitudine. Tam tardo duroq; corde fumus ad credendum fide divinâ. Nihilominus benignissimus Salvaror accedens locutus est eis, dicens: *Data est mihi omnis potestas in cælo & in terra. Euntes ergo docete omnes gentes &c.* Apostolis amplissimè communicavit potestatem suam, Credentibus autem miraculorum virtutem, & salutem æternam: Marci 16. omnibus perpetuam promisit præsentiam opis suæ: *Ecce ego vobiscum sum omnibus diebus, usq; ad consummationem sæculi.* Matt. 28. En, ut totus suavitas & gratia est JESUS. Et non amabis eum super omnia Anima mea?

3. **V**enerare DEIparam V. & considera: non esse fortuitò aut per incuriam scriptorum divinatorum factum; quod nullam usquam faciant mentionem apparitionis, qua Christus redivivus spectandum se exhibuerit Matri. Factum id, tum ad magis commendandam Christi in Matrem pietatem; de quo nemo prudens præsumere potest, quod ipsam, præ cæteris morte sua afflictam, neglexerit, dum tam liberaliter se manifestavit discipulis alijsq; mulieribus: tum ad extollendam inconcussam sanctissimæ Matris fidem, qua ex testimonio divinarum scripturarum & verbis ipsius Christi, certior erat de ejus resurrectione, quàm si oculis vidisset resurgentem; idèq; speciali revelatione eam non indignuisse, indicant. O Mater S. viva & magna erat fides tua: anima semianimem meam.

*Proposium v. g. de majore animi applicatione & vigore, dum recitabis
Symbolum Apostolorum.*

LECTIO PRACTICA.

Regula quædam ad discretionem spirituum perutilis.

Opportune monuit S. Joannes ep. 1. c. 4. *Charissimi, nolite omni spiritui credere: sed probate spiritus, si ex DEO sint.* At hæc probatio satis difficilis est: & facile in non leves declinat errores: nisi valde accurati simus, nec tam proprio utamur judicio, quàm Sanctorum, quos cœlestis quædam prudentia, & multa in tali negotio experientia, uberius commendavit. Porro nomine *Spiritus*, de quorum discretionem hic agitur, non solum intelliguntur DEUS, & Angeli boni malive, atq; animæ separatæ, de quorum apparitionibus Lect. præcedente actû est: sed etiâ interni motus animi,

feu Affectus excitari in homine (juxta illud Luc. 9. *Nescitis cujus spiritus estis*: id est, quo affectu, bono malove, moveamini) à spiritibus illis, sive per externam apparitionem, sive per internam solum suggestionem & inspirationem. Sæpe enim existimamus, nos DEI spiritum habere, moveri divino zelo &c: cum revera motus sit amoris proprii, aut à maligno spiritu concitatus.

Ad hos igitur spiritus, seu motus, & authores illorum discernendos, plurimum juvare poterunt Regulæ quædam excerptæ ex ijs, quas S. P. N. Ignatius in suo Exercitiorum Spiritualium libello tradidit, ab Apostolica Sede cum ipsis Exercitijs approbatas. Habuit autem hic Sanctus, præter cælestes mentis illustrationes, magnam in talibus experientiam, utpote à varijs spiritibus, præsertim initio conversionis suæ, diu multumq; exercitatus.

1. Illis, qui facile peccant lethaler, fere solet inimicus noster illecebras carnis, & sensuum delectationes objicere: ut eos teneat sibi mancipatos, ac semper cumulum peccatorum augeat. Spiritus verò bonus è contrario conscientiam illorum pungit assidue, & per synderefsis, rationisq; officium à peccando deterret.

2. Illis verò, qui se à vitijs purgare student sollicitè, & in obsequio divino proficere magis magisque; immittit spiritus malignus molestias, scrupulos, tristitias, rationes falsas, & alias id genus perturbationes, quibus profectum illorum impediat. Spiritui autem bono proprium est, recte agentibus animam ac vires addere, consolari, devotionis lacrymas ciere, illustrare mentem, & tranquillitatem dare; ut sublati omnibus obstaculis expeditius alacriusq; per bona opera semper ultra tendant.

3. Advertendum: Proprium esse DEI, & Angeli boni; veram infundere animæ lætitiâ spirituales, eamq; sublata perturbatione & tristitiâ, quam ingessit dæmon, movere, & cum ipsa tractare: cum è contrario dæmon in turbido piscari soleat.

4. Solius est DEI, consolari animam nulla præcedente ex parte hominis, vel objectorum, circa quæ versatur consolationis causa. Id enim juris in creaturam liberam & in cor ejus sibi reservavit Creator: ut ipsa repente movere possit, & ex supernaturali aliquo objecto consolatione implere; quamvis nullus in sensibus vel phantasia circa hoc objectum præcesserit alius actus: ut latius declarat Suarez tom: 4. de Relig: tr. 10. lib. 9. Quando autem præcessit consolationis causa aliqua; auctore ejus esse potest tam malus, quam bonus Angelus: sed ad fines tendunt contrarios. Bonus quidem, ut anima in boni cognitione & operatione magis proficiat: malus autem ut male agat, & pereat.

FERIA III.

249

3. Id moris est spiritui maligno: ut in lucis Angelum transfigurans se se, cognitis pijs animæ votis, primum obsecundet; mox inde ad perversa sua desideria illam alliciat. Simulat enim ab initio, bonas sanctasq; hominis cogitationes fovere: at deinde in occultas fallaciarum suarum pedicas paulatim tractum illaqueat.

6. Sedulo & accuratè excutiendæ sunt cogitationes nostræ circa principium, medium & finem suum. Quæ tria si rectè se habeant, Angeli boni argumentum est, cogitationes illas suggerentis. Sin autem sentiatur mens avocari à bono; vel ad minus bonum impelli, tædio & angore affici: signum est spiritus maligni.

7. Quoties contingit in aliqua suggestione deprehendi hostem ex cauda sua serpentina, id est, ex fine malo, ad quem ducit: oportet se recolligere & reflectere supra totum contextum cogitationum & motuum, ut deprehendatur ipsius modus fallendi & seducendi, atq; in posterum caveri possit.

8. Diversimodè se animis proficientium insinuat uterq; spiritus: Bonus quidem leniter, placidè, ac suaviter, sicut aquæ stilla in spongiam illabens; malus verò duriter, implacide & violenter cum strepitu quodam, sicut imber decedens in petram.

9. Hostis noster naturam & amorem muliebrem refert. Nam sicut femina cum viro vixans, si hunc conspexerit, erecto & constanti vultu sibi obistere; abjicit illico animum, ac terga vertit. Sin verò timidum fugacemq; adverterit; in extremam surgit audaciam, & ferociter sævit in eum.

10. Sequitur etiam hostis noster morem nequissimi alicujus amatoris, qui honestam puellam aut conjugem volens seducere, summopere procurat; ne consilia & sollicitationes suæ parentibus aut marito patefiant: cum sciat hoc pacto de votis & conatibus suis actum esse. Sic procurat diabolus; ne suggestiones suæ Superiori, Confessario, vel alteri viro pio & docto prodantur. Deniq; imitatur etiam belli Ducem arcem aliquam in suam potestatem redigere molientem; qui diligentissimè explorat, qua parte debilior sit: ut ibi potissimum eam aggrediatur. Muniendi ergo sollicitè sensus omnes, & animæ potentia.

FERIA III.

MEDITATIO: De Virgine miraculorum à Christo concessa fidelibus. Marci 16.

I. **A** DORA DEUM O. M. & considera: quanto beneficio afficiat eos, quos ad veram Fidem vocat. Nullis meritis ea gratia obtineri potest. Est enim prima in ordine supernaturali, & fundamentum, seu radix,

cæterarum. Deinde Donum fidei vivæ & constantis sequitur certa salus, scilicet incredulitatem æterna damnatio. *Qui crediderit & baptizatus fuerit, salvus erit: qui verò non crediderit, condemnabitur.* Marc. 16. Verbo *salvus erit*, indicatur consecutio vitæ æternæ omni bonorum genere refectæ: verbo *Condemnabitur*, significatur mors æterna omni suppliciorum genere atrocissima. Vocat igitur Benignissimus DEUS, & amplissimis præmijs propositis & gravissimis supplicijs intentatis: gratijs insuper, seu internis luminibus & motionibus illustrat intellectum, & inclinât voluntatem; ut homo morigerum se præbeat, & immunis sit à tantis tormentis, veniat autem in possessionem bonorum illorum infinitorum atq; æternorum. Miseros æternum, qui vocantem negligunt audire! Æternas igitur & infinitas tibi debeo gratias & laudes Opt. Max: DEUS: quòd eo beneficio immeritum me prævenieris. Consummabis illud; si perseverantiam, & zelum vocandi alios concesseris.

2. **A** Dora D. JESUM, & considera: quantam credentibus promiserit potentiam. *Signa autem eos, qui crediderint, hæc sequentur: In nomine meo dæmonia ejicient, linguis loquentur novis, serpentes tollent, & si quid mortiferum biberint, non eis nocet: super ægros manus imponent, & bene habebunt.* Ibid. Exercent hanc potestatem etiam hodie fideles: quidam ad litteram, alij mysticè seu spiritualiter. Non enim desunt etiamnum in Ecclesia Thaumaturgi, quibus non solum naturales causæ & morbi, sed ipsæ tenebrarum potestates subiectæ sunt. Similem potestatem exercent spiritualiter Ministri Ecclesiæ. Dæmonia ejiciunt: dum animas peccatorum à peccatis absolvent. Linguis loquuntur novis: dum injuriarum condonationem & inimicorum amorem prædicant. Serpentes tollunt: dum hæreticos confutant & convertunt. Mortiferum sine noxa bibunt: dum innoxie aures confitentibus accomodant. Ægros sanant: dum male habitutos ad vitam probam reducunt. Eadem miracula patrant fideles in se ipsis. Dæmonia ejiciunt per sinceram peccatorum suorum confessionem: Linguis loquuntur novis, seriam morum emendationem, vel injuriarum condonationem promittentes: serpentes tollunt: pravis dæmonis suggestionibus resistendo: Mortiferum sine noxa bibunt, dum sollicitati ab improbis socijs non consentiunt: Morbos suos curant, pravis affectus & mores emendando. Benedictus DEUS & Redemptor noster, JESUS: qui potestatem talem dedit hominibus! Utar illa liberaliter.

3 **V**enerare DEIPARAM V. & considera eam, ut credentium omnium Fidelissimam (Beata, quæ credidisti. Luc. 1.) ita Potentissimam ob collatam

collatam ipsi præ cæteris omnibus ampliorem Virtutem miraculorum. Plenus est mundus libris, ipsius potestatem in malignos spiritus, malas bestias, & his peiores homines, & in omne genus morborum, narrantibus. Plenæ sunt Christiani orbis Ecclesiæ ejus Imaginibus, prodigiosis gratijs à DEO honoratis. Plena sunt sæcula omnia miraculosis effectibus quos miserorum bono operata est Domina totius naturæ. Unum, oro, adjice, ô Potentissima, tam multis & magnis, miraculum ut me facias ferventem DEI tuumq; servum.

Vide deniq; quem hodie amore DEI, JESU & MARIE, elicias Actum virtutis omnino heroicum: qui inter ordinarios actus pietatis tue sit miraculi instar.

LECTIO PRACTICA.

De Gratijs fideiibus gratis datis.

Theologi distinguunt Gratias Divinas supernaturales in *Gratum facientes*, & *Gratis datas*. Illæ sunt quæ à DEO conferuntur homini in proprium ipsius bonum & salutem, & vel sanctificant formaliter hominem gratumq; DEO faciunt, ut Gratia Habitualis (quæ etiam Sanctificans & Justificans dicitur) vel ordinantur disponuntq; ad hanc vel augmentum ejus; ut Gratia Actuales, quæ etiam Auxiliares dicuntur. Quamvis verò omne Donum à DEO liberaliter collatum homini, dici posset Gratia gratis data: ex communi tamen usu Theologorum illæ dicuntur Gratia gratis datæ, quæ dantur homini non in proprium seu privatum ejus bonum & salutem; sed in bonum aliorum, ad promovendam eternam eorum salutem.

Talium Gratiarum species 9 enumerantur ab Apostolo 1. Cor. 12. Fides, Sapientia, Scientia, Gratia Sanitatum, Operatio virtutum seu Miraculorum, Prophetia, Discretio spirituum, Genera linguarum, Interpretatio sermonum. Alij per Spiritum, inquit Apostolus, datur Sermo sapientiæ, alij Sermo scientiæ secundum eundem Spiritum, alij Fides in eodem Spiritu, alij Gratia sanitatum, alij Operatio virtutum, alij Prophetia, alij Discretio spirituum, alij Genera linguarum, alij Interpretatio sermonum. Hæc autem operatur unus eaq; idem spiritus dividens singulis prout vult. Notat Prout vult; non pro ut homo meretur. Communiter tamen Eximijs Sanctis dantur plures, vel in gradu perfectiore, hujusmodi Gratia, quam alijs minoribus. Dico communiter: quia subinde minores Sancti operantur plura miracula, aut majora, quam Majores; vel quia isti rarius ea petunt à DEO, ne pro Sanctis habeantur, vel alias ob causas. Unde ex pluralitate vel magnitudine Miraculorum non licet inferre majorem alicujus sanctitatem, vel copiam majorem Meritorum apud DEUM: præsertim cum etiam magnis peccatoribus subinde sciantur

concessa: ut Judæ proditori & Caiphæ summo sed sacrilego & sanguinario Judæorum Pontifici. Quemadmodum enim in Sacramentis conficiendis non requisivit necessario sanctitatem seu justitiam Ministrorum: ita ad percipienda prædicta Spiritus S: dona; siquidem ea non in bonum ministrorū, sed populi sui ordinavit.

Porro *Sermo Sapientia*, qui inter Gratias gratis datas primo loco ponitur, prout Cornel. à Lap. in citi: textum explicat: est Facultas explicandi altissima mysteria Fidei v. g. Trinitatis, Incarnationis, Prædestinationis &c. *Sermo scientia*, prout explicat S. Augustinus lib. 12. de Trinit: c. 14. & 15. est Donum explicandi ea, quæ ad actiones Christianas & mores pertinent. Et sic capit Scientiam Apostolus cap. 8. Alij intelligunt Facultatem explicandi res fidei facile per exempla, comparationes, rationes naturales &c. Per Gratiam Fidei non significatur Assensus Fidei Theologicæ: sed vel Donum intrepide profitendi fidem, juxta S. Ambrōsium & Anselm. Vel singularis & constans Fiducia in DEUM ad quidvis impetrandum, & miracula faciendū; ut vult S. Chrysostomus: vel Intelligentia magna mysteriorum fidei ad ea contemplandum & explicandum: prout censet Cornel. à Lap: *Gratia Sanitatum*, est Virtus curandi viros virtute supernaturali. *Operatio Virtutum*, est Vis patrando miranda majora v. g. excitandi mortuos ejiciendi dæmones, transferendi montes &c. *Discretio spirituum*, significat Artem discernendi tum externas apparitiones Angelorum bonorū malorumve, & animarum; tum internos animi motus à spiritu bono vel malo concitatos. Per Prophetiam intelligitur Donum infallibiliter prædicendi futura. *Interpretatio sermonum* est Facultas exponendi dicta vel scripta obscuriora, præsertim in Divinis Literis. *Genera Linguarum* est Donum loquendi vario idiomate variorum populorū, etiam si quis lingvis addiscendis non studuerit: Vel etiam loquendo uno idiomate ita: ut intelligatur prædicator à populis variarum linguarum.

Ex his Gratijs, quædam esse habitus stabiles seu permanentes in homine, qui eas accepit, censet Cornelius cum Bellarmino lib. 1. de Grat: c. 10. scilicet Sapientiam, Scientiam, Fidem, Genera linguarum & Interpretationes sermonum, quandoq; etiam Discretionem spirituum: Reliquas autem non esse habitus sed motiones transeuntes. Inter cætera autem hujusmodi dona magis necessaria sunt, præsertim promoventibus salutem animarum, Donum Sapientia, Donum Scientia, Interpretatio sermonum & Discretio spirituum. Si DEUS pro sua liberalitate etiam alia adjiciat: humiliter illis utendum est, prudenter & opportunè: considerando; quod non propter

merita,

FERIA IV.

253

merita, aut in bonum privatum ejus, cui data sunt, sint donata, sed in bonum & salutem proximi. Cæterum melius est, & DEO gratius, operari miracula virtutum, id est Heroicos actus charitatis, patientiæ, clementiæ &c. quam patrare miracula prodigiorum.

FERIA IV.

MEDITATIO: De Præsentia CHRISTI continua, promissa fidelibus.
Matt: 28.

1. **A** Dora DEUM O. M. & considera: ipsum continuò & intimè nobiscum esse, non solum per Essentiam & Immensitatem suam; sed etiam per assiduam Beneficentiam. Nullum est momentum, quo providum oculum suum & manum beneficam nobis subtrahat: alias eodem momento relaberemur in originale nostrum nihil. Ipse conservat nos, & velut in manibus portat aut sinu suo; ipse fovet, & sollicitè nutricis, imò matris instar, alit nos; ipse amantissimi patris more gubernat nos, continuò operatur nobiscum, etiam vilissimas, & sibi displicentes exercendo actiones; ipse per varia supernaturalia principia elevat nos, ut mereamur vitam & gloriam æternam. Et hæc omnia præstat non bonis solum, sed etiam pessimis. Suspicio, & æstimo continuam summamq; erga nos Beneficentiam tuam, Opt. Max. DEUS. Quid tibi retribuam pro omnibus, quæ tribuisti mihi? Sulcipe me ipsum, & utere, arbitrio tuo, pro gloria tua.
2. **A** Dora D. JESUM, & considera verba ejus liquidissimi plena solatiij; Matt. 28. quibus assiduam præsentiam & opem suam promittit fidelibus suis, in apparitione super montem Galilææ: *Ecce ego vobiscum sum omnibus diebus, usq; ad consummationem sæculi.* Perpende singula verba: & invenies præsentissimum & indeficiens in omni adversitate, afflictione & persecutione solatium atq; præsidium. Ego, DEUS omnipotens & misericors, Dominus & Pater vester, Rex & Magister vester, Salvator & Cibus vester; *vobiscum*, quos in manibus meis descriptos, in corde collectos habeo; pro omnibus pretiosam animam meam posui, ac iterum, si necesse esset, ponere paratus semper ero; *Sum*, in hoc, & ex hoc momento indefinenter; *Omnibus diebus*, sive serenis sive tristibus; *Usq; ad consummationem sæculi*, gubernando, docendo, protegendo, solando, & adjuvando vos, præsertim difficillimis, quæ succedent, temporibus. Post consummationem sæculi non tam ego vobiscum ero, quam vos mecum in regno meo, edentes & bibentes super mensam meam, jucundi & gloriosi in sæculorum sæcula. Quid amplius optare possumus? Restat; ut solliciti simus quomodo

TERIA IV.

modo tantæ Gratioſiſſimi JESU in nos propenſioni reſpondeamus; & ab ipſo nullatenus ſeparari nos permittamus. O Domine, æternum Tuus!

3. **V**enerare DEIparam V. & conſidera: quod & ipſa, quantumvis loco à nobis longiſſimè ſejuncta, nobiſcum tamen ſit uſq; ad conſummationem ſæculi per providentiam maternam, per præſentiſſimum auxilium & opportunum ſolacium. Mater eſt chariſſimæ ſibi proliſ, in valle lacrymarum poſitæ: Domina eſt numeroſiſſimæ familiæ in medio hoſtium ferociſſimorum periclitantis: numquid non aſſiſet nobis cum JESU, ut Debbora cum Barac populo ſuo; Jud: 4? Ades: & aderis ſemper nobis, o Benigniſſima. In te poſt JESUM ſperabo: non confundar in æternum. *Propone majorem conjunctionem cum DEO, J. & M. per gratiam & exercitia pietatis.*

LECTIO PRACTICA.

Quomodo ſemper in Præſentia DEL verſari poſſimus & debeamus.

Non ſolum æquitas rei, ſed etiam ingens utilitas urget: ut, quantum humana patitur infirmitas, ſemper DEUM præſentem in viva reſentiq; memoria habeamus. Æquitatem proponunt SS. Ambroſius & Bernardus lib. de dignit: condit: hum: Quia ſicut nullum eſt momentum, quo homo non utatur, vel fruatur bonitate DEL & Miſericordia: ſic nullum debet eſſe momentum quo eum præſentem non habeat in memoria. Et Gregorius Naz: Orat: de cura pauperibus præſtanda: Non tam ſæpe reſpirare oportet, quàm DEL meminiffe. DEUS enim perpetuò & continenter nobis bene facit. Et infra: Ut corpus animæ, ramus arboris truncus, ſolares radij ſoli uniti eſſe debeant; ut ab illis viriditatem ſuam trahant: ita mens ſemper uniti eſſe DEO deberemus. Accedit: quod DEUS quemq; noſtrum ab æterno in mente ſua divina habuerit habeatq; inceſſanter præſentem, idq; in ſummum bonum noſtrum, diſponendo inæſtimabilia & innumera beneficia nobis conferenda: Chriſtus quoq; ſuam nobis præſentiam promiſit præſtatq; fideliter & variè uſq; ad conſummationem ſæculi, præſtiturus deinceps longè perfectius in beata æternitate. Nonne igitur æquiſſimum eſt: ut & nos, quantum poſſumus, vicem illis reddamus: ne renovemus gravem illam Deuter. 32. querelam: DEUM, qui ſe genuit, reliquiſti: & obliuſ es Domini Creatoris tui!

Utilitas ingens hujus Exercitij maniſeſtiſſima eſt. Quod enim efficacius eſſe poteſt medium ad vitanda peccata, ad reſiſtendum fortiter tentationibus, ad ſuperandas qualvis in via virtutis difficultates, quàm identidem recolere Propheticum illud: Vivit Dominus, in cujus conſpectu ſto? Vivit, & videt DEUS. In ipſo vivimus, movemur & ſumus: Vivamus ergo circumſpectè, be-

FERIA IV.

255

At, bonum operemur strenue, & nunquam deficiamus ab eo affectu, à cuius recedere non possumus conspectu. Conclusionem hanc formavit etiam Seneca ep: 10. Sic vive cum hominibus, tanquam DEUS videat: sic loquere cum DEO, tanquam homines videant.

At quis modus, assiduam hanc præsentiam DEI imprimendi menti? Nimis per se labilis est Memoria nostra; nimis importune se ingerit negotiorum turba, & exturbat DEUM. Varia, eaq; idonea, suppeditant media Ascetæ, præsertim *Franciscus Arias, de præsentia DEI. Alphons. Rodriguez p. 1. v. 6. Lancel. Opusc. II. Lohm: iii: 41. &c.* Monent autem pleriq;: ad intentionalem hanc DEI Præsentiam acquirendam, non esse necesse, imò nec expedire; ut DEUM nobis imaginemur sub aliqua corporali specie nobis assistentem, aut Christum lateri nostro semper hærentem. Tales enim imaginationes fatigant caput, & minus sunt efficaces.

Primum igitur Medium est: Assuescere vivacibus Fidei actibus eliciendis de Immensitate DEI, & intima in rebus omnibus præsentia. Hujus exercitij beneficio ita certificamur de præsentia DEI in omni loco, ut postea facillime, etiam absq; expresso Fidei actu elicitò, & absq; imaginatione ullius speciei corporalis, occurrat menti: *Est DEUS hic. Vel: Dominus adest.* Et sic cum ipso agere possumus & reverenter, ut cum domino; & familiariter, ut cum amico præsentem.

Secundum Medium est Consuetudo, statim, ac evigilamus à somno, convertendi mentem ad DEUM, adorando ipsum aliolq; congruos temporis actus eliciendo; & quantum fieri potest, diligenter procurando: ut tunc tempus Meditationem antecedens pijs circa DEUM actibus transigamus, tum ipsam Meditationem cum omni diligentia absolvamus. Applicatio enim matutina, & serica, mentis ad DEUM & Divina, imprimit animæ, nondum cogitationibus & negotijs alijs præoccupatæ, specialem erga eadem objecta affectum; ut etiam deinceps facile & libenter versetur circa DEUM & Divina. Et hoc est, quod S. P. N. Ignatius dicere solebat: *Horæ surgendi res DEI esse vehementiores.*

Tertium, est Fervor Divini Amoris. Nam quod vehementer amamus, de eo maxime, frequentissimeq; cogitamus, atq; ad ipsum creberrime anhelamus, secundum illud: *Ubi est thesaurus tuus, ibi est & cor tuum.* Experimentia id testatur: possietq; unicum hoc medium abunde sufficere ad assiduam præsentis DEI memoriam. Dirigendi autem sunt actus nostri amoris, laudis, glorificationis, oblationis &c. ad DEUM, non quasi longè distitum, atq; in cælesti Curia residentem, sed ut nobis intimè præsentem.

Kk

Quar-

Quartum est, Actionibus omnibus, saltem præcipuis, per diem occurrentibus, præmittere vivacem & amore plenam Intentionem v. g. *Tibi DEUS! Propter te Domine. Ad gustum tuum DEUS. Amore tui &c.* Illæ autem Intentiones efficaciores sunt ad conjungendos nos DEO, & vivam ejus memoriam tenacius menti imprimendam, quæ versantur circa ardua quædam, & cum aliqua mortificatione conjuncta. Cum enim tunc sit major animæ conatus: etiam vivaciores post se species relinquit.

Deniq; frequens usus Orationum Jaculatoriarum plurimum ad hoc negotium facit. Dum enim per illas crebrè avellitur animus à cæteris cogitationibus & negotiis, atq; in DEUM colligitur: nascitur Habitus agendi & conversandi familiariter cum DEO. Et sic DEUS magno nostro bono, fieri nobis potest intentionaliter præsens, saltem moraliter continuè. Quod enim non nisi modicè interruptitur, pro Continuo moraliter habetur.

FERIA V.

MEDITATIO: De prædicta à CHRISTO Ascensione sua. Joan. 16.

1. **A** Dora DEUM O. M. & considera: æquissimo consilio ipsum ordinasse; ut discipuli Christi, & eorum posteri privarentur ad tempus visibili præsentia ipsius. Ratio ex parte illorum erat 1. Ut majus meritum haberet fides credentium in eum, quem oculi non videbant. 2. Ut scirent: omne bonum spei suæ non in terra, sed in cælo quærendum esse: sperarentq; se eo demum per DEI gratiam secuturos esse quò Caput ipsorum præcessisset. 3. Ut magis defæcetur, seu spiritalior redderetur eorum erga Christum amor. Vix enim ex sensuum illecebris, quantumvis sacris, purus ac verè divinus nascitur amor. Amatur plerumq; certarum personarum familiaritas, non amore DEI aut commodi nostri spiritalis: sed quia species ejus blanditur oculis, sermo demulcet aures, conversatio oblectat animum. Hinc DEUS ablegari voluit ab Abrahamo Ismaelem, à Rebecca Jacobum: ipsi quoq; seni Jacobo subtraxit Josephum. Purga, emunda, exure, ô Domine amores meos: ut privari gaudeam etiam charissimis propter Te.

2. **A** Dora D. JESUM, & considera: quomodo maturè disposuit Apostolos, ut æquanimiter ferrent, corporali ejus præsentia dulcissimè privari. Inprimis à primo die resurrectionis usq; ad Ascensionem, non continuè commorabatur inter illos, quàmvis sibi charissimos: sed per intervalla invisebat; nunc eorum aliquem seorsim, nunc collectos omnes, vel complures; ut sensim assuecerent ipsius convictu carere; & discerent, ij,
quibus

quibus est autoritas disponendi de alijs, præparare subditorum animos ad ordinationes insperatas. Deinde ut illis eximeret errorem, existimantibus, ipsum sibi jam asserturum regnum Israel, & more terrenorum regum dominaturum: opportune, insinuavit; se aliò migraturum: prout in procinctu ad passionem dixerat: *Vado ad eum, qui misit me.* Joan. 16. Cursum consummavi, negotium à Patre commissum confeci; in reliquo reposita est mihi corona Justitiæ in sinu Patris. Præcedam: lequimini. Interim ut filij lucis ambulate, & regno vosmet parate æterno in cælis. Gratiissimo Salvator, accularem infelicitatem nostram, qui in postrema hæc tempora incidimus; quod Te videre, tecumq; conversari nunquam licuerit: nisi Beatos prædicasses oculos, qui non viderunt, & crediderunt. Ah liceat tandem venire in conspectum, & amplexus tuos!

3 **V**ENERARE DEIPARAM V. & considera: incredibilem ejus magnanimitatem: quæ æquè disposita fuit ad fruendum, atq; ad carendum corporali præsentia Filij sui dilectissimi & gloriosissimi. Non possunt matres nostræ ad hoc perfectionis culmen eniti; quas honor & amor filiorum ita adstringit ipsis: ut separatio sit eis morte acerbior. At MARIA altioribus nixa principijs, placitum divinæ voluntatis habebat potius omni solatio, quod ex corporali præsentia Filij capere poterat. Magna es, & non est similis tibi in omni virtute tua, ô Perfectissima Matrum! Fac: ut & ego nemini ita sim mancipatus corde; ut illo carere nolim, si DEUS velit: aut ratio salutis meæ requirat.

Vide igitur: an alicui personæ inordinato & immoderato affectu adhæreas; & mature expedias te ex hoc laqueo.

LECTIO PRACTICA.

De attollendâ sæpe oculus & mente in cælum

MIRUM valde est: hominem, cui Conditor os sublime dedit, cælumq; tueri jussit, & erectos ad sidera tollere vultus (prout etiam gentiles agnoverunt) hominem, inquam, more cæterorum animantium tam pronum esse in terram, & oculos mentemq; illi ita habere immersam: ut rarus sit cæli spectator, & earum, quæ ibi paratæ sunt ei voluptates, planè incurius contemplator. Facilius profectò cor abstraheremus à viliibus & caducis mundi bonis, atq; à scædis voluptatibus carnis: si frequentius & attentius spectaremus atq; consideraremus; quanta bona, quales, calq; æternas, delicias minore labore & sumptu obtinere possumus in cælo. Facilius toleraremus injurias aliq; adversa: si cogitaremus coronas pro ipsis nobis repositas in cælo. Prodesset nobis magis hic aspectus, quam ex

luto & adipe concretis animalibus. Observatum enim est in porcis; quod, dum læsi, horrendis clamoribus omnia implent, si ponantur in tergum fupini, ore cælum versus porrecto, confestim clamare desinant.

Quando in Lavacro Regenerationis renati sumus, jus acquisivimus Civitatis Sanctæ, supernæ Jerusalem, & Terra viventium sine morte, labore, atq; ætterna, facta est Patria nostra. Characteris baptismali initiati sumus Cives cæli, teste Apostolo Ephes. 2. *Jam non estis hospites & advenæ, sed estis Cives Sanctorum & domestici DEI.* Cur ergo, præter morem viatorum, tam raro nos convertimus, & respicimus Patriam illam nostram, tam splendidam tam beatam? Ingens ibi nos charorum numerus expectat, inestimabiles repositæ sunt divitiæ; perennibus & corporis & animi voluptatibus affluit regio illa: cur hanc miseriarum vallem tantopere amamus? cur in illa sedes figimus, tanquam migraturi nunquam?

Nobilis Germanus prædives Gerardus à Kampis, unus è mundi civibus & amicis, magnis sumptibus, singulari arte & elegantia, construxerat sibi palatium in loco amœnissimo, illudq; omni genere deliciarum impleverat. Convocavit ergo ad solemne epulum amicos suos, omnemq; vicinam nobilitatem, encœnia celebraturus. Monstravit hospitibus palatii magnificentiam, splendorem, commoditates, situm amœnissimum atq; opportunissimū, aquarum præterfluentium, hortarum circumjacentium speciem lætissimam; nec occultavit thesauros sua & majorum industriæ atq; labore collectos; spulum dedit regale, Musicam prope cælestem. In medio gaudiorum dissimulare non potuit vanitatem suam. Quærit ergo ex convivis: quid placeat hic Paradisus? Num aliquid deesse putent ad amœnitatem, elegantiam, & voluptatem illius Paradisi, in quo positi fuerunt protoparentes? An non hic vita duci possit omnino beata? Annuerunt faciles convivæ, omnia prolixè & magnificè, prout Patremfam: velle noverant, colaudantes. Unus tamen quispiam confidentiâ majore usus, omnia sibi perplacere dixit, præter unum quiddam, ipsi domus hero non leviter incommodum. Rogat iste: quid istud? Foramen unum omnino occludendum esse; ut tam nobile palatium omnibus numeris absolvatur: respondit alter. Quod foramen? Ostium domus, inquit, per quod te paulò post efferent in arctum & tenebrosum tumultum ex aula tam splendida. Largo cachinno exceperunt omnes ingeniosum jocum. At herus sensit sibi vitalia tacta. Et quàmvis tunc dissimulârit vulnus; non tamen illi mederi potuit, nisi in domo religiosa, cui relicto mundo cum omni pompa & voluptate sua, se ineluserit, Christum pauperem secutus. *Lohner: in Biblioth. Man:*

Merito

FERIA VI.

259

Merito S. Martinus, in supremo morbo admonitus, ne se fatigaret oculis semper in cælum intentus: *Sinite*, inquiebat, *me potius cælum, quam terram aspicere*. Ibi thesaurus meus indeficiens, ibi voluptas sine mœrore, gaudium sine dolore, vita sine morte: Ibi est, quidquid volumus; non est, quidquid nolumus. O cœlestis Hierusalem! O quando te, mea patria possidebo! Non raro exclamabat S. P. N. Ignatius: *O quam mihi sordes terra, dum cælum cogito! Quid principum palatia cœlestibus comparata, nisi agrestium mapalia? Quid amplissima regna, nisi tripalmæ arcolæ, non tam floribus confitz, quam vepribus horridæ? Quid terrestres deliciæ, nisi dulcia venena? Quid opes & honores, nisi vanissima vanitas? Et tamen tam magni sit hæc vanitas, tam dulcis est mundi fumus, tam pretiosum est lutum terræ, tam charum hoc exilium: ut cœlestis patriæ fere nullo, aut exiguo te neamur desiderio. O curvæ in terras animæ, & cœlestium inanes! exprobrat Christianis ethnicus pœta. Sursum oculos! Sursum cor, sursum amorem, sursum spem: monet Augustinus. Quid amas caro mea? Quid desideras anima mea? Ibi est, quidquid amaris, & desideraris: inquit Anselmus Profolog. c. 23.*

FERIA VI.

MEDITATIO: De Modico videndi & non videndi Christum. Joan. 16.

1. **A** DORA DEUM O. M. & considera: ipsi secundum Magnitudinem seu Immensitatem, & Æternitatem suam confideto, non nisi modicum, modicissimum, imò nihil esse omnia temporalia. De Temporibus, quæ continuo fluxu nobis dies, annos, & sæcula constituunt, dicit facer Psalter Psal. 89. *Quoniam nullo anni ante oculos tuos tanquam dies besterna quæ præterijt*. Satis modicum dixerat, comparando tot annos cum una die; at ubi adiecit: *tanquam dies besterna, quæ præterijt*; jam illud ipsum modicum evanuisse, in nihilum, ostendit. De magnitudine nationum & multitudine gentium testatur Isaias c. 40. *Eccæ gentes quasi stilla sunt, & quasi momentum statera reputatæ sunt: ecce insulæ quasi pulvis exiguum. Omnes gentes, quasi non sint, sic sunt coram eo, & quasi nihilum & inane reputatæ sunt ei*. Quid ergo inflamur misera puncta? quid dilatamus fundos & phylacteria inanissimum nihil? Tanti sumus coram DEO, quantos nos virtus facit, præsertim Humilitas. Hac, da, ut crescam coram Te Magne DEUS.

2. **A** DORA D. JESUM, & considera illa ejus verba Joan. 16. *Modicum, & jam non videbitis me: & iterum modicum, & videbitis me*, dicta ad discipulos post ultimam cœnam ante passionem, duplicem habere sensum.

Posunt enim intelligi 1. de tempore intercedente ab ea hora, qua Dominus cum discipulis loquebatur, usq; ad mortem ipsius in cruce; quod paucarum horarum tempus fuit, adeoq; modicum. Post hoc illud sequebatur modicum, scilicet triduum non integrum in sepulchro; post quod discipulis redivivus apparuit, eosq; ineffabili gaudio implevit. 2. Intelligi potest de toto tempore, quo tam ante, quam post resurrectionem conversaturus erat cum Apostolis usq; ad Ascensionem; quod fuit 40 aliquot dierum: deinde de tempore manaturo ab Ascensione usq; ad diem Judicii extremi, quo non solum ab Apostolis sed omnibus hominibus videbitur. Utrumq; tempus modicum vocat Dominus, quamvis posterius hoc jam sedecim sæcula excedat. Nimirum modicum est respectu sæculorum, quæ antecesserunt, modicum respectu felicitis & infelicitis æternitatis, modicum respectu laborum & dolorum tolerandorum pro consecutione vitæ & gloriæ æternæ. O Sapientia æterna illumina me: ut plenè intelligam hoc Modicum, & illud rectè impendam & impleam: ne vivam vacuos dies & annos!

3. **V**enerare DEI param V. & considera: non solum temporalia omnia ipsi semper visa esse Modicum & nihil: sed etiam ipsammet, quantumvis Maximam coram Domino; in oculis tamen suis fuisse minimam, modicum, nihil. Non solum ancillam Domini se dixit, dum eligeretur in Matrem; sed jam plena DEO, non dubitavit ancillam agere Elisabethæ, inserviando debili à partu, & ante partum. Certè dum magnificavit Dominum, quod respexisset humilitatem ancillæ suæ; non de vulgari quadam humilitate loquebatur, sed qua se credebatur minimam, modicum, nihil; pro ut etiam alij quidam eximij Sancti soliti sunt de se sentire. Cum igitur DEO, J. & M. temporalia omnia Modicum sint & nihil: necesse est ea verè talia esse, adeoq; parvis; imò nihili facienda etiam à nobis. Doce me, ô Domina hoc modicum, quod non capit sapientia mundi, nec quilibet etiam è probis.

Vide deniq;: quos habeas de rebus temporalibus ac te ipso sensus; & nimios fugere propone.

LECTIO PRACTICA.

De Modico & Misero mundanorum gaudio.

Qui gaudia sua non quærunt in Christo, sed in mundo & pompa atq; voluptate ejus: valde Modicum, & hoc ipsum miserum, inveniunt gaudium. Modicum est 1. quia modico tempore durat. *Modicum est hoc totum spatium, quod præsens pervolat sæculum:* ait August. tr. 101. in Joan: *Unde dicit idem Evangelista ep. 1. c. 2. Novissima hora est.* 2. Modicum est: quia

quia ex rebus modicis, vanis & fluxis nascitur. 3. Modicum est: quia multis adversis, varioq; luctu interruptitur & corrumpitur: ut merito Job 20. dicatur *Gaudium hypocritæ* (qualis est omnis mundanus speciem præferens Christiani aut Religiosi) *ad instar puncti*. Si ascenderit ad cælum superbia ejus, & caput ejus nubes iterigerit: quasi sterquilinum in fine perdetur: & qui eum viderant, dicent: *Ubi est?* Velut somnium avolans non invenietur: transiet sicut visio nocturna, cum omni gloria, voluptate, & lætitia sua.

Egregium hujus veritatis & vanitatis exemplum datum est Londini sub Elisabetha regina. Solebant in Anglia Londini dies Christo nascenti & Epiphaniæ interjecti, chorearum, musices, ludorum, & comædiarum apparatu incredibili celebrari. Instituenti festi, & sumptuum cura penes illū erat, cui præ cæteris demandare illam Reginæ placuisset. Incidit in Thomam Pondo anno 1569. sibiq; plurimum gratulatus est juvenis; quod & in sumptu faciendo videri gauderet splendidus, & quod arte saltandi, & elegantia corporis, parem aula haberet neminem. Ejus specimen artis & magisterium editurus, saltationis elegit formam, quæ in sustentando corpore unius pedis extremis articulis versatur, & nihilominus circumagendo illud varijs innumerisq; gyris, mira agilitate & firmitate. Saltavit Thomas tam eleganter, tamq; doctè mimum versatilem egit: ut ei tota acclamaret & applauderet scena, imò ipsa regina nuda manu (præmio saltationis valde raro & eximio) manum ejus apprehenderet, & galerum Comitissæ Leicestriensis operiendo capiti sudanti mitteret. Deniq; post quædam interludia à Thomæ iterari saltum voluit. Non capiebat suos honores, plausus & gaudia Thomas. Ergo alacer in pedis articulos erigitur, gyrosq; suos stupente & plaudente scena, multiplicat: sed in medio saltus & plausus, confundente oculos vertigine capitis, dum se rotat, toto corpore humi sternitur. Exoritur risus largissimus, & saltator non minore sannarum sibilo exploditur, quàm antè exceptus fuerat plausu. Ipsa regina indignans dedecoratam festi lætitiā, insultat jacenti, & *Surge bos*, inquit. Pupugit generosum animum crassus sarcasmus, & turpis lapsus tam alto, sed felici vulnere: ut mox aulam & urbem, ac deniq; mundum reliquerit cum vanissimis plausibus, & brevissimis gaudijs suis; atq; in JESU Societatem se receperit, solidiora inventurus gaudia & præmia certiora. *Baroli p. 1. Histor. Europ. lib. 1. c. 4.*

Simili eventu sapere, & mundanæ lætitiæ atq; pompæ vanitatem agnoscere doctus est Petrus Confalvus nobilis Hispanus, mundi tripudijs & fastui plus æquo deditus. Cum enim die quadam equo splendide superbedq; vectus,

rectus, totam urbem cum suis æqualibus obiret, sibiq; mirifice placeret; accidit; ut à jumento lasciviente in profundum latum excuteretur; ex quo cœnosus extractus, à puerorum circumfuso grege & accurrente plebe prociacibus fannis ac risibus liberaliter exceptus, vehementer confusus fuit, sibiq; iratus. Mox non sine stomacho, Quandoquidem, inquit, ô Munde sic à te tractor, cui tam gnaviter servivi: ego quoq; vicissim te pro meritis tractabo. Terga igitur ei per contemptum vertit; & Christo famulanti- bus sese addixit. *Plauti lib. 3. c. ult. de Bono Relig.*

Non solum igitur modicum, verum & valde miserum est mundi gaudiū: quia dedecore ac luctu terminatur plerumq;. Benè Bernardus Serm. 1. de Diversis: *Gaudent in cibis, gaudent in pompis, gaudent in divitijs, gaudent & in vitijs homines: sed luctus extrema occupat ejusmodi gaudiorum, eò quod gaudium in materia convertibili, mutari necesse sit, re mutata.* Illustrat id ardente cereo, qui vel affusa aqua, vel deficiente materia lumen amittit & extingvitur. *Sicut ergo flamme illius novissima fumus occupat & caligo: sic lætitia lætæ rei in tristitiam commutatur.* Et serm. 18. de Divers. tractans locum Apostoli Rom. 14. Non est regnum DEI esca & potus, sed justitia & pax, & Gaudium in Spiritu S. Quid ad hec, inquit, dicitis, ô gulosi & luxuriosi, quorum DEUS venter est, quorum omnis usus, & voluptas aut in ventre, aut sub ventre est? qui, ut ait Apostolus, fac: 5. In luxurijs enervistis corda vestra? Audite, audite! Quia esca veniri, & venter escis: DEUS autem & hunc, & has destruet. 2. Cor. 6. & evanescet voluptas & gaudium vestrum, succedente luctu, utinam non æterno. Corda igitur nostra, præsertim Spiritualium & Religiosorum, ad alia, sinceriora & solidiora anhelare decet gaudia.

SABBATO.

MEDITATIO: *De luctu discipulorum Christi convertendo in gaudium.*
Joan. 16.

I. **A**Dora DEUM O. M. & considera: eum perpetuis conversionibus tam naturalibus quam moralibus, agitare & gubernare mundum. In naturalibus continua est rerum generatio & corruptio, ortus & occasus, nubilum & serenum. In moralibus quoq; assiduo alternant gaudium & tristitia, risus & fletus, ascensus & descensus, honor & ignominia, voluptas & dolor. Neminem inveneris perpetuo miserum, & sine omni voluptate. Unde, ut advertit D. Hieronymus ep. 34. ad Julianum: *Difficile, imò impossibile est (moraliter) ut & presentibus quis & futuris fruatur bonis;*

bonū; ut & hic venirem, & ibi mererem impleri; ut de delicijs transeat ad delicias; ut in utroq; sæculo primus sit. Statutum est æterna lege: ut novissimi fiant primi, & primi novissimi: ut esurientes impleantur bonis, & divites dimittantur inanes. Quid ergo querimus, de rerum & fortunæ vicissitudinibus. Tua hæc est prærogativa, Magne DEUS: ut immotus omnia moveas: me ad omnem fortunam decet esse paratum.

2. **A** Dora D. JESUM, & considera: quomodo, postquam prædixerat discipulis Joan. 16. *Amen, amen dico vobis: quia plorabitis & flebitis vos, mundus autem gaudebit: illico subjunxit: sed tristitia vestra convertetur in gaudium.* Plorant nimirum discipuli tempore passionis & mortis Christi; exultant autem impij, quod eum & vivis sustulissent: sed versa est scena post triduum. Resurgente Domino tristitia discipulorū versa est in gaudium; gaudium autem impiorum Deicidarum versum est in confusionem. Sic etiam deinceps vita Apostolorum aliorumq; fidelium plena fuit & est, ærumnarum, laborum & dolorum, ducentibus impijs in bonis dies suos: at certo certius veniet conversio, quam prænunciavit etiam per Isaiam DEUS c. 65. *Ecce servi mei comedent, & vos esurietis: ecce servi mei bibent, & vos sitietis: ecce servi mei letabuntur, & vos confundemini: ecce servi mei laudabunt præ exultatione cordis; & vos clamabitis præ dolore cordis, & præ contritione spiritus ululabitis.* Elige jam anima mea, quibus accendi velis in hac vita. Memento autem; quod gaudium hypocrisis (qualis est omnis mundanus) sit adinstar puncti. Job. 20. gaudium autem justorum sine termino. Benedictus JESUS, qui nobis convertet luctum nostrum in gaudium, quod nemo tollet à nobis.

3. **V**enerare DEIpam V. & considera ipsam, ut veram nostræ lætitiæ Causam. Quam enim capimus ex nostra Redemptione & Justificatione lætitiā, ipsi quoq; debemus: cum ex ipsa tanquam virgine terra, & nulli maledicto obnoxia, prodierit Fons ille gratiarum omnium & totius benedictionis, lætificans faciem universæ terræ, Gratosissimus JESUS. Quærat mundus sua gaudia in vineis & theatris, in epulis, & commessionibus: ego autem gaudebo in DEO JESU meo, & MARIA Matre ejus. MARIA meum gaudium, terræ delictum!

Proprium v. g. de moderando excessu tam lætitiæ, quàm tristitiæ.

LECTIO PRACTICA.

De Gaudio justorum verò, solido, & pleno.

VERUM est justorum Gaudium: quia capitur ex bonis veris, scilicet Conscientiā bonā, actibus virtuosis, Christo, & Spiritu Sancto. Si

est gaudium in mundo: hoc utiq; possides pari cordis homo: ait Kempensis lib. 2. de Imit. c. 4. & c. 6. Habe bonam conscientiam, & habebis semper letitiam. Noli letari, nisi cum bene feceris. Justorum letitia de DEO, & in DEO est, & gaudium eorum de Veritate. Et Bernardus in serm: Illud est verum ac summum gaudium, quod non de creatura, sed de Creatore concipitur: quod cum acceperis, nemo tollet à te; cui aliunde comparata omnis jucunditas maror est, omnis suavititas dolor est, omne dulce amarum est, omne pulchrum fadum est, omne postremo, quod delectare potest, molestum est.

S. Augustinus in Psal. 102. cum excitasset animam; Bonum tuum quære, ô Anima: Quære tuum bonum, hoc est Summum Bonum; subdit: Sunt & inferiora bona, quæ alijs & alijs bona sunt. Pecori quid bonum est, nisi implere ventrem, carere indigentia, dormire, gestire, vivere, sanum esse, generare? Tale tu bonum quæris, coheres Christi? Quid gaudes, quia socius es pecoris? Erige spem tuam ad DEUM, Bonum omnium, Bonum verissimum & merissimum. Inde verum & merum gaudium; non autem à vanitatibus & insanijs falsis.

SOLIDUM est justorum gaudium: tum quia in veritate, quæ manet in æternum (Psal. 116.) fundatū est; tum quia homini invito, & nisi à susceptha Justitia deficiat, tolli non potest. Gaudium vestrum nemo tollet à vobis. Joan. 16. Gaudent filij hujus sæculi in divitijs: sed gaudium illorum tollunt fures & exactores. Gaudent de corporis sanitate: sed gaudium hoc quævis tollit febricula. Gaudent de honoribus & gloriosa fama: sed & hoc gaudium vel unicum tollit conviciū, & æmulus quivis. Unde Lucilium suū monet Stoicus ep. 23. ad Lucil: Hoc ante omnia fac: discere gaudere. Ad summam pervenit, qui scit, quo gaudeat. Secure gaudet, qui gaudium in DEO quærit. Et Augustinus serm. 30. de Sanctis: Scimus Fratres quod omnis homo gaudere desiderat: sed non omnes ibi quærun gaudium, ubi oportet inquiri. — Qui vult gaudere de se, tristis est; qui autem de DEO gaudere vult, semper gaudebit: quia DEUS sempiternus est. Unde S. Deicola Abbas semper erat facie læta, & subridente. Causam rogatus, dixit: quia DEUM à me nemo tollere potest. In vitis PP. Generosè S. Cyprianus ad Demetrian: Viget apud nos spei robur, & firmitas fidei; & inter ipsas sæculi labentis ruinas erecta mens est, & immobilis virtus, & nunquā non læta patientia, & de DEO suo semper anima secunda.

PLENUM quoq; est Gaudium justorum (scilicet ea, quàm status hujus vitæ patitur plenitudine) tum quia iusta eorum desideria liberaliter implet Dominus; tum quia liquidissimis & cœlestibus solatijs eorum animos ita implet: ut angustia cordis illa capere non possint & in faciem ipsam redundent, eamq; cœlesti quadam lætitia serenent. Hinc S. Ephrem idem

DOMINICA V. post Pascha.

268

idem exclamabat: *Recede à me Domine parumper: quoniam vas huius infirmitas tantam jucunditatem amplius ferre non potest.* S. Philippus Neri: *Sat est, bone DEUS, sat est. Contine, quæso, contine, undas gratiæ tuæ; jam enim sustinere non possum.* Unde humi stratus huc illucve instar ebrij volutabatur. S. Bernardus tanta semper lætitia affluebat: ut ea non modicum ei injece- rit scrupulum; siquidem videbat, jucundiores longe se agere vitam, quam si in mundo vixisset, omnigena affluens voluptate. S. Scholastica redundans cælestibus Gaudijs dicere solebat: Si dulcedo, quam DEUS in occulto in- fundit cordibus fervorum suorum, cognita esset mundo; claustra non cape- rent eos, qui DEO servire vellent.

Verum hæc lætitia, quam eximij Sancti ubertim capiunt ex cella vinaria Regis regum, paucorum est: illa communis iustorum (præsertim eorum qui se totos divino servitio addixerunt) & sufficientissima ad implenda corda animosq; ipsorum: quod scilicet excussio diaboli & mundi jugo, DEO vi- vant. Unde S. Franciscus Seraphicus, si quempiam subtristem conspexisset, acriter eum objurgabat, dicens: Oportet eos, qui mundo, carni, dæmo- ni, non vero DEO serviunt, esse tristes: non autem Fratrem Minorem. S. P. N. Ignatius ut semper ipse lætus erat, ita suos ad similem lætitiā excitabat, dicere solitus: Non minus miraculum censendū esse, deprehen- dere mœstum religiosum, qui nihil quærat, nisi DEUM; quam deprehen- dere lætum aliquem, qui omnia alia quærit, præter DEUM. Cum autem Franciscus Costerus adhuc tyro ad risum mirè proclivis esset; S. Ignatius ei dixit: Franciscus, audio, te semper ridere. Confusus juvenis acrem expe- ctabat objurgationem. At Ignatius: *Et ego dico tibi, Fili mi, ut rideas, & gaud- eas in Domino: quia Religiosus nullas causas mœstitiæ, multas verò lætitiæ habet.*

Proinde, Gaudens gaudebo in Domino, & exultabit anima mea in DEO meo: quia induit me vestimentis salutis, & indumento justitiæ circumdedit me, quasi Sponsam decoratum coronâ, & quasi Sponsam ornatam monili- bus suis. *Isaie c. 61. v. 9.*

DOMINICA V. POST PASCHA.

MEDITATIO: *De promptitudine DEI, JESU & MARIE ad exau- diendas preces nostras.*

I. **A** Dora DEUM O. M. & considera: quàm promptus sit ad donâ sua nobis conferenda, tum ex essentiali exuberante Bonitate sua, qua oriri facit solem suum super justos & injustos, & effundit fontes Li- beralitatis suæ super fructuosam & reprobam terram; tum ex speciali cha-

ritatis affectu, quo amat amantes Christum, Filium suum. *Non dico vobis*, inquit, Christus commendans liberalissimam charitatem Patris sui, Joan. 16. *quia ego rogabo Patrem de vobis: ipse enim Pater amat vos, quia vos me amastis, & credidistis; quia ego à DEO exivi.* En speciale fortissimumq; motivum erga nos amoris: *Quia vos me amastis, & credidistis.* Quid non speremus à Patre; si in Filium ipsi super omnia charum, & verè credimus, & eundem sincerè amamus? Quid verò speremus: si parum nos tangit Christi amor & honor: ne dicam, si injuri sumus in Christum? O DEUS infinitæ dilectionis, accende in frigido hoc pectore ignem tui, & Filij tui amoris!

2. **A** Dora D. JESUM & considera: quòd quàmvis luculenter declaraverit summam Patris sui in nos propensionem ac benevolentiam: tamen ad obtinenda celerius quæ nobis necessaria vel utilia cognoscimus, voluerit ut petamus: *Petite, & accipietis.* Ut verò efficacior sit oratio: dignatus est præcibere formam, quam teneamus orantes, promissitq; ei certum effectum; *Amen Amen dico vobis: si quid petieritis Patrem in nomine meo; dabit vobis.* Id est; si petieritis *per me & merita mea.* Vult igitur Dominus: ut petendo aliquid à DEO, allegemus seu proponamus ipsi Dignitatem & Merita ejus, labores, dolores, passionem, vulnera & mortem: quæ cum sint pretiosissima in conspectu DEI, imò valoris simpliciter infiniti; efficacissima sunt ad impetrandum quidvis; modò id, quod petimus, non officiat salutari, aut majori bono nostro spirituali. Hinc Ecclesia omnes orationes suas concludit solemnibus illa clausula: *Per Dominum nostrum JESUM Christum &c.* Vide, quàm certam & facilem impetrandi methodum nobis reliquerit Amantissimus nostri Salvator: cur ergo tam parum impetramus? In nobis certè debet esse causa. Immortales tibi ago gratias, Gratiofissime JESU, pro ea instructione: consumma gratiam tuam, & da: ut rite petam.

3. **V**enerare DEIparam V. & considera: etiam ipsius Nomen allegatum coram DEO in orationibus nostris, esse efficacissimum ad facile impetrandum. Est enim magnum & gratiosissimum apud DEUM: & Christus, ut gratificetur Matri, habeatq; occasionem liberalius remunerandi ejus in se merita; pronissima aure excipit preces, quibus petimus aliquid per MARIAM. Humanior est in Matrem suam JESUS, quàm Salomôn. Ipsa quoq; DEIpara V. honori sibi ducit, quòd per ipsam petamus: est enim talis oratio, gratiæ & auctoritatis, quàm habet apud DEUM, contestatio. Patieris igitur, ô Gratiofissima: ut & ego, licet vilissimus servorum tuorum, magno & amabilissimo Nomine tuo, indignis precibus meis conciliè pondus & gratiam.

Vide

Vide proinde: an, & quomodo in precibus tuis interponas nomen Christi & Mariæ ejus? Propone majorem diligentiam, præsertim sequenti triduo Rogationum.

LECTIO PRACTICA.

De Orationis Excellentia & Necessitate.

Cum residui dies, gloriosam Domini Ascensionem præcedentes, *Rogationum* nomine veniant; quod Ecclesia Christi orationi, publicisq; supplicationibus, nunc magis sit intenta: opportunū erit; ut etiam privatus quisq; se excitet ad accuratius & ferventius Orationis sanctæ studiū. Quod non gravati assumemus, si nos super Excellentiam & Necessitatem ejus reflexerimus.

Excellentia Orationis intelligitur imprimis ex ejus Natura & descriptione. A S. Gregorio Nysseno Orat. 1. dicitur *Conversatio, sermocinatioq; cum DEO*. A Chrylostomo in Gen: hom: 30. & lib. 1. de orando DEUM: *Colloquium cum DEO*, S. Augustinus in Psal. 85. *Oratio tua, ait, est Locutio ad DEUM. Quando legis; DEUS tibi loquitur: quando oras, cum DEO loqueris*. Nimirum Oratio, de qua hic agimus, est Colloquium, quod instituimus cum DEO, humiliter & reverenter ei proponendo necessitates nostras, petendo necessarias gratias & subsidia, gratias agendo pro acceptis, & Divinam ejus Bonitatem atq; Majestatem laudando super omnia. *Quis verò non obstupescat, & admiretur tantam benevolentiam DEI erga nos: ut mortalibus sanum honoris largiatur, & dignos habuerit, qui cum ipso colloquamur, nostraq; vota apud ipsum deponamus?* inquit Chrylostomus lib. cit: Si Angelorum aliquem constituisset DEUS, ad quem solum in necessitatibus nostris recurreremus: satis beneficij & honoris præstitisset. At nunc cuilibet, etiam mendicabulo vilissimo licet immediate ad ipsum accedere Dominum tremendæ Majestatis, & familiare cum ipso miscere colloquium. Magnus honor est, ait Bellovacensis in spec: dist: 32. loqui frequenter cum magno aliquo principe, major cum Rege, multo fortius cum Rege regum. Magna est Orationis Dignitas: quia ipse DEUS, & tota Curia cælestis intenta est audire orationes nostras, & delectatur in eis.

Et hoc est alterum caput, ex quo intelligere licet Excellentiam Orationis: quod scilicet DEUS Opt: Max: & tota cælestis curia illā mirifice delectetur. Unde in sacris Literis comparatur Thymiamati, quod est mixtio ex thure alijsq; fragrantissimis speciebus, suavissime demulcens & recreans olfactum hominis. Apoc: 8. cap: vilus est Angelus ante altare, habens thuribulum aureum in manu sua; dataq; sunt ei incensa multa (quæ ibid. dicuntur fuisse Orationes Sanctorum) ut adoleret ea in conspectu Domini.

Similiter cap. 5. Viginti quatuor Seniores visi sunt habentes singuli citharas, & phialas aureas, plenas odoramentorum, quæ sunt Orationes Sanctorum. Angeli ergo, aliq; Sancti DEI, imò principes Sanctorum, officiosissime & reverentissime humiles & attentas preces nostras deferunt ad summam illam Majestatem, suasq; jungunt nostris. Unde meritò Augustinus. tract. de miserie. tom. 10. Quid est Oratione præclarius, quid viæ nostræ utilis, quid animo dulcius, quid in tota nostra Religione sublimius? Et Gregorius Nyss: de Orat. Dom: Nihil ex hu, quæ per hanc viam coluntur, & in pretio sunt, Orationi præstat.

Utilitatem, imò Necessitatem Orationis gravissimo sententiarum pondere proponunt SS. Patres, & Ascetæ omnes. Unus sit pro multis, S. Chrysostomus lib. de Oran: DEO: Arbitror, inquit, cunctis esse manifestum; quòd simpliciter impossibile sit, absq; precationis præsidio cum viriute degere, & viæ hujus cursum peragere. Etenim quæ fiat: ut viriutem quis exerceat, nisi continenter supplex ad genua accidat ei, qui viriutem omnem largitur? Et iterum: Cum viderò quempiam, non amantem orandi studium, nec hujus rei fervida vehementiq; curâ teneri: continuo mihi palam est; eum nihil egregie dotis possidere. Quid exaggeratius dici potest? Addit tamen: Et quisquis non orat DEUM (scilicet frequenter & ferventer) nec divino colloquio cupit assidue frui: is mortuus est, & viam carens, expersq; sanæ mentis. Nam hoc ipsum est evidentissimum amentie argumentum: non intelligere magnitudinem honoris hujus, nec amare deprecandi studium. S. Franciscus Seraph: dicebat: Gratia Orationis viro Religioso maximè desideranda est. Nullus enim sine ea in DEI servitio fructus sperari potest. Et S. Bonaventura de progressu relig: c. 7. sine Orationis studio omnis Religio est arida, imperfecta, & ad ruinam promptior.

Fundantur hæc in Oraculis Divinis: Vigilare & Orare; ne intretis in tentationem. Matt: 26. Orate pro invicem, ut salvemini: multum enim vales deprecatio justis assidua. Jac: 5. Petite, & dabitur vobis: quærite & invenietis: pulsate & aperietur vobis. Matt. 7. quasi diceret: si non petieritis, non dabitur: si non quæsieritis, non invenietis; si non pulsaveritis, non aperietur vobis. Nam, ut docet S. Thomas 2. 2. q. 88. art. 2. post D. Damasc: August: Basil: Chrysost: Gregor: æternâ Providentiâ ita dispositum est: ut sicut genus humanum non multiplicatur sine matrimonio; terra non nisi arata & culta panem fert & vinum; sic plerq; gratiæ, & necessaria nobis subsidia non obtineantur sine Oratione, eaq; humili & fervente.

FERIA II.

MEDITATIO: De impedimentis quibundam fructuose Orationis.

I. Adora

1. **A** Dora DEUM O. M. & considera causas ex parte nostra, ob quas pronissimus ex se in vota nostra, sæpe non exaudit preces nostras, etiam multiplicatas. Reduci possunt ad duo capita: quod nimirum vel petamus id, quod non expedit, ut impetremus; vel non petamus eo modo, quo oportet. Non expedit, ut impetremus: si id quod petimus officit salutis nostræ, vel majori bono nostro spirituali, aut gloriæ Divinæ. Sic Paulum non expediebat liberari à stimulo carnis molestissimo ob maiorem ejus humilitatem, & inter frequentes pugnas gloriosiores victorias. 2. Cor. 12. ideoq; solum audit post ferventes & iteratas preces: *Sufficit tibi gratia mea.* Non oramus eo, quo oportet, modo: si non simus amici DEI, sed potius hostes ob statum peccati mortalis; si non habeamus fidem & spem firmam impetrandi; si non oramus humiliter, reverenter & perseveranter; si ipsi non adhibeamus ea, quæ ex parte nostra requiruntur ad effectum, quem petimus. Desines mirari; cur parum aut nihil impetres: ubi hæc accuratè expendaris. Tu ô Benignissime DEUS, qui lingvas infantium facis esse disertas, mentem & linguam meam erudias; ut ritè & efficaciter petam. Parce de festibus meis.

2. **A** Dora D. JESUM & considera: ipsum voluisse Joan: 16. ut Apostoli varia dona cælestia sibi peterent ad complendum gaudium suum. *Petite & accipietis: ut gaudium vestrum sit plenum.* Concepturi erant animis ingens gaudium ex resurrectione & gloria Christi: sed gaudium corû plenum esse non poterat, si non obtinerent cælitus dona salutis æternæ, & perfectioni suæ, statuiq; suo congruentia & necessaria. Quomodo enim plenè gaudeat, cui multa, magna, & necessaria desunt? Sic & nostrum gaudium, quod ex fide & spe in Christû, concipimus, plenum esse non potest; si destituamur gratijs seu donis cælestibus, salutis, perfectioni, muneri & statui nostro necessarijs. Quia igitur plerumq; ijs tantum petendis, quæ ad temporalem felicitatem nostram pertinent, intenti sumus, neglectis spiritualibus & æternis; fit, ut etiam ex illis parum aut nihil impetremus. Ad ea igitur impetranda, his potissimum diebus, communibus studijs convertamur: quæ gaudium nostrum plenum facere possunt in statu præsentis & futuræ vitæ. Memore est promissi sui Dominus: *Petite, & accipietis*; solum ipsi non desimus nobis. Suspicio plenissima charitatis tuæ viscera, Grati-
osissime JESU; qui nos non solum gaudere, sed plenè gaudere, etiam in hac lacrymarum valle, desideras. Sed unde vel stilla una liquidi, veri-
q; gaudiij perfundar, nisi ex fontibus Salvatoris? Hos aperi mihi: & gaudens gaudebo in Te, JESU meo.

3. **V**ENERARE DEI param V. & considera: ipsam quod; sæpe non exaudivit preces nostras; imò ipsas etiam Imagines ejus ex ligno & lapide formatas, visas esse avertisse vultum ab orantibus, vel solito a posteriore exhibuisse, tum ex causis puncto 1. indicatis; tum ob ingratitudinem pro acceptis jam beneficijs, aut ob inveteratam peccandi consuetudinem, aut obstinatum in malo aliquo proposito animum, vel superinam in cultu suo negligentiam. Instruamus, ut oportet, chordas psalterij Mariani; & non deerunt nobis benevolæ aures ejus.

Inspecte conscientiam tuam, & vide; quid potissimum alienet à precibus tuis aures & cor DEI, JESU & MARIE: atq; ejicere quancumq; stude.

LECTIO PRACTICA.

De Requisitis quibusdam ad fructuosam Orationem,

1. **P**Ræmittenda orationi prolixiori, præsertim quæ sit ex obligatione, *Preparatio congrua:* juxta illud Eccl. 18. *Ante orationem prepara animam tuam: & noli esse quasi homo tenans DEUM.* Ut enim locuturus cum principe præsertim de negotijs magni momenti, non raptim & tumultuariè accedit, sed bene meditatus, & diligenter ordinatis dicendis: sic à potiori cum DEO asturus de negotio salutis suæ, & varijs; ipsq; pretiosis gratijs impetrandis, congruam præparationem præmittat. Quæ potissimum in 3. consistit. 1. In remotione impedimentorum, de quibus sup: in Medit: 2. In collectione animi, & conveniente corporis compositione. 3. In imploratione gratiæ Spiritus Sancti ad rite orandum necessariæ. Unde Ecclesia S. Canonicis divini officij horis semper præmittit: *DEUS in adiutorium meum intende &c.* Quæ imploratio divini auxilij non tam ad alia negotia, quam ad hic & nunc instituendam orationem dirigitur. Proinde singulari animi recollectione, & fervore verba illa sunt pronuncianda. S. Franciscus Xaverius singulis illis Horis insuper præmittebat Hymnum *Veni S. Spiritus &c.* tanto animi vigore: ut ei cor exilire, & facies ardere videretur. P. Paschasius Broet, unus è decem primis Patribus Societatis: eo fervore ac æstu mentis se componebat ad persolvendas Divini Officij preces: ut caput ei planè fumaret. Audiverunt nimirum isti, & similes alij, Psalmographum canentem Psal. 10. *Preparationem cordis eorum audivit auris tua.* Hinc Veteres PP. merito monebant: Quales orantes volumus inveniri; tales ante orationem esse studeamus.

2. Orandum cum magna humilitate & reverentia. Quibus dotibus cum instructa fuerit Publicani Evangelici oratio, caruerit autem Pharisei; descendit ille in domum suam justificatus præiis. *Oratio humiliumis se nubes*
pene-

penetrabit: & donec propinquet, non consolabitur: & non discedet, donec Altissimus aspicat. Eccli: 33. *Pro reverentia accedes tibi bona gratia.* Eccli: 32. Hinc è Societate nostra PP. Ludovicus Maignet, & Petrus Claverus ad orandum se componebant fune pendulo de collo: insuper Ludovico familiare fuit, crebrò terram lambere, instar miseri canis, ut aiebat: P. Petrus etià coronam spineam capiti imponebat. P. Jacobus Miro oraturus sic DEUM præsentem reverebatur; ut in angulum cubiculi se se reciperet, vel sub mensam sterneret, quasi non præsumens coram tanta Majestate comparere. In Imperio Sinenfi cùm quidam è Magnatibus, Imperatoris cognatus, adverteretur à Christianis alienissimus, rogatus est: ut non gravaretur aliquando observare curiosius orantem P. Stephanum Fabrum, virum inter majora Indici Apostolatus exempla ponendum. Vidit ergo ille quadam nocte, nungente cœlo, P. Stephanum sub dio prolixè orantem ea corporis compositione, eo mentis fervore: ut diluculo ultro advolârit Baptismū petens. *Nadañ 10 Maji. in Anno Dier. Mem:*

3. Distractiones voluntariæ omni studio fugiendæ. Hinc Christus Matt. 6. præscripsit: *Tu autem cùm oraveris, intra in cubiculum tuum, & clauso ostio, ora Patrem tuum in abscondito:* ne scilicet vel sensuum evagationes distraherent mentem, vel vanitas aliqua auferat tibi fructum orationis. *Et Pater tuus, qui videt in abscondito, reddet tibi.* Nota Videntem, time Reddentem: si non erubescis tam incompositum, & millenis nugis factum, cum illo habere sermonem. Additur ibidem. *Orantes autem nolite multum loqui.* Multū loquitur, etiam qui pauca, non ad rem, loquitur. Noster P. Julius Mancinellus à distractionibus in Oratione non aliter abhorrebat, ac ab Idololatria quadam. Magnus Imperator Carolus V. tot regnorum curis & continuis bellis occupatus, cùm se orationi dabat (quod faciebat quotidie prolixè) ita omnia alia excludebat animo negotia; ut inter orandum, urgente celerem admissionem magni cujusdam regis Legato, quod diceret: rem magni momenti se afferre; responderi curarit: Nec ego quidem nunc leviter sum occupatus, qui cùm DEO ago. *Rho. lib. 3. c. 8.*

4. Orandum constanter. Nam, teste S. Bernardo, Ad DEI beneficentiam obtinendam, retinendam & augendam, necessaria sunt præsidia sedulæ & longanimis orationis. *Vult DEUS orari, vult cogi, vult quadam importunitate vinci:* inquit S. Gregorius in Psalm. 7. pœnit: Docuit hoc Christus ipse in parabola petentis ab amico importunissimè tres panes. Luc. 11. & parabola viduæ molestantis Judicem ad vindicandam causam suam: Luc: 18. Quod titulo Justitiæ & Amicitie obtineri non potuit, datum est

Perseverantiæ in petendo. Imitandus cæcus ille Jerichuntinus, qui Luc. 18. prohibitus ab Apostolis, ne clamaret ad prætereuntem Dominum: tantò magis clamabat: & Paralyticus ille, Joan. 5. qui 38. annos ad piscinam jacebat, expectans aquæ motum, & gratiam sanitatis. Unde S. Chrysost. hom. 35. *Pudeat nos, pudeat dilectissimi; & incredibilem socordiam nostram deploremus. Octo & triginta annos ad piscinam expectaverat paralyticus: nos autem, si vel decem dies orationibus invigilantes, non exaudimur, jam cepe scimus: imò orationem non sine stomacho abrumpimus!*

FERIA III.

MEDITATIO: De Orandi methodo tradita à Christo. Matt. 6.

1. **A** DORA DEUM O. M. & considera: gratissimam ipsi esse Orationem, quæ minimum habet terrenorum desideriorum, plurimum Affectuum spiritualium, Laudis divinæ, Amoris, Gratiarum Actionis, Resolutionis in Voluntatem divinam &c. Hæc enim in divinis literis comparatur thymiamati ex varijs odoramentis composito atq; suavissimo. Unde Apoc. 5. dicuntur 24. Seniores habuisse singuli phialas aureas, plenas odoramentorum, *que sunt Orationes Sanctorum.* Et Apoc. 8. *venit Angelus, & stetit ante altare habens thuribulum aureum: & data sunt ei incensa multa; ut daret de Orationibus Sanctorum omnium super altare aureum, quod est ante thronum DEI. Et ascendit fumus incensorum de Orationibus Sanctorum de manu Angeli coram DEO.* In veteri quoq; Lege præcepit DEUS Exod. 30. erigi sibi de lignis setim incorruptilibus in sanctuario suo altare thymiamatis, & vestiri illud auro purissimo, atq; super eo adoleri sibi ab Aarone, matutina & vespere, incensum sempiternum: non quòd DEUS materialibus delectaretur odoribus; sed ut declararet; quàm suavis ascendat in conspectu ejus oratio nostra, ut decet, instituta. Quid impedit: quominus per singulos dies hoc genere odoramentorum gratificemur DEO nostro; & subveniamus necessitatibus nostris? Ascendat nostra Oratio, & descendet benignissimi DEI miseratio.

2. **A** DORA D. JESUM & considera: inter omnes orandi formulas ipsi & Patri æterno gratissimam esse illam, quàm Christus ipse Matt. 6. tradidit discipulis (nos Orationem Dominicam vocamus) *Pater noster, qui es in cælis &c.* Quis enim aut sapientius componat, aut fidelius doceat, aut plenius intelligat, quid DEO sit gratius, & nobis utilis: quàm Sapientia æterna & infinita? Plurimum commendant orationem, Author, elegantia, brevitatis, claritas, sententiarum gravitas, affectus congrui, & materia grata.

grata. In illa orandi methodo hæc omnia sunt summa. Quomodo igitur tam frigide & sine gustu eam recitamus, tam leviter deproperamus, tam curiosè alias & alias orandi formulas indagamus; non sine injuria Authoris, nec sine detrimento nostro? Parce, Gratiosissime JESU, quod hoc thymiana tam scite compositum à te, tam acceptum Patri æterno, tam multis negligentij & distractionibus corruerim. Erit mihi deinceps in majore pretio: tu labia mea purifica & cor igne charitatis accende.

3. **V**enerare DEIpam V. & considera: inter omnes, quæ ad ipsam funduntur, preces, gratissimam ipsi esse illam, quam Salutationem Angelicam vocamus. Habet enim singularem gratiam tum ab Authoribus suis, Sanctissima Trinitate, S. Elisabetha, & Ecclesia Christi; tum ab Oratore Archangelo. Unde P. Bernardinus Realinus S. J. vir notæ sanctitatis dicere solebat: Orationem Dominicam & Salutationem Angelicam ita cæteris precationibus antecellere: ut velut ex opere operato suum pretium habeant. Tu ipsa ô Gratiosissima, infunde cordi & ori meo gratiam; ut dignè, Te salutare, & Patrem cælestem orare, valeam.

*Propositum de Oratione Dominica & Salutatione Angel: attentius
& reverentius recitandis.*

LECTIO PRACTICA.

De Oratione Dominica singulari attentione & devotione pronuntianda:

Frequentiore usu propemodum vilis facta est Divina hæc Oratio. Tam leviter enim passim decurritur ut nec advertamus; à quo, ad quem, & in quem finem fundatur. Quo fit: ut non solum fructum ex illa percipiamus nullum; sed etiam novæ culpæ & pænæ reatum contrahamus. Ad eum igitur evitandum, advertere oportet tum ad Excellentiam ejus, tum ad gravitatem Petitionum, quas continet.

Præstantissima imprimis est hæc Oratio. quia præstantissimus Magister ipsam docuit datâ operâ: *Sic ergo vos orabitis: Pater noster, qui es in cælis &c.* Deinde *Utilissima* est: tum quia omnia nobis necessaria comprehendit; tum quia sicut alijs alicujus methodi authoribus, ita Christo gratissimum est: si quis ea libenter & præ cæteris utatur; ideoq; pronior est ad conferendû, quod illâ petimus. *Dulcissima* est: quia à filijs ad amantissimum Patrem dirigitur. S. Jacobus Alemannus Ord. Præd. sentiebat in ejus pronuntiatione sibi os divino nectare impletum. *Efficacissima* est: 1. Ad conciliandam nobis Patris cælestis, & Domini JESU benevolentiam. 2. Ad percellenda corda hominum, dum petunt non aliter sibi ignosci commissas in DEUM culpas, quàm ignoscant ipsi commissas in se. Tolosæ quidam Orationem

hanc pronunciare non potuit, quamvis alias expedite pronunciaret; donec odium, quod fovebat, sincere deponeret. 3. Ad discernendos spiritus. Illius enim recitatione S. Alexander Papa probavit Angelum sibi comparentem ad educendum se ex carcere.

Petitiones continet Divina hæc Oratio septem: ut notavit S. August. ep. 121. complectentes plane omnia à DEO petenda & nobis utilia. Unde Tertullianus lib. de Orat. c. 1. & cum eo S. Cyprianus lib. de Orat. illam vocant *Evangelij Breviarium*. Præmittitur autem brevis captatio benevolentiae apud Patrem caelestem, & in nobis excitatio filialis erga ipsum amoris, fiduciae, & reverentiae. *Pater noster, qui es in caelis*. Non auderet humana vilitas & indignitas tam confidenter recurrere ad Dominum & DEUM suum: nisi Unigenitus ejus sic nos instruxisset, & id præcepisset: *Præceptis salutaribus moniti, & divina institutione formati, audemus dicere, Pater noster &c.*

*Prima Petitio est, Sanctificetur nomen tuum. Cognoscant Te gentes omnes, æstimant, ament, metuant, glorificent super omnia: quoniam Sanctus, Sanctus, Sanctus es Dominus DEUS noster tum in substantia Divinitatis tuæ, tum in omnibus operibus Omnipotentiae & Providentiae tuæ. Hoc primum & primum debet esse votum, desiderium & studium nostrum: ut tanquam Sanctissimum, Amabilissimum & Venerabilissimum celebretur nomen Domini; id est, Dignitas, laus, honor & gloria Domini in cælo & in terra, in nobis & per nos, in hac & altera vita, in sæcula sæculorum. Celebretur autem mente, magni faciendo & amando; Voce, longè latèq; prædicando; Opere, ut simus Sancti, quia Sanctus est Dominus DEUS noster. *Levit. II.* ut videantur opera nostra bona, & glorificetur Pater noster, qui in cælis est. *Mat. 5.**

Secunda Petitio est: Adveniat Regnum tuum: Regnum triplex. Ut scilicet lætissimè & gloriosissimè regnes in Ecclesia Christi per orbem universum diffusa: Regnes in singulis hominibus per Fidem & Charitatem amplissimam: Regnes in cælo per gloriam æte nam, & tuam, & plurimorum Sanctorum; quos inter ut & ego numerari merear, da Gratiosissime Pater

*Tertia Petitio: Fiat voluntas tua sicut in cælo, & in terra. Faciunt illam in cælo omnes Angeli tui, potentes virtute, facientes, sine mora & difficultate, verbum tuum: Psal. 102. Faciunt & in inferno satellites justitiæ tuæ: & fiat & in terra, justissima, sapientissima & sanctissima voluntas tua. Quam qui faciunt; & fratres, & sorores, & matres sunt Domini nostri JESU Christi. *Marci 3.* Filij autem sunt tui, Dulcissime Pater amplissimo æter-*

FERIA IV.

276

noq; regno destinati. Fiat ergo sanctissima voluntas tua specialiter in me, de me, à me, & per me: & hoc mihi sit summa omnis felicitatis. Non reluctabor: imò adlaborabo per gratiam tuam.

Quarta Petitio: *Panem nostrum quotidianum da nobis hodie.* Non peto divitias & delicias; non honores & gloriam: Panem da necessariū, eumq; duplicem; Materialem, & Super substantialiē, qui de cœlo descendit: da nunc in quotidianum corporis & animæ alimentum, postea in Viaticum pro itinere æternitatis. Da non mihi solum, sed omnibus, quos mihi in fratres, tibi in filios assumpsit inestimabilis Charitas tua.

Quinta Petitio: *Et dimitte nobis debita nostra: sicut & nos dimittimus debitoribus nostris.* Heu! qualia sunt & quanta debita nostra, & singulariter mea! Quis sufficiet solvendis? Carcerem æternum evadet nemo: nisi tu gratiosissimè dimiseris. Dimittes autem, non dubitamus; ubi pretium sanguinis Unigeniti tui præsentaverimus unā cum firma voluntate, propter Te dimittendi debitoribus nostris. Dimitto igitur ex nunc sincerissimè: Dimitte Pater: sicut dimitto.

Sexta Petitio: *Et ne nos inducas in tentationem:* qua superatus offendam Te. Illam non recuso, qua probes me: ut fidem amoremq; meum tester ergate. Scio quòd intentator sis malorum, & neminem tentes inducendo ad peccatū. Sed nec permitte, Providentissime Pater: ut aliunde inducar: nisi efficacem dederis gratiam resistendi. Tu nōsti fragilitatem meam.

Septima Petitio: *Sed libera nos à malo.* De malis, quæ peccatum non sunt, dispōne circa me, prout placet pro majore gloria tua, & salute mea. Ab illo autem unico malo, sed pessimis omnibus pejore, peccato scilicet, seu offensa tui, ah libera me Duleissime, Misericordissime, Amplissime Pater. Condone commissa: impedi committenda. Pœnitet in te peccasse! Non amplius Pater, non amplius! Da gratiam tuam. Ne delere filios periclitantes in terris, Pater noster qui es in cœlis. Amen.

En qualium & quantorum affectuum fons est Dominica Oratio. Et tumultuariè deproperabimus illam? Graviter, & præ cæteris precibus, commendat nobis ulum Orationis Dominicæ S. Cyprianus tr. de Orat: Dom: *Quando peccatores, inquit, pro delictis nostris petimus. Advocati nostri verba promanant. Nam cum dicat; quia quodcumq; petierimus Patrem in nomine ejus, dabit nobis: quanto efficacius impetramus, quod petimus in Christi nomine; si possumus ipsius Oratione?*

FERIA IV.

MEDITATIO: De Discipulis à Christo in Bethaniam deductis. Luc. 14.

M m 3

I. Ador

1. **A** Dora DEUM O. M. & considera: cur ingressum Christi in plenitudinem gloriæ suæ distulerit per dies 40. à resurrectione? 1. Ut interim Christus crebris apparitionibus, alijsq; argumentis exhibendo se vivum, firmaret magis fidem discipulorum & nostram de Resurrectione sua: in cujus certissima cognitione fundanda erat fides futurorum fidelij, & spes resurrectionis nostræ olim futuræ. Si enim non satis constaret de illius à mortuis resurrectione; vix aliquis crederet in mortuum, putaretq; Mundi Salvatorem esse, & Judicem futurū. Deinde quomodo crederemus aut speraremus resurrectionem nostram, si de resurrectione Filij DEI non constaret? 2. Ut interim Apostolos erudiret tam de antecesser actis, explicando ipsis scripturas; quàm de futuris in Ecclesia sua tum militante tum triumphante. Unde Act. 1. dicitur Christus discipulis apparuisse per 40. dies, *loquens de Regno DEI*. 3. Ut doceret Apostolos & nos: non esse anxie festinandum ad possessionem gloriæ cælestis; sed hic strenue laborandum, quàm diu ratio divinæ gloriæ & salutis animarum exigeret: siquidem Christum consummatis omnibus per mortem suam, adhuc tanto tempore inter homines commorari voluit Pater. O Magne DEUS; ecce in manu tua est vita & mors mea, labor & quies mea: utere, ut placet & quàm diu placet, pro gloria tua.

2. **A** Dora D. JESUM & considera: cur, ascensurus in cælum ex monte Oliveti, eduxerit Apostolos Hierosolymā in Bethaniam, castellum Lazari & sororum ejus, licet hoc situm esset ultra montem Oliveti: *Eduxit autem eos foras in Bethaniam*; ait S. Lucas c. ult. Voluit nimirum humanissimus Dominus in habitu suo humanissimæ visitationis officio gratificari hospitibus suis Lazaro, Marthæ & Magdalena, quorum eximia hospitalitate sæpe cum discipulis usus fuerat. Descendit igitur ad illos; ut valediceret eosq; assumeret secum in montem Oliveti, futuros spectatores ac testes gloriosæ ascensionis suæ, & triumphalis in cælum ingressus. En, ut placet Domino domus, quam commendabant eximia hospitalitas, amicus Lazarus, sollicita Martha, contemplatrix Magdalena. Si spiritualis domus nostra similiter fuerit instructa; exhibebit, sine dubio, & nobis aliquando se gloriosum Gratiostissimus JESUS. Quæ ipsi, in persona, Domino præstare non possumus humilitatis officia, possumus Minimis ejus: da, mi JESU, ut velim.

3. **V**enerare DEIPARAM V. & considera: Christum, in cælos ascensurum, ipsam quoq; & quidem præ cæteris, convenisse atq; in montem Oliveti eduxisse. Si enim id genus humanitatis exhibuit Lazaro, Marthæ

thæ & Magdalenz: quomodo subtraxisset Matri; quæ sine comparatione ipsi præstitit plus & obsequiorum, & amoris? Et conveniebat eam uberiore perfundi voluptate ex gloria ascendentis, quam sensibilius vulneraverat gladius doloris ex ignominia morientis. Quantis verò, quàm splendidis & pretiosis se disposuit ipsa affectibus ad triumphalem illum actum? Impetra gratiam, ô Domina: ut & me admittat bonus JESUS ad clariùs contemplandam per hos dies gloriam triumphalis Ascensionis suæ; trahatq; me post se, nunc affectu, tandem effectu.

Proposium v. g. de abstrahendo animo à terrenis, & religiosè transigendo Festo Ascensionis.

LECTIO PRACTICA.

De Oratione plurim & supplicationibus publicis.

VT humanissimum Vale, & gratias quas dicturus erat Lazaro & sororibus ejus, Salvator noster redderet spectabiliore; in numerosa discipulorum corona, ipsis quoq; eodem fungentibus officio, eas persolvere voluit. Sic & nostræ orationes, sive Gratiarum actoriæ, sive Imperatoriæ, ipsi DEO accidunt gratiores, & redduntur efficaciores: si plures in eas conspiraverint, præsertim si velut agmine facto DEUM aggrediantur. Nam ut præclare dixit S. Ambrosius lib. de pœnit: *Muli minimi, dum congregantur unanimes, fiunt magni: & multorum preces impossibile est, non exaudiri.* Quod uni deest, supplet alter: alter altero gravior est apud DEUM; unius oratio ferventior & purior est oratione alterius: ideoq; vim impetrandi habet majorem. Quod igitur uni facile negaretur, libenter datur pluribus.

Hinc Tertullianus in Apolog: c. 39. *Cœdimus, inquit, in cœtum & congregationem: ut ad DEUM, quasi manu facta, precationibus ambiamus (velut undiq; DEUM circumdando & obsidendo) orantes. Hec vis DEO grata est.* S. Chrysostomus hom: 2. in ep. ad Corinth: dicit: DEUM quodammodo revereri multitudinem unanimum & consentientem in precando: ideoq; non posse non annuere precibus illius; sicut Princeps aliquis, quem multi aut omnes Magnates adoriuntur, supplicando pro aliqua gratia conferenda, aut onere auferendo, sæpe invitatus descendit in vota ipsorum. Confirmat id Chrysostomus hom: 79. ad pop: exemplo fidelium orantium pro S. Petro. *Vñ, inquit, discere; quanta sit orationis in Ecclesia factæ potentia? Vincit erat Petrus, multisq; catenis circumdatus; Oratio autem fiebat sine intermissione ab Ecclesia pro eo: & statim eum à carcere liberavit. Quid hac igitur oratione sit potentius, quæ columnam & Ecclesie turrim adjuvit? Et homil: 3. de incomprehens. DEI natura adducit exemplum Apostoli Pauli 2. Cor. 1. scribentis:*

Qui

Qui ex tantis periculis eripuit nos, & eruit: etiam speramus, quod adhuc eripiet, vobis quoq; in oratione pro nobis subuenientibus.

Judæi imminente Holofernis exercitu & extrema calamitate, Judith 4. *Clamaverunt ad Dominum DEUM Israel unanimiter: & misericordiam impetrarunt.* Ubi glossa interlin: dicit: *Quod charitatis unanimitate petitur, citò impetratur.* Josaphat quoq; Rex piissimus 2. Paral. 20. pugnaturus contra filios Moab & Ammon, præcipuum robur in oratione communi posuit. Unde ipsius jussu, *Congregatus est Judas ad deprecandum Dominum; & omnes de urbibus suis venerunt ad obsecrandum eum: & quidem tanta frequentia; ut infra dicatur. Omnis verò Juda stabat coram Domino cum parvulus & uxoribus.* Rectè adducti sunt & Parvuli, quorum ut innocentior, ita gravior vox.

Ufus est percommode in rem suam Parvulorum oratione & celeberrimus Academiæ Parisiensis Cancellarius, Joannes Gerson, teste P. Barry in Anno S. Convocavit agmen parvulorum, & jussos curvare genua sic compellabat: *Clamate pueri ad DEUM, & sic orate: Benignissime DEUS & Domine, miserere Joannis Gersonis! Faciebant id strenuè & ex corde parvuli; conduxitq; hæc oratio Gersoni non solum viventi, sed etiam defuncto.* Audita enim ejus morte, illico ingens parvulorum confluit turba, & discurrentes per compita urbis & templa, suo illo consveto carmine propitiatoriq; ferientes cælum, Misericordiam Divinam implorabant Gersoni. Notum est, quid operata sit publica supplicatio & processio circa muros Jerichuntis. Josv. 6.

Communis oratio similis est Citharæ, quam Elifæus Propheta adhiberi voluit ad eliciendam aquam in deserto pro exercitibus regum Israel, Juda, & Edom, 4. Reg. 3. *Adducite mihi psalterium. Cumq; caneret psalter, citharam pulsando; facta est super eum (Elifæum) manus Domini &c.* Ut enim cithara plurium chordarum consonantiâ, gratissimum facit concentû, sic consonans plurium oratio. Unde David Psal. 80. cum excitasset Sacerdotes & populû ad jubilandû DEO Jacob, non satis habuit pulsari tympana & inflari tubas, sed voluit addi *Psalterium jucundum cum Cithara.* Et Psal. 149. vult laudari Dominû *in choro, in chordis & organo, in cymbalis bene sonantibus.*

Huic consonantium precum concinnitati apud Christianos singularem addit gratiam & efficaciam ipse Salvator noster juxta illud Matt. 18. *Si duo ex vobis consenserint super terram de omni re, quamcunq; petierint, fiet illis à Patre meo, qui in cælis est. Ubi enim sunt duo vel tres congregati in nomine meo: ibi sum in medio eorum: utiq; interpellans pro ipsis, & auctoritatem suam inter-*

IN FESTO ASCENSIONIS DOMINI.

279

interponens. Unde S. Cyprianus ep. 8. ait: *Quodsi duo unanimes tantum possunt: quid, si unanimas apud omnes esset? Jam pridem à divina misericordia impetrassemus, quod petimus: nec tam diu in hoc salutis & fidei periculo fluctuaremus.* Idem de alijs negotijs & necessitatibus nostris.

IN FESTO ASCENSIONIS DOMINI.

MEDITATIO: *De gloriosa CHRISTI Ascensione in cælum.*

1. **A** Dora DEUM O. M. & considera: quo apparatu & affectu exceperit Christum Redemptorem nostrum ascendentem in cælum.

1. Innumeras Angelorum turmas illi misit obviam, qui humili obsequio, & splendido comitatu deducerent, atq; Victori triumphum canerent. *Currus DEI decem millibus multiplex, millia lætantium.* Psal. 67. Si Patriarchæ Jacob revertenti ex Mesopotamia occurrerunt Angeli, seu *Castra DEI*, Gen. 32. quanto magis Angelorum Domino! 2. In Apostolis, alijsq; præsentibus ferventissimos excitavit affectus amoris, venerationis, gaudij, glorificationis; quibus abeuntem prosequiebantur. 3. Splendidissimam adornavit nubem, quæ loco currus triumphalis serviret ascendenti. *Nubes suscepit eum ab oculis eorum.* Act. 1. Profectum super omnes cælos quibus affectibus & amplexibus exceperit æternus Pater, Filium Unigenitum, tanta passum ipsius causâ, tam strenuum in imposito opere redemptionis, sibi æqualem, & unicè dilectum, quis assequatur? Quibus oculis aspexit stigmata vulnorum; quàm lætus accepit, & reddidit, Salve atq; amplexum! Benedixit DEUS, Pater Domini nostri JESU Christi, qui hos affectus & honores exhibuisti Domino ac Redemptori nostro! O si tibi & mea tenuitas aliquid præstare posset!

2. **A** Dora D. JESUM, & considera: quàm Gratosus & Gloriosus præ filiis hominum; & largissimè diffusa fuit gratia in labijs ejus, quando *elevatis manibus benedixit* præsentibus imò & futuris fidelibus; & sensim *ferabatur in cælum*, ut diutius gloriosissimo conspectu recrearet suos. Ad illud tempus maximè respexisse videtur Evangelista Joan. 1. quando dixit: *Vidimus gloriam ejus, gloriam quasi Unigeniti à Patre, plenum gratiæ & veritatis.* Ingressi in summa cælorum gratiæ & gloriam admirantes Angeli, qui ibi residui erant, *Quis est iste*, inquebant, *qui ascendit de Edom, tinctus vestibus de Bosra?* *Iste formosus in stola sua, gradiens in multitudine fortitudinis suæ?* Quibus respondit Caristus: *Ego sum, qui loquor justitiam, & Propugnator sum ad salvandum.* Isa. 63. Mox omnes Angelorum chori conclamârunt adorantes

& exultantes: *Dignus est Agnus, qui occisus est, accipere virtutem, & divinitatem, & sapientiam, & fortitudinem, & gloriam, & benedictionem & laudem in secula seculorum.* Apoc. 5. Dignus, dignissimus es, mi JESU! Vive, regna, triumphas gratiosus & gloriolus, semper & ubiq; præsertim in anima mea.

3. **V**enerare DEIPARAM V. & considera: quibus affectibus comitata sit ascendentem Filium. Liquecebat gaudio inenarrabili ob ejus gloriam, fervebat desiderio comitandi abeuntem, amore tantò magis ardebat, quantò longius recedebat dilectus: cupiebat dissolvi, & esse cum Christo; sed intellecta voluntate divinâ, patiebatur non gravata prolongari in hoc exilio incolatum suum. Præsentabat æterno Patri communem Filium, difficillima expeditione, & fortiter gestis atq; toleratis gloriosum: apprecabatur è conspectu excedenti; *Specie tua & pulcritudine tua*, Fili mi, *intende prosperè, procede, & regna.* Da Domina, ut Dominum meum similibus sequar affectibus; ac tandem ad illum ascendere merear.

Suspice cum Apostolis hodie & per hanc Octavam sepiùs in calum: & jam adora, jam suspira ad Salvatorem tuum.

LECTIO PRACTICA.

De Jure in calum acquisito nobis per Christi Ascensionem.

Proscripta è Paradiso terrestri natura humana, hodie non civis tantum, sed Domina facta est Paradisi cælestis. Hodie enim, ut ait S. Leo Papa serm. 1. de Ascens. *super omnium creaturarum cælestium dignitatem humani generis natura conscendit, supergressura Angelicos ordines, & mira Archangelorum altitudines elevanda: nec ullis sublimitatibus modum suæ profectionis habitura, nisi æterni Patris recepta confessa, illius gloriæ sociaretur in throno, cujus naturæ copulabatur in Filio.* Quæ felicitas & dignitas naturæ humanæ non unius duntaxat Salvatoris nostri arctatur Personâ: sed in omnes se extendit, qui Christiana professione dignam volunt vivere vitam. Nam ut idem docet Sanctus Pontifex: *CHRISTI ascensio nostra profectio est: & quod præcessit gloria Capitis, eò spes vocatur & corporis.* Hodie non solum paradisi possessores formati sumus; sed etiam calorum in Christo superna penetravimus; ampliora adepti per ineffabilem Christi gratiam, quam per diaboli amiseramus invidiam. Nam quos virulentus inimicus primi habitaculi felicitate deiecit: eos sibi concorporatos DEI Filius ad dexteram Patris collocavit. Ita Leo non minus verè, quam magnificè.

Idem jus eleganter asserit nobis S. Maximus serm. 48. In Salvatore, ait, omnes reviximus, omnes resurreximus, omnes ad cælestia transmigravimus.

Est enim in illo uniuersusq; nostrum caro, sanguis, & portio. Ubi ergo portio mea regnat, regnare me credo; ubi dominatur sanguis meus, me sentio dominari; ubi glorificatur caro mea, me gloriosum esse cognosco. Quis, etiam peccator, de hac communione diffidat? Quia etsi peccata nos prohibent, substantia nos requirit: etsi delicta propria nos excludunt, naturæ communio non repellit. Nam propter bonitatem Divinitatis, peculiare nobis affectum debet Salvator: scilicet quia sicut DEUS noster in ipso est; ita & sanguis noster in illo est. Misericordiam igitur mihi debet præstare Divinitas: necessitudinem exhibere debet affinitas. Neq; enim tam immitis est Dominus, ut obliuiscatur hominis, & non meminerit illius, quem gestat: ut quem causa mei suscepit, non ejus causa, quem suscepit, me requirat. Non, inquam, tam immitis est Dominus. ut non diligat carnem suam, membra sua, viscera sua. *Hec Maximus*; magnam etiam in improbis excitans spem veniæ & gloriæ, modò condignos coheredibus Christi assumant animos.

Certè non minore jure nobis debetur cælum, quàm Israelitis terra Amorrhæorum: pro qua vindicanda misit Jephthe, Judic: 11. legatos ad regem Ammonitarum, eam terram invadentem, hoc instructos argumento: *Dominus DEUS Israel subvertit Amorrhæum, pugnante contra illum populo suo: & tu nunc vis possidere terram ejus? Nonne quæ possedit Chamos DEUS tuus tibi jure debentur? Quæ autem Dominus DEUS noster victor obtinuit; in nostram cedent possessionem.* Dominus, Salvator noster post triginta. aliquot annorum labores & cruenta prælia, Victor hodie cælum obtinuit: quomodo ergo non cedit in possessionem populi ipsius? Utiq; non tam sibi quàm nobis pugnavit, & vicit. Ipsi enim alio fortiore jure (scilicet Unionis hypostaticæ) debebatur potestas omnis, & imperium in cælum & terram omnem, facileq; fuit illud sibi pacis artibus, absq; bellorum strepitu, asserere. At nos aliter in possessionem beatissimæ illius regionis induci non poteramus, nisi cominus cum hostibus nostris & suis congregederetur. Quæ ergo Dominus, Salvator noster, Victor obtinuit; irrefragabili jure in nostram cedent possessionem: nisi ipsi per summam ignaviam & amentiam jus nostrum prosequi noluerimus.

Quid non facit, & patitur humana ambitio, ut in terreni alicujus principatus veniat possessionem, sive æquam, sive iniquam? Violantur jura humana & divina; quævis contemnuntur pericula, tragici ambitiorum casus non apprehenduntur, ipse non absterret infernus. Monet rex Antigonus filium regno insolentem: An nescis fili, regnum nostrum esse nobilem servitutem? Mileram Imperatorum conditionem proclamat Adrianus;

protestatur Otho Imperator: Mihi credite jam experto: quia jam mori malo, quam imperare; profitetur Carolus V. Imp: se toto imperij tempore nec unicam sincerè lætam habuisse horam: sed hæc pro fabellis anilibus habentur. Eluctandum ad regnum. Aut Cæsar, aut Nihil.

Si tanta regnandi cupido: cur animos & curas non transferimus ad occupandum regnum cæleste, æternum, omni ex parte beatum & gloriosissimū? Minore opus est sumptu & labore: jam partum nobis jus est; jam solia parata & coronæ; expectat nos Christus, invitat, rogat, hortatur, ac deniq; minatur. Unum ex duobus certò nos manet: Vel regnandum cum ipso in cælo; vel ardens perpetuò in inferno. Eligamus: & si cælum placet; cælo nos paremus.

FERIA VI.

MEDITATIO: *De varijs affectibus, quibus CHRISTUS exceptus est à Cælis.*

1. **A** Dora DEUM O. M. & considera: quo honore extulerit Salvatorem nostrum; non solum elevando ipsum super omnes cælos; sed etiam sedem illi, ut Homini, offerendo à dextris suis. *Dixit Dominus Domino meo: sede à dextris meis.* Psal. 109. Nimirum post longam & summè arduam emensam viam, *sedere* illum voluit; id est, requie opulenta & perpetua frui, cum summa autoritate & potestate gubernativa atq; judiciali: *à dextris suis*, communicando illi thronum dignitatis & gloriæ suæ; ut qui nuper novissimo seu infimo loco confederat; imò tanquam opprobrium hominum & abjectio plebis infra omnes abjectus fuerat, jam non minor Maximo suspiceretur atq; adoraretur ab omnibus. Imò ad magis exprimendum, in quanta æstimatione & honore apud Patrem sit Christus, & merita ipsius: utitur Scriptura eâ loquendi formulâ sessionis *à dextris DEI*; quasi honoratiorem locum in throno suo cessisset ei Pater: Vide quò loco sit apud DEUM homo virtuosus & sincerus divinæ gloriæ zelator. Non deest honoribus, ut Filij, ita servorum suorum, æquissimus meritorum arbiter DEUS; modò non desinus ipsi honori ejus.

2. **A** Dora D. JESUM & considera: quomodo eum assidentem Patri supremo cultu venerata est omnis cælestium Principum multitudo, suaq; obsequia ad nutum omnem obtulit. Intonuit iterum Michæl: *Quis ut DEUS*, etiam in carne humana? Exarserunt Seraphini summo in eum amore, Cherubini inæstimabiles ejus perfectiones mirabantur, suspiciebant potentiam Virtutes, majestatem Throni & Dominationes, excellentiam

Princi-

Principatus & Potestates, imperium Angeli atq; Archangeli: Chori omnes altius elata voce personuerunt solemni trisagio suo, *Sanctus, Sanctus, Sanctus Dominus DEUS Sabaoth*, Dominus fortis & potens in prælio, Dominus virtutum, Rex infinitæ gloriæ! Sancti quoq; è limbo educti, Liberatori suo æternum devincti, majestatem ejus divinam adoratione profundissima venerati, concinuerunt: *Alleluja; quoniam regnavit Dominus DEUS noster Omnipotens! Gaudeamus & exultemus, & demus gloriam ei.* Apoc. 19. Exultat & spiritus meus ob magnitudinem gloriæ tuæ, Gratiosissime JESU. Quis mihi det: ut impleam terram omnem gloriâ tuâ! Parce torpori meo præterito in propagando & cumulando honore tuo. Glorioso Nomini tuo ardebit deinceps zelus meus.

3 **V**enerare DEIPARAM V. & considera: quanta submissione, unâ cum Apostolis, adoraverit & ipsa Filium, sedentem ad dextram Patris. *Adorantes regressi sunt in Jerusalem.* Luc. 24. Suspiciebat non solum ut Filium, sed etiam ut Dominum & DEUM suum: tantôq; digniorem omni possibili cultu suo reputabat; quantô majore dignatione, & profundiore submissione nuper subditum sibi fuisse meminerat. Accedit: quod præ omnibus Angelis intelligebat, clariùs mysterium Unionis hypostaticæ, & consequenter, qua ratione Filius suus esset verus DEUS. Omnes igitur colligebat intellectus & voluntatis vires, omne exerebat humilitatis ingenium: ut quàm demississimè & perfectissimè adoraret illum. Offero tibi, Gloriosissime JESU, omnes Sanctissimæ Matris tuæ actus adorationis: unâque cum illa de profundis nihili & peccatorum meorum, veneror atq; adoro Supremam Majestatem tuam.

Proposium de frequentandis actibus lauræ seu Adorationis Christi.

LECTIO PRACTICA.

Oratio nostra magis Affectuosa & Resignata, quàm discreta esse debet.

Garrulam orationem vocalem expressè reprobavit Christus Matt. 6. *Orantes nolite multum loqui.* Quo tamen non prohibuit orationes prolixas, etiam vocales. Addidit enim ibi: *Nolite multum loqui sicut Ethnici.* Putant enim, quòd in multiloquio suo exaudiantur. Christianorum ergo oratio, sive vocalis sive mentalis, ut idonea sit ad conciliandam DEI benevolentiam, & impetrandam desideratam gratiam, magis pijs affectibus, quàm verborum & discursuum copiâ constare debet: alioqui ad modum orandi Ethnicorum accedet: *Alius est sermo multus, aliud divinum affectus.* Absis ab oratione multa locutio, sed non desit multa precatio; inquit S. Augusti: lib. de orando DEUM: Precatio scilicet affectuosa.

Oratio Mentalis, seu Meditatio pia, quamvis inchoari debeat exercitio memoriz, recolendo puncta ad meditandum assumpta; & mox transire ad considerationes, & ratiocinationes, seu discursus intellectus, quibus examinetur, diligenter expendatur, & excutitur materia Meditationis tam quo ad substantialia sua, quam circumstantias, effectus, & proprietates varias: id tamen totum dirigi debet ad excitandos in voluntate pios affectus; nec diutius protrahendi sunt discursus mentis, quam sentiantur oriri affectus cordis: v. g. Amoris, doloris, timoris, desiderij, detestationis peccatorum, compassionis, gaudij &c. Tunc enim his liberaliter est indulgendum, sive unum alterumve diutius protrahendo, sive plures præsentis materiæ opportunes, ordine eliciendo.

Ratio hujus fundamentalis est: quod vitæ Christianæ ac Religiosæ perfectio & sanctitas non consistat in bonis cogitationibus, & sola virtutum aliarumq; rerum sanctarum notitia: sed in exercitio verarum & perfectarum virtutum, ut cum S. Thoma 1. 2. q. 3. a. 2. docent communiter Ascetæ. Ad quod exercitium ut excitetur voluntas, necessariæ sunt præviæ quædam considerationes & discursus intellectus, tanquam medium quoddam, non ut finis. Unde vetus etiam philosophus quidam apud Gersonem, super Magnificat, Alphabet: 56. dicebat: *Inquirimus, quid sit virtus, non ut sciamus, sed ut boni efficiamur.* Recolendum: quod traditum est supra Fer. 5. post Dom. 3. Advent. Idem observandum in Meditationibus de r. Perfectionibus Divinis, Christi D. & DEIPARÆ V. circa quas versamur, non solum, ut earum excellentiam cognoscamus; sed ut ad earum imitationem, quatenus licebit per fragilitatem nostram, excitemur. Proinde ubi earum sublimitatem planè perspexerimus, ad easdem obtinendas accendi nos oportet: ideoq; varia cum DEO, Christo, & DEIPARÆ V. miscenda colloquia, nunc gratulando ipsis tantas perfectiones; nunc dolendo, quod tam longè absumus ab illis; nunc petendo gratiam, & opem ad eas obtinendas &c.

Quodsi Divina Bonitas nos subinde uberiore lumine perfuderit, & ad quietem Contemplationis admiserit; ut cessantibus ratiocinationibus mentis, & varijs voluntatis, Bonum summum quærentis, affectibus, tota mente & corde rapiatur & figatur in DEUM anima: fruendum utiq; erit ea felicitate, & cum Sponsa Cant: 5. dicendum: *Inveni, quem diligit anima mea: tenui eum, nec dimittam.* Imitandus erit Agnellus, de quo S. Chrysostomus ait: Vidistine, quomodo agnellus gestiens ubera materna fugere, eadem jam primum arrepta, huc illucve distrahat: ut modo quidem ori inserat, modo rursus dimittat; sed statim, ut emanantis lactis dulcedinem gustare incipit, fixus

SABBATO.

285

fixus loco maneat, & cum quiete jam exfugat! Sic se res habet omnino in oratione. Antequam enim cælestis ille ros in animam descendat; homo huc illucve discursat: sed illo jam delapso, quiescamus, illave suavitate & dulcedine in quiete perfruamur oportet.

Porro inter affectus bene ordinatæ orationis, quæ aliquid à DEO petimus, vel avertimus imminens aliquod nobis malum, non omittenda, sed diligenter exercenda Resignatio plena in voluntatem DEI, seu Conformatio cum voluntate divina. Quàmvis enim in petendo, juxta dicta Fer. 2. Domin: præteritæ n. 4. debeamus esse perseverantes, seu constantes; non tamen pertinaces. Sæpe enim petimus vel noxia, vel quæ non expediunt nobis, aut divinæ gloriæ; ideoq; audire meremur: *Nescitis, quid petatis.* Resignanda ergo est semper & plenè voluntas nostra in voluntatem Divinam: prout Christus docuit & verbo in Oratione Dominica: *Fiat voluntas tua &c.* & exemplo, dum ante Passionem oraret in horto: *Veruntamen non sicut ego volo, sed sicut tu. Fiat voluntas tua.* Apparens quoq; in specie elegantissimi Paryuli devotæ cuidam personæ, anxie quòd nesciret; quænam esset perfecta, & DEO maxime placens devotio; dixit: Veram devotionem consistere in Abnegatione, contemptuq; sui ipsius, & perfecta Resignatione in manus DEI; prout ex Rusbrochio fufius exponit Alphonsus Rodriq. par. 1. Tr. 8. c. 12. Proinde preces nostræ semper habeant annexâ hanc Clausulâ sive Conditionem implicitam aut explicitam: *Domine, Fiat voluntas tua. Vel: Non sicut ego volo sed sicut tu.* Certum enim est: id melius esse & nobis, & gloriæ divinæ: quod vult ipse.

SABBATO.

MEDITATIO: *CHRISTUS quàm gloriose triumphavit in cælo de hostibus suis.*

I. **A** Dora DEUM O. M. & considera zelum ejus pro honore Christi, expressum Psalmo 108. *Sede à dextris meis: donec ponam inimicos meos scabellum pedum tuorum.* Filium sedere vult quietum, pugnaturus ipse pro ejus gloria afferenda, & vindicanda; & quidem non uno alterove anno vel sæculo, sed usq; ad finem mundi. Cum enim nunquam defuerint, aut defuturi sint inimici Crucis Christi; nunquam pugnam pro ipso cessare oportebit, donec principalis ejus hostis, Antichristus, cum omni satellitio suo occumbat. Pugnaturum autem se pro Christo tam fortiter & feliciter promittit Pater: ut omnes inimicos ejus, Judæos, gentiles & quosvis hæreticos subjiciat pedibus ejus: *ponam inimicos meos scabellum pedum tuorum;*

suorum; quibus superba & contumacissima eorum capita proterantur, si ultro ea submittere noluerint. Quis similis tui in fortibus Domine? Quis hifcere præsumat contra Christum tuum: pro quo tam validus & assiduus excubas vindex? Prosequere, obsecro, victorias tuas: ut omnes inimici ejus terram lingant; sed magis captivati in obsequium fidei, quam protriti & æternum depressi in supplicium contumaciæ.

2. **A** Dora D. JESUM, & considera eum, ut Principem gloriosissimū, dominantem longè latèq; in medio inimicorum suorum, juxta oraculum ejusdem Psalmi: *Virgam viridis sue eminet Dominus ex Sion: Dominare in medio inimicorum tuorum.* Dominatur in cælo ut Princeps pacis æternæ, & Rex gloriæ: dominatur in inferno ut Domitor rebellium, & vindex spretæ clementiæ ac læsæ Majestatis suæ: dominatur in terra, profusus in bonos, clemens in malos resipiscentes, severus in impenitentes. Dominatur in medio inimicorum suorum. Nusquam enim tam selecti sunt boni; ut immixti non sint complures mali: imò in compluribus provinciis & amplissimis regnis admodum pusillus est grex Christi, grassante Judæorum perfidia, idololatrarum insania, hæreticorum contumacia. Ubiq; tamen, & inter omnes dominatur JESUS; habetq; suos, qui non curvaverunt genua ante Baal. Dominatur fortis & victoriosus in Martyribus, benignus & suavis in Confessoribus, mirabilis in infidelibus: quibus nunc imperium in suos permittit, nunc abrogat; hos perducit ad fidem, illos servat ad supplicium. Veneror tam amplum, mirabile, & absolutissimum Dominium tuum, Gloriosissime JESU. Dominare in æternum & ultra non solum à mari ad mare; sed à centro terræ usq; ad summa cælorum. En ego tenuem operam meam tuæ Majestati offero ad subigendos inimicos tuos, admitte & conforta militantem gloriæ tuæ.

3. **V**ENERARE DEIPARAM V. & considera: ipsam quoq; feliciter & gloriose dominari in medio inimicorum suorum, Judæorum, paganorum & hæreticorum, conspirantium in oppressionem cultus ipsius. Quas enim inimicitias initio orbis posuit DEUS inter serpentem antiquum & mulierem Gen. 3. fervent etiamnum: cum illi, licet non semel contrito, non desit semen nequam, & sublato uno, pullulet aliud nequius. MARIA tamen regnat & triumphat, gloriosa in superis atq; inferis, & in omni loco Dominationis Filij sui. Dominare, ô Domina Augustissima, felicissime & gloriosissime, semper & ubiq;: ac me, servulorum infimum, fac strenuum propagatorem gloriæ tuæ.

Examina deniq; & acue zelum meum in cœdendis inimicis DEI J. & M.
LECTIO

SABBATO.
LECTIO PRACTICA.

287

Triumphat Oratio, quæ junctam habet Mortificationem.

NON est ulus exaggeratione hyperbolica S. Chrysostomus, quando super Matt: 18. dixit: *Nihil potens homine orante*: nimirum Orante oratione rite instructa. Oratio enim, ait S. Laurentius Justinianus de perfect: grad. c. 12. *placet DEUM, levificat Angelos, recreat Sanctos, penetrat caelos, postulata reportat, terret demones, adversarios superat, immutat homines, vires reparat, roborat mentem.* Quæ omnia & plura compendio complexus est Salvator noster, quando Marc: 11. dixit: *Omnia, quæcunq; orantes petitis, credite, quia accipietis, & evenient vobis.*

Porro inter cætera, quæ Orationem tam potentem faciunt, & gloriosam reddunt victricem, Mortificatio est, eaq; duplex: Externa & Interna. Externa consistit in maceratione corporis: de qua dictum est Tob. 12. ab Angelo: *Bona est Oratio cum Jejunio.* Per Jejunium autem plerumq; Sancti intelligunt omne genus afflictionum corporalium. Judith quoq; c. 4. Eliachim Sacerdos non vanus promisit populo afflicto: *Scitote quoniam exaudiet Dominus preces vestras; si manentes perseveraveritis in jejnijs & orationibus in conspectu DEI.* Danielis Prophetæ sanctissimi oratio multum ponderis habebat apud DEUM, multisq; arcanorum divinorum visionibus ab ipso fuit honoratus: non tamen rescire potuit tempus Adventus Messia, donec solito majores assumeret mortificationes. Postquam enim hebdomadarum trium luctum assumpsit, atq; ut ipse ait cap: 10. *Panem desiderabilem non comedit, & caro & vinum non introierunt in os ejus, sed neq; unguento usus est de more*: tum deniq; comparuit ei Angelus dicens: *Ex die primo, quo posuisti cor tuum, ut te affligeres in conspectu DEI tui: exaudita sunt verba tua.* Notandum: quod dicatur oratio ejus exaudita, non primum post consummatam, quam susceperat, carnis mortificationem, sed statim ac suscepta fuit: *Ex die primo, quo posuisti cor tuum, ut te affligeres, exaudita sunt verba tua.* Quid potentius oratione armata mortificatione?

Interna Mortificatio versatur circa edercendas & domandas effrenes passionis, seu concupiscentias nostras. Sine hac rite institui non posse Orationem DEO gratam & efficacem, certum est apud Spirituales, & multâ experientia roboratum. Ad orationem enim rite inchoandam requiritur animus pacatus, nec negotiorum, nec æstuantium desideriorum, aut irascibilium motuum, tempestate agitatus: similiter ad continuandam, & fructuosè finiendam, atq; ad internas divinas illustrationes ac inspirationes recipiendas. Jam vero *Animalis homo*, qui sensualibus agitur motibus, non
persi

percipit ea, quæ sunt Spiritus DEL. 1. Cor. 2. & si compositas non habemus curas & passiones nostras, multo tædio laboramus in oratione, atq; ut ait S. Bonaventura lib. 1. de profectu Religi: c. 16. Quasi ligati caruli ad stipitem, renitenti animo cogimur esse in divinis.

Quodsi quis insolita quadam diligentia colligat animum ad orationem, & neglecta cura domandarum passionum, entusiasmo quodam rapiatur in DEUM: id diu subsistere non poterit; sed data quapiam occasione, sive concupiscibilem sive irascibilem concitante appetitum, in luctuosam præceps ibit ruinam, instar Angeli sicut fulgur cadentis de cælo. Terribile hujus rei exemplum dedit Justinus quidam e Satrapis Hungariæ non postremus, spreto mundo Institutum Minorum amplexus, ita se totum orationi & contemplationi dedit; ut non raras ecstases & raptus pateretur. Accidit aliquando, ut Romæ in Aræ cæli Conventu pro more inter prandendum pia quædam Sanctorum gesta legerentur: quorum profunda meditatione ita absorptus est Justinus; ut longo tempore immobilis & exanimis videretur, corpore in æera rapto & supra Fratrum capita suspensio coram Imagine DEIPARÆ V. Aderat tunc B. Joannes Capistranus Ordinis Vicarius, qui dimissis Fratribus, solus isthuc finem exploraturus remansit. Post longam moram vidit omnia se bene habere. Audiit hoc Eugenius IV. Pontifex: quare hominem accersivit, ac pedes osculari volentem ulnis & osculo excepit, jussitq; prope assidere: ac longo deinde protrahito sermone, munuscula addidit, & Indulgentias. Quid hic Justinus? Domum rediit longe alter, quam exierat. Elatus & inflatus occurrit Capistrano, insolente corporis habitu & verborum vanitate cæpit jactare Pontificis erga se humanitatem singularem ita: ut Capistranus ingemiscens, Heu, diceret, Fratercule, pauculis hisce honoribus dementatus es. Angelus abiisti, diabolus rediisti. At ille quotidie insolentior alios contemnebat; imò præfractis cum ijs contendens, unum cultro vulneravit. Quare in carcerem conjectus est; expletâ autem pœnitentiâ, in regnum profugit Neapolitanum: ubi ea perpetravit, propter quæ relegatus in urbem, in vinculis misere decessit. *Vadæus tom. 5. Annal. Ord. Min. ad annum 1445.*

En ut etiam in tertio celo Oratio sine Mortificatione non subsistit, ut in Justino: sociata autem mortificationi, non solum inter plausus hominum & negotiorum bellorumq; turbas, sed etiam inter Inferni insultus secura est, & victrix triumphat: ut in Capistrano.

DOMI-

DOMINICA VI. POST PASCHA.

289

MEDITATIO: De Portis cæli à CHRISTO ascendente reſeratis.

1. **A** DORA DEUM O. M. & confidera: quomodo obſeratas per originale peccatum cæli portas nullis Sanctorum precibus vel meritis reſerari paſſus fuerit, uſq; ad Aſcenſionem Chriſti. Penetrabant quidem ſuſpiria & orationes ipſorum nubes; imò uſq; ad thronum DEI deferabantur in odorem ſuauitatis: at animarum, quantumvis DEO gratiſſimarum, nulla penetrare potuit cælos, & in conſpectum beatificum Domini venire. Et Adam & Abraham & David, & quidquid Sanctorum fuit, in atrio detinebantur, non cæli, ſed inferni: ſuſpirare poterant in atria DEI, non evolare. Servabat Pater Filio Redemptori eam gloriam: qui, ut reſurgens veſtes inferni conſregit; ita in cælum aſcendens portas cæli aperiret. Vide; quanta fuerit malitia unius peccati, aliena voluntate à nobis commiſſi: quid non facient, quæ propria voluntate cumulamur? Minus eſſet, ſi cælum ſolum obſerarent; niſi etiam infernum aperirent, & nos in profundum ejus præcipitarent. Parce Domine animæ peccatrici. Doleo! & jam aſcenſiones in corde meo diſpono.

2. **A** DORA D. JESUM, & confidera: ipſum portas cæli, adamantinis ſeris obſeratas, per Aſcenſionem ſuam aperuiſſe feliciter & glorioſè. Tenebantur ita ocluſæ, ut ſimul eſſent validis excubijs munitæ. Unde cùm aſcendentis Domini comites Angeli inſclamãſſent: *Anollite portas Principes veſtras, & elevamini portæ æternales, & introibit Rex gloriæ.* Pſal. 23. non illico eas panderunt excubitores, ſed inquiſiverunt: *Quis eſſet iſte Rex gloriæ?* Imò etiam cùm audiſſent: Dominum fortem, & potentem in prælio, ac deniq; *Dominum virinum*, eſſe Regem gloriæ, cui ingreſſus debeatur: non leguntur excubitores aperuiſſe; ut apertius indicaretur: quod DEUS clauſit, à nulla creatura aperiri potuiſſe. Ipſe igitur Dominus virtutum & Rex gloriæ, Cruce ſua pro clavi uſus, portas illas ſibi aperuit, & nobis: nunquam deinceps ita claudendas, quin etiam ab hominibus aperiri poſſent, adhibitis, Petro & ſucceſſoribus ejus commiſſis, clavibus. Vide; in quàm felicia tempora incidimus: & æſtima hanc Divinæ Providentiæ diſpoſitionem, & Amabiliſſimi Salvatoris merita gratiamq;. O pretioſiſſima Clavis David, JESU Gratiſſime, averte hanc à me dementiam; ne ultro me præcipitem in puteum abyſſi, qui cælum per Te mihi apertum habeo.

3. **V**ENERARE DEIPARAM V. & confidera eam, ut *Portam cæli* ſemper & omnibus patentem. Præter 12. portas cæleſtis Jeruſalem, reſerantes Apoſtolos 12, etiam hanc erexit divina Clementia: ut ſi quis ab alijs excluderetur Apoſtolice diſciplinæ rigore; per hanc faciliorem haberet

beret ingressum. In hac enim Porta non exercetur iudicium, sed largius dispensatur misericordia, donatur gratia: qua contriti peccatores, jam non sunt indigni, ut canes aut porci, ingressu in Civitatem sanctam sed inter cives ejus annumerari merentur. Ad te igitur, peccatorum primus confugio, ô Gratiostissima: admitte, & dignum fac ingressu cælestis Jerusalem: ubi misericordias tuas in æternum cantabo.

Examina deniq; desideria tua: an aspires ad cælum: vel bonis terræ contentus vivas? Periculosum hominis statum arguit hoc. Aspira sæpius ad beatam illam patriam.

LECTIO PRACTICA.

Quomodo Oratione, præsertim Canonica Officij Divini; utendum ac Clavi cæli.

Plures esse cæli Claves, constat ex commissis Petro, Matt: 16. *Tibi dabo claves regni cælorum.* Nimirum alia est clavis referans cælum; & hæc est Absolutio Sacramentalis: alia claudens cælum; & hæc est Censura Excommunicationis: alia est clavis intimi regalis cubiculi in cælo; & hæc est Contemplatio: alia clavis gazophylacij & thesaurorum cælestium: & hæc est Oratio, qua varias gratias impetramus è cælo. *Oratio justis Clavis est cæli:* inquit S. Augustinus serm. 226. *Ascendit precario: & descendit DEI misericordia.* Porro sicut inter claves materiales aliæ alijs sunt fortiores; aliæ ferreæ, aliæ aureæ; quædam particulares, quædam generales: ita inter claves spirituales non minor reperitur varietas.

Cæterum inter reliquas omnes Orationes, seu Orandi modos, post Dominicam Orationem, facile principem meretur locum ea, quæ dicitur Canonica Officij Divini, & Breviario Ecclesiastico continetur, à Sacerdotibus omnibus ex præcepto Ecclesiæ, quotidie ad DEUM fundenda. Nam, ut egregie notat Ludovicus Abelly Episcopus Ruthenensis in Gallia p. 2. cap. 5. Sacerdotis sui Christiani: ita sapienter dispositum est id Officium: ut nihil melius ad DEI gloriam, & ipsorum Ecclesiasticorum, totiusque populi Christi pietatem, & devotionem excitandam, aut cogitari, aut institui potuerit. Constat enim varijs Psalmodijs, Hymnis, Canticis, Antiphonis, Lectionibus, Capitulis, Responsorijs, Collectis, Versiculis, tum ex S. Scriptura, tum ex Libris & Historijs Sanctorum pulcherrimo ordine & formâ decentissima sibi invicem cohærentibus, & ad divinum cultum devotionemq; nostram tam sancte & sapienter dispositis: ut nihil omissum videatur, quod opportunum esse possit ad mentem humanam, excusso torpore, in DEUM excitandam, & ad persolvendas ipsi nunc laudes, nunc gratias, & humiles preces. Divisum est in Partes septem; tum, ut toties homo

homo erigatur, & recurrat ad DEUM, quoties in die cadere dicitur Justus. Prov. 24. scilicet septies: tum quia par est, ut septies minimum imploremus opem divinam in diem; cum constet adversarium nostrum assidue nos impetere, assumptis secum spiritibus nequioribus septem.

Ut autem sacerrimum hoc Officium ea, qua decet, & necesse est, pietate persolvatur: meminisse oportet tum obligationis, quam ex natura sua oratio quævis, quæ ad DEUM dirigitur, importat; tum Constitutionum Ecclesiasticarum sanè non levium. Concilium Aquisgranense primum cap. 130. statuit: Sacerdotes, aliosq; ad id obligatos, *memores Angelicæ præsentie* (imò etiam Divinæ) *cum timore & veneratione competenti, caeleste Officium complere debere: ne si, quod absit, id negligenter, inhonestè, vel repidè expleverint: in sententiam, qua dicitur Maledictus homo, qui opus DEI facit negligenter, miserabiliter delabantur.* Nam, ut observat Concilium Trevirense 2. *quid est, voce psallere, mente autem domum aut forum circumire, nisi homines fallere, & DEUM irridere?*

Concilium verò Lateranense sub Innocentio III. *districtè & in Virgine Obedientiæ* (cap. Dolentes) præcipit: *ut Divinum officium, nocturnum pariter ac diurnum, studiosè ac devote celebretur.* Nimirum studiosè; quo ad officii oris, prout glossa interpretatur: id est, ut verba debite ac integrè proferantur, non deglutendo syllabas, aut syncopando vel tumultuariè præcipitando dictiones; sed fideliter, & reverenter, prout decet eum, qui ut loquitur S. Chrysost. lib. 6. de Sacerd. c. 3. *pro universo terrarum orbe legatus apud DEUM, & precator intercedit.* Insuper absolvi debet Devotè, quo ad officium cordis. Id est, ut hoc versetur in corde, quod profertur in ore: ut vocibus oris gratiam conciliet attentio & reverentia mentis. Si enim, ut rectè monet Cassianus Collat. 23. c. 7. *cum sublimi alicui homini, non dicam pro vita aut salute nostra, sed etiam pro alicujus lacri commodo, supplicamus: totam in eum, & mentis & corporis aciem defigentes, de mun ejus trepida expectatione pendemus: quanto magis, cum illi oculorum omnium cognitori supplicamus, inveniatur atq; sollicita oratione ipsius clementia imploranda est: præsertim dum Ministrorum Ecclesiæ personam sustinemus.*

Cavendum igitur diligenter: ne Auream hanc Cæli Clavem convertamus in Clavem, Infernum aut grave Purgatorium nobis referantem: si vel omitamus non legitime expediti, vel non debita devotione absolvamus Divinum hoc Officium. Variè testatus est DEUS, quàm exosa ipsi sit in hoc negotio negligentia. Dormitanti cuidam inter psallendum imago Christi descendens tam gravem infixit colaphum: ut tribus post diebus fuerit extin-

Stus. Fratribus duobus, cum sedentes in lecto Matutinum recitarent, diabolus subito adfuit; & fetorem intolerabilem excitans dixit: *Tali orationi tale convenit incensum*. Lohm: in Biblioth. Tit: Oratio. §. 5. Quid! si & indecens fuerit situs in corpore, & perpetua, eaq; voluntaria distractio in mente? Si magis crapulam, quam verbum bonum cor eructet? Miseros nos: qui non timemus, nec erubescimus, talem fundere orationem ad DEUM; qualem non auderemus ad hominem? Servi Christi, Ministri Ecclesiae, meminerimus: Rem nobis esse cum DEO.

FERIA II.

MEDITATIO: *De praesentata à CHRISTO Patri Captivitate Sanctorum liberatorum.*

1. **A** Dora DEUM O. M. & considera: quomodo per Ascensionem Christi genus humanum admiserit in possessionem caeli seu regni sui plenè beatificantis. Inprimis admisit titulo membrorum Christi. Convenit enim, ut ubi est Caput, ibi sint membra reliqua: ubi Princeps, ibi famulitium ejus. Deinde titulo ingentium meritorum Christi. Solet enim remuneratio grandium meritorum illustris personae in totam derivari familiam: quemadmodum Pharaon ob merita Josephi toti domui Jacob dedit in possessionem partem optimam Aegypti, dicens ad Joseph: *Pater tuus & fratres tui venerunt ad te: terra Aegypti in conspectu tuo est: in optimo loco fac eos habitare, & irade eis terram Gessen*. Gen. 47. Numquid parcior DEUS erga fratres Christi? Deniq; jure quodam belli, in quo usq; ad sanguinem & mortem pro gloria Patris decertaverat, obtinuit sibi & nobis caelum Christus: ut jam eodem argumento probare possimus jus ad caelum, quo Legati Israelitarum probarunt Regi Ammonitarum jus ad certas regiones Nonne ea, inquiebant, *quae possidet Chamos deus tuus, tibi jure debentur? Quae autem Dominus DEUS noster Victor obtinuit, in nostram cedent possessionem*. Judic. 11. Tradidit igitur nobis in Christo possessionem regni sui, Benignissimus DEUS. Reliquum est; ut jus acquisitum solliciti tueamur: ne contingat, filios regni ejici foras.

2. **A** Dora D. JESUM & considera: quomodo ingressus in caelum, postquam Patri exposuit consummatum munus sibi impositum, exhibuitq; vulnera pro ejus gloria & animarum salute suscepta; praesentaverit multa animarum milia à captivitate principis tenebrarum vindicata. Erant inter illas plurimae, DEO, etiam in vita mortali, conjunctissimae & charissimae; ut Patriarcharum, Prophetarum, Joannis Baptistae, S. Josephi

phi &c. quarum assertio in libertatem tam ardua, ut erat summè æstimabilis Patri; ita Christum Redemptorem novo titulo reddidit eidem gratiosissimum & amabilissimum. Certè longè ampliori affectu quàm olim Patriarcham Abraham filium immolare paratum, compellavit victorem: Quia fecisti hanc rem, & non pepereisti animæ tuæ propter me, & propter salutem istorum: in Nomine tuo benedicentur omnes tribus terræ, & flectetur omne genu cælestium, terrestrium, & infernorum. Sede à dextris meis; donec ponam inimicos tuos scabellum pedum tuorum. Quis explicet, & concipiat oscula & amplexus, quibus tam gloriosè redeuntem ex prælio Filium excepit Pater? Gratulor tibi gloriosissime JESU, has paternorum affectuum delicias & honores. Misereere & hujus animæ, eamq; olim inter spolia tua annuera.

3. **V**ENERARE DEIPARAM V. & considera: ipsam à Filio cum innumeris Sanctorum turmis ascendente, relictam in terris ad refugium & solatium Apostolorum aliorumq; fidelium. Non enim conveniebat, ut à domo amplissima, nondum satis instructa, simul peregre profiscerentur & Pater & Materfamilias. Deinde quàmvis post paucos dies missurus erat Christus Paracletum Spiritum Sanctum: expediebat tamen, hominibus non omnia simul subtrahi humana solatia; præsertim quæ spiritui magis, quàm sensibus servirent. O Mater amabilissima, & nos non relinque orphanos, quibus & minus est à cælo solatij, & plus in terris periculi!

Propositum v. g. de abstrahendo à terrenis animo, & magis converiando ad cælestia.

LECTIO PRACTICA.

De varijs molestiis & infestationibus in Oratione occurrentibus.

NON sedemus in hoc mundo, sicut animæ Patrum in limbo, continuæ Divinorum meditationi deditæ, à curis, negotijs & varijs infestationibus immunes: in acie verlamur, in mari fluctuamus, incerti de salute, certi de periculis à dextris & sinistris occurrentibus. Si animum paulisper colligamus, ac velut à turbido in serenum Orationis elevemus: illico non una ingruit tempestas, quæ ipsam nobis tædiosam gravemq; reddit orationem. Confligendum non uno alterove anno cum hujusmodi adversis, donec tandem gratiâ & ope Benignissimi Salvatoris asseramur in tranquillum, & gustare atq; videre concedatur, quàm suavis sit Dominus. Interim fortiter resistamus, & media modosq; occurrendi quibuscumque infestationibus, in promptu habeamus, oportet.

1. Molestamur imprimis ab importunissima turba distractionum. Hæ vel oriuntur

oriuntur ex innata phantasia mentis; nostræ levitate ac instabilitate: **Vel** ex curarum & negotiorum copia, aut incuria in applicatione debita. **Si primum:** Tenenda doctrina Thomæ Kemp. lib. 3. c. 6. de Imit: *Non se conturbent alienæ phantasie de quacunque materia ingesta. Foris serva propositum, & inventionem rectam ad DEUM. Nec est illusio: quod aliquando in excessum subito raperis; & statim ad solitas ineptias cordis reverteris. Illas enim invide magis pateris, quam agis: & quamdiu displicent, & reniteris; meritum est, & non perditio.* Imploranda assidue divina gratia: humiliemus nos coram Divina Majestate: quod eam, ut decet, colere non possumus; abruptum orationis filum continuè connectere studeamus, & indefessi aves sacrificium orationis consumere, volentes, cum Abrahamo abigamus.

Si secundum: Cogitemus; inter primas & summas curas nostras debere esse Studium Orationis; & negotium negotiorum esse, agere cum DEO. Si hoc bene processerit, procedent & alia, quorum bonum successum aliter sperare non possumus. Proinde accedentes ad Orationem sive Vocalem, sive mentalem, oportet diligenter mentem colligere, & alia negotia seponere. In ipsa oratione humilis coram DEO deponenda querela de ingrata & importuna infestatione; atque ardens desiderium bonæ orationis identidem excitandum atque vibrandum. Juvat quoque offerre DEO aliorum ejus servorum ferventes orationes, exemplo simplicis illius bajuli, qui ultro se obtulit ad portandas gratis sarcinulas S. Ignatii & Sociorum itinerantium. Dum enim isti, diversorum aliquod ingressi, se componebant ad orationem; ipse in angulum aliquem sese recipiebat, observabatque orantes. Tum ad DEUM conversus: Domine DEUS, inquebat, Viri isti Sancti sunt, & ego jumentum ipsorum: quod ipsi volunt, & querunt; hoc & ego. Qua simplici oratione, & voluntario obsequio meruit Vocationem ad Societatem, & in ea donum altissimæ Contemplationis: ut fusiùs refert Rodriguez p. 1. Exerc. Perfecti.

Si tertium: Dolendum imprimis de ea incuria, & proponenda melior præparatio, secundum methodum præscriptam. Nisi enim hanc omni diligentia adhibeamus: mirum non est, nos importunissimis phantasijs vexari; imò miraculum esset, si hæ non infestarent nos. Quale enim granum molendino affundimus, tale molit & conterit lapis. Qualem liquorem vasi infundimus, hunc redolet; quales herbas seminavimus in corde, tales pululant, & succrescunt. Deinde recolendum sæpiùs illud Jerem: 48. *Male dictus, qui facit opus DEI negligenter, aut fraudulenter.* Et Matt: 15. *Hic populus labijs me honorat; cor autem eorum longè est à me.*

FERIA III.

295

2. Molestant & instant orantes maligni spiritus, modis varijs & calidissimis. 1. Impediunt præparationem debitam, animi recollectionem, & convenientem corporis situm, præsertim dum è somno expergiscimur, & matutina imminet oratio. 2. Suggestunt non solum cogitationes impertinentes & ineptas, sed etiam in speciem pias; modò animū avertant à materia assumpta. 3. Concitant varios inordinatos motus & passiones, quibus mentem obscurant, & animam conturbant. 4. Nunc ad studium orationis ita alliciunt ut operationis, obedientiæ, mortificationis & aliarum virtutum exercitium contemnatur, & negligatur: nunc ad actionem ita impellunt, ut orationis fastidium inducant, & omne tempus surripiant. Quæ tentatio est una ex primarijs malignorum spirituum. 5. Transfigurant se in Angelum lucis, & jam suggestionibus internis, jam apparitionibus externis abducunt ab ordinaria via virtutum & perfectionis; & inducunt in non tritam. 6. Suggestunt quædam principia in speciem pia, quibus pertinaciter insistamus, etiam contra Superiorum & Spiritualium Patrum sensum & directionem. 7. Somnolentiam, & torporem & tædium in oratione concitant: quemadmodum S. Macarius vidit parvulos quosdam Æthiopes per Ecclesiam discurrentes, & jam huic oculos comprimentes ad dormiendum, jam illi digitum in os immittentes ad oseitandum; huic mulierum, illi negotiatorum &c. speciem objicientes. Ad has & similes dæmonum artes advertere oportet, easq; contrarijs eludere.

3. Molestant in oratione Ariditates animi & Desolationes: de quibus Lectioe seq: Hic recolendum, & memori mente tenendum illud Christi: *Vigilate & Orate; ne iniretis in temptationem.* Matt. 26.

FERIA III.

MEDITATIO: *CHRISTUS ascendit paraturus nobis locum.* Joan. 14.

I. **A** DORA DEUM O. M. & considera eum, ut Dominum domus tam amplæ, ut respectu illius totus orbis terrestris punctum sit; tam splendidæ, ut illi comparata lux solis caligo sit; tam pretiosæ, ut omnia in illa sint aurum purissimum & gemmæ, quales non parit terra; tam felices, ut nullus ibi dolor & luctus locum habeant, sed perpetuum ubiq; resonet Alleluja; tam gloriosæ, ut domestici omnes sint Principes maximi, & filij Altissimi; tam ordinatæ, ut singuli pro meritis suis & dignitate distincta non tam conclavia, quam amplissima palatia, viridaria, & quidquid optari potest, imò plus quam à nobis optari aut cogitari potest, possideant. *In domo Patris mei mansiones multe sunt* (dixit Christus Joan. 14. animando Apostolos) omnes

ornatissimæ & ordinatissimæ. Et adhuc in his terræ cavernis perennare placebit? Miseri: sursum corda, sursum amorem! In domo Patris nostri, ibi mansiones sunt, dignæ non solum Regibus terræ, sed maximis Principibus cæli. O quantus es DEUS, qui tantam habitas domum, nec illâ caperis! Quam amabilis es Pater noster; qui ab origine mundi tam splendidas nobis parasti mansiones!

2. **A**dora D. JESUM, & considera: ipsum ascendisse in cælum, ut nobis pararet locum, seu mansionem in domo Patris sui. *Vado parare vobis locum. Et si abiero, & præparavero vobis locum; iterum venio, & accipiam vos ad me ipsum; ut ubi ego sum & vos sitis.* Joan. 14. Quam plena tenerrimæ dilectionis verba! Jam pridem ab initio mundi Divina Providentia paraverat Electis omnibus & singulis locum atq; mansionem in regno cælesti: quia tamen nemini concedenda erat omnino gratis: prævit Christus, ut requisitum pretium meritorum & sanguinis sui exhiberet solemniter Patri coram tota curia cælesti, adeoq; possessionem acciperet pro nobis. Paravit igitur nobis locum, tum solemniter exhibendo pretium pro illo debitum; tum accipiendo possessionem suo & nostro nomine. Quod addidit: *Iterum venio, & accipiam vos ad me ipsum; ut ubi sum ego, & vos sitis;* deliciarum sunt, & excessus quidam amoris; quasi sine nobis non esset satis beatus futurus. Et nos non cupiemus dissolvi, & esse cum Christo? Tam volupe nobis est in corpore mortis huius? Bruta sumus: si non sapimus, quæ sursum sunt: ubi CHRISTUS est ad dexteram DEI sedens; nos invitans & expectans.

3. **V**enerare DEI param V. & considera: Christum ipsi augustissimum præ omnibus, Angelis & hominibus, in cælo parasse locum, dignitati & meritis ejus amplissimis congruentem. Cum enim creaturam nullam dignitatis prærogativâ, & meritorum magnitudine parem haberet; Filius insuper summo teneretur studio honorandi Matrem: locum ei paravit throno suo proximum, & à dextris suis (ut olim Salomon Bethsabææ matri suæ) qui omnibus Angelorum choris longissime emineret. Gaudeo, ô Domina, tam eminenti mansionem tuam. Ah liceat aliquando propius accedere, & Majestatem tuam venerari cominus!

Proposium v. g. de recumbendo hic in novissimo loco per humilitatem; ut tanto altiore obtineas in cælo, tantoq; magis DEUM in peripetiam ames & glorifices.

LECTIO PRACTICA.

Quomodo facile & semper bonam fructuosamq; Orationem instituere possimus.
Adver-

Advertendum imprimis: juxta communem Ascetarum doctrinam, quam egregie declarat Rodriq. in Exercit. Perfect. par. 1. tr. 3. c. 18. bonitatem & fructum Orationis, etiam Mentalis seu Meditationis, non consistere in extraordinarijs quibusdam animæ Consolationibus cælitus acceptis; neq; in sensibili devotione quadam & animi dulcedine. Hi enim sunt singulares DEI favores, & quædam blanditiæ, quæ etiam Sanctissimis non raro subtrahuntur, aut valde serò dantur, prout DEO placuerit. Unde recte monet Kempensis lib. 2. de Imit. c. 6. *Verus amator Christi. & studiosus sectator virtutum non cadit super consolationes, nec querit tales sensibiles dulcedines: sed magis fortes exercitationes, & pro Christo duos sustinere labores.* Cum igitur spiritalis à DEO consolatio datur; cum gratiarum actione suscipe eam: sed DEI munus intellige eam esse, non tuum meritum. Cum ablata fuerit consolatio; non statim desperes; sed cum humilitate & patientia expecta cælestem visitationem. Istud non est novum, nec alienum viam DEI experiri: quia in magnis Sanctis, & in antiquis Prophetis fuit sæpè talis alternationis modus. Errant igitur non leviter, qui tristantur, & pusillanimes fiunt, putantq; se non bonam fecisse orationem; quando, etiam ad longius tempus, non demulcentur hujusmodi cælestibus consolationibus.

Secundo non consistit etiam essentialiter Bonitas & fructus Orationis in sensibili quodam fervore animi, quo exardescimus sensibiliter (redundante nimirum actu animi in ipsum corpus) in amorem DEI, vel odium peccatorum & incendimur desiderio virtutum. Nam hic fervor, quatenus sensibilis est, est in appetitû sensitivo; bonitas autem moralis, & ratio perfectioq; virtutum consistit in actibus appetitûs rationalis seu Voluntatis; qui possunt esse valde perfecti, etiam si se non prodant sensibiliter. Patet hoc in actu amoris & perfectæ contritionis, quo mater aliqua diligit DEUM & dolet de peccatis suis super omnia. Quàmvis enim non ita tenere & sensibilibiter diligit DEUM sicut prolem suam, ob cujus malum aliquod dolet longè acerbius, plangit & lamentatur: Amor tamen DEI, si est super Omnia & ex proprio ejus motivo, est in illa longè perfectior; siquidem, si ita opus esset, mallet potius prolem suam perdere, quàm offendere DEUM. Hinc Theologi & Patres Spirituales solent solari pœnitentes, qui graviter queruntur, & suspectas habent confessiones suas eo, quod non sentiant in se dolorem tam intensum, prout optant. Solent nimirum ipsos instruere: quod veritas & perfectio pœnitentiæ non consistat in profusione lacrymarum, angustijs cordis, & sensibili dolore de peccatis, qui sunt actus appetitus sensitivi: sed in sola voluntate, & vera, plena, firmaq; aversione à

peccatis, & conversione ad DEUM. Cujus aversionis & conversionis perfectio non est desumenda & æstimanda ex ijs, quæ sensibus percipimus; sed ex resolutione & firmitate animi, hinc & nunc parati subire quævis mala, quàm amplius averti à DEO.

Tertio non consistit etiam Bonitas Orationis in carentia, seu privatione distractionum, tardij, tentationum, & similium aliarum molestiarum, de quibus ordinariè conqueri solemus. Nam illis omnino carere, non est in nostra potestate: sed nobis solum incumbit; ipsis causam vel occasionem culpabiliter non dare; neq; eas per incuriam nostram fovere. Si ergo absq; culpa nostra contingant, & patienter eas toleramus, si satis abigere vel evitare non possumus: melior & fructuosior esse potest Oratio distracta & tardij atq; ariditatis plena, quàm si talibus incommodis careret.

Bonitas igitur Orationis, præsertim Mentalis, seu Meditationis, consistit in bona dispositione animi, seu voluntatis ad declinandum à malo, & faciendum bonum. In hunc enim finem dirigenda semper est oratio. Jam verò in nostra semper est potestate, adjuvante gratiâ divinâ, elicere aliquos actus aversionis & detestationis peccatorum, humiliationis quoq; & doloris ob commissâ: similiter actus amoris divini, fidei, spei, patientiæ, desiderij perfectionis, & contemptus proprij; etiamsi in medio distractionum, tentationum & desolationum versemur, pumice aridiores. Deinde si per viam Punctorum, quæ meditanda suscepimus, propter continuas distractiones vel alia impedimenta pervenire non possumus ad concipiendum & firmandum Propositum particulare, quod hoc die, vel aliâ executioni mandemus: licebit ex alijs congruis motivis illud formare v. g. ex generali motivo Charitatis; ut DEO, JESU & Mariæ placeamus, eorum gloriam & honorem promoveamus, pro offensis commissis satisfaciamus &c. Hoc autem & facile, & valde fructuosè facere possumus, saltem per breviores frequentatos actus inter meditandum.

Deniq; dato, quòd sere tota, aut tota, sine fructu effluerit Oratio: quidni saltem in fine, dum advertimus, nos nihil adhuc fructus tulisse, liceat colligere animum & vires, & præmissa propositum prosequendi, vel fugiendi id, cum ipsius auxilio elicere serium propositum prosequendi, vel fugiendi id, ad quod Meditatio dirigebatur; assignatis pariter temporibus, modis & medijs, quibus id propositum sit executioni mandandum? Quidni insuper, si advertatur aliqua culpa in Oratione commissâ, assignari possit congrua aliqua pœnitentia? Quæ si fiant: quis dicet in Oratione esse oleum & operam perditam?

MEDITATIO: *CHRISTUS distribuit in celo loca Sanctis secundum merita ipsorum.*

1. **A** Dora DEUM O. M. & considera: eum formasse hominem staturâ erectum, ut capite oculisq; remotior à terra, identidem cælum suspiceret; & quò sibi sit tendendum, adverteret; atq; de medijs ed perveniendi cogitaret. Non vult nos solum curiosos & otiosos cœli spectatores, sed navos & fortes ejusdem expugnatores. Non enim traditur ignavis; sed *violenti rapiunt illud. Matt. 11.* Hinc ascendente in cælum Christo, eum Apostoli fixis oculis *inmerentur in cælum euntem illum: ecce duo viri adstiterunt* (Angeli) *qui & dixerunt: Viri Galilei, quid statis aspicientes in cælum? Non standum: longa enim via restat & ardua. Nec aspiciendum duntaxat, quò Christus iverit: sed strenuò connitendum, ut eodem perveniamus.* Elevari nos oportet cogitatione & affectu supra terram: fortia agentibus & dura patientibus pro DEI gloria, non deerit nubes, quæ tandem nos inferat cælo: ejus possessionem voluit DEUS, non merè suum esse liberale donum, sed etiam præmium nostrum & mercedem. Ergo auspice DEO, Christo Duce, in cælum! in cælum!

2. **A** Dora D. JESUM, & considera: quomodo mox, ac ad dexteram Patris confedit, atq; à tota Curia cœlesti, submissione omni adoratus fuit; cœperit exercere potestatem, quam sibi datam esse omnem in cœlo & in terra, dixerat Matt. 28. Illic enim cœpit implere ruinas cœlestes, seu loca, ex quibus exciderunt apostata angelis; distribuendo ea inter Sanctos, quos secum adduxerat in cælum e limbo, unicuiq; secundum merita sua: *non enim est acceptio personarum apud Deum, Rom. 2.* Unde iterum ingens coortus est in cœlo plausus; lætantibus Angelis ob incrementum civium cœlestis Jerusalem, & ruinarum in Hierarchijs suis restorationem; exultantibus, & suos honores atq; felicitatem non capientibus Sanctis illis: quòd cœli Principibus Angelis cœquati essent. Nulla Angelos mordebat invidia: nulla homines inflabat superbia: sed omnes laudem dabant Christo, *qui est Caput omnis principatus & potestatis. Coloss. 2.* Quod tunc factum est in cœlesti, semper fiat, oportet, in terrestri regno Christi. Nemo indignetur, alterum æquari sibi: nemo infletur eVectus super alios: sed omnes muneri suo intenti, studeant placere Christo; cui æquissimo honorum cœlestium & terrestrium dispensatori, honor omnis & gloria in sæcula.

3. **V**enerare DEI param V. & considera: quomodo non solum æquo, sed gratissimo animo tulerit, se relictam in terris, ascendente in cœ-

los Filio. Non *æstimabat* vicissitudines & ærumnas præsentis vitæ: sed at-
tendebat ad statum merendi, & DEO deservendi per actus liberos, atq; to-
lerantiam adversitatum variarum; quorum nihil est in cælo; in terris au-
tem abundamus hujusmodi occasionibus, sanè pretiosis, & quæ invidiam, si
fieri potest, moveant in ipsis Beatis. Gaudebat igitur Virgo sapientissima &
humillima; concessum sibi esse temporis aliquid, quo voluntariè sacrificaret
DEO hostiam laudis, & ageret Ancillam Domini. Malebat enim hoc, quam
agere Dominam mundi. Da, ô Gratiostissima: ut & ego intelligam utilita-
tem præsentis, licet ærumnosæ vitæ: atq; illâ pro DEI & tua gloria utar,
ut decet.

Propositum, v. g. *strenuè laborandi pro sede gloriosa in cælo.*

LECTIO PRACTICA.

Orandum & Laborandum.

Dictum est antiquis: *Dij laboribus omnia vendunt.* Quod ut verum sit,
addendum: *Dij* (seu Superi) *Rogati laboribus omnia vendunt.* Non
satis enim est, offerre ipsis pretium laborum; sed insuper obnixè rogari de-
bent, ut vendere velint. Merces enim ipsorum, præsertim cælestes, valde
sunt pretiosæ & pretium laborum nostrorum plurimum excedunt. Ut ergo
tam vili vendant: rogandi sunt. Hinc dum per Prophetam, Isa. 55, em-
ptores invitat DEUS: *Venite, Emite, absq; argenio & absq; ulla commutati-*
one; non requirit quidem pretium, aut res alias per commutationem: non
tamen omnino gratis vult dare merces suas, sed ait: *Emite.* Quo? *Emite Pre-*
ce & Labore. *Orandum & Laborandum.* Unde etiam quamvis gloriosæ
& regales in cælo sedes sint paratæ Electis ante constitutionem mundi:
illæ tamen occupari non possunt, nisi strenuo & constanti Labore; *Regnū*
cælorum vim patiuntur, & violenti rapiunt illud: & humili Oratione, qua ab
ipso Christo docti sumus supplicare DEO: *Adveniat regnum tuum.*

Nec labor ergo utilis est sine Oratione, nec Oratio sine labore, præser-
tim in negotio salutis nostræ, & ad obtinendas necessarias nobis vel alijs
gratias divinas: prout ex adducendis exemplis patebit. Raderus in Viri-
dario suo p. 3. refert; Sanctum quendam Cœnobij Antistitem assiduè
DEUM precatum fuisse: ne pateretur unquam cœtum cœnobarum suorū
separari a se, sive in hac, sive in altera vita; sed ut in cælo sint simul omnes.
Hunc Christus ita erudit. Appetebat in remoto asceterio festus Sancto-
rum dies, ad quem invitatus, per quietem vocem audijt: *ho, sed præmine*
Fratres tuos: in postremum sequere. CHRISTUS igitur mendici specie, media
in via se objecit. Discipuli præeuntes rogant ægrum causam ejulatus: qui
respon-

respondit: *Ager insidebam jumento, quod excusso me fugit: desertum non habeo, qui me ad urbem deportet.* Cui Monachi se excusabant; quod & ipsi pedites irent; & eo relicto, abierunt. Secutus Abbas eundem offendit ægrum; cognitoq; ipsius statu, quæsit: Nonne paulò ante transiére quidam Monachi, & te hîc invenerunt? Sanè, inquit æger: sed dixerunt, se non posse mihi opem ferre. Et Abbas: Potestne paululû ingredi; ut simul sensim progrediamur? Non possum: inquit. Ergo Abbas cum in humeros suscipit, dicens: **DEUS** sublevabit: abeamus. Et æger: Quomodo me per tantum spatium itineris feres? Abi modò, & precare pro me. Et Abbas: Non te dimittam: gestabo. Et primò quidem sensit onus ad hominis modum grave, mox levius, iterumq; facilius. Tandem cum vix sentiret sarcinam, cœpit mirari: & ecce qui gerebatur, disparuit; vocem autem audivit, sic se compellantem: *Tu assidue oras pro discipulis tuis, ut vivi & mori una sint; & illi honore celi ac beatitudine tecum perficiantur: Viden, ut longè alia sint illorum studia virorum, ac tua? Conare ergo illos ad sui emendationem excitare, ut se tecum exerceant: ut possim tua petitioni satisfacere.*

Frater Matthæus de Bascio, unus è primis Capucinorum Patribus, sanctitate & miraculis clarus, cum Venetijs prædicaret Judæis; quidam ipsorum compunctum se simulans, accessit Matthæum, rogans: ut sibi lumen veræ fidei impetraret è celo. Promisit liberaliter vir **DEI**: sed nequam Hebræus coram contribulibus simplicitatem ejus deridebat: imò post aliquot dies ipsi obviam factus, dixit: Orationes, quas poposcisset, omnino inefficaces esse: siquidem à Christo nullum lumen acciperet. Intellexit Matthæus, quid rei esset: proinde rogavit ut postridie se accederet, tum auditurus rationem inefficiæ precum suarum, tum sibi in aliquo negotio operam commodaturus. Ubi adfuit Judæus, deduxit illum ad palatium quoddam uno milliari distans ab urbe; in cujus limine vidit bajulum quendam, & penes ipsum frumento plenum saccum, scapham verò in litore vicini maris. Rogavit ergo Pater Judæum; ut se juvaret in sacco illo humeris bajuli imponendo, qui eum deferat ad scapham. Judæus confestim ori sacci manus admovit, Frater Matthæus eundem in altero sine apprehendit: cumq; Judæus saccum levaret; ille de industria eum è manibus dimisit. Quod cum sapius factum fuisset: cœpit stomachari Hebræus dicens: Oportet, ut & tu ex altera parte firmiter onus sustineas: quia ego solus non sufficio. Tunc cœpit vir **DEI** edisserere parabolam. Tu, inquit, nuper me rogasti, ut pro salute tua, & infundendo tibi lumine veræ fidei, Dominum deprecarer. Feci cum omni diligentia, quod mearum partium erat: ex parte tua defectus est.

est. Coniungamus impigri vires & operam: & brevi videbis Misericordiam DEI. quod dicto, palatium, bajulus, & faccus cum scapha disparuerunt. Judæus attonitus, & probe instructus, cum & ipse negotium salutis suæ cum DEO tractare cepisset; paulo post cum tota domo baptizatus est. *Chronie. Caput: tom 1. p. 2. ad Ann: 1552.*

Bene S. Chrysostomus apud Lohm: in Biblioth. v. Oratio: Si nos in vir-
tutis studio seduli fuerimus, efficaces erunt & preces aliorum pro nobis: si verò de-
sides fuerimus, nemo nos iuvare poterit. Vel si juverit: magnum Divinæ Mi-
sericordiæ miraculum erit. Orandum & Laborandum.

FERIA V.

MEDITATIO: De CHRISTO & Matre ejus, ut Advocatis nostris
apud Patrem.

1. **A** Dora DEUM O. M. & considera: quomodo lætitiā triumphalis
Christi ascensionis, Angelis & discipulis jucundissimā, temperare
voluerit admonitione venturi Judicis. Intentis enim in cælum Apostolis ad-
fiterunt Angeli duo moerentes: Viri Galilæi, quid statis aspicientes in cœ-
lum? Hic Jesus, qui assumptus est à vobis in cælum, sic veniet, scilicet Judex vi-
vorum & mortuorum in fine mundi; quemadmodum vidisti eum euntem in cœ-
lum. Act. 1. Nimirum in prosperis & lætis facile dissolvimur: nisi nos ce-
erceat memoria venturi Judicis. Gloriam ascensionis appetimus omnes, &
ascendenti inclamamus: Trahe nos post te: sed meminisse oportet; prius o-
mnibus comparandum esse acri tribunal Christi: ut referat unusquisq; propria
corporis, prout gessit, sive bonum, sive malum. 2. Cor. 5. Ut igitur sequi merea-
mur Salvatorem ascendentem: offendere timeamus Judicem venientem.
Confige, Benignissime DEUS, salutari hoc timore animam meam.

2. **A** Dora D. JESUM, & considera: Judiciariam potestatem illi datam
esse non solum pro universali judicio in fine mundi; sed Pater omne
judicium dedit Filio. Joan. 5. Nihilominus pro sua clementia & benignitate
magis agit in hac mortali vita Advocatum nostrum, quàm Judicem. Unde
dum 1. Joan. 2. dicitur: Si quis peccaverit; non subjungitur: Severum ha-
bemus Judicem; sed Advocatū habemus apud Patrem, Jesum Christū justū. Et
Apostolus ad Rom. 8. cum fidenter exposulasset: Quis accusabit adversus ele-
ctos Dei? Deus, qui justificat: quis est, qui condemnet? subdidit rationem confi-
dentis suæ: Christus Jesus, qui mortuus est, imò qui & resurrexit, qui est ad dex-
teram Dei, qui etiam interpellat pro nobis. Interpellat autem, magis vulneri-
bus exhibitis, quàm verbis prolatis; & exauditur pro reverentia sua. En, ut
iterum

iterum temperat Deus metum venturi Judicis fiduciâ in Advocatum tam benignum, quàm potentem. En ut D. Jesus totus datus, totus natus est in com-
moda nostra! Ut Judex, excitat timorem; ut Advocatus, fovet fiduciam;
ut JESUS, accendit amorem, qui foras mittit timorem servilem, alit filia-
lem. O JESU, DEUS meus & Omnia: amen TE super omnia!

3. **V**enerare DEIPARAM V. & considera: etiam ipsam agere Advo-
catam nostram non solum sine injuria Christi, sed eum magno ejus
honore. Si enim honorificum est Christo: quod nos, viles servi, ad eum sup-
plices accedamus pro noxarum condonatione, & gratiarum impetratione:
quantò magis honorificum est, si Mater, gratiâ plenissima, virtutibus orna-
tissima, dignitate eminentissima, omni ex parte gratiosissima, supplex pro-
cumbat, & causam nostram agat? O Domina, veneror te efficacissimam
Patronam & Advocatam nostram apud Filium. Tuo Filio me commenda:
tuo Filio me reconcilia.

Propositum, v. g. *in adversis & laboribus recurrendi ad Christum per Orationem.*

LECTIO PRACTICA.

Ad Orationem recurrendum ut ad universale remedium quarumvis afflictionum.

Quam præclare ageretur cum hominibus, si quis domi suæ fontem ha-
beret cujus haustu omnem diluere posset mœrorem, & cœlitum præ-
gustare nectar. Fontem hunc, quem magis optamus, quàm agnoscimus, re-
vera nobis profusissima Bonitas, Optimi Numinis aperuit, tum in publicis
Ecclesijs, tum in privatis Oratorijs scaturientem. Oratio est; qua &
Divina meditatur, & in necessitatibus nostris supplices recurrimus ad DE-
UM. Ad hanc non minus facilis nobis est accessus, quàm efficax contra o-
mnes animi ægri tudines, & anxietates remedium. Ad hanc omni ætate,
omnis conditionis homines in quibuscumque afflictionibus confugerunt, & liqui-
dissimis delibuti sunt solatijs.

Oratio, inquit Chrysostomus hom. 19. *meroris omnis refugium, hilaritatis
argumentum, occasio perpetuæ voluptatis!* Oratio porus tempestate jactans, flu-
tuantibus anchora, scipio tribulatis, pauperum thesaurus, Divinum securitas, mor-
borum curatio, custodia sanctorum. Non minus diserta fuit vena Mellifluo in
encomia Orationis, apud Granatensem lib. 3. de Orat. c. 8. Orando, ait
Bernardus, bibitur vinum spirituale lenificans cor hominis, vinum scilicet Spiritus
S. inebriat mentem, & carnalium voluptatum infundit oblivionem. Et iterum:
Nihil est quod dulcius in hac vita sentitur, majore cum gaudio percipitur, corda
hominum fortius ab amore mundi disjungit. Nihil animum munit potentius ni-
hil hominem ad quævis bona opera faciendâ, & quævis tribulationes perferendas

eddit alacriorem studio contemplationis, vel Orationis. Pondus his addit au-
horitate Divina S. Jacobus Apostolus in sua Canonica cap. 5. *Tristatur,*
inquit, aliquis vestrum? Oret. Breve verbum, sed multiplex remedium. Tri-
statur aliquis, sive justus sive peccator; sive ob spiritualium, sive ob tempo-
ralium bonorum jacturam? Oret: & consolationem inveniet modò attendat.

Testatur de se ipso Psalter Divinus Psal. 76. *Renui consolari anima mea:*
memor fui DEI; & delectatus sum. Vix me converti ad orationem: & mox
tristitia conversa est in gaudium mihi. Singulare est quod de S. P. N.
Ignatio traditur lib. 5. Vitæ. c. 1. Huic ægrotanti, cum jam esset Præpo-
situs Generalis Soc: JESU, præcepit medicus: ne quem tristitiæ locum da-
ret, & omnes cogitationes contristare natas, à se eliminaret. His auditis,
Ignatius secum cogitare attentius cepit: quidnam tam adversum & tri-
ste accidere posset, quod serenam animæ suæ pacem & tranquillitatem per-
turbaret, & afflictionem in animo gigneret? Cumq; omnia sedulo lustrasset;
nihil omnino reperit, quo se contristari turbariq; posse existimaret: præter-
quam si ob aliquam causam contingeret, Societatem magno erectam moli-
mine, dissolvi, & interire. Cum verò ulterius pergens se examinaret: quàm
diu hæc afflictio in animo suo duratura esset? Advertit & judicavit: non
duraturam ultra unius horæ quadrantem, & mox se solitæ mentis hilari-
tati restituendum; dummodo non deesset facultas ad DEUM recurrendi
per Orationem.

Et hæc fuit semper, & est, praxis non solum Sanctorum, verum & aliorum
spiritum DEI habentium; in quavis afflictione confugere ad orationem, &
exemplo ipsius Salvatoris nostri ed ferventiùs orare, & prolixiusquò major premit-
adversitas. De Christo dicitur Luc. 22. *Et factus in agonia, prolixius orabat.*
Cornelius à Lap: ex Græco interpretatur: *Exiensius & Insensius* orabat. Pro-
traxit & intendit orationem, non quod ipsi necessaria esset tam proluxa: sed
ut eam nobis commendaret. Unde cum quidam DEI famulus (B. Hen-
ricus Suso, in horol: Sapientie c. 14. de se ipso loqui videtur) in cella
sedens tristitiâ maximâ & incredibili dolore tabesceret: vocem sensit in
animo sibi dicentem: Quid hic otiosus facis, & te consumis? Surge &
passionem meam perpende. Surgens ergo cepit maxima cum attentione
Passionis Christi mysteria meditari, & statim tristitia evanuit, animus sola-
tio repletus, & hoc exercitium continuans nunquam amplius talem tentati-
onem sensit. De S. Martino Episcopo scribit Severus Sulpitius eum ad
orationem solitum recurrere non solum pro solatio in afflictione, sed etiam
levamine in fatigatione. Ibi enim & respiramus liberiùs, & cor gravatū
essun-

FERIA VI.

309

effundimus confidentius, & virtutem ex alto trahimus efficacius.

Miseros! quibus fons solatorum, & officina cælestium auxiliorum, facta est tormentum animorum! Dum tempus adest orandi; tergiversamur, incipimus pavere, tædere, & mæsti esse, non aliter; quam si hora Passionis immineret. At regius Propheta orationis citharâ sumptâ, *Dedisti*, inquit, *lætitiam in corde meo.* Psal. 4. Unde infert S. Augustinus: *Non ergo foris querenda est lætitia: sed intus in interiore homine ubi habitat Christus; in ipso corde, in illo cubiculo, ubi orandum est.* Matt. 6. Ad JESUM Crucifixum vel Eucharisticum, more Sanctorum convertamur orantes: & mirabitur & dilabitur & affluet cor nostrum.

FERIA VI.

MEDITATIO: *De Apostolis jussis sedere Hierosolymæ usque ad Adventum Spiritus Sancti.*

1. **A** DORA DEUM OPTIMUM, MAXIMUM, & considera paternam ejus circa nos Providentiam, quâ non vult nos molli quâdam educatione dissolvere, & continuis affluere solatijs, etiam spiritualibus & cælestibus: sed sæpius exerceri labore sine quiete, tribulatione sine solatio, oratione sine gustu; donec iterum illucescat serenior hora, & veniat Paracletus. Sic Apostolis, corporali præsentia Christi jucundissimâ fruentibus, noluit dare Spiritum S. sed illo in cælos sublato. De quo disertè monuit Christus Apostolos Joan. 16. *Ego veritatem dico vobis: expedit vobis, ut ego vadam. Si enim non abiero: Paracletum non veniet ad vos: si autem abiero; mittam eum ad vos.* Amplector, Benignissime DEUS, paternam hanc circa nos dispositionem tuam. Carebo libenter omni alio solatio: tantummodo mitte mihi Spiritum S. tuum.

2. **A** DORA D. JESUM, & considera: quomodo ascensurus in cælum monuerit Apostolos Luc. 24. *Ego mitto promissum Patris mei in vos (Spiritum S.) vos autem sedete in civitate, donec induamini virtute ex alto.* Voluit, accepturos Spiritum S. non dispergi ad tractanda negotia sæcularia, etiam non peccaminosa, v. g. piscationem; sed interiori animi recollectioni & orationi intentos esse. Nec voluit, eos gaudio plenos, statim post ascensionem suam, profligare in forum, & prædicare Christum: sed *sedere*, ait, *in civitate*, tantisper occulti; scilicet in cœnaculo, ad quod se receperunt Act. 1. *donec induamini virtute ex alto.* Non determinavit numerum dierum, quibus collecti & recollecti intra privatos parietes expectare deberent: sed *donec* induamini virtute. Nimirum ad munus Apostolicum non facile profligendum

endum, prædicandi pruritus coercendus, antequam mittamur: studendum interim omni diligentia literis, virtuti & orationi; donec induamur virtute ex alto. *Ex alio* dicit: Non enim talenta nostra naturalia ad id munus sufficientiunt. Indue me, obsecro, Gratosissime JESU, hac virtute quantocyus: quia verè nudus sum: & tandem aliquid pro gloria tua operari volo.

3. **V**enerare DEIPARAM V. & considera eam ut margaritam pretiosissimam, non tantum omnibus terræ bonis, sed toto cælo compassandam: verum per omnem mortalem vitam intra concham latentem: cuius pretium solus novit negotiator cælestis Christus. Semper enim amabat ipsa latere, splendorem virtutum & dignitatis suæ non explicabat; imò intra vulgus mulierum censei gaudebat: & non solum usq; ad Spiritus S. adventum inclusa in cœnaculo latebat; sed etiam longè lateq; prædicantibus Apostolis se Matrem DEI non jactabat. O Gratosissima, non solum ut Virgo, verum ut Mater DEI, incognita; da: ut amem nesciri. *Propositum, v. g. de sedula dispositione ad suscipiendum Spiritum Sanctum.*

LECTIO PRACTICA.

Quis ordo servandus in Orationibus?

In actionibus & Orationibus nostris, ut graves evitemus errores, imitari nos decet ordinatissimam in decretis & dispositionibus suis Providentiam divinam: quæ ut non voluit ex piscatoribus in momento facere doctores orbis; sic nec voluit post triennium in schola positum, eosdem tumultuariè proflire ad prædicationem Evangelij: sed quietos, meditabundos & orationi deditos sedere & latere Hierosolymæ usq; ad Spiritus S. adventum. Nimirum ut omnia suum tempus habent: ita & ordinem suum, quo turbato non leviter nascuntur vitia. Sic & nos decet in orationibus nostris sacris certum servare ordinem: ut DFO gustum, & nobis conciliant gratiam.

Inprimis ergo Preces Obligatorie, quæ scilicet ex Lege, Præcepto vel Regulâ nobis incumbunt, præferendæ sunt Devotionalibus, quas ex privata devotione suscepimus. Cedendum enim est authoritati & potestati; ne in nos cadat illud Rom. 13. *Qui potestati resistit, Dei resistit ordinationi.* Nec potest esse DEO gratum, quod legitimæ Ministrorum ejus dispositioni adversatur; præsertim si talis dispositio non tendat in bonum quoddam temporale, sed ordinata sit ad majorem DEI gloriam & perfectionem nostram. Hinc non levis est error eorum, qui, ut privatæ devotionis suæ præcipuis liberis indulgeant, Obligatorias vel mutilant, vel tumultuariè deproperant; ipsas *Holisticas*, quibus nihil sanctius, desultorie percurrunt, & incommodis

simas temporis particulas ipsis tribuunt: quod **P. Leonardus Lessus** mirari satis non potuit in hominibus non tantum annos discretionis habentibus, sed qui etiam aliorum Magistros agere possunt & agunt. Merentur sane isti non mitiorem reprehensionem, quam Pharisei illi Matt. 15. quod *mandatum Dei ir-
rurum fecerunt propter traditiones humanas.*

Simili errori obnoxij sunt, qui, ut Devotionalibus suis nihil detrahant, certas actiones, ex Lege vel Officio suo exercendas, negligunt, aut raptim expediunt: quasi verò de illis, & non de istis essent DEO rationem reddituri. Hoc certè, quod lex aut præceptum requirit, oportet facere: illud autem, quantum fieri potest, non negligere: ne mereamur illam comminationem Matt. 23. *Vae vobis Scribae & Pharisei hypocrisae; quia decimatis mentam & anethum, & cuminum, & reliquistis, quae graviora sunt legis. Haec oportuit facere, & illa non omittere.*

Secundo Mentalis Oratio præferenda est Vocali. Meditatio enim ex communi Patrum & Ascetarum judicio utilior est; imò ad ipsam Vocalem ritè ob- eundam necessaria est: prout ex Hugone docet S. Bonaventura Spec. disc. p. 1. c. 12. *Sic, inquit, Orationi Sancta Meditatio necessaria est: ut omnino esse oratio nequeat, sicut Meditatio non comitetur aut præcedat. Nam hi, qui mala sua considerare negligunt; aut nihil petendo facile per ignorantiam falluntur, aut cerè minùs, quàm oportet, dignè petendo, per desidiam tepescunt. Quanto homo magis mala sua intelligit, tanto amplius suspirat & gemit. Meditatio nobis & divinas pandit perfectiones, ut exardescat charitas; & nostras detegit imperfectiones, ut nascatur humilitas.*

Tertio Communis oratio præferenda est Solitariae seu privatae. Ubi enim plures simul orant, Christus est in medio ipsorum; utiq; interpellans pro ipsis, & vigorem ad orandum præbens. Deinde alter alterum juvat: quem admodum, dum pleno choro canitur, etiam gracilior & obtusior vox à melioribus juvatur. Hinc S. Chrysostomus hom. 3. perstringit eos, qui dicere solent: Orare possumus etiam domi.

Quarto Oratio Communis præferenda est cuivis Actioni voluntariè susceptæ, quantumvis bonæ. Unde qui eo tempore, quo Communitas vacat Orationi sive Mentali, sive Vocali, aliud quidpiam operatur, quàmvis utile, & ad DEI gloriam ordinatum: vel minùs placet DEO, vel absolute non placet; juxta illud, quod Isa. 58. Judæis quærentibus, *Quare jejunavimus, & non aspersisti: humiliavimus animas nostras, & nescisti?* responsum est à Domino: *Eccc in die jejunii vestri invenitur voluntas vestra.* Non hoc agendum, aut tunc agendum, quod & quando nobis placet: Sed quod agendum est; & tempore, quo agendum est.

MEDITATIO : De D. Spiritu Sancto per cordis Munditiem & Orationem
constantem obinendo.

1. **A** Dora DEUM O. M. & considera : eum non nisi mundis corde Spiritum S. infundere. Est enim Spiritus ille purissimus & sanctissimus ; est Columba non insidens cadaveribus ; est Amor, non carnis aut terræ, sed divinissimus, quo DEUS amat se ipsum. Unde pœnitens David petiturus, Spiritum rectum innovari in visceribus suis, & Spiritu Principali se confirmari ; sollicitè præmisit : *Amplius lava me, Domine, ab iniquitate mea, & à peccato meo munda me : Cor mundum crea in me, Deus.* Psal. 50. Nos quoque mundandis cordibus nostris intentos esse oportet, adhibitis pœnitentiæ scopis, lacrymarum aquis, igne charitatis. Tu demum ipse, Divinissime Spiritus, ure igne ferventissimi amoris tui renes nostros & corda nostra : ut Tibi casto corpore serviamus, & mundo corde placeamus.

2. **A** Dora D. JESUM, & considera : eum quidem liberalissimo affectu fidelibus suis promississe Spiritum Sanctum ; voluisse tamen, eundem ab ipsis constanti oratione impetrari. *Petite, & dabitur vobis : quærite, & invenietis.* Luc. 11. ubi mox addidit : *Si ergo vos, cum suis mali, nostis bona data dare filiis vestris : quanto magis Pater vester de cælis dabit Spiritum bonum petentibus se ?* Quam Christi mentem & voluntatem intelligentes Apostoli, *lijq; fideles, reversi à monte Oliveti in cœnaculum Hierosolymitanum, omnes erant perseverantes unanimiter in oratione.* Act. 1. Felices nos mendicos Dei, quorum humili constantiq; petitioni tantum promissum est Donum ! Infanos nos : si petere negligimus ! Excita, Gratiosissime JESU, in me Spiritum orationis : ut impetrare valeam Spiritum divinæ tuæ unctionis.

3. **V**enerare DEIPARAM V. & considera : cum ipsa jungendas esse preces nostras, ut certius & facilius impetremus Spiritum S. exemplo Apostolorum, aliorumq; fidelium, qui omnes dicuntur Act. 1. fuisse perseverantes in oratione cum mulieribus, & Maria Maire Jesu. Expresè nominatur MARIA (quod alias raro) & secernitur à mulieribus : ut intelligamus ; in ipsius oratione præcipuam fuisse & esse vim impetrandi, non solum pro se, verum & nobis. O Domina, tu nosti, quam indigus sim Spiritus illius divini, & quam frigida atq; vilis sit oratio mea : ora pro me, & excita me ad ferventer & constanter orandum tecum.

Propositum, v. g. de majore quærentione & augmento precum per hos dies ad impetrandum Spiritum S.

LECTIO PRACTICA.

Quomodo possimus, & debeamus, semper orare.

Debere

DEbere nos semper orare: divina monet Authoritas. *Non impediatis orationem semper.* Eccl. 18. Quæcunq; immincant, vel obstare videantur negotia: *ne impediatis orare.* Quod ipsum commendat, urgetq; Christus Luc. 18. *Oportet semper orare, & nunquam deficere.* Non satis habuit dicere, atq; mone-
re: ut semper oremus; sed ad exaggerandam orationis necessitatem adje-
cit: *Et nunquam deficere.* Unde ex Christi instituto, prout notat ibi Corne-
lius à Lap: Tota vita Christianorum, multò magis Ecclesiasticorum & Reli-
gioforum, debet esse Oratio; tum ut laudemus assidue **DEUM O. M.** tum
ut necessarias nobis gratias impetremus ab ipso. Incitat nos ad id ipsum Cir-
cumstantia temporis præsentis: siquidem exempli **DEIPARÆ V. & Apo-**
stolorum docent: necessariam ad accipiendum Spiritum S. dispositio nem,
esse ferventem constantemq; Orationem. Orandum ergo semper.

At quomodo possumus orare semper, & nunquam deficere, homines tam
infirmi, tam occupati, & distracti negotijs alijs? S. Bonaventura in cap. 18.
Lucæ nodum hunc paucis dissolvit, triplicem exhibens modum, quo oratio
nostra semper continuari, & perennare potest. Dum igitur dicitur: *Opor-*
tet semper orare, & nunquam deficere: ut Oratio semper vel sit in Ore per
postulationem; vel sit in Corde per desiderium (scilicet gratiarum divina-
rum vel virtutum aut beatitudinis æternæ, vel sit in Opere per præparatio-
nem: qui enim bona agit, ad hoc se disponit; ut ejus oratio debeat audiri.
Et secundum hoc dicitur: *Sine intermissione orate.* 1. Thessal. 5. Ubi Glossa ait:
Semper orat, qui bene agit semper. Et Bedæ in glossa; *Semper orat, qui sem-*
per agit bona: nec desinit orare, nisi cum desinit justus esse. Hoc ipso enim, quod
quis agit aliquid propter **DEUM**, seu ad gloriam **DEI**; laudat, colit, glorifi-
cat **DEUM**: adeoq; orat. Nam Oratio in sua latitudine sumpta, & de qua hic
agitur, non solum dicit Rogationem, seu Petitionem ad **DEUM** directam;
sed prout explicant cum S. Damasceno lib. 3. fid. c. 14. Ascetæ, est *Ascensus*
Spiritus nostri ad Deum, sive ad laudandum & amandum eum, sive ad gratias
ei agendas, sive ad petendum aliquid ab eo. Et sic quoties aliquid agimus
propter **DEUM**, seu gloriam ejus, verè dici possumus *orare*; licet nihil ex-
pressè petamus. Accedit: quod ipsa actio bona, cum sit meritoria; est quæ-
dam petitio præmij.

Jucundum est, quod accidit Abbati Lucio. Venerunt ad ipsum monachi
quidam de Secta Euchitarum; quorum hæresis est, uni studio orationis vaca-
re, & præterea nihil boni operari. Quæsiuit ex illis senex: Quod est opus
manuum vestrarum? Illi dixerunt: Nos non contingimus aliquando opus
manuum; sed sicut dicit Apostolus, *sine intermissione oramus.* Dicit eis Se-
nex:

Debere

SABBATO.

311

rex: Et non manducatis? Illi autem dixerunt: Etiam manducamus. Et dicit eis: Quando ergo comeditis, quis pro vobis orat? Et iterum interrogavit eos dicens: Non dormitis? Et illi dixerunt: Dormimus. Et dicit eis: Sed non invenerunt, quod responderent. Et dixit eis: Ignoscite mihi Fratres: quia ecce non facitis, sicut dixistis. Ego autem ostendo vobis, quia operans manibus meis, sine intermissione oro. Sedeo enim juvante DEO, infundens paucas palmulas, & facio ex eis plectam, & dico: *Miserere mei Deus secundum multitudinem &c.* Et dicit eis: Oratio est, an non? Et dicunt ei: Etiam. Et ille dixit: Quando permansero totâ die laborans, & orans corde, vel ore; faciens plus minus sedecim nummos; & pono ex eis ad ostium cellæ duos nummos; & residuos manduco; & qui accipit illos duos denarios, orat pro me tempore, quo manduco, vel dormio. Atq; ita per gratiam DEI implebitur in me, quod scriptum est: *Sine intermissione orate.* Spec. Exmpl. V. Oratio.

Orare ergo semper, & sine intermissione possumus: Si nunc vocales quasdam ad DEUM fundamus orationes, nunc meditemur de Divinis, virtutibus, &c. nunc de similibus objectis loquamur, nunc desideria bona in nobis excitemus, nunc aliquid agamus aut omittamus propter DEUM, seu amore DEI; etiam sumptionem cibi, & somnum dirigendo ad ejus obsequium & honorem; præsertim si frequentius iteremus piam Intentionem. Unum & August. in Psalm. 34. *Quidquid egeris, bene ago; & laudasti Deum.* Et S. Hilarius ibid: *Per hoc efficiuntur: ut sine intermissione oremus: cum per opera Deo placeamus, & in gloriam ejus semper exercita, sancti cujusq; viri visa omnis, Oratio sit. Denique Qui conservat legem, multiplicat Orationem. Ecclesiast.*

35.



*In Nomine Domini Amen
Sicut erat*

*Sancti Mariae Virginis
Oratio sum miser*

di-
ga-
Se-
pon-
fient
ter-
& fa-
c. Et
ando
minus
fidu-
e, quo
quod

locales
s, vir-
ona in
M, seu
bfequi-
m. Un-
t. S. Hi.
Deo pla-
unus.

Maria Lora
quiser
S. C.

